



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

*Մեր կոնտակտները՝*

*Պաշտոնական կայք՝ <http://www.armin.am>*

*Էլ. փոստ՝ [info@armin.am](mailto:info@armin.am)*

ՌՐԻՍ ԴԱՍԱԿԵՆՆԵՐԻ ԳՐԱԴԱՐԱՆ

БИБЛИОТЕКА РУССКОЙ КЛАССИКИ

Михаил Шолохов

Միխայիլ Շոլոխով

ТИХИЙ ДОН

ԽԱՂԱՂ ԴՈՆԸ

В ЧЕТЫРЕХ ТОМАХ

ՉՈՐՍ ՆԱՏՈՐՈՎ



ТОМ  
ЧЕТВЕРТЫЙ

ՆԱՏՈՐ  
ՉՈՐՐՈՐԴ

Перевод  
А. Мазманяна

Թարգմանությունը  
Դ. Մազմանյանի

ИЗДАТЕЛЬСТВО  
«СОВЕТАКАН ГРОХ»  
ЕРЕВАН 1978

«ՍՈՎԵՏԱԿԱՆ ԳՐՈՂ»  
ՀՐԱՏԱՐԱԿՉՈՒԹՅՈՒՆ ԵՐԵՎԱՆ — 1978



## Յ Ո Թ Ե Ր Ո Ր Դ Մ Ա Ս

### 1

Վերին Դոնի ապստամբությունը, որ Հարավային սահմանափակ տիրույթի զգալի բանակույթյամբ կարմիր զորքեր էր քաշել, Դոնի բանակի հրամանատարությունը հնարավորություն տվեց ոչ միայն ազատորեն իր զորքերի վերախմբավորում կատարել նովոչերկասկը պաշտպանող սահմանափակ տում, այլև Կամենսկայա և Ուստ-Բելոկալիտվենսկայա ստանիցաների շրջանում առավել կայուն ու փորձված, զրլխավորապես Դոնի ստորին ավազանի ու կալմիկական զրնգերից կենտրոնացնել հարվածային հզոր մի խումբ, որի խնդիրն էր համապատասխան ժամին գեներալ Ֆիցխելաուրովի զորամասերի հետ համառոտ ետ մղել 8-րդ կարմիր բանակի մի մասը կազմող 12-րդ դիվիզիան, ու հարվածելով 13-րդ և Ուրալյան դիվիզիաների թև ու թիկունքին, կռվով անցնել հյուսիս՝ Վերին Դոնի ապստամբներին միանալու համար:

Հարվածային խմբի կենտրոնացման պլանը, որ իր ժամանակին մշակել էին Դոնի բանակի հրամանատար գեներալ Դենիսովը և շտաբի պետ գեներալ Պոլյակովը, մայիսի վերջին գրեթե ամբողջովին իրագործվեց: Կամենսկու ուղղությամբ նետեցին մոտ 16000 սվին և սուր, 36 հրանոթ ու 140 գնդացի: Վրա էին հասնում վերջին հեծյալ զորամասերը և ընտիր գնդերը այսպես կոչված երիտասարդ բանակի, որ կազմվել էր 1918 թվականի ամառը, զորակոչի հասակ ունեցող երիտասարդ կազակներից:

70302 (340) 111  
Շ 705 (01) 78 111.78 «Տ»

© «Սովետական գրող» հրատարակչություն,  
Թարգմանված է հայերեն, 1978

Իսկ այդ ժամանակ ապստամբները, չորս կողմից շրջապատված, շարունակում էին ետ մղել պատժիչ կարմիր զորքերի գրոհները: Հարավում, Դոնի ձախ ափին ապստամբական երկու դիվիզիա համառորեն նստել էին խրամատներում ու չէին թողնում, որ հակառակորդն անցնի Դոնը, չնայած, որ կարմիրբանակային բազմաթիվ մարտկոցները ամբողջ ռազմաճակատով մեկ նրանց վրա գրեթե անընդհատ, հուժկու կրակ էին թափում. մնացած երեք դիվիզիան արևմուտքից, հարավից ու արևելքից պաշտպանում էին ապստամբական տերիտորիան, հսկայական կորուստներ էին կրում մանավանդ հյուսիս-արևելյան ճակատամասում, բայց և այնպես չէին նահանջում և շարունակ մնում էին հոպերի օկրուգի սահմաններում:

Տատարցիների հարյուրյակը, որ դիրքավորվել էր իր խուտորի դիմաց և ձանձրանում էր ակամա անգործությունից, մի անգամ կարմիրբանակայինների մեջ տագնապ առաջացրեց. մութ գիշերին կազակներից ոմանք կամավոր կերպով նավակներով անաղմուկ անցան Դոնի աջ կողմը, հանկարծակի հարձակվեցին կարմիրբանակային ուղեկալի վրա, սպանեցին չորս կարմիրբանակային ու գրավեցին մի գնդացի: Մյուս օրը կարմիրները Վեշենսկու մերձակայքից մի մարտկոց բերին, և սա շեշտակի կրակ բացեց կազակական խրամատների վրա: Հենց որ անտառով մեկ սկսեց շառաչել շրապնելը, հարյուրյակները շտապ թողին խրամատները, հեռացան Դոնից, մտան անտառի խորքը: Մի օր հետո մարտկոցը ետ կանչվեց, և տատարցիները նորից գրավեցին լքած դիրքերը: Թնդանոթային հրակոծությունից հարյուրյակը կորուստներ կրեց. արկի բեկորներից սպանվեցին երկու փոքրահասակ կազակ վերջին օրերում վրա հասած համալրումից, ու վիրավորվեց հարյուրյակի հրամանատարի բանբերը, որ դրանից առաջ հենց նոր էր եկել Վեշենսկայայից:

Հետո որոշ հանդարտություն տիրեց, ու խրամատներում կյանքը ընթացավ նախկին ձևով: Հաճախակի գալիս էին կնանիքը, գիշերներին հաց ու օղի էին բերում, կազակները ուտելիքի պակասություն չէին զգում. նրանք երկու հատ կորած երինջ մորթեցին. բացի այդ, լճերում ամեն օր

ձուկ էին որսում: Խրիստոնյան ձկան գործում գլխավորն էր: Նրա իրավասության տակ էր գտնվում տասը սաժենանոց մի ուռկան, որ նահանջողներից մեկը թողել էր գետափին, ուռկանը ընկել էր հարյուրյակի ձեռքը, ու Խրիստոնյան որսի ժամանակ միշտ էլ անցնում էր «խորունկ տեղերով», պարծենալով, թե մարգագետնում չկա այնպիսի մի լիճ, որ նա չկարողանար անցնել: Մի շաբաթվա անդադար ձկնորսության ընթացքում նրա շապիկն ու շավթարը այնքան ձկնային շանցնող հոտ էին ներծծել, որ Անիկուշկան ի վերջո կտրականապես հրաժարվեց նրա հետ միևնույն գետնատանը գիշերելուց, հայտարարեց.

— Քեզանից հոտ է փչում, ոնց որ սատկած լոբոյից: Եթե մի օր էլ այստեղ բեղ հետ ապրեմ, հետո ամբողջ կյանքումս մի կտոր ձուկ էլ չեմ կարողանա բերանս դնել...

Այնուհետև Անիկուշկան, չնայելով մոծակներին, քնում էր գետնատան կողքին: Քնելուց առաջ, զզվանքից կնճոտելով դեմքը, ավելում էր ավազի վրա թափթփված ձկան թեփուկը ու ձկան գարշահոտ փորոտիքը, իսկ առավոտը Խրիստոնյան, վերադառնալով որսից, հանգիստ, ծանրումեծ նրստում էր գետնատան մուտքի առաջ ու էլի մաքրում իր բերած ծածան ձկները, թափում դրանց փորոտիքը: Նրա մոտ հավաքվում էին կանաչ, որդակեր ձանձերը, սողեսող վրա էին տալիս անթիվ ու անհամար, կատաղի, դեղին մրջյունները: Հետո հեկալով մոտ էր վազում Անիկուշկան, դեռ հեռվից բղավում.

— էլ ուրիշ տեղ չգտար: Երանի թե խեղդվեիր ձկան ոսկորից, գրողի տարած: Դեհ, ի սեր Քրիստոսի, դեն քաշվիր: Ես այստեղ քնում եմ, իսկ դու ձկան աղիքներ ես թափել, հավաքել ամբողջ օկրուգի մժեղները ու զզվելի հոտ տարածել, ոնց որ Աստրախանում:

Խրիստոնյան, որ սրբում էր իր շինած դանակը, քսում շալվարին, մտախոհ ու երկար նայում Անիկուշկայի անբեղ, վրդովված դեմքին, հանգիստ ասաց.

— Ուրեմս դու, Անիկեյ, փորումդ ճիճու ունեա, որ ձկան հոտ չես տանում: Անոթի փորով սխտոր կեր, հը՞  
Թքելով ու հայհոյելով Անիկուշկան հեռացավ:  
Օրեցօր շարունակվում էին նրանց ընդհարումները:

Բայց ընդհանրապես հարյուրյակը խաղաղ էր ապրում: Լիա-  
ռատ ուտելիքի շնորհիվ բոլոր կազակներն էլ ուրախ էին,  
բացի Ստեպան Աստախովից:

Արդյո՞ք իրենց խուտորի կազակներից էր իմացել Ստե-  
պանը, թե՞ սիրտն էր վկայում, որ Ակսինյան Վեշենսկում  
հանդիպում է Գրիգորիի հետ, բայց նա հանկարծ տխրեց,  
առանց պատճառի կովեց դասակապետի հետ ու կտրակա-  
նապես հրաժարվեց պահակային ծառայություն կատարելուց:

Նա շարունակ պառկում էր գետնատանը, սև, նշաններ  
արված կարպետի վրա, հոգոց էր հանում և ազահուծյամբ  
ծխում տնային մշակության ծխախոտը: Հետո էլ լսեց, որ  
հարյուրյակի հրամանատարը Անիկուշկային ուղարկում է Վե-  
շենսկայա, փամփուշտներ բերելու, և երկու օրվա ընթացքում  
առաջին անգամ դուրս ելավ գետնատնից: Կկոցելով ար-  
տասովող, անքնությունից ուռած աչքերը, անվստահ դիտեց  
տատանվող ծառերի փրշոտ, կուրացուցիչ-վառ սաղարթը,  
հողմավար, սպիտակաբաշ ամպերը, լսեց անտառի քրթմնջող  
աղմուկը ու քայլեց գետնատների կողքից՝ Անիկուշկային  
փնտրելու:

Կազակների ներկայությամբ չխոսեց նրա հետ, այլ տա-  
րավ մի կողմ, խնդրեց հետևյալը:

— Վեշկիում գտիր Ակսինյային ու իմ կողմից ասա, որ  
գա ինձ տեսնելու: Ասա, որ ես ոչլուտել եմ, շապիկներս ու  
վարտիքներս անլվա են, ու հետո էլ ասա...— Ստեպանը մի  
ակնթարթ լռեց, բեղի տակին թաքցրեց շփոթմունքի քմծի-  
ճաղը, վերջացրեց խոսքը:— Ասա, որ ես շատ եմ կարոտել,  
թող շուտ գա:

Անիկուշկան գիշերով հասավ Վեշենսկայա, գտավ Ակ-  
սինյայի բնակարանը: Գրիգորիից բաժանվելուց հետո Ակ-  
սինյան դարձյալ ապրում էր մորաքրոջ մոտ: Անիկուշկան  
բարեխղճությամբ հաղորդեց Ստեպանի ասածները, բայց  
խորապես ազդելու համար իր կողմից ավելացրեց, որ Ստե-  
պանը սպառնում էր անձամբ գնալ Վեշենսկայա, եթե Ակ-  
սինյան չգա հարյուրյակ:

Ակսինյան լսեց պատվերը ու պատրաստվեց գնալու:  
Մորաքույրը հապճեպորեն խմոր հունցեց, կաթնահունց թը-  
խեց, իսկ երկու ժամից հետո Ակսինյան, որպես հլու կին,

արդեն Անիկուշկայի հետ սայլակով գնում էր Տատարսկի  
հարյուրյակի գրաված վայրը:

Ստեպանը կնոջը դիմավորեց թաքցրած հուզմունքով:  
Նա գննում էր Ակսինյայի նիհարած դեմքը, զգուշությամբ  
հարցեր էր տալիս, բայց ոչ մի խոսք չասաց, թե Ակսինյան  
Գրիգորիին տեսե՞լ է թե ոչ: Խոսակցության ժամանակ մի-  
այն մի անգամ, նայելով գետնին, մի քիչ դեմքը շուտ տա-  
լով, հարցրեց:

— Բա դու ինչո՞ւ Վեշկի գնացիր այն կողմից, ինչո՞ւ  
խուտորի դիմաց շանցար Դոնը:

Ակսինյան շուր պատասխանեց, որ ուրիշների հետ անց-  
նել հնարավոր չէր, իսկ Մելեխովներին խնդրել չէր ուզում:  
Եվ արդեն պատասխանելուց հետո գլխի ընկավ, որ դուրս է  
գալիս, թե Մելեխովները ոչ թե ուրիշներ, այլ յուրայիններ  
են: Ու շփոթվեց այն պատճառով, որ Ստեպանն էլ կարող  
էր բանն այդպես հասկանալ: Իսկ վերջինս հավանորեն այդ-  
պես էլ հասկացավ: Նրա հոնքերի տակին ինչ-որ դող նկատ-  
վեց ու դեմքով ասես մի ստվեր անցավ:

Նա հարցականորեն աչքերը բարձրացրեց Ակսինյայի  
վրա, ու վերջինս, հասկանալով այդ լուռ հարցը, հանկարծ  
շիկնեց շփոթությունից, ինքն իր վրա զդայնանալուց:

Նայելով նրան, Ստեպանը այնպես ցույց տվեց, թե ո-  
չինչ չհասկաց, խոսակցությունը շուտ տվեց տուն ու տեղի  
վրա, սկսեց հարցեր տալ, թե Ակսինյան նախքան տանից  
հեռանալը ինչ իրեր է թաքցրել և արդյո՞ք հուսալի կերպով  
է թաքցրել:

Ակսինյան ինքն իր մեջ նշելով ամուսնու մեծահոգու-  
թյունը, պատասխանում էր նրան, բայց շարունակ ինչ-որ  
ներքին ճնշող անհարմարություն էր զգում, և որպեսզի ա-  
մուսնուն համոզեր, որ իզուր է եղել այն ամենը, ինչ որ ե-  
ղել է իրենց մեջ, որպեսզի թաքցներ հենց իր հուզմունքը,  
դիտմամբ դանդաղեցնում էր իր խոսքը, գործնական զսպվա-  
ծությամբ ու չորությամբ էր խոսում:

Նրանք խոսում էին գետնատանը նստած: Նրանց շարու-  
նակ խանդարում էին կազակները: Ներս էր մտնում մերթ  
մեկը, մերթ մյուսը: Եկավ Խրիստոնյան ու հենց այնտեղ  
պառկեց քնելու: Տեսնելով, որ չի հաջողվի խոսել առանց

կողմնակիցների ներկայութան, Ստեպանը ահամա դադարեցրեց խոսակցութիւնը:

Ակսիւնյան ուրախացած վեր կացավ, արագ-արագ բացեց կապոցը, ամուսնուն հյուրասիրեց ստանիցայից բերած կաթնահունցով, ու Ստեպանի երթական պարկից վերցնելով կեղտոտ սպիտակեղենը, դուրս ելավ, որ լվա մոտակա լճակում:

Անտառի վրա շոքել էին վաղորդյան անդորրութիւնը և բաց կապույտ մուժը: Յողով ծանրացած խոտաբույսերը թեքվել էին գետնին: Լճակներում աններդաշնակ կռկռում էին գորտերը ու գետնատանը բոլորովին մոտիկ տեղում, թխկիի փարթամ աճած թփի ետևում ճոճուալի ձայնով ճովողում էր ջրահավը:

Ակսիւնյան անցավ թփի կողքից: Թուփը ամբողջովին, կատարից մինչև խիտ խոտաբույսերով պատած բունը ցանցը վել էր սարդի ոստայնով: Ոստայնի թելերը, ցողի մանրագույն կաթիլներով պատած, շողում էին մարգարտի նման: Զրահավը մի թուփ լոռեց, հետո էլ,— դեռ չէր շտկվել Ակսիւնյայի բորիկ ոտքերի տակ ճմլված խոտաբույսերը,— նորից ձայն տվեց ու, պատասխանելով նրան, ցավագին արձագանքեց լճակից բարձրացած կիլիվը:

Ակսիւնյան հանեց կոֆտան ու իր շարժումները ճնշող կրծկալը, մինչև ծնկները մտավ լճակի թարմ, տաք ջրի մեջ, սկսեց վացքը: Նրա շուրջ թռչկոտում էին մլակները, բըզզում էին մոծակները: Արմունկից ծալված, հաստիկ ու թուփ թևով նա դեմքից քշում էր մոծակները: Անընդհատ մտածում էր Գրիգորիի մասին, իրենց վերջին գծտութիւն մասին, որ տեղի ունեցավ այն ժամանակ, երբ Գրիգորին մեկնեց հարյուրյակ:

«Կարելի է հիմի նա փնտրո՞ւմ է ինձ. հենց այս գիշեր կվերադառնամ ստանիցա»,— հաստատապես որոշեց Ակսիւնյան ու ժպտաց, մտածելով, թե ինչպես կհանդիպի Գրիգորիին և ինչպես իրենք կհաշտվեն շուտով:

Տարօրինակ բան. վերջին ժամանակներում մտածելով Գրիգորիի մասին, Ակսիւնյան չգիտես ինչու նրա արտաքին կերպարանքը չէր պատկերացնում այնպես, ինչպես նա կար իրականում: Ակսիւնյայի աչքերի առաջ պատկերանում էր ոչ

թե այժմյան Գրիգորին, մեծ, քաջակրող, ընկած-ելած և շատ բան տեսած այդ կազակը հոգնածութեամբ կկոցվող աչքերով, սև բեղերի շեկիկացած ծայրերով, քունքերի անժամանակ սպիտակութեամբ ու ճակատի կոշտ կնճիռներով,— պատերազմի տարիներին կրած զրկանքների անջրջելի հետքերով,— այլ առաջվա այն Գրիշկա Մելեխովը, որ պատանու պես կոպիտ ու անշնորհ էր փայփայանքների մեջ, կլոր ու բարակ վզով և մշտապես ժպտացող շուրթերի անփութ կերտվածքով:

Ու դրա համար էլ Ակսիւնյան դեպի Գրիգորին է՛լ ավելի մեծ սեր ու համարյա մայրական քնքշութիւն էր տածում:

Եվ ահա այժմ էլ, հիշողութեան մեջ առավելագույն պայծառութեամբ վերականգնելով անսահմանորեն սիրելի դիմագծերը, Ակսիւնյան ծանր հոգոց հանեց, ժպտաց, շրտկվեց, և ամուսնու կիսավա շապիկը գցելով ոտքերի տակ ու կոկորդոսի զգալով հանկարծակի վրա հասած քաղցր հեկեկանքների ճնշումը, շշնջաց.

— Ողջ կյանքումս դու իմ սրտում բույն ես դրել, անիծված:

Արցունքները թեթևացրին նրան, բայց դրանից հետո իր շուրջը ասես դալկացավ առավոտյան կապտաշող աշխարհը: Նա ձեռքի երեսով սրբեց այտերը, թաց ճակատից ետ գցեց մազերը և խամրած աչքերով երկար ու անխոհ հետևում էր, թե ջրի երեսին ինչպես է սահում փոքրիկ, գորշ մի բազիկ, չքանում հողմավար մշուշի վարդավուն ժանյակում:

Լվալով սպիտակեղենը, Ակսիւնյան այն փոռեց թփերին, եկավ գետնատուն:

Արթնացած խրիստոնյան նստել էր գետնատան ելքի մոտ, շարժում էր ոտքերի հանգուցավոր, ծուռումուռ մատները, համառորեն խոսակցութիւն էր բաց անում Ստեպանի հետ, իսկ վերջինս կարպետի վրա պառկած, լուռ ծխում էր, համառորեն չպատասխանելով խրիստոնյայի հարցերին:

— Ուրեմս, դու կարծում ես, որ կարմիրները չե՞ն անցնելու Գոնի այս կողմը: Լո՞ւմ ես: էհ, սակի: Իսկ ես կարծում եմ, որ անպատճառ կանցնեն ծանծաղ տեղերով... Անպատճառ ծանծաղ տեղերով: Ուրիշ հարմար տեղեր չկան նրանց համար: Կամ թե կարծում ես, որ հեծելազորը լո՞ղ տալո՞ւմ

կանցկացնեն: էլ ի՞նչ ես լուսմ, Ստեպան: Այստեղ, ուրեմս, գործը վերջանալու մոտ է, իսկ դու սուսուսուս պառկել ես ոնց որ քոթուկ:

Ստեպանը նույնիսկ վեր թռավ տեղից, բարկացկոտ պատասխանեց.

— Ի՞նչ ես կպել, է՞: Զարմանալի մարդ ես: Կինս այցելուութան է եկել, իսկ ձեզնից պրծնել չկա... Վրա են տալի հիմար խոսակցություններով, չեն թողնում, որ մարդ իրեն կրնական մի խոսք ասի:

— Խոսակից ես գտել էլի՞... — Դժգոհ երիտոնյան վեր կացավ, կարկատած քոշերը հագավ բոբիկ ոտքերին, դուրս եկավ՝ գլուխը ցավագին զարկելով դռան վերևի դրնդիին:

— Չեն թողնի, որ մենք այստեղ խոսենք, եկ գնանք անտառ,— առաջարկեց Ստեպանը:

Ու առանց համաձայնություն սպասելու, դուրս եկավ: Ակսիյան հնազանդությամբ հետևեց նրան:

Կեսօրին նրանք վերադարձան գետնատուն: Երկրորդ դասակի կազակները, որոնք պառկոտել էին լաստենուտում, ստվերում, տեսնելով նրանց, մի կողմ դրին խաղաթղթերը, լեցին, խոսուն հայացքով միմյանց աչքով արեցին, քմծիծաղ տվեցին ու կեղծ հոգոցներ հանեցին:

Ակսիյան անցավ նրանց կողքից՝ արհամարհաբար ծոմոնելով շուրթերը, քայլելիս շտկելով ճմռթված, սպիտակ ու ժանյակավոր լաշակը: Նրան լուսյամբ ճամփեցին, բայց հենց որ ետևից եկող Ստեպանը հասավ կազակներին Անիկուշկան վեր կացավ ու անջատվեց պառկածների խմբից: Նա կեղծ հարգանքով մինչև գոտին գլուխ տվեց Ստեպանին, բարձրաձայն ասաց.

— Շնհավոր լինի տոնդ... պասդ կոտրելը:

Ստեպանը հաճույքով ժպտաց: Նրա համար դուրեկան էր, որ կազակները իրեն տեսել էին կնոջ հետ անտառից վերադառնալիս: Չէ՞ որ դա որոշ չափով նպաստում էր այն բոլոր լուրերի հերքման, թե ինքը կնոջ հետ վատ է ապրում... Նա մինչև իսկ կտրիճաբար թափահարեց ուսերը՝ ինքնագոհ ցույց տալով շապիկը, որի վրա դեռ չէր չորացել քրտինքը:

Եվ միայն դրանից հետո խրախուսված կազակները աշխուժացան, խոսեցին քրքշալով.

— Տղերք, հո կնիկ չի, կրակ է, հա՛ւա: Ստյոպկայի շապիկը քամես, ինչքան քրտինք կթափվի... Ո՞նց է սեղմրոտել մեջքը:

— Հոգին հանել է, էլի, լողացրել քափ ու քրտնքի մեջ...

Մի ջահել տղա, որ գմայլված, մշուշված հայացքով ուղեկցում էր Ակսիյայային հենց մինչև գետնատունը, հուսալքված ասավ.

— Արար-աշխարհում այդպիսի գեղեցկուհի չես գտնի, աստված վկա:

Անիկուշկան խելամիտ կերպով հարց տվեց նրան.

— Իսկ դու փորձե՞լ ես փնտրել:

Ակսիյայան, որ լսում էր անվայել խոսակցությունը, մի փոքր գունատվեց, մտավ գետնատուն, զզվանքից կնճռոտեց դեմքը՝ հիշելով քիչ առաջվա մերձավորությունը ամուսնու հետ և վերջինիս ընկերների անպարկեշտ դիտողությունները: Ստեպանը առաջին հայացքից հասկացավ նրա տրամադրությունը, հաշտվողաբար ասաց.

— Գու այդ հովատակների վրա մի բարկանա, Կսյուշա: Չանձրույթից են այդպես խոսում:

— Ո՞ւմ վրա պիտի բարկանամ,— խուլ պատասխանեց Ակսիյայան՝ խառնելով իր քաթանե տոպրակը, դրանից հապճեպորեն հանելով այն ամենը, ինչ որ բերել էր ամուսնուն: Ու ցածրացնելով ձայնը, ավելացրեց.— Պետք է որ ինքս ինձ վրա բարկանայի, համա սիրտ չկա...

Նրանց խոսակցությունը ինչ-որ գլուխ չէր գալիս: Տաք բոպից հետո Ակսիյայան վեր կացավ: «Հիմա սրան կասեմ, որ գնում եմ Վեշկի»,— մտածեց նա և իսկույն հիշեց, որ դեռ չէր հավաքել Ստեպանի չորացած սպիտակեղենը:

Երկար նորոգում էր ամուսնու շապիկներն ու վարտիքները, որոնք քրտնախաշ էին եղել. նստել էր գետնատան մուտքի մոտ, հաճախակի նայում էր կեսօրից հետո դեպի արևմուտք թեքված արևին:

...Այդ օրը նա այնպես էլ չգնաց: Սիրտ չարեց: Իսկ առավոտյան, հենց որ ծագեց արևը, նա պատրաստվեց գնալու: Ստեպանը փորձեց պահել նրան, խնդրեց մի օր էլ մնալ, բայց Ակսիյայան այնքան համոռոտին մերժեց նրա խընդրանքը, որ նա էլ չհամողեց, անջատվելիս միայն հարցրեց.



- Ուզում ես վեշկիտ՞ում ապրել:
- Առայժմ վեշկիտում:
- Գուցե մնա՞լիր ինձ մոտ:
- Ինձ վայել չէ լինել այստեղ... կաղակների հետ:
- Ասենք, ճիշտ է... — համաձայնվեց Ստեպանը, բայց սառը հրաժեշտ տվեց:

Փշում էր հարավ-արևելյան ուժեղ քամին: Թռչում էր հեռվից, գիշերվա ընթացքում քիչ հանդարտվել էր, բայց առավոտյան այնուամենայնիվ բերեց անդրկասպյան անապատների բորբ ջերմությունը, ու նետվելով ձախափնյա մարգագետինները, շորացրեց ցողը, ցրեց մշուշը, վարդավուն, խեղդուկ մուժով պարուրեց Դոնի մերձակա լեռների կավճուս ճյուղավորությունները:

Ակսինյան հանեց քոշերը ու, ձախ ձեռքով վերցնելով շրջագգեստի փեշը (անտառի խոտաբույսերի վրա դեռ ցող կար), թեթևաքայլ գնում էր անտառային լքած ճանապարհով: Խոնավ գետինը հաճելիորեն զովացնում էր նրա բոբիկ ոտները, իսկ շոր քամին տենչալի, տաք շրթունքներով համբուրում էր մերկ, չաղլիկ սրունքները և պարանոցը:

Մի բացատում, մասրենու ծաղկող թփի մոտ նա նստեց հանգստանալու: Ինչ-որ մոտիկ տեղում, շորացած լճակում, եզեզների մեջ կշկշում էին վայրի բաղբրը, մի արու բաղ խոպոտ կանչում էր ընկերուհուն: Դոնի մյուս կողմում ոչ այնքան արագ, բայց համարյա անդադար ճարձատում էին գնդացիները, երբեմնակի որոտում էին թնդանոթների կրակոցները: Արկերի պայթյունները Դոնի այս կողմում դմբղմբալով էին հնչում ինչպես արձագանք:

Նստո հրաձգությունը ընդհատվեց, ու Ակսինյայի առաջ աշխարհը բացվեց իր խորախորհուրդ հնչողությամբ. քամուց դողդողում, շրշում էին հացենիների կանաչ և սպիտակ երանգավորված տերևները ու կաղնիների ձուլածո, նախշերով քանդակված տերևները, բարդու մատղաշ անտառի մացառուտներից լողում էր համաձուլյ դժոնցը. հեռու հեռվում կկուն անորոշ ու տրտմագին հաշվում էր մեկնում մեկի չապրած տարիները. լճակի վերևից թռչող փուփուկ կիվիվը համառորեն հարցնում էր՝ «ինչի՞, է՞, ինչի՞, է՞»։ Ինչ-որ մի փոքրիկ, մոխրագույն թռչնակ Ակսինյայից երկու

քայլ հեռավորությամբ ջուր էր խմում ճանապարհի անվահետքից՝ բարձրացնելով գլխի՛լը ու քաղցր կկոցելով աշիկը. բզզում էին թավշյա, փոշուտ իշամեղունները. մարգարտածաղիկների պսակների վրա նոճվում էին թուխ, վայրի մեղունները: Դրանք պոկվում էին ու անուշաբույր ծաղկափողին տանում ստվերոտ, դով փշակները: Կաղամախիների ոստերից հյուսիս էր կաթում: Իսկ մլենու թփի տակից ծորում էր նախորդ տարվա փտող սաղարթի տախլ ու բարկ նեխահոտը:

Անշարժ նստած Ակսինյան անհագ ներշնչում էր անտառի բազմազան բույրերը: Հրաշալի ու բազմապիսի հընչյուններով լեցուն անտառը հզորագոր, նախնական կյանքով էր ապրում: Մարգագետնի հողը, որ գարնանը ծածկվել էր գետի ջրով ու լիուլի հագեցված էր խոնավությամբ, այնպիսի ճոխ ու բազմատեսակ խոտաբույսեր էր սնել ու աճեցրել, որ Ակսինյայի աչքերը կորչում էին ծաղիկների ու խոտաբույսերի այդ հիասքանչ ծովում:

Ժպտալով ու լուռ շարժելով շրթունքները, Ակսինյան զգույշ տնտղում էր անանուն, կապույտ անրիծ ծաղիկների ցողունիկները, հետո թեքեց գեր իրանը, որպեսզի հոտ քաշեր, ու հանկարծ զգաց հովտաշուշանի տաղտիչ ու քաղցրավուն բուրմունքը: Խառնխտելով ծաղիկները, նա գտավ հովտաշուշանը: Դա աճել էր այդտեղ, խիստ ստվերախիտ թփի տակ: Լայն, մի ժամանակ դալար տերևները դեռևս արևից խնամքով պաշտպանում էին ցածրիկ, կորացած ցողունիկը, որ պսակված էր ձյան պես սպիտակ, զլխակոր ծաղկաբաժակներով: Բայց ցողով ու դեղին ժանգով պատած տերևները մեռնում էին, ծաղիկն ինքն էլ արդեն մահամերձ վիճակում էր. երկու ստորին բաժակները կծկվել ու սևացել էին, միայն կատարը, որ պատած էր ցողի կայծկլտող շիթերով, հանկարծ արևի տակ բռնկվեց կուրացուցիչ, հմայուն սպիտակությամբ:

Ու չգիտես ինչու այդ ակնթարթում, երբ նրա արցունքի միջով գննում էր ծաղիկը ու ներշնչում դրա տարտամ բույրը, վերհիշեց իր ջահելությունը և իր երկար, բերկրանքներով աղբատ կյանքը: Դե, ինչ արած, երևում էր, որ պառավել էր Ակսինյան... Մի՞թե ջահել կիներ լաց կլինի այն պատճառով, որ պատահական մի հուշ կնվաճի իր սիրտը:

Հենց այդպես արտասովորով էլ քուն մտավ երեսնիվայր, լացակումած դեմքը ձեռներին մեջ թաղած, ուռած ու խոնավ այտը սեղմելով ճմռթված լաշակին:

Քամին ավելի ուժեղ էր փչում, բարդիների ու ուռենիների գագաթները թեքում դեպի արևմուտք: Ճոճվում էր հացենու դալուկ բունը, որ պարուրված էր օրորվող սաղարթի սպիտակ, վառ ծածկոցով: Քամին ցածրանում էր, ընկնում մասրենու լիովին փթթած թփի վրա, որի տակ քնած էր Ակսինյան, ու այդ ժամանակ, ինչպես հեքիաթային կանաչ թռչունների վախեցած երամ, տազնապալից շրջյունով վեր էին թռչում տերևները՝ թափելով վարդագեղ փետուրները.— ծաղկաթերթերը: Մասրենու թորշոմ ծաղկաթերթերով ծածկված, քնել էր Ակսինյան ու չէր լսում ոչ անտառի խուլ աղմուկը, ոչ էլ Գոնի մյուս կողմում վերսկսված հրաձգությունը, չէր զգում, թե զենիթին հասած արևը ինչպես է վառում իր շծածկված գլուխը: Լսելով մարդկային ձայներ ու ձիերի փնչոց, իսկույն արթնացավ, նստեց:

Նրա կողքին կանգնել էր երիտասարդ, շիկաբեղ ու սպիտակ ատամներով մի կազակ, բռնել թամբած, սպիտակառունգ ձիու սանձը: Նա թունդ ժպտում էր, թափահարում ուսերը, պարում, խոպոտ, սակայն հաճելի ու բարակ ձայնով արտասանում մի ուրախ երգի խոսքերը.

Ես ընկա ու պռակեցի  
Չորս բոլորս նայեցի:  
Դես եմ նայում,  
Դեն եմ նայում,  
Ոչ մեկն ինձ չի ոտքի հանում:  
Ետ նայեցի ու տեսա  
Կողքես կանգնած մի կազակ...

— Ես ինքս էլ վեր կկենամ,— ժպտաց Ակսինյան ու արագ վեր թռավ՝ շտկելով ճմռթված շրջազգեստը:

— Է՛հ, բարև, ջանիկա: Տոտիկներդ թուլացե՞լ են, թե՞ ծուլացել ես,— ողջունեց նրան ուրախ կազակը:

— Քունս էր տարել,— շփոթված պատասխանեց Ակսինյան:

— Վեշկի՞ ես գնում:

— Վեշկի:

— Ուզո՞ւմ ես տանեմ:

— Ինչո՞վ:

— Դու նստիր իմ ձիին, իսկ ես ոտքով կգնամ: Մաղարիչի բան է, էլի՛... — ու կազակը զվարճալի, բազմանշանակ աչքով արավ:

— Չէ՛ աղբեր, գնա քո ճամփեն, իսկ ես ոտքով էլ տեղ կհասնեմ:

Բայց կազակը ցուցաբերեց սիրային գործերում իր ունեցած փորձառությունը և համառությունը: Օգտվելով նրանից, որ Ակսինյան ծածկվում էր շալով, նա իր կարճ, բայց ուժեղ ձեռքով գրկեց նրան, թափով քաշեց դեպի իրեն և ուզում էր համբուրել:

— Հիմարություն մի՛ անիր,— գոչեց Ակսինյան ու արմունկով ուժեղ խփեց նրա քթարմատին:

— Միրունիկա, մի՛ խփի: Մտիկ տուր, թե ինչքան լավ է մեր շորս բոլորը... Ամեն մի շունչ-կենդանի զուգավորվում է... Արի մենք էլ մեղք գործենք... — կկոցելով ծիծաղկոտ աչքերը, բեղբրը քամսելով Ակսինյայի պարանոցին, շշնջում էր կազակը:

Թևերը տարածած, ձեռները անզայրույթ, բայց ուժեղ դեմ անելով կազակի թուխ, քրտնած դեմքին, Ակսինյան փորձեց պոկվել, բայց կազակը ամուր բռնել էր նրան:

— Հիմա՛ր, ես հիվանդ եմ վատ հիվանդությամբ... Թո՛ղ,— խնդրում էր նա շնչասպառ, մտածելով, թե այդ նախի խորամանկությամբ կազատվի կազակից:

— Հը՛մ... բա իմ վիճակը ավելի վատ չէ՞... — արդեն ատամների միջից մոթմոթաց կազակը ու հանկարծ Ակսինյային հեշտությամբ բարձրացրեց գետնից:

Մի ակնթարթ գիտակցելով, որ կատակը վերջացել է և գործը վատ է գնում, Ակսինյան ամբողջ ուժով մեկ բռունցքով խփեց կազակի քթին, որ արևից դարչնագույն էր դառնալով, ու դուրս պրծավ իրեն պինդ բռնած ձեռքերից:

— Ես Գրիգորի Մելիխովի կինն եմ: Փորձիր մոտենալ, շուն շան որդի... կպատմեմ նրան, նա քեզ...

Դեռ չհավատալով իր խոսքերի ներգործության, Ակսինյան վերցրեց հաստ, շոր մի ձող: Բայց կազակը միանգամից սառեց: Պաշտպանական գույնի վերնաշապկի թեքով

բեղերից սրբելով արյունը, որ առատորեն ծորում էր երկու թթածակներից, նա դառնութեամբ բացականչեց.

— Հիմար, ա՛խ, հիմար կնիկ, բա ինչու առաջուց չասացիր: Թ՛յո՛ւ, ո՛նց է թափվում արյունը... Թշնամու հետ քիչ ենք արյուն թափում, հա՛-ա, հիմի էլ մեր հարազատ կնանիքն են սկսում արյուն առնել...

Նրա դեմքը հանկարծ դարձավ տխուր ու անսիրալիր: Մինչդեռ նա ճանապարհի կողքին լճացած ջուրը բռնով վերցնում էր ու լվացվում, Ակսինյան հապճեպորեն շուռ եկավ ճանապարհից, արագ անցավ բացատը: Հինգ ընկերից հետո կազակն անցավ նրանից: Նա լուռ ժպտալով, շեղակի նայեց Ակսինյային, կրծքի վրա սառնասրտութեամբ շտկեց հրացանի փոկը ու սլացավ արագ վարձով:

## 11

Այդ գիշեր Մալի Գրոմչենոկ խուտորի մոտ կարմիրբանակայինների մի գունդ տախտակներից ու գերաններից կառուցած լաստերով անցավ Դոնը:

Գրոմոկի հարյուրյակը հանկարծակիի բերվեց, որովհետև կազակների մեծամասնությունը այդ գիշեր քեֆ էր անում: Երեկոյից հարյուրյակի գրաված դիրքը եկան կազակների կանայք, նրանց տեսնելու: Նրանք իրենց հետ բերեցին ուտելիղեն, սափորներով ու դուլլերով օղի: Կեսգիշերին բոլորն էլ հարբած էին: Գետնատներում հնչում էին երգեր, հարբած կանանց ձղձոց, տղամարդկանց հոհոց և սուլոց... Ուղեկալում եղած քսան կազակները նույնպես մասնակցեցին խմելուն՝ գնդացրի մոտ թողնելով երկու գնդացրորդ և մի մեծ դուլլ օղի:

Լիակատար անդորրության մեջ Դոնի աջ ափից հեռացան կարմիրբանակայիններով բեռնված լաստերը: Անցնելով գետը, կարմիրբանակայինները շղթա կազմեցին, լուռ գնացին դևպի գետնատները, որոնք հիսուն սածեն հեռու էին Դոնից:

Սակրավորները, որոնք կառուցել էին լաստերը, արագ թիավարում էին՝ վերադառնալով բեռնման սպասող կարմիրբանակայինների նոր խումբը փոխադրելու:

Գետի ձախ կողմում հինգ ընկեր ոչինչ չէր լսվում, բացի կազակական անկապ երգերից. հետո թնդածայն սլայթի սկսեցին ձեռքի նռնակները, որոտաց գնդացիրը, միանգամից հրացանային անկարգ հրաձգություն բռնկվեց, ու կցկրտուր թնդաց աղաղակը՝ «Ուռա-ա՛-ա՛, ուռա-ա՛-ա, ուռա-ա՛-ա՛»:

Գրոմոկի հարյուրյակը ետ շարտվեց ու վերջնական ուղենշացման շենթարկվեց միայն այն պատճառով, որ հետապնդումը անհնարին էր գիշերային անթափանց խավարում:

Աննշան կորուստ ունեցած գրոմոկցիները կանանց հետ խուճապահար փախան մարգագետնով, Վեշենսկու ուղղությամբ: Իսկ այդ ժամանակ գետի աջ կողմից լաստերը կարմիրբանակայինների նոր խմբեր էին տեղափոխում, ու 111-րդ գնդի առաջին գումարտակի մի կիսավաշտ երկու ձեռնագնդացրով արդեն գործում էր Բազկիի ապստամբական հարյուրյակի թևում:

Տեղ հասած օժանդակ ուժերը նետվեցին դևպի ճեղքվածքը: Նրանց առաջարժումը չափազանց դժվար էր, որովհետև կարմիրբանակայիններից ոչ ոք չգիտեր տեղանքը, զորամասերը ուղեցույցներ չունեին, ու կուրորեն առաջ շարժվելով, գիշերային մթության մեջ շարունակ դեմ էին առնում լճերի ու վարարած ջրով լեցուն, խորունկ վտակներին, — դրանք ոտով անցնելն անհնարին էր:

Բրիգադի հրամանատարը, որ ղեկավարում էր հարձակումը, որոշում ընդունեց դադարեցնել հետապնդումը մինչև լուսաբաց, այն հաշվով, որ մինչև առավոտ մոտեցներ ռեզերվները, ուժերը կենտրոնացներ Վեշենսկու մատուցներում և հրետանային նախապատրաստությունից հետո ղեկավարեր հետագա հարձակումը:

Բայց Վեշենսկում արդեն շտապ միջոցներ էին ձեռնարկվում ճեղքվածքը լիկվիդացնելու համար: Հենց որ վրա հասավ կապավորը և լուր բերեց կարմիրների գետանցման մասին, շտաբի հերթապահը անմիջապես մարդ ուղարկեց Կուդինովին ու Մելեխովին կանչելու: Չոռնի, Գորոխովկա և Դուբրովկա խուտորներից կանչեցին Կարգինսկայայի գնդի հեծյալ հարյուրյակները: Գրիգորի Մելեխովը իր վրա վերցրեց գործողության ընդհանուր ղեկավարություն:

նրւ նա երեք հարյուր հեծելակ ուղարկեց Երինսկի խուտորը, այն հաշվով, որ նրանք ամրացնեն ձախ թևը և օգնեն Տատարսկի և Լեբյաժնինսկու հարյուրյակներին՝ դիմադրելու հակառակորդի ճնշման, այն դեպքում, եթե վերջինս արևելքից շրջանցեր Վեշենսկայան, Բազկիի հարյուրյակին օգնելու համար արևմուտքից, Գոնի հոսանքով դեպի ներքև ուղարկեց Վեշենսկու ոչ կազակական գուգազը և Չիրի հետևակ հարյուրյակներից մեկը. սպառնալի տեղամասերում ութ գնդացի դրեց, իսկ ինքը երկու հեծյալ հարյուրյակով գիշերով ժամը մոտ երկուսին տեղավորվեց Գորելի կոշված անտառի եզրին, սպասելով լուսաբացին ու մտադրվելով հեծյալ շարքով գրոհ տալ կարմիրբանակայինների վրա:

Գեռ շէին մարել համաստեղությունները, երբ Վեշենսկու ոչ կազակական գուգազը, անտառի միջից անցնելով Բազկիի գետածնկի ուղղությամբ, հանդիպեց նահանջող բազկեցիներին ու սրանց հակառակորդի տեղ ընդունելով, կարճատև հրաձգությունից հետո փախավ: Գուգազավորները լողալով անցան Վեշենսկայան գետածնկից բաժանող լայն լիճը՝ շտապելուց կոշկեղենը և հագուստը թողնելով լճի ափին: Լիխալը շուտով հայտնաբերվեց, բայց և ապշեցուցիչ արագությամբ տարածվեց այն լուրը. թե կարմիրները մոտենում են Վեշենսկուն: Գետնահարկերում ապաստանած փախստականները Վեշենսկուց փախան դեպի հյուսիս՝ ամենուրեք լուր տարածելով, թե կարմիրներն անցել են Դոնը, ճեղքել ռազմաճակատը և հարձակվում են Վեշենսկու ուղղությամբ...

Հազիվ էր լույսը բացվել, երբ Գրիգորին, լուր ստանալով ոչ կազակական գուգազի փախչելու մասին, ձիով սլացավ դեպի Դոն: Գուգազավորները պարզել էին տեղի ունեցած թյուրիմացությունը ու, բարձր խոսակցելով, արդեն վերադառնում էին խրամատները: Գրիգորին մոտեցավ մի խմբի, ծաղրանքով հարցրեց.

— Շա՞տ մարդ խեղդվեց, երբ լող էիք տալի լճի միջով: Թրջված, քայլելիս շապիկը մզող մի հրաձիգ շփոթված այստասխանեց.

— Ձկների պես էինք լողում, էլ ո՞նց կարող էինք խեղդվել...

— Ո՞վ ասես, որ չի շշկվի,— խոհեմաբար ասաց երկրորդը, որ միայն վարտիքով էր քայլում,— հա՛, մեր դասակապետը դրուստ որ քիչ մնաց խեղդվեր: Չէր ուզում բութիկանալ, երկար հանել փաթաթանները, ու լող տվեց, համա արի ու տես, որ մի փաթաթանը արձակվեց ջրի մեջ: Խճճեց նրա ոտները... Ո՞նց էր բղավում: Երևի ելանում էլ էր լսվում:

Գտնելով գուգազի հրամանատար Կրամսկովին, Գրիգորին նրան հրամայեց հրաձիգներին տանել անտառի ծայրը, նրանց այնպես տեղավորել, որ հարկավոր դեպքում կարելի լիներ թևից հրակոծել կարմիրբանակային շղթաները, իսկ ինքը ճանապարհվեց դեպի իր հարյուրյակները:

Կեսճանապարհին նրան հանդիպեց շտաբի սուրհանդակը: Սա կանգնեցրեց դժվարությամբ ետ-ետ գնացող ձին. թեթևացած շունչ առավ.

— Հազիվ գտա ձեզ:

— Ի՞նչ կա որ:

— Շտաբից հրամայել են հաղորդել, որ Տատարսկի հարյուրյակը թողել է խրամատները: Վախենում են, որ կշրջապատվեն, նահանջում են դեպի ավազուտները... Կուղինովը հրամայեց, որ դուք հենց հիմա շտապ գնաք այնտեղ:

Գրիգորին ամենակայտառ ձիեր ունեցող կազակների կես դասակով, անտառի միջով դուրս եկավ ճանապարհու Քսան րոպե գնալուց հետո նրանք արդեն Գոլի Իլմեն լճի մոտ էին: Նրանց ձախ կողմում մարգագետնով ցրիվ փախչում էին խուճապով բռնված տատարցիները: Ծակատայինները և փորձված կազակները անցնում էին առանց շտապելու, լճի կողքից, թաքնվելով առափնյա եղեգնուտում. իսկ մեծամասնությունը, որ ըստ երևույթին լոկ մի ցանկություն ուներ,— շուտ հասնել անտառ,— ուշադրություն չդարձնելով գնդացրային նոսր կրակի վրա, փախչում էր ուղիղ ճամփով:

— Հասնել դրանց, ձողկել մտրակներով... — գոռաց Գրիգորին՝ կատաղությունից աչքերը շլելով ու առաջինը նլացավ տատարցիների ետևից:

Բոլորի ետևից, կաղալով, օտարոտի կերպով կոստկոտալով, գնում էր Խրիստոնյան: Նախորդ օրը ձուկ որսալիս

նա եղեգնով խորունկ կտրել էր կրունկը, այս պատճառով էլ չէր կարողանում վազել իր երկար ոտներին հատուկ ամբողջ արագությամբ: Գրիգորին մտրակը գլխից վեր բարձրացրած, արդեն հասնում էր նրան: Ձիու ոտնաձայն լսելով, Խրիստոնյան ետ նայեց ու զգալի շփով արագացրեց իր ընթացքը:

— Ո՞ւր... Կա՛նգ առ... Կանգ առ, ասում եմ քեզ... — ապարդյուն գոռում էր Գրիգորին:

Բայց Խրիստոնյան չէր էլ մտածում կանգ առնել: Նա է՛լ ավելի արագացրեց վազքը՝ անցնելով ուղտին հատուկ ինչ-որ սանձարձակ քառատրոփի:

Այդ ժամանակ կատաղած Գրիգորին խուպոտ ձայնով, սարսափելի մայր հայհոյեց, հուշտ արեց ձիուն, վրա հասավ, մտրակով մեծ բավականությամբ զարկեց Խրիստոնյայի քրտնակալած մեջքին: Խրիստոնյան հարվածից վեր թռավ, հրեշավոր մի թռիչք, նապաստակի ձխաբս տալու պես ինչ-որ մի ցատկում կատարեց դեպի մի կողմ, նստեց գետնին, սկսեց անշտապ, մանրակրկիտորեն տնտղել մեջքը:

Գրիգորին ուղեկցող կազակները կտրում էին փախչողների ճանապարհը, կանգնեցնում էին նրանց, բայց մտրակները գործի չէին դնում:

— Չաղկե՛լ դրանց... Չաղկե՛լ... — խուպոտ գոռում էր Գրիգորին՝ թափահարելով իր շքեղ մտրակը: Նրա ձին թռչկոտում էր, ծառս լինում, ոչ մի կերպ չէր ուզում առաջ գնալ: Դժվարությամբ քշելով նրան, Գրիգորին սլացավ առջևում փախչողների ետևից: Սլանալիս նա մի ակնթարթ տեսավ մի թփի մոտ կանգ առած, լուռ ժպտացող Ստեփան Աստախովին. տեսավ, թե ինչպես Անիկուշկան ծիծաղից պպեղելով ու ձեռները խոսափողի ձևով միացրած, սուր, կանացի ձայնով ճղճղում էր.

— Տղերք, ճղեք, ով կարող է, կարմիրները... Թյո՛ւ նրանց... Շո՛ւտ...

Գրիգորին հասավ էլի մի տատարցու, որը բամբակաբաճկոն էր հագել, վազում էր անխոնջ ու կայտառ: Նրա կորացած կերպարանքը ծանոթ էր թվում, բայց լավ նայելու ժամանակ չկար, ու Գրիգորին դեռ հեռվից գոռաց.

— Կանգնի՛ր, շան որդի... Կանգնի՛ր, կթրատե՛մ...

Ու հանկարծ բամբկուն կուրտկայով մարդը դանդաղեցրեց վազքը, կանգ առավ, ու երբ շուռ էր գալիս, — բնորոշ, մանկութունից ծանոթ շարժմամբ ցույց տալով առավելազույն աստիճանի հասած հուզմունքը, — ապշած Գրիգորին դեռ նրա դեմքը շտեսած, ճանաչեց հորը:

Պանտելեյ Պրակոֆևիչի այտերը ցնցվում էին շղաձգությունից:

— Հարազատ հո՞րդ ես շան որդի ասում, հա՛: Սպառնում ես թրատե՛լ հորդ, — բարձր, կերկերուն ձայնով գոռաց նա:

Նրա աչքերն այնպիսի ծանոթ, խելագար կատաղությամբ էին մշուշվում, որ Գրիգորի վրդովմունքը միանգամից սասուց, և նա դժվարությամբ պահելով ձին, գոչեց.

— Ետևիցդ չճանաչեցի, էլ ի՞նչ ես բղավում, հայրիկ:

— Ո՞նց թե չճանաչեցիր. հորդ չճանաչեցիր, հա՛-ա...

Այնքան անհեթեթ ու անտեղի էր ծերունական այդ խոռովահանության արտահայտությունը, որ Գրիգորին, արդեն ծիծաղելով, մոտեցավ հորը, հաշտվողաբար ասաց.

— Հերս, մի բարկանա: Քո սերթուկը ես առաջ չէի տեսել, ու հետո, դու թռչում էիր ոնց որ մրցանակ տանող ձի, և ո՞ւր էր մնացել քո կաղությունը: Էլ ո՞նց ճանաչեի քեզ:

Ու դարձյալ, ինչպես այդ լինում էր առաջ տնային կենցաղում, Պանտելեյ Պրակոֆևիչը հանդարտվեց, ու դեռևս արագ, բայց հանգիստ շնչելով, համաձայնվեց.

— Ծիշտ ես ասում, սերթուկս նոր է, փոխանակել եմ մուշտակովս, — մուշտակս ծանր էր, իսկ կաղալ... Ախր ո՞նց կաղաս: Այստեղ, ախպեր, ի՞նչ կաղալու ժամանակ է... Մահը աչքներին առաջ է, իսկ դու ոտքի մասին ես խոսում...

— Էհ, մահը դեռ հեռու է: Ետ դարձ, հերս: Փամփուշտներդ հո դեն չե՛ս գցել:

— Ո՞ւր դառնամ, — վրդովվեց ծերունին:

Բայց հենց այստեղ Գրիգորին բարձրացրեց ձայնը. շնչտելով յուրաքանչյուր բառը, հրաման տվեց.

— Հրամայում եմ վերադառնալ: Մարտական պարագայում հրամանատարին չճանաչողվելու համար գիտե՛ս ինչ պատիժ է տրվում կանոնազրթի համաձայն:

Այս խոսքերը ազդեցություն թողին. Պանտելեյ Պրակո-

Ֆեխիչը մեջքի վրա շտկեց հրացանը, դժկամորեն ետ դարձավ: Հասնելով ծերունիներից մեկին, որ դեռ դանդաղ էր քայլում դեպի ետ, հոգոց հանելով, ասաց.

— Ա՛յ թե ինչ տեսակ զավակներ են: Մարդը չի ուզում հարգել հորը, կամ թե, զորօրինակ, աղատել կովից: ուզում է հորը... հենց այնտեղ դրկել... է-է-հե՛... Ձէ, ողորմած հոգի Պետրոն, երկնային արքայություն նրան, շատ ավելի լավ էր: Բարի հոգի ուներ, իսկ այս սարսաղը, այսինքս Գրիշկան, թեկուզև դիվիդիայի հրամանատար է, մեծավոր է, համա նրա պես չի: Իսկի կարա՞ս մի խոսք ասես, թե աչքիդ վերև հոնք կա: Իմ ծեր հալովը սա բիզը կողքիս խրելով կնստեցների վառարանի վրա, է՛-է՛հե՛:

Տատարցիներին առանց դժվարության խելքի բերին:

Մի քիչ հետո Գրիգորին հավաքեց ամբողջ հարյուրյակը, տարավ թաքստոց. առանց ձիուց իջնելու կարճ բացատրեց նրա անելիքը:

— Կարմիրները անցել են Դոնը և ուզում են գրավել վեշկին: Դոնի մոտ հիմի կռիվ է սկսվել: Հանաք բան չի, հա՛-ա, ու խորհուրդ չեմ տալի զուր տեղը փախչել: Եթե մեկ էլ փախչեք, կհրամայեմ հեծելազորին, որ Երինսկումն է, թրատել ձեզ ինչպես դավաճանների.— Գրիգորին դիտեց իրենց խուտորցիների այլևայլ ձևով հագնված ամբոխը, չթաքցրած արհամարհանքով վերջացրեց խոսքը.— Ձեր հարյուրյակում ամեն տեսակ խուժան է հավաքվել, հենց նա էլ ահ ու երկյուղ է տարածում: Կովոդների՛ս մտիկ,— փախան, պակահանեցին փոխանները: Հլա դեռ կազակ եք կոչվում: Մանավանդ զուք, բիձեք, զգույշ, հա՛-ա: Հանձն եք առել կռիվ անել, ուրեմն էլ կարիք չկա ծակուծուկ մտնելու: Հենց հիմի դասակներով վազ տվեք հրե՛ն դեպի այն թփերը, այնտեղից էլ՝ դեպի Դոն: Դոնի կողքով հասեք Սեմյոնովսկի հարյուրյակին: Նրա հետ միասին խփեք կարմիրների թևին: Մա՛րշ: Գե շո՛ւտ:

Տատարցիները լուռ լսեցին ու նույնպես լուռ շարժվեցին դեպի թփերը: Մերուկները ընկճված տնքտնքում էին, նայում արագ սլացող Գրիգորիին ու նրան ուղեկցող կազակներին: Ծերունի Օբնիզովը, որ համաքայլ գնում էր Պանտելեյ Պրա-կաֆեիչի հետ, հիացմունքով ասաց.

— Ա՛մա թե աստված քեզ հերոս տղա է տվել, հա՛-ա: Իսկական արծիվ է: Ո՛նց դաղեց իրիստոնյայի մեջքը, է՛: Միանգամից ամեն բան կարգի բերեց:

Ու իր հայրական զգացումները շոյված Պանտելեյ Պրակոֆեիչը սիրով համաձայնվեց.

— Հա՛, աղբեր: Այդ տեսակ զավակ արար-աշխարհում չի գտնվի: Բուր խաչերը ստացել է, բա այդ հանա՞ք բան է: Այ, հանգուցյալ Պետրոն, ողորմի՛ նրա հոգուն, թեկուզև հարազատ որդիս էր ու առջնեկ էր, ամա սրա պես չէր: Շատ սուսիկ-փուսիկ էր, ի՞նչ իմանաս, ոնց որ թե օրապակաս լիներ: Մածուկ, կնկա հոգի ուներ: Իսկ սա բուրոսվին ինձ է քաշել: Ինձնից էլ շատ ավելի զոչաղ դուրս եկավ:

Գրիգորին իր կիսադասակով մոտենում էր Կալմիցկի ծանծաղուտին: Հասնելով անտառ, նրանք կարծում էին, որ այլևս վտանգ չկա, բայց նրանց տեսան դիտակետից, Դոնի մյուս կողմից: Թնդանոթային մի դասակ կրակ բացեց: Առաջին արկը թռավ ուռնիների գագաթների վրայով, ընկավ հեռվում, ճահճոտ թավուտում, չպայթեց: Երկրորդը խփեց մի հին, սև կաղամախու մերկ արմատին, որ ճանապարհից հեռու չէր, կրակ թափեց, ու որոտմունքով, պարարտ հողի կտորներով և փտած ծառի փշուրներով ետ շարտեց կազակներին:

Խլացած Գրիգորին բնազդաբար ձեռքը տարավ աչքերին, թեքվեց թամբի դաշին՝ զգալով խուլ ու թաց մի զարկ, որ ասես ձիու գավակին էր տրվել:

Կազակների ձիերը գետինքը ցնցող պայթյունից, ասես հրամանով, պալզեցին ու առաջ նետվեցին. Գրիգորիի ձին ծանր շարժմամբ ծառս եղավ, ետ-ետ գնաց, սկսեց դանդաղ ընկնել կողքի վրա: Գրիգորին հապճեպ թռավ ձիուց, բռնեց դրա սանձը: էլի երկու արկ թռան, հետո էլ անտառի ծայրում մեղմ լուռություն տիրեց: Վառողի ծուխը նստում էր խոտաբույսերին. նոր շուռ տված հողի, տաշեղների, կիսով չափ փտած ծառերի հոտ էր գալիս: Հեռվում, թավուտում անհանգիստ ճովողում էին կաշաղակները:

Գրիգորիի ձին խոխոացնում էր ու ծալում ցնցվող ե-

տին ոտները: Նրա դեղին ատամնաշարը տանջալից կերպով բացված էր, պարանոցը ձգված: Թավշյա, գորշ ունգների վրա ճպճպոտ էր կարմրավուն փրփուրը: Մարմինը ցնցվում էր ուժեղ դողից: Շիկակարմրավուն ենթաբրդի տակին ալիքալիք զլորվում էին ջղաձգությունները:

— Շունչը փչե՞ց ձիուկը,— բարձրաձայն հարցրեց վրա հասած մի կաղակ:

Գրիգորին առանց պատասխանելու նայում էր ձիու մարող աչքերին: Նա նույնիսկ շղիտեց վերքը ու միայն մի քիչ ետ քաշվեց, երբ ձին անվստահ մի շարժում կատարեց, վերկացավ ու հանկարծ շոքեց, գլուխը քարշ արեց, ասես տիրոջից ինչ-որ ներումն էր խնդրում: Խուլ տնքոցով ընկավ կողքի, փորձեց բարձրացնել գլուխը, բայց, ըստ երևույթին, սպառվում էին նրա վերջին ուժերը. դողը հետզհետե դադարում էր, աչքերը մարում էին, պարանոցի վրա գուրս էր տալիս քրտինքը:

Միայն կոծիկներում, հենց սմբակների բաժակների մոտ դեռ թփրտում էին վերջին սաղմնաթելիկները: Հազիվ երեվում էր թամբի մաշված թևը:

Գրիգորին շեղակի նայեց ձիու ձախ աճուկին, տեսավ բացված, խորունկ վերքը, սև, տաք արյունը, որ աղբյուրի պես բխում էր վերքից, ու կակազելով, չսրբելով արցունքները, ասավ ձիուց իջած կազակին.

— Սպանիր մի գնդակով,— ու իր մաուզերը տվեց նրան:

Նստելով կազակի ձին, սլացավ դեպի այնտեղ, ուր թողել էր իր հարյուրյակները: Այնտեղ արդեն բռնկվում էր մարտը:

Լուսաբացին կարմիրբանակայինները հարձակման անցան: Շերտ-շերտ մշուշում ոտքի ելան նրանց շղթաները, լուռ գնացին Վեշենսկու ուղղությամբ: Աչ թևում, ջրով լրցված հովտի մոտ մի ըուպե կանգ առան, հետո անցան մինչև կրճերը ջրի մեջ թաղված, բարձրացնելով փամփշտանոցներն ու հրացանները: Մի քիչ հետո առափնյա սարից համերաշխ ու վեհերոտ որոտացին շորս մարտկոցները: Հենց որ արկերը սկսեցին հովհարաձև ընկնել անտառի վրա, ապուստամբները կրակ բացեցին: Կարմիրբանակայինները արդեն ոչ թե քայլում, այլ վազում էին հրացանները հորիզոնադիր

պահած: Նրանց առջևում, կես վերստ հեռավորությամբ, անտառով մեկ շոր ճայթում էին շրապներնրը. ընկնում արկերից ճեղքված ծառերը, սպիտակ բուլաներով ծուխ էր բարձրանում: Կազակական երկու գնդացի կարճ հերթերով կրակ բացեցին: Առաջին շղթայում սկսեցին ընկնել կարմիրբանակայինները: Շղթայում այստեղ ու այնտեղ գնդակները ավելի ու ավելի հաճախ էին պոկում կոլուած շինելներով մարդկանց, գցում երեսի կամ մեջքի վրա, բայց մնացածները չէին պառկում, ու հետզհետե կարճանում էր նրանց անտառից բաժանող տարածությունը:

Նրկրորդ շղթայի առջևում, մի փոքր դեպի առաջ կուցած, շինելի փեշերը քշտած, թեթև ու լայն-լայն քայլերով վազում էր բարձրահասակ, գլխաբաց հրամանատարը: Շղթան մի վայրկյան դանդաղեցրեց ընթացքը, բայց հրամանատարը վազելիս շուռ գալով, ինչ-որ բղավեց, ու մարդիկ վերստին անցան վազքի, վերստին է՛լ ավելի զայրացկոտ որոտաց խապոտ ու սարսափելի «ուռան»:

Այդ ժամանակ ճարճատեցին կազակական բոլոր գնդացիները. անտառի եզրերից սաստիկ, անդադար ճայթում էին հրացանային կրակոցները... Որտեղից-որտեղ, Գրիգորիի ետևից, որ իր հարյուրյակներով գտնվում էր անտառի ծայրում, երկար հերթերով կրակել սկսեց Բազկիի հարյուրյակի հաստոցավոր գնդացիները: Շղթաները ընկրկեցին, պառկեցին, սկսեցին պաշտպանվել կրակելով: Մարտը շարունակվում էր մեկ ու կես ժամ, բայց հրաձգությունը ճշտած ապստամբների կրակը այնպես էր գետնով մեկ լայն փրկվում, որ երկրորդ շղթան շղիմացավ, ոտքի ելավ, խառնվեց վազեվազքով մոտեցող երրորդ շղթային... Շուտով մարգագետինը ծածկվեց խառնիճաղանջ ետ փախչող կարմիրբանակայիններով: Ու այդ ժամանակ Գրիգորին իր հարյուրյակները վարդելով դուրս բերեց անտառից, շարեց նրանց ու նետեց հետապնդելու: Դեպի լաստերը նահանջողների ճանապարհը փակել էր Չիրի սրարշավող հարյուրյակը: Դոնի մերձակա անտառի մոտ, հենց գետափին սկսվեց ձեռնամարտը: Կարմիրբանակայինների միայն մի մասը հասավ լաստերին: Նրանք որքան հնարավոր էր տեղավորվեցին լաստերի վրա, հեռացան ափից: Մնացածները կոպում էին Դոնին հուպ սեղմված:

Գրիգորին ձիերից իջեցրեց իր հարյուրյակները. ձիապահներին հրամայեց դուրս չգալ անտառից, կաղակներին տարավ դեպի ափը: Վազ տալով մի ծառից մյուսը, կաղակները հետզհետե մոտենում էին Գոնին: Հարյուր հիսուն հոգի կարմիրբանակայիններ ձեռնանոնակներով գնդացրային կրակով ետ շարտեցին վրա տվող ապստամբական հետևազորը: Լաստերը նորից գնացին դեպի ձախ ափը, սակայն բազկեցիները հրացանային կրակով կոտորեցին համարյա բոլոր թիավարողներին: Ձախ ափում մնացածների բախտը կանխորոշված էր: Ոգով թույլ մարդիկ, դեն գցելով հրացանները, փորձում էին լողալով անցնել գետը: Նրանց գընդակահարում էին գետի խոր տեղի մոտ պառկած ապստամբները: Շատ կարմիրբանակայիններ չկարողանալով կտրել Գոնի բուռն հոսանքը, խեղդվեցին: Միայն երկուսը հաջողությամբ անցան. մեկը, որ նավաստիական զոլավոր բաճկոնով էր և ըստ երևույթին ճարտար լողորդ էր, դիժ ափից զլխիվայր նետվեց գետը, ջրասույզ եղավ ու ջրից զլուխը հանեց Գոնի համարյա մեջտեղում:

Սաղարթախիտ մի ուռնու տակ թաքնված Գրիգորին տեսնում էր, թե ինչպես նավաստին ճարտար լողալով հասնում էր մյուս ափը: Գետը հաջողությամբ անցավ նաև մեկ ուրիշը: Մինչև կուրծքը ջրի մեջ կանգնած, նա կրակեց բոլոր փամփուռները. ինչ-որ գոռաց, բռունցքը թափ տվեց կաղակների կողմը, ու շեղակի լող տվեց: Նրա շուրջը շրմփում էին գնդակները, բայց դրանցից ոչ մեկը չկապավ այդ երջանիկին: Այնտեղ, ուր մի ժամանակ անասունների արխաջ էր, նա դուրս եկավ ջրից, թափահարվեց, առանց շտապելու ձորակով բարձրացավ դեպի տները:

Գոնի ափին մնացածները պառկեցին մի ավազաթմբի ետևում: Նրանց գնդացիրը անդադար թակալում էր այնքան ժամանակ, մինչև որ պատյանի ջուրը հոռաց:

— Իմ ետևից,— բարձրաձայն հրամայեց Գրիգորին գընդացրի լռելուց անմիջապես հետո, ու թուրը հանելով պատյանից, աճապարեց դեպի թումբը:

Մանր շնչով, կաղակները գնացին նրա ետևից:

Մինչև կարմիրբանակայինները մնում էր մի հիսուն սաժենից ոչ ավելի: Ավազաթմբի ետևից տրված երեք հա-

մազարկից հետո ամբողջ հասակով մեկ կանգնեց բարձրահասակ թխաղեմ ու սևաբեղ հրամանատարը: Նրան թևանցուկ էր արել կաշվե կուրտկա հագած մի կին: Հրամանատարը վիրավորված էր: Քարշ տալով ջարդված ոտը, նա իջավ թմրից, ձեռքում շտկեց ծայրին սվին անցկացրած հրացանը. խուզոտ հրամայեց.

— Ընկերներ, դեպի առաջ, ջարդե՛լ սպիտակներին:

Մի բուռ քաջեր «Ինտերնացիոնալ» երգելով՝ նետվեցին հակագրոհի: Դեպի մահ:

Գոնի ափին վերջինը ընկած հարյուր տասնվեցը բոլորն էլ Ինտերնացիոնալ վաշտի կոմունիստներ էին:

### III

Գրիգորին ուշ գիշերով շտաբից եկավ իր բնակարանը: Բակի դռան մոտ Պրոխոր Զիկովը սպասում էր նրան:

— Ակսինյայի մասին բան չե՞ս լսել,— հարցրեց Գրիգորին՝ ձայնը հնչեցնելով շինծու անտարբերությամբ:

— Չէ՛: Չգիտես ուր է կորել,— հորանջելով պատասխանեց Պրոխորը ու իսկույն երկյուղով մտածեց՝ «Աստված լանի, սա նորից կստիպի փնտրել նրան... Գրողի տարածները իրենք թետքվում են, իմ զլխին են փորձանք դարձել»:

— Լվացվելու ջուր բեր: Քրտնքի մեջ կորել եմ: Դեհ, շո՛ւտ,— արդեն ջղայնացած ասավ Գրիգորին:

Պրոխորը տանից ջուր բերեց, մորշոբայից երկար լցրեց Գրիգորիի շերեփածև միացրած ձեռների մեջ: Գրիգորին լվացվում էր մեծ հաճույքով: Հանեց քրտնքի հոտ արձակող վերնաշապիկը, խնդրեց.

— Լցրու մեջքիս:

Գրիգորին քրտնակալած մեջքը կսկծեցնող պաղ ջրից «օխա՛յ» էր ասում, ֆսֆսում, երկար ու պինդ տրորում փոկերից ճմլված ուսերը և մազոտ կուրծքը: Սրբվեց մաքուր տապալակով, արդեն զվարթացած ձայնով հրամայեց Պրոխորին.

— Առավոտը ինձ ձի կբերեն, ընդունիր, մաքրիր, գարի գտիր: Ինձ մի զարթեցնի, մինչև որ ինքս վեր կենամ: Միայն եթե շտաբից մարդ գա, կզարթեցնես: Հասկանալի՞ է:



Գնաց մարագի շարդախի տակ պառկելու: Պառկեց սայլի վրա և իսկույն խոր բուն մտալ: Արշալույսին մըսում էր, կծկում ոտքերը, ցողով թրջված շինելը քաշում զլիսին, իսկ երբ արևը ծագեց, նա կրկին քնեց և ժամը մոտ յոթին արթնացավ թնդանոթային որոտընդոտ կրակոցից: Սա.անի-ցայի վերևում, ջինջ ու կապույտ երկնքում պտույտ էր դալիս աղոտ փայլ արծակող մի սավառնակ: Դոնի մյուս կողմից, թնդանոթներից ու գնդացիներից կրակում էին սավառնակի վրա:

— Կարող են դրան ցած գցել,— ասաց Պրոխորը, որ խոզանակով եռանդալից մաքրում էր ձիակապարանին կապած բարձրամարմին, շեկլիկ մի հովատակ:— Մտիկ արա, Պանտելեիչ, հիանալի ձի են ուղարկել քեզ:

Գրիգորին հարևանցիորեն դիտեց հովատակը, գոհունակութամբ հարցրեց.

— Չեմ նայել, թե քանի տարեկան է: Վեց կլինի, չէ՞:

— է, հը՛մ:

— էՖ, լավն է: Ոտները կոկլիկ են ու պինդ: Սիրունիկ ձի է... Դեհ, թամբիր, գնամ տեսնեմ ով է եկել սավառնակով:

— Լավն է, խոսք չկա: Տեսնենք ոնց կվազի: Նշաններից երևում է, որ պետք է շատ կայտառ լինի,— ձգելով փորքաշը, մոթմոթում էր Պրոխորը:

Սավառնակի կողքին շրապնելի պայթյունի դարձյալ մի ձիանման-սպիտակ ամպիկ երևաց:

Վայրէջքի տեղ ընտրելով, օդաշուն սկսեց արագութամբ ցածրանալ: Գրիգորին դուրս եկավ բակի դռնից, սլացավ ստանիցայի ախոռի կողմը, որի ետևում իջավ սավառնակը:

Ստանիցայի հովատակների ախոռը, երկար, քարաշեն այդ շենքը, որ գտնվում էր ստանիցայի ծայրում, լիփ-լիցուն էր ավելի քան ութ հարյուր գերի կարմիրբանակայիններով: Պահակները նրանց դուրս չէին թողնում բնական կարիքը հոգալու, շենքում շարժական արտաքնոցներ չկային: Մարդկային արտաթորութունների ծանր, թունդ գարշահոտութունը պարսպի պես կանգնած էր ախոռի շուրջը: Դոների տակից հոսում էին մեզի գարշահոտ առվակները. դրանց վրա թռչկոտում էին անթիվ ու անհամար ճանճերը...

Դատապարտվածների այդ բանտից գիշեր-ցերեկ խուլ հառաչանքներ էին լսվում: Հարյուրավոր պերիներ մեռնում էին հյուժվածությունից ու նրանց մեջ տարածված տիֆից և դեզինտերիայից: Մեռածներին երբեմն ամբողջ օրերով չէին վերցնում շենքից:

Շրջանցելով ախոռը, Գրիգորին հենց նոր էր ուզում իջնել ձիուց, երբ Դոնի մյուս կողմից խուլ որոտաց թնդանոթը: Մոտեցող արկի կրճկրճոցը սաստկացավ ու միախառնվեց պայթյունի ծանր զրզրոցին:

Օդաշուն և նրա հետ ժամանած սպան խցիկից դուրս ելան թե չէ, կազակները շրջապատեցին նրանց: Անմիջապես սարից կրակել սկսեցին մարտկոցի բոլոր թնդանոթները: Արկերը կանոնավոր կերպով ընկնում էին ախոռի շուրջը:

Օդաշուն արագ մտավ խցիկը, բայց մոտորը չաշխատեց:

— Գլորեցեք ձեռքերով,— հնչեղաձայն հրամայեց կազակներին Դոնի մյուս կողմից ժամանած սպան ու առաջինը հրեց սավառնակի թևից:

Ճոճվելով, սավառնակը հեշտությամբ շարժվեց դեպի սոճիները: Մարտկոցը արագ կրակով ուղեկցում էր նրան: Արկերից մեկը ընկավ գերիներով լցված ախոռը: Թանձր ծխի մեջ, կրաքարի բարձրացած փոշու քուլաներում փլվեց ախոռի մի անկյունը: Ախոռը դողաց սարսափահար կարմիրբանակայինների կենդանական մոնչոցից: Առաջացած անցքերից դուրս թռան երեք գերի, վրա հասած կազակները դեմառդեմ գնդակահարեցին նրանց:

Գրիգորին մի կողմ թռավ:

— Կսպանեն, գնացեք սոճու ծմակը,— բղավեց կողքից վազող, սարսափահար դեմքով ու պլշած, սպիտակափայլ աչքերով մի կազակ:

«Իսկապես որ կարող են խփել: Սատանի բան է, էլի՛,— մտածեց Գրիգորին ու առանց շտապելու գնաց տուն:

Այդ օրը Կուդինովը, առանց Մելիխովին կանչելու, շտաբում խստորեն գաղտնի խորհրդակցություն հրավիրեց: Դոնի բանակից ժամանած սպան կարճ հաղորդեց, որ Կամենսկայա ստանիցայի մոտ կենտրոնացած հարվածային խմբի գորամասերը մոտիկ օրերից մեկում կճեղքեն կարմիրների ռազմաճակատը, ու Դոնի բանակի հեծյալ դիվիզիան գե-

ներալ Սեկրետի հրամանատարութեամբ կշարժվի ապրստամբներին միանալու: Սպան առաջարկեց անհապաղ պատրաստել գետանցման միջոցներ, որպեսզի Սեկրետի զիվիզիային միանալուց հետո ապստամբական հեծյալ զընդերը անմիջապես փոխադրվեն Գոնի աջ կողմը. խորհուրդ տվեց ռեզերվային զորամասերը ավելի մոտեցնել Գոնին, ու խորհրդակցութեան վերջում, երբ արդեն մշակված էր գետանցման և հետապնդող զորամասերի շարժման պլանը, հարցրեց.

— Իսկ ինչո՞ւ ձեզ մոտ գերիները գտնվում են Վեշենսկում:

— Ուրիշ տեղ չկա նրանց պահելու, խուտորներում շենքեր չկան,— պատասխանեց շտաբայիններից մեկը:

Սպան թաշկինակով մի լավ սրբեց կոկիկ սափրած, քրտնած գլուխը, արձակեց պաշտպանական գույնի կիտելի օձիքը, շունչ առնելով ասաց.

— Նրանց ուղարկեցեք Կազանսկայա:

Կուրիևովը զարմանքից բարձրացրեց հոնքերը:

— Իսկ հետո՞:

— Այնտեղից էլ Վեշենսկայա...— ներողամտությամբ բացատրեց սպան՝ կկոցելով սառն, կապույտ աչքերը: Ու ավելի պինդ սեղմելով շրթունքները, կոշտ տոնով վերջացրեց խոսքը.— Ես չգիտեմ, պարոններ, թե դուք ինչու եք նրանց հետ մեղմ վարվում: Հիմա կարծես թե այդպիսի ժամանակ չէ: Այդ խուժանը, որ թե ֆիզիկական և թե սոցիալական ամեն տեսակ հիվանդությունների բույն է հանդիսանում, պետք է ոչնչացնել: Կարիք չկա նրանց պահելու: Եթե ես ձեր տեղը լինեի, հենց այդպես կվարվեի:

Մյուս օրը գերիների առաջին խումբը, որ բաղկացած էր երկու հարյուր հոգուց, տարան ավազուտները: Բոլորովին հյուծված, կապուտկած ու դալուկ, ոտները հազիվ քարշ տվող կարմիրբանակայինները քայլում էին ինչպես ուրվականներ: Հեծյալ ուղեկցուրդը խիտ շրջապատել էր անհամաչափ քայլող նրանց բազմությունը... Վեշենսկուց մինչև Գուբրովկա, տասը վերստ ճանապարհին թրատվեց այդ երկու հարյուրը: Իրիկնադեմին դուրս բերին երկրորդ խումբը: Ուղեկցուրդին խստորեն հրամայված էր՝ ետ մնացողներին

միայն թրատել, միայն ծայրահեղ դեպքում կրակել: Հարյուր հիսուն հոգուց տասնութը հասան Կազանսկայա... Նրանցից մեկը, ջահել, գնչուի նման մի կարմիրբանակային, ճանապարհին խելագարվեց: Ամբողջ ճանապարհին նա երգում էր, պարում ու լաց էր լինում՝ պոկած անուշաբույր ծոթորի փունջը սեղմելով կրծքին: Նա հաճախ երեսնիվայր ընկնում էր շիկացած ավազի վրա, քամին փոփոացնում էր բյաղե շապկի կեղտոտ ցնցոտիները, ու այդ ժամանակ ուղեկցուրդները տեսնում էին նրա ոսկրոտ, մաշկով պրկված մեջքը, ու տարածված ոտների սև, մաշված ներբանները: Նրան բարձրացնում էին, ջրամաններից ջուր սրսկում վրան, ու նա բաց էր անում սև, խելագարությունից փայլող աչքերը, կամացուկ ծիծաղում էր և շորտալով քայլու էր կրկին:

Մի խուտորում գթասիրտ կանայք շրջապատեցին ուղեկցուրդներին, ու մի պատկառելի, շաղ պառավ խստորեն ասաց ուղեկցուրդի պետին.

— Ազատ թող այս թուխ տղային: Նա խելուկ է, մոտեցել է աստծուն, և դուք մեծ մեղք կգործեք, եթե սրան սպանեք: Ուղեկցուրդի պետը,— կորովի, շիկաբեղ, մի փոխ-խորունժի,— քմծիծաղ տվեց.

— Մենք, տատի, շենք վախենում մի ավելորդ մեղքից: Մեկ է, մեզանից արդարներ չեն դուրս գա:

— Իսկ դու ազատ թող, մի հակառակի,— համառորեն խնդրում էր պառավը.— Մահը հո ձեզից ամեն մեկի վրա թևերն է թափ տալի...

Կանայք միահամուռ պաշտպանեցին, ու փոխ-խորունժին համաձայնեց:

— Ես հո չեմ ափսոսում, տարեք դրան: Հիմի նա վնասակար չէ: Իսկ մեր բարություն համար պետք է ամեն մեկիս մի կճուճ անարատ կաթ բերեք:

Պառավը խելագարին տարավ իր խրճիթը, կերակրեց, օթախում նրա համար անկողին գցեց: Խելագարը բնեց մի ամբողջ օր ու գիշեր, հետո արթնացավ, կանգնեց մեջքը դեպի պատուհանը, սկսեց մեղմ երգել: Պառավը մտավ օթախ, նստեց սնդուկի վրա, թուրը դրեց դեպի վեր ծալված ձեռքին, երկար և ուշադիր նայեց տղայի նիհար դեմքին, հետո թավ ձայնով ասաց.

— Լուր կա, որ ձերոնք հետու չեն...

Խելագարը ինչ-որ մի վայրկյանի շափ լոճց ու Դսկույն չի բրգեց, բայց արդեն ավելի կամաց:

Պառավը խիստ տոնով ասաց.

— Դու, զավակս, երգելուց ձեռ քաշի, սուտ խելառ մի ձեանա ու աչքիս թող մի փշի: Ծս երկար եմ ապրել, հիմար չեմ, ինձ չես խաբի: Խելքդ տեղն է, գիտեմ... Լսում էի, թե քնիդ մեջ ոնց էիր խելքը խոսում:

Կարմիրբանակայինը երգում էր, բայց հետզհետե ավելի կամաց: Պառավը շարունակեց.

— Դու ինձնից մի վախի, ես քո վատը չեմ ուզում: Իմ երկու տղաներին սպանեցին գերմանական պատերազմում, փոքր տղես էլ այս պատերազմում մեռավ Չերկասկում: Ախր նրանց բոլորին էլ ես եմ բերել... Պահել եմ, մեծացրել, ջահել օրերումս գիշերները քուն չեմ ունեցել... Հենց դրա համար էլ խղճում եմ բոլոր ջահել տղաներին, որ ծառայում են զորքերում, կովում են...— Պառավը մի փոքր լոճց:

Լոճց նաև կարմիրբանակայինը: Նա փակեց աչքերը, ու հազիվ նկատելի կարմրութունը դուրս տվեց նրա թուխ այտերի վրա, բարակ նիհար պարանոցի վրա լարված խփում էր կապույտ երակը:

Մի ռուպեի շափ կանգնած էր նա սպասողական լուսթյուն պահպանելով, ապա բացեց սև աչքերը: Դրանց նայվածքը իմաստավորված էր ու այնպիսի անհամբեր սպասում էր արտահայտում, որ պառավը հազիվ նկատելի ժպտաց:

— Շումիլինսկու ճամփեն գիտե՞ս:

— Ոչ, տատի,— հազիվ շարժելով շրթունքները, պատասխանեց կարմիրբանակայինը:

— Բա ո՞նց կգնաս:

— Չգիտեմ...

— Հենց այդ է, է՛: Հիմի ես ի՞նչ անեմ քեզ հետո— Պառավը երկար սպասում էր պատասխանի, հետո հարցրեց.

— Կարո՞ղ ես ոտով գնալ:

— Մի կերպ կգնամ:

— Հիմի մի կերպ գնալով բան չի դուրս գա: Պետք է գնալ գիշերով ու քայլել արագ, շա՛տ արագ: Մի օր էլ մնա, հետո էլ ես քեզ ճամփապաշար կտամ ու թոռնիկիս կղրկեմ

քեզ հետ, որ նա ճամփա ցույց տա, ու— հաջողութուն քեզ: Չերոնք՝ կարմիրները, Շումիլինսկու մոտ են, հաստատ գիտեմ: Հենց նրանց մոտ էլ կգնաս: Պետք է անցնել ոչ թե ճանապարհով, այլ տափաստանով, ձորերով ու անտառներով, ճամփա չեղած տեղերով, թե չէ կազակները կհանդիպեն, ու գլխներիդ փորձանք կգա: Իմացա՞ր, մատաղ քեզ:

Մյուս օրը, հենց որ մթնեց, պառավը խաչակնքեց ճանապարհվելու պատրաստ իր տասներկու տարեկան թոռնիկին և կազակական կապա հագած կարմիրբանակայինին, խստորեն ասաց.

— Գնացեք, աստված ձեզ հետ: Տեսեք, հա՛-ա, չհանդիպեք մեր կազակներին... Ոչինչ, աղունիկս, ոչինչ: Ոչ թե ինձնից շնորհակալ եղիր, այլ ողորմած աստծուց: Մենակ եմ չեմ, որ այսպես եմ, մենք բոլորս, մայրերս, բարի ենք... Շատ ենք խղճում ձեզ, անիրավներ: Դե գնացեք, տերը ձեզ պահապան:— Ու շրխկացնելով ծածկեց խրճիթի ծոված, դեղին կավով ներկված դուռը:

## IV

Ամեն օր լույսը մի քիչ բացվելուն պես Իլլինիչնան վեր էր կենում, կթում կովը ու սկսում եփել-թափելը: Տա՛ն վառարանը չէր վառում, այլ կրակ էր անում ամառային խոհանոցում, ճաշ էր սպասարաստում ու էլի մտնում տուն, երեսաների մոտ:

Նատալյան դանդաղ կազդուրվում էր տիֆից հետո: Հոգեզալստի երկրորդ օրը նա առաջին անգամ վեր կացավ անկողնից, անցավ սենյակներով՝ դժվարությամբ շարժելով նիհարությունից ոսկրացած ոտները, երկար քթիվ արեց երեսաների գլուխները ու տաբուրետին նստելով, նույնիսկ փորձեց լվալ երեսաների հագուստը:

Ու ամբողջ ժամանակ նրա նիհարած դեմքից չէր հեռանում ժպիտը, փոս ընկած թշերը կարմրին էին տալիս, իսկ հիվանդութունից խիստ խոշորացած աչքերը այնպիսի շողուն, հուզական շերմություն էին ճառագայթում, որ կարծես թե նա հենց նոր էր երեսա բերել:

— Պոլլուշկա, սիրունիկս, երբ ես հիվանդ էի, Միշատկան հո չէ՞ր լացացնում քեզ,— հարցնում էր նա թույլ ձայնով, ծորուն ու անվստահ արտասանելով յուրաքանչյուր բառը, շոյելով դստեր սեռահեր գլուխը:

— Ձէ, մամա ջան: Միշկան մենակ մի անգամ ծեծեց ինձ, թե չէ ես ու նա լավ էինք խաղում,— փսփսալով պատասխանեց աղջիկը ու դեմքը պինդ սեղմեց մոր ծնկներին:

— Իսկ տատիկը խղճո՞ւմ էր ձեզ,— ժպտալով հարցուփորձ էր անում նատալյան:

— Շատ էր խղճում:

— Իսկ օտար մարդիկ, կարմիր գինվորները ձեզ ձեռ չէ՞ին տալի:

— Նրանք, անիծվածները մորթեցին մեր երինջը,— խուլ պատասխանեց ապշեցուցիչ կերպով հորը նմանվող Միշատկան:

— Հայհոյել չի կարելի, Միշենկա: Ի-ի՞հ, տանտիրոջս մտիկ: Մեծերի մասին փիս խոսք չի կարելի ասել,— թաքցնելով ժպիտը՝ խրատեց նատալյան:

— Տատիկն էր նրանց այդպես կանչում, ուզում ես Պոլլկային հարցրու,— մոռալ արդարանում էր փոքրիկ Մելեխովը:

— Ճիշտ է, մամա՛ ջան, նրանք մեր բոլոր հավերն էլ մորթեցին:

Պոլլուշկան աշխուժացավ. փայլեցնելով սև աչիկները, սկսեց պատմել, թե կարմիրբանակայինները ինչպես էին գալիս Մելեխովների տունը. ինչպես էին բռնում հավերն ու բազերը, ինչպես էր Իլլինիչնա տատիկը խնդրում բուծման համար թողնել մրսած կատարով, դեղին աքլորը և ինչպես մի ուրախ կարմիրբանակային, ձեռքի մեջ թափահարելով աքլորը, պատասխանեց. — «Այս աքլորը, տատի, ծուղորդու է կանչել սովետական իշխանության դեմ, և մենք դրա համար սրան մահվան պատժի ենք դատապարտել: Ձուր մի խնդրի, մենք սրանից լապշա կեփենք, իսկ փոխարենը քեզ համար հին թաղյակներ կթողնենք»:

Ու Պոլլուշկան ձեռները տարածելով ցույց տվեց թաղյակների մեծությունը.

— Ա՛յ, այսքան թաղյակներ թողեց: Մեծ-մեծ, բրբրված: Նատալյան ծիծաղելով ու լալով փայփայում էր երեխաներին ու զմայլված աչքերը չկտրելով աղջկանից, ուրախ շշնջում էր:

— Ա՛խ դու իմ Գրիգորենա, իսկական Գրիգորենա: Իսկ-ևիսկ, մինչև մազիդ ծերը հորդ ես նման:

— Իսկ ես նմա՞ն եմ,— խանդոտ հարցրեց Միշատկան ու անհամարձակ փարվեց մորը:

— Գու է՛լ ես նման: Ամա տես, երբ որ մեծանաս, հորդ պես անպիտան չլինես, հա՛-ա...

— Իսկ նա անպիտա՞ն է: Ինչո՞վ է անպիտան,— հետաքրքրվեց Պոլլուշկան:

Տխրությունը ստվերեց նատալյայի դեմքը: Նա լռեց ու դժվարությամբ վեր կացավ նստարանից:

Խոսակցությանը ներկա գտնվող Իլլինիչնան դժգոհությամբ շուռ տվեց դեմքը: Իսկ նատալյան, արդեն ականջ չղնելով մանկական խոսակցության, պատուհանի մոտ կանգնած, երկար նայում էր Աստախովի տան փակ փեղկերին, հոգոց էր հանում և հուզված տնտղում իր հին, խուսացած կոֆտայի բոլորքը...

Մյուս օրը նա արթնացավ լուս ու մութին, կամացուկ վեր կացավ, որ չզարթեցնի երեխաներին, լվացվեց, սնդուկից հանեց մաքուր շրջազգեստ, կոֆտա ու սպիտակ, լայն գլխաշոր: Նա նկատելի կերպով հուզվում էր ու, դատելով նրանից, թե ինչպես էր հագնվում, ինչպես էր տխուր ու խիստ լռություն պահպանում,— Իլլինիչնան գլխի ընկավ, որ հարսը կգնա այցելելու Գրիշակա պապի գերեզմանը:

— Ո՞ւր ես գնալու,— դիտմամբ հարցրեց Իլլինիչնան, որ համոզվի իր ենթադրությունների ճշտության մեջ:

— Գնամ այցելեմ պապիս գերեզմանը,— առանց գլուխը բարձրացնելու, վախենալով լաց լինելուց, ասաց նատալյան:

Նա արդեն գիտեր Գրիշակա պապի մահվան մասին, գիտեր, որ Կոշևոյը վառել էր իրենց տուն ու տեղը:

— Թույլ ես, տեղ չես հասնի:

— Հանգիստ առնելով կհասնեմ: Երեխաներին կերակրեցեք, մայրիկ, թե չէ ես այնտեղ գուցե երկար մնամ:

— Ախր ինչի՞ պիտի երկար մնաս, է՛: Մեկ էլ տեսար հանդիպեցիր այն սաստանաներին, մեղա քեզ աստված: Մի՛ գնա, էլի՛, նատալյուշկա:

— Չէ, կգնամ.— նատալյան կիտեց հոնքերը, ձեռքը տարավ դռան բռնակին:

— Կաց, է, բա ստված ո՞նց պիտի գնաս: Արի մածուն լցնեմ, տար հետդ:

— Չէ, մայրիկ, շնորհակալ եմ, շեմ ուզում... ետ կգամ, կուտեմ:

Տեսնելով, որ հարսը հաստատ որոշել է գնալ, Իլլինիչ-նան այսպիսի խորհուրդ տվեց.

— Ավելի լավ է գնաս Դոնից վերև, բոստանների միջով: Այնտեղ այնքան էլ աչքի չես ընկնի:

Դոնի վրա քողի պես շոքել էր մշուշը: Արևը դեռ չէր ծագել, բայց արևելքում ծիրանավառ ցուլքով շողշողում էր բարդիններով ծածկված երկնքի մի մասը, ամպի տակից արդեն վաղորդյան պաղ քամի էր փչում:

Անցնելով տասրաված, դաղձով խճճված ցախե ցանկապատի վրայից, նատալյան մտավ իրենց այգին: Ձեռները կրծքին սեղմելով, կանգ առավ մի թարմ հողաթմբի կողքին:

Այգում խիտ աճել էին եղինջը և քուլախոտը: Տարածված էր ցողից խոնավացած կոատուկների, խոնավ հողի, մշուշի հոտը: Հրդեհից հետո շարացած, հին խնձորենու վրա մենակ նստած էր փետուրները ցցած մի սարյակ: Գերեզմանաթումբը նստել էր: Տեղ-տեղ, շորացած կավի կտորների արանքից արդեն դուրս էին եկել խոտաբույսերի ծիլերը:

Վրա հասած հուշերից ցնցվելով, նատալյան լուռ ծունկ շոքեց, երեսը հպեց անսիրալիր, հավերժորեն մահվան նեխածություն բուրող հողին...

Մի ժամից հետո նա գաղտագողի դուրս եկավ այգուց, ցավից կծկված սրտով վերջին անգամ նայեց այն վայրին, ուր մի ժամանակ ծաղկել էր իր ջահելությունը,— ամայի բակը մոռյլ կերպով սևին էր տալիս մարագների ածխացած գերաններով, վառարանների ու տան հիմքի վառված փլատակներով,— ու կամացուկ գնաց փողոցով:

Նատալյան օրեցօր ավելի ու ավելի էր կազդուրվում: Ամրապնդվում էին ոտքերը, կլորանում ուսերը, մարմինը լցվում էր առողջ պարարտություն: Շուտով սկսեց կեսուրին օգնել եփել-թափելու գործում: Վառարանի մոտ դբազվելով, նրանք երկար խոսակցում էին:

Մի առավոտ նատալյան ջղայնությամբ ասաց.

— Ախր սա ե՞րբ պիտի վերջանա: էլ սիրտ չմնաց:

— Ա՛յ, կտեսնես, մերոնք շուտով Դոնից դեսը կանցնեն,— վստահորեն արձագանքեց Իլլինիչնան:

— Իսկ դուք ո՞րտեղից գիտեք, մայրիկ:

— Սիրտս է ասում:

— Մենակ թե մեր կազակները սաղ մնան: Աստված չանի սպանեն կամ վիրավորեն մեկնումեկին: Ախր Գրիշան զլխից անցածի մեկն է,— հառաչեց նատալյան:

— Բան չի պատահի նրանց, աստված ողորմած է: Մեր ալևորը խոսք էր տվել էլի անցնել դեսը, տեսնել մեզ, ամա երևի վախում է: Թե որ գար, դու էլ նրա հետ կգնայիր, փորձանքից հետո կլինեիր: Մեր խուտորցիները խուտորի դիմաց են դիրք բռնել, պաշտպանվում են: Այն օրը, երբ դու դեռ պառկած էիր ուշաթափ, առավոտ ծեգին ես գնացի Դոն, ջուր վերցրի ու լսում եմ՝ Դոնի մյուս կողմից Անիկուշկան բղավում է՝ «Բարև, տատի, ալևորդ բարև է անում»:

— Բա Գրիշան ո՞րտեղ է,— զգուշությամբ հարցրեց նատալյան:

— Նա բոլորի վրա հրամանատարություն է անում հեռվից,— միամիտ պատասխանեց Իլլինիչնան:

— Ո՞րտեղից է հրաման տալի:

— Երևի Վեշկից: էլ ո՞րտեղից:

Նատալյան երկար լռեց: Իլլինիչնան նայեց նրա կողմը, վախեցած հարցրեց.

— Ի՞նչ եղավ քեզ: Ինչի՞ ես լալիս:

Նատալյան առանց պատասխանելու կեղտոտ գոգնոցը սեղմում էր դեմքին, կամացուկ հեկեկում էր:

— Մի լար, նատալյուշկա: Արտասուքից բան չի դուրս գա: Աստված կտա, նրանց ողջ-առողջ կտեսնենք: Դու քեզ զգուշ պահի, դուր տեղը տնից դուրս մի գնա, թե չէ կտեսնեն այդ նեռերը, աչք կդնեն...

խոհանոցը մի քիչ մթնեց: Դրսից մեկի կերպարանքը ծածկեց պատուհանը: Իլլիինիչնան շուտ եկավ դեպի պատուհանը և հառաչեց.

— Նրա՛նք են, կարմիրները: Նատալյուշկա, շուտ պառկիր մահճակալի վրա, ցույց տուր, որ միթամ հիվանդ ես... Չլինի՛ թե փորձանք պատահի... Հրես, կարպետը քաշի վրեդ:

Նատալյան հենց նոր էր վախից դողալով ընկել մահճակալին, երբ դուռը ճոնչալով բացվեց, ու կռանալով, խոհանոց մտավ բարձրահասակ մի կարմիրբանակային: Երեխաները կպան սփրթնած Իլլիինիչնայի փեշին: Վերջինս ինչպես որ կանգնած էր վառարանի կողքին, այնպես էլ ընկավ նստարանին՝ շուտ տալով եփած կաթով լիքը կճուճը:

Կարմիրբանակայինը արագ դիտեց խոհանոցը, բարձր ասաց.

— Մի՛ վախենաք: Հո չե՛մ ուտի: Բարև ձեզ:

Նատալյան կեղծ տնքալով, կարպետը քաշեց գլխին, իսկ Միշատկան աչքի տակով նայեց հյուրին և ուրախացած հայտնեց.

— Տատի, այ, հենց սա էր, որ մորթեց մեր աքլորը: Հիշո՞ւմ ես:

Կարմիրբանակայինը հանեց պաշտպանական գույնի գլխարկը, շրթացրեց լեզուն, ժպտաց.

— Ճանաչեցիր, էլի, գոնշո՛ւ: Ոնց էլ միտդ ես պահել այդ աքլորը: Սակայն, տանտիրուհի, ահա թե ինչ. չե՞ս կարող մեզ համար հաց թխել: Մենք ալյուր ունենք:

— Կարելի է... Ի՛նչ կա որ... Կթխեմ...— արագ վրա բերեց Իլլիինիչնան առանց հյուրին նայելու, նստարանից սրբելով թափված կաթը:

Կարմիրբանակայինը նստեց դռան մոտ, գրպանից հանեց ծխախոտի տոպրակը և պապիրոս փաթաթելով, խոսակցություն սկսեց.

— Մինչև իրիկուն կթխե՞ս:

— Կարելի է և մինչև իրիկուն, եթե դուք շտապում եք:

— Պատերազմի ժամանակ միշտ էլ շտապում են, տատի: Իսկ աքլորի համար դուք մի՛ վիրավորվեք:

— Չէ, չէ՛,— վախեցավ Իլլիինիչնան,— երեխի հիմարությունը մի նայի... Միտն է բերում ինչ որ հարկավոր չի:

— Ա՛մա թե ժլատ ես, այ տղա...— բարեսրտությամբ ժպտաց զրուցասեր հյուրը՝ դիմելով Միշատկային.— Հը՛, ի՛նչ ես գիլի ձագի պես նայում: Եկ այստեղ, անուշ-անուշ խոսենք քո աքլորի մասին:

— Գնա մոտեցիր, մանշուկս,— շնչալով խնդրեց Իլլիինիչնան՝ ծնկով բռնելով թոռնիկին:

Բայց վերջինս կտրվեց տատիկի փեշից և փորձեց դուրս ծլկել խոհանոցից՝ կողքի քայլելով դեպի դուռը: Կարմիրբանակայինը իր երկար ձեռքով նրան քաշեց իր մոտ, հարցրեց.

— Բարկանո՞ւմ ես, հա՛:

— Չէ՛,— շնչալով պատասխանեց Միշատկան:

— Է՛հ, լավ է: Աքլորը հո բախտավորություն չի: Հայրդ ո՞րտեղ է: Դոնի մյուս կողմո՞ւմ:

— Դոնից դեմն է:

— Ուրեմն կովո՞ւմ է մեր դեմ:

Փաղաքուշ վերաբերմունքից խրախուսված Միշատկան սիրով հաղորդեց.

— Նա բոլոր կազակների հրամանատարն է:

— Է՛-է՛, սուտ ես ասում, փոքրիկ:

— Ուզում ես տատիկիս հարցրու:

Տատիկը միայն իրար զարկեց ձեռները և ախ ու վախարեց՝ վերջնականապես հուսալքվելով թոռնիկի շատախոսությունից:

— Բոլորի հրամանատարն է,— հարցրեց շվարած կարմիրբանակայինը:

— Կարելի է բոլորինը չէ...— արդեն անվստահ պատասխանեց Միշատկան՝ մոլորվելով տատի հուսահատական հայացքներից:

Կարմիրբանակայինը մի փոքր լռեց, հետո շեղակի նայելով նատալյային, հարցրեց.

— Հարսդ հիվանդ է, հա՞:

— Տի՛ֆով,— դժկամ պատասխանեց Իլլիինիչնան:

Երկու կարմիրբանակային ներս բերին մի պարկ ալյուր, դրեցին շեմքի մոտ:

Վառիր վառարանը, տանտիրուհի,— ասաց նրանցից մեկը:— Իրիկունը կզանք հացը տանելու: Տե՛ս, լավ կթխես, հա, թե չէ քո բան վատ կլինի:

— Ոնց որ գիտեմ, այնպես էլ կթխեմ,— պատասխանեց Իլլինիչնան, անսահման ուրախանալով, որ նոր եկածները խանգարեցին վտանգավոր խոսակցությունը և Միշատկան էլ խոհանոցից դուրս փախավ:

Մեկը գլխի շարժմամբ ցույց տալով նատալյային, հարցրեց.

— Տիֆո՞ւ է հիվանդ:

— Այո:

Կարմիրբանակայինները խոսեցին ցածր ձայնով, դուրս գնացին խոհանոցից: Նրանցից վերջինը դեռ չէր անցել տան անկյունից, երբ Դոնի մյուս կողմից ճայթեցին հրացանային կրակոցները:

Կարմիրբանակայինները կուզեկուզ, վազելով մոտեցան կիսավեր, քարաշեն մի ցանկապատի, պառկեցին դրա տակին ու, միահամուռ կերպով շրխկացնելով փակաղակները, նույնպես կրակել սկսեցին:

Սարսափահար Իլլինիչնան նետվեց բակը՝ Միշատկային փնտրելու: Ցանկապատի ետևից նրան ձայն տվին:

— Է՛յ, տատի, գնա տուն, կսպանեն:

— Մեր տղան բակումն է: Մի՛շենկա, բալիկս,— լացա-կումած կանչում էր պառավը:

Նա հասավ բակի մեջտեղը, և իսկույն դադարեցին Դոնի մյուս կողմից լսվող կրակոցները: Ակներև էր, որ մյուս ափում գտնվող կազակները տեսել էին նրան: Հենց որ նա գրկեց վազեվազ մոտեցած Միշատկային ու նրա հետ մտավ խոհանոց, հրաձգությունը վերսկսեց ու այնքան շարունակվեց, մինչև որ կարմիրբանակայինները հեռացան Մելխիովների տանից:

Իլլինիչնան ցածրաձայն խոսելով նատալյայի հետ, խմոր հունցեց, բայց հաց թխելը նույնպես գլուխ չեկավ: Խուտորում գտնվող գնդացրային ուղեկալների կարմիրբանակայինները հանկարծ շտապ հեռացան տներից, խոր-խորատներով բարձրացան սարը՝ քարշ տալով գնդացիրները: Մի վաշտ, որ գրավել էր սարի վրա եղած խրամատեն-

րը, շարք կանգնեց, արագաքայլ գնաց դեպի Հետմանական ճանապարհը:

Վեհապանծ լուսթյունը միանգամից փռվեց Դոնի ամբողջ շրջակայքի վրա: Լոնցին հրանոթներն ու գնդացիրները, ճանապարհներով, ամառային բուսակալած շավիղներով, խուտորներից դեպի Հետմանական ճանապարհը ձգվեցին բազմաքանակ գումակները, մարտկոցները, շարասյուներով գնաց հետևազորն ու հեծելազորը:

Իլլինիչնան պատուհանից տեսնելով, թե ինչպես կարմիրբանակայինները կավճոտ հրվանդաններով մագլցում են սարնիվեր, ձեռները սրբեց գոգնոցով, զգացված խաշակնքեց.

— Աստված հաջողեց, նատալյուշկա, կարմիրները հեռանում են:

— Ախ, մայրիկ, նրանք խուտորից գնում են սարը, խրամատները, իսկ իրիկունը էլի կզան:

— Բա ինչի՞ են վազեվազ գնում: Մերոնք վախեցրել են դրանց: Նահանջում են անիծվածները, փախչում են նեռերը...— հրճվում էր Իլլինիչնան, բայց էլի սկսեց խառնել խմորը:

Նատալյան հաշտից դուրս ելավ, կանգնեց շեմքի մոտ ու ձեռքը դնելով աչքերից վերև, երկար նայում էր արևի լույսով ողողված կավճասարին, արևից խանձված, թուխ լեռնաճյուղերին:

Նախափոթորկային վեհասքանչ անդորրում լեռան ետեվից բարձրանում էին սպիտակ, քուլա-քուլա ամպերի կատարները: Կեսօրվա արևը թունդ կիզում էր գետինքը: Արտավայրում ճստճստում էին գետնասկյուռները և նրանց կամացուկ, տխրաբեկ ճստճստոցը միախառնվում էր արտույտների կենսուրախ երգեցողության հետ: Նատալյայի սրտին այնքան հաճելի էր թնդանոթային որոտմունքից հետո տիրող անդորրությունը, որ նա առանց շարժվելու, ագահությամբ ունկնդրում էր և՛ արտույտների անպաճույճ երգին, և՛ ջրհորի կռունկի ձոճոցին և օշինդրային դառը բույրով հագեցած քամու շրջյունին:

Դառն ու բուրավի էր դա, այդ թևավոր, տափաստանային, արևելյան քամին: Նա տարածում էր թեժացած սևահո-

դի ջերմութիւնը, արևի տակ թեքված բոլոր խոտաբույսերի արբեցուցիչ բույրը, բայց արդեն զգացվում էր մոտալուտ անձրևը. Դոնից փչում էր անալի խոնավութիւնը, ծիծեռնակները ճեղքում էին օդը՝ թևերի երկակի սայրերը համարյա դիպցնելով գետինին, ու հեռո՛ւ-հեռվում, կապույտ երկնակամարի տակ, փախչելով վրա հասնող փոթորկից, ճախրում էր տափաստանային ուրուրը:

Նատալյան անցավ բակով: Քարե ցանկապատի մոտ, ճմռթված խոտաբույսերի վրա թափված էին հրացանային պարկուճների ոսկեվուն կուլտերը: Տան ապակիների ու սպիտակացրած պատերի մեջ գնդակների բացած ծակեր էին երևում: Անվնաս մնացած հավերից մեկը, տեսնելով Նատալյային, կշկշկում թռավ ամբարի կտուրի վրա:

Խոտորում երկար շտեկեց փաղաքուշ լուսթյունը: Փշեց քամին, սկսեցին շրխկալ լքած տների բաց փեղկերը և դռները: Ձյան պես սպիտակ, կարկտաբեր ամպը տիրաբար ծածկեց արևը ու սահեց դեպի արևմուտք:

Նատալյան քամուց ցատկոտող մազերը բռնած, մոտեցավ ամառային խոհանոցին, այնտեղից դարձյալ նայեց սարին: Հորիզոնում, փոշու յասամանագույն մշուշով պարուրված, արագ գնում էին երկանիվ փամփշտասայլակները, սլանում էին միայնակ ձիավորները: «Ուրեմն ճիշտ է, հեռանում են», — թեթևացած եզրակացրեց Նատալյան:

Նա դեռ չէր մտել հաշտը, երբ հեռո՛ւ-հեռվում, սարի ետևում որոտընդոտ ու խուլ թնդացին հրանոթային կրակոցները, ու կարծես դրանց արձագանքելով, Դոնի վրայով սահեց Վեշենսկու երկու եկեղեցիների զանգերի ուրախ դողանջը:

Դոնի մյուս կողմում կազակները հոծ խմբերով դուրս թափվեցին անտառից: Նրանք քարշ էին տալիս կամ ձեռնների վրա դեպի Դոն նավակներ էին բերում, իջեցնում ջրի վրա: Թիավարները նավակների ետին կողմում կանգնած, բանեցնում էին թիակները: Երեք տասնյակ նավակներ, իրար առաջ կտրելով, շտապում էին դեպի խոտոր:

— Նատալյուշկա, հարազատս, մերոնք գալիս են... — հոնգուր-հոնգուր լալով, ասավ խոհանոցից դուրս թռած Իլյինիչնան:

Նատալյան գրկեց Միշտակային, բարձրացրեց իրենից էլ վեր: Նրա աչքերը վառ փայլեցին, իսկ ձայնը կերկերաց, երբ նա շնչասպառ ասաց.

— Մտիկ արա, բալիկս, մտիկ արա, աչքերդ սուր են... Կարելի է հերդ էլ կազակների հետ է... Չե՞ս ճանաչում: Այդ հո նա չի՞ գալիս առջևի նավակով, հը՞: Ախ, դու ուրիշ կողմես մտիկ տալի...

Նավամատուցում հանդիպեցին միայն լղարած Պանտելեյ Պրակոֆևիչին: Ծերունին ամենից առաջ տեղեկացավ, թե արդյոք անվնաս են եղները, գույքը, հացը ու, գրկելով թոռներին, լաց եղավ: Իսկ երբ շտապ-շտապ, կաղալով մտավ հայրենի բակը, գունաթափ եղավ, ծունկ շոքեց, լայն խաշակնքեց ու, երկրպագելով դեպի արևելք, երկար ժամանակ իր ալեղարդ գլուխը շէր բարձրացնում տաք, արևակեզ գետնից:

## V

Գիներալ Սեկրետևի հրամանատարությամբ Դոնի բանակի երեք հազարանոց հեծյալ մի զորախումբ վեց հեծելազորային հրանոթով և տասնութ բեռնովի գնդացրով հունիսի 10-ին ջախջախիչ հարվածով ճեղքեց ռազմաճակատը Ուտրիելկալիտվենսկայա ստանիցայի մերձակայքում, երկաթուղագծի երկայնքով շարժվեց Կազանսկայա ստանիցայի ուղղությամբ:

Երրորդ օրվա վաղ առավոտյան Դոնի 9-րդ գնդի սպայական հեծյալ պարեկը Դոնի մոտ հանդիպեց ապստամբների դաշտային պահակախմբին: Տեսնելով հեծյալ ջոկատը, կազակները նետվեցին դեպի ձորակները, բայց պարեկի հրամանատար կազակական յասավուլը հազուստից ճանաչեց ապստամբներին, թափահարեց թրին կապած թաշկինակը և հնչեց ձայնով աղաղակեց.

— Մերոնցից ենք... Մի՛ փախչեք, կազակներ...

Պարեկը աներկյուղ մոտեցավ ձորակի մի ճյուղին: Ապստամբական պահակախմբի պետը, — ծերունի, ալեհեր մի վախմիստոր, — քայլելիս կոճկելով ցողոտված շինելը, դուրս եկավ ընդառաջ: Ութ սպաները իջան ձիերից, ու յասա-



վուրը մոտենալով վախժիստրին, հանեց պաշտպանական գուլնի գլխարկը. որի բոլորքի վրա վառ սպիտակին էր տալիս սպայական գլխարկանիշը, ու ժպտալով ասաց.

— Է՛հ, բարև ձեզ, կազակներ: Հապա, համբուրվենք կազակական հին սովորութեամբ:— Խաշաձև համբուրեց վախժիստրին, թաշկինակով սրբեց շրթունքներն ու բեղերը և, իր վրա զգալով իր ուղեկիցների սպասողական հայացքները, բազմանշանակալից քմծիծաղով բառերը շեշտելով, հարցրեց.

— Հը, ո՞նց է, ուշքի՞ եկաք: Զերոնք բուշեկներից լա՞վ են, չէ՞:

— Ծիշտ այդպես, ձերդ բարեծննդութուն: Մեղքերս քավեցինք... Երեք ամիս կովում էինք, չէինք սպասում, որ դուք կգաք:

— Լավ է, որ թեկուզ ուշ, բայց խելքի եկաք: Անցած բան է, իսկ ով հինը հիշի, նրա աչքը պետք է հանել: Ո՞ր ստանիցայից եք:

- Կազանսկուց, ձերդ բարեծննդութուն:
- Զեր զորամասը Դոնի մյուս կողմն է:
- Ծիշտ այդպես:
- Կարմիրները Դոնից ո՞ւր գնացին:
- Դոնով դեպի վեր, երևի Դոնեցի ավանի կողմը:
- Զեր հեծելազորը դեռ չի՞ անցել Դոնը:
- Ամենեկին ոչ:
- Ինչո՞ւ:
- Զեմ կարող գիտենալ, ձերդ բարեծննդութուն: Մեզ առաջինը ուղարկեցին այս կողմը:
- Կարմիրները այստեղ հրետանի ունե՞ին:
- Երկու մարտկոց կար:
- Ե՞րբ հեռացան:
- Երեկ իրիկունը:
- Պետք էր հետապնդել: Է--է--է, բացբերաններ,— կշտամբանքով ասաց յասավուրը ու, մոտենալով ձիուն, դաշտային պայտուակից հանեց բլոկնոտը և քարտեզը:
- Վախժիստրը կանգնել էր ձիգ, ձեռները իջեցրած: Նրա ետևում երկու քայլ հեռավորությամբ խմբվել էին կազակները, ուրախության ու անգիտակցական անհանգստության

խառն զգացումով դիտում էին սպաներին, ցեղային, բայց երթերից հյուժված ձիերի թամբերը:

Սպաները, որոնք քիպ նստած, անգլիական ուսադիրնե-րով ֆրենչներ և հեծելազորային լայն շավարներ էին հագել, ճմլկոտում էին ոտները, քայլում ձիերի կողքին, աչքերի տակով նայում կազակներին: Նրանցից ոչ մեկի վրա արդեն չկային այնպիսի ինքնագործ ուսադիրներ, ինչպես 1918 թվականի աշնանը,— քիմիական մատիտով նկարված ուսադիրներ: Ոտնամանները, թամբերը, փամփուշտանոցները, հեռագրիտակները, թամբերին կապված կարճ հրացանները,— այս ամենը նոր էր և ուսական չէր: Տեսքով ամենատարեց սպան միայն կապույտ, բարակ մահուդե շերքեզկայով էր, բուխարական ոսկեփայլ կարակուլի փափախով և լեռնական, անկրունկ սապոգներով: Փափուկ քայլելով, նա առաջինը մոտեցավ կազակներին, գծագրոցից բելգիական Ալբերտ թագավորի դիմանկարով, շքեղ տուփով ծխախոտ հանեց, առաջարկեց.

- Մխեցեք, եղբայրներ:
- Կազակներն ազահույթյամբ ձեռները տարան ծխախոտներին: Մոտեցան նաև մյուս սպաները:
- Ինչպես էիք ապրում բուշեկների հետ,— հարցրեց մեծագույնի և լայնաթիկունք մի խորունժի:
- Շատ վատ...— զուսպ պատասխանեց հին կապա հագած մի կազակ՝ ազահույթյամբ ներս քաշելով ծխախոտի ծուխը. աչքը շարժելով խորունժի բարձր, մինչև ծնկները քաշած գետրիներից, որոնք քիպ նստել էին նրա հաստ սրունքների:
- Կազակի ոտների վրա հազիվ էին պահվում քրքրված, կարկատված քոշերը: Պատուված էին սպիտակ, մի քանի անգամ կարկատված բրդե գուլպաները, որոնց մեջ դրված էին շավարի ծայրերը. հենց դրա համար էլ կազակը զմայլված հայացքը չէր կտրում անգլիական կոշիկներից, որոնք նրան շլացնում էին շմաշվող ներբանների հաստութեամբ, պայծառ փայլող պղնձե կափուրիկներով: Նա շհամբերեց ու միամտաբար արտահայտեց իր հիացմունքը.
- Ի՛նչ լավն են ձեր ոտնամանները:

Բայց խորունժին բուրոժվին էլ հակամետ չէր հաշտ խոսակցութեան: Նենգ ու զայրացուցիչ տոնով նա ասաց:

— Դուք ուզեցիք արտասահմանյան հանդերձանքը փոխարինել մոսկովյան տրեխներով, ուրեմն հիմա կարիք չկա աչք տնկել ուրիշի ունեցածի վրա:

— Սխալութիւնն եղավ: Մեղավորացանք...— շփոթված պատասխանեց կազակը՝ նայելով յուրայիններին, փնտրելով պաշտպանութիւնն նրանց կողմից:

Խորունժին շարունակեց իր կոպիտ կոթոցը.

— Ձեր խելքը եզան խելք դուրս եկավ: Եզը հո միշտ էլ այդպես է. սկզբում քայլում է, հետո կանգնում, մտածում: Սխալութիւնն եղավ: Իսկ աշնանը, երբ ռազմաճակատը բաց արիք, ինչի՞ մասին էիք մտածում: Ուզում էիք կոմիսարներ լինել: Հայրենիքի պաշտպանների՞ մտիկ...

Մի երիտասարդ հարյուրապետ փսփոսաց շափն անցկացրած խորունժու ականջին. «Թո՞ղ, էլի, բավական է»,— ու վերջինը ոտներով տրորեց ծխախոտը, թքեց, շորորալով քայլեց դեպի ձիերը:

Յասսավուլը նրան մի երկտող հանձնեց, ցածրաձայն ինչ-որ բան ասաց:

Մանրաշարժ խորունժին անսպասելի թեթևութեամբ թռավ ձիու վրա, կտրուկ դարձրեց նրան ու սլացավ դեպի արևմուտք:

Կազակները շփոթված լուռ էին: Վրա հասած յասսավուլը իր հնչեղ բարիտոնի ցածր նոտաներ վերցնելով, ուրախ հարցրեց.

— Այստեղից մինչև վարվարինսկի խուտորը քանի՞ վեստ է:

— Երեսունհինգ,— միաժամանակ պատասխանեցին մի քանի կազակներ:

— Կա՛վ: Ա՛յ թե ինչ, հայրենակիցներ, գնացեք և հաղորդեցեք ձեր պետերին, որ հեծյալ զորամասերը առանց մի րոպե հապաղելու անցնեն Դոնի այս կողմը: Ձեզ հետ մինչև անցման վայրը կգա մեր սպան, նա կառաջնորդի հեծելազորը: Իսկ հետևազորը թող երթակարգով գնա Կազանսկայա: Հասկանալի՞ է: Դեհ, ինչպես ասում են, ձախ-ե՛տ դարձ ու աստծով, քայլով մա՛րշ:

Կազակները խռնված իշան բլուրից: Մի հարյուր սանժեն քայլում էին ու լուռ ասես պայմանավորված, հետո էլ անբարետես, կապա հագած կազակը, հենց նա, որին կոթում էր եռանդուն խորունժին, օրորեց գլուխը ու դառը հոգոց հանեց:

— Ահա և միացանք, տղերք...

Մեկ ուրիշը իսկույն վրա բերեց.

— Բողզը շաղգամից հո համով չի՛:— Ու յուզալի հայ-հոյանք թափեց:

## VI

Հենց որ Վեշենսկայայում լուր ստացվեց կարմիր զորամասերի շտապ նահանջի մասին, Գրիգորի Մելիխովը երկու հեծյալ գնդով իսկույնեթ անցավ Դոնը, ուժեղ պարեկներ ուղարկեց դեպի առաջ ու շարժվեց հարավային ուղղությամբ: Դոնի մերձակա մի բլուրի ետևում կռիվ էր տեղի ունենում: Խուլ, ասես գետնի տակից որոտում էին միախառնված հրանոթային կրակոցները:

— Երևում է, որ կաղետները արկեր չեն խնայում, արագ կրակ են թափում,— ձիով մոտենալով Գրիգորիին, հիացմունքով ասաց հրամանատարներից մեկը:

Գրիգորին լուռ էր: Նա ձիով գնում էր զորասյան առջևից՝ ուշադրությամբ նայելով բոլոր կողմերը: Դոնից մինչև Բազկի խուտորը երեք վերստ տարածութեամբ ընկած էին ապստամբների թողած հազարավոր բրիչկաններն ու արաբաները: Անտառով մեկ ամենուրեք թափված էր այլևայլ գույք. — ջարդված սնդուկներ, աթոռներ, հագուստ, լծասարք, ամանեղեն, կարի մեքենաներ, հացահատիկով լեցուն պարկեր, այն ամենը, ինչ-որ տնտեսական մեծ ազահուլթյան հետևանքով վերցված ու բերված էր դեպի Դոն նահանջելու ժամանակ: Տեղ-տեղ ճանապարհի վրա ծնկաչափ խորութեամբ ոսկեվուն ցորեն էր թափված: Ու հենց այդտեղ ընկած էին եզների ու ձիերի ուռած, նեխածութիւնից այլանդակված, գարշահոտ դիակները:

— Ա՛յ քեզ տնարարութիւն,— բացականչեց հուզված Գրիգորին ու, հանելով գլխարկը, աշխատելով չշնչել, զգու-

շուժյամբ շրջանցեց երկար մնացած հացահատիկի կույտը, որի վրա փովել էր մեռած մի ծերունի՝ կազակական գլխարկով ու արյունոտ կապաշով:

— Քավթառը պահպանել է իր բարիքը: Սատանաներն են նրան ստիպել այստեղ մնալ,— ափսոսանքով ասաց կազակներից մեկը:

— Մարդը շի ուզեցել ցորենը թողնել...

— Հապա, սլանա՛լ վարգով. թյո՛ւ, դրանից գեշ հոտ է գալի: է՛յ, թոեք... — վրդովված գոռացին ետին շարքերից:

Հարյուրյակը անցավ վարգի: Խոսակցությունները դադարեցին: Անտառով մեկ ներդաշնակ հնչում էին բազմաթիվ ձիերի սմբակների դոփյունը և կազակական հարմար նստած հանդերձանքի զրնգոցը:

...Մարտը տեղի էր ունենում կիստնիցկու կալվածքի մերձակայքում: Յագողնոյից մի կողմ, շոր հովտով հոծ խմբերով փախչում էին կարմիրբանակայինները: Նրանց զըլխավերևում պայթում էր շրապնելը, ետևից խփում էին զընդացիները, իսկ բլուրի վրայով, կտրելով նահանջի ճանապարհը, հոսում էին կալմիկական գնդի ցրիվ շարքերը:

Գրիգորին մոտեցավ իր գնդերով, երբ մարտն արդեն վերջացել էր: 3-րդ կալմիկական գունդը ջարդեց և ամբողջովին ոչնչացրեց կարմիրբանակային երկու վաշտ, որոնք պաշտպանում էին 14-րդ Միրոնովյան դիվիզիայի ցրիվ եկած զորամասերի և գումակների նահանջը Վեշենսկու լեռնանցքով: Դեռ բլուրի վրա Գրիգորին հրամանատարությունը հանձնեց Երմակովին, ասաց.

— Այստեղ առանց մեզ վերջացրին գործը: Գնա միացիր նրանց, իսկ ես մի րոպե վաղ կտամ կալվածատուն:

— Ինչի՞ համար,— զարմացավ Երմակովը:

— Դե, ոնց ասեմ քեզ, ջահել ժամանակս այստեղ մշակ էի, հիմի ուզում եմ տեսնել հին վայրերը...

Կանչելով Պրոխորին, Գրիգորին շուռ եկավ Յագողնոյի կողմը, ու երբ կես վերստ հեռացավ, տեսավ, թե ինչպես առջևի հարյուրյակի վրա բարձրացավ ու քամուց ծածանվեց սպիտակ մի պաստառ, որ նախազգուշաբար իր հետ վերցրել էր կազակներից մեկը:

«Կարծես թե գերի են հանձնվում», — անհանգստությամբ

ու անգիտակցական թախիծով մտածեց Գրիգորին, նայելով, թե ինչպես զորասյունը դանդաղ, ասես դժկամ իջնում է շոր հովիտը, իսկ կանաչ դաշտի միջով, վարգով նրան ընդառաջ են գալիս Սեկրետևի մի խումբ հեծյալները:

Գրիգորին տապալված դարպասի վրայով մտավ կալվածքի բակը, որ ծածկված էր թայլով և որտեղ տիրություն և ամայություն էր տիրում: Յագողնոյին անձանաչելի էր դարձել: Ամենուրեք երևում էին անտնտեսվարության և ավերածության սարսափելի հետքերը: Մի ժամանակ շքեղ տունը խունացել էր և կարծես ցածրացել: Վաղուց ի վեր շներկված կտուրը դեղին էր տալիս բծաշատ ժանգով, մուտքի սանդուղքի մոտ ընկած էին կոտրված ջրորդանները, ծուռ կախվել էին օղակներից հանված խեղկերը, քամին սուլելով ներխուժում էր ջարդված լուսամուտներից, իսկ ներսից գալիս էր ամայի, անբնակ տան դառն, բորբոսային նեխահոտը:

Տան արևելյան անկյունը և մուտքի սանդուղքը քանդված էին երեք դուլմանոց հրանոթի արկով: Արկի տապալած քիլիկի կատարը ներս էր ընկել միջանցքի վնաստիկյան ջարդված լուսամուտից: Թխկին այդպես էլ ընկել ու մնացել էր, բունը խրվել պատի հիմքից դուրս թափված աղյուսակույտի մեջ: Նրա թառամած ոստերի վրայով արդեն բարձրացել, փրչոտվել էր արագ աճող վայրի գայլուկը, քմահաճորեն ցանցել պատուհանի անվնաս մնացած ապակիները, երկաթե դեպի քիվը:

Ժամանակն ու վատ եղանակն իրենց գործն էին անում: Բակի շենքերը խարխլվել էին ու այնպիսի տեսք ունեին, որ կարծես երկար տարիներ մարդկային հոգատար ձեռքերը նրանց չէին կպել: Գարնանային անձրևներից դուրս էր ընկել ախոռի քարե պատը, փոթորիկը քանդել էր կառնթանոցի կտուրը, և հագիվ սպիտակին տվող ծպեղների ու մարդակների վրա միայն տեղ-տեղ մնում էին կիսափտած ծղոտի ծվենները:

Մտռայանոցի մուտքում պառկել էին անտեր մնացած երեք շուն: Տեսնելով մարդկանց, նրանք վեր թռան ու խուլ գոմուլով նետվեցին հաշտը: Գրիգորին մոտեցավ Ֆիլգելի բաց պատուհանին, ձիու վրայից թեքվելով, բարձրաձայն հարցրեց.

— Կենդանի մարդ կա՞ այստեղ:

Տլիպկում երկար ժամանակ լուռթյուն էր տիրում, հետո էլ կանացի կերկերուն մի ձայն պատասխանեց.

— Սպասեցեք, ի սեր Քրիստոսի, հիմա դուրս կգամ:

Պառաված Լուկերյան քստքստացնելով բոբիկ ոտները, դուրս եկավ. արևի տակ աչքերը կկոցելով՝ երկար նայում էր Գրիգորիին:

— Չե՞ս ճանաչում, մորաքույր Լուկերյա,— ձիուց իջնելիս հարցրեց Գրիգորին:

Ու միայն այդ ժամանակ Լուկերյայի շեշտ դեմքի վրա ինչ-որ բան դողաց ու բուժ անտարբերությունը փոխարինվեց ուժեղ հուզումով: Նա լացեց ու երկար ժամանակ շէր կարողանում որևէ բառ արտասանել:

Գրիգորին կապեց ձին, համբերությամբ սպասում էր:

— Ի՞նչ օրեր եմ տեսել: Աստված շանի...— սկսեց հեծկրլտալ Լուկերյան՝ քաթանե կեղտոտ գոգնոցով սրբելով այտերը:— Կարծում էի, թե էլի նրանք են եկել... Ախ, Գրիշենկա, ինչե՛ր եղան այստեղ... Դե արի ու պատմի... Ախր մենակ ես եմ մնացել...

— Բա ո՞ւր է Սաշկա պապին: Պաների հե՞տ է գնացել:

— Թե որ գնար, գուցե կենդանի մնար...

— Մի՞թե մեռել է:

— Սպանեցին նրան... Երրորդ օրն է, որ ընկած է մառանում... Թաղել է պետք, իսկ ես հիվանդացա... Զոռով վերկացա... Վախենում եմ գնալ այնտեղ, մեռելի մոտ...

— Ինչի՞ համար սպանեցին,— շարունակելով նայել գետնին, խուլ հարցրեց Գրիգորին:

— Համբիկի համար.. Մեր պաները վռաղ-վռաղ փախան: Միայն կապիտալը վերցրին, իսկ գույքը համարյա ամբողջովին ինձ վրա թողին.— Լուկերյան ցածրացրեց ձայնը.— ամեն բան, մինչև վերջին թելը պահել եմ: Թաղված է գետնի մեջ ու մինչև հիմի էլ մնում է: Զիբրից վերցրին միայն Օրյուի երեք հովատակ, մնացածները թողին Սաշկա պապի խնամքին: Հենց որ ապստամբությունը սկսվեց, դրանց կազակներն էլ էին վերցնում, կարմիրներն էլ: Գարնան գրլխին կարմիրները վերցրին սև հովատակը, Վիխորը,— գուցե հիշո՞ւմ ես: Զոռով թամբեցին: Ախր նա իսկի հեծած շէր:

Նրանց շհաջողվեց նստել այդ հովատակը, ուրախանալ: Մի շաբաթից հետո գալիս էին Կարգինի կազակները, այ թե ինչ էին պատմում: Նրանք մի բլուրի վրա հանդիպեցին կարմիրներին. սկսեցին կրակել իրար վրա: Կազակների մոտ այդ ժամին խրխնջաց ինչ-որ մի ախմախ զամբիկ: Վիխորն էլ ի՞նչ արեց. կարմիրն քարշ տվեց կազակների մոտ: Ինչքան ուժ ուներ, վազ տվեց զամբիկի կողմը, ու ձիավորը չկարացավ պահել նրան: Տեսնում է նա, որ շի զսպելու հովատակին, ուզում է ցած թռչել ամբողջ թափով սլանալիս: Ցած է թռչում, ամա շի կարենում ոտքը ասպանդակից հանել: Ու Վիխորը նրան բերեց, տվեց հենց կազակների ձեռքը:

— Հիանալի՛ է,— բացականչեց հիացած Պրոխորը:

— Հիմի այդ հովատակը կարգինցի մի փոխխորունժի է նստում,— կարգով պատմում էր Լուկերյան:— Խոսք է տվել՝ հենց որ պանը վերադառնա, իսկույն Վիխորին կբերի մեր ախորը: Այսպես վերցրին բոլոր ձիերը, մնաց միայն սնգարեզան Ստրելկան, որ Պրիմբրից ու Սուժոնայից է ծնվել: Նա ծանրած էր, դրա համար էլ ոչ ոք նրան ձեռ չէր տալի: Վաղուց չէ, որ նա քուռակ էր բերել, ու Սաշկա պապին այնպե՛ս էր խղճում այդ քուռակին, այնպե՛ս էր խղճում, որ չեմ կարող ասել: Գրկած ման էր ածում, կոտորով կաթ ու էլի ինչ որ խոտաչուր էր խմացնում, որ ոտքերը պինդ լինեն: Եվ ահա փորձանք պատահեց... Երեկ չէ մեկել օրը իրիկնադեմին երեք ձիավոր եկան: Պապին պարտեզում խոտ էր հրնձում: Եկածները բղավում են նրա վրա՝ «եկ այստեղ, ա՛յ բիձա»: Նա թողեց գերանդին, մոտեցավ, բարև տվեց, իսկ նրանք իսկի շեն էլ նայում, կաթ են խմում ու հարցնում՝ «ձի կա՞»: Նա էլ ասում է՝ «Մեկը կա, ամա ձեր դինվորական գործի համար անպետք է. զամբիկ է, այն էլ ծնած, քուռակով է»: Նրանցից ամենաչարը գոռում է՝ «Այդ քո խելքի բանը չի, բեր զամբիկը, քավթառ սատանա: Իմ ձիու մեջքը չարզված է, պետք է փոխեմ նրան»: Պապին պետք է որ հնազանդվեր ու շպաշտպաներ այդ զամբիկը, դե, նա էլ, դու հո գիտես, կամակոր ծերունի էր... Պատահում էր, որ պանին էլ էր հակառակ խոսում: Միտդ է, չէ՞:

— Հետո՞, շտվե՞ց,— պատմությանը միջամտեց Պրոխորը:

— Դե, ախր ո՞նց շտաս: նա միայն ասավ. «Ձեզանից առաջ շատ ձիավորներ են եկել, բոլոր ձիերը տարել են, իսկ սրան խղճացել են, բա դուք...» Այստեղ նրանք վեր կացան. «Հը՛մ,— ասում են,— պանի նոքար, դու ձին պանի համար ես պահում, հա՞-ա»: Ու նրան քարշ տվեցին... Մեկը դուրս բերեց զամբիկը, սկսեց թամբել, իսկ քուռակը դունչը խոթում է նրա կուրծի տակ: Պապին խնդրում է. «Խիղճ արեք, մի՛ տանեք, բա քուռակը ի՞նչ անենք»:— «Ա՛յ թե ինչ»,— ասում է մի ուրիշը, քուռակին մորից դեն է քշում, ուսից հանում հրացանը ու խփում նրան: Ես բուռ-բուռ արտասուք թափեցի... Մոտ վազեցի, աղաչանք արեցի նրանց, քաշեցի պապի թևից, ուզում էի ազատել փորձանքից, իսկ նա, հենց որ մտիկ տվեց քուռակին, մորուքը դողացրեց, երեսը ճերմակեց պատի պես, ու ասում է. «Թե որ այդպես է, ինձ էլ խփիր, շան որդի»: Նետվեց նրանց վրա, կպավ, չի թողնում, որ թամբեն: Դե, նրանք բարկացան ու խփեցին: Խելքս թոցրի, երբ կրակեցին նրա վրա... Հիմի չգիտեմ ինչ անեմ նրան: Հարկավոր է դագաղ սարքել, բայց մի՞թե դա կնկա խելքի բան է:

— Տուր երկու բահ ու կարպետ,— խնդրեց Գրիգորին:

— Ուզում ես թաղե՞լ նրան,— հարցրեց Պրոխորը:

— Այո:

— Ինչի՞ ես նեղութուն քաշում, Գրիգորի Պանտելևիչ: Հիմի ես կգնամ կկանչեմ կազակներին: Նրանք դագաղ էլ կշինեն, հարմար գերեզման էլ կփորեն...

Պրոխորը ըստ երևույթին չէր ուզում գլուխ ցավեցնել ինչ-որ մի ծերունու թաղման վրա, բայց Գրիգորին վճռականապես մերժեց նրա առաջարկը:

— Ինքներս գերեզման էլ՝ կփորենք ու կթաղենք: Այս ծերունին լավ մարդ էր: Գնա այգի, լճակի մոտ կսպասես, իսկ ես կերթամ կտեսնեմ ննջեցյալին:

Հենց այն հին, լայնատերև կաղամախու տակին, ջրային ոսպ հագած լճակի մոտ, որտեղ մի ժամանակ Սաշկա պապին թաղեց Գրիգորիի ու Ակսինյայի դստրիկին, ինքն էլ գտավ իր վերջին հանգրվանը: Գայլուկի ճյուղերի հոտ արձակող, խմորի մաքուր ծածկոցով փաթաթված նրա վտիտ մարմինը դրին գերեզման, ծածկեցին հողով: Փոքրիկ գերեզ-

մանաթմբի կողքին բարձրացավ էլի մի թումբ, որ խնամքով տրորված էր սապոգներով ու որի թարմ ու խոնավ կավահողը տոնական փայլ էր արձակում:

Հուշերից ընկճված Գրիգորին պառկեց կանաչի վրա, այդ փոքրիկ, իր սրտին սիրելի գերեզմանից քիչ հեռու, և երկար նայում էր վեհորեն տարածված կապույտ երկնքին: Հեռո՛ւ բարձունքներում, անծայրածիր տարածություններում արշավում էին հողմերը, սահում արևով լուսավառված, պազամպերը, իսկ երկրի վրա, որ հենց նոր էր ընդունել ուրախ ձիապահ և հարբեցող Սաշկա պապին, էլի բուռն թափով եռում էր կյանքը. տափաստանում, որի կանաչ ծովը հենց մինչև այգին էր հասնում, վայրի կանեփի մացառուտներում, հին կալի գործած ցանկապատների կողքին անլռելի հնչում էր լորերի թնդալից ճուղղյունը, ճստճստում էին գետնասկյուռները, բզզում իշամեղուները, շրշում քամու փայփայած խոտաբույսերը, հոսանուտ մուժում երգում էին արտույտները ու, բնության մեջ հաստատելով մարդկային վեհությունը, հեռո՛ւ-հեռովում, անջրգի հովիտով մեկ համառորեն, ցասկոտ ու խուլ տկտկում էր մի գնդացի:

## VII

Գեներալ Սեկրետևին, որ վեշենսկայա ժամանեց շտաբի սպաներով և անձնական պահպանության մի հարյուրյակ կազակներով, դիմավորեցին աղ ու հացով, զանգերի ղողանջով: Երկու եկեղեցիների զանգերը ամբողջ օրը ղողանջում էին ինչպես զատկին: Փողոցներում, երթերից հյուժված, վտիտ նժույգներով երթեկում էին Դոնի ստորին ավազանի կազակները: Նրանց ուսերին սպառնալից կերպով կապույտին էին տալիս ուսադիրները: Հրապարակում, վաճառականական մի տան մոտ, ուր բնակարան էին հատկացրել գեներալ Սեկրետևին, խմբվել էին սուրհանդակները: Արևածաղկի սերմ չըթելով, նրանք ինչ-որ խոսքեր էին ասում ստանիցայի զուգված, այնտեղից անցնող աղջիկներին:

Կեսօրին երեք հեծյալ կալմիկ մի տասնհինգ մարդ գերի կարմիրբանակայիններ բերին գեներալի բնակարանը: Ետևից

գալիս էր երկձի մի սայլ, երաժշտական փողային գործիքնե-  
րով բեռնված: Կարմիրբանակայինները հագնված էին արտա-  
սովոր ձևով,— գորշ, մահուղե շալվարներ և նույնպիսի  
կուրտկաներ՝ թևածալերի կարմիր երիզով: Տարեց մի կալմիկ  
ձին քշեց, մոտեցավ դարպասի մոտ պարապ կանգնած սուր-  
հանդակներին, իջավ ձիուց, կավե ծխամորճը խոթեց զըր-  
պանը:

— Մերոնք կարմիր փողհարներ են բերել: Հասկա-  
նում ես:

— Այստեղ ի՞նչ կա հասկանալու,— ծուլորեն պատաս-  
խանեց հաստամուրթ մի սուրհանդակ՝ արևածաղկի սերմի  
էճեպը բերանից գցելով կալմիկի փողոտված սապոգների  
վրա:

— Ո՞նց թե ինչ, ընդունիր գերիներին: Կերել-խմել,  
մոռիթդ ես հաստացրել, զուր տեղը դուրս ես տալի:

— Դե, դե, լեզուդ ներս քաշի, հայվան,— վիրավորվեց  
սուրհանդակը: Սակայն գնաց գերիների մասին զեկուցելու:

Գարպասից դուրս եկավ մի հաստ յասավուլ կինամոնա-  
դույն գոտիով պրկած բեշմետով: Հաստ ոտները լայն դրած  
և գոռոզաբար ձեռները կողքերին կանթած, նայեց խոնված  
կարմիրբանակայիններին, քրթմնչաց.

— Կոմիսարներին երաժշտությամբ էիք ղվարձացնում,  
հա՞-ա, քոսոտ տամբովցիներ: Ո՞րտեղից են այդ մոխրա-  
դույն համազգեստները: Գերմանացիների՞ց եք հանել, թե  
ինչ:

— Ամենևին ոչ,— աչքերն արագ թարթելով պատաս-  
խանեց բուրից առաջ կանգնած կարմիրբանակայինը: Ու  
շուտասելուկով բացատրեց.— Դեռ Կերենսկու ժամանակ հու-  
նիսյան հարձակումից առաջ այս հագուստը կարել էին մեր  
երաժշտախմբի համար... Այն ժամանակից էլ հագնում  
ենք...

— Կհագնես, ո՞նց չէ, կհագնես: Տեսնեմ ոնց կհագնեք:  
— Յասավուլը կուբանյան ցածիկ փափախի քշեց ծոծրակին՝  
բանալով սափրված գլխի դեռ չլավացած սպին, ու բարձր,  
ծոված կրունկների վրա դարձավ դեպի կալմիկը.— Ինչո՞ւ ես  
բերել սրանց, պիղծ հրեշ, ո՞ր սատանայի համար: Չէի՞ր կա-  
րող ճանապարհին ոչնչացնել...

Կալմիկն ամբողջովին, աննկատելիորեն ձգվեց, ճարպկու-  
թյամբ միացրեց ծուռ ոտքերը ու, ձեռքը շիջեցնելով պաշտ-  
պանական գույնի զխարկի հովարից, պատասխանեց.

— Հարյուրյակի հրամանատարը հրամայեց՝ բշի տար  
այստեղ:

— «Քշի տար այստե՞ղ»,— տնազ արեց պճնամուլ յասա-  
վուլը, քամահրանքով ծոմոնեց բարակ շրթունքները, ու ծանր  
փոխելով ուռած ոտքերը, շարժելով հաստ հետույթը, շրջան-  
ցեց կարմիրբանակայիններին. երկար և ուշադիր զննեց  
նրանց, ինչպես ձիու գնորդը՝ ձիերը:

Սուրհանդակները կամացուկ ծիծաղում էին: Ուղեկցուրդ  
կալմիկների դեմքերը, ինչպես միշտ, անտարբերություն էին  
պահպանում:

— Բա՛ց անել դարպասը, դրանց քշել բակը,— հրամայեց  
յասավուլը:

Կարմիրբանակայինները և սայլը, որի վրա խառնիխուռն  
ընկած էին գործիքները, կանգ առան մուտքի սանդուղքի  
առաջ:

— Ո՞վ է խմբավարը,— ծխախոտը վառելով հարցրեց  
յասավուլը:

— Նա չկա,— միաժամանակ պատասխանեցին մի քա-  
նիսը:

— Ո՞րտեղ է նա, փախե՞լ է:

— Ոչ, սպանված է:

— Տեղն է նրան: Առանց նրանց էլ կանեք ինչ որ պետք  
է: Հապա, վերցնե՛լ գործիքները:

Կարմիրբանակայինները մոտեցան սայլին: Միախառ-  
նըվելով զանգերի միապաղաղ ղողանջին, բակում երկշոտ ու  
աններդաշնակ հնչեցին փողերի պղնձե ձայները:

— Պատրաստվե՛լ: Նվագեցեք «Աստված, պահպանիր ցա-  
րին»:

Երաժիշտները լուռ նայեցին միմյանց: Ոչ ոք չէր սկսում:  
Ծանր լուռթյունը տևեց մի րոպե, իսկ հետո նրանցից մեկը,  
որ ոտաբոբիկ էր, բայց խնամքով կապած փաթաթաններով,  
նայելով գետնին, ասաց.

— Մեզանից ոչ ոք չգիտե հին հիմնը...

— Ոչ ո՞ք: Հետաքրքիր է... է՛յ, սուրհանդակների կիսա-  
դասակ, շարվե՛լ հրացաններով:

Յասավուլը սապոզի քթով անլսելի տակտ էր խփում: Մի-  
ջանցքում շրխկացնելով հրացանները, շարք էին կանգնում  
սուրհանդակները: Ցցապատենեշի ետևում, խիտ առած ակա-  
ցիաներում ծլվլում էին ծտերը: Բակում տարածված էր մա-  
րազների շիկացած երկաթե կտուրների ու մարդկային տաք  
քրտնքի թունդ հոտը: Յասավուլը արևի տակից անցավ ստվե-  
րի մեջ, ու այդ ժամանակ բոբիկ երաժիշտը տխուր նայեց  
ընկերներին, ցածր ձայնով ասաց.

— Ձերդ բարձր բարեձննդություն, այստեղ բոլորն էլ  
ջահել երաժիշտներ են: Հին բաներ չեն նվագել... Ավելի շատ  
ոևոլուցիոն քայլերգեր են նվագել... Ձերդ բարձր բարե-  
ձննդություն:

Յասավուլը մտացրիվ տնտղում էր վահանակներով զար-  
դարված իր գոտու ծայրը, լուում էր:

Սուրհանդակները շարվեցին մուտքի սանդուղքի մոտ,  
հրամանի էին սպասում: Կարմիրբանակայիններին դես-դեն  
հրելով, ետին շարքերից հապճեպ դուրս եկավ տարիքավոր  
աչքը հատ ընկած մի երաժիշտ. թեթև հազալով, հարցրեց.

— Թույլ կտա՞ք: Ես կարող եմ նվագել:— Ու առանց հա-  
մաձայնության սպասելու, արևից տաքացած ֆագոտը տա-  
րավ դողդոջուն շրթունքներին:

Անհաճելի, թախժոտ հնչյունները միալար տարածվելով  
վաճառականի ընդարձակ բակում, յասավուլին ստիպեցին  
ցասկոտ կնճռոտել դեմքը: Ձեռքը թափահարելով, նա բղավեց.

— Դադարեցնե՛լ: Կարծես աղբատի... ես քաշում: Դա  
ի՞նչ երաժշտություն է:

Պատուհաններում երևացին շտաբային սպաների ու  
համհարզների ժպտացող դեմքերը:

— Դուք դրանց թաղման քայլերգ պատվիրեցեք,— պա-  
տանեկան բարակ ձայնով բղավեց պատուհանից կիսով չափ  
դուրս ընկած, երիտասարդ մի հարյուրապետ:

Ձանգերի լարված դողանքը մի բույն լոբց, ու յասավուլը  
շարժելով հոնքերը, կեղծավորությամբ հարցրեց.

— «Ինտերնացիոնալը» իհարկե կկատարեք, չէ՞: Հապա:  
Մի՛ վախենաք: Դե որ հրամայում եմ, ուրեմն սկսեցեք:

Ու վերահաս լուծյան մեջ, կեսօրվա տապում, որպես  
մարտակոչ, հանկարծ ներդաշնակ ու վեհորեն թնդացին «Ին-  
տերնացիոնալի» շեփորող, զայրացկոտ հնչյունները:

Յասավուլը կանգնել էր ինչպես եզր խոշընդոտի առաջ,  
գլուխը թեքած, ոտները տարածած: Կանգնել ու լսում էր:  
Նրա մկանոտ պարանոցը ու կողքված աչքերի կապտավուն  
սպիտակուցները արյունով էին լցվում:

— Դա-դա-րեց-նե՛լ...— Այլևս չհամբերելով, կատաղած  
բղավեց նա:

Նվագախումբը միանգամից լոբց, միայն վալդհորներ  
ուշացավ, ու շիկացած օդում դեռ երկար հնչեց նրա բուռն,  
անավարտ մարտակոչը:

Երաժիշտները լիզում էին չորացած շրթունքները, դրանք  
սրբում թևքերով, կեղտոտ ձեռքերով: Նրանց դեմքերը հող-  
նած ու անտարբեր էին: Միայն մեկի մատնող արցունքը  
գլորվեց փոշոտված այտի վրայով, խոնավ հետք թողեց...

Այդ ժամանակ գեներալ Սեկրետեր ճաշեց դեռ ուս-ճա-  
պոնական պատերազմում իր հետ ծառայած մի ծանոթի  
ազգականների մոտ ու հարբած համհարզի ուղեկցությամբ  
դուրս եկավ հրապարակ: Շոգը և օդին շմեցրել էին նրան:  
Փողոցի անկյունում, գիմնազիայի աղյուսե շենքի մոտ թուլա-  
ցած գեներալը սայթաքեց, երեսի վրա ընկավ ավազոտ գետ-  
նին: Գլուխը կորցրած համհարզը իզուր էր փորձում ոտքի  
հանել նրան: Մոտիկում կանգնած ամբոխից մարդիկ շտա-  
պեցին օգնության: Երկու զառամած կաղակ թևերից բռնած,  
խիստ քաղաքավարի բարձրացրին գեներալին, որ հենց այդ-  
տեղ, ժողովրդի առաջ թափեց սիրտը: Բայց սրտախառնուքի  
մոլուցքի ընդմիջումներին նա դեռ փորձում էր ինչ-որ բղա-  
վել՝ սպառնալից թափահարելով բուռնցքները: Նրան մի  
կերպ հանդարտեցրին, տարան իր բնակարանը:

Հեռվում կանգնած կազակները հայացքներով երկար  
ուղեկցում էին նրան, ցածր ձայնով իրար մեջ խոսում.

— Տե՛ս. է՛, խեղճի բանը վատ եղավ: Իրեն կարգին չի  
պահում, գեներալի՛ս մտիկ:

— Արաղը աստիճան ու շքանշան չի հարցնում:

— Հարկավոր չէր կուլ տալ բոլորը, ինչ որ հրամայեցեք  
էին անում...

— է-է՛, խնամի, հո ամեն մեկը շափով չի՞ շարժվի: Անպիսի մարդ է լինում, որ հարբած ժամանակ ուխտ է անում իսկի շխմել... Հա, ո՞նց են ասում. խողը ուխտ արեց մի քիչ բան ուտել, մի քիչը դառավ տասը քիչ...

— Դրուստ է, էլի՛: Ձեռն ածա տղերանց, որ հեռանան: Այդ սատանաները գնում են հենց նրա կողքից, երկու աչքը չորս են արիւ, ասես իսկի հարբած մարդ չեն տեսել:

...Ստանիցայում ղողանջում էին զանգերը, մարդիկ արագ էին խմում մինչև մթնելը: Երեկոյան էլ մի տան մեջ, որ սպայական ժողովարան էր լինելու, ապստամբական հրամանատարությունը եկվորների համար բանկետ կազմակերպեց:

Բարձրահասակ, վայելչակազմ Սեկրետեր— հին կազակ, կրասնոկուտակայա ստանիցայի մի խուտորի բնիկ,— բուռն կերպով սիրում էր հեծկան ձիերը, հիանալի ձիավար էր, հեծելազորային խիզախ գեներալ: Բայց նա հոետոր չէր: Բանկետում արտասանած նրա ճառը համակված էր հարբած մարդու սնապարծությունը և վերջում աներկիմաստ կշտամբանքներ ու սպառնալիքներ էր պարունակում վերին Դոնի կազակների հասցեին:

Բանկետին ներկա Գրիգորին լարված և զայրացկոտ ուշադրությամբ էր լսում Սեկրետերի խոսքերը: Դեռ չզգաստացած գեներալը կանգնել էր մատներով սեղանին հենված, բաժակից թափթփելով հոտավետ տնական օղին. ավելորդ հաստատակամությունը արտասանելով յուրաքանչյուր նախադասությունը, ասում էր.

— ...Ոչ, ոչ թե մենք պետք է ձեզ շնորհակալություն հայտնենք օգնության համար, այլ դուք— մեզ: Այո, դուք, սա պետք է պարզ ասել: Առանց մեզ կարմիրները ձեզ կոչընչացնեին: Դուք այդ շատ լավ գիտեք: Իսկ մենք առանց ձեզ էլ կճզմեինք այդ խուժանին. ճզմել ենք նրան ու պիտի ճզմենք այնքան ժամանակ,— նկատի ունեցեք,— մինչև որ բոլորովին մաքրենք մաքրող Ռուսաստանը: Դուք աշնանը լքեցիք ռազմաճակատը, բոլշևիկներին թողեցիք կազակական հողը... Դուք ուզում էիք նրանց հետ հաշտ ապրել, բայց չհաջողվեց: Եվ դուք ապստամբեցիք՝ փրկելով ձեր գույքը, ձեր կյանքը: Պարզ ասած՝ փրկելով ձեր կաշին, եզների կա-

շին: Ես անցյալը հիշում եմ ոչ թե նրա համար, որ ձեզ կշտամբեմ ձեր մեղքերի պատճառով... Սա ձեզ վիրավորելու համար չի ասվում: Բայց ճշմարտությունը պարզելը երբեք վնասակար չէ: Մենք ներեցինք ձեր դավաճանությունը: Ինչպես եղբայրներ, մենք ձեզ մոտ եկանք ձեզ համար ամենադժվար րոպեին, եկանք օգնություն: Բայց ձեր խայտառակ անցյալը դուք պետք է քավեք ապագայում: Հասկանալի՞ է, պարոնայք սպաներ: Դուք պետք է դա քավեք ձեր քաջագործություններով և խաղաղ Դոնին անբասիր ծառայելով, հասկանալի՞ է:

— Դեհ, խմենք քավության համար,— առանց որևէ մեկին դիմելու, հազիվ նկատելի ժպտալով, ասաց Գրիգորիի դեմոդեմ նստած, տարեց մի զորական ավագ ու, առանց մյուսներին սպասելու, առաջինը խմեց: Նա ուներ առնական, ծաղիկ հիվանդությունից մի քիչ շեշտված դեմք ու ծիծաղկոտ, շագանակագույն աչքեր: Սեկրետերի ճառի ժամանակ նրա շրթունքները հաճախ սեղմվում էին ու անորոշ, անհաստատ քմծիծաղ էին տալիս, ու այդ պահին աչքերը մթնում էին և բոլորովին սև էին թվում: Հետամուտ լինելով զորական ավագին, Գրիգորին ուշադրություն դարձրեց այն հանգամանքի վրա, որ նա Սեկրետերի հետ «գու»-ով էր խոսում և նրա նկատմամբ իրեն բոլորովին ազատ էր պահում, իսկ մյուս սպաներին միանգամայն զուսպ ու սառն էր վերաբերվում: Բանկետին ներկա գտնվողներից միայն նա էր, որ ուսին կարած խակի գույնի ուսադիրներով ու նույնպիսի կիտեղով էր, թևի վրա կոտնիլովյան շերտն էր կրում: «Ինչ-որ գաղափարական է, երևի կամավորներից է»,— մտածեց Գրիգորին: Զորական ավագը խմում էր ինչպես ձի: Չէր ուտում ու չէր հարբում, միայն երբեմնակի թուլացնում էր անգլիական լայն գոտին:

— Ո՞վ է դա, իմ դեմ նստած այդ շեշտը,— շնջալով հարցրեց Գրիգորին իր կողքին նստած Բոգատիրյովին:

— Ստանան գիտե,— ուսերը թոթվեց գինուցած Բոգատիրյովը:

Կուղինովը հյուրերի համար օղի չէր խնայում: Որտեղից-որտեղ սպիրտ երևաց սեղանի վրա, ու Սեկրետերը դժվարությամբ վերջացնելով ճառը, արձակեց պաշտպանական գույ-



նի սերթուկի կոճակները, ծանր նստեց աթոռի վրա: Մոնղոլ-լական ցայտուն տիպի դեմքով, երիտասարդ մի հարյուրապետ կոացավ ու ինչ-որ փսփոսաց նրա ալկանջին:

— Զհաննա՛մը,— կարմրատակելով պատասխանեց Սեկրետերը ու միանգամից կոնծեց մի գավաթ սպիրտ, որ քծնաբար լցրել էր Կուդինովը:

— Իսկ այն շիլ աչքերո՞վը ով է, համհա՞րզ է,— հարցրեց Գրիգորին Բոգատիրյովին:

Ձեռքով բերանը ծածկելով՝ Բոգատիրյովը պատասխանեց.

— Ոչ, նա Սեկրետերի սանն է: Ծալոնական պատերազմի ժամանակ Սեկրետերը նրան, փոքր տղային բերել էր Մանջուրիայից: Գաստիարակել ու տվել էր յունկերների դպրոց: Այդ շինացին խելոք մարդ դարձավ: Քաջն է, հա՛ւա: Երեկ Մակենկայի մոտ գրավեց կարմիրների դրամարկղը: Երկու միլիոն ուլբի ճանկեց: Տե՛ս, բոլոր գրպաններից ցցվել են այդ փողի կապոցները: Անիծվածի բախտը բանեց, էլի՛: Զուտ գանձ է: Խմի՛, է՛, ի՞նչ ես դրանց նայում:

Կուդինովը պատասխան-ճառ ասաց, բայց նրան համարյա արդեն ոչ ոք չէր լսում: Խրախճանքը գնալով ավելի լայն ծավալ էր ստանում: Սեկրետերը սերթուկը հանած, նստել էր միայն շապկով: Մաքուր սափրված նրա գլուխը պլպլում էր քրտնքից, ու բոլորովին մաքուր կտավե շապիկը է՛լ ավելի էր երանգավորում նրա կարմրատակած դեմքը և արևայրուկից ձիթապտղի գույն առած պարանոցը: Կուդինովը ցածր ձայնով նրան ինչ-որ բան էր ասում, բայց Սեկրետերը, առանց նրան նայելու, համառորեն կրկնում էր.

— Ո-ո-ո՛չ, կներես: Կներե՛ս, ասում եմ: Մենք ձեզ վրաս հում ենք, բայց այնքան-որքան... Ձեր դավաճանությունը շուտ չի մոռացվի: Թող այս բանը լավ հիշեն բոլոր նրանք, ովքեր աշնանը անցել էին կարմիրների կողմը...

«Հը՛մ, մենք էլ ձեզ կծառայենք այնքան-որքան»,— սառը կատաղությունով մտածեց հարբած Գրիգորին ու վեր կացավ: Գլխարկը ձեռքին դուրս ելավ տնից, թեթևությամբ, ամբողջ կրծքով ներշնչեց գիշերային թարմ օդը:

Գոնի մոտ, ինչպես անձրևից առաջ, կոկոսում էին գորտերը, խուլ ճաճում էին ջրաբզիզները: Ավազոտ ցամաքա-

լեզվի վրա թախծոտ ճովողում էին կտցարները: Հեոո՛ւ-հեո-վում, գետառում ծոր տվող ու բարակ ձայնով վրնջում էր մորը կորցրած մի մտրուկ: «Դառը կարիքը մեզ միացրեց ձեզ, թե չէ դուք մեզ հոտ քաշելու համար էլ հարկավոր չէիք լինի: Անիծվա՛ծ սրիկա: Կոտրատվում է ոնց որ կոպեկանոց բլիթը, նախատում է, մի շաբաթից հետո էլ ուղղակի կսկսի շոքել մեր բկին... Ա՛մա թե գործ եղավ, հա՛ա... Որ կողմը դառնաս, մեկ է: Ախր ես այդպես էլ մտածում էի... Հենց այսպես էլ պիտի լիներ: Հիմի ո՞նց են քաշելու կազակների քթից: Կազակները մոռացել են պատիվ տալ ու ձգվել նորին բարեծննդությունների առաջ»,— մտածում էր Գրիգորին մուտքի սանդուղքից իջնելիս, խարխափելով փնտրում բակի դուռը:

Սպիրտը նրա վրա էլ էր ազդել. գլուխը պտտվում էր, շարժումները անվստահ ու ծանր էին: Գուրս գալով բակի դռնից, նա ճոճվեց, գլխարկը դրեց ու քաշեց աչքերին ու, ոտները քարշ տալով, գնաց փողոցի երկարությամբ:

Ակսինյայի մորաքրոջ տնակի մոտ մտազբաղ կանգ առավ, հետո էլ վճռականորեն քայլեց դեպի մուտքը: Գրսի դուռը փակված չէր: Գրիգորին առանց դուռը ծեծելու մտավ օթախ ու հենց իր առաջ տեսավ սեղանի մոտ նստած Ստեպան Աստախովին: Ակսինյայի մորաքույրը զբաղված էր վառարանի մոտ: Մաքուր սփռոցով ծածկված սեղանի վրա դրված էր մի կիսատ շիշ օղի, ափսեի մեջ կարմրին էր տալիս շորացրած, կտրատված ձուկը:

Ստեպանը հենց նոր էր դատարկել բաժակը և ըստ երեվույթին ուզում էր ուտել, բայց տեսնելով Գրիգորիին, ափսեան դեն հրեց, մեջքը դեմ արեց պատին:

Որքան էլ հարբած էր Գրիգորին, այնուամենայնիվ նկատեց Ստեպանի մեռելային գունատությամբ պատած դեմքը և գայլի աչքերի պես բռնկած նրա աչքերը: Հանդիպումից շՁմած Գրիգորին իր մեջ ուժ գտավ խռպոտ ձայնով ասելու.

— Բարի աջողում, ո՞նց եք:

— Փառք ասածու,— վախեցած պատասխանեց տանտիրուհին, որ անշուշտ տեղյակ էր Գրիգորիի և իր ազգականուհու հարաբերություններին, ու ամուսնու և սիրեկանի այդ անակնկալ հանդիպումից ոչ մի լավ բան չէր սպասում:

Ստեպանը ձախ ձեռքով լուռ շփում էր բեղերը, վառված աչքերը շեր կտրում Գրիգորիից:

Վերջինս ոտները լայն դրած, կանգնել էր շեմքի մոտ, ծուռ ժպտում էր, ասում.

— Եկա այցելության... Ներեցեք:

Ստեպանը լուռ էր: Անհարմար լուռությունը այնքան տևեց, մինչև որ տանտիրուհին համարձակվեց ներս հրավիրել Գրիգորիին.

— Անցեք, նստեք:

Հիմա Գրիգորին արդեն ոչինչ չէր կարող թաքցնել: Ակսիսյայի բնակարանում նրա հայտնվելը ամեն ինչ բացատրում էր Ստեպանին: Ու Գրիգորին շիտակ վարվեցողության դիմեց.

— Բա ո՞ւր է կինդ:

— Իսկ դու... եկել ես նրան այցելելու,— մեղմ, բայց պարզ հարցրեց Ստեպանը ու աչքերը սքողեց զոդոջ արտևանունքներով:

— Այո,— հոգոց հանելով խոստովանեց Գրիգորին:

Այդ ակնթարթում նա ամեն ինչ սպասում էր Ստեպանից, ու զգաստանալով, պաշտպանության էր պատրաստվում: Բայց Ստեպանը բացեց աչքերը (դրանց մեջ արդեն մարել էր քիչ առաջվա կրակը), ասաց.

— Ես նրան ուղարկել եմ օդու, հիմի կգա: Նստիր, սպասիր:

Նա, բարձրահասակ ու բարեկաղմ Ստեպանը, մինչև անգամ վեր կացավ, աթոռ հրամցրեց Գրիգորիին. առանց տանտիրուհուն նայելու, ասաց.

— Մորաքույր, մաքուր բաժակ տվեք,— ու դիմեց Գրիգորիին.— Կլամե՞ս:

— Մի քիչ կարելի է:

— Դեհ, նստիր:

Գրիգորին նստեց սեղանի մոտ... Ստեպանը շշի մեջ մնացած օդին հավասար չափով լցրեց բաժակների մեջ, ինչ-որ մուժով սքողված աչքերը բարձրացրեց Գրիգորիի վրա:

— Բոլոր լ՛վ մարդկանց կենա՛ցը:

— Սաղ լինենք:

Բաժակներն իրար զարկեցին: Խմեցին: Կուռ էին: Տան-

տիրուհին, որ մկան պես արագաշարժ էր, հյուրին մատուցեց ափսե և քրքրված կոթով մի պատառաբաղ:

— Զուկ կերեք: Շատ աղի չէ:

— Շնորհակալ եմ:

— Վերցրեք ափսեի մեջ, անուշ արեք,— հրամայում էր ուրախացած տանտիրուհին: Նա գոհ էր, որ ամեն ինչ լավ գնաց, առանց տուրուդմբոցի, առանց ամանները ջարդելու, առանց աղմուկի: Վատ բան խոստացող խոսակցությունը վերջացել էր: Ամուսինը իր կնոջ սիրեկանի հետ հանգիստ նստած էր ընդհանուր սեղանի մոտ: Այժմ նրանք լուռ ուտում էին ու միմյանց չէին նայում: Քաղաքավարի տանտիրուհին սնդուկից հանեց մի մաքուր երեսսրբիչ ու կարծես միացրեց Գրիգորիին ու Ստեպանին՝ դրա ծայրերը դնելով երկուսի ծնկներին:

— Ինչո՞ւ դու հարյուրյակում չես,— կրծոտելով գետալին բրամ ձուկը, հարցրեց Գրիգորին:

— Նույնպես այցելության եմ եկել,— մի փոքր լռելուց հետո պատասխանեց Ստեպանը, ու նրա տոնից ոչ մի կերպ չէր կարելի որոշել լուրջ է ասում, թե՞ հեղնում է:

— Հարյուրյակը երևի գնացել է տները, հա՞:

— Բոլորն էլ խուտորում են: Էհ, խմե՛նք մնացածը:

— Խմե՛նք:

— Սաղ լինենք:

— Բոլոր լավ մարդկանց կենացը:

Ճոնշաց հաշտի դռան փակը: Վերջնականապես զգաստացած Գրիգորին աչքի տակով նայեց Ստեպանին, նկատեց, որ գունատությունը վերստին ալիքի նման ողողել է նրա դեմքը:

Ակսիսյան գորգանման շալով փաթաթված, չճանաչելով Գրիգորիին, մոտեցավ սեղանին, շեղակի նայեց, ու նրա սև, լայնացած աչքերում դողաց սարսափը: Շնչասպառ լինելով, նա հազիվ կարողացավ ասել.

— Բարև ձեզ, Գրիգորի Պանտելիչ:

Ստեպանի մեծ, ջլուտ ձեռքերը, որ դրված էին սեղանին, հանկարծ մի փոքր դողացին, ու Գրիգորին՝ «այդ տեսներով լուռ գլուխ տվեց Ակսիսյային, ոչ մի բառ չասաց:

Սեղանի վրա երկու շիշ տնական արաղ դնելով, Ակսին-

յան տագնապով և թաքուն ուրախությամբ լեցուն հայացքով կրկին նայեց Գրիգորիին, շուտ եկավ ու անցավ օթախի մութ անկյունը, նստեց սնդուկի վրա, դողդոջ ձեռներով շտկեց մազերը: Հաղթահարելով հուզմուքը, Ստեպանը արձակեց իրեն նեղող շապկի օձիքը, լիք լցրեց բաժակները, երեսը գարձրեց դեպի կինը.

— Բաժակ վերցրու և սեղան նստիր:

— Ես չեմ ուզում:

— Նստի՛ր:

— Ես հո օղի չեմ խմում, Ստյոպա:

— Քանի՞ անգամ պիտի ասեմ,— Ստեպանի ձայնը դողաց:

— Նստիր, հարևանուհի,— Գրիգորին քաջալերանքով ժպտաց:

Ակսիսյան աղերսագին նայեց նրան, արագ մոտեցավ պահարանին: Դարակից մի փոքրիկ ափսե ընկավ, զրնգալով կոտորվեց:

— Ա՛խ, փորձանք է, էլի,— տանտիրուհին վշտացած իրար զարկեց ձեռները:

Ակսիսյան լուռ հավաքում էր ափսեի կտորտանքները:

Ստեպանը նրա համար էլ լիք լցրեց բաժակը, ու նրա շքերը նորից բռնկվեցին վշտով և ատելությամբ:

— Դեհ, խմենք...— սկսեց նա ու լռեց:

Լուսյան մեջ պարզ լսվում էր, թե ինչպես բուռն կերպով ու անհանգիստ է շնչում Ակսիսյան:

— ...Խմենք, կնիկ, երկար անջատման համար: Հը՛, չե՛ս ուզում, չե՛ս խմում:

— Դու հո գիտես...

— Ես հիմի ամեն բան գիտեմ... Լա՛վ, ոչ թե անջատման համար, այլ թանկագին հյուր Գրիգորի Պանտելիչի կենացը:

— Նրա կենացը կխմեմ,— զրնգուն ձայնով ասաց Ակսիսյան ու միանգամից դատարկեց բաժակը:

— Վա՛յ, գլուխդ չմեռնի,— շեղաց տանտիրուհին ու վազավեց խոհանոց:

Նա կուշ եկավ մի անկյունում, ձեռները սեղմեց կրծքին, սպասում էր, որ ասա գորգալուով կընկնի շուտ տված սեղանը:

Խլացուցիչ կճայթի կրակոցը... բայց օթախում մեռելային լուսթյուն էր տիրում: Լսվում էր միայն, թե առաստաղի վրա ինչպես են տղզում լուսից անհանգստացած ճանճերը ու ստանիցայով մեկ, ողջունելով կեսգիշերը, կանչում են աքաղաղները:

## VIII

Դոնի շրջանում մթին են հունիսի գիշերները: Քարե-տախտակի պես սև երկնքում, տաղտկալի անդորրում բռնկվում են ոսկե փայլակները, ընկնում աստղերը՝ անդրադառնալով Դոնի արագահոս ջրերում: Չոր և տաք քամին տափաստանից դեպի բնակավայրերն է բերում ծաղկուն ծոթորի մեղրաբույրը, իսկ գետառում անալի բուրում են խոնավ խոտաբույսերը, տիղմը, թացությունը, անլռելի աղմկում են ջրահավերը, ու առափնյա անտառը, որպես հեքիաթում, ամբողջովին ծածկված է լինում մշուշի արծաթավուն դիպակով:

Պրոխորը կեսգիշերին արթնացավ: Բնակարանատիրոջը հարցրեց.

— Մեր հրամանատարը չեկա՞վ:

— Ոչ: Քեֆ է անում գեներալների հետ:

— Ա՛մա թե արաղ կխմեն այնտեղ, հա՛ւ,— նախանձելով հոգոց հանեց Պրոխորը ու հորանջելով, սկսեց հագնվել:

— Հը՛, ո՞ւր ես գնում:

— Գնամ ձիերին ջուր ու գարի տամ: Պանտելիչն ասում էր, թե լուսաբացին կգնանք Տատարսկի: Մի օր կմնանք այնտեղ, հետո էլ պետք է հասնել մեր զորամասերին:

— Լույսը հլա շուտ չի բացվի: Քնեիր, էլի՛:

Պրոխորը անբավականությամբ պատասխանեց.

— Իսկույն երևում է, պապի, որ ջահել ժամանակվանից շարային չես եղել: Մեր ծառայությունը այնպես է, որ եթե ձիերը չկերակրենք ու նրանց չխնամենք, կարելի է թե սաղ էլ չմնանք: Վատ ձիերով ի՞նչ կարող ես անել: Զիդ ինչքան լավ լինի, այնքան շուտ կփախչես թշնամուց: Ես այսպես եմ. ինձ հարկավոր չի նրանց հասնել, իսկ եթե բանը դժվարանա, դա՛նակը ոսկորին հասնի, ես առաջինը կճղեմ: Առանց այն էլ քանի՛-քանի տարի է, որ ճակատս գնդակներին եմ դեմ

անում, հոգիս դուրս է եկել: Պապի, լույս վառի, թե չէ ոտիս փաթաթանը չեմ գտնում: Ա՛յ, շնորհակալություն: Հա՛, մեր Գրիգորի Պանտելիչը խաչեր ու աստիճաններ էր ստանում, արի-հրի դեմ գնում, իսկ ես այդպես հիմար չեմ, այդ ինձ հարկավոր չի: Ը՛հը, կարծեմ սատանեն բերում է նրան, ու երեկ թունդ հարբած է:

Դուռը կամացուկ ծեծեցին:

— Նե՛րս մտե՞ք,— բղավեց Պրոխորը:

Ներս մտավ անծանոթ մի կազակ՝ պաշտպանական գույ- նի բլուզի վրա կրտսեր ուրյադնիկի ուսադիրներով և գլխարկ- կանիշ կպցրած հովարավոր գլխարկով:

— Ես գեներալ Սեկրետևի զորախմբի շտաբում սուր- հանդակ եմ: Կարո՞ղ եմ տեսնել նորին բարեձննդություն պարոն Մելեխովին,— հարցրեց նա պատիվ տալով՝ շեմքի մոտ ձիգ կանգնած:

— Նա չկա,— պատասխանեց մարգած սուրհանդակի կեցվածքից ու վարվելաձևից ապշած Պրոխորը.— Դու մի՛ ձգվիր, հա՛, ես էլ ջահել ժամանակս այդպես հիմար էի, ինչպես դու: Ես նրա բանբերն եմ: Ի՞նչ գործով ես եկել:

— Գեներալ Սեկրետևի հրամանով եկել եմ պարոն Մելե- խովին կանչելու: Նրան խնդրում են իսկույն ներկայանալ սպայական ժողովարանի տունը:

— Նա դեռ իրիկվանից գնացել էր այնտեղ:

— Եկել էր, հետո էլ գնացել տուն:

Պրոխորը սուլեց ու աչքով արավ մահճակալի վրա նըս- տած տանտիրոջը.

— Հասկացա՞ր, պապի: Ուրեմն ծլկել է իր ճնկոյժի մոտ... Դու գնա, գինվոք աղբեր, իսկ ես նրան կգտնեմ ու անմիջապես կբերեմ այնտեղ:

Մերունուն հանձնարարելով ջրել ձիերը ու գարի տալ նրանց, Պրոխորը գնաց Ակսինյայի մորաքրոջ մոտ:

Ստանիցան քնած էր անթափանց խավարում: Գոնի մյուս կողմում, անտառում ձայն ձայնի տալով գեղգեղում էին սոխակները: Պրոխորը առանց շտապելու մոտեցավ ծա- նոթ խրճիթին, մտավ հաշտը ու հենց որ ձեռքը տարավ դռան բռնակին, լսեց Ստեպանի թավ ձայնը: «Ա՛յ քեզ խաթա-ա՛, — մտածեց Պրոխորը.— Կհարցնի՛ ինչի՞ ես եկել: Բա ի՞նչ

ասեմ: Է՛հ, գլուխը քարը, ինչ ուզում է լինի: Կասեմ՝ եկել եմ օղի գնելու, միթե՞մ հարևանները ուղարկեցին այս տունը»:

Ու արդեն սիրտ առնելով, մտավ սենյակը, զարմանքից շշմելով բացեց բերանը. Աստախովի հետ սեղան էր նստել Գրիգորին ու բաժակով կոնժում էր մուգ կանաչավուն տնա- կան օղին, կարծես նրանց միջև ոչինչ էլ չէր պատահել:

Ստեպանը նայեց Պրոխորին, բռնազբոսիկ ժպիտով ասաց.

— Ի՞նչ ես բերանդ բացել ու բարև չես տալի: Թե՞ գար- մանք բան տեսար:

— Դե, ո՛նց ասեմ...— Կռթնելով մեկ կամ մյուս ոտին, պատասխանեց զարմանքից դեռ չզգաստացած Պրոխորը:

— Կա՛վ, մի վախի, եկ նստիր,— հրավիրեց Ստեպանը:

— Նստելու ժամանակ չկա... Ես քեզ կանչելու եմ եկել, Գրիգորի Պանտելիչ: Հրամայված է հենց հիմի ներկայանալ գեներալ Սեկրետևին:

Գրիգորին Պրոխորի գալուց առաջ էլ մի քանի անգամ փորձել էր գնալ: Գավաթը դեն տանելով, վեր էր կենում ու էլի նստում, վախենալով, որ եթե հեռանա, Ստեպանը դա վախկոտություն արտահայտություն կհամարի: Հպարտությու- նը նրան թույլ չէր տալիս հեռանալ Ակսինյայից, տեղը զի- ջել Ստեպանին: Գրիգորին խմում էր, բայց օղին այլևս չէր ազդում նրա վրա: Ու զգաստ արժեքավորելով իր դրուժյան ամբողջ երկիմաստությունը, նա գործի վերջավորությանն էր սպասում: Երբ Ակսինյան խմեց իր՝ Գրիգորիի կենացը, վերջինիս մի վայրկյան թվաց, թե Ստեպանը կսփի իր կնո- ջը: Բայց նա սխալվեց. Ստեպանը բարձրացրեց ձեռքը, խորհուրդոգ ափով շփեց արևից սևացած ճակատը, ու կար- ճատն լռությունից հետո, հիացած նայելով Ակսինյային, ա- սաց.— «Կեցցե՛ս, կնիկ, սիրում եմ քեզ՝ համարձակությունդ համար»:

Դրանից հետո ներս մտավ Պրոխորը:

Մի փոքր մտածելով, Գրիգորին որոշեց չգնալ, սպասել, որ Ստեպանը բացվի:

— Գնա այնտեղ և ասա, որ ինձ չգտար: Հասկացա՞ր,— դիմեց նա Պրոխորին:

— Հասկանալը հասկացա: Միայն թե ավելի լավ կլինեն, Պանտելիչը, գնայիր այնտեղ:

— Քո գործը չի: Հա՛յգա:

Պրոխորը քայլեց դեպի դուռը: Բայց այստեղ անսպասելիորեն միջամտեց Ակսինյան: Առանց Գրիգորին նայելու նա շոր տոնով ասաց.

— Ձէ, ի՞նչ կարիք կա, գնացեք միասին, Գրիգորի Պանտելիչը: Շնորհակալություն, որ եկաք, հյուր եղաք, մեզ հետ ժամանակ անցկացրիք... Միայն թե ուշ է արդեն, աքլորները երկրորդ անգամ կանչեցին: Շուտով կլուսանա, իսկ ես ու Սոյոպան առավոտ ծեգին պետք է տուն գնանք... Դե, դուք էլ բավական խմել եք: Հերիք է:

Ստեպանը շփոթեց մնալ, ու Գրիգորին վեր կացավ: Հրածեշտ տալով, Ստեպանը Գրիգորիի ձեռքը պահեց իր սառն ու կոշտ ձեռքի մեջ, կարծես ուզում էր վերջին անգամ մի բան ասել, բայց այնպես էլ չասաց, լուռ, աչքերով ուղեկցեց Գրիգորիին մինչև դուռը, ձեռքը դանդաղ մեկնեց կիսատ մնացած շշին...

Գրիգորին հենց որ դուրս ելավ փողոց, սարսափելի հոգնածություն զգաց: Դժվարությամբ շարժելով ոտները, հասավ մինչև առաջին խաչ-փողոցը, խնդրեց իր ետևից կրքնկակոխ եկող Պրոխորին.

— Գնա թամբերի ձիերը ու բեր այստեղ: Ոտով տեղ չեմ հասնի...

— Չգեկուցե՞մ, որ դու գալիս ես:

— Ոչ:

— Լավ, սպասիր, ես շուտով կվերադառնամ:

Ու միշտ դանդաղաշարժ Պրոխորը այս անգամ արագ վազ տվեց դեպի բնակարանը:

Գրիգորին նստեց ցանկապատի տակ, վառեց ծխախոտը: Մտքերի մեջ վերականգնելով Ստեպանին հանդիպելը, անտարբերությամբ մտածեց՝ «էհ, ի՞նչ արած, հիմի նա գիտե: Միայն թե շեծի Ակսինյային»: Հետո հոգնածությունը և իր ապրած հուզմունքը նրան ստիպեցին պառկել: Նա ննջեց: Շուտով Պրոխորը բերեց ձիերը:

Լսուտով անցան Դոնի մյուս կողմը, ձիերը քշեցին արագ վարգով:

Լուսարացին մտան Տատարակի: Գրիգորին իրենց բակի դարպասի մոտ իջավ ձիուց, սանձը պցեց Պրոխորին, շտապելով և հուզվելով գնաց տուն:

Կիսամերկ նատալյան ինչ-որ բանի համար դուրս եկավ հաշտը: Տեսնելով Գրիգորիին, նրա քնաթաթախ աչքերը ուրախության այնպիսի պայծառ, ճառագող լույսով բռնկվեցին, որ Գրիգորիի սիրտը դողաց ու մի ակնթարթ անսպասելիորեն թրջվեցին աչքերը: Իսկ նատալյան լուռ գրկում էր իր մինուճարին, ամբողջ մարմնով սեղմվում նրան, ու նատալյայի ուսերի ցնցումներից Գրիգորին հասկացավ, որ նա լալիս է: Գրիգորին մտավ տուն, համբուրեց հորն ու մորը և օթախում քնած երեխաներին, կանգնեց խոհանոցի մեջտեղում:

— Էհ, ո՞նց անցկացրիք, ամեն ինչ բարեհաջող է,— հարցրեց հուզմունքից շնչասպառ:

— Փառք աստծու, զավակս, վախենալու բան էր, ամաշատ նեղություն չտվեցին,— արագ պատասխանեց Իլլինիչնան ու, շեղակի նայելով լացակուճած նատալյային, բարկացկոտ բղավեց նրա վրա.— Ուրախանալ է պետք, իսկ դու լաց ես լինում, դմբու: Դեհ, պարապ մի կանգնի, փայտ բեր վառարանը վառելու...

Մինչդեռ Իլլինիչնան և նատալյան շտապ-շտապ նախաձառ էին պատրաստում, Պանտելիչ Պրակոֆևիչը որդու համար մի մաքուր երեսուրբիչ բերեց, առաջարկեց՝

— Լվացվիր, ես ջուր կլցնեմ ձեռքերիդ: Գլուխդ կհոսանա... Օղու հոտ է փչում քեզնից: Երկի երեկ խմել ես ուրախությունից, հա՛:

— Այդպես է եղել: Միայն թե առայժմ հայտնի չէ՝ ուրախությունից թե դարդից...

— Ո՞նց թե,— անասելի զարմացավ ծերունին:

— Սեկրետը շատ է շարանում մեզ վրա:

— Դե, այդ փորձանք չի: Մի՞թե նա էլ էր քեզ հետ խմում:

— Հա՛, էլի:

— Օ-հո-հո-ո՛, ա՛մա թե պատվի ես արժանացել, Գրիշկա: Իսկական գեներալի հետ սեղան ես նստել: Տեսեք, է՛... ու Պանտելիչ Պրակոֆևիչը խանդաղատանոք նայելով որդուն, հիացած ծնթացրեց լեզուն:

Գրիգորին ժպտաց: Նա չէր, որ պիտի բաժաներ ծերունու միամիտ հրճվանքը:

Զուսպ հարցուփորձ անելով, թե արդյոք պահպանվե՞լ են անասունները և գույքը և ինչքան հացահատիկ է փշացել: Գրիգորին նկատում էր, որ տնտեսության վերաբերյալ խոսակցությունը այնպես շի հետաքրքրում հորը, ինչպես առաջ Մերունու մտքում ինչ-որ ավելի կարևոր մի բան կար, ինչ-որ մտահոգված էր նա:

Եվ նա բացվեց, առանց հապաղելու.

— Բա հիմի ո՞նց կլինի, Գրիշենկա: Մի՞թե էլի պետք է ծառայել:

— Այդ ո՞ւմ մասին ես ասում:

— Մերերի մասին: Զորօրինակ, վերցնենք ինձ:

— Առայժմ հայտնի չէ:

— Ուրեմն պետք է կովի՞ դուրս գալ:

— Դու կարող ես մնալ:

— Ի՞նչ ես ասու-ո՞ւմ,— ուրախացած բացականչեց ծերունին ու սկսեց հուզված, կաղ-կաղ քայլել խոհանոցում:

— Նստիր, էլի, կաղ սատանա: Աղբը ոտներովդ դես-դեն մի տանի: Ուրախացա՛վ, վա՛ղ տվեց ոնց որ լլար թուլա,— խստությունք բղավեց Իլլինիչնան:

Բայց ծերունին ուշադրություն էլ չդարձրեց բղավոցի վրա: Ժպտալով ու ձեռները շփելով, մի քանի անգամ ետ ու առաջ քայլեց սեղանից մինչև վառարանը: Այնտեղ նրա մեջ կասկած առաջացավ.

— Դու կարո՞ղ ես ինձ ազատել:

— Իհարկե, կարող եմ:

— Թուղթ կգրե՞ս:

— Բա ո՞նց:

Մերունին շշուկեղ տատանմունքից, բայց այնուամենայնիվ հարցրեց.

— Բա թուղթը, ո՞նց կլինի... Առանց կնիքի: Թե՞ քեզ մոտ կնիք էլ կա:

— Առանց կնիքի էլ կանցնի,— ժպտաց Գրիգորին:

— Դե, ուրեմն էլ ի՞նչ խոսք,— նորից ուրախացավ ծերունին.— Աստված քեզ առողջություն տա: Բա դու ինքդ ե՞րբ ես գնալու:

— Վաղը:

— Քո գործասերը առա՞ջ են գնացել: Ուստ-Մեղվեղի-ցայի կո՞ղմը:

— Այո: Իսկ քեզ համար, ապի, մի՛ անհանգստանա: Միևնույն է, շուտով այնպիսի ծերունիներին, ինչպես դու, պետք է տուն թողնեն: Դուք արդեն վերջացրել եք ձեր ծառայությունը:

— Տա՛ աստված,— Պանտելեյ Պրակոֆևիչը խաշակնքեց և ըստ երևույթին վերջնականապես հանգստացավ:

Երեխաները արթնացան: Գրիգորին գրկեց նրանց, նըստեցրեց ծնկներին ու հերթով նրանց համբուրելով, ժպտալով, երկար լսում էր նրանց ուրախ ծվլոցը:

Ինչ լա՛վ են բուրում այդ երեխաների մազերը: Արևի, խոտաբույսերի, տաք բարձի ու անսահմանորեն հարազատ էլի ինչ-որ բանի բույրն է դա: Ու նրանք,— իր միս ու արյունը,— կարծես տափաստանային փոքրիկ թռչնակներ լինեն: Որքա՛ն անվարժ էին թվում հոր մեծ, սև ձեռքերը, որ գրկել էին նրանց: Եվ որքան օտար տեսք ուներ նա այդ խաղաղ շրջապատում,— նա, ձիավոր մարդը, որ մի օրով թողել էր ձին, նա, որ ամբողջովին ներթափանցված էր գինավորական և ձիու քրտնքի բարկ հոտով, երթերի և փոկե հանդերձանքի դառը հոտով...

Արցունքների մշուշային շղարջը սքողում էր Գրիգորիի աչքերը, բեղերի տակին դողում էին շրթունքները... Նա մի երեք անգամ չպատասխանեց հոր հարցերին ու միայն այն ժամանակ մոտեցավ սեղանին, երբ նատալյան քաշեց նրա վերնաշապկի թևքից:

Ո՛չ, ոչ, Գրիգորին հիմա բուրովին այն չէր, ինչ որ առաջ: Չէ՞ որ նա երբեք էլ առանձնապես զգայուն չէր եղել և նույնիսկ մանկության օրերում էլ հազվադեպ էր լալիս: Եվ ահա այս արցունքները, սրտի խուլ և արագ զարկերը և այնպիսի մի զգացում, որ կարծես կոկորդում անձայն մի զանգակ է խփում... Սակայն այդ ամենը կարող էր լինել նաև այն պատճառով, որ գիշերը նա շատ էր խմել և անքուն էր մնացել...

Եկավ Դարյան, որ կովերը տարել էր արոտավայր: Նա ժպտացող շուրթերը մոտեցրեց Գրիգորիին, ու երբ վերջինս

հնգնաբար բեղերը հարթելով, դեմքը մոտեցրեց նրան, Դարյան փակեց աչքերը: Գրիգորին տեսավ, թե ինչպես, ասես բամուց, դողացին նրա արտևանունքները, ու մի ակընթարթ զգաց օծանելիքի սուր հոտը, որ գալիս էր Դարյայի շխամրող այտերից:

Եվ ահա Դարյան էլի նույնն էր: Թվում էր, որ ոչ մի վիշտ չէր կարող նրան չէ՛ թե ընկճել, այլ թեկուզ թեքել գետնին: Աշխարհում նա ապրում էր ինչպես կարմիր ուռի ճյուղը. ճկուն էր, գեղեցիկ ու մատչելի:

— Ծաղկո՞ւմ ես, — հարցրեց Գրիգորին:

— Ոնց որ խելառ խոտը ճամփի կողքին, — կկոցելով ճառագայթող աչքերը, կուրացուցիչ կերպով ժպտաց Դարյան: Ու իսկույն մոտեցավ հայելուն՝ լաշակի տակից դուրս թափված մազերը շտկելու, կոկվելու:

Այդպես էր նա, Դարյան: Ուրիշ կերպ չէր էլ կարող լինել: Պետրոյի մահը կարծես արթնացրեց նրան, ու մի փոքր ուշքի գալով իր ապրած վշտից, նա սկսեց է՛լ ավելի ազահորեն ապրել, է՛լ ավելի ուշադիր լինել դեպի իր արտաքինը...

Արթնացրին ամբարում քնած Դունյաշկային: Աղոթեցին ամբողջ ընտանիքով սեղան նստեցին:

— Օ-օ՛, ո՛նց ես ծերացել, աղբերս, — փսսոսաբով ասաց Դունյաշկան. — դարձել ես մի տեսակ նոթոտ, ոնց որ գելը:

Գրիգորին սեղանի վրայով լուռ ու անժպիտ նայեց նրան, հետո ասաց.

— Ես այսպես էլ պետք է լինեմ: Ես պետք է ծերանամ, իսկ դու պետք է կյանք մտնես, փեսացու փնտրես... Միայն ա՛յ թե ինչ կասեմ քեզ. այսօրվանից Միշկա Կոշկոյի մասին մտածելն էլ մոռացիր: Եթե լսեմ, որ դու սրանից հետո էլ նրա համար հալումամշ ես լինում, ոտս կղնեմ մի ոտիդ վրա, մյուս ոտդ կքաշեմ ու քեզ երկու կտոր կանեմ ինչպես գորտին: Հասկացա՞ր:

Դունյաշկան կարմրեց կակաչի նման, արցունքների միջից նայեց Գրիգորիին:

Վերջինս նրանից չէր կտրում զայրացկոտ հայացքն ու իր ամբողջ դատանացած դեմքը, — բեղերի տակին սպառնալից կերպով բացվող ատամները, կկոցված աչքերը է՛լ ավել-

լի պարզ էին արտահայտում այն, ինչ որ բնածին էր Մելեխովների մեջ, գազանաբարո էր:

Բայց Դունյաշկան էլ նույն ցեղից էր. շփոթմունքից և վիրավորանքից ուշքի գալով, նա կամացուկ, բայց վճռահանորեն ասաց.

— Գիտե՞ս ինչ, աղբերս, սրտին հրամայել չես կարող:

— Պետք է պոկել այդ տեսակ սիրտը, որը քեզ չի լսի, — սառը տոնով խորհուրդ տվեց Գրիգորին:

«Դրա մասին դու չպետք է խոսես, զավակս... — Մտածեց Իլլինիչնան: Բայց այստեղ խոսակցության մեջ մտավ Պանտելեյ Պրակոֆևիչը: Բռունցքը խփելով սեղանին, բղավեց.

— Ձեռդ կտրի՛, շան աղջիկ: Ես քեզ սիրտ ցույց կտամ, մազերդ կպոկեմ գլխիցդ: Հլա մունտոկի՛ն մտիկ: Հիմի կզնամ, կվերցնեմ երասանները...

— Հայրիկ, մեզ մոտ ոչ մի երասան չի մնացել: Ինչ որ կար, տարել են, — խոնարհ տեսքով ընդհատեց Դարյան ծերունուն:

Պանտելեյ Պրակոֆևիչը աչքերը կատաղաբար շեց նրա վրա ու առանց ձայնը ցածրացնելու շարունակեց թափել բարկութունը.

— Կվերցնեմ ձիու փորքաշը ու այնպե՛ս կքոթակեմ...

— Փորքաշը նույնպես տարել են կարմիրները, — արդեն ավելի բարձր ձայնով վրա բերեց Դարյան՝ շարունակելով անմեղ աչքերով նայել կեսրարին:

Պանտելեյ Պրակոֆևիչն այդ արդեն չէր կարող տանել: Նա մի վայրկյան նայեց հարսին՝ կարմրատակելով համր զայրույթից, հորանջելուց լայն բանալով բերանը (այդ ակընթարթում նա նման էր ջրից հանած ձկան), հետո էլ խոպոտ բղավեց.

— Լոիր, անիծված, շան ծիծ կերած: Ձեռն թողնում, որ մարդ մի խոսք ասի: Սա ի՞նչ բան է: Դունյեկա, լա՛վ իմացիր, հա՛-ա. այդ երեքը չի լինի: Հոր խոսք եմ ասում քեզ: Գրիգորին դրուստ ասավ. թե որ այդ տեսակ սրիկայի մասին մտածես, քեզ սպանելն էլ քիչ է: Միթամ մա՛րդ ես գտել: Կախելու արժանի սրիկան դաղել է սիրտդ, հա՛-ա: Բա նա մա՛րդ է: Այդ տեսակ նեռը իմ փեսան լինի, հա՛-ա: Թող հի-

մի պատահեր ինձ, հենց իմ ձեռքովը կսպանեի: Մեկ էլ որ բերանս ես բաց արել, կվերցնեմ բիրը ու քեզ...

— Է-է՛-հե՛, ցերեկը ճրագով էլ որ ման գաս, տանը բիր շես գտնի,— հոգոց հանելով ասաց Իլլինիչնան.— տուն ու տեղներս ամայացել է, կպշանի համար էլ ցախի կտոր շես գտնի: Ա՛յ թե ինչ օրի հասանք:

Պանտելեյ Պրակոֆևիչը այդ պարզ դիտողության մեջ էլ շարամտություն տեսավ: Քարացած աչքերով նայեց պառավին, խելագարի պես վեր թռավ, դուրս վազեց:

Գրիգորին վար դրեց գոլը, դեմքը ծածկեց երեսսրբիչով ու սկսել ցնցվել անձայն քրքիչից: Նրա բարկությունը անցել էր, ու նա այնպես էր ծիծաղում, ինչպես վաղուց ի վեր շէր ծիծաղել: Բոլորն էլ ծիծաղում էին, բացի Դունյաշկայից: Սեղանի շուրջ ուրախ աշխուժություն էր տիրում: Բայց հենց որ մուտքի սանդուղքը դմբոմբաց Պանտելեյ Պրակոֆևիչի քայլերից, բոլորի դեմքերն էլ լրջացան: Մերունին ներխուժեց մրրիկի նման, ետևից քարշ տալով լաստենու մի երկար ձող:

— Հրե՛ս, ա՛յ: Անիծվածներ, որ շատ խոսեք, բոլորիդ վրա էլ կշարդեմ սա: Երկարապո՛շ ջաղուններ... բիր շկա, հա՛-ա: Բա սա ի՞նչ է: Քեզ էլ բաժին կհասնի, քավթառ սատանա: Դուք կտեսնեք սրա համբ...

Ձողը շէր տեղավորվում խոհանոցում, ու ծերունին զրխկոցով դա գցեց հաշտը՝ շուռ տալով շուգունն կճուճը ու, ծանր շնչելով, նստեց սեղանի մոտ:

Նրա տրամադրությունը պարզապես փշացած էր: Նա ֆստում էր ու լուռ ուտում: Լուռ էին նաև մյուսները: Դարյան սեղանից շէր բարձրացնում աչքերը, վախենալով, որ կծիծաղի: Իլլինիչնան հոգոց էր հանում և հագիվ լսելի շշնջում՝ «Օֆ, տե՛ր աստված, տեր աստված, թո՛ղ մեր ծանր մեղքերը»: Միայն Դունյաշկան բոլորովին տրամադիր շէր ծիծաղելու, ու նատալյան էլ, որ ծերունու բացակայությամբ ժրպտում էր ինչ-որ բռնադրոսիկ ժպիտով, նորից տխրեց ու կիտեց հոնքերը:

— Ա՛ղ տուր, հա՛ց,— մի-երկու անգամ ահարկու մռնչաց Պանտելեյ Պրակոֆևիչը՝ կայծկտող հայացքներ նետելով բոլորի վրա:

Ընտանեկան գծտությունը բավական անսպասելի վախճան ունեցավ: Ընդհանուր լուռության մեջ Միշատկան պապին շանթեց նոր վիրավորանքով: Նա հաճախ լսել էր, թե ինչպես տատկեր վեճի ժամանակ հայհոյանքի ամեն տեսակ խոսքեր էր ասում պապին ու, մանկականորեն խոր հուզվելով, որ պապը պատրաստվում էր ծեծել բոլորին ու գոռում էր ամբողջ տնով մեկ, դողացնելով պնչերը, հանկարծ զրնգաձայն ասավ.

— Կոիվդ պրծա՛վ, կաղ սատանա: Պետք է դագանակով զարկել զլխիդ, որ չվախեցնես մեզ ու տատիկին...

— Այդ ի՞նձ ես ասում... այսինքս պապի՞դ... հա՛:

— Քե՛զ,— քաջաբար հաստատեց Միշատկան:

— Բա ո՞նց կարելի է հարազատ պապին... այդ տեսակ խոսքեր ասել, հը՞:

— Բա ինչո՞ւ ես ղալմաղալ անում:

— Ա՛յ քեզ սատանի ճո՛ւտ,— հարթելով մորուքը, Պանտելեյ Պրակոֆևիչը զարմացած նայեց բոլորին:— Այդ խոսքերը, քավթառ ագոավ, քեզանից է լսել, հա՛-ա: Դո՛ւ ես սովորեցնում:

— Ո՞վ է սովորեցնում որ: Հենց քեզ ու հորն է քաշել խելառը,— բարկոթյամբ արտասանեց Իլլինիչնան:

Նատալյան վեր կացավ ու շրմփացրեց Միշատկային, ասելով՝

— Մի՛ սովորի այդպես խոսել պապի հետ, մի՛ սովորի:

Միշատկան տղզաց, երեսը դրեց Գրիգորիի ծնկներին: Իսկ Պանտելեյ Պրակոֆևիչը, որ հոգի էր տալիս թոռների համար, վեր թռավ սեղանից ու արտասովելով, շարբելով մորուքի վրա ծորող արցունքները, ուրախ գռչեց.

— Գրի՛շկա, որդիս, ապրի՛ մերդ: Դրուստ խոսք ասավ պառավը: Մե՛զ է քաշել, Մեկխովների արյունն է... Ա՛յ թե ոնց երևաց այդ բանը... Սա ոչ մեկի դեմ չի լռի... Թոռնի՛կս, ջանիս կտոր... Դե՛հ, զա՛րկ անխելք ծերունուն ինչով կուզես... Քաշի՛ մորուքից...— Ու ծերունին Գրիգորիի ձեռքից վերցնելով Միշատկային, բարձրացրեց նրան իր զլխից վեր:

Վերջացնելով նախաճաշը, վեր կացան սեղանից: Կանայք սկսեցին լվալ ամանեղենը, իսկ Պանտելեյ Պրակոֆևիչը վառեց ծխախոտը, ու դիմելով Գրիգորիին, ասաց.



— Անհարմար է քեզ խնդրել այս բանը, դու մեզ մոտ հյուր ես՝ ամա ի՞նչ արած... Օգնիր ցանկապատերը սարքենք, կալը ցանկապատենք, թե չէ բոլորը փուլ է եկել, ուրիշներին խնդրես, բան չի դուրս գա: Բոլորի տուն ու տեղն էլ բրիշակ է եղել:

Գրիգորին սիրով համաձայնվեց, ու նրանք մինչև ճաշ աշխատում էին բակում՝ կարգի բերելով ցանկապատերը:

Բանջարանոցում ցցեր թաղելով, ծերունին հարցրեց.

— Խոտի հունձը շատ շուտով կսկսվի, ու չգիտեմ, մեր ունեցածից ջոկ էլի խոտ առնեմ թե չէ: Դու ի՞նչ կասես տնտեսության մասին: Արժե՞ գործը առաջ տանել: Կարելի է մի ամսից հետո էլի կարմիրները գան, ու էլի ամեն բան գրողի ծոցը գնա, հը՞:

— Զգիտեմ, հայր,— անկեղծորեն խոստովանեց Գրիգորին:— Զգիտեմ ինչ կլինի և ով ում կգլորի: Այնպես ապրի, որ ավելորդ բան չլինի ոչ ամբարում, ոչ էլ բակում: Հիմի ժամանակն այնպես է, որ այդ բոլորն էլ ավելորդ է: Հրե՛ն, վերցրու աներոջս. ամբողջ կյանքումը մեջք էր ծռում, հա՛ ետ գցում, ինքն իրեն և ուրիշներին հալումաշ անում, իսկ ի՞նչ մնաց. միայն հող ու մոխիր:

— Ա՛յ տղա, ես էլ եմ այդպես մտածում,— խեղդելով հառաչանքը, համաձայնվեց ծերունին:

Ու տնտեսության մասին էլ խոսք չբացեց: Միայն կեսօրից հետո, նկատելով, որ Գրիգորին մի առանձին խնամքով է ամրացնում կալի դարպասը, ջղայնորեն ու չթաքցրած դառնություններ ասավ.

— Մի կերպ սարքիր, էլի՛: Ի՞նչ ես այդքան շարշարվում: Դարպասը հո չպիտի հարյուր տարի մնա իր տեղը: Ինչպես երևում էր, ծերունին միայն այժմ գիտակցեց կյանքը հին ձևով կարգավորելու իր ջանքերի ամբողջ ունայնությունը...

Արևը մայր մտնելուց առաջ Գրիգորին թողեց աշխատանքը, գնաց տուն: Սենյակում նատալյան մեռնակ էր: Նա զուգվել էր ինչպես տոն օրը: Նրա վրա հարմար նստել էին կապույտ բրդե շրջագեստը ու պապլինե բաց կապույտ կոֆտան՝ կրծքի ժանյակավոր եզրերով ու ժանյակի մանժետներով: Նրա դեմքը վարդակարմիր երանգ ուներ և մի քիչ

պլպլում էր, որովհետև նա քիչ առաջ լվացվել էր սապոնով: Նա սնդուկի մեջ մի բան էր փնտրում, բայց տեսնելով Գրիգորին, ծածկեց կափարիչը, կանգնեց ժպտալով:

Գրիգորին նստեց սնդուկի վրա, ասաց.

— Նստիր մի ըոպե, թե չէ վաղը կգնամ ու չենք խոսի:

Նատալյան հնազանդությամբ նստեց նրա կողքին, մի քիչ վախեցած աչքերով շեղակի նայեց նրան: Բայց Գրիգորին նատալյայի համար անսպասելի վերցրեց նրա ձեռքը, սիրալիբ ասաց.

— Դու կոկլիկ ես, ոնց որ թե չես հիվանդացել:

— Լավացել եմ... Մենք, կնանիքս, կատուների պես ենք,— անհամարձակ ժպտալով ու գլուխը թեքելով ասաց նատալյան:

Գրիգորին տեսավ քնքշորեն վարդագունած, խավով պատած նրա ականջաբլթակը ու մազափնջերի արանքում ծոծրակի դեղնավուն մաշկը, ու հարցրեց.

— Մազերդ թափվո՞ւմ են:

— Թափվել են համարյա բոլորը: Մազ չմնաց, շուտով քաշալ կլինեմ:

— Եկ հիմի գլուխդ թրաշեմ, հը՞,— հանկարծ առաջարկեց Գրիգորին:

— Ի՛նչ ես ասում,— վախեցած բացականչեց նատալյան:— Հետո ես ինչի՞ նման կլինեմ:

— Պետք է թրաշվել, թե չէ էլ մազ չի բուսնի:

— Մայրիկը խոսք տվեց մկրատով խուզել մազերս,— շփոթված ժպտալով ասաց նատալյան և արագորեն գլխին գցեց ձյան պես սպիտակ, թունդ լեղակած լաշակը:

Գրիգորիի կողքին էր նա,— նրա կիներ և Միշատկայի ու Պոլյուշկայի մայրը: Գրիգորիի համար էր նա զուգվել ու մաքուր լվացել դեմքը: Լաշակը հապճեպ գցելով գլխին, որ շերտար, թե հիվանդությունից հետո ինչպես էր այլանդակվել իր գլուխը, և այն մի քիչ կողքի թեքած, նստել էր նա այնքան ողորմելի, տգեղ և այնուամենայնիվ սիրուն, ինչ-որ ներքին մաքուր գեղեցկությամբ փայլող: Նա միշտ բարձր օձիքներ էր կրում, որպեսզի Գրիգորիից թաքցներ մի ժամանակ իր պարանոցը այլանդակած սպին: Այդ բո-

լորն անում էր Գրիգորիի համար... Քնքշույթյան հզոր ալի-  
քը ողողեց Գրիգորիի սիրտը: Նա ուզում էր որևէ շերմ, սի-  
րալիր բան ասել նատալյային, բայց խոսքեր չգտավ ու  
լուռ գրկեց նրան, համբուրեց սպիտակ, թեք ճակատը և  
տխուր աչքերը:

Ոչ, առաջ նա նատալյային երբեք չէր ուրախացնում  
փայփայանքով: Ակսինյան միշտ ծածկում էր նատալյային:  
Ամուսնու կողմից զգացմունքի այդ արտահայտությունը  
հուզված և այդ հուզմունքից շիկնելով, նատալյան վերցրեց  
նրա ձեռքը ու տարավ շրթունքներին:

Մի րոպե նրանք լուռ նստած էին: Մայր մտնող արևը  
ոսկեպայծառ ճառագայթներ էր նետել օթախի մեջ: Մուտ-  
քի սանդուղքի վրա աղմկում էին երեխաները: Լսվում էր,  
թե Դարյան վառարանից ինչպես էր հանում թրծված կա-  
վե կճուճները, դժգոհությամբ ասում կեսուրին. «Դուք երևի  
ամեն օր չէիք կթում կովերը: Մեծ կովը քիչ է կաթ տա-  
լիս»...

Արտավայրից վերադառնում էր նախիրը: Բառաչում  
էին կովերը, երեխաները շրխկացնում էին մազե ծայրերով  
մտրակները: Խոպոտ ու ընդմիջումներով մոնչում էր խու-  
տորի բուզան: Բոռերը արյունոտելու շափ կծոտել էին նրա  
փափրիկ բուխար և հուժկու, թեք մեջքը: Բուզան շարա-  
ցած թափահարում էր գլուխը. քայլերիս լայնադիր պոզերը  
խոթելով Աստախովի հյուսած ցանկապատի մեջ, շուռ  
տվեց այն ու շարունակեց իր ճանապարհը: Նատալյան նա-  
յեց պատուհանից, ասաց.

— Բուզան էլ էր անցել Դոնը: Մայրիկը պատմում էր՝  
հենց որ խուտորում սկսեցին կրակել, նա ուղղակի գոմից  
գնաց, լողալով անցավ Դոնը ու ամբողջ ժամանակ թաքնված  
էր գետապտույտի մյուս կողմում:

Գրիգորին լուռ էր, մտածմունքի մեջ էր: Ինչո՞ւ նա-  
տալյայի աչքերը այդքան տխուր էին: Ու դրանց մեջ էլի մի  
ինչ-որ գաղտուկ, անընթեռնելի բան էր մերթ երևում, մերթ  
չքանում: Նա ուրախության ժամերին էլ տխուր էլ ու մի  
տեսակ անհասկանալի... Գուցե նա լսե՞լ էր, որ Գրիգորին  
վեշենսկում հանդիպում էր Ակսինյային: Վերջապես, Գրիգո-  
րին հարցրեց.

— Ինչո՞ւ այսօր դու այդպես թթված ես: Ի՞նչ կա սրբ-  
տումդ, նատաչա: Ասեիր, էլի՞:

Ու սպասում էր արցունքներ, կշտամբանքներ... Բայց  
նատալյան վախեցած պատասխանեց.

— Չէ, չէ, քեզ այդպես թվաց, ոչինչ... Դրուստ է, ես  
հլա լավ չեմ առողջացել: Գլուխս պտույտ է գալի, ու երբ  
կռանում եմ կամ մի բան բարձրացնում, աչքերս մթնում են:  
Գրիգորին զննողաբար նայեց նրան ու նորից հարցրեց.

— Այստեղ առանց ինձ բան-ման չպատահե՞ց քեզ...  
Ձեռք չտվի՞ն:

— Չէ, ի՞նչ ես ասում: Ծս հո ամբողջ ժամանակ հի-  
վանդ պառկած էի:— Ու նայեց Գրիգորիի հենց աչքերին,  
նույնիսկ մի քիչ ժպտաց: Փոքր-ինչ լռելուց հետո հարց-  
րեց.— էգուց շո՞ւտ ես զնալու:

— Լույսը բացվելուն պես:

— Իսկ չի՞ կարելի մի օր էլ մնալ:— Նատալյայի ձայ-  
նը անվստահ, երկշոտ հույս արտահայտեց:

Բայց Գրիգորին գլխով բացասական նշան արեց, ու  
նատալյան, հոգոց հանելով, ասաց.

— Հիմի ս՞նց է... Դու պետք է ուսադիրներո՞վ լինես:

— Հա՛, էլի՞:

— Դե, հանիր վերնաշապիկդ, կպցնեմ, քանի լույս է:

Գրիգորին տնքալով հանեց վերնաշապիկը: Այն դեռ չէր  
շորացել քրտնքից: Մեջքի և ուսերի վրա, այնտեղ, ուր մար-  
տական ուսափոկերից պլպլալու շափ տրորված շերտեր էին  
մնացել, սեխն էին տալիս թաց բծերը: Նատալյան սնդուկից  
հանեց արևից խունացած, պաշտպանական գույնի ուսադիր-  
ները, հարցրեց.

— Սրա՞նք:

— Հենց դրանք: Պահել ես, հա՞.ա:

— Մենք սնդուկը թաղել էինք գետնի մեջ,— թելն անց-  
կացնելով ստեղծակից, կամացուկ ասաց նատալյան, փո-  
շոտ վերնաշապիկը գաղտուկ մոտեցրեց գեմքին և ազահու-  
թյամբ ներշնչեց քրտնքի այնքա՛ն հարազատ, աղի հոտը...

— Այդ ի՞նչ ես անում,— զարմացած հարցրեց Գրի-  
գորին:

— Քո հոտն է գալի...— աչքերը փայլեցնելով ասաց Նասալյան ու թեքեց գլուխը, որպեսզի թաքցնեի թշերի վրա հանկարծակի դուրս տված կարմրությունը, ու սկսեց ճարպկությամբ բանեցնել ասեղը:

Գրիգորին հագավ վերնաշապիկը, կիտեց հոնքերը, թոթվեց ուսերը:

— Դրանցով ավելի լավ տեսք ունես դու,— ասաց Նասալյան՝ բացահայտորեն հիացած նայելով ամուսնուն:

Բայց վերջինս շեղակի նայեց իր ձախ ուսին, հոգոց հանեց.

— Երանի սրանք կյանքումս չտեսնեի: Դու ոչինչ չես հասկանում:

Նրանք դեռ երկար նստած էին օթախում, սնդուկի վրա, ձեռք ձեռքի տված, իրենց մտքերով տարված:

Հետո, երբ իջավ մթնշաղը ու շենքերի մթին, խիտ ստվերները ընկան պաղած գետնին,— նրանք գնացին խոհանոցում ընթրելու:

Եվ ահա անցավ գիշերը: Մինչև լուսաբաց երկնքում շողշողում էին ցուլքերը, մինչև առավոտ բալենիների այգում երգում էին սոխակները: Գրիգորին արթնացավ, երկար պառկեց գոց աչքերով՝ ունկնդրելով սոխակների ներդաշնակ ու քաղցրահնչուն գեղգեղանքին, հետո էլ կամացուկ, աշխատելով շարթնացնել Նատալյային, վեր կացավ հագնելով, դուրս եկավ բակը:

Պանտելեյ Պրակոֆևիչը կեր էր տալիս շարային ձիուն, ծառայակամորեն առաջարկեց.

— Սրան տանեմ լողացնեմ ճանապարհ գնալուց առաջ:

— Կարիք չկա՞,— ասաց Գրիգորին՝ կծկվելով վաղորդյան խոնավությունից:

— Լավ քնեցի՞ր,— հարցրեց ծերունին:

— Շատ քնեցի. միայն թե սոխակները արթնացրին: Փորձանք էր, էլի, ո՞նց էին մղմղացնում ամբողջ գիշերը:

Պանտելեյ Պրակոֆևիչը հանեց ձիու կերի տոպրակը, ժպտաց:

— Նրանց գործն էլ այդ է, տղաս: Մեկ էլ տեսար Նասալյան ձեռքի աստծու այդ թռչնիկներին... Նրանց համար ոչ կոփ կա, ոչ էլ տնաքանդություն...

Պրոխորը ձիով մոտեցավ դարպասին: Նա մաքուր սափրված էր ու ինչպես միշտ, ուրախ ու զրուցասեր: Սանձը կապելով սյանը, մոտեցավ Գրիգորիին: Նրա պարուսինե վերնաշապիկը կոկիկ արդուկված էր: Ուսադիրները բոլորովին նոր էին:

— Դու է՛լ ես ուսադիրներ կպցրել, Գրիգորի Պանտելեիչ,— մոտենալով հարցրեց նա:— Անտերները երկար են մնացել տանը: Հիմի դրանց մաշվել չկա: Կհերիքեն մինչև մեր մեռնելը: Ես կնկանս ասում եմ՝ «Շատ պինդ մի կարի, դմբու: Մի քիչ կպցրու, որ քամին չտանի, պրծավ-գնաց»: Թե չէ մեր բանը ո՞նց է: Գերի կընկնես, ու թեկերիցդ կճանաչեն, կիմանան, որ թեկուզ սպայի աստիճան չունես, բայց ինչքան շլինի ավագ ուրյադնիկ ես: «Հը՛մ,— կասեն,— շուն-շանորդների, թեկեր ես ստացել, հա՞-ա, դե հիմի էլ գնդակ ստացիր»: Փորձանքի մեջ կգցեն սրանք: Խաթա է, էլի:

Պրոխորի ուսադիրները իսկապես որ թույլ էին կպցրած ու հագիվ էին պահվում ուսերի վրա:

Պանտելեյ Պրակոֆևիչը փա՛ռ-փառ ծիծաղեց: Նրա ալեխառն մորուքի միջին փայլեցին ժամանակից չփչացած, սպիտակ ատամները:

— Ա՛յ քեզ զինվո՞ր մարդ: Ուրեմն մի բան պատահեց թե չէ, ուսադիրները դեն է գցելու:

— Բա դու ի՞նչ էիր կարծում,— քմծիծաղ տվեց Պրոխորը: Գրիգորին ժպտալով ասաց հորը.

— Տեսա՞ր, հերս, թե ինչպիսի բանբեր եմ ճարել: Սրա հետ փորձանքի մեջ էլ որ ընկնես, իսկի չես կորչի:

— Բա ո՞նց, Գրիգորի Պանտելեիչ. ասում են՝ դու մեռիր այսօր, իսկ ես էգուց,— արդարանալով վրա բերեց Պրոխորը ու հեշտությամբ պոկեց ուսադիրները, անփույթ դրեց գրպանը:— Երբ ուզեմ ճակատին մոտենանք, էլի կկայնեմ:

Գրիգորին արագ նախաճաշեց. հրածեշտ տվեց հարազատներին:

— Թող քեզ պահպանի մայր-աստվածածինը,— մոլեգնաբար շշնջաց Իլլինիչնան՝ համբուրելով որդուն:— Հիմի դու հո մեր մինուճար որդին ես...

— է՛հ, երկար ճանապարհ դնելը ավելորդ արցունքներ է բերում: Մնաք բարով,— կերկերուն ձայնով ասաց Գրիգորին ու մոտեցավ ձիուն:

Նատալյան, կեսուրի սև լաշակը գցելով գլխին, դարպասից դուրս ելավ: Երեխաները բռնել էին նրա շրջագգեստի և ճշերից: Պոլյուշկան անմխիթար հեկեկում էր, բուռ-բուռ արցունք թափում, խնդրում մորը:

— Մի՛ թող, որ գնա, մի՛ թող, մայրիկ: Կովի մեջ մարդ են սպանում: Հայրիկ, մի՛ գնա այնտեղ:

Միշատկայի շուրթերը դողում էին, բայց ո՛չ, նա չէր լալիս: Նա արիաբար զսպում էր իրեն, բարկացկոտ ասում բույրիկին:

— Սուտ մի խաբի, դմբու: Այնտեղ հո բուրդին չե՞ն սպանում:

Նա լավ էր հիշում պապի այն խոսքերը, թե կազակները երբեք լաց չեն լինում, թե լաց լինելը կազակների համար մեծ ամոթ է: Բայց երբ հայրը, արդեն ձի նստած, նրան բարձրացրեց թամբի վրա ու համբուրեց, նա զարմանքով նկատեց, որ հոր թարթիչները թրջված են: Այստեղ Միշատկան էլ չկարողացավ իրեն պահել. նրա աչքերից կարկտի պես գլորվե՞ցին արցունքները: Նա դեմքը թաքցրեց հոր կրծքի վրա, որ գոտևորված էր փոկերով, ու ճվաց:

— Թող պապը գնա կովելու, նա մեզ ինչի՞ է պետք որ... Չեմ ուզու-ո՛ւմ, դու մի՛ գնա-ա՛-ա...

Գրիգորին որդուն զգուշությամբ իջեցրեց գետին, ձեռքի արտաքին կողմով սրբեց աչքերը և լուռ քշեց ձին:

Քանի՛-քանի անգամ մարտական ձին, կտրուկ շուռ գալով, սմբակներով հայրենի տան առաջ գետինը փորփրելով, նրան ճանապարհներով ու ճանապարհազուրկ տափաստանով տարել էր ռազմաճակատ, այնտեղ, ուր սև մահը հետապնդում է կազակներին, ուր, ինչպես ասված է կազակական մի երգի մեջ, «ահ ու վիշտ կա ամեն օր, ամեն ժամ»,— և ահա Գրիգորին երբեք չյնպիսի ծանր սրտով չէր հեռացել խուտորից, ինչպես այդ թովիչ առավոտը:

Անորոշ նախազգացումներով, ճնշող անհանգստությամբ ու թախիծով համակված, սանձը թամբի ղաշին գցած, առանց ետ նայելու նա գնում էր մինչև բլուրը: Ծամփաբա-

Ֆանում, ուր փոշոտ ճանապարհը շուռ էր գալիս դեպի հողմաղացը, ետ նայեց: Դարպասի մոտ կանգնած էր միայն Նատալյան, ու վաղորդյան զով քամին նրա ձեռքերից քաշքուշում էր սգավորի սև լաշակը:

Սահում, սահում էին կապույտ անհունում հողմից փրփրակալած ամպերը: Հոսում էր մուծը հորիզոնի ալեձև եզերքներում: Չիերը գնում էին քայլքով: Պրոխորը ննջում, ճոճվում էր թամբի վրա: Գրիգորին ատամներն իրար սեղմելով, հաճախ ետ էր նայում: Սկզբում նա տեսնում էր ուռնիների դալար խմբերը, Դոնի արծաթե, քմահաճորեն ծոմոված ժապավենը, հողմաղացի դանդաղ պտտվող թեվերը: Հետո ճանապարհը դարձավ դեպի հարավ: Ծմոթված արտերի ետևում չքացան գետառը, Դոնը, հողմացաղը... Գրիգորին ինչ-որ սուլում էր, համառորեն նայում ձիու ոսկեհուր-շիկակարմիր պարանոցին, որ ծածկված էր քրտիլքի մանր ուլունքներով, ու այլևս շուռ չէր գալիս թամբի վրայից... Ջհաննա՛մը գնա պատերազմը: Մարտեր են եղել Չիլի, Դոնի ափերին, հետո էլ կորոտան խոպերի, Մեդվեդիցայի, Բուզուլուկի կողմերում: Ու վերջիվերջո, արդյո՞ք միևնույն չէ, թե թշնամու գնդակը նրան որտեղ կգցի գետնին,— մտածում էր նա:

## IX

Մարտը տեղի էր ունենում Ուստ-Մեդվեդիցկայա ստանիցայի մատուցյներում: Ամառային ճանապարհից դուրս գալով Հետմանական ճանապարհը, Գրիգորին լսեց թնդանոթային խուլ որոտմունքը:

Ճանապարհին ամենուրեք երևում էին կարմիր զորամասերի շտապ նահանջի հետքերը: Հանդիպում էին մեծ քանակությամբ թողած երկանիվ սայլակներ ու բրիչկաներ: Մատվեեսկի խուտորի մերձակայքում, հովիտում թողնված էր մի թնդանոթ՝ արկից ջարդված մարտական սոնիով ու ծոմոված օրորանով: Առաջքի գլանիկների վրա քաշանները

շեղակի կտրատված էին: Չովտից կես վերստ հեռավորությամբ, աղուտներում, ցածր աճած, արևից չորացած խոտաբույսերի վրա խիտ ընկած էին մարտիկների դիակները՝ պաշտպանական գույնի վերնաշապիկներով ու շալվարներով: սրունքի փաթաթաններով ու ծանր, կրունկները երկաթած կոշիկներով: Դրանք կարմիրբանակայիններ էին, որոնց հտևից հասել և որոնց թրատել էր կազակական հեծելազորը:

Անցնելով նրանց կողքից, Գրիգորին առանց դժվարության այդ որոշեց ճամբված վերնաշապիկների վրա չորացած արյան առատությունից, դիակների դիրքից: Դրանք ընկել էին ինչպես հնձած խոտը: Կազակները ժամանակ չէին ունեցել նրանց հագուստը հանելու, ակներևաբար, լոկ այն պատճառով, որ չէին դադարեցրել հետապնդումը:

Մենու մի թփի կողքին փովել էր մի սպանված կազակ: Լայն տարածված նրա ոտքերի վրա կարմրին էին տալիս լամպասները: Մոտիկում ընկած էր սպանված մի ձի, որը բաց կինամոնագույն էր, թամբած էր հին թամբով, որի հիմքը ներկված էր օբրայով:

Գրիգորիի և Պրոխորի ձիերը հոգնեցին: Հարկավոր էր կերակրել նրանց, բայց Գրիգորին չուզեց կանգ առնել այնտեղ, ուր կարճ ժամանակ առաջ կռիվ էր տեղի ունեցել: Նա անցավ էլի մի վերստ, իջավ մի ձորակ, կանգնեցրեց ձին: Մոտիկ տեղում երևում էր մի լճակ՝ մինչև ցամաքը ջրից քանդված ամբարտակով: Պրոխորը մոտեցավ ափին, որի ծայրերին գետինը պնդացել ու ճաքճքվել էր, բայց իսկույն ետ դարձավ:

— Ինչո՞ւ ետ եկար, — հարցրեց Գրիգորին:

— Գնա, տես:

Գրիգորին ձին քշեց դեպի ամբարտակը: Ողողատում ընկած էր մի սպանված կին: Դեմքը ծածկված էր կապույտ շրջազգեստի փեշով: Անամոթաբար ու սարսափելիորեն տարածված էին հաստ, սպիտակ ոտները՝ արևակեղ սրունքներով ու ծնկների փոսիկներով: Չախ ձեռքը դրված էր մեջքի տակ:

Գրիգորին հապճեպ իջավ ձիուց, հանեց գլխարկը, կուսցավ և սպանվածի շրջազգեստը քաշեց նրա ծնկներին: Կետչ

թուխ, ջահել դեմքը մահից հետո էլ գեղեցիկ էր: Տանչա՞նքից ծամոված, սև հոնքերի տակին աղոտ շողում էին կիսափակ աչքերը: Նրբակերտ, բաց բերանում սաղափի նման փայլում էին իրար սեղմված, պինդ ատամները: Մազերի բարակ մի փունջ ծածկել էր գետնի խոտին սեղմված թուշը: Եվ այդ թշի վրայով, որը մահվան շաֆրանե-դեղին, դալուկ ստվերով էր սքողված, սողում էին անհանգիստ մրջյունները:

— Ինչպիսի՞ սիրունիկին են սպանել շան որդիները, — ցածրաձայն ասաց Պրոխորը:

Նա մի րոպե լռեց, հետո շարացած թեց:

— Ես այդպիսի... այդպիսի տխմարների կզնդակահարեի: Գնանք այստեղից, ի սեր աստծու: Ես չեմ կարող նայել սրան: Սիրտս տակնուվրա է լինում:

— Գուցե թաղե՞նք, — հարցրեց Գրիգորին:

— Ո՞նց թե, մենք հո չե՞նք կարող բուր մեռելների թաղել, — վրդովվեց Պրոխորը: — Յագողնոյում ինչ-որ բեձայի թաղեցինք, այստեղ էլ այս կնկանը... Եթե մենք դրանց բուրդին թաղենք, ձեռներիս վրա կաշի չի մնա: Բա ինչո՞վ պիտի գերեզման փորենք: Թրով չես փորի, աղբերս, գետի-նը մի արշինի շափ պնդացել է շոգից:

Պրոխորը այնքան էր շտապում, որ հազիվ կարողացավ սապոգի քիթը խոթել ասպանդակի մեջ:

Նորից բարձրացան բլուրը, և այստեղ Պրոխորը, որ լարված մտածում էր մի ինչ-որ բաճի մասին, հարցրեց.

— է՞, Պանտելեիչ, մենք այնքան արյուն թափելու ու շենք ունենա, չէ՞:

— Համարյա թե:

— Բա քո խելքը ի՞նչ է կտրվում, սա շո՞ւտ կվել:

— Հենց որ մեր քիթ-մոութը ջարդեն, կվերջանա:

— Հա՛մա թե կյանք է, հա՛՞՞՞՞՞, սատանեն էլ կզզվի այս տեսակ կյանքից: Գոնե շուտ ջարդե՛ին մոութներս, էլի՛: Գերմանու կովումը մեկ էլ տեսար մեկն ու մեկն ինքն իրեն խփեց, կտրեց մատը, ու նրան բլուրովին ազատեցին, տուն ճամփեցին, իսկ հիմի թեկուզ ամբողջ ձեռքը կտրիր, մեկ է, կստիպեն ծառայել: Կռնատներին շարք են տանում, թոփալներին տանում են, քոռերին, գրե՛ծա ունեցողներին տանում են, ամեն մի անպետքին տանում, մենակ թե կարենա

տմպտմպալ երկու ոտի վրա: Բա այսպես կվերջանա՞ կոխ-  
վր: Սատանեն էլ չի կոտորի դրանց բոլորին,— հուսալքված  
ասավ Պրոխորը ու շեղվեց ճանապարհից, իջավ ձիուց, ու  
ցածրաձայն ինչ-որ բան մոթմոթալով, սկսեց թուլացնել  
ձիու փորքաշը:

Գրիգորին գիշերով ժամանեց Խովանսկի խուտորը, որ  
գտնվում է Ուստ-Մեդվեդիցկայայի մերձակայքում: Խուտորի  
ձայրում տեղավորված ուղեկալը, որ 3-րդ գնդից էր, բռնեց  
նրան, բայց ձայնից ճանաչելով իրենց դիվիզիայի հրամա-  
նատարին, կազակները բաց թողին նրան և, ի պատասխան  
նրա հարցին, հազորդեցին, որ դիվիզիայի շտաբը գտնվում է  
այդ նույն խուտորում և որ շտաբի պետը, հարյուրապետ  
Կոպիլովը ժամառժամ սպասում է նրան: Ուղեկալի շատա-  
խոս պետը մի կազակի հանձնարարեց Գրիգորիին ուղեկցել  
մինչև շտաբ, վերջում ասաց.

— Նրանք շատ են ամրացել, Գրիգորի Պանտելեիչ, ու  
մենք երևի շուտ շենք վերցնի Ուստ-Մեդվեդիցան: Ասենք,  
գե, ո՞վ գիտի... Մեր ուժերն էլ քիչ չեն: Ասում են, թե Մո-  
բոզովսկուց անգլիական զորքեր են գալի: Դուք շե՞ք լսել:

— Ոչ,— ձին քշելով, պատասխանեց Գրիգորին:

Շտաբի գրաված տան պատուհանների փեղկերը պինդ  
փակված էին: Գրիգորին կարծեց, թե սենյակներում ոչ ոք  
չկա, բայց մտնելով միջանցք, խուլ, աշխույժ խոսակցու-  
թյուն լսեց: Գիշերային մթությունից հետո նրա աչքերը  
խիստ խտրտեց օթախի առաստաղից կախված մեծ լամպի  
լույսը, մախորկայի ծխի թունդ և դառն հոտը խփեց նրա  
քթին:

— Վերջապես, դու էլ եկար,— ուրախացած ասավ Կո-  
պիլովը՝ երևալով սեղանի վրա չոբած՝ ծխախոտի կապտա-  
վուն ամպի միջից:— Ա՛յ մարդ, ախր մեռանք քեզ սպասե-  
լով:

Գրիգորին բարեկեց ներկաներին, հանեց շինելն ու գըլ-  
խարկը, մոտեցավ սեղանին:

— Փիա՞, ինչքա՞ն եք ծխել: Շունչ քաշել չի լինի: Բաց  
արեք գոնե մի պատուհանը, ի՞նչ եք թաքնվել,— դեմքը կընճ-  
ոտտելով ասաց նա:

Կոպիլովի կողքին նստած Խառամայի Երմակովը ժրպ-  
տաց.

— Մենք հոտ ենք քաշել ու շենք զգում:— Ու արմունկը  
խփելով պատուհանի աչքին, տեղահան արեց ապակին, ու-  
ժով բացեց փեղկը:

Գիշերային թարմ օդը ներխուժեց սենյակ: Լամպի բո-  
ցը պայծառացավ ու մարեց:

— Ա՛յ քեզ տնարարություն: Ինչո՞ւ հանեցիր ապակին,—  
դժգոհությամբ ասաց Կոպիլովը՝ սեղանի վրա ինչ-որ բան  
փնտրելով:— Լուցկի ո՞վ ունի. զգույ՛շ, քարտեղի մոտ թա-  
նաքն է:

Լամպը վառեցին, պատուհանի փեղկը կիսով շափ ծած-  
կեցին, ու Կոպիլովը հապճեպ սկսեց խոսել:

— Ռազմաճակատի դրությունը, ընկեր Մելեխով, հիմա  
այսպես է. կարմիրները իրենց ձեռքումն են պահում Ուստ-  
Մեդվեդիցկայան, որը երեք կողմից պաշտպանում են մոտա-  
վորապես չորս հազար սվինով: Ունեն բավականաչափ քա-  
նակությամբ հրետանի և գնդացիներ: Վանքի մոտ ու էլի  
մի շարք տեղերում խրամատներ են փորել: Նրանք գրավում  
են Դոնի շրջակա բարձունքները: Զի կարելի ասել, որ նրանց  
դիրքերը անմատչելի են, բայց, համենայն դեպս, դրանք  
գրավելը բավական դժվար է: Մեր կողմից, բացի գեներալ  
Ֆիցխելաուրովի դիվիզիայից ու սպայական երկու գրոհական  
ջոկատներից, ամբողջովին վրա է հասել Բոգատիրյովի վե-  
ցերորդ բրիգադան և մեր առաջին դիվիզիան: Բայց սա լրիվ  
կազմով չէ, հետևակ գունդը չկա, դեռ Ուստ-Խոպերսկու մոտ  
է, իսկ ձիավորները բոլորն էլ եկել են, բայց հարյուրյակ-  
ների կազմը ամենևին էլ լրիվ չէ:

— Օրինակի համար, իմ գնդի երրորդ հարյուրյակում  
կա միայն երեսունութ կազակ,— ասաց 4-րդ գնդի հրամա-  
նատար փոխխորունժի Դուդարևը:

— Իսկ առաջ ինչքա՞ն էր,— հարցրեց Երմակովը:

— Իննսունմեկ:

— Բա դու ի՞նչպես թույլ տվիր արձակել հարյուրյակը:  
էլ ի՞նչ հրամանատար ես,— նոթերը կիտած ու մատները  
սեղանին տպտպացնելով, հարցրեց Գրիգորին:

— Սատանան էլ չի պահի նրանց: Յրվել են խուտորներում, գնացել իրենց տները: Բայց հիմի ետ են գալիս: Այսօր երեք հոգի են եկել:

Կոպիլովը քարտեզը մոտեցրեց Գրիգորիին, ու ճկույթով ցույց տալով զորամասերի տեղերը, շարունակեց:

— Մենք դեռ չենք մասնակցում հարձակման: Միայն երկրորդ գունդը երեկ հետևակ շարքով հարձակվեց ահա այս ճակատամասում, բայց անհաջող:

— Կորուստները մե՞ծ են:

— Գնդի հրամանատարի զեկուցագրով երեկ նրա գնդից սպանվել ու վիրավորվել է քսանվեց մարդ: Ասեմ ուժերի հարաբերակցության մասին. թվական գերակշռությունը մեր կողմն է, բայց հետևազորի հարձակմանը օժանդակելու համար պակասում են գնդացիները, արևելի հարցում վատ է գրությունը: Նրանց մարտական մատակարարման պետք խոստացել է մեզ տալ չորս հարյուր արկ և հարյուր հիսուն հազար փամփուշտ, հենց որ դրանք ստացվեն: Բայց այս բ՞րբ կստացվեն դրանք, իսկ հարձակվել հարկավոր է հենց վաղը, այդպես է գեներալ Ֆիցխելաուրովի հրամանը: Նա մեզ առաջարկում է մի գունդ առանձնացնել գրոհականներին օժանդակելու համար: Երեկ նրանք չորս անգամ գրոհի գնացին և հակայական կորուստներ ունեցան: Ետո համառ կերպով էին կռվում: Ֆիցխելաուրովը առաջարկում է ուժեղացնել աչ թևը և հարվածի կենտրոնը փոխադրել այստեղ, հասկանո՞ւմ ես: Այստեղ տեղանքը թույլ է տալիս այնքան մոտենալ հակառակորդին, որ մինչև նրա խրամատները մնա հարյուր—հարյուր հիստուս սաժեն: Հա՛, նրա հանձնարկատարը հենց նոր գնաց: Նա ինձ ու թեզ բանավոր կարգադրություն էր բերել, որ վաղը առավոտյան ժամը վեցին գնանք խորհրդակցության, գործողությունները համակարգելու համար: Գեներալ Ֆիցխելաուրովը և նրա շտաբը այժմ գտնվում են Մեծ Սենին խուտորում: Ընդհանրապես խնդիրն այն է, որ հակառակորդին անհապաղ ետ քշենք, քանի դեռ Սեբրյակովո կայարանից չեն ժամանել նրա օժանդակ ուժերը: Դո՞նի մյուս կողմում մերոնք այնքան էլ ակտիվ չեն... Չորրորդ դիվիզիան անցել է Խոպերը, բայց կարմիրները ուժեղ առաջակներ են կարգել ու համառորեն իրենց ձեռ-

քումն են պահում գեպի երկաթուղին տանող ճանապարհները: Իսկ հիմա նրանք Դո՞նի վրա նավակամուրջ են գցել ու Ուստ-Մեդվեդիցկուց շառապ կարգով հանգերձանք ու առգմամթերք են տանում:

— Կազակները գուրս են տալի, թե դաշնակիցները գալիս են, ճի՞շտ է դա:

— Լուր կա, թե Չերնիշևսկուց անգլիական մի բանի մարտկոց և տանկեր են գալիս: Բայց ահա հարց է ծագում, նրանք այդ տանկերը ի՞նչպես պիտի անցկացնեն Դո՞նից: Իմ կարծիքով տանկերի վերաբերմամբ դա սուտ է: Դրանց մասին վաղուց են խոսում:

Սենյակում երկար լռություն տիրեց:

Կոպիլովը արձակեց սպայական դարչնագույն ֆրենչի կոճակները, շագանակագույն մազ ու մորուքով պատած, փափիլիկ այտերը հենեց ձեռներին, մտազբաղ ու երկար ծամծմեց հանգած ծխախոտը: Նրա լայնադիր, կլոր, թուխ աչքերը հոգնածորեն կկոցված էին, գեղեցիկ դեմքը սփրթնած էր անքուն գիշերներից:

Մի ժամանակ նա ուսուցչություն էր անում եկեղեցական-ծխական դպրոցում, կիրակի օրերը հյուր էր գնում ստանիցայի վաճառականների մոտ, վաճառականների կանանց հետ ֆանդ և վաճառականների հետ քիչ փողով պրեֆերանս էր խաղում, վարպետությանը կիթառ էր նվագում և ուրախ, զրուցասեր երիտասարդ էր. հետո ամուսնացավ մի ջահել ուսուցչուհու հետ ու այդպես էլ կապրեր ստանիցայում և հավանորեն կծառայեր մինչև կենսաթոշակ ստանալը, բայց մեծ պատերազմի ժամանակ նրան կանչեցին զինվորական ծառայության: Յունկերների ուսումնարանը ավարտելուց հետո նրան ուղարկեցին Արևմտյան ճակատ, կազակական մի գունդ: Պատերազմը չփոխեց Կոպիլովի բնավորությունն ու արտաքինը: Ինչ-որ անպաճույճ, խորապես քաղաքացիական բան կար նրա գեր, ցածրահասակ կերպարանքում, բարեհոգություն արտահայտող դեմքի վրա, թուր կրելու ձևի մեջ, իրենից ցածր աստիճան ունեցողների հետ վարվելու ձևի մեջ: Նրա ձայնի մեջ բացակայում էր հրամայական շեշտը, խոսակցության մեջ չկար զինվորականներին հատուկ արտահայտությունների չոր լակոնիզմը, սպայական

տարազը նրա վրա անճոռնի կերպով էր նստում, շարային ձգվածություն ու կեցվածք նա այնպես էլ ձեռք շքերեց ուղմաճակատում անցկացրած երեք տարում. նրա մեջ ամեն ինչ մատնում էր պատերազմում պատահական մարդուն: Նա ավելի շատ նման էր սպայի հագուստ հագած, պարարտացած քաղքենուն, քան իսկական սպային, բայց, շնայելով դրան, կազակները նրան հարգանքով էին վերաբերվում, շտաբի խորհրդակցություններում ունկնդրում էին նրա խոսքին, ու ապստամբական հրամկազմը նրան խորապես գնահատում էր զգաստ մտքի համար, մեղմաբար բնավորության և մարտերում ոչ ցուցական, հաճախակի արտահայտվող քաջության համար:

Մինչև Կոպիլովը Գրիգորիի շտաբի պետը անգրագետ ու անխելք խորունժի Կրուժիլինն էր: Չիրի ափերին տեղի ունեցած մարտերից մեկում սպանեցին նրան, ու Կոպիլովը ընդունելով շտաբը, գործը տարավ հմուտ կերպով, հաշվենկատությամբ, խելացիորեն: Նա նույնպիսի բարեխղճությամբ էր շտաբում երկար նստում ու մշակում գործողությունների պլանները, ինչպես մի ժամանակ ուղղում էր աշակերտական տետրակները, սակայն, անհրաժեշտության դեպքում, Գրիգորիի առաջին իսկ խոսքով թողնում էր շտաբը, ձի էր նըստում և, ընդունելով գնդի հրամանատարությունը, այն դեպի մարտ էր առաջնորդում:

Գրիգորին սկզբում շտաբի նոր պետին վերաբերվում էր ոչ առանց կանխակալության, բայց երկու ամսվա ընթացքում ավելի մոտիկից ճանաչեց նրան և մի անգամ կովից հետո ուղղակի ասաց. «Ես քո մասին գարշելի կերպով էի մտածում, Կոպիլով, հիմի տեսնում եմ, որ սխալվում էի, այնպես որ, դու մի կերպ ներիր, էլի»: Կոպիլովը ժպտաց, լռեց, բայց մի փոքր կոպիտ այդ խոստովանությունը ակներևաբար շոյեց նրա ինքնասիրությունը:

Ձուրկ լինելով պատվամոլությունից և քաղաքական կայուն հայացքներից, Կոպիլովը պատերազմին վերաբերվում էր ինչպես անխուսափելի մի շարիքի և չէր ակնկալում նրա վախճանը: Եվ ահա այժմ էլ նա բնավ չէր մտածում, թե ինչպես կծավալվեն Ուստ-Մեդվեդիցկուն տիրանալու գործողությունները, այլ հիշում էր տնեցիներին, հայրենի ստանի-

ցան, ու մտածում էր, որ վատ չէր լինի տուն գնալ արձակուրդով, մեկ ու կես ամսով...

Գրիգորին երկար նայեց Կոպիլովին, հետո վեր կացավ: — էհ, աղբեր տղերք, եկեք ցրվենք ու քնենք: Մենք չպիտի զուռն ցավեցնենք, թե ոնց պիտի լինի Ուստ-Մեդվեդիցան: Մեր փոխարեն հիմի գեներալներն են մտածելու և որոշելու: Վաղը կգնանք Ֆիցխելաուրովի մոտ, թող մեզ, դարդիմաններին խելք ու միտք սովորեցնի... Իսկ երկրորդ գնդի մասին այսպես եմ մտածում, քանի դեռ մեր իշխանությունն է, հենց հիմի հարկավոր է գնդի հրամանատար Դուդարկին պաշտոնից իջեցնել, զրկել բոլոր աստիճան-մաստիճաններից...

— Ու մի բաժին կաշայից,— վրա բերեց Երմակովը:

— Չէ, հանաքը դենը,— շարունակեց Գրիգորին,— հարկավոր է հենց այսօր նրան նշանակել հարյուրյակի հրամանատար, իսկ գնդի հրամանատարությունը հանձնել Խառամպիին: Հենց հիմի թո՛ղր այնտեղ, Երմակով, ընդունիր գունդը և առավոտյան սպասիր մեր կարգադրություններին: Դուզարեին փոխելու հրամանը հիմի կգրի Կոպիլովը, տար քեզ հետն այսպես եմ նայում,— Դուզարեը գործը զուռն չի բերի: Իսկի էլ բան չի հասկանում, մեկ էլ տեսար կազակներին տարավ փորձանքի մեջ գցեց: Հետևակ մարտը, դա այնպիսի գործ է, որ... Այստեղ մարդկանց զուր կորուստ կլինի, եթե հրամանատարը դմբո է:

— Ճիշտ է: Ես կողմնակից եմ Դուդարկին փոխելուն,— պաշտպանեց Կոպիլովը Գրիգորիին:

— Դու դե՞մ ես, Երմակով,— հարցրեց Գրիգորին, ինչ-որ դժգոհություն նկատելով Երմակովի դեմքի վրա:

— Չէ, ես բան չեմ ասում: Ի՞նչ է, հոնքերս է՞լ չեմ կարող շարժել:

— Ավելի լավ: Երմակովը դեմ չի: Նրա հեծյալ գունդը առայժմ կվերցնի Ուլաբչիկովը: Միխայլո Գրիգորիչ, գրիբ հրամանը ու պառկիր քնելու: Ժամը վեցին վեր կկենաս: Կգնանք այդ գեներալի մոտ: Ինձ հետ շորս սուրհանդակ եմ վերցնում:

Կոպիլովը զարմանքից վեր քաշեց հոնքերը.

— Ինչո՞ւ այդքան շատ:



— Յույց տալու համար: Մենք էլ հո պակաս մարդ չենք, դիվիդիանյի հրամանատար ենք:— Գրիգորին բժիշկապետ տալով, թոթվեց ուսերը, շինելը պահեց վրան, քայլեց դեպի դուռը:

Նա պառկեց մարագի շարդախի տակ, տապալակի վրա, առանց ոտնամաններն ու շինելը հանելու: Բակում երկար, բարձր խոսակցում էին սուրհանդակները, մոտիկ տեղում փնչում ու կերը համաշափ ծամում էին ձիերը: Զգացվում էր շոր տարթերի և ցերեկվա շոգից չպաղած հողի հոտը: Գրիգորին քնի մեջ լսում էր սուրհանդակների ձայներն ու ծիծաղը, լսում էր, թե ինչպես նրանցից մեկը, ջահել մի տղա, ինչպես այդ երևում էր նրա ձայնից, — թամբելով ձին, տխուր ասաց.

— է-է-է՛, տղերք, մարդու հոգի է դուրս գալի: Հրե՛ս, գիշեր է, դե արի ու ծրար տար, քեզ համար ոչ քուն կա, ոչ հանգիստ... Կա՛ց, է՛, սատանա, ոտդ, ո՛տդ, ասում եմ քեզ...

Մի ուրիշը խուլ, մրսած ձայնով ցածր երգեց.

— «Մառայութուն, քեզնից մենք բեզարել ենք, ծանրացել, մեր ձիերի ոտներին ուժ ու հալ չի մնացել...» — Ու անցավ աղերսագին, նախատական շուտասելուկին:— Մի պապիրոսի թամբաբու տուր, Պրոշկա: Ի՛նչ շոր մարդ ես, հա՛-ա: Մոռացե՛լ ես, որ Բելավինի մոտ ես քեզ կարմիրբանակայինի ոտնամաններ տվի: Սրիկա ես դու: Այդ տեսակ ոտնամանների համար մի ուրիշը ողջ կյանքում կհիշեր ինձ, իսկ քեզանից մի պապիրոսի թամբաբու էլ չի դուրս գա:

Զիու ատամների տակ զրնգաց ու շաշեց սանձի բերանոցը: Զին շունչ առավ ամբողջ թոքերով մեկ ու գնաց՝ պայտերը շոր շրիկացնելով կայծքարի նման շոր ու պինդ գետնի վրա: «Բոլորն էլ դրա մասին են խոսում... Մառայութուն, քեզնից մենք բեզարել ենք, ծանձրացել», — ժպտալով, մըտքում կրկնեց Գրիգորին ու իսկույն քնեց: Ու հենց որ քնեց, տեսավ մի երազ, որը առաջ էլ էր տեսել. գորշ դաշտով, բարձր խոզանի վրայով գալիս են կարմիրբանակայինների շղթաները: Որքան որ աչքդ կտրի, ձգվել է առջևի շղթան: Նրա ետևում կա վեց թե յոթ շղթա: Ծնշող լուսթյան մեջ մոտենում են հարձակվողները: Աճում, մեծանում են սև կեր-

պարանքները, և ահա արդեն երևում է, թե ինչպես սայթաքող, արագ քայլով գալիս են, գալիս, մոտենում գնդակի թռիչքի տարածության շափ, հրացանները հորիզոնագիթ բռնած վազում են մարդիկ՝ ականջավոր փափախներով, լռելյայն բացված բերաններով: Գրիգորին պառկած է ծանծաղ խրամատում, ջղաձգաբար շարժում է հրացանի փակադակը, հաճախակի կրակում. նրա կրակոցներից, ետ շալբուղելով, ընկնում են կարմիրբանակայինները. փամփուշտների մի նոր պահունակ է դնում, ու մի վայրկյան աչք ածելով շուրջը, տեսնում է, որ հարևան խրամատներից վեր են թռչում կազակները: Նրանք շուռ են գալիս ու փախչում. նրանց դեմքերը ծամոված են վախից: Գրիգորին զգում է իր սրտի սարսափելի դարկը, գոռում է՝ «Կրակեցեք, սրիկաներ, ո՛ւր, կանգնել, չփախչել»... Նա գոռում է ամբողջ ուժով, բայց նրա ձայնը ապշեցուցիչ կերպով թույլ է, հագիվ է լսվում: Նա սարսափով է բռնվում: Նա նույնպես վեր է թռչում, արդեն կանգնած, վերջին անգամ կրակում է տարիքավոր, թխադեմ, ուղիղ դեպի իրեն լուռ վազող մի կարմիրբանակայինի վրա, ու տեսնում է, որ վրիպել է: Կարմիրբանակայինը հուզված ու լուրջ, աներկյուղ դեմք ունի: Նա վազում է թեթևակի, ոտները համարյա չեն դիպչում գետնին, հոնքերը կիտված են, փափախը քաշել է ծոծրակին, քշտել շինելի փեշերը: Ինչ-որ մի ակնթարթում Գրիգորին դիտում է մոտ վազող թշնամուն, տեսնում նրա փայլուն աչքերը և դալուկ այտերը, որոնք ծածկված են երիտասարդական խուճուճ մորուքով, տեսնում է սապոգների կարճ, լայն ճիտքերը, մի փոքր իջեցրած հրացանի փողաբերանի սև աչքը ու դրանից վեր — վազքի տակտով ճոճվող մթին սվինի սայրը: Անըմբռնելի սարսափը համակում է Գրիգորիին: Նա քաշում է հրացանի փակադակը, բայց փակադակը չի շարժվում, լուվել է, Գրիգորին հուսահատորեն, փակադակը խփում է ծնկին, — ո՛չ մի արդյունք: Կարմիրբանակայինը արդեն հինգ քայլի վրա է: Գրիգորին ետ է դառնում ու փախչում: Նրա առջևում ամբողջ գորշ, մերկ դաշտը պատած է փախչող կազակներով: Գրիգորին ետևից լսում է հետապնդողի ծանր շնչառությունը, լսում է նրա ոտների հնչող դոփյունը, բայց չի կարողանում արագացնել իր վազքը: Պահանջվում է սարսափելի ճիգ ու

ջանք, որպէսզի ակամա ծալվող ոտներին ստիպի ավելի արագ վազել: Վերջապես, նա հասնում է մի ինչ-որ կիսավեր, մռայլ գերեզմանոց, ցատկում տապալված ցանկապատից, փախչում փոքրիկ, ցածր գերեզմանների, ծովոված խաչերի ու մատուռների արանքով: Էլի մի ջանք, և նա կփրկվի: Բայց այստեղ ետևից լսվող դոփշունը սաստկանում է, դառնում ավելի հնչել: Հետապնդողի տաք շնչառութունը վառում է Գրիգորի պարանոցը, ու հենց նույն ակնթարթում նա զգում է, թե ինչպես բռնում են իր շինելի գոտիկից ու փեշից: Գրիգորին խուլ ճիշ է արձակում և արթնանում է: Նա պառկած է մեջքի վրա: Նեղ սապոգների սեղմած նրա ոտները փայտացել են, ճակատին սառն քրտինք է դուրս տվել, ամբողջ մարմինը ցաւում է ասես հարվածներից: «Փիա՛, գրողը տանի...» — խոպոտ ասում է նա, հաճույքով ունկնդրում իր սեփական ձայնին ու դեռ չի հավատում, որ իր ամբողջ տեսածն ու զգացածը երազ է: Այա կողքի է շուռ գալիս, շինելը քաշում գլխին, մտքի մեջ ասում. «Հարկավոր էր մոտ թողնել նրան, ետ մղել հարվածը, հրացանի կոթով գետին գլորել, հետո էլ արդեն փախչել»... Մի բույս նա խորհրդածում է երկրորդ անգամ տեսած երազի մասին, ուրախ հուզմունք է զգում, գիտակցելով, որ այդ ամենը լոկ վատ երազ է և իրականում նրան առայժմ ոչինչ չի սպառնում. «Ձարմանալի է, թե ինչո՞ւ երազի մեջ դա տասն անգամ ավելի սարսափելի է, քան արթուն ժամանակ: Ողջ կյանքումս, ինչքան էլ որ փորձանքների մեջ եմ ընկել, այդ տեսակ վախ իսկի չեմ դրացել», — մտածում էր նա քուն մտնելով, հաճույքով ձգում ընդարմացած ոտները:

X

Լուսաբացին Կոպիլովը արթնացրեց նրան:

— Վեր կաց, ժամանակն է պատրաստվել, մեկնել: Հրամայված է ժամը վեցին լինել այնտեղ:

Շտաբի պետը հենց նոր էր սափրվել, մաքրել սապոգները ու հագել ճիւտված, բայց մաքուր ֆրենչը: Ըստ երևույթին նա շտապել էր. փափրիկ այտերը երկու տեղ կտրված

էին ածելիով: Բայց նրա ամբողջ կերպարանքում պահագաց ձգվածութուն էր նկատվում, որ առաջ հատուկ չէր նրան:

Գրիգորին քննադատաբար ոտքից-գլուխ ղննեց նրան, մտածեց՝ «Ի-ի՛հ, ո՞նց է կոկվել, հա՛-ա: Չի ուզում փնթիմնթի երևալ գեներալին...»:

Կարծես հետամուտ լինելով նրա մտքերի ընթացքին, Կոպիլովն ասաց.

— Անհարմար է փնթի տեսքով ներկայանալ: Խորհուրդ եմ տալիս դու էլ քեզ կարգի բերես:

— Այսպես էլ չի խանդարի գնալ, — ճմլկոտվելով մըռթմըռթաց Գրիգորին: — Ասում ես հրամայված է վեցին լինել այնտե՛ղ: Արդեն սկսում են հրամայե՞լ ինձ ու քեզ, հա՞:

Կոպիլովը ծիծաղելով թոթվեց ուսերը.

— Նոր ժամանակ — նոր երգեր: Ավագութան կարգով մենք պարտավոր ենք ենթարկվել: Ֆիցխելաուրովը գեներալ է, հո ինքը չի գալու մեզ մոտ:

— Այդ այդպես է: Ուր որ գնում էինք, այնտեղ էլ հասանք, — ասաց Գրիգորին և գնաց ջրհորից վացվելու:

Տանտիրուհին վազեվազ նետվեց տուն, բերեց մի մաքուր, ասեղնագործած երեսսրբիչ, գլուխ տալով մատուցեց Գրիգորիին: Վերջինս երեսսրբիչի ծայրով ուժեղ տրորեց աղյուսագույն-կարմիր և պաղ ջրից զովացած դմբը, ասաց մոտ եկող Կոպիլովին.

— Այդ այդպես է, միայն թե պարոնայք գեներալները պետք է որ մտածեին այ թե ինչի մասին. ժողովուրդը ունկնդրեցիայից հետո ուրիշ տեսակ է դարձել, ասես թե նորից է ծնվել: Իսկ նրանք ամեն բան հին արշինով են չափում: Արշինն էլ մեկ էլ տեսար կոտրվեց... Մանր են շուռ գալի նրանք: Նրանց ուղեղներին պետք է անիվի յուղ քսել, որ ճռճոց չլինի:

— Դու այդ ինչի՞ մասին ես ասում, — անուշադիր հարցրեց Կոպիլովը՝ փչելով ու դեն գցելով թևքին կպած չուր:

— Այն եմ ասում, որ նրանք ամեն բան հնի կողմն են ծոռում: Ա՛յ, ես գերմանական պատերազմից սպայական աստիճան ունեմ: Արյունո՞վ եմ արժանացել սրան: Իսկ երբ ընկնում եմ սպայական հասարակութան մեջ, ոնց որ թե ցուրտ ձմռանը խրճիթից դուրս եմ գալի միայն փոխանով:

Նրանցից այնպիսի ցուրտ է փչում ինձ վրա, որ կոնակս բու-  
լորովին սառչում է.— Գրիգորին կատաղաբար փայլեցրեց  
աչքերը և իրեն համար աննկատելի կերպով բարձրացրեց  
ձայնը:

Կոպիլովի դժգոհությամբ նայեց շուրջը, շնչաջ.

— Կամաց, սուրհանդակները լսում են:

— Հարց է ծագում, ինչո՞ւ է այդպես,— ձայնը ցած-  
րացնելով շարունակեց Գրիգորին:— Որովհետև ես նրանց  
համար ճերմակ ազնավ եմ: Նրանց ձեռքերը կոկիկ են, իսկ  
իմ ձեռքերը կոշտ-մոշտ են, ոնց որ սմբակ: Նրանք քստքս-  
տացնում են ոտները, իսկ ես ոնց էլ որ շուռ գամ, ամեն  
բանի կպչում եմ: Նրանցից երեսի սպսոսի ու կնկա զանա-  
զան քսվածքների հոտ է փչում, իսկ ինձանից ձիու մեզի ու  
քրտնքի հոտ է գալի: Նրանք բոլորն էլ ուսումով են, իսկ ես  
դժվարությամբ եմ ավարտել եկեղեցական դպրոցը: Ես ոտից  
դուխ օտար եմ նրանց: Այ թե ինչու է այդպես: Դուրս եմ  
գալի նրանց մոտից և ինձ թվում է, թե երեսիս փառ է նրս-  
տել. ջանս խառտ է գալի, ինձ կեղտի մեջ եմ զգում ու թունդ  
ուզում եմ մաքրվել:— Գրիգորին երեսսրբիչը գցեց ջրհորի  
փայտվածքին, մի կտոր ոսկրե սանրով սանրեց մազերը:  
Նրա թուխ դեմքի վրա խիստ սպիտակին էր տալիս արևից  
չսևացած ճակատը:— Նրանք չեն ուզում հասկանալ, որ ամ-  
բողջ հինը փոլ է եկել, բրիշակ եղել,— արդեն կամացուկ  
ասաց Գրիգորին:— Նրանք կարծում են, թե մենք ուրիշ խմո-  
րից ենք թխված, թե ուսում շունեցող, հասարակ մարդը  
անասունի պես է: Նրանք կարծում են, թե ուղիղ կարծի-  
քով ես կամ ինձ նման մեկ ուրիշը իրենցից քիչ բան ենք  
հասկանում: Իսկ կարմիրների մոտ ովքե՞ր են հրամանա-  
տարները: Բուդյոնինն սպա՞ է, հա՞: Հին ժառանգության վախ-  
միսոր է, բա նա՞ չէ՞ր, որ ծնկի էր բերում զլիսավոր շտաբի  
գեներալներին: Նրանից չէ՞ր, որ փախչում էին սպայական  
գնդերը: Գուսելշիկովը կազակական գեներալներից ամենա-  
մարտականն է, փառավոր գեներալ է, իսկ նա չէ՞ր, որ այս  
ձմեռ միայն փոխանը հագին ծլկեց Ուստ-Խոպերսկուց: Գի-  
տե՞ս ով նրա հետևից հասավ սկզուն տեղում. մոսկովցի մի  
ինչ որ փականագործ,— կարմիր գնդի հրամանատարը: Գե-  
րիները հետո խոսում էին նրա մասին: Սա պետք է հասկա-

նալ: Բա մենք՝ ուսում շունեցող սպաներս, կազակներին  
վա՞տ էինք ղեկավարում ապստամբության ժամանակ: Գեներ-  
ալները շա՞տ էին օգնում մեզ, հա՞:

— Քիչ չէին օգնում,— նշանակալից պատասխանեց Կո-  
պիլովը:

— Դե, կարելի է օգնում էին Կուդինովին, իսկ ես կոիվ  
էի գնում առանց օգնության ու խփում կարմիրներին, առանց  
ուրիշի խորհուրդները լսելու:

— Ուրեմն ի՞նչ, ուղիղ կան գործում դու ժխտո՞ւմ ես  
գիտությունը:

— Ոչ, ես գիտությունը չեմ ժխտում: Բայց, աղբերացու,  
պատերազմի մեջ դա չէ զլիսավորը:

— Իսկ ի՞նչն է, Պանտելեևիչ:

— Այն գործը, որի համար կոիվ ես գնում...

— Դե, այդ արդեն ուրիշ բան է...— Կոպիլովը զգուշու-  
թյամբ ժպտալով շարունակեց.— Ինքնըստինքյան հասկա-  
նալի է... Այդ գործում իդեան զլիսավորն է: Հաղթում է միայն  
նա, ով հաստատ գիտե, թե ինչի համար է կովում, ու հա-  
վատում է իր գործին: Այս ճշմարտությունը հին է ինչպես  
աշխարհը, և դու իզուր ես այն ներկայացնում իբրև քո  
հայտնագործությունը: Ես կողմնակից եմ հին, լավ ժամանա-  
կին: Այլպես ես մատու էլ չէի շարժի, չէի գնա ինչ-որ բանի  
համար կովելու: Բոլոր նրանք, ովքեր մեզ հետ են, այնպիսի  
մարդիկ են, որոնք գեներալ ուժով պաշտպանում են իրենց հին  
արտոնությունները, խաղաղացնում բունտ բարձրացրած ժո-  
ղովրդին: Ես ու դու էլ պատկանում ենք այդ խաղաղացող-  
ների թվին: Բայց ես վաղուց հետամուտ եմ լինում քեզ,  
Գրիգորի Պանտելեևիչ, ու չեմ կարողանում քեզ հասկանալ...

— Հետո կհասկանաս: Եկ գնանք,— ասաց Գրիգորին  
ու քայլեց դեպի շարդախը:

Տանտիրուհին, որ հետևում էր Գրիգորի յուրաքանչյուր  
շարժման, ցանկանալով գոհացնել նրան, առաջարկեց.

— Գուցե կա՞թ խմեք:

— Շնորհակալություն, մայրիկ, կաթ խմելու ժամանակ  
չկա: Հետո կխմենք:

Պրոխոր Զիկովը շարդախի մոտ ազահուլթյամբ մածուն էր ուտում թասից: Տեսնելով, որ Գրիգորին արձակում է ձին, նա ամենևին էլ չշարժվեց տեղից: Վերնաշապկի թևքով սրբեց շրթունքները. հարցրեց.

— Ո՛ւր ես գնում: Ես է՛լ պիտի գամ քեզ հետ:

— Գրիգորին ցասկոտեց, սառը կատաղությամբ ասաց.

— Դու, քոսոտ, սեսոգի հիմար, ծառայությունը չգիտե՞ս, ինչ է: Ինչո՞ւ ձին կանգնել է սանձը բերանին: Ո՞վ պետք է ձին մատուցի ինձ, հը՞: Գրողի տարած, պիտվում ես հա՛ զխտվում, իսկի շես կշտանում: Հա՛-պա՛. դեն գցի գդալը: Կարգապահություն չգիտե՞ս, հա՞... Սատանի ծնունդ:

— էլ ի՞նչ ես շարանում,— նեղանալով մոթմոթաց Պրոխորը տեղավորվելով ձիու վրա:— Բղավում ես զուր տեղը: Միթե՞մ մեծ բան ես, էլի՛: Ճամփա գնալուց առաջ շե՞մ կարող մի բան ուտել, ինչ է: Ի՞նչի համար ես ղալմաղալ անում:

— Նրա համար, որ մարդու հոգի ես հանում, խոզի՛ մոռթ: Ո՞նց ես վարվում ինձ հետ, հը՞: Հիմի գնում ենք գեներալի մոտ, տես, հա՛-ա... Սովորե՛լ ես քեզ տնավարի պահել... Ես քեզ համար ո՞վ եմ, հը՞: Հինգ քայլ հեռու կգաս իմ ետևից,— հրամայեց Գրիգորին՝ դուրս գալով դարպասից:

Պրոխորը և մնացած երեք սուրհանդակները ետ մնացին, ու Գրիգորին Կոպիլովի հետ կողք-կողքի գնալով, շարունակելով սկսված խոսակցությունը, հեզնաբար հարցրեց.

— Հա՛, դու ի՞նչը շես հասկանում: Գուցե ես քեզ բացատրե՞մ:

Չնկատելով ձայնի տոնի և հարցնելու ձևի մեջ եղած հեզանքը, Կոպիլովը պատասխանեց.

— Չեմ հասկանում քո դիրքը այս գործում, այ թե ինչ: Մի կողմից դու հնի համար պայքարող ես, իսկ մյուս կողմից,— ներիք խիստ արտահայտությունս,— բոլշևիկի պես մի բան ես:

— Ինչո՞վ եմ բոլշևիկ,— Գրիգորին մոայլվեց, թամբի վրա կտրուկ շարժում արավ:

— Ես շեմ ասում բոլշևիկ, այլ բոլշևիկի պես մի բան:

— Դա մեկ է: Ինչո՞վ— հարցնում եմ:

— Թեկուզև սպայական հասարակության, դեպի քեզ եղած վերաբերմունքի մասին քո ասած խոսքերով: Ի՞նչ ես

ուզում այդ մարդկանցից, սոհասարակ դու ի՞նչ ես ուզում,— բարեհոգության ժպիտը երեսին ու մտրակը խաղացնելով հարցրեց Կոպիլովը: Նա շուտ եկավ, նայեց սուրհանդակներին, որոնք աշխուժությամբ ինչ-որ դատողություններ էին անում, ու ավելի բարձր ձայնով ասաց.— Քեզ վերավորում է այն, որ նրանք քեզ չեն ընդունում իրենց միջավայրը որպես իրավահավասար, որ նրանք բարձրից են նայում քեզ: Բայց նրանք իրենց տեսակետով իրավացի են, սա պետք է հասկանալ: Ճիշտ է, դու սպա ես, բայց բացարձակապես պատահական սպա ես սպայության միջավայրում: Նույնիսկ սոցալական ուսադիրներ կրելով, դու մնում ես,— ներիք ինձ, — իբրև անտաշ մի կազակ: Դու քաղաքավարի ձևեր չգիտես, սխալ ու կոպիտ ես արտահայտվում, զուրկ ես այն բոլոր անհրաժեշտ հատկություններից, որոնք հատուկ են դաստիարակված մարդուն: Օրինակ, փոխանակ թաշկինակով օգտրվելու, ինչպես այդ անում են բոլոր կուլտուրական մարդիկ, դու խնչում ես երկու մատիդ միջոցով, ուտելու ժամանակ ձեռներդ սրբում ես մերթ սապոգներիդ ճիթքերով, մերթ մազերիդ քսելով, լվացվելուց հետո առանց զզվելու երեսդ սրբում ես ձիու տապակով, ձեռներիդ եղունգները կամ կծոտում ես, կամ կտրում թրի ծայրով: Կամ է՛լ ավելի լավ մի օրինակ. հիշո՞ւմ ես, ձմռանը Կարգինսկում մի անգամ իմ ներկայությամբ խոսում էիր մի ինտելիգենտ կնոջ հետ, որի ամուսնուն ձեռքակալել էին կազակները, ու նրա ներկայությամբ կոճկում էիր շավարդ...

— Ուրեմն եթե ես շավարս առանց կոճկելու թողնեի, ավելի լա՛վ կլինեիր,— նոթոտ ժպտալով, հարցրեց Գրիգորին:

Նրանց ձիերը գնում էին քայլքով, կողք-կողքի, ու Գրիգորին շեղակի նայում էր Կոպիլովին, նրա բարի դեմքին, ու նրա խոսքերը լսում ո՛չ առանց դառնություն:

— Բանն այդ չէ,— սրտնեղությամբ կնճռոտելով դեմքը, բացականչեց Կոպիլովը:— Առհասարակ, դու ի՞նչպես կարող էիր ընդունել կնոջը, եթե միայն շավարով ու ոտաբոբիկ էիր: Նույնիսկ կիտելը էլ վրադ չգցեցիր, ես այդ շատ լավ եմ հիշում: Սրանք բոլորն էլ իհարկե մանր բաներ են, բայց բնորոշում են քեզ իբրև մի մարդու, որը... Ոնց ասեմ քեզ...

— Դե պարզ ասա՛, էլի՛:

— Հա՛, իբրև մի մարդու, որը շափազանց տգետ է: Բա խոսե՞լդ: Սարսափելի է: Փոխանակ ասելու կվարտիրա, ասում ես ֆատերա, փոխանակ ասելու էվակուացիա, ասում ես էկաիցա, կարծես թե-ի փոխարեն— ոնց որ թե, արտիլե-րիայի փոխարեն— անտիլերիա: Ու ինչպես ամեն մի անգրա-գետ մարդ, դու անբացատրելի հակում ունես դեպի օտար-երկրյա հնչուն բառերը, տեղի ու անտեղի ես գործածում դրանք, շափազանց աղավաղում ես, իսկ երբ շտաբային խորհրդակցություններում քո ներկայությամբ զուտ ռազմա-կան տերմինոլոգիայից այնպիսի բառեր են արտասանվում, ինչպես, օրինակ, դիսլոկացիա, դիսպոզիցիա, կոնցենտրա-ցիա և այլն, դու խոսողին նայում ես հիացմունքով և, ես նույնիսկ կասեի,— նախանձով:

— է-է՛, այդ մեկը դու արդեն փշում ես,— բացական-չեց Գրիգորին ու նրա դեմքով ուրախ աշխուժություն անցավ: Նայելով ձիու ականջների արանքից, քորելով նրա բաշի տա-կի փափուկ ու տաք մաշկը, նա խնդրեց.— էհ, շարունակի տեսնենք, ջարդուփշուր արա քո հրամանատարին:

— Լսիր, ի՞նչ կա ջարդուփշուր անելու: Առանց այդ էլ պետք է քեզ համար պարզ լինի, որ այդ կողմից քո բանը հաջող չէ: Եվ դրանից հետո դու դեռ վիրավորվում ես, որ սպաները քեզ վերաբերվում են ո՛չ որպես իրենց հավասա-րին: Պատշաճության ու գրագիտության հարցերում դու ուղ-ղակի տհաս ես.— Կոպիլովը բերանից պատահմամբ թոցը-րեց այդ վիրավորական բառը և վախեցավ: Նա գիտեր, թե Գրիգորին որքան անզուսպ է իր բարկության մեջ, ու վախե-նում էր ցասումից, բայց անցողակի մի հայացք նետելով նրա վրա, իսկույն հանգստացավ. Գրիգորին թամբի վրա մեջքին ընկած, բժիծաղ էր տալիս, բեղերի տակից փայլեց-նում սպիտակ ատամները: Եվ Կոպիլովի համար այնքան անսպասելի էր իր խոսքերի հետևանքը, այնքան վարակիչ էր Գրիգորիի ծիծաղը, որ նա ինքն էլ ծիծաղեց, ասելով.— Ա՛յ, տեսնո՞ւմ ես, մի ուրիշ, խելոք մարդ լաց կլինե՞ր այս-պիսի հանդիմանությունից, իսկ դու քրքջում ես... Բա դու տարօրինակ չե՞ս:

— Այդպես, ուրեմն ասում ես, որ ես տհաս եմ: Գրողի ծոցը,— ծիծաղը վերջացնելով ասաց Գրիգորին:— Զե՛մ ցան-

կանում սովորել ձեր վարվեցողություններն ու պատշաճու-թյունները: Դրանք եզների կողքին ինձ պետք չեն գա: Աստ-ված կտա, սաղ կմնամ, եղներով կզբաղվեմ, ու նրանց հո գլուխ չե՞մ տալու և ասելու՝ «Ախ, մի քիչ դենը շարժվեցեք, չալդիկ. ներեցեք ինձ, չալպտուրիկ, թույլ կտա՞ք ուղղել ձեր լուծը: Ողորմա՛ծ տե՛ր, պարոն եզ, խոնարհաբար խնդրում եմ շժուկ ակոսը»: Նրանց հետ խոսելը կարճ է. հո՛-հո՛, պրծավ-գնաց. ահա քեզ եզան ամբողջ դիսկլոկացիան:

— Ոչ թե դիսկլոկացիա, այլ դիսլոկացիա,— ուղղեց Կո-պիլովը:

— Թող դիսլոկացիա լինի, հա՛: Համա մի բանում ես քեզ հետ համաձայն չեմ:

— Այդ ի՞նչ բան է:

— Որ ես տհաս եմ: Ձեզ համար է, որ ես տհաս եմ, համա սպասիր, ժամանակ տուր, կանցնեմ կարմիրների կողմը, նրանց մոտ արճճից էլ ծանր կլինեմ: Այն ժամանակ թե ձեռս կընկնե-ե՞ք, քաղաքավարի ու կրթված ձրիակեր-ներ: Հոգիներդ կհանեմ փոր ու փսորներիդ հետ,— կատա-կելով թե լրջորեն ասաց Գրիգորին ու քշեց ձին, միանգա-մից արագ վարգի անցավ:

Դոնի շրջակայքում առավոտը այնպիսի նրբահյուս ան-դորրության մեջ էր բացվում, որ յուրաքանչյուր ձայն, եթե նույնիսկ թույլ էր, խախտում էր այն ու արձագանքվում: Տափաստանում իշխում էին միայն արտույտները և լորերը, իսկ միմյանց կից խոսողներում այնպիսի անլուելի, ցած-րաձայն, զորդալի աղմուկ էր, որպիսին սովորաբար ուղեկ-ցում է խոշոր զորամասերի տեղափոխության: Փոսերից անց-նելիս զրխկում էին հրանոթների ու լցարկղների անիվները, ջրհորների մոտ վրնջում ձիերը, համալափ, խուլ ու մեղմ դոփում անցնող հետևակ հարյուրյակների քայլերը, զղըր-դում բրիչկաները և բնակչական սայլերը, որոնք ռազմա-մթերք ու հանդերձանք էին տանում ռազմաճակատի գիծը. շրջիկ խոհանոցներից հաճելի բուրում էին խաշված կորեկա-ձավար, դափնու տերեղով համովացրած մսով բորշը և նոր թխված հացը:

Հենց Ուստ-Մեդվեդիցկու մոտ ճարձատում էր հրացա-նային արագ փոխհրաձգությունը, ծուլորեն ու որոտալից

Քնդում էին հրանոթային հատ-հատ կրակոցները: Մարտը նոր էր սկսվում:

Գեներալ Ֆիցխելաուրովը նախաճաշում էր, երբ ցոփ կյանքից հոգնած տեսք ունեցող, տարեց համհարզը զեկուցեց.

— Ապստամբական առաջին դիվիզիայի հրամանատար Մելեխովը և դիվիզիայի շտաբի պետ Կոպիլովը:

— Խնդրիր անցնել իմ սենյակը,— Ֆիցխելաուրովը իր մեծ, ջլուտ ձեռքով դեն հրեց ձվի կճեպով լեցուն ավսենն, առանց շտապելու մի բաժակ նոր կթած կաթ խմեց ու կանոնավոր ծալելով անձեռոցը, վեր կացավ սեղանից:

Սաժենանոց հասակով, ծերունաբար ծանրաշարժ և թույլ այդ մարդը շափազանց խոշոր էր թվում կազակական այդ փոքրիկ սենյակում, որի պատուհանները փոքր էին ու դռների դրանդիները ծովում: Քայլելիս շտկելով հիանալի կարված համազգեստի կանգուն օձիքը, սաստիկ հազալով, գեներալն անցավ հարևան սենյակը, թեթև բարեկեց ոտքի ելած Կոպիլովին ու Գրիգորին և առանց ձեռք տալու, ժեստով նրանց հրավիրեց նստել սեղանի մոտ:

Թուրը բռնած, Գրիգորին զգուշությամբ նստեց տաբուրետի մի ծայրի, տակևանց նայեց Կոպիլովին:

Ֆիցխելաուրովը ծանր նստեց իրեն տակ ճոճացող վիհենական աթոռին, ծոցեց երկարասրունք ոտները, ու ձեռների խոշոր դաստակները դնելով ծնկներին, հաստ, ցածր ձայնով ասաց.

— Ես ձեզ, պարոնայք սպաներ, հրավիրել եմ մի քանի հարցեր համաձայնեցնելու համար... Ապստամբական պարտիզանական կովի եղանակը վերջացավ: Ձեր զորամասերը դադարեցնում են իրենց գոյությունը իբրև ինքնուրույն ամբողջութուն, ասենք նրանք, ըստ էության, ամբողջութուն չեն էլ եղել: Դա ֆիկցիա է: Նրանք միացվում են Դոնի բանակին: Մենք անցնում ենք պլանաչափ հարձակման, ժամանակն է գիտակցել այս բոլորը և առանց առարկության ենթարկվել բարձրագույն հրամանատարության հրամաններին: Բարեհաճեցեք պատասխանել, երեկ ձեր հետևակ գունդը ինչո՞ւ շօժանդակեց գրոհական գումարտակի հարձակման: Ինչո՞ւ գունդը հրաժարվեց գրոհի գնալուց, չնայելով

իմ հրամանին: Ո՞վ է ձեր, այսպես կոչված, դիվիզիայի հրամանատարը:

— Ես եմ,— ցածրաձայն պատասխանեց Գրիգորին:

— Նեղություն քաշեցեք պատասխանել հարցին:

— Ես միայն երեկ եմ եկել դիվիզիա:

— Որտե՞ղ էիք բարեհաճում լինել:

— Տուն էի գնացել:

— Դիվիզիայի հրամանատարը մարտական գործողությունների ժամանակ բարեհաճում է տա՞նը լինել: Դիվիզիայում անկարգություն է, սանձարձակություն, այլանդակություն:— Գեներալի թավ ձայնը հետզհետե ավելի բարձր էր որոտում նեղլիկ սենյակում. դռան ետևում արդեն հանձնակատարները ոտների մատների վրա էին քայլում, փսփրսում ու ծիծաղում. Կոպիլովի այտերը ավելի ու ավելի էին դունատվում, իսկ Գրիգորին, նայելով գեներալի կարմրատակող դեմքին, նրա սեղմված, ուռուցիկ բռունցքներին, դգում էր, որ իր մեջ էլ է արթնանում անզուսպ կատաղությունը:

Ֆիցխելաուրովը անսպասելի թեթևությամբ վեր թռավ, աթոռի մեջքից բռնելով գոռաց.

— Ձեր զորամասը ոչ թե զորամաս է, այլ կարմիրզավարդիական խուժան... Կեղտոտ թափթփուկներ են և ոչ թե կազակներ: Դուք, պարոն Մելեխով, ոչ թե դիվիզիայի հրամանատար պետք է լինեք, այլ ծառայեք իբրև սպասյակ... Կոշիկներ պետք է մաքրեք: Լսո՞ւմ եք, հը... Ինչո՞ւ հրամանը չկատարվեց, հը: Միտինգ չէի՞ք արել: Չէի՞ք քննարկել: Ականջներիդ օղ արեք, հա՛-ա, այստեղ ձեզ համար ընկերներ չկան, ու մենք չենք թույլ տա բուլշեփկյան կարգեր մըտցրնել... Չե՞նք թույլ տա...

— Ես ձեզ կխնդրեի չբողավել ինձ վրա,— խուլ ձայնով ասաց Գրիգորին ու վեր կացավ, ոտքով դեն հրեց տաբուրետը:

— Ինչ ասացի՞ք,— սեղանի վրա թեքվելով, հուզմունքից հևալով, խուպոտ ասաց Ֆիցխելաուրովը:

— Խնդրում եմ չբողավել ինձ վրա,— ավելի բարձր կրկնեց Գրիգորին:— Դուք մեզ կանչել եք, որպեսզի լուծեք... — Մի վայրկյան լռեց, խոնարհեց աչքերը ու, հայացքը շղարտ-

րելով Ֆիցխելաուրովի ձեռքերից, ձայնն իջեցրեց համարյա մինչև շնչոց:— Եթե դուք, ձեր դերը պերագանցություն, փորձեք ինձ դիպչել թեկուզ մի մատով,— տեղնուտեղը կթրատեմ ձեզ:

Սենյակում այնպեսի լուսություն տիրեց, որ պարզ լսվում էր Ֆիցխելաուրովի անհանգիստ շնչառությունը: Լուսությունը տեղեց մի բուսիկի շափ: Դուռը կամացուկ ճոնչաց: Ներս նայեց վախեցած համհարզը: Դուռը նույնպես կամացուկ փակվեց: Գրիգորին կանգնել էր թրի կոթից բռնած: Կոպիլովի ծնկները թեթև դողում էին, նրա հայացքը թափառում էր պատի վրա: Ֆիցխելաուրովը ծանր նստեց աթոռին, ծերունաբար տնքաց, մոթմոթաց.

— Հիանալի՞ է:— Եվ արդեն բոլորովին հանգիստ, բայց առանց Գրիգորին նայելու:— Նստեցեք: Տաքացաք, բավական է: Հիմա բարեհաճեցեք լսել. հրամայում եմ ձեզ բոլոր հեծյալ զորամասերը նետել... Նստե՛ցեք, է՛...:

Գրիգորին նստեց, թեքով սրբեց հանկարծակի երեսին զուրս տված առատ քրտինքը:

— ...Ուրեմն, բոլոր հեծյալ զորամասերը անմիջապես փոխադրեցեք հարավ-արևելյան ճակատամաս և խկույն հարձակման անցեք: Աջ թևով դուք կշփվեք զորական ավագ Չումակովի երկրորդ զումարտի հետ...

— Ես դիվիզիան այնտեղ չեմ տանի,— հոգնածորեն ասաց Գրիգորին և ձեռքը տարավ շալվարի գրպանը՝ թաշկինակը հանելու: Նատալյայի կարած ժանյակավոր թաշկինակով մի անգամ էլ սրբեց ճակատի քրտինքը, կրկնեց.— Դիվիզիան այնտեղ չեմ տանի:

— Ինչո՞ւ:

— Վերախմբավորումը շատ ժամանակ կխլի...

— Այդ ձեզ չի վերաբերվում: Գործողության արդյունքի համար ես եմ պատասխանատու:

— Ոչ, վերաբերվում է, և միայն դուք չեք, որ պատասխանատու եք...

— Դուք հրաժարվո՞ւմ եք իմ հրամանը կատարելուց,— ականբևաբար ձիգ անելով զսպել իրեն, խուզոտ հարցրեց Ֆիցխելաուրովը:

— Այո:

— Այդ դեպքում նեղություն քաշեցեք անմիջապես հանձնել դիվիզիայի հրամանատարությունը: Հիմա ինձ համար հասկանալի է, թե ինչու չէր կատարվել երեկվա իմ հրամանը...

— Ինչպես որ դուք ցանկանում եք, միայն թե ես դիվիզիան չեմ հանձնի:

— Ինչպես եք հրամայում հասկանալ ձեզ:

— Այնպես, ինչպես ես ասացի.— Գրիգորին հազիվ նկատելի ժպտաց:

— Ես ձեզ հեռացնում եմ հրամանատարությունից.— Ֆիցխելաուրովը բարձրացրեց ձայնը, ու Գրիգորին խկույն վեր կացավ:

— Ես ձեզ չեմ ենթարկվում, ձեր դերագանցություն:

— Դուք առհասարակ ենթարկվո՞ւմ եք որևէ մեկին:

— Այո, ենթարկվում եմ ապստամբական ուժերի հրամանատար Կուդրինովին: Իսկ ձեզանից այդ բոլորը լսելը մինչև իսկ զարմացնում է ինձ... Առայժմ ես ու դուք հավասար իրավունքներ ունենք: Դուք էլ եք դիվիզիայի հրամանատար, ես էլ: Եվ դուք հլա դեռ մի բղավեք ինձ վրա... Երբ որ ինձ հարյուրյակի հրամանատար կդարձնեն, այն ժամանակ — խնդրեմ: Բայց կոխվ անել...— Գրիգորին բարձրացրեց կեղտոտ ցուցամատը, ու միաժամանակ թե ժպտալով և թե կատաղաբար փայլեցնելով աչքերը, վերջացրեց.— ...Կոխվ անել այն ժամանակ էլ չեմ թույլ տա:

Ֆիցխելաուրովը վեր կացավ, շտկեց իրեն խեղդող օձիքը, կիսով շափ զուրս տալով ասաց.

— Մենք այլևս խոսելիք չունենք: Վարվեցեք ձեր ուղածի պես: Ձեր վարքի մասին ես անմիջապես կհաղորդեմ բանակի շտաբին, և, համարձակվում եմ ձեզ հավատացնել, հետևանքները շուտով կիրևան: Մեզ մոտ ուղամա-դաշտային դատարանը առայժմ աշխատում է անխափան:

Գրիգորին ուշադրություն չդարձնելով Կոպիլովի հուսահատական հայացքներին, գլխարկը քաշեց աչքերին, քայլեց դեպի դուռը: Ենթի վրա նա կանգ առավ, ասաց.

— Դուք հազորդեք որտեղ որ պետք է, բայց ինձ մի վախեցնեք, ես վախուկներից չեմ... Ու հլա ձեռ չտաք ինձ,— մտածեց և ավելացրեց,— թե չէ վախենում եմ՝ չլինի՞ թե իմ

կազակները ձեր բուրդը գրեն... — Աքացելով բացեց դուռը, ու թուրը շրխկացնելով, հաստատաբայլ ելավ հաշտը:

Հուլիսի Կոպիլովը մուտքի սանդուղքի վրա հասավ նրան:

— Դու գժվե՛լ ես, Պանտելեևիչ, — շնչաց նա հուսահատորեն սեղմելով ձեռքերը:

— Ձիե՛րը, — բարձր գուշեց Գրիգորին՝ ձեռքերի մեջ սեղմըրտելով մտրակը:

Պրոխորը ճարպկությամբ վազ տվեց, մոտեցավ մուտքի սանդուղքին:

Դարպասից դուրս գալով, Գրիգորին ետ նայեց. երեք սուրհանդակ աճապարանքով օգնում էին գններալ Ֆիցխե-լաուրովին՝ նստելու բարձրամարմին, շքեղ թամբով թամբած ձին...

Կես վերստի շափ լուռ էին ընթանում: Կոպիլովը լուռ էր, հասկանալով, որ Գրիգորին տրամադիր չէ խոսելու և նրա հետ այժմ վիճելը վտանգավոր է: Վերջապես, Գրիգորին այլևս չհամբերելով, դիմեց նրան.

— Ինչո՞ւ ես լուռ, — խիստ տոնով հարցրեց նա: — Դու ինչի՞ համար էիր եկել. վկա՞ էիր. լռախա՞ղ էիր խաղում:

— Է՛-է՛, եղբայր, այ թե օյին սարքեցիր, հա՛-ա:

— Իսկ նա օյին չսարքե՞ց:

— Ասենք՝ նա էլ իրավացի չէ: Այն տոնը, որով նա խոսում էր մեզ հետ, ուղղակի վրդովեցուցիչ է:

— Բայց մի՞թե նա խոսում էր մեզ հետ: Հենց սկզբից սկսեց բռռալ, ասես ետևը բիզ էին խրել:

— Սակայն դու էլ պակաս չես: Չհնազանդվել աստիճանով ավագին... մարտական պարագաններում, դա, բարեկամ...

— Բանը իսկի էլ այդ չէ: Ափսոս որ նա ինձ վրա ձեռք չբարձրացրեց: Ես թրով կհասցնեի նրա ճակատին, գանգը կձեղքվեր զխկալով:

— Առանց դրան էլ քեզ լավ բան չի սպասում, — տհաճությամբ ասաց Կոպիլովը և դադարեցրեց ձիու վազքը, անցավ քայլի. — բոլոր նշաններից երևում է, որ հիմա նրանք կսկսեն ուժեղացնել դիսցիպլինան, պի՛նդ կաց:

Նրանց ձիերը փնչում էին, պոշերով քշում բռռերը, քայլում կողք-կողքի: Գրիգորին հեզնաբար նայեց Կոպիլովին, հարցրեց.

— Ի՞նչ ինչի՞ համար էիր զուգվում: Երևի կարծում էիր, թե քեզ թեյո՞վ կհչուրասիրեն, հա՞: Սպիտակ ձեռներով կբռնեն ձեռքդ ու սեղանի մո՞տ կտանեն: Թրաշվեցիր, ֆրենչը մաքրեցիր, սապոգներդ պլպլացրիր... Ես տեսնում էի, թե ոնց էիր թքոտում սրբիչը ու մաքրում շալվարիդ ծնկները:

— Թո՛ղ, էլի՛, — կարմրատակելով պաշտպանվում էր Կոպիլովը:

— Չարչարանքներդ զուր կորան, — ձեռ էր առնում Գրիգորին. — իսկի շթողեց, որ մոտենաս, ձեռք էլ շտվես:

— Քեզ հետ այդ էլ չէր կարելի սպասել, — շուտասելուկով մոթմոթաց Կոպիլովը ու աչքերը կկոցելով, զարմացած ու բերկրալի բացականչեց. — Նայի՛ր: Նրանք մերոնք չեն: Դաշնակիցներն են:

Նրանց դեմուղեմ նեղ փողոցով վեց ջորի քարշ էին տալիս անգլիական մի թնդանոթ, Կողքից շիկակարմիր. կարճալից ձիով դալիս էր անգլիական մի սպա: Առջևի հոյիքի ձիավազը նույնպես անգլիական տարադով էր, բայց գլխարկի բոլորքի վրա ուներ ուսական սպայական գդականիշ և պոլուշիկի ուսադիրներով էր:

Գրիգորից մի քանի սաժեն հեռու սպան երկու մատը տարավ իր խցանե սաղավարտի հովարին, գլխի շարժմամբ խնդրեց ճանապարհ տալ: Փողոցը այնքան նեղ էր. որ իրար կողքից կարելի էր անցնել միայն Գրիգորիի ու յուրայինների ձիերը քարե ցանկապատին ընդհուպ մոտեցնելով:

Գրիգորիի այտերի ուռուցքները շարժվեցին. Ատամներն իրար սեղմելով, նա ձին քշեց հենց սպայի վրա: Վերջինս զարմանքից բարձրացրեց հոնքերը, մի կողմ ծովեց: Նրանք դժվարությամբ անցան իրար կողքից, այն էլ միայն այն ժամանակ, երբ անգլիացին կաշվե սոնապանով պինդ պրկված աջ ոտը դրեց իր ազնվացեղ զամբիկի պլպլան, կոկիկ մաքրված գավակին:

Հրետանային անձնակազմից մի հոգի, ուսական սպա, — ինչպես այդ երևում էր նրա արտաքինից, շարացած նայեց Գրիգորիին:



— Կարծեմ դուք կարող էիք ճանապարհ տալ: Մի՞թե այստեղ էլ պետք է ցույց տաք ձեր անբաղաճավարությունը:

— Ձենդ կտրի ու անցի, շան ծիծ կերած, թե չէ ես քեզ քաղաքավարություն ցույց կտամ...— ցածր ձայնով խորհուրդ տվեց Գրիգորին:

Սպան քիչ բարձրացավ քարշակի վրայից, շուտ եկավ, բղավեց.

— Պարոններ, բռնեցեք այս լրբին:

Գրիգորին սպառնալից թափահարելով մտրակը, ձին կամաց բռնեց էր փողոցով: Հոգնած, փռշտոված հրետանավորները, — բոլորն էլ անբեղ, երիտասարդ սպաներ, — նայում էին նրան անբարյացակամ հայացքով, բայց ոչ ոք բռնելու փորձ չարեց: Վեց հրանոթ ունեցող մարտկոցը չբացավ տների ետևում, ու Կոպիլովը շրթունքները կծոտելով, ընդհուպ մոտեցավ Գրիգորիին:

— Գծություն ես անում, Գրիգորի Պանտելեևիչ, քեզ երեխայի պես ես պահում:

— Դու իմ դաստիարակն ես, ինչ է, — բարկացկոտ պատասխանեց Գրիգորին:

— Ես հասկանում եմ, որ դու շարացել ես Ֆիցխելաուրովի վրա, — ուսերը թռթկելով ասաց Կոպիլովը, — բայց այստեղ ի՞նչ մեղք ունի այդ անգլիացին: Թե՞ քեզ դուր չեկավ նրա սաղավարտը:

— Այստեղ, Ուստ-Մեդվեդիցայի մոտ նա ինչ-որ դուր չեկավ ինձ... Այդ սաղավարտը նա պետք է ուրիշ տեղ դնեք գլխին... Երկու շուն զզվում են, երրորդը թող չխառնվի, գիտե՞ս:

— Հրմ: Ուրեմն դու դե՞մ ես օտարերկրյա միջամտության: Իմ կարծիքով, երբ կոկորդիցո էն բռնում, ամեն մի օգնության համար էլ ուրախ կլինես:

— Է՛հ, դու ուրախացիր, իսկ ես թույլ չէի տա, որ նրանք ոտ դնեն մեր հողը:

— Դու կարմիրների մոտ չինացիներ տեսե՞լ ես:

— Հետո ի՞նչ:

— Դա միևնույն չէ՞: Հո նույնպես օտարերկրյա օգնություն է:

— Ձուր ես այդ ասում: Զինացիք կամավոր են անցել կարմիրների կողմը:

— Իսկ սրանց, քո ասելով, զոռո՞վ են քարշ տվել այստեղ:

Գրիգորին շիմացավ ինչ պատասխաններ, երկար լռեց, տանջալից մտածմունքի մեջ ընկավ, հետո էլ շթաքցրած բարկություն արտահայտող ձայնով ասաց.

— Դուք, ուսումով մարդիկդ, միշտ էլ այդպես եք... Դեռ-դեռ եք ցատկում ոնց որ նապաստակները ձյան վրա: Ես, աղբեր, զոռում եմ, որ դու սխալ ես ասում, ամա քեզ նեղը լծել չեմ կարողանում... Եկ թողնեք այս խոսակցությունը: Մի՞ շշկուցանի ինձ, ես առանց քեզ էլ շշկված եմ:

Կոպիլովը նեղացած լռեց, ու մինչև բնակարան հասնելը նրանք այլևս չէին խոսում: Պրոխորը, բուն հետաքրքրության մեջ համակված, հասավ նրանց ետևից, հարցրեց.

— Գրիգորի Պանտելեևիչ, ձեր գարնանը թյուր, ասա խնդրեմ, այդ ի՞նչ կենդանիներ էին լծված կաղետների թղթաղանթներին, հը՞: Նրանց ականջները ոնց որ թե էշի ականջներ են, իսկ մնացած բաներով դրանք իսկական ձիեր են: Մարդ զարմանքով է մտիկ տալի այդ հեյվաններին... Գրողը տանի, ախր դրանք ինչ ցեղից են, — բացատրի խնդրեմ, թե չէ մենք փողով գրազ ենք եկել... — Հինգ ռուպեի չափ գնում էր ետևից, այնպես էլ պատասխան չստացավ, ետ մնաց, ու երբ մյուս սուրհանդակները հասան նրան, շշուջավով հաղորդեց. — Տղերք, նրանք իրենք էլ են սուս ու փուս գնում, երկվում է, որ արմանք-զարմանք են կտրել ու ոչինչ էլ չգիտեն, թե այդ մունտոիկ հեյվանները որտեղից են լույս-աշխարհ ընկել...

## XI

Կազակական հարյուրյակները շորորդ անգամ էին ելնում ոչ-խորունկ խրամատներից ու կրկին պառկում կարմիրների գնդացրային սպանիչ կրակի տակ: Կարմիրբանակային մարտկոցները ձախափնյա անտառում թաքնված, հենց լուսաբացից անդադար հրակոծում էին կազակների դիրքերը և ձորակներում կուտակված ռեզերվները:

Դոնի շրջակա բարձունքների վրա բռնկվում էին շրտույնելի կաթնագուլչն-սպիտակ ամպիկները: Կաղակական խրամատների ծուռումուռ գծի առջևում ու ետևում գնդակները գորշ փոշի էին բարձրացնում:

Կեսօրին մարտը ուժեղացավ, ու արևմտյան քամին հրետանային հրաձգության սրտումները Դոնի վրայով տանում էր հեռունները:

Գրիգորին ապստամբական մարտկոցի դիտակետից հեռագիտակով հետևում էր կովի ընթացքին: Նա տեսնում էր, թե ինչպես սպայական վաշտերը, շնայելով կորուստներին, վազեվազքով համառուն հարձակման էին գնում: Երբ կրակը ուժեղանում էր, նրանք պառկում էին, խրամատներ փորում, ու դարձյալ առաջ էին նետվում դեպի մի նոր բնագիծ. իսկ ձախ կողմում, վանքի ուղղութեամբ ապստամբական հետևավազորը ոչ մի կերպ չէր կարողանում ոտքի ելնել: Գրիգորին մի երկտող գրեց ու կապավորի հետ ուղարկեց Երմավովին:

Կես ժամից հետո ձիով շեշտակի եկավ սաստիկ հուզված Երմավովը: Մարտկոցի ձիակապարանի մոտ նա իջավ ձիուց ու, ծանր շնչելով, բարձրացավ դիտորդի խրամատը:

— Չեմ կարողանում ոտքի հանել կազակներին, վեր չեն կենում, — դեռ հեռվից գոռաց նա՝ թափահարելով ձեռքերը... — Մեզանից արդեն քսաներեք մարդ է ընկել: Տեսա՞ր, թե կարմիրները ոնց են խփում գնդացիներով:

— Սպաները հարձակման են գնում, իսկ դու չե՞ս կարողանում ձեռոնց ոտքի հանել, — բեղի տակից մռթմռթաց Գրիգորին:

— Մտիկ արա, է՛, նրանց ամեն մի դասակը ձեռքի զրնդացի ու անհաշիվ փամփուշտ ունի, իսկ մենք ի՞նչ ունենք:

— Դե, դե, գլուխս մի տանի, հենց հիմա հարձակվենք, թե չէ գլուխդ կթոցնենք:

Երմավովը մայր հայհոյեց, վազ տվեց բլուրից: Գրիգորին գնաց նրա ետևից: Նա որոշեց անձամբ գրոհի տանել Ձ-րդ հետևակ գունդը:

Մարտկոցի հրամանատարը նրան կանգնեցրեց վերջին հրանոթի մոտ, որ ճարտարութեամբ քողարկված էր մլենու ստեկրով:

— Հիացիր անգլիական աշխատանքով, Գրիգորի Պանտելեևիչ: Հիմի նրանք կսկսեն հրակոծել կամուրջը: Եկ բարձրանանք կուրգանի վրա, հը՞:

Հեռագիտակով հաղիվ երևում էր Դոնի վրայով կարմիր սակրավորների գցած նավակամրջի բոլորովին բարակ շերտը: Դրա վրայից անընդմեջ հոսանքով սայլեր էին անցնում:

Տասը րոպեից հետո անգլիական մարտկոցը, որ տեղավորված էր ձորահովտում, քարքարոտ բլրակների ետևում, — կրակ բացեց: Չորրորդ արկով կամուրջը քանդվեց համարյա մեշտեղից: Սայլերի հոսանքը կանգ առավ: Երևում էր, թե ինչպես կարմիրբանակայինները այս ու այն կողմ նետվելով, ջարդված սայլերն ու ձիերի դիակները գցում էին Դոնի մեջ:

Այ ափից անմիջապես հեռացան սակրավորներով բեռնըված շորս նավակներ: Բայց նրանք դեռ չէին սարքել կամրջի քանդված ծածկը, երբ անգլիական մարտկոցը նորից մի քանի արկ արձակեց: Դրանցից մեկը շուռ տվեց ձախ ափի մուտքի ամբարտակը, երկրորդը հենց կամրջի կողքին կանաչ շրասյուն բարձրացրեց, ու կամրջի վրա վերասկսված շարժումը վերստին կանգ առավ:

— Ինչքա՞ն ճիշտ են խփում շան որդիները, — հիացումով ասաց մարտկոցի հրամանատարը. — հիմի նրանք մի՞նչե գիշեր չեն թողնի անցնել գետը: Այդ կամուրջը սաղ չի՛ մնա: Գրիգորին աչքերը չկտրելով հեռագիտակից, հարցրեց.

— Բա դու ինչո՞ւ ես լռում: Օժանդակի՛ր մեր հետևազորին: Հրե՛ն, տեսնո՞ւմ ես գնդացրային բները:

— Ուրախութեամբ կօժանդակի, բայց ոչ մի արկ չկա: Կես ժամ առաջ կրակեցի վերջին արկը ու հիմի պաս եմ պահում:

— Բա էլ ինչո՞ւ ես այստեղ կանգնել: Վերցրու թնդանոթներդ ու գնա գրողի ծոցը:

— Կաղեսների մոտ մարդ եմ ուղարկել արկեր բերելու:

— Չեն տա, — վճռականապես ասաց Գրիգորին:

— Մի անգամ մերժել էին, երկրորդ անգամ եմ ուղարկել: Կարելի է թե խիղճ անեն: Գոնե մի քսան հատ որ լինեք, կընջխեինք այն գնդացիները: Հանաք բան չի, — մերոնցից

քսաներեք հոգի կոտորեցին: Ու դեռ ինչքա՞ն կկոտորեն: Տես, թե ոնց են կրակ թափում...

Գրիգորին հայացքը դարձրեց դեպի կազակական խրամատները, դրանց մոտ, սարալանջի վրա գնդակները շարունակում էին փոփոխել շոր հողը: Այնտեղ, ուր թափվում էին գնդացիների գնդակները, փոշու շերտ էր առաջանում, ասես անտեսանելի մեկը խրամատների երկայնքով կայծակի արագությամբ գորշ, հալչող գիծ էր քաշում: Կազակական խրամատները իրենց ամբողջ տարածության վրա, փոշիով պատած, ասես ծուխ էին արձակում:

Գրիգորին հիմա արդեն չէր հետևում անգլիական մարտկոցի արկերի դիպչելուն: Նա մի ըստե՞ն ականջ դրեց հրետանային ու գնդացրային անլուծի հրաձգության, հետո էլ իջավ կուրգանից, հասավ Երմակովին:

— Մինչև ինձանից հրաման չստանաս, գրոհի չգնաս: Առանց հրետանային օժանդակության մենք նրանց ետ չենք քշի:

— Բա ես քեզ ի՞նչ էի ասում,— կշտամբանքով պատասխանեց Երմակովը՝ նստելով վազքից ու հրաձգությունից խլշկոտած իր ձին:

Գրիգորին աչքերով ուղեկցում էր կրակոցների տակ ձիով աներկյուղ սլացող Երմակովին, անհանգստությամբ մտածում էր՝ «Սատանան դրան տարավ ուղիղ ճամփով, էլի: Կխփեն գնդացրից: Կիջներ ձորը, կբարձրանար հատակով ու բլուրից դենը անվտանգ կհասներ իրեն կազակներին»: Երմակովը կատաղի քառատրոփով հասավ ձորահովիտ, մտավ այնտեղ ու մյուս կողմում շերկաց: «Ուրեմն հասկացավ, հիմի տեղ կհասնի»,— թեթևացած եզրակացրեց Գրիգորին ու պառկեց բլրակի մոտ, առանց շտապելու ծխախոտ փաթաթեց:

Տարօրինակ անտարբերություն էր տիրել նրան: Ո՛չ, նա կազակներին չի տանի գնդացրային կրակի տակ: Ինչի՞ համար տանի: Թող գրոհ տան սպայական գրոհական ջոկատները: Թող նրանք վերցնեն Ուստ-Մեդվեդիցկայան: Եվ այստեղ, բլրակի տակ պառկած, Գրիգորին առաջին անգամ խուսափեց ճակատամարտին ուղղակի մասնակցություն ունենալուց: Վախկոտությունը չէր, մահվան կամ աննպատակ կորուստների վախը չէր, որ այդ միջոցին ղեկավարում էր

նրան: Կարձ ժամանակ առաջ նա չէր խնայում ոչ իր կյանքը, ոչ էլ իր հրամանատարությունը հանձնված կազակների կյանքը: Բայց ահա այժմ կարծես մի ինչ-որ բան կոտորվեց... Մինչ այդ նա դեռ երբեք այդպիսի առավելագույն պարզությանամբ չէր զգացել տեղի ունեցող իրադարձության ամբողջ ունայնությունը: Կոպիլովի հետ ունեցած խոսակցությունը, թե Ֆիցխելաուրովի հետ ընդհարվելը, զուցեև թե մեկը և թե մյուսը միասին վերցրած՝ պատճառ դարձան այն տրամադրության, որը այնքան անսպասելի առաջացավ նրա մեջ, ու նա որոշեց այլևս չգնալ կրակի տակ: Նա անորոշ կերպով մտածում էր, որ չի կարող կազակներին հաշտեցնել բոլշևիկների հետ, ու ինքն էլ հոգու խորքում չէր կարող նրանց հետ հաշտվել, իսկ պաշտպանել ոգով իրեն օտար, իր նկատմամբ թշնամաբար տրամադրված մարդկանց, այդ բոլոր Ֆիցխելաուրովներին, որոնք խորապես արհամարհում էին իրեն և որոնց ոչ պակաս խոր արհամարհում էր ինքը,— նա նույնպես չէր ուզում և չէր կարող: Ու նրա առաջ վերստին ամբողջ անողորմությամբ ծառացան առաջվա հակասությունները: «Թող կովեն: Կնայեմ հեռվից: Հենց որ ինձնից վերցնեն դիվիզիան, կխնդրեմ, որ շարքից տեղափոխեն թիկունք: Հերիք է ինչքան կովեցի»,— մտածում էր նա, ու մտքում անդրադառնալով Կոպիլովի հետ ունեցած վեճին, զգաց, որ կարմիրների համար արդարացում է որոնում: «Չիհացիները մերկ ձեռքերով գնում են կարմիրների մոտ, ծառայության են մտնում ու զինվորի քոսոտ ոտճիկով ամեն օր իրենց կյանքը վտանգի են ենթարկում: Ասենք այստեղ ոտճիկն ի՞նչ գործ ունի: Դրանով ոտնե՞րս կարելի է գնել: Հենց միայն թղթախաղով տարվելու բան է... Ուրեմն այստեղ շահասիրություն չկա, մի ուրիշ բան կա... Իսկ դաշնակիցները ուղարկում են սպաներ, տանկեր, թնդանոթներ, հրեն մինչև իսկ ջորիներ էլ ևն ուղարկել: Հետո էլ այդ բոլորի համար մեծ փող են պահանջելու: Ա՛յ թե որտեղ է տարբերությունը: Հը՛մ, դրա մասին մենք երեկոյան էլ կվիճենք: Հենց որ մտնեմ շտաբ, նրան մի կողմ կկանչեմ ու կասեմ:— Տարբերություն կա, Կոպիլով, և դու ինձ մի մոլորեցնի»:

Բայց վիճել այնպես էլ չվիճակվեց: Օրվա երկրորդ կեսին Կոպիլովը մեկնեց ռեզերվում գտնվող 4-րդ գունդը և ճանա-

պարհին սպանվեց պատահական զնդակով: Գրիգորին այդ մասին իմացավ երկու ժամից հետո...

Գեներալ Ֆիցխեյլաուրովի 5-րդ դիվիզիայի զորամասերը առավոտյան կովով գրավեցին Ուստ-Մեդվեդիցկայան:

## XII

Գրիգորի մեկնելուց երեք օր անց Միտկա Կորշունովը հայտնվեց Տատարսկի խուտորում: Նա մենակ չեկավ, նրան ուղեկցում էին երկու հոգի, որոնք նրա հետ ծառայում էին պատժիչ ջոկատում: Նրանցից մեկը տարիքավոր մի կալմիկ էր, Մանիչի կողմերից, մյուսը Ռասպուպինսկայա ստանիցայի անբարետես մի կազակ էր: Միտկան կալմիկին արհամարհանքով անվանում էր «խոդյա», իսկ Ռասպուպինսկու հարբեցողին ու ստահակին Սիլանտի Պետրովիչ էր հորջորջում:

Երևում էր, որ Միտկան, լինելով պատժիչ ջոկատում, քիչ ծառայութուն չէր մատուցել Դոնի զորքին. ձմռանը նա ստացել էր վախճարի, հետո էլ փոխխորունժի կոշում և խուտոր ժամանեց նոր, սպայական տարազի ամբողջ փայլով: Պետք է կարծել, որ նա վատ չէր ապրում նահանջից հետո, Դոնեցի մյուս կողմում. պաշտպանական գույնի թեթև ֆրենչը լավ նստել էր Միտկայի լայն ուսերին, վարդագույն մաշկի հաստ-հաստ ծալերը շնթոնել էին պինդ, կանգուն օձիքի վրա, քիփ կարված, կապույտ, դիագոնալ լամպասավոր շալվարը քիչ էր մնում պատովեր ետևից... Իր արտաքին արժանիքներով Միտկան ո՞նց կծառայեր լեյք-զվարդիայի ատամանյան զնդում, ո՞նց կապրեր պալատում ու կպաշտպաներ նորին կայսերական մեծության սրբազան անձնավորությունը, եթե չլիներ այդ անիծված ռեյուցիան: Բայց Միտկան առանց դրան էլ իր կյանքից չէր գանգատվում: Նա էլ սպայական աստիճանի էր հասել, իսկ ո՞չ Գրիգորի Մելխովի պես կյանքը վտանգի ենթարկելով, թեթևամտորեն հերոսություն անելով: Ծառայության մեջ բարձրանալու համար պատժիչ ջոկատում մարդուց այլ հատկություններ էին պահանջվում... Միտկան էլ հենց լիովին օժտված էր այդ հատկություններով. առանձնապես

չվստահելով կազակներին, նա ինքն էր բոլշևիկմի մեջ կասկածվողներին տանում ոչնչացնելու, չէր խորշում սևփական ձեռքով, մտրակի կամ հրացանի շամփրի միջոցով դատաստան տեսնելու դասալիքների դեմ, իսկ ձեռքակալվածներին հարցաքննելու գործում ամբողջ ջոկատում նրան հավասար մարդ չկար, ու զորական ավագ Պրյանիշնիկովն ինքը, թոթվելով ուսերը, ասում էր. «Ոչ, պարոնայք, ինչ ուզում եք ասեք, բայց Կորշունովին գերազանցել անկարելի է. վիշապ է և ոչ թե մարդ»: Միտկան մի նշանավոր հատկությամբ էլ էր աչքի ընկնում. երբ չէր կարելի զնդակահարել կալանավորվածին և պատժողները չէին ուզում կենդանի բաց թողնել նրան ձեռքից, նրան դատապարտում էին մարմնական պատժի,— ճիպոտահարության, և դրա կատարումը հանձնարարում էին Միտկային: Եվ նա կատարում էր, ու այնպես էր կատարում, որ հիսուն հարվածից հետո պատժը վաժը սկսում էր անընդհատ արյուն փոխել, իսկ հարյուր հարվածից հետո մարդուն մեռած թե դեռ կենդանի վիճակում փաթաթում էին ճիլոպով... Միտկայի ձեռքն ընկած ոչ մի դատապարտյալ կենդանի չէր մնում: Նա ինքը հաճախ ծիծաղելով ասում էր. «Թե որ ես հանեի իմ կոտորած բոլոր կարմիրների շալվարներն ու յուրեկաները, կհագցնեի ամբողջ Տատարսկի խուտորը»:

Դաժանությունը, որ մանկութ հատուկ էր Միտկայի բնավորության, պատժիչ ջոկատում ոչ միայն իր արժանի գործադրությունը գտավ, այլև, ոչնչով սանձահարված չլինելով, հրեշավոր շափերի հասավ: Իր ծառայության բնույթի շնորհիվ շփվելով սպայության բոլոր տականքների,— կուկախիստների, բռնացողների, թալանչիների և այլ ինտելիգենտ սրիկաների հետ, որոնք լցվում էին ջոկատը,— Միտկան հաճույքով, գյուղացիական շանագրություն մը յուրացնում էր այն ամենը, ինչ որ սովորեցնում էին նրանք, կարմիրների դեմ ատելություն մը լցված, և առանց մի առանձին դժվարության գերազանցում էր իր ուսուցիչներին: Այնտեղ, ուր արյունից և ուրիշների տանջանքներից հոգնած ներառված սպան այլևս չէր դիմանում, Միտկան լուկ կկոցում էր մանրիկ կայծերով շաղված, դեղին իր աչքերը և գործը ձայնում իր վախճանին:

Այդպիսի մարդ էր դարձել Միտկան՝ կազակական զորամասից ընկնելով հեշտ ապրուստի տեղը, — զորական ավագ Պրյանիշնիկովի պատժիչ ջոկատը:

Հայտնվելով խուտորում, քիթը վեր ցցած ու հազիվ պատասխանելով հանդիպող կանանց բարեներին, նա ձին քայլքով քշեց դեպի իրենց տունը: Կիսով չափ վառված, մրոտած դարպասի մոտ իջավ ձիուց, սանձը տվեց կալմիկին, լայնաբայլ անցավ բակը: Միլանտիի ուղեկցությամբ լուռ պտտեց տան հիմքի շուրջը, մտրակի ծայրով շոշափեց հրդեհի ժամանակ ընկած, փիրուզի փայլ արձակող մի կտոր ապակի, հուզմունքից խուլված ձայնով ասավ.

— Վառել են... Հարուստ տուն էր, հա՛-ա: Խուտորում առաջինն էր: Մեր խուտորցին է վառել, Միշկա Կոշևոյը: Նա էլ սպանել է պապիս: Այսպես, Միլանտի Պետրով, հայրենի ավերակն էլ տեսանք...

— Իսկ այդ Կոշևոյներից մարդ կա՞ տանը, — աշխույժ հարցրեց Միլանտին:

— Երևի կա: Մենք կտեսնվենք նրանց հետ... Իսկ հիմի գնանք խնամոնց մոտ:

Մեկխովների մոտ գնալիս Միտկան հարցրեց Բոգատիրյովների հարսին, որին հանդիպեց ճանապարհին.

— Մերս եկե՞լ է Դոնի այն կողմից:

— Կարծեմ հլա չի եկել, Միտրի Միրոնիչ:

— Իսկ խնամի Մեկխովը տա՞նն է:

— Մերունի՞ն, հա:

— Այո:

— Մերունին տանն է, մի խոսքով, ամբողջ ընտանիքը տանն է բացի Գրիգորիից: Ձմռանը Պետրոյին սպանեցին, լսե՞լ ես:

Միտկան գլխով արեց ու ձին քշեց վարզով:

Նա գնում էր դատարկ փողոցով, ու նրա դեղին, կատվի շքերում, որոնք հղիացած ու սառն էին, քիչ առաջվա հուզումնալի աշխուժության հետքն անգամ չկար: Մոտենալով Մեկխովների տանը, շղիմելով ուղեկիցներից որևէ մեկին, ցածր ձայնով ասաց.

— Այսպես է դիմավորում հայրենի խուտորը, հա՞-ա:

Ճաշելու համար էլ ազգականներն մոտ պիտի գնալ... Լա՛վ, հլա դեռ կտեսնե՞նք...

Պանտելեյ Պրակոֆևիչը շարդախի տակ կարգի էր բերում հնձիչը: Տեսնելով ձիավորներին ու նրանց մեջ ճանաչելով Կորշունովին, գնաց դեպի դարպասը:

— Համեցեք, — սրտաբաց առավ նա՝ բանալով դարպասը: — Ուրախությամբ կընդունենք հյուրերին: Շնորհավոր ձեր գալը:

— Բարև, խնամի. ողջ-առո՞ղջ ես:

— Փառք աստծո, հլա ոչինչ: Այդ ի՞նչ է, դու արդեն սպա՞ ես:

— Բա դու կարծում էիր մենակ տղե՞րքդ պիտի սպիտակ ուսադիրներ կրեն, — ինքնալուճ ասաց Միտկան՝ երկար, ջլուտ ձեռքը մեկնելով ծերունուն:

— Տղերքս այնքան էլ չեն դիրել դրանք, — ժպտալով պատասխանեց Պանտելեյ Պրակոֆևիչը ու առաջ անցավ, որպեսզի ցույց տա ձիերը կանգնեցնելու տեղը:

Աղ ու հացով Իլլինիչնան հյուրերին ճաշ տվեց, հետո էլ սկսվեցին խոսակցությունները: Միտկան մանրամասն հարցուփորձ էր անում ամեն ինչի մասին, որ վերաբերում էր իր ընտանիքին, լուսկյաց էր ու ոչ բարկություն, ոչ էլ տխրություն էր ցույց տալիս: Որպես թե ի միջի այլոց հարցրեց, թե Միշկա Կոշևոյի ընտանիքից որևէ մեկը մնացե՞լ է խուտորում, և իմանալով, որ տանը մնացել է Միշկայի մայրը իր երեխաներով, կարճ և մյուսների համար աննկատելի կերպով աչքով արավ Միլանտիին:

Հյուրերը շուտով վեր կացան: Ճանապարհելով նրանց, Պանտելեյ Պրակոֆևիչը հարցրեց.

— Երկա՞ր պիտի մնաս խուտորում:

— Այնպես, էլի՞, մի երկու-երեք օր:

— Մորդ կտեսնե՞ս:

— Թե որ հաջողվի:

— Բա հիմի ո՞ր ես գնում:

— Այնպես, էլի... խուտորցիներից ոմանց տեսնելու՞ մենք շուտով կգանք:

Միտկան և իր ուղեկիցները դեռ չէին վերադարձել Մեկխովների մոտ, երբ խուտորում լուր տարածվեց՝ «Կորշու-

նովը եկել է կալմիկներին հետ, Կոշեոյի ամբողջ ընտանիքը կոտորել են»:

Ոչինչ չլսած Պանտելեյ Պրակոֆևիչը հենց նոր էր եկել դարբնոցից, հնձիչ մեքենայի կտրիչը ձեռքին, և ուզում էր նորից կարգի բերել հնձիչը, բայց Իլլիինիչնան կանչեց նրան.

— Արի այստեղ, Պրակոֆիչ. շուտ արա:

Պառավի ձայնը շթաքցրած անհանգստություն էր արտահայտում, ու զարմացած Պանտելեյ Պրակոֆևիչը իսկույն գնաց տուն:

Լացակումած, գունատ նատալյան կանգնել էր վառարանի մոտ: Իլլիինիչնան աչքերով ցույց տվեց Անիկուշկայի կնոջը, խուլ ձայնով հարցրեց.

— Նորություն լսե՞լ ես, ծերուկ:

«Ախ, չի՛նի՞ թե Գրիգորիին բան է պատահել... Պահպանի ու ողորմյա, տեր»,— այս միտքը դադեց Պանտելեյ Պրակոֆևիչին: Նա սփրթնեց ու, վախենալով և ցասկոտելով, որ ոչ մեկը բան չի ասում, բղավեց.

— Դե շուտ ասեք, է՛, անիծված լինեք դուք... Ի՞նչ է պատահել, հը՞: Գրիգորիին...— Ու կարծես բղավելուց ուժասպառ եղած, ընկավ նստարանին, շփեց ցնցվող ոտները: Գունյաշկան առաջինը գլխի ընկավ, որ հայրը վախենում է որդու վերաբերյալ սև լուրերից, հապճեպ ասաց.

— Ոչ, հայրիկ, լուրը Գրիշայի մասին չի: Միտրին խփել է Կոշեոյներին:

— Այսինքս, ոնց թե խփել է.— Պանտելեյ Պրակոֆևիչի սիրտը միանգամից թեթևացավ ու, դեռ չհասկանալով Գունյաշկայի ասած խոսքերի իմաստը, նա նորից հարցրեց.— Կոշեոյներին: Միտրին:

Անիկուշկայի կինը, որ եկել էր նորությունները հաղորդելու, սկսեց պատմել շշկվելով.

— Գնացել էի, ապի ջան, հորթը որոնելու, անցնում եմ Կոշեոյների տան կողքից, իսկ Միտրին ու էլի երկու զինվոր ձիերով մոտեցան տանը ու ներս գնացին: Ես էլ մտածում եմ՝ հորթը հողմադացից դենը չի գնա, հորթերն արածացնելու ժամանակն էր...

— Ախր ոտներին՞ս է պետք քո հորթը, է՞,— բարկությամբ ընդհատեց Պանտելեյ Պրակոֆևիչը:

— ...Ու նրանք մտան տունը,— շնչասպառ լինելով շարունակեց կինը,— ես էլ կանգնել եմ, սպասում եմ: «Նրանք, — միտք եմ անում,— լավ բանի համար շեն եկել այստեղ»: Ու այնտեղ ճվճվոց սկսվեց, լսում էի, որ խփում են: Վախից մեռա ես, ուղեցի փախնել, ամա երբ որ ցանկապատից քիչ հեռացա, ետևիցս ոտի ձեն լսեցի. հա՛, ետ նայեցի. ձեր այդ Միտրին չվանը գցել է պառավի վիզը ու քարը է տալի գետնի վրա ոնց որ շանը. մեղա քեզ տեր: Քարը տվեց չար դախի կողմը, խեղճ կնիկը իսկի ձեն չի հանում, երևի արդեն ուշքը գնացել էր. կալմիկը, որ նրա հետ էր, թուով չար դախի գերանի վրա... Մտիկ եմ անում. Միտրին չվանի ծերը գցեց նրան ու բղավում է. «Քաշի ու կապի. հանգույց արա»: Ախ, ես ի՛նչ բան տեսա: Աչքիս առաջ խեղճեցին խեղճ պառավին, հետո էլ թռան ձիերի վրա ու գնացին փողոցով, երևի խուտորի վարչության կողմը: Ես վախենում էի տունը մտնել... Տեսա, որ հաշտից, հենց դռան տակից արյուն էր հոսում սանդուղքի վրա: Աստված շանի մեկ էլ այդպիսի զարգանդ բան տեսնեմ:

— Աստված լա՛վ հյուրեր է ուղարկել մեզ, հա՛-ա,— սպասողաբար նայելով ծերունուն, ասաց Իլլիինիչնան:

Պանտելեյ Պրակոֆևիչը սարսափելի հուզումով լսեց պատմածը ու, ոչ մի բառ չասելով, դուրս ելավ:

Շուտով դարպասի մոտ երևաց Միտկան իր օգնականներով: Պանտելեյ Պրակոֆևիչը կաղ-կաղ, արագ քայլեց նրանց ընդառաջ:

— Կանգնեցե՛ք,— դեռ հեռվից բղավեց նա,— չմտնեք բակը:

— Ի՞նչ է պատահել, խնամի,— զարմացած հարցրեց Միտկան:

— Ետ դարձեք.— Պանտելեյ Պրակոֆևիչը բոլորովին մոտեցավ ու նայելով Միտկայի դեղին, առկայծող աչքերին, վճռականորեն ասաց.— Մի նեղանա, խնամի, բայց ես շեմ ուզում, որ դու լինես իմ տանը: Ավելի լավ է կամովին գնա ուր կուզես:

— Ա-ա՛-ա...— ձայնը երկարացնելով, հասկանալով բանի էությունը, ասաց Միտկան ու սփրթնեց:— Ուրեմն դո՞ւրս ես անում, հա՞-ա...

— Չեմ ուզում, որ դու մոռտառես իմ տունը,— վճռահանորեն կրկնեց ծերունին.— էլ ինձ մոտ ոտ չդնես: Մեզ՝ Մելեխովներին, դահիճները չեն կարող ազգական լինել:

— Հասկանալի է: Միայն թե դու, խնամի, չափից դուրս խղճով ես:

— Դու հո իսկի խիղճ ու գուժ էլ չունես, եթե կնանոց ու երեխեքին ես սպանում: Է-է՛, Միտրի, բանի պետք չի քո արհեստը... Թե որ ողորմած հոգի հերդ քեզ մտիկ աներ, չէր ուրախանա:

— Իսկ դու, հիմար ծերուկ, ուզում էիր, որ ես նրանց գլխի՞նս նստեցնեի, հա՞-ա: Հորս սպանեցին, պապիս սպանեցին, իսկ ես պետք է քրիստոսահամբու՞յր տայի նրանց: Գնա ռադ եղիր, ես քո...— Միտկան զայրացած քաշեց սանձը, բակի դռնից դուրս քշեց ձին:

— Հայհոյանքը թող, Միտրի, դու ինձ տղի տեղ ես: Ես ու դու բաժանելու բան չունենք, գնա, աստված քեզ հետ:

Հետզհետե ավելի գունատվելով, մտրակով սպառնալով, Միտկան խուլ բղավում էր.

— Դու ինձ մեղքի մեջ մի գցի, հա՛-ա, մի՛ գցի: Նատալյային եմ խղճում, թե չէ ես քեզ, գուժ անողիդ... Գիտե՛մ ձեզ, տեսնում եմ, թե ինչ պտուղ եք: Դոնեցից դենը չնահանջեցի՞ք, հա՞-ա: Կարմիրների՞ն հանձնվեցի՞ք: Հը՛մ... Բոլորիդ էլ, ոնց որ Կոշևոյներին, պետք է կախել: Գնացինք, տղերք: Դեհ, կաղ շուն, տե՛ս, աչքիս շերևա: Ձեռիցս չես պրծնի: Իսկ քո աղ ու հացը ես կհիշեցնեմ քեզ: Թճել եմ այդ տեսակ ազգականների վրա...

Պանտելեյ Պրակոֆևիչը դողդոջուն ձեռքերով գցեց բակի դռան սողնակը, գնաց տուն:

— Վնդեցի քո աղբորը,— ասաց նա, առանց նատալյային նայելու:

Նատալյան ոչինչ չպատասխանեց, թեպետև սրտով համաձայն էր կեսրարի վարմունքին. Իլլինիչնան արագ խաշակներեց և ուրախացած ասավ.

— Փառք աստծու. սատանեն տարավ: Ների փիս խոսքիս համար, նատալյուշկա, բայց ձեր Միտկան իսկական թշնամի դուրս եկավ: Իրեն հարմար էլ ծառայություն է գտել. փոխանակ մյուս կազակների պես կարգին զորամասերում

ծառայելու, նա պատժող ջոկատն է մտել: Մի՞թե դա կազակի գործ է,— պատժող լինել, պառավներին կախել ու անմեղ երեխեքին թրով մորթուտել: Մի՞թե նրանք պատասխանատու են իրենց Միշկայի համար: Որ այդպես լինի, ուրեմն կարմիրներն էլ կարող էին Գրիշայի պատճառով սպանել ինձ ու քեզ, Միշատկային ու Պոլյուշկային, ամա, տես, չսպանեցին, խիղճ ու գուժ ունեցան: Չէ՛, աստված շանի, ես դրա հետ համաձայն չեմ:

— Ես աղբորս չեմ էլ պաշտպանում, մայրիկ...— միայն այսքանը ասաց նատալյան, լաշակի ծայրով սրբեց արցունքները:

Միտկան հենց նույն օրը մեկնեց խուտորից: Ասում էին, որ իբր թե Կարգինսկայայի մոտ մի տեղ նա միացել էր իր պատժիչ ջոկատին ու դրա հետ միասին ճանապարհվել էր կարգ հաստատելու Դոնեցի օկրուգի ուկրաինական գյուղերում, որոնց բնակչությունը մեղավոր էր համարվում այն պատճառով, որ մասնակցել էր Վերին Դոնի ապստամբությունը ճնշելուն:

Նրա մեկնելուց հետո խուտորում մի շաբաթ խոսակցություններ էին տեղի ունենում պատահած դեպքի մասին: Մեծամասնությունը դատապարտում էր Կոշևոյի ընտանիքի դեմ եղած ինքնադատատանը: Հասարակական միջոցներով թաղեցին սպանվածներին. ուզում էին ծախել Կոշևոյները խըրճիթը, բայց գնողներ չգտնվեցին: Խուտորի ատամանի հրամանով պատուհանների փեղկերին խաշաձև տախտակներ խփեցին, ու երեխաները երկար ժամանակ վախենում էին խաղալ սարսափելի տան մոտ, իսկ ծերունիներն ու պառավները անցնելով անտեր տան կողքից, խաշակնքում էին ու աղոթում սպանվածների հոգու հանգստություն համար:

Հետո վրա հասավ տափաստանային խոտհունձը, ու վերջին ժամանակների իրադարձությունները մոռացվեցին:

Խուտորը առաջվա պես աշխատում էր ու լուրեր լսում ռազմաճակատի մասին: Այն տնտեսատերերը, որոնց ձեռքում լծկան անասուններ էին մնացել, փնթփնթում ու հայհոյանքներ էին թափում՝ իրենց սալլերով սպասարկելով ռազմական կարիքներին: Համարյա ամեն օր ստիպված էին աշխատանքից կտրել եզներն ու ձիերը է ուղարկել ստանիցա: Հնձիչնե-

րից արձակելով ձիերը, ծերունիները հաճախակի անեծք էին թափում ձգձգվող պատերազմի վրա: Բայց արկերը, փամփուռները, փշալարերի փաթաթանները, պարենը պետք էր տանել ռազմաճակատ: Ու տանում էին: Իսկ այդ ժամանակ հակառակի պես օրերը արևոտ, պայծառ էին, հենց միայն պետք էր հնձել ու հավաքել հասունացած, շտենված կերպով լավորակ խոտը:

Պանտելեյ Պրակոֆևիչը պատրաստվում էր խոտի հնձին ու թունդ բարկանում էր Դարյայի վրա: Սա մի լուծ եզնիքով փամփուռներ էր տարել, պետք է վերադառնար հանձնրման կայանից, բայց անցել էր մի շաբաթ, ու նրա մասին լուր էլ չկար. իսկ առանց մի լուծ մեծ, ամենահուսալի եզների տափաստանում ոչինչ չէր կարելի անել:

Ուղիղն ասած՝ չպետք էր ուղարկել Դարյային... Պանտելեյ Պրակոֆևիչը սրտապնդվելով, եզները վստահել էր նրան, գիտենալով, թե նա որչափ սիրում է ուրախ ժամանակ անցկացնել և որչափ անփույթ է անասուններին խնամելու գործում, բայց, Դարյայից բացի, ուրիշ ոչ ոք չգտնվեց: Գունյաշկային չէր կարելի ուղարկել, որովհետև օտար կազակների հետ հեռավոր ճանապարհ գնալը աղջկա գործ չէր. նատալյան փոքր երեխաներ ուներ. ինքը, ծերուկը, հո չէ՞ր տանելու այդ անիծված փամփուռները: Իսկ Դարյան հաճույքով հանձն առավ գնալ: Նա առաջ էլ մեծ բավականություն գտնում էր ամեն տեղ, — աղաց, կորեկաձավար պատրաստելու, կամ թե մի այլ տեղ, որևէ տնտեսական կարիքի համար, և այդ միայն այն պատճառով, որ տանից դուրս նա իրեն անհամեմատ ավելի ազատ էր զգում: Յուրաքանչյուր ճանապարհորդություն նրան զվարճանք և ուրախություն էր բերում: Պոկվելով կեսրարի հսկողությունից, նա կարող էր թե կանանց հետ կուշտ բլբլացնել ու բամբասել և թե, — ինչպես ինքն էր ասում, — «ոտքի վրա սիլի-բիլի անել» իրեն դուր եկած մի որևէ ժիր կազակի հետ: Իսկ տանը Պետրոյի մահից հետո էլ Իլյինիչնան նրան ազատություն չէր տալիս, կարծես թե Դարյան, որը դավաճանում էր կենդանի ամուսնուն, պարտավոր էր հավատարիմ լինել մեռածին:

Պանտելեյ Պրակոֆևիչը գիտեր, որ եզները զուրկ կլինեն մալատիրոջ հոգատար աչքից, բայց ուրիշ ելք չկար, — ճա-

նապարհեց մեծ հարսին: Ծանապարհելը ճանապարհեց, բայց ին մի ամբողջ շաբաթ մեծ տաղնապ և հոգեկան անհանշուստություն ապրեց: «Կորան եղներս», — զիշերվա կեսին արթնանալով, ծանր հոգոց հանելով, հաճախ մտածում էր նա:

Դարյան ժամանեց տասնմեկերորդ օրվա առավոտյան: Պանտելեյ Պրակոֆևիչը հենց նոր էր վերադարձել դաշտից: Նա հնձում էր Անիկուշկայի կնոջ հետ միատեղ, ու նրան և Գունյաշկային թողնելով տափաստանում, եկել էր խոտոր՝ ջուր և ուտելիք տանելու: Ծերուկներն ու նատալյան նախաճաշում էին, երբ պատուհանների կողքից անիվների ծանոթ գոգոցով անցավ բրիչկան: Նատալյան վազելվազ մոտեցավ պատուհանին, տեսավ մինչև աչքերը շալով փաթաթված Դարյային, որը դարպասից ներս էր քշում հոգնած, նիհարած եղները:

— Նա՞ է, — հարցրեց ծերունին՝ խեղդվելով չծամած պատառից:

— Դարյան է:

— Ձէի սպասում, որ կտեսնեմ եղները: Է՛հ, փառք քեզ, տեր: Անզգամ, անիծված: Զոռով հասավ տուն... — խաշակնքելով ու բարձր զկոտալով, մոթմոթաց ծերունին:

Եզներն արձակելով, Դարյան մտավ խոհանոց, շորս տակ ծալած կարպերտը դրեց շեմքի մոտ, բարևեց տնեցիներին:

— Ի՞նչ կար որ, մումուշիկս, մի շաբաթ էլ ման գայիր, էլի՛, — հեզնանքով ասաց Պանտելեյ Պրակոֆևիչը՝ աչքի տակից նայելով Դարյային ու չպատասխանելով նրա բարևին:

— Թող ինքներդ գնայիք, — բարկությունով պատասխանեց Դարյան՝ գլխից հանելով փոշոտված լաշակը:

— Ինչի՞ այդքան երկար մնացիր, — միջամտեց Իլյինիչնան, որպեսզի հարթեր հանդիպման անախորժությունը:

— Ձէին թողնում, դրա համար էլ երկար քաշեց:

Պանտելեյ Պրակոֆևիչը թերահավատությունով օրորեց գլուխը, հարցրեց.

— Խրիստինյայի կնկանը հանձնման կայանից լաց թողին, իսկ քեզ — ո՞չ:



— Իսկ ինձ չթողին,— Դարյայի աչքերը բարկությունից կայծկլտեցին, նա ավելացրեց.— եթե չեք հավատում, գնացե՛ք, հարցրե՛ք սայլերին ուղեկցող պետին:

— Ինձ պետք չի տեղեկանալ քո մասին, բայց մյուս անգամ կնստես տանը: Քեզ ոչ մի տեղ չի կարելի ուղարկել:

— Վախացրի՞ք ինձ, օ-օ, վախացրի՞ք, էլի: Ես ինքս չեմ գնա: Կուզենա՞ք ուղարկել, ու չեմ գնա:

— Եղևերը առողջ են,— արդեն ավելի հանգիստ հարցրեց ծերունին:

— Առողջ են: Ոչինչ էլ չի պատահել ձեր եղևերին... — Դարյան դժկամորեն էր պատասխանում ու գիշերից էլ մոռնալ էր:

«Ճանապարհին բաժանվել է մի որևէ սիրածից, դրա համար էլ շարացած է», — մտածեց Նատալյան:

Նա միշտ էլ ցավակցության ու նողկանքի զգացումով էր վերաբերվում Դարյային ու սրա անմաքուր սիրային տարփանքներին:

Նախաճաշից հետո Պանտելեյ Պրակոֆևիչը պատրաստվեց գնալու, բայց այդ ըրպեին եկավ խուտորի ատամանը:

— Կասեի՞ հաջողություն, ամա կաց, Պանտելեյ Պրակոֆևիչ, մի գնա:

— Հո էլի սայլ ուղելու շե՞ս եկել,— շինծու խոնարհությամբ հարցրեց ծերունին, իսկ ինքը քիչ էր մնում կատաղությունից շնչասպառ լինելու:

— Ոչ, այստեղ ուրիշ բան կա: Այսօր մեզ մոտ է գալի ինքը, Դոնի ամբողջ բանակի հրամանատարը, գեներալ Սիդորինն ինքը, հասկացա՞ր: Հենց հիմի հատուկ սուրհանդակի միջոցով թուղթ ստացա ստանիցայի ատամանից, հրամայում է բոլոր ալևորներին ու կնանոց հավաքել ժողովի:

— Հո խելառ շե՞ն նրանք,— բզավեց Պանտելեյ Պրակոֆևիչը,— ախր այս տեսակ եռուն գործի ժամանակ ո՞վ է ժողով անում: Իսկ քո գեներալ Սիդորինը ձեռնովա խոտ կհավաքի՞ ինձ համար:

— Նա ինչքան որ իմն է, այնքան էլ քոնն է, դա մեկ է,— հանգիստ պատասխանեց ատամանը:— Ինչ որ ինձ հրամայված է, այն էլ անում եմ: Արձակիր սայլը: Պետք է

աղ ու հացով դիմավորել: Ի միջի այլոց, ասում են, թե նրա հետ դաշնակիցների գեներալներ են գալի:

Պանտելեյ Պրակոֆևիչը լուռ կանգնեց սայլի մոտ, մի փոքր մտածեց և սկսեց արձակել եղևերը: Տեսնելով, որ մի ասածը ազդեցություն ունեցավ, ուրախացած ատամանը հարցրեց.

— Քո ձիուց չի՞ կարելի օգտվել:

— Ի՞նչ պիտի անես որ:

— Հրամայված է, նրանց հերն անիծվի, երկու եռաձի տարանտաս ուղարկել Դուռնոյ ձորը, նրանց դիմավորելու: Ո՞րտեղից տարանտաս ու ձի ձարեմ — չգիտեմ: Լույսը չբացված վեր եմ կացել, վազ եմ տալի, շապիկս մի հինգ անգամ ջուր դառավ, ու միայն չորս ձի ձարեցի: Ամբողջ ժողովուրդը աշխատանքի մեջ է, մարդ ուղղակի սրտաճաք է լինում:

Մեղմացած Պանտելեյ Պրակոֆևիչը համաձայնվեց տալ ձին և նույնիսկ առաջարկեց իր զսպանակավոր տարանտասը: Ինչքան չլինի, բանակի հրամանատարն էր գալիս, հա՛-ա, այն էլ օտարերկրյա գեներալների հետ, իսկ Պանտելեյ Պրակոֆևիչը միշտ էլ երկյուղած հարգանքի զգացումներ էր տածում դեպի գեներալները...

Ատամանի ջանքերով մի կերպ պատրաստվեց երկու եռաձի կառք և ուղարկվեց Դուռնոյ ձորը՝ պատվավոր հյուրերին դիմավորելու: Հրապարակում ժողովուրդ էր հավաքվում: Շատերը թողնելով խոտի հունձը, տափաստանից դեպի խուտոր էին շտապում:

Պանտելեյ Պրակոֆևիչը ձեռք քաշելով աշխատանքից, դուզվեց, հագավ մաքուր վերնաշապիկ, մահուդե, լամպասներով շալվար, գլխին դրեց այն գլխարկը, որ մի ժամանակ Գրիգորին նվեր էր բերել և, ծանր ու մեծ, կաղ-կաղ քայլեց դեպի հրապարակը, պառավին պատվիրելով, որ Դարյայի հետ ջուր և ուտելիք ուղարկի Դուռնոյաշխարհ:

Շուտով ճանապարհի վրա թանձր փոշի բարձրացավ ու հեղեղի նման հոսեց դեպի խուտորը, իսկ փոշու միջից փայլեց ինչ-որ մետաղե մի բան ու հեռվից լավեց ավտոմոբիլի ազդանշանը: Հյուրերը գալիս էին բոլորովին նոր, մուգ-կապույտ ներկով փայլող երկու ավտոմոբիլով. դրանց ետևից, հեռվից, վերադարձող հնձվորներից առաջ անցնելով,

դատարկ սլանում էին եռաձի տարանտասները, ու աղեղնե-  
րի տակին տխուր զրնգում էին փոստատարական զանգակ-  
ները, որ ատամանը ճարել էր այդ հանդիսավոր դեպքի հա-  
մար: Հրապարակում, ամբոխի մեջ աշխուժություն, խոսակ-  
ցություն սկսվեց, լավեցին երեխաների ուրախ բացականչու-  
թյունները: Գլուխը կորցրած ատամանը վազվզում էր ամբո-  
խի մեջ, պատվավոր ծերունիներ հավաքում, որոնք պետք է  
մատուցեին աղ ու հացը: Նրա աչքովն ընկավ Պանտելեյ  
Պրակոֆևիչը, ու ատամանը ուրախացած կպավ նրան:

— Փրկի, ի սեր Քրիստոսի: Դու ընկած-ելած մարդ ես,  
գիտես վարվելու ձևը... Դու հո գիտես ոնց բարեկէ նրանց ու  
մյուս բաները... Հա՛, դու ներկայացուցիչների ժողովի ան-  
դամ ես ու այնպիսի տղա ունես որ... Խնդրեմ, վերցրու աղ  
ու հացը, թե չէ ես մի տեսակ վախում եմ ու ծնկներս էլ դո-  
ղում եմ:

Պանտելեյ Պրակոֆևիչը իրեն ցույց տված պատվից մի-  
անգամայն բավարարված, հրաժարվում էր, քաղաքավարու-  
թյուն բանեցնում, հետո միանգամից, ուսերը թոթվելով,  
արագ խաչակնքեց ու վերցրեց ասեղնազործ երեսուրբիչով  
ծածկված, աղ ու հացով սկուտեղը. արմունկներով դես-դեն  
հլիով ամբոխին, առաջ անցավ:

Ավտոմոբիլները այլևայլ գույնի, հաշելուց ձայները  
խուպված շների մի ամբողջ ոհմակի ուղեկցությամբ մոտե-  
նում էին հրապարակին:

— Հը... ո՞նց է, հո չե՞ս վախենում,— շնչալով հարցրեց  
սփրթնած ատամանը Պանտելեյ Պրակոֆևիչին: Նա առաջին  
անգամն էր այդքան մեծ հրամանատարություն տեսնում:  
Պանտելեյ Պրակոֆևիչը շեղակի նայեց նրան՝ փայլեցնելով  
աչքերի կապտավուն սպիտակուցները, ու հուզմունքից  
խուպված ձայնով ասավ.

— Առ, բռնի, մինչև ես սանրեմ մորուքս: Վեցրու, է՛:

Ատամանը սիրով շնորհունեց սկուտեղը, իսկ Պանտելեյ  
Պրակոֆևիչը կոկեց բեղ ու մորուքը, կտրիճաբար ուռցրեց  
կուրծքը, ու հենվելով խեղված ոտի մատների ծայրերին,—  
որպեսզի չերևա իր կաղությունը,— նորից վերցրեց սկուտեղը:  
Քայց սկուտեղը այնպես դողաց նրա ձեռքին, որ ատամանը  
վախեցած հարցրեց.

— Հո վար չե՞ս գցի: Օֆ, մտիկ արա, հա՛-ա:

Պանտելեյ Պրակոֆևիչը արհամարհանքով թոթվեց ուսը:  
Ո՞նց թե. ինքը վար գցի: Ի՞նչ հիմարություն կարող է ասել  
մարդը: Ինքը, որ ներկայացուցիչների ժողովի անդամ էր ու  
ատամանի պալատում ձեռք տալով էր բարևում բոլորին,  
հանկարծ պիտի վախենա մի ինչ-որ գեներալից, հա՞: Այդ  
քոսոտ խուտորային ատամանը բոլորովին թոցրել է խելքը:  
— Ես, աղբբոս, երբ որ ներկայացուցիչների ժողովումն  
էի, հենց իրեն, Զորաց ատամանի հետ գցովի շայ խմեցի,  
հա՛-ա...— սկսեց Պանտելեյ Պրակոֆևիչը ու լռեց:

Առջևի ավտոմոբիլը կանգ առավ նրանից ընդամենը մի  
տասը քայլ հեռավորությամբ: Սափրված շոֆերը, գլխին մեծ  
հովարով գլխարկ ու ֆրենչի ուսերին նեղ, ոչ-ոռուական  
ուսադիրներ,— ճարպկությամբ դուրս թռավ, բացեց դռնակը:  
Ավտոմոբիլից ծանր ու մեծ դուրս եկան պաշտպանական տա-  
րազ հագած երկու զինվորական, քայլեցին դեպի ամբոխը:  
Նրանք գնացին ուղիղ դեպի Պանտելեյ Պրակոֆևիչը, իսկ  
սա, ինչպես որ ձգված կանգնել էր, այնպես էլ մնաց: Նա  
գլխի ընկավ, որ համեստ հագնված հենց այդ մարդիկ էլ  
գեներալներն են, իսկ նրանք, որոնք գալիս էին ետևից ու  
ավելի զուգված տեսք ունեին, ուղղակի նրանց ուղեկցեց  
շքախմբի աստիճանավորներ էին: Ծերունին անթարթ նայում  
էր մոտեցող հյուրերին, ու նրա հայացքում ավելի ու ավելի  
էր անդրադառնում շթաքցրած զարմանքը: Բա ո՞ւր են գենե-  
րալական կախ ընկած էպուլետները, հը՞: Ո՞ւր են ակսել-  
բանտները և շքանշանները: Էլ ի՞նչ գեներալներ են դրանք,  
եթե իրենց տեսքով իսկի էլ չեն տարբերվում ամենասովորա-  
կան զինվորական գրագիրներից, հը՞: Պանտելեյ Պրակոֆևի-  
չը վայրկենապես և դառը կերպով հիասթափվեց: Նրան մի  
տեսակ ցավ պատճառեցին թե իր հանդիսավոր պատրաստու-  
թյունը հանդիպման համար և թե գեներալական կոչումը  
խայտառակող այդ գեներալները: Գրորո՞ղը տանի, եթե նա  
գիտենար, որ այդ տեսակ գեներալներ են գալու, այդչափ  
խնամքով չէր հագնվի ու չէր սպասի այդպիսի երկյուղածու-  
թյամբ և, համենայն դեպս, հիմարի պես չէր կանգնի սկու-  
տեղը ձեռքին ու սկուտեղի վրայի վատ թխված հացով, որը,  
իհարկե, մի որևէ քոսոտ պառավի թխածն էր: Ոչ, Պանտելեյ

Մեկխոյր երբեք էլ ծաղրատեղ չէր դառել մարդկանց համար, և ահա հիմի այդպես եղավ. մի րոպե առաջ նա ինքը լսեց, թե իր ետևում ոնց էին քոբոում երեխաները, իսկ մի սատանի լակոտ մինչև իսկ բղավեց ամբողջ կոկորդով մեկ. «Տղերք, հլա մտիկ արեք, թե կաղ Մեկխոյր ոնց է փքվել, ասես թե աքերին ձուկ է կուլ տվել»: Ինչի՞ համար է նա ծաղրանքի ենթարկվում ու նեղում հիվանդ ոտը՝ լարի պես ձգվելով... Պանտելեյ Պրակոֆևիչը ներքուստ այրվում, փոթովում էր գայլույթից: Եվ այդ ամենի համար մեղավոր է վախկոտ ատամանը: Եկավ, գլխից դուրս տվեց, վերցրեց ձին ու տարանտասը, լեզուն դուրս գցած վազվզեց խուտորով մեկ, ձիերի համար շխկաններ ու զանգուլակներ էր ման գալի: Ճիշտ որ, լավ բան չի տեսել մարդը ու չոփի կտորի համար էլ ուրախ է: Պանտելեյ Պրակոֆևիչն իր կյանքում ե՞րբ է այդպիսի գեներալներ տեսել. վերցնենք թեկուզ կայսերական ստուգատեսը. հրես, գալիս է մի գեներալ, ամբողջ դոշը կորել է խաշերի տակ, մեղալների տակ, ոսկե զարդակարերի մեջ. մտիկ ես տալի, ու քեֆդ գալիս է, սրբապատկեր է և ոչ թե գեներալ: Իսկ սրանք ոտից գլուխ կանաչ են հագել, ոնց որ թե կանաչ թռչուններ լինեն: Մեկի գլխին էլ ոչ թե հովարով գլխարկ է, ոնց որ պահանջում է նրա ամբողջ տարազը, այլ մարմաշի գույնի ինչ-որ կատելով է, մոտովն էլ տկտր թրաշած է, մի հատ մազ էլ չես գտնի, թեկուզ ճրագով ման գաս... Պանտելեյ Պրակոֆևիչը կիտեց հոնքերը ու քիչ մնաց թքեր զզվանքից, բայց մեկը ետևից ուժեղ բռնեց նրան, բարձր շշնջաց.

— Դե, գնա՛, է, մատուցի...

Պանտելեյ Պրակոֆևիչը քայլեց դեպի առաջ: Գեներալ Սիդորինը նրա գլխի վրայով անցողակի դիտեց ամբոխը, հնչեղ ձայնով ասաց.

— Բարև ձեզ, պարոնայք ծերունիներ.

— Առողջություն ենք ցանկանում, ձերդ գերազանցություն,— գատ-գատ բղավեցին խուտորցիները:

Գեներալը Պանտելեյ Պրակոֆևիչի ձեռքից ողորմածաբար ընդունեց աղ ու հացը, ասաց «շնորհակալություն» և սկուտեղը տվեց համհարզին.

Սիդորինի կողքին կանգնած անգլիական բարձրահասակ

լղար գնդապետը աչքերին քաշած սաղավարտի տակից սառը հետաքրքրություն գննում էր կազակներին: Գեներալ Բրիգասի — Կավկասում բրիտանական ռազմական միսիայի պետի հրամանով նա ուղեկցում էր Սիդորինին, որը տեսչական ուղևորություն էր կատարում բուլղարիկներից մաքրված Գոնի Զորաց երկրում. այդ գնդապետը թարգմանչի միջոցով բարեխղճությամբ ուսումնասիրում էր կազակների տրամադրությունը, ինչպես նաև ծանոթանում էր ռազմաճակատների դրությունը:

Գնդապետը հոգնած էր ճանապարհի զրկանքներից, տափաստանային միապաղաղ տեսարաններից, ձանձրալի խոսակցություններից ու մեծ տերության ներկայացուցչի պարտականությունների ամբողջ բարդ կոմպլեքսից, բայց, ամենից առաջ — թագավորական ծառայության շահե-ե՛րը, և նա ուշադրությամբ լսում էր ստանիցայի հոետորի ձառը ու գրեթե ամեն ինչ հասկանում, որովհետև գիտեր ռուսաց լեզուն և այդ թաքցնում էր կողմնակի մարդկանցից: Նա գոռոզությամբ էր նայում աափաստանների այդ ռազմասեր զավակների թուխ, տարբեր բնույթի դեմքերին՝ ապշելով ցեղային այն խառնակությունից, որ միշտ էլ աչքի է ընկնում կազակ ամբոխին նայելիս. շիկահեր կազակ-սլավոնի կողքին կանգնած էր տիպիկ մի մոնղոլ, իսկ սրա կողքին՝ ագռավի թեկ պես սև, ջահել մի կազակ, թեև կեղտոտ վիրակապով կապած, ու ցածր ձայնով զրուցում էր արեգարդ, բիբլիական մի նահապետի հետ, ու կարելի էր գրազ գալ, որ ցուպին հենված, հին ձևի կազակական շեքմեն հագած այդ նահապետի երակներում կովկասյան լեռնականների ամենամաքուր արյունն է հոսում...

Գնդապետը մի քիչ դիտեր պատմությունը. գննելով կազակներին, նա մտածում էր, որ ոչ միայն այդ բարբարոսները, այլև նրանց թոռներն էլ չեն կարողանա մի որևէ նոր Պլատովի հրամանատարությամբ գնալ Հնդկաստան: Բուլղարիկների դեմ հաղթանակ տանելուց հետո քաղաքացիական պատերազմից արյունաբամ եղած Ռուսաստանը երկար ժամանակով դուրս կգա մեծ տերությունների շարքից, ու մոտալուտ տասնամյակների ընթացքում այլևս ոչինչ չի սպառնա Բրիտանիայի արևելյան տիրություններին: Իսկ որ բուլղարի-

ներին կհաղթեն, գնդապետը հաստատ համոզված էր դրանում: Նա զգաստ մտքի տեր մարդ էր, մինչև պատերազմը, երկար ապրել էր Ռուսաստանում, և իհարկե ոչ մի կերպ չէր կարող հավատալ, որ կիսավայրենի երկրում հաղթանակեին կոմունիզմի ուսուսիական գաղափարները...

Բարձր փսիսացող կանայք գրավեցին գնդապետի ուշադրությունը: Առանց գլուխը շուռ տալու նա նայեց նրանց այտուկրոտ, հողմահար դեմքերին, ու հազիվ նկատելի արհամարհական քմծիծաղը շոշափեց պինդ սեղմված նրա շըրթունքները:

Հանձնելով աղ ու հացը, Պանտելեյ Պրակոֆևիչը խառնըվեց ամբոխին: Նա շուզեց լսել, թե ինչպես վեշենցի մի ինչ որ ճոռոմախոս մարդ վեշենսկայա ստանիցայի կազակ բնակչության անունից ողջունում էր ժամանածներին, այլ դուրս գալով ամբոխի միջից, քայլեց դեպի տարանտանները, որոնք կանգնած էին հեռվում:

Ձիերը բոլորն էլ քրտնակալած էին և ծանր հոգնած: Մերունին մոտեցավ մեջտեղում լծած իր զամբիկին, թևքով սրբեց նրա ունզները, հոգոց հանեց: Նա ուզում էր հայհոյանք թափել, իսկույն արձակել զամբիկը և տուն տանել, — այնքան մեծ էր նրա հիասթափությունը:

Այդ ժամանակ գեներալ Սիդորինը տատարցիներին ճառ էր ասում: Հավանություն տալով կարմիրների թիկունքում նրանց կատարած մարտական գործողություններին, նա ասաց.

— Դուք արիաբար կռվեցիք մեր ընդհանուր թշնամիների դեմ, Ձեր ծառայությունները չի մոռանա հայրենիքը, որ հետզհետե ազատվում է բոլշևիկներից, նրանց սարսափելի լծից: Ես կուզենայի պարզևատրել ձեր խուստորի այն կանանց, որոնք ինչպես մեզ հայտնի է, առանձնապես աչքի են ընկել կարմիրների դեմ մղվող զինված պայքարում: Ես խնդրում եմ, որ առաջ գան ձեր այն հերոսուհի կազակուհիները, որոնց ազգանունները հիմա կկարդացվեն:

Սպաններից մեկը կարգաց մի կարճ ցուցակ: Ցուցակում առաջինը Դարյա Մելիխովան էր, մնացածները ապստամբության սկզբում սպանված կազակների այրիներն էին, որոնք, ինչպես և Դարյան, մասնակցել էին Սերգորյան գնդի

անձնատվությունից հետո Տատարսկի բերված գերի կուուներխտների սպանություն:

Հակառակ Պանտելեյ Պրակոֆևիչի հրամանի, Դարյան դաշտ չէր գնացել: Նա այնտեղ էր, խուստորի կանանց բաղմություն մեջ, ու զուգված-զարդարված էր ասես տոն օրվա համար:

Իր ազգանունը լսելուն պես կանանց դես-դեն հրելով առաջ անցավ՝ քայլելիս շտկելով սպիտակ, ժանյակավոր եզրերով լաշակը, կկոցելով աչքերը ու թեթև, շփոթված ժպտալով: Նույնիսկ ճանապարհից և սիրային արկածներից հոգնած լինելով էլ նա խիստ գեղեցիկ էր: Արևից շևեցած, դուրով այտերը էլ ավելի պարզ էին ստվերագծում կկոցված, որոնող աչքերի թեժ փայլը, իսկ ներկած հոնքերի քմահաճ աղեղում ու ժպտացող շրթունքների ծալքում ինչ-որ գրգռիչ ու անմաքուր բան էր թաքնված:

Նրա ճանապարհը փակեց մեջըը ամբոխի կողմը դարձրած մի սպա: Դարյան թեթև հրեց նրան, ասաց.

— Ճամփա տվեք փեսացուի ազգուսակին, — ու մոտեցավ Սիդորինին:

Սիդորինը համհարզի ձեռքից վերցրեց գեորգևյան ժապավենով մի մեղալ, մատների անվարժ շարժումներով դա կպցրեց Դարյայի կոֆտային, կրծքի ձախ կողմին ու ժրպտալով նայեց նրա աչքերին:

— Դուք մարտ ամսին սպանված խորունժի Մելիխովի այրի՞ն եք:

— Այո:

— Հիմա դուք փող կստանաք, հինգ հարյուր ուրբլի Փողը ձեզ կտա ահա այս տղան: Զորաց ատաման Աֆրիկան Պետրովիչ Բոգաևսկին և Դոնի կառավարությունը ձեզ շնորհակալություն են հայտնում ձեր ցուցաբերած բարձր արիության համար և խնդրում են ընդունել իրենց ցավակցությունը... Նրանք ձեզ ցավակցում են ձեր վշտի համար:

Դարյան լրիվ շհասկացավ գեներալի ասածը: Գլխի շարժմամբ նա շնորհակալություն հայտնեց, համհարզի ձեռքից վերցրեց փողը ու լուռ ժպտալով, նայեց դեռ շծերացած գեներալի հենց աչքերի մեջ: Նրանք համարյա միևնույն բարձրության հասակով էին, ու Դարյան, առանձնապես չճնշվելով,

գննում էր գեներալի նիհար դեմքը: «Էժան են գնահատել իմ Պետրոյին, մի լուծ եղան արժեքի շափ... Իսկ գեներալիկը տեսքով ոչինչ, հարմար է»,— իրեն հատուկ ցինիզմով մտա-  
նում էր նա այդ պահին: Սիդորինը սպասում էր, որ նա հեռանա, բայց Գարյան հապաղում էր: Համհարզը և Սիդորինի ետևում կանգնած սպաները հոնքերի շարժմամբ մի-  
մյանց ցույց էին տալիս զալում այրի կնկանը. նրանց աչքե-  
րում ծիծաղի կայծեր թոթոացին. նույնիսկ անզլիացի գեղա-  
պետն էլ աշխուժացավ, շտկեց գոտին, մի ոտից մյուսին հեն-  
վեց, ու նրա անտարբեր դեմքի վրա ժպիտին հեռավոր նմա-  
նություն ունեցող ինչ-որ մի բան երևաց:

— Ես կարող եմ գնա՞լ,— հարցրեց Գարյան:

— Այո, այո, իհարկե,— հապճեպ թույլատրեց Սիդորինը:

Գարյան անհարմար շարժմամբ փողը խոթեց կոֆտայի կրծքի տակ, քայլեց դեպի ամբոխը: Ծառերից ու ցերեմո-  
նիաներից հոգնած բոլոր սպաները ուշադրությամբ հետևում էին նրա թեթև, սահուն քայլածքին:

Հանգուցյալ Մարտին Շամիլի կինը անվստահ մոտեցավ Սիդորինին: Երբ նրա հնամաշ կոֆտային էլ մեղալ կպցրին, նա հանկարծ լաց եղավ, ու այնպես տխուր և կանացիորեն դառն լաց եղավ, որ սպաների դեմքերը միանգամից կորց-  
րին ուրախ արտահայտությունը և լրջացան, թթու ցավակցու-  
թյուն արտահայտեցին:

— Ձեր ամուսինը նույնպե՞ս սպանված է,— մռայլվելով հարցրեց Սիդորինը:

Լացող կինը ձեռներով ծածկեց դեմքը, լուռ շարժեց գլուխը:

— Նա մի տուն լիքը հրեխեք ունի,— հաստ ձայնով ասաց կազակներից մեկը:

Սիդորինը դարձավ դեպի անզլիացին, բարձրաձայն ասաց.

— Մենք պարզատրում ենք այն կանանց, որոնք բու-  
շակիների դեմ մղված մարտերում բացառիկ քաջություն են ցուցաբերել: Սրանց մեծամասնության ամուսինները սպան-  
վել են բուշակիների դեմ ուղղված ապստամբության սկզբում,  
և այս այրի կանայք, վրեժ լուծելով ամուսինների համար,

ամբողջովին ոչնչացրել էին տեղական կոմունիստների խո-  
շոր մի ջոկատ: Իմ կողմից պարզատրվածներից առաջինը,  
որ սպայի կին է, սեփական ձեռքով սպանել էր դաժանու-  
թյամբ հռչակված մի կոմիսար-կոմունիստ:

Թարգմանիչ-սպան արագ խոսեց անզլերեն: Գնդապետը լսեց, թեքեց գլուխը, ասաց.

— Ես սքանչանում եմ այդ կանանց քաջությունը: Ասա-  
ցեք, գեներալ, նրանք տղամարդկանց հետ հավասարապե՞ս  
են մասնակցել մարտերին:

— Այո,— կարճ պատասխանեց Սիդորինը և ձեռքի ան-  
համբեր շարժմամբ նշան արավ, որ կրորդ այրին ավելի  
մոտ գա:

Պարզները հանձնելուց հետո հյուրերը շուտով մեկնեցին ստանիցա: Ժողովուրդը սկսեց հապճեպ ցրվել հրապարա-  
կից՝ շտապելով խոտհնձի, ու մի քանի բուսից հետո, երբ չքացան շենքի հաշոցի ուղեկցությամբ սլացող ավտոմոբիլ-  
ները, եկեղեցու պարսպի մոտ մնացին միայն երեք ծերունի:

— Մազալու ժամանակներ են եկել, հա՛-ա,— ասաց նրանցից մեկը ու լայն տարածեց ձեռքերը:— Առաջ, կովի ժամանակ, Եգորի՛ խաչ կամ թե մեղալ էին տալի մենծ-մենծ գործերի համար, հերոսության համար, և ո՞ւմ էին տա-  
լի,— ամենաքաջերին, գլխից ձեռք վերցրածներին: Շատ մարդիկ կային, որոնք խաչ ստանալու ռիսկ էին անում: Ջուր չէին ասում այս առածը. «Կամ խաչով գնա տուն, կամ կովում զարկվիր դուն»: Իսկ հիմի մեղալները կնանոնց վրա են կախում... Գոնե մի բանի համար էլա լինեք, թե չէ, այնպես էլի... Կազակները գերի, զինաթափ մարդկանց քշե-  
ցին-բերին խուտոր, իսկ կնանիքը ցցերով կոտորեցին նրանց: Էլ հերոսությունս ո՞րն է: Բան չեմ հասկանում, աղբեր:

Մի ուրիշ, տկար և աչքերից խեղճ ծերուկ երկարեց մի ոտը, գրպանից դանդաղ հանեց ծխախոտի լաթե, կոլոյած տոպրակը, ասաց.

— Նրանք մեծամեծները Չերկասկովից ավելի լավ են տեսնում: Ուրեմս, այնտեղ այսպես են դատել. հարկավոր է կնանոնց էլ մի բան տալ, որ բուրն էլ սիրտ առնեն, որ լավ կովեն, էլի: Է՛լ մեղալ, է՛լ հինգ հարյուր մանեթ,

<sup>1</sup> Եգորի խաչ — գեորգևյան խաչ: (Մ. թ.):

— ո՞ր կնիկը չի շլանա այդ տեսակ պատվից: Կան կազակներ, որոնք շէին ուզենա ռազմաճակատ գնալ, կմտածեին խաբս տալ կովիցը, իսկ հիմի էլ նա կմնա՞ տանը: Կնիկը հա՛ կբզկա նրա ականջին: Գիշերվա կկուն ոչ հանգիստ կտա, ոչ քուն: Ամեն մի կնիկ էլ կմտածի. «Կարելի է իմ դոշին է՛լ մեղալ կախեն, հը՞»:

— Այդ մեկը դու դուր ես ասում, խնամի Ֆյոդոր.— առարկեց երրորդը:— Հարկավոր էր պարզե տալ, ու տվին: Կնանիքը որբեայրի են մնացել, փողը նրանց մեծ օգնություն կլինի տունուտեղը կառավարելու համար, իսկ մեղալները դոշաղության համար են տրված: Մեկխոովների Դաշկան առաջինը արեց Կոտլյարովի դատը, ու ճիշտ է: Տերն ինքն է նրանց բոլոր դատավորը, ամա կնանոնց էլ չի կարելի մեղավորացնել. ջիզյարը հո գիտե՞ս ինչ բան է...

Մերունիները այնքան վիճեցին ու կշտամբեցին իրար, մինչև որ հնչեցին երեկոյան ժամասացության զանգերը: Ու հենց որ ժամկոչը դարկեց զանգը, երեքն էլ վեր կացան, հանեցին զղակները, խաշակնքեցին և ծանր ու մեծ գնացին եկեղեցի:

### XIII

Ջարմանայի է, թե ինչպես փոխվեց կյանքը Մեկխովների ընտանիքում: Բոլորովին կարճ ժամանակ առաջ Պանտելեյ Պրակոֆևիչը իրեն միանգամայն տեր ու տնօրեն էր զգում իր տանը, բոլոր տնեցիներն անվերապահորեն ենթարկվում էին նրան, աշխատում էին իրար կողքի, միասին ուրախանում, միասին տխրում, ու ամբողջ կենցաղում արտահայտվում էր երկարամյա մեծ կարգավորվածությունը: Ընտանիքը միանգամայն համերաշխ էր, իսկ զարնանից ամեն ինչ փոխվեց: Առաջինը անշատվեց Դունյաշկան: Հոր նկատմամբ նա բացահայտ անհնազանդություն չէր ցուցաբերում, բայց ամեն մի աշխատանք, որ ընկնում էր իր վրա, նա կատարում էր ակներև դժկամությամբ ու այնպես, որ կարծես թե աշխատում էր ոչ թե իրեն համար, այլ վարձով. արտաքուստ էլ դարձել էր մի տեսակ ինքնամփոփ, օտարոտի. հիմա ուշ-ուշ էր լսվում Դունյաշկայի անհոգ ծիծաղը:

Նրբ Գրիգորին մեկնեց ռազմաճակատ, այնուհետև նատալյան էլ կտրվեց ծերունիներից. համարյա ամբողջ ժամանակն անց էր կացնում երեխաների հետ, միայն նրանց հետ էր հաճույքով խոսում ու զբաղվում, ու երևում էր, որ թունդ դարդ է անում մի բանի համար, բայց իր դարդի մասին ոչ մի անգամ ոչ մի խոսք չասաց մոտիկներից մեկնումեկին, ոչ ոքի չզանգատվեց և ամեն կերպ թաքցնում էր իր ծանր հոգեվիճակը:

Դարյայի մասին խոսելն էլ ավելորդ էր. ռազմական բեռ տարած բնակչական սալլերի հետ գնալ-գալուց հետո Դարյան բոլորովին փոխվել էր: Ավելի և ավելի հաճախ էր ընդդիմախոսում կեսրարին, Իլյինիչնայի վրա իսկի ուշադրություն էլ չէր դարձնում, առանց որևէ նկատելի պատճառի բարկանում էր բոլորի վրա, հիվանդ ձևանալով հրաժարվում էր խոտի հնձից ու իրեն այնպես էր պահում, որ կարծես թե վերջին օրերն էր ապրում Մեկխովների տանը:

Պանտելեյ Պրակոֆևիչի աչքի առաջ քայքայվում էր ընտանիքը: Նա և պառավը երկուսով էին մնում իրար հետ: Անսպասելիորեն և արագ խախտվեցին ազգակցական կապերը, կորավ փոխհարաբերությունների ջերմությունը, խոսակցությունների մեջ ավելի ու ավելի հաճախ էին արտահայտվում ջղայնություն և օտարացման նշանները... Ընդհանուր սեղան էին նստում ոչ թե առաջվա պես, — միասնական և միահամուռ ընտանիքով, — այլ ինչպես պատահամբ միասին հավաքված մարդիկ:

Այդ բոլորի պատճառը պատերազմն էր, Պանտելեյ Պրակոֆևիչը դա շատ լավ էր հասկանում: Դունյաշկան շարանում էր ծնողների վրա, որ նրանք իրեն զրկել էին այն հույսից, թե երբէ կամուսնանա Միշկա Կոշկոյի հետ, — միակ մարդու, որին նա սիրում էր աղջկական ամբողջ անվերապահ սիրով. Նատալյան լուռ և խորապես, իրեն հատուկ ծածկամտությամբ, տանջվում էր Գրիգորի և Ակսինյայի կապը վերսկսվելու պատճառով: Պանտելեյ Պրակոֆևիչն էլ այդ բոլորը տեսնում էր, բայց ոչինչ չէր կարող անել ընտանիքում առաջվա կարգը վերականգնելու համար: Հիրավի, այն բոլորից հետո, ինչ որ կատարվել էր, նա հոչ էր կարող համաձայնություն տալ, որ իր աղջիկն ամուսնա-

նար թունդ բոլշևիկի հետ, և ի՞նչ օգուտ կլիներ իր համա-  
ձայնությունից, երբ այդ սատանի փեսացուն թրև էր գալիս  
ուզմանակատում, այն էլ կարմիրբանակային զորամասում:  
Նույնը նաև Գրիգորիի նկատմամբ. եթե նա սպայի աստի-  
ճան շունենար, Պանտելեյ Պրակոֆևիչը շատ շուտով նրա  
հախիցը կգար: Եվ այնպես կգար հախիցը, որ Գրիգորին  
դրանից հետո աչքի տակով էլ չէր մտիկ տա Աստախովի  
տան կողմը: Սակայն պատերազմն ամեն ինչ իրար խառ-  
նեց և ծերունուն զրկեց իր ուզածի պես ապրելու և իր տունը  
կառավարելու հնարավորությունից: Պատերազմը տնաքանդ  
արեց նրան, զրկեց առաջվա պես եռանդով աշխատելու ձր-  
տումից, խլեց նրա ավագ որդուն, ընտանիքի մեջ երկ-  
պառակություն և խառնափնթորություն մտցրեց: Պատե-  
րազմը փչացրեց նրա կյանքը, ինչպես փոթորիկը — ցորենի  
արտը, բայց ցորենը փոթորիկից հետո էլ բարձրանում ու  
կյանք է առնում արևի տակին, իսկ ծերունին էլ չէր կարող  
ոտքի ելնել: Նա մտքում խաշ քաշեց ամեն ինչի վրա, — ինչ  
ուզում է լինի:

Գեներալ Սիդորինի ձեռքից ստանալով պարզելը, Դար-  
յան զվարթացավ: Այն օրը նա հրապարակից եկավ աշխու-  
ժացած ու երջանիկ: Աչքերը փայլեցնելով, նատալյային  
ցույց տվեց մեղալը:

— Այդ ինչի՞ համար են տվել քեզ, — զարմացավ Նա-  
տալյան:

— Քավոր իվան Ալեքսեևիչի համար, ողորմի նրա, շան  
որդու հոգուն: Սա էլ Պետրոյի համար... — Ու ինքն իրեն գո-  
վելով, ցույց տվեց Դոնի շխկշխկան թղթադրամները:

Դարյան այնպես էլ շփաց դաշտ: Պանտելեյ Պրակո-  
ֆևիչը ուզեց համոզել, որ նա զնա, ուտելիք տանի, բայց  
Դարյան վճռականապես հրաժարվեց:

— Ձեռ քաշեք ինձնից, հայրիկ, ես հոգնել եմ ճանա-  
պարհից:

Ծերունին մոռացվեց: Դարյան մի փոքր կոպիտ իր մեր-  
ժումը հարթելու համար կես-կատակով ասաց:

— Այս տեսակ օրը դուք մեղք գործած կլինեք, եթե ինձ  
ստիպեք դաշտ զնալ: Ինձ համար այսօր տոն է:

— Ես ինքս կտանեմ, — համաձայնվեց ծերունին: — Լավ,  
բա փո՞ղը:

— Ի՞նչ փող, — Դարյան զարմանքից վեր քշեց հոնքերը:

— Փողը ի՞նչ պիտի անես, հարցնում եմ:

— Դա իմ գործն է: Ինչ ուզենամ, այն էլ կանեմ:

— Այսինքս ո՞նց թե, հը՞: Փողը հո Պետրոյի համա՞ր  
են տվել քեզ:

— Փողը ինձ են տվել և դուք այստեղ հաշիվ չունեք:

— Բա դու մեր տնից չե՞ս, ինչ է:

— Իսկ դուք ի՞նչ եք ուզում, հայրիկ, վերցնե՞լ փողը  
ինձնից:

— Բոլորը վերցնելու մասին բան չեմ ասում, բայց Պետ-  
րոն մեր տղե՞ն է թե ոչ: Ես ու պառավը պիտի ստանա՞նք  
մեր մասը, թե ոնց:

Կեսրարը պարզապես անվստահ էր իր պահանջների  
նկատմամբ, և Դարյան վճռականապես պնդեց իր մերժումը:  
Նա ծաղրանքով, հանգիստ ասաց.

— Ես ոչինչ չեմ տա ձեզ, մի ուրբի էլ չեմ տա: Դուք  
այստեղ մաս չունեք, եթե ունենայիք, ձեր բուռը կգնեին:  
Ո՞րտեղից վերցրիք, թե այստեղ մաս ունեք, հը՞: Դրա մա-  
սին խոսք էլ չի եղել, և դուք աչք մի տնկեք իմ փողի վրա,  
ոչինչ չեք ստանա:

Պանտելեյ Պրակոֆևիչը ձեռնարկեց վերջին փորձը.

— Դու մեր ընտանիքում ես ապրում, մեր հացն ես  
ուտում, ուրեմն մեր մեջ ամեն բան էլ պետք է ընդհանուր  
լինի: Թե որ ամեն մեկն իր տնտեսությունն ունենա, այդ  
ի՞նչ կարգ ու կանոն կլինի, հը՞: Ես այդ թույլ չեմ տա, —  
ասաց նա:

Բայց Դարյան իրեն պատկանող փողին տիրանալու այդ  
փորձին էլ մերժումով պատասխանեց: Անամոթաբար ժրպ-  
տալով, նա հայտարարեց.

— Ես ձեզ հետ պսակված չեմ, ապի, այսօր ձեզ մոտ  
եմ ապրում, իսկ վաղը մարդու կգնամ, և դուք էլ ինձ չեք  
տեսնի: Իսկ ապրելու համար ես պարտավոր չեմ վճարել  
ձեզ: Ես տասը տարի աշխատել եմ ձեր ընտանիքի համար,  
մեջք եմ ծռել:

— Դու քեզ համար ես աշխատել, անառակ, — վրդով-

ված բղավեց Պանտելեյ Պրակոֆևիչը: Նա էլի ինչ-որ գոռոցոց, բայց Դարյան չլսեց էլ, շուտ եկավ հենց նրա քթի առաջ ու թափահարելով փեշերը, գնաց օթախը: «Ես քո գիտցածներից չեմ, հա՛-ա»,— հեզմաբար ժպտալով շնչում էր նա:

Խոսակցութունը դրանով էլ վերջացավ: Իրոք որ Դարյան այնպիսին չէր, որ զիջեր իր ունեցածը՝ վախենալով ծերունու բարկութուններից:

Պանտելեյ Պրակոֆևիչը պատրաստվեց դաշտ գնալու և մինչ այդ կարճ խոսակցութուն ունեցավ Իլլինիչնայի հետ: — Դու հետևիր Դարյային... — խնդրեց նա:

— Ի՞նչ պիտի հետևեմ,— զարմացավ Իլլինիչնան:

— Նա պոկ կգա, կհեռանա տնից և մեզնից բան-ման կտանի: Գիտե՞ս, մի բան կա, որ այդպես թևերն է թափ տալի... Երևում է, որ գտել է մեկին և էգուց-էլօր մարդի կգնա:

— Երևի այդպես է,— հոգոց հանելով համաձայնվեց Իլլինիչնան:— Ապրում է ոնց որ խախուր օտարության մեջ, ոչ մի բան դուր չի գալի նրան, ոչինչ իրեն ուզածի պես չի... Հիմի նա կտրված պատառ է, իսկ կտրված պատառը չես կպցնի, ինչքան էլ շարշարվես:

— Մենք նրան ինչի՞ն պիտի կպցնենք որ: Տես, դմբո պտռավ, թե որ խոսակցութուն լինի, փեշից չբռնես, հա՛-ա: Թող դնա տնից: Ես ձանձրացել եմ նրա հետ զուլս ցավացնելուց:— Պանտելեյ Պրակոֆևիչը բարձրացավ սայլի վրա. քշելով եզները, վերջացրեց խոսքը:— Նա խուսափում է աշխատանքից, ոնց որ շունը ճանճերից, ու միշտ էլ ուզում է քաղցր պատառ լափել ու չքվել, երգ ու պարի գնալ: Պետրոյից հետո, ողորմի նրա հոգուն, մենք չենք կարող պահել այդ տեսակ կնկանը: Նա ոչ թե կնիկ է, այլ կպշող շոռ ու ցավ:

Ծերուկների ենթադրութունները սխալ էին: Ամուսնանալը Դարյայի մտքովն էլ չէր անցնում: Ամուսնանալու մասին նա չէր մտածում, սրտում մի այլ հոգս կար...

Այդ ամբողջ օրը Դարյան շատախոս և ուրախ էր: Նույնիսկ փողի համար եղած ընդհարումն էլ շանդարադարձավ իր տրամադրության վրա: Նա երկար ժամանակ

պտտվում էր հայելու առաջ, այլևայլ դիրքեր բնդունելով դիտում մեղալը, մի հինգ անգամ փոխեց հագուստը, որ տեանի, թե որ կոֆտային է ավելի շատ սաղում դեորգեկյան զուլավոր ժապավենը, կատակում էր՝ «Հիմի ես պետք է խաչեր էլ ունենամ»: Հետո Իլլինիչնային կանչեց օթախը, երկու հատ քսան ուրբիանոց թղթադրամ ճխտեց նրա թևքի մեջ և իր տաք ձեռքերով Իլլինիչնայի հանգուցաշատ ձեռքը կրծքին սեղմելով, շնչաց. «Սա Պետրայի հիշատակի համար է... Մայրիկ, եկեղեցական հոգեհանգիստ պատվիրեցեք, կուտյա եփեք...» — Ու լաց եղավ... Բայց մի րոպեից հետո արցունքներից դեռ փայլող աչքերով արդեն խաղում էր Միշտակայի հետ, իր տոնական, մետաքսե շալով ծածկում նրան ու այնպես ծիծաղում, որ կարծես երեք շէր լացել ու շփտեր արցունքների աղի համը:

Վերջնականապես անձնատուր եղավ ուրախության, երբ Դունյաշկան եկավ դաշտից: Դարյան նրան պատմեց, թե ինչպես ստացավ մեղալը, ու ծիծաղաշարժ ձևերով ցույց տվեց, թե ինչպես էր հանդիսավոր կերպով խոսում գեներալը և ինչպես խրտվիլակի նման կանգնել և իրեն էր նայում անզլիացին, հետո էլ ծածուկ, խորամանկորեն աչքով արավ նատալյային, լուրջ դեմք բնդունելով ուզեց հավատացնել Դունյաշկային, թե շուտով իրեն, Դարյային, որպես սպայի այրիացած կնոջ, որ պարգևատրված է գեորգեկյան մեղալով, նաև սպայի աստիճան կտան ու կնշանակեն ծեր կազակների հարյուրյակի հրամանատար:

Նատալյան նորոգում էր երեխաների շապիկները ու լսում Դարյային՝ թաքցնելով ժպիտը, իսկ շփոթված Դունյաշկան, ձեռները աղերսագին ծալելով, խնդրում էր.

— Դարյուշկա, ջանիկս, մի փշի, ի սեր Քրիստոսի, թե չէ ես չեմ հասկանում, թե քո ասածից որն է սուտ, որը ճիշտ: Լուրջ պատմիր, էլի:

— Չե՞ս հավատում: Է՛հ, ուրեմն դու հիմար աղջիկ ես: Ես քեզ իսկը ճշմարտութունն եմ ասում: Բոլոր սպաներն էլ հո ռազմաճակատումն են, բա ո՞վ պետք է ծերունիներին սովորեցնի քայվածքը և մյուս բոլոր բաները, որ պահանջում է զինվորական գործը: Նրանց կհանձնեն իմ հրամանատարության, իսկ ես կգամ գրողի տարած այդ քավթառների



հախիցը: Այ՛ թե ոնց պիտի նրանց հրամաններ տամ:— Դարձ  
յան ծածկեց խոհանոց տանող դուռը, որ սկեսուրը շտեննի,  
յուբկայի փեշը արագ շարժամբ խոթեց ոտների արանքը ու  
ետևից այն բռնելով, մերկ պլպլան սրունքները բաց արած,  
քայլեց օթախում, կանդ առավ Գունյաշկայի մոտ, հաստ  
ձայնով հրաման տվեց՝ «Մերուկներ, զգաստ, բարձրացնել  
մորուքները, ետ ձախ քայլի»:

Գունյաշկան էլ շճամբերեց, փոթկաց՝ դեմքը առնելով  
բուրի մեջ: Նատալյան ծիծաղելով ասաց.

— Դե լավ, հերիք է, էլի՛: Շատ ծիծաղելուց վատ բան  
դուրս կգա:

— Հա՛, էլի՛, վատ բան: Դուք իսկի լավ բան տեսնո՞ւմ  
եք որ: Թե որ ձեզ շծիծաղեցնեմ դուք այստեղ կբորբոսնեք  
դարդից:

Բայց Դարյայի ուրախության այդ պոռթկումը վերջա-  
ցավ նույնպես հանկարծակի, ինչպես և սկսվել էր: Կես ժա-  
մից հետո նա գնաց կողքի սենյակը, կրծքից բարկությամբ  
պոկեց շարաբաստիկ մեղալը ու գցեց սնդուկը. ձեռները այ-  
տերին դրած, երկար նստեց պատուհանի տակ, իսկ գի-  
շերամտին չբացավ ու վերադարձավ միայն առաջին աքլո-  
րականչից հետո:

Դրանից հետո նա շորս օր ջանասիրությամբ աշխատում  
էր դաշտում:

Խոտի հունձը թույլ էր ընթանում: Պակասում էին աշ-  
խատող ձեռքերը: Օրվա ընթացքում երկու դեսյատինից ավե-  
լի չէին հնձում: Անձրևը թրջեց խոտի լասերը, ավելացավ  
աշխատանքը. հարկավոր եղավ լասերը փռել, շորացնել  
արևի տակ: Դեռ դեզեր չէին դրել, երբ նորից հորդ անձրև  
եկավ ու աշնանային հարատևությամբ ու համառությամբ  
տեղաց երեկոյից մինչև արշալույս: Հետո եղանակը պայ-  
ծառացավ, փչեց արևելյան քամին, տափաստանում նորից  
սկսեցին թխկթխկալ հնձիչները, սևացած դեզերից բորբոսի  
դառն-անալի հոտ տարածվեց, տափաստանը պարուրվեց  
գոլորշիով, ու կապտավուն մուժի միջից հազիվ նշմարվե-  
ցին պահպանական կուրգանների անպարզ ուրվագծերը, ձո-  
րակների կապտավուն հունները և ուռենիների կանաչ գա-  
զաթները հեռավոր լճակի վրա:

Չորրորդ օրը Դարյան պատրաստվեց ուղղակի դաշտից  
դնալ ստանիցա: Նա այդ հայտարարեց, երբ դաշտակայա-  
նում նստեցին կեսօրվա հացն ուտելու:

Պանտելեյ Պրակոֆեիչը անբավականությամբ և հեզնան-  
քով հարցրեց.

— Այդ ի՞նչ վռազ գործ է: Մինչև կիրակի չե՞ս կարող  
սպասել:

— Հա, գործ կա և սպասելու ժամանակ չկա:

— Գոնե մի օր է՛լ չի կարելի սպասել:

Դարյան ատամների միջից պատասխանեց:

— Չէ:

— Թե որ այդքան վռազ ես, որ մի քիչ էլ չես կարող  
սպասել,— գնա: Բայց այդ ի՞նչ շտապ գործեր ունես, կա-  
րելի՞ է իմանալ:

— Շատ բան իմանաք, շուտ կմեռնեք:

Դարյան, ինչպես միշտ, խոսքի տակ չէր մնում, ու  
Պանտելեյ Պրակոֆեիչը բարկությունից թթելով, դադարեց-  
րեց հարցուփորձը:

Մյուս օրը, ստանիցայից վերադառնալով, Դարյան մտավ  
խուտոր: Տանը մնացել էին միայն Իլյինիչնան ու երեխա-  
ները: Միշտական վաղ տվեց մոր տեղրակնոջ մոտ, բայց  
վերջինս ձեռքով սառնասրտությամբ ետ մղեց նրան, հարց-  
րեց սկեսուրին.

— Նատալյան ո՞րտեղ է, մայրիկ:

— Բոստանում է, կարտոֆիլի քաղհան է անում: Նա  
քեզ ինչի՞ համար է հարկավոր: Թե՞ ալեորն է նրան կան-  
չել: Թող չգժվի նա, այդպես էլ ասա նրան:

— Ոչ ոք էլ չի կանչել, ես ինքս կուզեի նրան մի բան  
ասել:

— Ոտո՞վ ես եկել:

— Ոտով:

— Շո՞ւտ կվերջացնեն մերոնք:

— Երևի, վաղը:

— Կաց, է՛, ո՞ւր ես թռչում. անձրևները շա՞տ են փչաց-  
րել խոտը,— պոկ չգալով հարցուփորձ էր անում պառավը՝  
քայլելով մուտքի սանդուղքից իջած Դարյայի ետևից:

— Չէ, շատ չի փչացրել: Դե, ես գնամ, ժամանակ չկա...  
...

— Բոստանից արի, վերցրու ալեորի շապիկը, լսո՞ւմ ես Դարյան այնպես ցույց տվեց, որպես թե չսեց, ու հապ-  
ճեպ աճապարեց դեպի գոմերը: Նավամատուցի մոտ կանգ  
առավ, աչքերը կկոցելով դիտեց Դոնի կանաչավուն տարա-  
ժությունը, որից անալի խոնավություն էր փշում, ու դանդաղ  
քայլեց դեպի բանջարանոցները:

Դոնի վրա սուրում էր քամին, շողում էին որորների  
թևերը: Ալիքները ծուլորեն խփում էին թեք ափին: Արևի  
տակ աղոտ փայլում էին կավճասարերը, որոնք շղարշված  
էին թափանցիկ, յասամանագույն մուժով, իսկ Դոնի մյուս  
կողմի առափնյա անտառը, անձրևներով լվացված, մատղաշ  
թարմ դալարիքի նման կանաչին էր տալիս ինչպես զարնան  
սկզբում:

Դարյան հոգնած ոտներից հանեց քոշերը, լվաց ոտները  
ու երկար նստեց ափին, տաքացած գլաքարերի վրա, ձեռքով  
աչքերը պաշտպանելով արևից, ունկնդրելով որորների թախ-  
ժոտ ճիչերին, ալիքների համաչափ շրջյունին: Նա արտաս-  
վելու շափ տխրում էր այդ անդորրությունից, որորների  
սրտաձմիկ ճիչերից, ու է՛լ ավելի ծանր և դառն էր թվում  
այն դժբախտությունը, որ այնպես հանկարծակի եկել էր  
նրա գլխին:

Նատալյան դժվարությամբ շտկեց մեջքը, քլունգը դեմ  
արեց ցանկապատին ու, տեսնելով Դարյային, գնաց նրա  
մոտ:

— Դու ինձ կանչելո՞ւ ես եկել, Դաշա:

— Քեզ մոտ, իմ դարդով...

Նրանք նստեցին իրար կողքի: Նատալյան հանեց լաշակը,  
ուղղեց մազերը, սպասողաբար նայեց Դարյային: Նրան ապ-  
շեցրեց այն փոփոխությունը, որ այդ օրերին կատարվել էր  
Դարյայի դեմքի վրա. այտերը փոս էին ընկել ու մթափնել,  
ճակատի վրա խորունկ մի կնճիռ էր առաջացել, վառ փայ-  
լող աչքերը անհանգստություն էին արտահայտում:

— Ի՞նչ է պատահել քեզ. երեսդ սևացել է,— կարեկցա-  
բար հարցրեց Նատալյան:

— Բա ո՞նց չսեանա...— Դարյան բռնազբոսիկ ժպտաց,  
մի փոքր լռեց:— Հլա շա՞տ պիտի քաղհանես:

— Երեկոյան կվերջացնեմ: Ի՞նչ է պատահել քեզ:

Դարյան ջղաձգաբար կուլ տվեց թուքը ու խուլ ձայնով,  
արագ ասաց.

— Ա՛յ թե ինչ. հիվանդացել եմ ես... Գեշ հիվանդություն  
է... Այս անգամ, երբ գնացել էի սայլով, խաթալի մեջ ընկա...  
Անիծված սպան հիվանդացրեց:

— Ա՛յ թե ման գալը որտեղ հասցրեց...— Նատալյան վա-  
խեցած ու վշտաբեկ իրար զարկեց ձեռքերը:

— Հա՛, հա՛, այս օրին հասցրեց... Ի՞նչ ասեմ, ումի՛ց  
գանգատվեմ... Իմ թուլությունից... Կպավ անիծվածը, խե-  
քահան արեց: Ատամները սպիտակ էին, իսկ ինքը որդնած  
դուրս եկավ... Հիմի կորած եմ:

— Անբա՛խտ կնիկ, բա այդ ո՞նց կլինի, հիմի դու ի՞նչ  
պիտի անես.— Նատալյան լայնացած աչքերով նայում էր  
Դարյային, իսկ սա ինքն իրեն հավաքելով, աչքերը ոտներին  
հառած, արդեն հանգիստ շարունակեց.

— Գիտե՞ս, հլա դեռ ճամփին ես զգացի այդ բանը...  
Սկզբում միտք արի՛ կարելի է սա... Դե, հո դու էլ գիտեա  
կնկա գործերը, ի՞նչ ասես որ չի լինում: Գարնանը գետնից  
մի ջվալ ցորեն էի բարձրացրել, երեք շաբաթ ամսական էր  
գալի: Հա, իսկ այստեղ տեսնում եմ, որ բանն ուրիշ է...  
Նշաններ երևացին... Երեկ գնացել էի ստանիցա, ֆերշելի  
մոտ: Քիչ մնաց մեռնեի ամոթից... Հիմի ամեն բան պարզ  
է, հողն՝ մ ինձ պես կնկա գլուխը:

— Բուժվել է պետք, ամա ինչքա՛ն ամոթանք կլինի:  
Ասում են, թե կարելի է բուժել դրանք, այդ հիվանդություն-  
ները:

— Ձէ, աղջի, իմը չի բուժվի.— Դարյան ծուռ ժպտաց ու  
խոսակցության ընթացքում առաջին անգամ բարձրացրեց  
կայծկլտող աչքերը.— Իմը սիֆիլիս է: Սրանից չեն բուժում:  
Սրանից մարդու քիթը թափվում է... Հրե՛ն, ոնց որ Անդրոնի-  
խա տատի քիթը, տեսե՞լ ես:

— Բա հիմի դու ի՞նչ պիտի անես,— լացակումած ձայ-  
նով հարցրեց Նատալյան, ու նրա աչքերը լցվեցին արցունք-  
ներով:

Դարյան երկար լռեց: Պոկեց եզիպտացորենի ցողունին  
կպած դաղձի ծաղիկը, մոտեցրեց աչքերին: Փոքրիկ, հստակ  
ու թեթև, զրեթե անկշռելի ծաղկի քնքուշ, կարմրաբուրբ բա-

ժակը տարածում էր արևից տաքացած հողի ծանր, թունդ բույրը: Դարյան ազահությամբ և ղմայլանքով էր նայում դրան, ասես առաջին անգամ էր տեսնում այդ հասարակ ու անպաճույճ ծաղիկը. ուռցնելով ցնցվող պինդերը, հոտ քաշեց ծաղկից, հետո խնամքով դրեց փխրունացրած, քամիներից չուրացած հողի վրա, ասաց.

— Հարցնում ես՝ ի՞նչ պիտի անեմ: Գալիս էի ստանիցայից: մտածում էի, չափ ու ձև անում... կսպանեմ ես ինձ, ա՛յ թե ինչ կանեմ: Յավալի է, ամա ուրիշ ճամփա չկա: Մեկ է, թե որ բուժվեմ, խուտորում բուրորն էլ կիմանան, մատի փաթաթան կդարձնեն, երեսները շուռ կտան, կծիծաղեն... Այս վիճակում էլ ո՞ւմ հարկավոր կլինեմ: Սիրունությունս կկորչի, բուրորովին կթառամեմ, կենդանի կփտեմ... Չէ, չեմ ուզում:— Նա այնպես էր խոսում, որ կարծես ինքն իր հետ էր դատողություններ անում և ուշադրություն չէր դարձնում նատալյայի բողոքող շարժումներին:— Երբ դեռ ստանիցա շէր գնացել, միտք էի անում, որ եթե սա գեշ հիվանդություն է, կբուժվեմ: Դրա համար էլ փողը շտվի հայրիկին, մտածում էի, որ դա ինձ պետք կգա ֆերշիլներին վճարելու համար... Հիմի էլ ուրիշ բան եմ որոշել: է՛հ, ձանձրացել եմ ամեն ինչից: Չեմ ուզում:

Դարյան տղամարդու սարսափելի հայհոյանք թափեց, թքեց և ձևաքի արտաքին կողմով սրբեց երկար թարթիչներից կախված արցունքը:

— Ի՞նչ խոսքեր ես ասում, է՛... Բա աստծուց չե՞ս վախենում,— կամացուկ ասաց նատալյան:

— Հիմի նա, աստված ինչի՞ս է պետք: Առանց այն էլ նա տակնուվրա է արել ամբողջ կյանքս:— Դարյան ժպտաց, և նատալյան շարաճճի ու խորամանկ այդ ժպիտում մի վայրկյան տեսավ առաջվա Դարյային:— Այս շէր կարելի անել, այն շէր կարելի, միշտ էլ մեղքերով ու ահեղ դատաստանով էին վախեցնում... Ավելի սարսափելի դատաստան, քան ես պիտի անեմ իմ դեմ, չես էլ կարող երևակայել: Ամեն ինչ ձանձրացրել է ինձ, նատալյա, բուրոր մարդիկ էլ զզվեցրել են ինձ... Ինձ համար հեշտ կլինի իմ հաշիվը վերջացնել: Ոչ ոք չունեմ, որ ցավը քաշեմ: Ոչ ոք չկա, որ սրտիցս կըտրեմ... Ա՛յ թե ինչ:

Նատալյան սկսեց շերմորեն խրատել, խնդրեց խելթի գալ ու շմտածել ինքնասպանության մասին, բայց Դարյան, որ սկզբում անտարբերությամբ էր լսում, ուշքի եկավ ու բարկությամբ նրան ընդհատեց կես խոսքի վրա.

— Դու այդ թող, նատալյա: Ես նրա համար չեմ եկել, որ դու խրատես ու խնդրես ինձ: Ես եկել եմ դարդս քեզ ասելու և նախազգուշացնելու, որ այսօրվանից երեխեքիդ ինձնից հեռու պահես: Իմ հիվանդությունը կպշողական է, ֆերշիլը ասավ, ու ես էլ եմ դրա մասին լսել, չլինի՞ թե նրանք ինձնից վարակվեն, հասկացա՞ր, դժբո: Պառավին էլ ասա, ես ամաշում եմ ասել: Դե, ես... ես հո միանգամից թոկը չեմ գցի վիզս, դրա համար կգա ժամանակը... Կապրեմ, կուրախանամ լույս աշխարհով, հետո էլ մնաս բարով կասեմ նրան: Թե չէ մենք գիտե՞ս ինչ ենք: Քանի դեռ սիրտը չեն ծակում, մաս ենք գալի ու մեր շորս բուրբ ոչինչ չենք տեսնում... Ես ի՞նչ տեսակ կյանք եմ անցկացրել, հա-ա, ու ասես կույր եմ եղել, իսկ երբ գալիս էի ստանիցայից, Դոնի ափերով, ու մտածում էի, որ շուտով պետք է մնաս բարով ասեմ ամեն ինչին, ոնց որ թե աչքերս բացվեցին: Մտիկ եմ անում Դոնին, ալիքները թովում են, արևի տակ նա ասես արծաթից լինի, այնպես է փայլվում, որ աչքերդ չեն դիմանում: Շուռ եմ գալի, մտիկ եմ անում,— տեր աստված, ինչպիսի՞ գեղեցկություն, իսկ առաջ հս դա իսկի շէր տեսնում...— Դարյան ամաշկոտ ժպտաց, լեցեց, ձեռքերն իրար սեղմեց ու, հազթահարելով կոկորդին դեմ առած հեկեկանքը, վերստին խոսեց, ու նրա ձայնը է՛լ ավելի բարձր էր և լարված:— Ճանապարհին ես մի քանի անգամ լաց եղա... Մոտեցա խուտորին, մտիկ եմ անում,— պստիկ երեխեքը լողանում են Դոնում... է՛հ, մտիկ արի, սիրտս լցվեց, ու էլի հոնգուր-հոնգուր լաց եղա: Երկու ժամ պառկած էի ավազի վրա: Ի՞նչ էր իմ հալը, որ մտածում եմ...— Վեր կացավ գետնից, թափ տվեց շրջազգեստը, սովոր շարժմամբ ուղղեց լաշակը:— Որ մտածում եմ մահվան մասին, մեռակ մի բան է ինձ ուրախացնում. հո այն աշխարհում կտեսնվեմ Պետրոյի հետ... «Դե,— կասեմ,— անուշիկս, Պետրո Պանտելեևիչ, ընդունիր քո փուչ կնկանը:— Ու իր համար սովորական ցինիկ հեգանքով ավելացրեց:— Իսկ այն աշխարհում նա չի կարող կովել, կովաններին

դրախտ շեն թողնում, ճիշտ է: Դե, բարով մնաս, Նատաշեն-  
կա: Չմոռանաս կեսուրիս ասել իմ դժբախտության մասին:  
Նատալյան նստել էր բարակ, հողոտ ձեռներով դեմքը  
ծածկած: Նրա մատների արանքում փայլում էին արցունք-  
ները, ինչպես խեղճ սոճու ճեղքերում: Դարյան հասավ ուրից  
չորած զոնակին, հետո վերադարձավ, լրջորեն ասաց.

— Այսօրվանից ես պետք է ջոկ ամանից ուտեմ: Դրա  
մասին ասա մայրիկին: Հա՛, մի բան էլ. թող նա հայրիկին  
բան չասի, թե չէ ծերուկը կկատաղի և ինձ տնից դուրս կա-  
նի: Այդ էր պակաս: Ես այստեղից կգնամ խոտհարքը: Մնաս  
լարով:

XIV

Սյուս օրը հնձվորները վերադարձան դաշտից: Պանտե-  
լեյ Պրակոֆևիչը որոշեց ճաշին սկսել խոտի փոխադրու-  
թյունը: Դունյաշկան եզները տարավ Դոն, ջրելու, իսկ Իլի-  
նիչնան ու Նատալյան արագ սեղան պեցեցին:

Դարյան վերջինը մոտեցավ սեղանին, նստեց ծայրին:  
Իլինիչնան նրա առաջ դրեց մի փոքրիկ ամանով շշի, գդալ  
և մի կտոր հաց, մյուսների համար, ինչպես միշտ, շշին լեց-  
րեց մեծ, ընդհանուր ամանի մեջ:

Պանտեյլեյ Պրակոֆևիչը վարմացած նայեց կնոջը, աչքե-  
րով ցույց տալով Դարյայի ամանը, հարցրեց.

— Այդ ի՞նչ բան է, ինչի՞ նրա համար ջոկ լցրիր: Նա  
իրեն հավատը փոխել է թե ինչ:

— Ի՞նչ ես ուզում, է՞: Կեր ու սուս:

Մերունին հեզանքով նայեց Դարյային, ժպտաց:

— Ըհը՛մ, հասկանում եմ: Այն օրվանից, երբ նրան մե-  
ղալ տվին, նա չի ուզում ընդհանուր ամանից ուտել: Դաշկա,  
այդ ի՞նչ է, դու զզվո՞ւմ ես մեզ հետ մի քրեղանից ուտել,  
հը՛:

— Ոչ թե զզվում եմ, այլ չի կարելի,— խոպոտ պատաս-  
խանեց Դարյան:

— Ախր ի՞նչ պատճառով, է՞:

— Բուկս ցավում է:

— Է՛, ի՞նչ կա որ:

— Գնացել էի ստանիցա, ֆերշիլը ասավ, որ ջոկ ամա-  
նից ուտեմ:

— Իմ բուկն էլ էր ցավում, ամա ես չէի ջոկվում, ու  
փառք ասածու, ցավս մյուսներին չանցավ: Դու այդ ի՞նչ  
տեսակ ես մրսել որ:

Դարյան գունատվեց, ձեռքով սրբեց շրթունքները, գդա-  
լը վար դրեց: Մերունու հարցուփորձից վրդովված Իլինիչնան  
բղավեց նրա վրա.

— Ի՞նչ ես կպել հարսին, հը՞: Սեղանի շուրջն էլ մեզ  
հանգիստ չես թողնում: Կպշո՞ւմ է տղի պես ու պոկ գալ չի  
լինում, վո՞ւյ:

— Է՛հ, ի՛նձ ինչ,— ջղայնորեն մշմշաց Պանտեյլեյ Պրա-  
կոֆևիչը,— ինձ համար մեկ է, որտեղից կուզեք կերեք:

Բարկոթյունից նա մի ամբողջ գդալ տաք շշի թարվեց.  
վառեց բերանը, ու շշին բերանից թափելով մորուքի վրա,  
գեշ ձայնով գոռաց.

— Կերակուր տալ չգիտեք, անիծվածներ: Ո՞վ է այս-  
պես շշին տալի հենց կրակի վրայից, ո՞վ:

— Քիչ խոսեիր սեղանի վրա, չէիր վառվի,— պատաս-  
խանեց Իլինիչնան:

Դունյաշկան քիչ մնաց փոթկար, նայելով, թե ինչպես է  
կարմրատակած հայրը մորուքի միջից հանում կաղամբը և  
կարտոֆիլի կտորները, բայց մյուսների դեմքերն այնքան  
լուրջ էին, որ նա էլ իրեն զսպեց ու էլ չնայեց հորը, վախե-  
նալով, որ չի կարողանա պահել ծիծաղը:

Ճաշից հետո ծերունին ու երկու հարսը երկու սայլով  
գնացին խոտ բերելու: Պանտեյլեյ Պրակոֆևիչը երկար եղա-  
նով խոտը պեցում էր սայլերի վրա, իսկ Նատալյան ընդու-  
նում էր նամշահոտ արձակող խոտի կույտերը, ոտներով  
տափում սայլի վրա: Նա դաշտից վերադառնում էր Դարյա-  
յի հետ: Պանտեյլեյ Պրակոֆևիչը լայն-լայն քայլող մեծ եզ-  
ներով առաջ էր անցել:

Արևն իջնում էր կուրգանի ետևը: Հնձած տափաստա-  
նի օշինդրային դառն հոտը իրիկնադեմին ուժեղացավ, բայց  
հետո մեղմացավ, հաճելի դարձավ՝ կորցնելով կեսօրվա հեղ-  
ձուցիչ սրությունը: Շոգն անցավ: Եզները հաճույքով էին  
գնում, ու ամառային ճամփի վրա նրանց կճղակների բարձ-

բացարձակ փոշին նստում էր ճանապարհամերձ ուղտափշի թփերի վրա: Ուղտափշի վերին մասերը վառ փայլում էին փթթած մուգ կարմիր կատարներով: Նրանց վրա ճախրում էին խամեղունները: Կիվիվները, ձայն ձայնի տալով, թռչում էին դեպի հեռավոր տափաստանային լճակը:

Գարյան երեսնիվայր պառկել էր ճոճվող խոտաբեռի վրա, արմունկներին հենված, երբեմնակի նայելով նատալյային: Վերջինս մտաղբաղ դիտում էր վերջալույսը, պղնձակարմիր ցուլերը ընկել էին նրա հանգիստ, մաքուր դեմքին: «Ա՛յ, նատալյան երջանիկ է, մարդ էլ ունի, երեխեք էլ, նրան ուրիշ ոչինչ պետք չէ, ընտանիքում սիրում են նրան, իսկ ես կորած մարդ եմ: Կսատկեմ, ոչ ոք էլ ախ չի քաշի», — մտածում էր Գարյան, ու հանկարծ նրա մեջ ցանկություն առաջացավ մի կերպ վշտացնել նատալյային, նրան էլ ցավ պատճառել: Ինչո՞ւ պետք է միայն ինքը՝ Գարյան, թպրտա հուսալքման մոլուցքներում, անդադար մտածի իր խորտակված կյանքի մասին և այդպես շարաշար տանջվի: Նա մի անգամ էլ թոուցիկ նայեց նատալյային ու, աշխատելով մտերմական շեշտ տալ ձայնին, ասաց.

— Ուղում եմ քո առաջ խոստովանել մեղքս, նատալյա...  
Նատալյան միանգամից շպտասխանեց: Դիտելով վերջալույսը, նա վերհիշեց, թե ինչպես մի ժամանակ, վաղուց, երբ ինքը դեռ Գրիգորիի հարսնացուն էր, վերջինս եկավ իրեն տեսնելու, և ինքը դուրս եկավ դարպասից նրան ճանապարհելու, ու այն ժամանակ ճիշտ այդպես էր հրավառվել վերջալույսը, կարմրավառ ցուլերով էր պարուրվել արևմուտքը, ուտենիների վրա, կոնչում էին սերմնաքաղները... Գրիգորին հեռանում էր ձիու վրա կիսով շափ շուռ գալով, ու ինքը նրա ետևից նայում էր հուզումնալի ուրախության արցունքներով ու, ձեռները աղջկական պիրկ կրծքին սեղմած, զգում էր սրտի շեշտակի բաբախումը... Նա տհաճություն զգաց այն պատճառով, որ Գարյան հանկարծ խախտել էր լուսթյունը, ու դժկամ հարցրեց.

— Ի՞նչ մեղք ես խոստովանելու:

— Ա՛յ թե ինչ մեղք... Մի՞տղ է, գարնանը Գրիգորին ռազմաճակատից տուն էր եկել: Այն օրվա իրիկունը, միտս է, ես կովն էի կթում: Գնում էի տուն, լսում եմ, Ակսինյան

կանչում է ինձ: Հա՛, տարավ իրեն մոտ, ուղղակի զոռով նվիրեց այս մատանին,— Գարյան մատնամատի վրա պրատեց ոսկե մատանին,— ու խնդրեց, որ ես Գրիգորիին ուղարկեմ իրեն մոտ... է՛հ, ի՛նձ ինչ,— մտածեցի... Ասի Գրիգորիին: Գրիգորին այն ամբողջ գիշերը... Մի՞տղ է, նա ասում էր, որ միթամ Կուդինովն էր եկել ու ինքը եղել էր նրա մոտ: Սուտ է: Նա Ակսինյայի մոտ էր:

Շշմած, զոնատված նատալյան մատներով լուռ կոտրատում էր իշառվույտի չոր ոստը:

— Դու շբարկանաս ինձ վրա, նատալյա: Ես ինքս էլ ուրախ չեմ, որ խոստովանեցի քեզ... — զննողաբար ասաց Գարյան՝ փորձելով նայել նատալյայի աչքերին:

Նատալյան լուռ կուլ էր տալիս արցունքները: Այնքան անակնկալ ու մեծ էր վերստին նրան խոցող վիշտը, որ նա իր մեջ ուժ չգտավ Գարյային որևէ բան պատասխանելու, և միայն շուռ էր գալիս՝ թաքցնելով տանջանքից աղճատված իր դեմքը:

Արդեն խուտոր մտնելուց առաջ, ինքն իր վրա ջղայնանալով, Գարյան մտածեց՝ «Ստանան ինձ դրդեց դարդի մեջ գցել սրան: Հիմի մի ամբողջ ամիս արցունք է թափելու: Ավելի լավ է ապրեր առանց մի բան գիտնալու: Ավելի լավ է, որ սրա պես կովերը կուրորեն ապրեն»: Իր խոսքերի տպավորությունը մի կերպ հարթելու համար նա ասաց.

— Լա՛-ավ, դու շատ էլ դարդ մի անի: Ի՞նչ մեծ փորձանք է որ: Իմ դարդը քոնից ծանր է, ամա ես էլի դիք-դիք եմ ման գալի: Դե, ո՛վ գիտի, կարելի է նա իսկի էլ չի տեսնվել Ակսինյայի հետ, այլ Կուդինովի մոտ է գնացել: Ես հո նրան չէի հետևում: Որ բռնված չի, ուրեմն գող չի:

— Գլխի էի ընկնում... — կամացուկ ասաց նատալյան, լաշակի ծայրով սրբեց աչքերը:

— Բա որ գլխի էիր ընկնում, ինչի՞ նրան հարցուփորձ չէիր անում: է-է՛, անպետք: Ես լինեի, նա իմ ձեռքից չէր պրծնի: Ես նրան այն օրը կգցեի, որ սատանան էլ կսարսպեի:

— Վախենում էի իմանալ ճշմարտությունը... Կարծում ես դա հե՞շտ է,— աչքերը փայլեցնելով, հուզումից կակազելով, ասաց նատալյան,— դու էիր այդպես... Պետրոյի

հետ ապրում... իսկ ես հենց որ հիշում եմ... հենց որ հիշում եմ, թե ինչեր եմ քաշել... հիմի էլ սարսափում եմ:

— Դե, ուրեմն մոռացիր այդ բանը,— սրտանց խորհուրդ տվեց Դարյան:

— Մի՞թե դա մոռացվում է...— օտարոտի ձայնով բացականչեց Նատալյան:

— Ես լինեի, կմոռանայի: Մե՛ծ բան է, էլի՛:

— Մոռացիր հիվանդութունդ:

Դարյան ծիծաղեց:

— Ուրախությամբ կմոռանայի, ամա այս անիծված հիվանդութունը ինքն է իր մասին հիշեցնում: Լսիր, Նատաշկա, ուզո՞ւմ ես, ես Ակսինյայից ամեն բան իմանամ: Նա ինձ կասի, աստված վկա: Չկա այնպիսի կնիկ, որ սսկվի, չպատմի, թե ով և ոնց է իրեն սիրում: Հենց մեկը ես:

— Չեմ ուզում, որ դու նեղութուն քաշես: Առանց այդ էլ նեղութուն քաշեցիր,— շոր պատասխանեց Նատալյան:— Ես կույր չեմ, տեսնում եմ, թե դու ինչի համար ինձ պատմեցիր դրա մասին: Հո ինձ խղճալուց չէր, որ խոստովանեցիր միջնորդ լինելդ, այլ իմ վիճակը ծանրացնելու համար էր...

— Ծիշտ է,— հոգոց հանելով համաձայնվեց Դարյան:— Լավ միտք արա, բա մենակ ե՞ս տանջվեմ, հը՞:

Դարյան իջավ սայլից, վերցրեց եզների գլխներից կապած պարանը, հոգնածորեն շարժվող ոտներով քայլեց նրանց առջևից, իջնելով բլուրից: Փողոցի մուտքում նա մոտեցավ սայլին:

— Է՛յ, Նատաշկա: Տես ինչ եմ ուզում հարցնել քեզ... Ծա՞տ ես սիրում մարդու:

— Ինչքան որ կարող եմ,— անորոշ պատասխանեց Նատալյան:

— Ուրեմն շատ ես սիրում,— հոգոց հանեց Դարյան:— Իսկ ես իսկի էլ շատ չեմ սիրել որևէ մեկին: Սիրել եմ շնավարի, մի կերպ, ոնց որ պատահեր... Թե որ հնար լիներ նորից սկսել կյանքս, գուցե ես էլ ուրիշ լինեի, հը՞:

Ամառային կարճատև մթնշաղին հաջորդեց սև գիշերը: Մթության մեջ բակում բռնաթափում էին խոտը: Կանայք լուռ էին աշխատում, ու Դարյան նույնիսկ Պանտելիյ Պրակոֆևիչի կանչերին էլ չէր պատասխանում:

Շեշտակի հետապնդելով Ուստ-Մեդվեդիցկայայից նահանջած հակառակորդին, Դոնի բանակի ու Վերին Դոնի ապրտամբների միավորված զորամասերը գնում էին դեպի հյուսիս: 9-րդ կարմիր բանակի ջարդված գնդերը Մեդվեդիցայի ափին գտնվող Շաշկին խոտորի մոտ փորձեցին կանգնեցնել կազակներին, բայց նորից ետ մղվեցին ու նահանջեցին համարյա մինչև Գրյազի-Յարիցինի երկաթուղագիծը՝ առանց վճռական դիմադրութուն ցույց տալու:

Գրիգորին իր դիվիզիայով մասնակցեց Շաշկինի մոտ տեղի ունեցած կռվին և մեծապես օգնեց զեներալ Մոտուլովի հետևակ բրիգադին, որ թևային հարվածի տակ էր ընկել: Երմակովի հեծյալ գունդը Գրիգորիի հրամանով գրոհ տալով, գերի վերցրեց մոտ երկու հարյուր կարմիրբանակային, գրավեց շուրս հաստոցավոր գնդացիքը և տասնմեկ փամփշտասայլ:

Իրիկնադեմին Գրիգորին առաջին գնդի մի խումբ կազակների հետ մտավ Շաշկին: Դիվիզիայի շտաբի գրաված տան մոտ կես հարյուրյակ կազակների հսկողության տակ կանգնած էր գերինների հոծ ամբոխը, սպիտակին էին տալիս նրանց շապիկներն ու վարտիքները: Նրանց մեծամասնության ոտնամաններն ու հագուստը հանված էին, բացի սպիտակեղենից, ու սպիտակավուն ամբոխի մեջ միայն հազվադեպ էր կանաչին տալիս պաշտպանական գույնի կեղտոտ վերնաշապիկը:

— Ո՞նց են ճերմակել, ասես սագեր լինեն,— բացականչեց Պրոխոր Զիկովը՝ ցույց տալով գերիներին:

Գրիգորին քաշեց սանձը, ձին կողքի դարձրեց. կազակների ամբոխի մեջ գտնելով Երմակովին, մատով կանչեց նրան:

— Մոտեցիր, է՛, ի՞նչ ես թաքնվել ուրիշների մեջքերի հետում:

Բոունցքի մեջ հազալով, Երմակովը ձին քշեց, մոտեցավ: Նրա սև, նոսր բեղերի տակին, ջարդված շրթունքների վրա մակարդվել էր արյունը, աջ թուշը ուռել էր ու սևին էր տալիս թարմ քերծվածքներով: Գրոհի ժամանակ նրա ձին

լրիվ թափով սլանալիս սայթաքել էր ու ընկել, նրա վրայից քարի պես ընկած երմակովը երկու սաժեն սլկվել էր փորի վրա, խորդուբորդ գետնով: Նա էլ, ձին էլ միաժամանակ ոտքի էին ելել: Իսկ մի րոպեից հետո երմակովը ձիուն նստած, առանց գլխարկի, սարսափելի արյունոտված, բայց թափահարելով մերկացրած թուրք, արդեն հասել էր սարալանջից ցած սլացող կաղակական ցրիվ շղթային...

— Ինչո՞ւ պետք է թաքնվեմ,— առերևույթ զարմանքով հարցրեց նա՝ հասնելով Գրիգորիին, իսկ ինքը շփոթվելով մի կողմ էր դարձնում կովից հետո դեռ չհանգած, արյունալի, դիվոտած աչքերը:

— Կատուն գիտի, թե ում միտն է կերել: Ինչո՞ւ ես ետեից գալիս,— բարկությամբ հարցրեց Գրիգորին:

Երմակովը դժվարությամբ ժպտալով ուռած շրթունքներով, ծուռ նայեց գերիններին:

— Այդ ի՞նչ մտի մասին ես խոսում: Դու հիմի ինձ հանելուկներ մի ասա, մեկ է, շեմ լուծի, այսօր գլխիվայր ընկել եմ ձիուց...

— Քո աշխատանքն է.— Գրիգորին մտրակով ցույց տվեց գերիններին:

Երմակովն այնպես ձևացրեց, որ իբր թե առաջին անգամ է տեսել գերիններին, ու անասելի զարմանք ցույց տվեց.

— Տե՛ս, է՛, շան որդիներ, անիծվածներ, թյո՛ւ: Տկլորացրել են: Ոնց էլ ժամանակ են գտել դրա համար... Այժմե՛ղ բան: Խիստ հրամայել էի ձեռ շտալ, բայց հենց որ հեռացա, վերցրին ու տկլորացրին խեղճերին...

— Դու չքմեղ մի ձևանա: Ո՞ւմ ես խաբում, հը՞: Դո՞ւ ես ասել, որ հանեն դրանց շարերը:

— Աստված շանի: Ինչե՞ր ես ասում, Գրիգորի Պանտելի:

— Հրամանը հիշո՞ւմ ես:

— Դրա մասին, հա՞, դե ես...

— Այո, այո, հենց դրա մասին...

— Ո՞նց չէ, հիշում եմ: Բերանացի եմ հիշում: Ոնց որ դպրոցում սովորած ոտանավորները:

Գրիգորին ակամա ժպտաց ու, թամբից թեքվելով, բըռե

նեց Երմակովի սուսերակալի փոկից: Նա սիրում էր այդ խիզախ, կատաղիորեն քաշ հրամանատարին:

— Խառամպի, հանաքը դենը, ախր ինչի՞ ես թույլ տվել: Նոր գնդապետը, որ Կոպիլովի փոխարեն նստեցրել են շտաբում, կհաղորդի ուր հարկն է, ու ստիպված կլինենք պատասխան տալ: Հո ուրախ չես լինի, եթե սկսվեն քաշքուկները, հարցուփորձն ու հարցաքննությունները:

— Զկարացի համբերել, Պանտելիչ,— լուրջ ու սարզ պատասխանեց Երմակովը,— նրանց վրա ամեն ինչ նոր էր, հենց նոր էին տվել Ուստ-Մեդվեդիցայում, դե, իմ տղերքն էլ մաշել էին իրենց հագուստը, սներտուն էլ հագնելու բան չկա: Մեկ է, թիկունքում կհաննին դրանց վրա եղածը: Մենք դրանց գերի վերցնենք, իսկ թիկունքի սրիկաները հանեն դրանց շորերը, հա՞-ա: Զէ, աղբեր, ավելի լավ է մերոնք օգտվեն: Ես պատասխան կտամ, իսկ ինձնից ի՞նչ կարող են պահանջել: Դու էլ մի կպչի ինձ, հա՞-ա: Ես ոչինչ չգիտեմ ու այդ գործերից իսկի էլ մաս չունեմ:

Մտտեցան գերինների ամբոխին: Ամբոխի մեջ զուսպ խոսակցությունը դադարեց: Ծայրից կանգնածները ձիավորներից մի կողմ քաշվեցին, մոռալ երկյուղով ու լարված սպասումով նայում էին կազակներին: Մի կարմիրբանակային, հանձինս Գրիգորիի ճանաչելով հրամանատարին, հուպ մոտեցավ, ձեռքը դրեց ասպանդակին:

— Ընկեր պետ, ասացե՛ք ձեր կազակներին, որ գոնե շինելները վերադարձնեն: Գութ արեք, էլի՛: Գիշերները ցուրտ է, իսկ մենք ուղղակի տկլոր ենք, ինքներդ եք տեսնում:

— Ամառ է, ցրտատար չես լինի, վախկոտ.— խիստ տոնով ասաց Երմակովը ու ձիով ետ մղելով կարմիրբանակայինին, դարձավ դեպի Գրիգորին:— Մի՛ կասկածի, ես կասեմ, որ հնտոիքից մի քիչ տան դրանց: Դե՛հ մի կողմ քաշվեք, դե՛ն գնացեք, ուղմիկներ: Զեր գործն է փոխաններիդ ոչիլները ջարդել և ոչ թե կազակների դեմ կովել:

Շտաբում հարցաքննում էին մի վաշտի գերի հրամանատարին: Հնամաշ մոմլաթով ծածկված սեղանի մոտ նըստել էր շտաբի նոր պետը, գնդապետ Անդրեյանովը,— տարեց, կարճաքիթ մի սպա քունքերի խիստ ճերմակած մազերով ու աղայի ականջների պես ցցված, խոշոր ականջներով:

Նրա դիմաց, սեղանից երկու քայլ հեռավորությամբ՝ կանգնած էր կարմիր հրամանատարը: Հարցաքննվողի ցուցմունքները գրի էր առնում շտաբը սպաներից մեկը, հարչուրապետ Սուլինը, որ դիվիզիա էր ժամանել Անդրեյանովի հետ միասին:

Կարմիր հրամանատարը, — բարձրահասակ, շիկաբեղ մի մարդ մոխրագույն-սպիտակավուն, կարճ խուզած մազերով, — կանգնել էր և օխրայով ներկված հատակի վրա անհարմար կոթնում էր մեկ կամ մյուս բոբիկ ոտին՝ երբեմնակի նայելով գնդապետին: Կազակները գերու վրա թողել էին միայն զինվորի դեղին, շճերմակացրած բյազի շապիկը ու վերցրած շալվարի փոխարեն տվել էին կազակական պատշուոված մի շալվար՝ խունացած լամպասներով ու մի կերպ կոցրած կարկատաններով: Մոտենալով սեղանին, Գրիգորին նկատեց, թե ինչպես գերին կարճ, շփոթված շարժումով շրտկեց հետնաթշերի վրա պատուված շալվարը՝ աշխատելով ծածկել մերկ մարմինը:

— Դուք ասում եք՝ Օրյոլի նահանգական զինկոմիսարիատի կողմից, — հարցրեց գնդապետը, անցողակի, ակնոցների վերևից նայեց գերուն, վերստին խոնարհեց աչքերը ու դիտեց կկոցելով, սկսեց զննել, շուտամուտ անել մի ինչ-որ թուղթ, — ըստ երևույթին փաստաթուղթ:

— Այո:

— Անցյալ տարվա աշնա՞նը:

— Աշնան վերջում:

— Դուք ստո՞ւմ եք:

— Ես ճշմարտությունն եմ ասում:

— Պնդում եմ՝ դուք ստում եք...

Գերին լուռ թոթվեց ուսերը: Գնդապետը նայեց Գրիգորին, գլխով արհամարհաբար ցույց տալով հարցաքննվողին, ասաց.

— Ահա, հիացեք. կայսերական բանակի նախկին սպա, իսկ այժմ, ինչպես տեսնում եք, — բոլշևիկ: Բռնվել է ու դուրս է տալիս, որ իբր թե պատահամբ է ընկել կարմիրների մոտ, իբր թե իրեն մոբիլիզացրել են: Ստում է անամոթաբար, միամիտ ձևանալով, ինչպես գիմնազիստ, ու կարծում է, թե իրեն կհավատան, քաղաքացիական քաջություն

չունի խոստովանելու, որ դավաճանել է հայրենիքին... Վախենում է սրիկան:

Վժվարությամբ շարժելով ադամախնձորը, գերին ասաց.

— Ես տեսնում եմ, պարոն գնդապետ, որ դուք քաղաքացիական քաջություն ունեք գերուն վիրավորելու...

— Ես սրիկանների հետ չեմ խոսում:

— Իսկ ես այժմ ստիպված եմ խոսել:

— Զգո՛ւյշ: Մի՛ հարկադրեք ինձ, ես կարող եմ ձեզ վիրավորել զործողությամբ:

Ոչ մի խոսք չասելով, Գրիգորին նստեց սեղանի մոտ, համակրական ժպիտով նայեց զայրույթից զունատված, բարկությամբ ու աներկյուղ պատասխանող գերուն: «Լավ կմըշտեց գնդապետին», — հաճույքով մտածեց Գրիգորին ու ո՛չ առանց շարախնդության նայեց Անդրեյանովի մոտ, կարմրատակած թշերին, որոնք ցնցվում էին ջղային վիճակից:

Գրիգորին առաջին իսկ հանդիպումից շփրեց իր շտաբի պետին: Անդրեյանովը պատկանում էր այն սպաների թվին, որոնք համաշխարհային պատերազմի տարիներին չէին եղել ռազմաճակատում, այլ խոհեմաբար նստել էին թիկունքում՝ օգտագործելով պաշտոնեական ու ազգակցական ազդեցիկ կապերը և ծանոթությունները, ամեն կերպ կառչելով անվտանգ ծառայությունից: Գնդապետ Անդրեյանովը քաղաքացիական պատերազմի ժամանակ էլ հնարք գտավ պաշտպանության համար աշխատել նովոշերկասկում նստած, և միայն ատաման Կրասնովին իշխանությունից հեռացնելուց հետո ստիպված եղավ մեկնել ռազմաճակատ:

Անդրեյանովի հետ մի բնակարանում անցկացրած երկու գիշերվա ընթացքում Գրիգորին նրա ասածներից իմացավ, որ նա շատ բարեպաշտ է, որ նա չի կարող առանց արցունքների խոսել եկեղեցական հանդիսավոր արարողությունների մասին, որ իր կինը ամենաօրինակելի կինն է, որպիսին միայն կարելի է պատկերացնել, որ իր կնոջն անվանում են Սոֆիա Ալեքսանդրովնա և որ վերջինին մի ժամանակ անհաջող կերպով սիրատածում էր հենց նշանակովի ատաման բարոն Ֆոն-Գրաբբեն. բացի դրանից, գնդապետը սիրով և մանրամասն պատմեց, թե ինչպիսի անվան տեր էր իր հանգուցյալ հայրը, թե ինքը, Անդրեյանովը ինչպես էր հասել



գնդապետի աստիճանին, ինչպիսի բարձրաստիճան անձանց հետ էր որսի գնում 1916 թվականին. հաղորդեց նաև, որ ինքը լավագույն խաղ է համարում վիստը, խմիչքներից ամենաօգտակարը — շամանի տերևով թրմած կոնյակը, իսկ ամենաշահավետ ծառայությունը՝ զորական համբարակության մեջ ծառայելը:

Գնդապետ Անդրեյանովը ցնցվում էր թնդանոթային մոտիկ կրակոցներից, տհաճությամբ էր ձի նստում՝ պատճառ բերելով լյարդի հիվանդությունը. անդադար հոգում էր շտաբին կից պահպանական զորախումբն ավելացնելու մասին, իսկ կազակներին վերաբերվում էր վատ թաքցրած թշնամանքով, որովհետև, իր ասելով, նրանք բոլորն էլ դավաճաններ էին 1917 թվականին, և այդ թվականից նա էլ ավելի էր ատում առանց խտրության բոլոր «ստորին զինծառայողներին»:  
«Միայն ազնվականությունը կփրկի Ռուսաստանը», — ասում էր գնդապետը՝ անցողակի հիշատակելով նաև այն, թե ինքն էլ ազնվական տոհմից է և որ Անդրեյանովների տոհմը ամենահինն ու ամենաարժանավորն է Գոնում:

Անդրեյանովի զլխավոր արատը, անկասկած, շաղկիրատությունն էր, այն ծերունական, անզուսպ ու ահավոր շաղկիրատությունը, որով տառապում են որոշ շատախոս ու անխելք մարդիկ, որոնք ծերության են հասնում և դեռ ջահել հասակից սովորած են լինում ամեն ինչի մասին դատել թեթև կերպով և առանց քաշվելու:

Գրիգորին իր կյանքում շատ անգամ էր հանդիպել այդ թուշնային ցեղի մարդկանց և միշտ էլ խորին զզվանքի զգացում էր տածել նրանց: Անդրեյանովի հետ ունեցած ծանոթության երկրորդ օրը Գրիգորին սկսեց խուսափել նրան հանդիպելուց, և ցերեկը այդ հաջողվում էր նրան, բայց հենց որ կանգ էին առնում գիշերելու, Անդրեյանովը գտնում էր նրան, հապճեպ հարցնում՝ «Միասի՞ն ենք գիշերում», ու շրտապես լավ պատասխան ստանալուն, սկսում էր՝ «Այ, սիրելիդ իմ, դուք ասում եք, թե կազակները շեն դիմանում հետիոտն մարտին, իսկ երբ ես հանձնարարություններ կատարող սպա էի նորին գերազանցության մոտ... է՛յ, ո՞վ կա այնտեղ, ճամպրուկս ու անկողինս այստեղ բերեք»: Գրիգորին պառկում էր մեջքի վրա, փակում աչքերը, ու ատամներն իրար

սեղմելով, լսում էր, հետո անբաղաճավարությունը մեքքը դարձնում անխոնջ պատմողի կողմը, շինելը քաշում գլխին, լուռ զայրույթով մտածում. «Հենց որ տեղափոխվելու հրաման ստանամ, մի որևէ ծանր բանով կշրմփացնեմ արա զըլխին. գուցե դրանից հետո գոնե մի շաբաթով լալկի լեզուն»:  
«Դուք քնած եք, հարյուրապետ», — հարցնում էր Անդրեյանովը: «Քնում եմ», — խոսք պատասխանում էր Գրիգորին: «Թույլ տվեք, ես դեռ չեմ վերջացրել», — ու պատմելը շարունակվում էր: Գրիգորին քնի մեջ մտածում էր. «Այս գյավազային դիտմամբ են խոթել ինձ մոտ: Երևի դա Ֆիցխելաուրովի ջանքով է եղել: Գե արի ու ծառայի այսպիսի տխմարի հետ: Ու քնելիս լսում էր գնդապետի սուր, բարակ ձայնը, որ հնչում էր ինչպես երկաթե կտուրի վրա թափվող անձրևի կաթիլների տկտկոցը:

Ահա թե ինչու էր Գրիգորին շարախնդում, տեսնելով, թե գերի հրամանատարը ինչպիսի ճարպկությամբ է շշպում իր շտաբի շատախոս պետին:

Անդրեյանովը մի բոլոր լուռ էր, կկոցում էր աչքերը. նրա ցցված ականջների երկար բլթակները վառ կարմրին էին տալիս, ցնցվում էր սեղանի վրա դրված սպիտակ, փափրիկ ձեռքը, որի ցուցամատի վրա փայլում էր ոսկե հաստ մատանին:

— Լսեցեք, ճիվաղ, — ասաց նա հուզմունքից խուլված ձայնով, — ես հրամայել էի ձեզ ինձ մոտ բերել ո՛չ նրա համար, որ վիճեմ ձեզ հետ, դուք այդ շմոռանաք: Հասկանո՞ւմ եք դուք, որ չեք կարող դուրս պրծնել:

— Շատ լավ եմ հասկանում:

— Ավելի լավ ձեզ համար: Վերջիվերջո ինձ համար միևնույն է՝ կամավոր կերպով եք միացել բոլշևիկներին, թե՞ մոբիլիզացրել են ձեզ: Կարևորն այդ չէ, կարևորն այն է, որ դուք սխալ հասկանալով պատվի նկատառումները, չեք ուզում խոսել...

— Ակներև է, որ ես ու դուք տարբեր կերպով ենք հասկանում պատվի հարցերը:

— Այդ նրանից է, որ ձեզ մոտ պատվի նշույլ անգամ չի մնացել:

— Ինչ վերաբերում է ձեզ, պարոն գնդապետ, այսպես,

դատելով ինձ հետ վարվելուց, ես կասկածում եմ, որ դուք առհասարակ երբևէ պատիվ եք ունեցել:

— Ինչպես տեսնում եմ, դուք ուզում եք արագացնել վախճանը:

— Իսկ դուք կարծում եք ես շահագրգռված եմ դրա ձգձգումով: Մի՛ վախեցնեք ինձ, բան չի դուրս գա:

Անդրեյանովը դողոջուն ձեռքերով բացեց պորտսիգարը, վառեց ծխախոտը, երկու անգամ ազահությամբ կրով սովեց ծուխը ու կրկին դիմեց գերուն.

— Այդպես ուրեմն, դուք հրաժարվում եք հարցերին պատասխանելուց:

— Ես իմ մասին արդեն ասել եմ:

— Կորե՛ք, է՛: Ձեր գարշելի անձնավորութունը ինձ ամենից քիչ է հետաքրքրում: Նեղութուն քաշեցեք պատասխանելու ահա այս հարցին. Սերբյակովո կայարանից ի՞նչ գործառնաք մոտեցան ձեզ:

— Ես ձեզ պատասխանեցի, որ չգիտեմ:

— Ո՛չ, գիտեք:

— Լավ, կգոհացնեմ ձեզ. այո, գիտեմ, բայց չեմ պատասխանի:

— Ես կհրամայեմ հրացանի շամիրով ձաղկել ձեզ, այն ժամանակ կբացվի ձեր լեզուն:

— Հաղիվ թե,— գերին ձախ ձեռքով շոշափեց բեղերը, վստահորեն ժպտաց:

— Կամ իշխնյան գունդը մասնակցո՞ւմ էր այդ մարտին:

— Ո՛չ:

— Բայց մի հեծյալ զորամաս պաշտպանում էր ձեր ձախ թևը, այդ ինչ զորամաս էր:

— Թողե՛ք, է՛: Նորից եմ կրկնում, որ այդպիսի հարցերին չեմ պատասխանելու:

— Ընտրիր. կամ դու, շուն, հիմա ևեթ բաց կանես լեզուդ, կամ տասը՝ ընդհանուր հետո կգնդակահարվես: Դե՞հ:

Ու այդ ժամանակ գերին անսպասելիորեն բարձր, երկտասարդական հնչեղ ձայնով ասաց.

— Դուք ինձ ձանձրացրիք, հիմար քոփակ, դղմագլուխ: Եթե դուք իմ ձեռքը ընկնեիք, ես ձեզ այդպես չէի հարցաքննի...

Անդրեյանովը սփրթնեց, ձեռքը տարավ նազանի պատյանին: Այդ ընդհանուր Գրիգորին անշտապ վեր կացավ և նախազգուշացման ժեստով բարձրացրեց ձեռքը:

— Հը՛մ: Դեհ, հերիք եղավ: Խոսեցիք պրծանք, ինչպես տեսնում եմ, երկուսդ էլ տաքարյուն եք... է՛հ, իրար հետ շհամաձայնվեցիք, ու չի էլ հարկավոր, էլ ի՞նչ խոսել: Նա ճիշտ է վարվում, որ չի մատնում յուրայիններին: Դա լավ է, ասոված վկա: Ես չէի էլ սպասում:

— Ո՛չ, թույլ տվեք...— տաքանում էր Անդրեյանովը՝ ապարդյուն փորձելով բանալ ատրճանակի պատյանը:

— Ձեմ թույլ տա,— ուրախ աշխուժությամբ ասաց Գրիգորին՝ հույս մոտենալով սեղանին, իր մարմնով պաշտպանելով գերուն:— Դատարկ բան է դա — սպանել գերուն: Ո՞նց է ձեր խիղճը թույլ տալիս ձեռք բարձրացնել նրա վրա: Մարդը անզեն է, գերի է բռնվել, հրե՛ն նրա վրա շոր էլ չեն թողել, իսկ դուք խփել եք ուզում...

— Դե՛ն գնացեք, ինձ վիրավորեց այդ սրիկան.— Անդրեյանովը ուժով ետ հրեց Գրիգորին, հանեց նազանը:

Գերին արագությամբ շուռ եկավ դեպի պատուհանը, թափահարեց ուսերը, ասես մրսում էր: Գրիգորին ժպտալով հետևում էր Անդրեյանովին, իսկ սա, ձեռքի մեջ զգալով ատրճանակի անհարթ կոթը, մի տեսակ անհեթեթ կերպով թափահարեց այն, հետո իջեցրեց փողաբերանը ցած պահելով ու շուռ եկավ:

— Ձեմ ուզում կեղտոտել ձեռքերս...— շունչ առնելով ու լիզելով շորացած շրթունքները, խոպոտ ասաց նա:

Չպահելով ծիծաղը, բեղերի տակից ցույց տալով սպիտակափայլ ատամները, Գրիգորին ասաց.

— Այդ չէր էլ հաջողվի: Մտիկ արեք, ձեռք նազանը լցահանված է: Դեռ գիշերելու տեղում առավոտյան ես զարթնեցի, սեղանից վերցրի դա ու մտիկ տվի... Մեջը ո՛չ մի փամփուշտ, ու երևի մի երկու ամիս չի մաքրված: Դուք վատ եք պահում անձնական զենքը:

Անդրեյանովը խոնարհեց աչքերը, մեծ մատով պտտեց ատրճանակի թմբուկը, ժպտաց.

— Գրո՛ղը տանի, ճիշտ է, էլի...

Հարյուրապետ Սուլինը, որ լուռ և հեգնականորեն դիտում էր այդ ամենը, ծալեց հարցաքննության արձանագրությունը, հաճելի թոթովախոսելով ասաց.

— Ես ձեզ, Սեմյոն Պոլիկարպովիչ, մի քանի անգամ ասել եմ, որ դուք զենքի հետ վատ եք վարվում: Այսօրվա դեպքը դրա մի ավելորդ ապացույցն է:

Անդրեյանովը կնճռոտեց ճակատը, բղավեց.

— Է՛յ, ստորին զինծառայողներից ո՞վ կա այստեղ: Եկեք: Նախասենյակից ներս մտան երկու սուրհանդակ և պահակապետը:

— Տարեք,— Անդրեյանովը գլխով ցույց տվեց գերուն:

Վերջինս զեմքով դարձավ դեպի Գրիգորին, լուռ գլուխ տվեց նրան, քայլեց դուռն անց: Գրիգորին թվաց, թե գերու շիկակարմրավուն բեղերի տակից հազիվ նկատելի, շնորհակալական քմծիծաղից շարժվեցին շրթունքները...

Երբ քայլերը լռեցին, Անդրեյանովը հոգնածորեն հանեց ակնոցը, զամշի մի կտորով մանրակրկիտ սրբեց այն, մաղձոտ ասաց.

— Դուք փայլուն կերպով պաշտպանեցիք այդ սրիկային, դա ձեր համոզմունքների գործն է, բայց նրա ներկայությամբ խոսել նազանի մասին, ինձ անհարմար դրության մեջ դնել,— լսեցեք, այդ ի՞նչ բան է:

— Շատ մեծ փորձանք չէ,— հաշտվողաբար պատասխանեց Գրիգորին:

— Ոչ, այնուամենայնիվ իզուր էր դա: Գիտե՞ք, ես կարող էի սպանել նրան: Վրդովեցուցիչ տիպ է: Մինչև ձեր գալը ես կես ժամ գլուխ էի ջարդում նրա հետ: Որչա՛փ նա ստում էր, շփոթեցնում, դես-դեն անում, դիտավորյալ կերպով սուտ տեղեկություններ հաղորդում,— ուղղակի սարսափ: Իսկ երբ ես բռնեցի նրա ստերը, ուղղակի և կտրականապես հրաժարվեց խոսելուց: Միթե՞մ թե սպայական պատիվը նրան թույլ չի տալիս ռազմական գաղտնիքը հայտնել հակառակորդին: Շան որդին սպայական պատվի մասին չէր մտածում այն ժամանակ, երբ ծախվում էր բոլշևիկներին... Կարծում եմ, որ պետք է սուսուփուս զնդակահարել նրան ու հրամանատարական կազմից էլի երկուսին: Մեզ հետաքրքրող տե-

ղեկությունները ստանալու իմաստով նրանք բոլորն էլ անհուսալի են. մոլադար և անուղղելի, հետևաբար չպետք է խնայել նրանց: Դուք ի՞նչ կասեք:

— Դուք ի՞նչպես իմացաք, որ նա վաշտի հրամանատար է,— պատասխանելու փոխարեն հարցրեց Գրիգորին:

— Նրան մատնեց հենց իր կարմիրբանակայիններից մեկը:

— Ես կարծում եմ, որ պետք է զնդակահարել այդ կարմիրբանակայինին, իսկ հրամանատարներին թողնե՛լ,— Գրիգորին սպասողաբար նայեց Անդրեյանովին:

Վերջինս թոթվեց ուսերը և այնպես ժպտաց, ինչպես ժղպտում են, երբ խոսակիցը անհաջող է կատակում:

— Չէ, լուրջ եմ հարցնում, դուք ի՞նչ կասեք:

— Այն, ինչ որ արդեն ասացի:

— Բայց, թույլ տվեք, ի՞նչ նկատառումներով:

— Ինչ նկատառումներով. որպեսզի ռուսական բանակի համար պահպանվի դիսցիպլինան ու կարգը: Երեկ, երբ մենք պառկում էինք քնելու, դուք, պարոն զնդապետ, խիստ բանիմաց կերպով պատմում էիք, թե բոլշևիկներին ջարդելուց հետո ինչպիսի կարգեր պիտի սահմանվեն բանակում, երիտասարդության միջից կարմիր վարակը չբացնելու համար: Ես ձեզ հետ բոլորովին համաձայն էի, հիշո՞ւմ եք:— Գրիգորին թիմարում էր բեղերը, ու հետևելով զնդապետի զեմքի փոխվող արտահայտության, խելացիորեն ասում էր:— Իսկ հիմի դուք ի՞նչ եք առաջարկում: Հենց դրանով դուք ապականություն եք մտցնում: Ուրեմն թող զինվորները մատնեն իրենց հրամանատարներին, հա՞-ա: Դրանով դուք նրանց ի՞նչ եք սովորեցնում: Իսկ եթե ես ու դուք այդպիսի դրության մեջ ընկնենք, այն ժամանակ ի՞նչ կլինի: Ոչ, ներեցե՛ք, ես այստեղ կհակառակվեմ: Ես դեմ եմ:

— Ինչպես կուզեք,— սառն ասաց Անդրեյանովը և ուշադրությամբ նայեց Գրիգորին: Նա լսել էր, որ ապստամբական դիվիզիայի հրամանատարը քմահաճ և մի քիչ տարօրինակ է, բայց այսպիսի բան նրանից չէր սպասում: Նա միայն ավելացրեց.— Մենք սովորաբար այդպես ենք վարվել գերի բռնված կարմիր հրամանատարների և մանավանդ նախկին

սպանների նկատմամբ: Դուք ինչ-որ նոր բան եք ասում... Ու ինձ համար այնքան էլ հասկանալի չէ ձեր վերաբերմունքը կարծես թե անվիճելի այս հարցի նկատմամբ:

— Մենք սովորաբար նրանց սպանում էինք մարտում, եթե այդ հաջողվում էր, բայց գերիներին իզուր տեղը չէինք գնդակահարում,— կարմրատակելով պատասխանեց Գրիգորին:

— Լավ, խնդրեմ, նրանց կուղարկենք թիկունք,— համաձայնվեց Անդրեյանովը:— Հիմի մի ուրիշ հարց. գերիների մի մասը,— Սարատովի նահանգի մոբիլիզացված գյուղացիներ,— ցանկություն հայտնեց կովել մեր շարքերում: Մեր հրորդ հետևակ գունդը երեք հարյուր սվին էլ չունի: Արդյոք դուք հնարավոր եք համարում մանրակրկիտ ընտրությունից հետո գերի կամավորների մի մասը միացնել այդ գնդին: Գրա մասին բանակի շտաբից ստացված որոշակի ցուցումներ կան մեզ մոտ:

— Ես ոչ մի մուժիկ չեմ վերցնի ինձ մոտ: Թող մեր կորուստները կազակներով լրացնեն,— կտրականապես հայտարարեց Գրիգորին:

Անդրեյանովը փորձեց համոզել նրան.

— Լսեցեք, շվիճենք: Ինձ համար հասկանալի է ձեր ցանկությունը՝ դիվիզիայում միատարր կազակական կազմ ունենալ, բայց անհրաժեշտությունը մեզ ստիպում է շխորշել նաև գերիներից: Նույնիսկ կամավորական բանակում որոշ գնդեր գերիներով են կոմպլեկտավորվում:

— Նրանք ինչ ուզում են թող անեն, իսկ ես հրաժարվում եմ մուժիկներին ընդունելուց: Եկեք էլ շխտենք դրա մասին,— կտրուկ ասաց Գրիգորին:

Մի քիչ հետո նա դուրս եկավ գերիների ուղարկման մասին կարգադրություն անելու: Իսկ ճաշի ժամանակ Անդրեյանովը հուզմունքով ասաց.

— Ակներև է, որ ես ու դուք չենք կարող միասին աշխատել:

— Ես էլ եմ կարծում,— անտարբեր պատասխանեց Գրիգորին: Չնկատելով Սուլինի ժպիտը, նա ափսեից մատներով վերցրեց ոշխարի մի կտոր եկած միս, սկսեց գալլի պես այն-

պիսի ղոճղոճոցով ծամել պինդ կոճիկը, որ Սուլինը կնճոտեց ճակատը, ինչպես ուժեղ ցավից, և նույնիսկ մի վայրկյան փակեց աչքերը:

Երկու օրից հետո գնեցրալ Սայլնիկովի զորախումբը շարունակեց նահանջող կարմիր զորամասերի հետապնդումը, իսկ Գրիգորին շտապ կանչեցին զորախմբի շտաբը, ու շտաբի պետը,— տարեց, բարեսես մի գնեցրալ,— նրան ծանոթացնելով ապստամբական բանակը ցրելու վերաբերյալ Գոնի բանակի հրամանատարի հրամանին, ուղղակի ասաց.

— Կարմիրների դեմ պարտիզանական պատերազմ մղելով, դուք հաջողությամբ էիք ղեկավարում դիվիզիան, իսկ այժմ մենք չենք կարող ձեզ վստահել ոչ միայն դիվիզիայի, այլև գնդի հրամանատարությունը: Դուք ռազմական կրթություն չունեք, և լայն ռազմաճակատի, մարտը վարելու ժամանակակից մեթոդների պայմաններում դուք չեք կարող զորական խոշոր միավորի հրամանատար լինել: Դուք համաձայն եք ասածիս հետ:

— Այո,— պատասխանեց Գրիգորին,— ես ինքս էի ուզում հրաժարվել դիվիզիայի հրամանատարությունից:

— Շատ լավ է, դուք չեք գերազնահատում ձեր հնարավորությունները: Այժմյան երիտասարդ սպանների մոտ այդ հատկությունը խիստ հազվագեպ է: Այսպես ուրեմն, ռազմաճակատի հրամանատարի հրամանով դուք նշանակվում եք 19-րդ գնդի շորրորդ հարյուրյակի հրամանատար: Գունդը այժմ երթումն է, այստեղից մի քսան վերստ հեռու, Վյալնիկով խուտորի մերձակայքում: Մեկնեցեք այսօր եթե, ժայռահեղ գեպքում՝ վաղը: Դուք կարծես ուզում եք մի բան ասել:

— Ես ուզում էի, որ ինձ նշանակեիք տնտեսական մաս:

— Այդ անկարելի է: Դուք անհրաժեշտ կլինեք ռազմաճակատին:

— Ես երկու պատերազմի ընթացքում տասնչորս անգամ վիրավորվել ու կոնտուզիա եմ ստացել:

— Դա նշանակություն չունի: Դուք ջահել եք, հիանալի տեսք ունեք և դեռ կարող եք կովել: Ինչ վերաբերվում է վի-

րավորված լինելուն, ապա սպաներից ո՞վ չի վիրավորված։  
Կարող եք գնալ։ Ամենայն հաջողությամբ։

Հավանորեն դժգոհությունը կանխելու համար, որ ապրու-  
տամբական բանակը լուծելու ժամանակ անխուսափելիորեն  
պետք է առաջանար վերին ղոնեցիների մեջ, ապստամբու-  
թյան ընթացքում աչքի ընկած շարքային շատ կազակներին  
Ուստ-Մեդվեդիցկայան գրավելուց հետո անմիջապես ավելի  
բարձր կոչումներ տվին, գրեթե բոլոր վախժատները փոխ-  
խորունժի կոչում ստացան, իսկ ապստամբության մասնա-  
կից սպաներին ավելի բարձր աստիճաններ և պարգևներ  
տվին։

Գրիգորին էլ շնորհակցեց. նրան հարյուրապետի աստի-  
ճան տվին, բանակին տրված հրամանում նշեցին նրա աչ-  
քի ընկնող ծառայությունները կարմիրների դեմ ուղղված  
պայքարում և շնորհակալություն հայտնեցին։

Լուծումը կատարեցին մի քանի օրում։ Դիվիզիաների  
ու գնդերի անգրագետ հրամանատարներին փոխարինեցին  
գեներալներն ու գնդապետները, հարյուրյակների հրամանա-  
տարներ նշանակվեցին փորձված հրամանատարները. ամ-  
բողջովին փոխվեց մարտկոցների և շտաբների հրամանա-  
տարական կազմը, իսկ շարքային կազակները ուղարկվեցին  
համալրելու Դոնեցի ավազանում, մարտերում մեծ կորուստ-  
ներ ունեցած Դոնի բանակի համարակալված գնդերը։

Գրիգորին իրիկնադեմին հավաքեց կազակներին, հայ-  
տարարեց դիվիզիայի լուծման մասին ու, հրաժեշտ տալով,  
ասաց.

— Ավել-պակասը կներեք, հայրենակիցներ։ Միասին ծա-  
ռայեցինք, գերությունը ստիպեց այդ, իսկ այսօրվանից ջոկ-  
ջոկ պիտի քաշենք մեր քամբախտությունը։ Ամենազխաժո-  
րը — գլուխներդ լավ պահեցեք, որ կարմիրները չխփեն  
դրանց։ Մեր գլուխները թեև խելոք չեն, բայց չպետք է դրանք  
գնդակների տակ պահել։ Դրանցով հլա դեռ պետք է մտա-  
ծել, թունդ մտածել, թե հետո ինչ պետք է անել...

Կազակները ճնշված լուռ էին, հետո բոլորն էլ միանա-  
ցամից, տարբեր և խուլ ձայներով սկսեցին խոսել.

— էլի սկսվո՞ւմ է հինը։

— Բա հիմի մեզ ո՞ւր պիտի ուղարկեն։

— Ժողովրդին ճնշում են, շա՛ն որդենիք։

— Չենք ցանկանում լուծվել։ Այդ ի՞նչ նոր կարգեր են։

— է-է՛, տղերք, միավորվեցինք, որ մեր գլխին փոր-  
ձանք գա...

— Նոցին բարեծննդությունները էլի սկսում են նեղել մեզ։

— Հիմի պինդ կացեք, հա՛-ա։ Պիտի սկսեն հա՛ դգել  
հողերդ...

Գրիգորին սպասեց մինչև նրանց հանդարտվելը, ասաց.

— Զուր տեղն եք ձեռներդ դոռ տալի։ Վերջացավ հեշտ  
ժամանակը, երբ կարելի էր քննարկել հրամանները ու հա-  
կառակվել պետերին։ Գնացեք ձեր բնակարանները ու քիչ  
բանեցրեք լեզուներդ, թե չէ հիմիկվա ժամանակներում դրանք  
կհասցնեն ոչ թե Կիև, այլ հենց դաշտային դատարանները  
և պատժական հարյուրյակները։

Կազակները մոտենում էին դասակներով, ձեռք տալով  
հրաժեշտ էին տալիս Գրիգորիին, ասում էին.

— Մնաս բարով, Պանտելեիչ։ Դու էլ մեզ ների ավել-  
պակասը։

— է-է՛, մեզ համար հեշտ չի լինի օտարների հետ ծա-  
ռայություն կատարելը։

— Դու զուր տեղը մեզ թողիր։ Չհամաձայնվեիր դիվի-  
զիան հանձնել, էլի՛։

— Ափսոսում ենք քեզ, Մելեխով։ Օտար հրամանատար-  
ները կարելի է թե քեզանից ավելի ուսումով են, ամա դրա-  
նով մեր վիճակը ոչ թե թեթև, այլ ծանր կլինի, ա՛յ թե որն  
է գժբախտությունը։

Միայն մի կազակ, որ նապոլով խուտորից էր, մասխարա  
ու սրախոս, — ասաց.

— Դու, Գրիգորի Պանտելեիչ, մի հավատա սրանց։ Մե-  
րոնց հետ աշխատես թե ուրիշների հետ, մեկ է, ծանր է,  
եթե աշխատանքը խղճովդ չի։

Գիշերը Գրիգորին օդի խմեց Նրմակովի ու մյուս հրամա-  
նատարների հետ, իսկ առավոտյան իր հետ վերցրեց Պրոխոր  
Չիկովին ու մեկնեց 19-րդ գնդին հասնելու։

Գնու շէր ընդունել հարյուրյակը և ինչպես հայրին է ծանոթացել մարդկանց հետ, երբ նրան կանչեցին զնդի հրամանատարի մոտ: Վաղ առավոտ էր: Գրիգորին զննեց ձիերը, ուշացավ ու մի կես ժամից հետո ներկայացավ: Նա սպասում էր, որ զնդի հրամանատարը, որ խիստ ու պահանջկոտ էր սպաների նկատմամբ, իրեն նկատողութիւն կանի, բայց զնդի հրամանատարը շատ սիրալիր կերպով բարեկեց, հարցրեց. «է՛, ի՞նչպես եք գտնում հարյուրյակը, լա՞վ են մարդիկ», ու առանց պատասխանի սպասելու, Գրիգորիին կողքից ինչ-որ տեղ նայելով, ասաց.

— Ա՛յ թե ինչ, սիրելիս, ես պետք է մի շատ տխուր նորութիւն հաղորդեմ ձեզ... Ձեր տանը մեծ դժբախտութիւն է պատահել: Այս գիշեր Վեշենսկուց հեռագիր է ստացված: Ձեզ մի ամսվա արձակուրդ եմ տալիս ընտանեկան գործերը կարգավորելու համար: Մեկնեցեք:

— Տվեք հեռագիրը, — գունատվելով ասաց Գրիգորին:

Նա վերցրեց շորս տակ ծալած թուղթը, բացեց, կարդաց, ճմռթեց վայրկենապես քրտնած ձեռքով: Պահանջվեց մի թեթև ջանք, որպեսզի հավաքեր ինքն իրեն, և նա լոկ մի փոքր կակազեց, երբ ասաց.

— Այո, ես այդ չէի սպասում: Ուրեմն ես մեկնում եմ: Մնաք բարով:

— Չմոռանաք արձակուրդի վկայական վերցնել:

— Այո, այո: Շնորհակալութիւն, շեմ մոռանա:

Նա դուրս եկավ վստահորեն ու հաստատ քայլելով, ըստ սովորութիւնի թուրք գետնից վեր պահած, բայց երբ սկսեց, իջնել մուտքի բարձր սանդուղքից, հանկարծ այլևս չլսեց իր իսկ քայլերի ձայնը և անմիջապես զգաց, թե ինչպես սուր ցավը սվինի պես խոցեց սիրտը:

Ներքևի սանդղաստիճանի վրա նա ճռճվեց ու ձախ ձեռքով բռնեց խախտտ բազրիքից, իսկ աշով արագ արձակեց վերնաշապկի օձիքը: Մի րոպե կանգնած էր խոր ու արագ շնչելով, բայց այդ րոպեի ընթացքում նա ասես հարբեց առանջանքից, ու երբ կտրվեց բազրիքից ու գնաց բակի դռան մոտ կապված ձիու կողմը, քայլերն արդեն ծանր էին, նա մի փոքր օրորվում էր:

Գարյայի հետ ունեցած խոսակցութիւնից հետո նատալյան մի քանի օր այնպիսի զգացմունք էր ապրում, որպիսին լինում է քնի մեջ, երբ ծանր ճնշում է վատ երազը և արթնանալու ուժ չի լինում: Նա պատշաճավոր պատրվակ էր փնտրում, որպեսզի գնար Պրոխոր Զիկովի կնոջ մոտ ու փորձեր նրանից իմանալ, թե նահանջի ժամանակ Գրիգորին ինչպես էր ապրում Վեշենսկում և Ակսինյայի հետ տեսնելով՝ էր թե ոչ: Նա ուզում էր պարզել ամուսնու մեղքը, իսկ Գարյայի խոսքերին և հավատում էր, և չէր հավատում:

Ուշ երեկոյան նա մոտեցավ Զիկովի տանը՝ անհոգ թափահարելով ճիպոտը: Պրոխորի կինը գործերը վերջացրած լինելով, նստել էր դարպասի մոտ:

— Բարև, զինվորակին. մեր հորթը չե՞ս տեսել, — հարցրեց նատալյան:

— Բարև, անուշա. չէ՛, չեմ տեսել:

— Այնպես փշացածն է անտերը. տանը իսկի չի լինում: Զգիտեմ որտեղ փնտրեմ:

— Կաց, մի քիչ հանգստացիր, կգտնվի: Սեմիշկա կուղե՞ս:

Նատալյան մոտեցավ, նստեց: Սկսվեց կանացի անպաճույճ խոսակցութիւնը:

— Մարդուցդ խաբար չկա՞, — հետաքրքրվեց նատալյան:

— Չէ: Ոնց որ թե սկել է անիծվածը: Իսկ քո մարդը խաբար է դրկել, թե ինչ:

— Չէ: Գրիշան խոստացել էր գրել, ամա նամակ չի գալի: Խախն ասում է, որ միթամ մերոնք Ուստ-Մեդվեդիցայից դենն են գնացել, դրանից ջոկ ուրիշ բան չեմ լսել:— Նատալյան շուտ տվեց խոսակցութիւնը՝ շոշափելով վերջին ժամանակների նահանջը Դոնի մյուս կողմը, սկսեց զգուշութեամբ հարցնուփորձ անել, թե կազակներն ինչպես էին ապրում Վեշենսկում և խուտորցիներից ով էր լինում նրանց հետ: Պրոխորի խորամանկ կինը զլխի ընկավ, թե նատալյան ինչու էր եկել իր մոտ, ու վերջինիս զուսպ, չոր պատասխաններ էր տալիս:

Ամուսնու պատմածներից նա ամեն ինչ գիտեր Գրիգոր-

րիի մասին, ու թեև նրա լեզուն քոր էր գալիս, նա վախենում էր պատմել, հիշելով Պրոխորի նախազուշացումը. «Լավ իմացիր, թե դրա մասին մի խոսք ասես մեկն ու մեկին, գլուխդ կդնեմ քոթուկի վրա, մունտոկի լեզուդ մի արշին դուրս կքաշեմ ու կկտրեմ: Եթե դրա մասին լուր հասնի Գրիգորիին, նա ոտքի վրա, հենց գործի ժամանակ կսպանի ինձ: Իսկ ինձ մեռնակ դու ես զգվեցրել, կյանքը հլա չի զգվեցրել, հասկացա՞ր: Գե, սուս կմնաս, ոնց որ թե սատկած լինես»:

— Քո Պրոխորը վեշկիում չէ՞ր տեսնում Ակսինյա Աստախովային,— արդեն ուղղակի հարցրեց համբերությունը կորցրած Նատալյան:

— Ո՛րտեղից տեսներ նրան: Դրա համար նրանք մի՞թե ժամանակ ունեին: Աստված վկա բան չգիտեմ, Միրոնովնա, ու դրա մասին դու ինձ մի հարցնի: Իմ շեկո սատուհից իսկի կարդին բան չես իմանա: Նրա խոսքը միայն այս է՝ բեր և ընդունի:

Այսպես, առանց որևէ բան իմանալու գնաց էլ ավելի վրդովված ու հուզված Նատալյան: Բայց նա այլևս չէր կարող անտեղյակ մնալ, հենց դա էլ նրան դրդեց անցնել Ակսինյայի մոտ:

Միմյանց հարևան լինելով, նրանք վերջին տարիներին հաճախ էին հանդիպում, լուռ բարևում իրար, երբեմն մի քանի խոսք փոխանակում: Անցել էր այն ժամանակը երբ նրանք հանդիպելիս առանց բարևելու ատելություն մը լեցուն հայացքներով էին նայում իրար. փոխադարձ թշնամանքի սրությունը մեղմացել էր, ու Նատալյան, գնալով Ակսինյայի մոտ, հույս ուներ, որ վերջինս իրեն չի վռնդի և անպատճառ կխոսի Գրիգորիի մասին: Ու Նատալյայի ենթադրությունները սխալ չէին:

Զթաքցնելով զարմանքը, Ակսինյան նրան հրավիրեց օթախը, ծածկեց պատուհանների վարագույները, վառեց լույսը, հարցրեց.

— Հը՛, ի՞նչ լավ գործով ես եկել:

— Ես լավ գործով չեմ գա քեզ մոտ...

— Ասա վատը: Գրիգորի Պանտելեիչին փորձա՞նք է պատահել:

Ակսինյայի հարցը այնպիսի խորունկ, չթաքցրած անհանգստություն արտահայտեց, որ Նատալյան ամեն ինչ հասկացավ: Մի նախադասությամբ արտահայտվեց ամբողջ Ակսինյան, բացվեց այն ամենը, ինչով ապրում և ինչից վախենում էր նա: Դրանից հետո, ըստ էության, կարիք էլ չկար հարցնել նրա և Գրիգորիի հարաբերությունների մասին, սակայն Նատալյան չգնաց. մի քիչ ուշացնելով պատասխանը, նա ասաց.

— Զէ, մարդս ողջ-առողջ է, մի վախենա:

— Ես չեմ վախենում, ո՞րտեղից վերցրիր դա: Գու պետք է մորմոքվես նրա առողջության համար, իսկ իմ հոգս ու ցավը ինձ հերիք է.— Ակսինյան ազատ էր խոսում, բայց զղալով, որ արյունը խփում է դեմքին, արագ մոտեցավ սեղանին ու, մեջքը Նատալյայի կողմը դարձրած, երկար ուղղում էր առանց այն էլ լավ վառվող լամպի բոցը:

— Քո Ստեպանից լուր կա՞:

— Օրեր առաջ բարև էր ուղարկել:

— Ողջ-առողջ է նա:

— Երևի.— Ակսինյան թոթվեց ուսերը:

Այստեղ էլ նա շկարդացավ կեղծել, թաքցնել իր զգացմունքները. այդ պատասխանը այնքան պարզ ցույց տվեց ամուսնու բախտի նկատմամբ նրա անտարբերությունը, որ Նատալյան ակամա ժպտաց:

— Երևում է, որ դու շատ չես քաշում նրա դարդը... էհ, դա քո գործն է: Ես այ՛ թե ինչի համար եմ եկել. խուտորում ասում են, թե Գրիգորին էլի հանդիպում է քեզ, էլի դուք տեսնվում եք, երբ նա տուն է գալի: Այդ ճի՞շտ է:

— Մա՛րդ գտար այդ բանը հարցնելու, էլի,— հեգնանքով ասաց Ակսինյան:— Արի ես քեզ հարցնեմ՝ ճի՞շտ է դա, թե ոչ:

— Վախենո՞ւմ ես ճշմարտությունը ասել:

— Զէ, չեմ վախենում:

— Ուրեմն ասա, որ ես գիտեմ, շտանջվեմ: Ինչի՞ գուր տեղը ինձ մաշել:

Ակսինյան կկոցեց աչքերը, շարժեց սև հոնքերը:

— Մեկ է, ես քեզ չեմ խղճա,— կտրուկ ասաց նա:— Իմ ու քո գործն այսպես է. ես տանջվում եմ, քեզ համար լավ է,

դու տանջվում ես, ինձ համար է լավ... Երկուսս էլ հո մեկին ենք սիրում, չէ՞: Դե, ես քեզ կասեմ ճշմարտությունը, որ առաջուց գիտեանաս: Այդ բոլորը ճիշտ է, դուր չեն ասում: Էլի ես տիրացել եմ Գրիգորիին ու հիմի կաշխատեմ ձեռքիցս բաց շթողնել նրան: Դե, սրանից հետո դու ի՞նչ պիտի անես. տանս ապակիները պիտի ջարդես, թե՞ դանակով մորթես:

Նատալյան վեր կացավ, հանդույց կապեց ճկուն ճիպոտը, շպրտեց գեպի վառարանը և իրեն ոչ հատուկ վճռականությամբ պատասխանեց.

— Հիմի ես քեզ ոչ մի վատ բան չեմ անի: Կսպասեմ, կգա Գրիգորին, կխոսեմ նրա հետ, հետո կտեսնեմ, թե ոնց պիտի վարվեմ ձեզ, երկուսիդ հետ: Ես երկու երեխա ունեմ, կպաշտպանեմ նրանց է՛լ, ինձ է՛լ:

Ակսինյան ժպտաց:

— Ուրեմն ես հլա դեռ կարող եմ ապրել առանց վախենալո՞ւ:

Չհասկանալով հեզնանքը, Նատալյան մոտեցավ Ակսինյային, շոշափեց նրա թևքը:

— Ակսինյա, ամբողջ կյանքումս դու փակում ես իմ ճամփեն, բայց ես հիմի քեզից ոչինչ չեմ խնդրի, հիմի այն ժամանակը չի, մի՞տղ է: Այն ժամանակ ես ավելի ջահել էի, անխելք էի, կարծում էի, որ եթե քեզ խնդրեմ, կխղճաս, գու՞թ կանես ու կհրաժարվես Գրիգորիից: Հիմի չեմ խնդրի: Ես գիտեմ, որ դու նրան չես սիրում, այլ լինում ես նրա ետևից, որովհետև սովոր ես այդ բանին: Մի՞թե դու երբևիցե նրան այնպես ես սիրել, ինչպես ես: Երևի ոչ: Դու կիստնիցկու հետ էիր լինում, էլ ո՞ւմ հետ ասես, որ չես եղել դու, ման եկող կնիկ: Երբ որ սիրում են, այդպես չեն անում:

Ակսինյան գունատվեց. Նատալյային ձեռքով ետ մղելով, վեր կացավ սնդուկից:

— Նա ինձ դրանով չէր փնտրում, իսկ դու փնտրում ես, հա՞-ա: Քո ի՞նչ գործն է: Լավ, ես վատն եմ, իսկ դու լավն ես, հետո ի՞նչ:

— Ես ամեն բան ասի: Մի հերքոտի: Հիմի կերթամ: Ենորհակալ եմ, որ ասեցիր ճշմարտությունը:

— Չարժե, շնորհակալություն մի ասա, առանց ինձ էլ կհիմանայիր: Մի քիչ կաց, ես քեզ հետ դուրս կգամ պատու-

հանների փեղկերը ծածկելու:— Ակսինյան մուտքի սանդուղքի վրա մի փոքր կանդ առավ, ասաց.— ես ուրախ եմ, որ մենք հաշտ կերպով, առանց կովելու ենք բաժանվում, բայց վերջին անգամ այ թե ինչ կասեմ քեզ, սիրելի հարևանուհի. թե որ կարողացար, կվերցնես նրան, իսկ թե չէ, չնեղանաս: Ես էլ իմ հոժար կամքով չեմ հրաժարվի նրանից: Հասակս ջահել չի, ու ես, չնայած դու ինձ ման եկող անվանեցիր,— ձեր Դաշկան չեմ, այդ տեսակ գործերով կյանքումս չեմ զբաղվել: Դու գոնե երեխեք ունես, իսկ ես,— Ակսինյայի ձայնը դողաց, ավելի խուլ ու ցածր հնչեց,— ես մենակ նրան ունեմ արար-աշխարհում: Առաջինն ու վերջինն է: Գիտե՞ս ինչ, եկ էլ շխտեսք նրա մասին: Երկնային թագավորը մահվանից կպաշտպանի նրան, նա սաղ կմնա, կվերադառնա, ինքը կընտրի...

Նատալյան գիշերը շքնեց, իսկ առավոտյան Իլլինիչնայի հետ գնաց բանջարանոցը քաղհանելու: Աշխատանքի մեջ նա իրեն ավելի լավ էր զգում: Նա ավելի քիչ էր մտածում թորիսը հավասարաշափ խփելով արևի շորացրած ավազոտ կավահողի կտորներին, որոնք փշրվում էին, երբեմնակի կանգ էր առնում, որ հանգստանար, սրբեր դեմքի քրտինքը ու ջուր խմեր:

Կապույտ երկնքում սահում ու հալում էին քամու ծվատած սպիտակ ամպերը: Արևի ճառագայթները կիզում էին տաքացած գետինքը: Արևելքից անձրև էր սպասվում: Նատալյան առանց գլուխը բարձրացնելու մեջքով զգում էր, թե ինչպես վրա հասած ամպը ծածկում էր արևը. մի ակնթարթ փչեց հովը, գորշ ստվերը շեշտակի փովեց թուխ, թեժացած գետնքի, ձմերուկի ճյուղավորված ոստերի, արևածաղկի բարձր ցողունների վրա: Ստվերը ծածկում էր բլրալանջի վրա փոված բուստանները, տոթից նվաղած ու պառկած խոտաբույսերը, մյենու և վայրի սալորենու թփերը՝ թռչունների ծեռոտած, գլխիկոր տերևներով: Ավելի զիլ էր հնչում լորի լարված կանչը, ավելի հստակ էր լսվում արտույտների դուրեկան երգը, ու նույնիսկ քամին, օրորելով տաքացած բույսերը, ավելի զով էր թվում: Հետո էլ արևը շեղակի թափանցեց գեպի արևմուտք սահող ամպի կուրացուցիչ-սպիտակ եզրի տակից ու, բացվելով, նորից լույսի ոսկեհուր, շողշողուն հեղեղներ թափեց երկրի վրա: Հեռու-հեռվում, Դոնի շրջակա լեռների կապուտակ ճյուղերի վրա ամպը ուղեկցող ստվերը դեռ տնտղում ու



մթագնում էր գետինքը, իսկ բոստանների վրա արդեն իշխում էր սաթի պես դեղին կեսօրը, հորիզոնում դողում, փայլվում էր հոսանուտ մուժը, ավելի հեղձուկ էր հողի ու նրա սնած խոտաբույսերի բույրը:

Կեսօրին Նատալյան գնաց ձորակում փորված ջրհորը, սափորով շատ պաղ ջուր բերեց: Նա և Իլլինիչնան ջուր խմեցին, լվացին ձեռքերը, թեժ արևի տակ նստեցին ճաշելու: Իլլինիչնան փռած գոգնոցի վրա կանոնավոր կերպով հաց կտրեց, տոպրակից հանեց գդալները, թասը, բերեց վերարկուով արևից ծածկած, մածոնով լիքը, բուկը նեղ սափորը:

Նատալյան տհաճությամբ էր ուտում, ու կեսուրը հարցրեց.

— Վաղուց տեսնում եմ, որ դու մի տեսակ փոխվել ես... Քո և Գրիշայի մեջ հո բան չի՞ պատահել:

Նատալյայի հողմահար շուրթերը ցավագին դողդողացին.

— Նա, մայրիկ, էլի Ակսինյայի հետ է ապրում:

— Այդ... ո՞ր տեղից է հայտնի:

— Երեկ ես եղա Ակսինյայի մոտ:

— Եվ նա, այդ դարձվորը խոստովանե՞ց:

— Այո:

Իլլինիչնան մի փոքր լռեց. մտածումների մեջ ընկավ: Բարկությունը ստվերեց նրա կնճռոտ դեմքը, շարժեց շուրթերի անկյունները:

— Կարելի է նա, անիծվածը, զուր տեղը պարծենում է, հը՞:

— Չէ, մայրիկ, ի՞նչ պարծենալ, ճիշտ է...

— Լավ չես մտիկ արել Գրիշային... — զգուշությամբ ասաց պառավը. — աչքդ չպիտի կտրես այդ տեսակ էրիկից:

— Ո՞նց բռնես: Ես նրա խղճի վրա էի հույս դնում... Մի՞թե նրա փեշը պետք է կարեի փեշիս: — Նատալյան դառը ժպտաց, հազիվ լսելի ձայնով ավելացրեց. — նա հո Միշտական չի, որ սաստես: Մազերի կեսը ճերմակել է, իսկ նա հինը չի մոռանում...

Իլլինիչնան լվաց ու սրբեց գդալները, ողողեց թասը, աման-չամանը հավաքեց տոպրակի մեջ ու միայն այդ ժառանգակ հարցրեց.

— Ա՞յդ է ամբողջ փորձանքը:

— Ի՞նչ տեսակ կնիկ եք դուք, մայրիկ... Այդ փորձանքն է՛լ հերիք է, որ լույս-աշխարհը սև դառնա:

— Բա դու ի՞նչ ես մտածել:

— Էլ ի՞նչ պիտի մտածես: Կվերցնեմ երեխեքին ու կզրնամ մերոնց մոտ: Նրա հետ էլ չեմ ապրելու: Թող Ակսինյային տուն բերի, ապրի նրա հետ: Հերիք է ինչքան տանջվեցի:

— Ջահել ժամանակս ես էլ էի այդպես մտածում, — հոգոց հանելով ասաց Իլլինիչնան: — Իմ մարդն էլ պակասը չէր: Ինչքա՛ն դարդ եմ քաշել նրա ձեռից, ասել չեմ կարող: Մենակ թե հարազատ էրիկից հեռանալը հեշտ չի, միտք էլ չունի: Որ լավ մտածես, ինքդ կհամոզվես: Երեխեքին հորից վերցնելու տանել, այդ ո՞նց կլինի: Չէ, այդ մեկը դու զուր ես ասում: Իսկի շմտածես էլ դրա մասին, չեմ թույլ տա:

— Չէ, մայրիկ, ես նրա հետ չեմ ապրելու, խոսելն ավելորդ է:

— Ո՞նց թե խոսելն ավելորդ է, — վրդովվեց Իլլինիչնան: — Բա դու իմ հարազատը չե՞ս, ինչ է: Ես հո ձեզ, անիծվածներիդ մեղքանո՞ւմ եմ թե չէ: Եվ դու ինձ, պառավիս, մորդ այդ տեսակ խոսքե՞ր ես ասում, հա՞: Քեզ ասում են՝ գլխիցդ դեն գցի այդ, ուրեմս պրծավ-գնաց: Ի-ի-ի՛հ, միթամ բան ես մտածել՝ «Կերթա՛մ տնից»: Ո՞ր կերթաս: Ձերոնցից ո՞ւմ ես պետք: Հերդ չկա, տունը վառել են, մերդ ուրիշի պատի տակ ուզվորություն անելով պիտի ապրի, ու դու կճխտվես այնտեղ և թոռներիս էլ հետդ կտանես, հա՞-ա: Չէ, անուշս, քո ասածը չի լինի: Կզա Գրիշկան, այն ժամանակ կտեսնենք, թե ինչ կանենք նրան, իսկ հիմի դու ինձ այդ բանը մի՛ ասա, չեմ թույլ տալի ու չեմ լսի:

Այն ամենը, ինչ որ այնքա՛ն երկար կուտակվել էր Նատալյայի սրտում, հանկարծ դուրս թափվեց հեկեկանքների ջղաձգական մոլուցքով: Նա հառաչելով գլխից պոկեց լաշակը, երեսնիվայր ընկավ շոր, անհամբույր հողի վրա ու կուրծքը սեղմելով նրան, հեկեկաց անարցունք:

Իլլինիչնան, — այդ խելոք ու բարի պառավը, — տեղից էլ չշարժվեց: Նա վերարկուով փաթաթեց մածոնի մնացորդով սափորը, դրեց ստվերի մեջ, հետո թասի մեջ ջուր լցրեց, մոտեցավ ու նստեց Նատալյայի կողքին: Նա գիտեր, որ այդպիսի վիշտը խոսքերով չի ամոքվի. գիտեր նա, որ

արցունքներն ավելի լավ են, քան շոր աչքերը և պինդ սեղմը ված շրթունքները: Թողնելով, որ նատալյան լացը կտրի, Իլլինիչնան աշխատանքից կոշտացած իր ձեռքը դրեց հարսի գլխին, ու շոյելով նրա սև, պլպլան մազերը, խստորեն սասաց.

— Դե, հերիք է: Բոլոր արցունքներդ հո չես թափի, մյուս անգամվա համար էլ թող Ա՛ն, ջուր խմի:

Նատալյան հանդարտվեց: Միայն երբեմնակի ցնցվում էին նրա ուսերը ու մարմնով թեթև դող էր անցնում: Անըսպասելիորեն նա վեր թռավ, դեն հրեց Իլլինիչնային, որ թասով ջուրը մեկնել էր նրան ու, երեսը դարձնելով դեպի արևելք, ասես աղոթելու համար արցունքոտ ձեռները կրծքին ծալած, շոտասելուկով, շնչահեղձ լինելով գոչեց.

— Տեր աստված, նա հոգիս բերանս բերեց: էլ ուժ չկա այսպես ապրելու: Աստված, պատժիր նրան, անհիծվածին: Այնտեղ մահ տուր նրան: Թող էլ չապրի, շտանջի ինձ...

Աև, քուլա-քուլա ամպը սողում էր արևելքից: Խուլ թնդում էր որոտը: Ճեղքելով ամպերի կլոր կատարները, գալարվելով, երկնքում սահում էր հրեղեն-սպիտակ կայծակը: Քամին դեպի արևմուտք էր թեքում հեծեծող խոտաբույսերը, ճանապարհից դառն փոշի էր բերում, արևածաղկի սերմնակալած գլխիկները ծոռում համարյա մինչև գետին:

Քամին փոփոացնում էր նատալյայի արձակ մազերը, շորացնում նրա թաց դեմքը, ամեն օրվա գորշ շրջազգեստի լայն փեշը փաթաթում ոտների շուրջը:

Իլլինիչնան մի քանի վայրկյան անտիպապաշտական սարսափով նայում էր հարսին: Վերջինս նրան անծանոթ և ահավոր էր թվում երկնքի կեսը բռնած սև, փոթորկաբեր ամպի ֆոնի վրա:

Շեշտակիորեն վրա էր հասնում անձրևը: Փոթորկին նախորդող լուսթյունը երկար շտեկեց: Տաքնապալից կերպով կոնչաց շեղակի ցածրացող մանրաբազեն, իր բնի մոտ վերջին անգամ ճստճստաց գետնասկյուռը, ուժեղ քամին մանր ավազափոշի շարտեց Իլլինիչնայի դեմքին, ոռնալով սլացավ տափաստանով մեկ: Պառավը դժվարությամբ ոտքի ելավ: Նրա դեմքը մահվան դալկությամբ էր պատած, երբ նա վերահաս փոթորկի աղմուկում խուլ ձայնով բղավեց.

— Խելքդ գլխիդ հավաքի, աստված քեզ հետ, ո՛ւմ համար ես մահ խնդրում:

— Տեր, պատժի նրան, տեր, պատժի,— ճշում էր նատալյան՝ խելագար աչքերը հառելով դեպի այնտեղ, ուր վահորեն և ահասարսուռ կերպով կուտակվում էին մրրիկից ծառս լինող սև ամպերը, որոնք մի ակնթարթ լուսավորվում էին կայծակների կուրացուցիչ բռնկոցներով:

Տափաստանի վերևում շոր ճայթեց որոտը: Վախով բընըված Իլլինիչնան խաշակնքեց, անհաստատ քայլերով մոտեցավ նատալյային, բռնեց նրա ուսից:

— Մունկ շոքիր, լս՛ում ես, նատաշկա, հը՛:

Նատալյան ինչ-որ շտեանող աչքերով նայեց սկեսուրին, ակամա ծունկ շոքեց:

— Թողություն խնդրի աստծուց,— վճռականորեն հրամայեց Իլլինիչնան,— խնդրի, որ շընդունի քո աղոթքը: Ո՛ւմ համար էիր մահ խնդրում. քո երեխքի հարազատ հո՛րը: Օֆ, ինչքա՛ն մեծ մեղք... խաշակնքի, ծունր դիր: Ասա՛՝ «Տեր իմ, ների իմ, անհիծվածիս մեղքը»:

Նատալյան խաշակնքեց, ինչ-որ շնչաց գունաթափ շըրթունքներով ու, ատամներն իրար սեղմելով՝ անհարմար ընկավ կողքի վրա:

Հորդառատ անձրևով լվացված տափաստանը զմայլականորեն կանաչին էր տալիս: Հեռավոր լճակից մինչև Դոն ձգվել էր ծիածանի գունագեղ աղեղը: Արևմուտքում խուլ գոմուռ էր որոտը: Զորակում զիլ կարկաշտունով սլանում էր լեռնային պղտոր հեղեղը: Փոփրակալած առվակները լուռնալանջով, բոստանների միջով հոսում էին ներքև, դեպի Դոն: Նրանք տանում էին անձրևի թափած տերևները, հողից հանած՝ բույսերի արմատները, տարեկանի ջարդված հասկերը: Զրի բերած ավազը փովում էր բոստաններում՝ ծածկելով ձմերուկի ու սեխի ցողունները. ջուրը խայտալով հոսում էր ամառային ճանապարհներով, լցվում աղուրները: Հեռավոր մի ձորակի ճյուղի մոտ դեռ վառվում էր կայծակի հրկիցած խոտի դեզի մնացորդը: Մխի գորշ սյունը բարձրանալով, համարյա հասնում էր երկնքով մեկ ձգված ծիածանին:

Իլլիինիչնան ու Նատալյան յուրեկաները բարձր քշտած, բոբիկ ոտները զգուշությամբ դնելով ցեխոտ, սլկուն ճանապարհին, իջնում էին խուտոր: Իլլիինիչնան ասում էր.

— Գուք, ջահելներդ շատ մեծսրտանի եք, խաչը վկայ: Մի բան եղավ թե չէ, կատաղում եք: Որ այնպես ապրեիր, ինչպես ես եմ ապրել ջահել ժամանակս, ի՞նչ պիտի անեիր: Գրիշկան ձեր ամբողջ կյանքումը իսկի մատով էլ չի բռթել քեզ, ու էլի դու անբավական ես, զարմանք բան արեցիր. հեռանալ էիր ուզում, ուշագնաց լինում, էլ ի՞նչ ասես, որ չէիր անում, աստծուն էլ խառնեցիր ձեր մուտառ գործերի մեջ... Դե հիմի ասա, անուշս, բա այդ լա՞վ բան է, հը՞: Իսկ իմ թոփալ սաղայելը ջահել օրերից մեղցնելու շափ ծեծում էր ինձ, այն էլ զուր տեղը. ես նրա առաջ իսկի էլ մեղավոր չէի լինում: Ինքը մունտոիկութեն էր անում, հերսը գլխիս թափում: Մեկ էլ տեսար զալիս էր առավոտ ծեփին, ես լաց էի լինում դառն արցունքներով, նախատում նրան, իսկ նա ինձ բուռնցքներովը տո՛ւր թե կտաս... Ամիսներով կապուտկած էի լինում, ամա էլի ապրում էի, պահում, մեծացնում երեխեքին ու ոչ մի անգամ էլ միտք չէի անում անից փախնել: Ես չեմ գովում Գրիշկային, բայց այդ տեսակ մարդու հետ դեռ կարելի է ապրել: Թե որ այդ օձը չլիներ, Գրիշկան խուտորի կազակներից առաջինը կլիներ: Կախարդել է նա Գրիշկային, ուրիշ ոչինչ:

Նատալյան երկար ժամանակ լուռ էր քայլում ու ինչ-որ մտածում, հետո ասաց.

— Մայրիկ, ես էլ չեմ ուզում դրա մասին խոսել: Գրիգորին կգա, կտեսնենք, թե ես ինչ պիտի անեմ: Կարելի է ինքս հեռանամ, կամ նա դուրս անի, իսկ հիմի ես ձեր տնից ոչ մի տեղ չեմ գնա:

— Այ, վաղուց պիտի այդպես ասեիր, — ուրախացավ Իլլիինիչնան: — Ասոված կտա, ամեն բան կարգի կընկնի: Նա իսկի էլ գուրս չի անի քեզ, դրա մասին չմտածես է՛լ: Նա այնպես է սիրում քեզ էլ, երեխեքին էլ, որ այդ բանը մըտքովն էլ չի անցկացնի: Չէ՛-է: Նա քեզ չի թողնի ու չի գնա Ակախյային, չի կարող այդ տեսակ բան անել: Դե, մարդ ու կնկա մեջ շատ էլ շատ բան է լինում, ի՞նչ կա որ: Մենակ թե նա ստող գլխով տուն գա...

— Ես նրա մահը չեմ ուզում... Սրտիս հերսից էի ասում այն խոսքերը... Դուք դրա համար մի նախատեք ինձ... Նրան սրտիցս պոկել չի լինի, ամա այսպես ապրելն էլ ծանր է...

— Սիրելիս, հարազատս, բա ես չգիտե՞մ: Մենակ թե առանց մտածելու ոչինչ չպիտի անել: Դուրստ եմ ասում, թողնենք դրա մասին խոսելը: Դու հիմի, ի սեր Քրիստոսի, ալևորին ոչինչ շասես, հա՛-ա: Սա նրա գործը չի:

— Ես ուզում եմ ձեզ մի բան ասել... Գրիգորիի հետ ես կապրեմ թե չէ, հլա հայտնի չէ, բայց նրանից երեխա բերել էլ չեմ ուզում: Այս երեխեքի հոգս ու ցավն էլ հերիք է... Իսկ հիմի ես երեխով եմ, մայրիկ...

— Վաղուց է:

— Երրորդ ամիսն է:

— Դրանից ո՞նց կարող ես պրծնել: Ուզես-չուզես պետք է բերես:

— Չեմ բերի, — վճռականապես ասաց Նատալյան, — հենց այսօր կգնամ Կապիտոնովնա տատի մոտ: Նա ինձ կազատի դրանից... Մի քանի կանանց այդպես է արել:

— Ո՞նց թե, փշացնե՛լ պտուղը: Լեզուդ ո՞նց է դառնում, հը՞, անամոթ: — Վրդովված Իլլիինիչնան կանգ առավ ճանապարհի մեջտեղում, ձեռներն իրար զարկեց: Նա ուզում էր էլի մի բան ասել, բայց հտեկից լավեց անիվների զոզոց, ցելսը կոխկրտող ձիերի սմբակների շաշպոց և մեկի շտապեցնող ձայնը:

Իլլիինիչնան և Նատալյան ճանապարհից մի կողմ անցան՝ իջեցնելով քշտած յուրեկաները: Դաշտից վերադարձող ծերունի Ֆիլիպ Ագեևիչ Բեսխլեբնովը հասավ նրանց, կանգնեցրեց կայտառ զամբիկը:

— Նստեք տանեմ, կնանիք, զուր տեղը մի կոխկրտեք ցելսը:

— Այ շնորհակալություն, Ագեևիչ, թե չէ մենք բեղարիլ ենք սլկալուց, — գոհությամբ ասաց Իլլիինիչնան ու առաջինը նստեց ընդարձակ սայլին:

Ճաշից հետո Իլլիինիչնան ուզում էր խոսել Նատալյայի հետ, ապացուցել, որ կարիք չկա ազատվել հղիությունից.

ամանները լվալով, նա մտքում փնտրում էր իր կարծիքով առավելապես համոզիչ փաստարկները, նույնիսկ մտածում էր նատալյայի մտադրությունը հայտնել ծերունուն և նրա օգնությամբ համոզել վշտից կատաղած հարսին, որ հրաժարվի անմիտ քայլից, բայց, մինչդեռ նա զբաղված էր իր գործերով, նատալյան դադտուկ պատրաստվեց ու գնաց:

— Ո՞րտեղ է նատալյան,— հարցրեց Իլլինիչնան Դունյաշկային:

— Ինչ-որ կապոց արավ ու գնաց:

— Ո՞ւր: Ի՞նչ ասաց: Ի՞նչ կապոց:

— Դե ես ի՞նչ գիտեմ, մայրիկ: Աղլուխի մեջ մաքուր յուրկա ու էլի մի բան դրեց ու գնաց, ոչինչ չասաց:

— Վա՛յ իմ գլխին.— Իլլինիչնան ի զարմանա Դունյաշկայի հուսահատորեն լաց եղավ, նստեց նստարանին:

— Ինչ եղավ ձեզ, մայրիկ. տեր աստված, ինչո՞ւ եք լալիս:

— Կորի, անմուրազ, քո գործը չի: Բա ի՞նչ էր ասում նա: Ինչի՞ դու ինձ շասիր, երբ նա պատրաստվում էր գնալու: Դունյաշկան վրդովված պատասխանեց.

— Ձեզ հետ գործ ունենալը ուղղակի փորձանք է, էլի. ես ո՞րտեղից գիտեմայի, թե դրա մասին պետք է ասեմ ձեզ: Նա հո բոլորովին չի՞ գնացել: Երևի մոր մոտ հյուր էր գնում, և ինչո՞ւ եք դուք լալիս, իսկի բան չեմ հասկանում:

Իլլինիչնան մեծագույն անհանգստությունը սպասում էր նատալյայի վերադարձին: Վախենալով կշտամբանքներից և մեղադրանքներից, որոշեց ոչինչ չասել ծերունուն:

Արևը մայր մտնելիս տափաստանից եկավ նախիրը: Իջավ ամառային կարճատև մթնշաղը: Խուտորում տեղ-տեղ լույսեր վառվեցին, իսկ նատալյան դեռ չկար: Մեկխոսովների տանը իրիկնահացի նստեցին: Հուզմունքից գունատված Իլլինիչնան պատուց յուզի մեջ դադած սոխով էրիշտա դրեց սեղանին: Ծերունին վերցրեց գդալը, քարթու հացի փշուրները լցրեց դրա մեջ, տարավ բեղ ու մորուքի մեջ կորած բերանը, ու մտացրիվ նայելով սեղանի շուրջը նստածներին, հարցրեց.

— Նատալյա՞ն ուր է: Ինչի՞ չեք կանչում հաց ուտելու:

— Տանը չի,— ցածրաձայն պատասխանեց Իլլինիչնան:

— Բա ո՞րտեղ է:

— Երևի մոր մոտ է գնացել և հյուրասիրվում է:

— Այդքան երկար հյուրասիրվե՞լ կլինի Ժամանակն է կարգ ու կանոն գիտենալ...— դժգոհ մոլմոլաց Պանտելեյ Պրակոֆևիչը:

Ինչպես միշտ, նա ջանադրությամբ, եռանդով էր ուտում. երբեմնակի զղալը թարս կողմով դնում էր սեղանին, շեղակի, ուրախ հայացքով նայում իր կողքին նստած Միշտակային, մի քիչ կոպիտ ասում. «Մի քիչ դեսը դարձիր, դավակս, թող սրբեմ պոռչներդ: Մերդ փուչ է, ու ձեզ մտիկ անող չկա...»Ու մեծ, կոշտ, սև ձեռքով սրբում էր թոռնիկի քնքուշ, վարդագույն շրթնիկները:

Լուռ վերջացրին ընթրիքը, վեր կացան սեղանից: Պանտելեյ Պրակոֆևիչը հրամայեց.

— Հանգցրեք լույսը: Նավթը քիչ է և թող զուր տեղը չվառվի:

— Դռները փակե՛մ,— հարցրեց Իլլինիչնան:

— Փակի:

— Բա նատալյա՞ն:

— Կգա — կծեծի: Կարելի է մինչև առավոտ պիտի թյև գա: Այ քեզ մոդա... Դու հո իսկի ձեն չես հանի, քավթառ ջադու: Մտիկ, է, գիշերները հյուր է գնում... Առավոտը ևս նրան ցույց կտամ: Դաշկայից բան է սովորել...

Իլլինիչնան պառկեց առանց հանվելու: Կես ժամ պառկած էր կամացուկ շուռումուռ գալով, հոգոց հանելով, ու հենց նոր էր ուզում վեր կենալ ու գնալ Կապիտոնովնայի մոտ, երբ պատուհանի տակից լսվեցին ինչ-որ մեկի անվստահ, քստքստան քայլերը: Պառավը վեր թռավ իր տարիքին անհամապատասխան աշխուժությամբ, հապճեպ վազեց հաշտը, բացեց դուռը:

Մեռելի պես գունատ նատալյան կառչելով բազրիքից, լքվարությունը բարձրանում էր մուտքի սանդուղքով: Լիալուսինը պարզ լուսավորում էր նրա նիհարած դեմքը, փոքրնկած աչքերը, տանջալից կերպով ծոված հոնքերը: Նա քայլում էր ցնցվելով, ինչպես ծանր վիրավորված գազանը, ու այնտեղ, ուր ոտ էր դնում, մուգ, արյունոտ բիծ էր մնում:

Իլլինիչնան լուռ գրկեց նրան, տարավ հաշտը: Նատալյան մեջքով հենվեց դռան, խոպոտ շնչացա.

— Մերոնք քնա՞ծ են: Մայրիկ, սրբեք ինձնից թափված արյունը... Տեսնում եք, հետք եմ թողել...

— Այդ ի՞նչ ես արե՞լ,— հեկեկանքներից խելզվելով, ցածրաձայն բացականչեց Իլլինիչնան:

Նատալյան փորձեց ժպտալ, բայց ժպիտի փոխարեն ողորմելի ծամածուծությունը աղճատեց նրա դեմքը:

— Կամաց, մայրիկ... Թե չէ կզարթեցնեք մերոնց... Ես պրծա... Հիմի հոգիս հանգիստ է... Մենակ թե շատ արյուն է գալի... Ոնց որ մորթված լինեմ... Տվեք ինձ ձեր ձեռքը, մայրիկ... Գլուխս պտույտ է գալի:

Իլլինիչնան սողնակով փակեց դուռը: Ասես անժանոթ տանը լինեիր,— դողող ձեռքով երկար փնտրում էր ու մթու՞թյան մեջ ոչ մի կերպ չէր գտնում դռան ունկը: Ոտների մատների վրա քայլելով՝ նատալյային տարավ մեծ օթախը. արթնացրեց ու դուրս արեց Դունյաշկային, կանչեց Դարյաչին, վառեց լամպը:

Խոհանոցի դուռը բաց էր և այնտեղից լսվում էր Պանտելեյ Պրակոֆևիչի համաշափ, հուժկու խոմփոցը: Փոքրիկ Պոլյուշկան քնի մեջ քաղցր ճպճպացնում էր շրթունքները ու ինչ-որ թոթովում: Խոր է մանկական առողջ ու հանգիստ քունը:

Մինչդեռ Իլլինիչնան հարդարում էր բարձր ու անկողին պատրաստում, նատալյան նստեց նստարանին, ուժասպառ վիճակում գլուխը դրեց սեղանի ծայրին: Դունյաշկան ուզեց մտնել սենյակը, բայց Իլլինիչնան խստորեն ասաց.

— Հեռացիր, անամոթ, ու էլ չհրևաս: Այստեղ քամվելու դորձ չունես:

Հոնքերը կիտած Դարյան վերցրեց թրջած փալասը, գնաց հաշտը: Նատալյան դժվարությամբ բարձրացրեց գլուխը, ասաց.

— Մահճակալից վերցրեք մաքուր շորերը... Քաթանե կարպետ փոցեք... Մեկ է, կկեղտոտվի...

— Լոիր,— հրամայեց Իլլինիչնան:— Հանվիր, պառկիր: Վա՞տ ես զգում: Գուցե ջո՞ւր բերեմ:

— Թուլացել եմ... Բերեք մաքուր շապիկ ու ջուր:

Նատալյան ճիգ անելով վեր կացավ, երերուն քայլերով մոտեցավ մահճակալին: Իլլինիչնան միայն այստեղ նկա-

տեց, որ նատալյայի արնաշաղախ յուբկան ծանր կախվել, կաշտում է ոտներին: Նա սարսափով էր նայում, թե ինչպես նատալյան, ասես անձրևից թրջված, քամեց փեշը, սկսեց հանվել:

— Ախր դու արնաքամ ես եղել,— փղձկաց Իլլինիչնան:

Նատալյան հանվում էր աչքերը փակելով, ուժգին ու արագ շնչելով: Իլլինիչնան նայեց նրան ու վճռական քայլերով գնաց խոհանոց: Նա դժվարությամբ, հրմշտելով արթնացրեց Պանտելեյ Պրակոֆևիչին, ասաց.

— Նատալյան հիվանդացել է... Շատ վատ է, չլինի՞ թե մեռնի... Հենց հիմի լծիր ձին ու գնա ստանիցայից ֆերշիլ քեր:

— Սարսաղ բաներ ես հնարում: Ի՞նչ է պատահել նրան: Հիվանդացե՞լ է: Թող գիշերները քիչ քարշ գար...

Պառավը կարճ բացատրեց եղելությունը: Կատաղած Պանտելեյ Պրակոֆևիչը վեր թռավ ու, քայլելիս կոճկելով շալվարը, աճապարեց դեպի սենյակը:

— Ախ գարշելի, ախ շան աղջիկ: Այդ ի՞նչ է արել: Կարիքն է նրան ստիպել, հա՞-ա... Հիմի ես նրան շանսատակ կանեմ...

— Գժվե՞լ ես, անիծված... Ո՞ւր ես քշում... Զգնաս այնտեղ, նա քեզ հետ գլուխ չունի... Կզարթեցնես երեխեքին: Գնա բակը ու շուտ լծի ձին...— Իլլինիչնան ուզում էր կանգնեցնել ծերունուն, բայց վերջինս նրան շստելով, մոտեցավ օթախի դռան, աքացելով բացեց այն:

— Այդ ի՞նչ ես արել, սատանի ծնունդ,— գոռաց նա՝ կանգնելով շեմքին:

— Զի կարելի, հայրիկ, ներս մի գա ի սեր քրիստոսի, ներս մի գա,— սուր ճշաց նատալյան՝ հանած շապիկը սեղմելով կրծքին:

Հայհոյանք թափելով, Պանտելեյ Պրակոֆևիչը սկսեց փնտրել կապան, զլխարկը, լծասարքը: Նա այնքան երկար հապաղեց, որ Դունյաշկան այլևս չհամբերեց, ներխուժեց խոհանոց ու արտասովորով վրա տվեց հորը.

— Շուտ գնա, է՛: Ի՞նչ ես պրպտում ոնց որ բզեզը աղբի մեջ: Նատալյան մեռնում է, իսկ դու մի ամբողջ ժամ

մլու ես անում: Ամա թե հայր ես, հա՛-ա: Թե շեա ուզում  
գնալ, այդպես էլ ասա: Ես ինքս կլծեմ ձին ու կերթամ:

— Թյո՛ւ, սրա՛ն տես, կորցրել է խելքը: Կապդ կտրե՞լ  
ես, հա՞: Ակաս-մակաս դո՛ւ էիր պակաս, քոսոտ երինջ:  
Հորդ վրա՞ ես ձվում, մունտոկի:— Պանտելեյ Պրակոֆևիչը  
կապան թափ տվեց աղչկա վրա ու քթի տակին անեծքներ  
մոթմոթալով, դուրս ելավ բակը:

Նրա մեկնելուց հետո տանը բուռն էլ իրենց ավելի ազատ  
զգացին: Դարյան սրբում էր հատակները, զրխկացնելով դես-  
դեն քշում աթոռներն ու նստարանները, Դունյաշկան, որ  
հոր մեկնելուց հետո Իլլինիչնայից թույլտվություն ստացավ  
սենյակ մտնելու, նստել էր նատալյայի մոտ, ուղղում էր  
բարձր, ջուր էր տալիս. Իլլինիչնան երբեմնակի մտնում էր  
կողքի սենյակում քնած երեխաների մոտ ու, վերադառնալով  
սենյակ, թուշը ձեռքին հենելով, երկար նայում էր նատալ-  
յային, տխուր օրորում գլուխը:

Նատալյան պակեկ էր լուռ, բարձի վրա դես ու դեն էր  
դարձնում գլուխը, մազերը զզզված էին, քրտնքից թրջված:  
Նա արյունաքամ էր լինում: Իլլինիչնան յուրաքանչյուր կես  
ժամը մի անգամ խնամքով բարձրացնում էր նրան, հանում  
տիլի պես թաց փոոցը, նորն էր փռում:

Նատալյան ժամ առ ժամ թուլանում էր: Կեսդիշերից անց  
նա բացեց աչքերը, հարցրեց.

— Շո՞ւտ կլուսանա:

— Շատ շուտ,— հանգստացրեց նրան պառավը, իսկ ինքն  
իր մեջ մտածեց. «Ուրեմն չի ապրի. վախենում է, որ ուշքը  
կկորցնի ու չի տեսնի երեխերին...»

Կարծես նրա ենթագիտությունը հաստատելու համար նա-  
տալյան կամացուկ ասաց.

— Մայրիկ, զարթնեցրեք Միշատկային ու Պոլյուշկային...

— Ի՞նչ ես ասում, աղունիկս: Կեսգիշերին ինչի՞ նրանց  
զարթնեցնեմ: Նրանք կվախենան քեզ մտիկ տալով, լաց ու  
կոծ կբարձրացնեն... Ինչի՞ նրանց զարթնեցնել:

— Ուզում եմ տեսնել նրանց... Վատ է վիճակս:

— Աստված քեզ հետ, ի՞նչ ես ասում: Հիմի հերդ կրե-  
րի ֆերշիլին, ու նա կօգնի քեզ: Քնիր, էլի, հա՞, մատաղդ  
լինեմ:

— Ո՛նց քնեմ, է՛,— թեթև վրդովմունք արտահայտեց  
ձայնով պատասխանեց նատալյան: Ու դրանից հետո երկար  
ժամանակ լուռ էր, ավելի հանգիստ էր շնչում:

Իլլինիչնան կամացուկ դուրս եկավ տանից. մուտքի սան-  
դուղքի վրա սկսեց բուռ-բուռ արցունք թափել: Ուռած, կարմ-  
րատակած դեմքով վերադարձավ սենյակ, երբ արևելքում  
հազիվ նշմարվում էր լուսաբացը: Լսելով դռան ճռոցը, նա-  
տալյան բացեց աչքերը, մի անգամ էլ հարցրեց.

— Շո՞ւտ կլուսանա:

— Լուսանում է:

— Ոտներս ծածկեցիք մո:շտակով...

Դունյաշկան ոչխարինու մուշտակը հցեց նրա ստներին,  
կողքերից ուղղեց տաք վերմակը: Նատալյան հայացքով  
շնորհակալություն հայտնեց, հետո կանչեց Իլլինիչնային,  
ասաց.

— Նստեցեք կողքիս, մայրիկ, իսկ դու, Դունյաշկա, դու  
էլ, Դարյա, մի րոպե դուրս ելեք, ես ուզում եմ միայն մայրի-  
կի հետ մի քիչ խոսել... Գնացի՞ն նրանք,— առանց աչքերը  
բաց անելու հարցրեց նատալյան:

— Գնացին:

— Հայրիկը դեռ չի՞ եկել:

— Շուտով կգա: Դու ավելի վա՞տ ես զգում քեզ, հա՞:

— Ոչ, միևնույն է... Այ թե ինչ էի ուզում ասել... Ես,  
մայրիկ, շուտով կմեռնեմ... Սիրտս զգում է: Ինչքա՛ն արյուն  
գնաց ինձանից, վա-ա՛յ: Դուք ասեք Դաշկային, որ նա, երբ  
վառարանը վառի, շատ ջուր դնի... Դուք ինքներդ լողացրեք  
ինձ, շեմ ուզում, որ ուրիշները...

— Նատալյա, խաչ հանի, զավակս: Ինչի՞ խոսեցիր մահ-  
վան մասին: Աստված ողորմած է, կլավանաս:

Նատալյան ձեռքի թույլ շարժումով սկեսուրին խնդրեց  
լռել, ասաց.

— Դուք խոսքս մի՛ կտրեք... Ես արդեն խոսել էլ չեմ  
կարողանում, ամա ուզում եմ բան ասել... էլի գլուխս  
պտույտ է գալի... Ջրի մասին ես ձեզ ասի՞: Հա՛, ուրեմն ես  
ուժով եմ... Կապիտոնովնան վաղուց էր արել այս բանը,  
ճաշին, հենց որ գնացի իր մոտ... Խեղճը ինքն էլ վախե-  
ցավ... Օ՛յ, շատ արյուն գնաց ինձնից... Մենակ թե մինչև

առավոտ ապրեմ... Շատ ջուր տաքացրեք... Ուզում եմ մաքուր լինել, երբ մեռնեմ... Մայրիկ, ինձ հագցրեք կանաչ յուրկաս, որ հաշիայով բոլորք ունի... Գրիշան սիրում էր, երբ ես այդ էի հագնում... ու պապիկին կոֆտաս... սնդուկում է, վերևից, աչ անկյունում, շալիս տակ է դրված... Երբ որ ես մեռնեմ, երեխեքին թող տանեն մերոնց մոտ... Դուք կանչեիք մորս, էլի՛, թող հիմի գա... Ես արդեն պետք է մնաս բարով ասեմ... Վերցրեք տակիս շորը: Բոլորովին թաց է...

Իլլինիչնան նատալյայի մեջքի տակից բռնելով, քիչ բարձրացրեց նրան, դուրս քաշեց փողոցը, մի կերպ դրեց նորը: Նատալյան կարողացավ շնչալ:

— Ինձ դարձրեք... կողքիս վրա, — ու անմիջապես կորցրեց գիտակցությունը:

Կապտավուն լուսաբացը նայեց պատուհաններից: Դուն-յաշկան լվաց դուլը, զնաց կովերը կթելու: Իլլինիչնան բացեց պատուհանը, ու ամառային առավոտվա զվարթացուցիչ, թարմ ու հաճելի զովը ներխուժեց սենյակը, ուր տարածված էր թարմ արյան, այրված նավթի ծանր հոտը: Քամին բալնու տերևներից ցող — արցունքներ թափեց պատուհանի գոգին. լավեցին թռչունների վաղորդյան ձայները, կովերի բառաչը, նախրապանի մտրակի զիլ, հատուկենտ շրմփոցները:

Նատալյան ուշքի եկավ, բացեց աչքերը, լեզվի ծայրով լիզեց շոր, արյունաքամ, դեղին շուրթերը, ջուր խնդրեց: Նա այլևս չէր հարցնում ոչ երեխաների, ոչ էլ մոր մասին: Ամեն ինչ հեռանում էր նրանից, ըստ երևույթին — ընդմիշտ...

Իլլինիչնան ծածկեց պատուհանը, մոտեցավ մահճակալին: Որքա՛ն սարսափելի էր փոխվել Նատալյան մեկ գիշերվա ընթացքում: Մի օր առաջ նա կարծես մատաղ, ծաղկած խնձորենի լիներ. գեղեցիկ էր, առողջ, ուժեղ, իսկ այժմ նրա այտերը Դոնի մերձակա լեռան կավձից էլ սպիտակ էին, քիթը սրվել էր, շուրթերը կորցրել էին առաջվա վառ թարմությունը, ավելի բարակել էին ու կարծես դժվարությամբ էին ծածկում բացված ատամները: Նատալյայի միայն աչքերն էին պահպանել առաջվա փայլը, բայց արդեն այլ էր նրանց արտահայտությունը: Ինչ-որ մի նոր, անծանոթ ու վախեցնող բան էր նշմարվում Նատալյայի հայացքում, երբ նա, ծն-

թարկվելով անբացատրելի պահանջին, երբեմնակի մի քիչ բարձրացնում էր կապտավուն կոպերը ու աչքերով տնտղում սենյակը՝ դրանք մի վայրկյան կանգնեցնելով Իլլինիչնայի վրա...

Արևածագին ժամանեց Պանտելեյ Պրակոֆևիչը: Քնեած բուժակը, որ հոգնել էր անքուն գիշերներից և տիֆով հիվանդների ու վիրավորների պատճառած անվերջ զլխացավանքից, ճմլկոտվելով իջավ տարանտասից, նստելատեղից վերցրեց փաթեթը, քայլեց դեպի տունը: Մուտքի սանդուղքի վրա հանեց բրեզենտե պլաշը, ու բազրիքի վրայից կանաչով, երկար սապենեց մազոտ ձեռքերը, աչքի տակով մի քանի անգամ նայեց Դունյաշկային, որ սափորից ջուր էր լցնում նրա ձեռքերին, ու նույնիսկ մի-երկու անգամ աչքով արեց նրան: Հետո մտավ օթախ ու մի տասը լոպե մնաց Նատալյայի մոտ՝ այնտեղից նախապես դուրս անելով բուլորին:

Պանտելեյ Պրակոֆևիչը և Իլլինիչնան նստել էին խոհանոցում:

— Է՛, ո՞նց է, — շնչալով հարցրեց ծերունին՝ հենց որ նրանք դուրս եկան օթախից:

— Վատ է...

— Ինքնազո՞ւլի է այդպես արել:

— Ինքը, հա... — Իլլինիչնան խուսափեց ուղղակի պատասխանից:

— Տաք ջուր, շուտ, — հրամայեց բուժակը՝ դռնից դուրս հանելով փրշոտ զլուխը:

Մինչդեռ ջուր էին եռացնում, բուժակը դուրս եկավ խոհանոցից: Մերունու համր հարցին նա պատասխանեց ձեռքի անհույս թափահարումով:

— Մինչև ճաշ կմահանա: Արյան սարսափելի կորուստ: Ոչինչ չի կարելի անել: Գրիգորի Պանտելեևիչին շե՞ք հաղորդել:

Պանտելեյ Պրակոֆևիչը առանց պատասխանելու արագ, կաղ-կաղ դուրս եկավ: Դարյան տեսավ, թե ինչպես ծերունին անցնելով շարդախի տակ դրված հնձիչի ետևը ու գլուխը դնելով նախորդ տարվա տարթերի դեզին, հոնգուր-հոնգուր լաց էր լինում...

Բուժակը մնաց էլի մի կես ժամ, նստեց մուտքի սանդուղքին. մի քիչ ննջեց ծագած արևի ճառագայթների տակ, հետո, երբ ինքնաեռը եռաց, նա կրկին մտավ սենյակ, նատալյային կամֆարա սրսկեց, դուրս եկավ ու կաթ խնդրեց: Դժվարութեամբ հաղթահարելով հորանջը, երկու բաժակ կաթ խմեց, ասաց.

— Հիմա դուք տարեք ինձ: Ստանիցայում հիվանդներ ու վիրավորներ ունեմ, այստեղ լինելս էլ ավելորդ է: Ամեն ինչ իզուր է: Ես սրտանց ծառայութուն կամտուցեի Գրիգորի Պանտելեևիչին, բայց ազնվորեն ասում եմ՝ օգնել չեմ կարող: Մենք մեր գործը գիտենք,— մենք միայն հիվանդներին ենք բուժում, իսկ մեռելներին հարութուն տալ դեռ չենք սովորել: Իսկ ձեր հարսի գլխին այնպիսի օյին են խաղացել, որ նրա մեջ կյանքի նշույլ էլ չի մնացել... Արգանդը պատռված է, ուղղակի սաղ տեղ չկա: Ինչպես երևում է, պառավը երկաթե շանգալով է գործ տեսել: Մեր տգիտությունից է այդ բոլորը, ի՞նչ կարող ես անել:

Պանտելեյ Պրակոֆևիչը խոտ գցեց տարանտասի վրա, ասաց Դարյային.

— Դու կտանես: Չմոռանաս ձին ջրել, երբ իջնես Դոնի ափը:

Նա փող առաջարկեց բուժակին, բայց վերջինս վճռականապես հրաժարվեց, կշտամբեց ծերունուն.

— Ամոթ է, Պանտելեյ Պրակոֆևիչ, դրա մասին ի՞նչ խոսք կարող է լինել: Մոտիկ մարդիկ ենք, իսկ դու փող ես տայիս: Ո՛չ, ոչ, իսկ մի էլ մոտենա: Ինչով շնորհակալ լինե՞ս: Դրա մասին ոչ մի խոսք: Եթե ես նրան, ձեր հարսին ոտքի հանեի, այդ ուրիշ բան:

Առավոտյան ժամը մոտ վեցին նատալյան իրեն բավական լավ զգաց: Նա լվացվելու ջուր խնդրեց, մազերը սանրեց հայելու առաջ, որ բռնել էր Դունյաշկան, ու մի տեսակ նոր փայլ առած աչքերով հարազատներին նայելով, դժվարութեամբ ժպտաց.

— Հիմա ես կլավանամ: Վախենում էի... Կարծում էի վերջս եկել է... Այդ ի՞նչ երկար են քնել երեխեքը: Դունյաշկա, զնա տես, վարթեն՞լ են:

Գրիպաշկայի հետ եկավ Լուկինիչնան: Նայելով իր աղջ-

կան, սխալվեց լաց եղավ, բայց նատալյան հուզված ու արագ ասաց.

— Ինչի՞ եք լալիս, մայրիկ: Ես այնքան էլ վատ չեմ... Հո ինձ թաղելու չե՞ք եկել: Դե լավ, էլի: Ինչի՞ եք լալիս:

Գրիպաշկան աննկատելիորեն բռթեց մորը, և սա գլխի ընկնելով, արագ սրբեց աչքերը, հանգիստ ասաց.

— Բան չկա, աղջիկս, ես հենց այնպես, հիմարութունիցս արցունք թափեցի: Սիրտս ճմլվեց, երբ նայեցի քեզ... Դու շատ, շատ ես փոխվել...

Նատալյայի այտերը մի քիչ շիկնեցին, երբ նա լսեց Միշտակայի ձայնը և Պոլյուշկայի ծիծաղը:

— Կանչեցեք նրանց այստեղ, շուտ կանչեցեք...— խնդրեց նա:— Թող նրանք հետո հագնվեն...

Պոլյուշկան առաջինը ներս մտավ, շեմքի վրա կանգ առավ, թաթիկով տրորեց քնաթաթախ աչքերը:

— Հիվանդացել է մայրիկդ...— ժպտալով ասաց նատալյան:— Մոտեցիր ինձ, պուպոշիկս:

Պոլյուշկան զարմանքով նայեց նստարանների վրա ծանր ու մեծ նստած հասակավորներին ու, մոտենալով մորը, նեղացած հարցրեց.

— Ինչո՞ւ դու ինձ չզարթեցրիր, և սրանք ինչո՞ւ են հավաքվել:

— Սրանք եկել են ինձ տեսնելու... Իսկ ես ինչո՞ւ պիտի քեզ զարթեցնեի:

— Ես քեզ ջուր կբերեի, կնստեի կողքիդ...

— Դե, զնա, լվացվի, սանրվի, աղոթի աստծուն, հետո կգաս, կնստես ինձ մոտ:

— Իսկ դու վեր կկենա՞ս նախաճաշելու:

— Չգիտեմ: Երևի ոչ:

— Ուրեմն ես քեզ համար կբերեմ այստեղ, լավ, մայրիկ ջան:

— Իսկական հերն է, միայն սիրտը նրա սրտի պես չի, փափուկ է...— Թույլ ժպիտով ասաց նատալյան, գլուխը ետ տալով ու վերմակը քաշելով ոտներին:

Մի ժամից հետո նատալյան վատացավ: Նա մատով կանչեց երեխաներին, գրկեց նրանց, խաշակնքեց, համբուրեց ու մորը խնդրեց, որ սա նրանց տանի իր մոտ: Լուկի-



նիշնան Գրիպաշկային հանձնարարեց տանել երեխաներին, իսկ ինքը մնաց դատեր մոտ:

Նատալյան փակեց աչքերը, ասես թեթև քնի մեջ մըրմընջաց.

— Ես նրան չեմ էլ տեսնի...— Հետո, կարծես մի բան հիշելով, կտրուկ շարժամբ մի քիչ բարձրացավ մահճակալից:— Վերադարձրեք Միշատկային:

Լացակումած Գրիպաշկան տղային ներս արեց օթախը, ինքը հաղիվ լսելի հեկեկալով, մնաց խոհանոցում:

Նոթոտ, մեկխոսվյալ խոժոռ նայվածքով Միշատկան անհամարձակ մոտեցավ մահճակալին: Մոր դեմքի մեծ փոփոխությունը նրան համարյա անծանոթ, օտար էր դարձրել Միշատկայի համար: Նատալյան գրկեց որդուն, զգաց, թե ինչպես արագ է բաբախում Միշատկայի փոքրիկ սիրտը, որ կարծես բռնված ճնճղուկի սիրտ լիներ:

— Եկ, որդյակս, էլի՛, էլի՛ մոտիկ,— խնդրեց Նատալյան:

Նա ինչ-որ շշնջաց Միշատկայի ականջին, հետո ետ մղեց նրան, զննողաբար նայեց աչքերին, սեղմեց դողող շուրթերը ու ողորմելի, տանջալից, թույլ ժպիտը դեմքին հարցրեց.

— Չե՞ս մոռանա, կասե՞ս:

— Չեմ մոռանա...— Միշատկան վերցրեց մոր ցուցամատը, սեղմեց իր փոքրիկ, տաք բունցքով, մի ըոպե պահեց ու բաց թողեց: Մահճակալից նա հեռացավ հայտնի չէ ինչու ոտների մատների վրա քայլելով, ձեռքերի տարածմամբ պահպանելով հավասարակշռությունը...

Նատալյան նրան հայացքով ուղեկցեց մինչև դուռը և լուռ շուռ եկավ դեպի պատը:

Կեսօրին նա մեռավ:

## XVII

Գրիգորին շատ բան վերհիշեց ու կշռադատեց ուղմահճակալից մինչև հայրենի խուտորը անցած երկու օրվա ճանապարհին... Նա իր հետ վերցրել էր Պրոխոր Զիկովին, որպեսզի տափաստանում մեռնակ շիններ իր վշտով, Նատալյային վերաբերող աննահանջ մտքերով: Հենց որ մեկնեցին հարյուրյակի գրաված վայրից, Գրիգորին խոսակցություն

բացեց պատերազմի մասին, վերհիշեց, թե ինչպես էր ծառայում 12-րդ գնդում, ավստրիական ռազմաճակատում, ինչպես էին գնում Ռուսիա, ինչպես էին կոչում գերմանացիներին դեմ: Նա խոսում էր անդադար, վերհիշում ամեն տեսակ զվարճալի պատմությունները, որ պատահել էին նույն գնդում ծառայած մարդկանց հետ, ու ծիծաղում էր...

Պարզամիտ Պրոխորը սկզբում տարակուսանքով, աչքի տակով էր նայում Գրիգորիին՝ զարմանալով նրա շատախոսության վրա, հետո էլ այնուամենայնիվ գլխի ընկավ, որ Գրիգորին ուզում է վաղուց անցած օրերի վերհիշելով իրենից վանել ծանր մտքերը, ու սկսեց աշխուժացնել խոսակցությունը՝ գուցեև նույնիսկ ավելորդ ջանադրությամբ: Ամենայն մանրամասնությամբ պատմելով, թե ինչպես մի ծամանակ պառկած էր Չեռնիգովի հիվանդանոցում, Պրոխորը պատահմամբ նայեց Գրիգորիին, տեսավ, թե ինչպես նրա թուխ այտերի վրայով առատորեն հոսում են արցունքները... Պրոխորը համեստության համար մի քանի սածեն ետ մնաց, կես ժամ ետևից էր գնում, հետո էլ նորից առաջացավ, փորձեց խոսել ինչ-որ կողմնակի, դատարկ բանի մասին, բայց Գրիգորին խոսակցության շրջանակից: Այսպես էլ նրանք վարդում էին մինչև կեսօր, լուռ, իրար կողքի, ասպանդակի ասպանդակի:

Գրիգորին սարսափելի շտապում էր: Չնայելով շոգին, նա իր ձեռքը շրտում էր մերթ արագ վարզով, մերթ քառատրոփով, ու միայն հազվադեպ էր քայլով ընթանում: Միայն կեսօրին, երբ արեգակի ուղղահայաց ճառագայթները սկսեցին կիզել անտանելի կերպով, Գրիգորին կանգ առավ մի ձորակում, հանեց ձեռքը, ձեռքը թողեց արածելու, ինչն էլ երեսնիվայր պառկեց ստվերում ու այդպես այնքան մնաց, մինչև որ շոգն անցավ: Մի անգամ նրանք ձեռքերին վարսակ կերցրին, բայց Գրիգորին խախտեց կերակրման համար սահմանված ժամանակը: Նույնիսկ նրանց ձեռքը, որոնք սովոր էին մեծ տարածություններ անցնելու, առաջին օրվա վերջում խիստ նիհարեցին, այլևս չէին ընթանում այնպես անխոնջ ու կայտառորեն, ինչպես սկզբում: «Այսպիսով դժվար չէ տուրք տալ ձեռքը: Ո՞վ է այսպես ձեռքը շրտում: Սրա, գրողի տարածի համար ի՞նչ կա որ, իրեն ձեռքը կստակացնի և ուզած մոմեն-

տին մի ուրիշ ձի կվերցնի, բա ե՞ս որտեղից ճարեմ: Սատանան բանը այնտեղ կհասցնի, որ ստիպված կլինենք մինչև Տատարսկի մնացած երկար ճամփեն անցնել ոտով կամ բնակիչներից վերցրած ձիերով»,— ջղայնացած մտածում էր Պրոխորը:

Հետևյալ օրվա առավոտյան Ֆեդոսենսկայա ստանիցայի լուստորներից մեկի մոտ նա այլևս չհամբերեց, դիմելով Գրիգորին, ասաց.

— Դու ոնց որ թե կյանքումդ մալատեր չես եղել... Ո՞վ է այսպես գիշեր-ցերեկ թոնում առանց հանգստի: Մտիկ արա, թե ձիերը ոնց են լղարել: Արի գոնե իրիկնամտին սրանց կարգին կեր տանք:

— Քշիր, ետ մի մնա,— մտացրիվ պատասխանեց Գրիգորին:

— Ես քո ետեից չեմ հասնում, իմ ձին հալից ընկել է: Կարելի է հանգստանա՞նք, հը՞:

Գրիգորին լուռ էր: Կես ժամ վարզում էին առանց մի բառ ասելու, հետո Պրոխորը վճռականապես հայտարարեց.

— Ախր եկ թողնենք, որ սրանք գոնե մի քիչ շունչ քաջեն, է՛: Ես էլ չեմ կարող գնալ, լսո՞ւմ ես:

— Քշի, քշի:

— Մինչև ե՞րբ, է՞, մինչև որ սմբակները ջարդվեն:

— Շատ մի խոսի:

— Ախր խիղճ արա, է՛, Գրիգորի Պանտելեևիչ: Ես չեմ ուզում ձիս սատկացնել, իսկ բանը այդտեղ է հասնում...

— Դեհ, ջհաննամը, կանգ առ: Տես թե խոտը որտեղ է լալ:

Հեռագրերը, որ խոպերի օկրուզում ստանիցայից ստանիցա էր ուղարկվում Գրիգորին հանձնելու համար, շատ ուշ ստացվեց... Գրիգորին տուն հասավ Նատալյայի թաղման երրորդ օրը: Բակի դռան մոտ նա իջավ ձիուց, քայլելիս գրկեց տնից դուրս թռած, հեկեկացող Դունյաշկային, հոնքերը կիտելով, խնդրեց.

— Զին մի լավ ման ածա, հանգստացրու... էլ ի՞նչ ես լալիս,— ու դարձավ դեպի Պրոխորը.— գնա տուն: Որ հարկավոր լինես, կասեմ:

Իլլինիչնան Միշատկայի ու Պոլյուշկայի ձեռքերից բռնած, դուրս եկավ որդուն դիմավորելու:

Գրիգորին խոտեց երեխաներին, դողող ձայնով ասաց.

— Միայն թե լաց չլինել, միայն թե արցունքներ չլինեն, ջանիկներս: Ուրեմն որբացաք, հա՛: Դե-դե... 0-0-0... Մայրիկը թողեց մեզ, էլի...

Իսկ ինքը մեծագույն ջանքով դսպելով հեկեկանքը, մտավ տուն, բարևեց հորը:

— Զկարացինք պահպանել...— ասաց Պանտելեյ Պրակոֆևիչը և իսկույն անցավ հաշտը:

Իլլինիչնան Գրիգորին տարավ օթախը, երկար պատմեց Նատալյայի մասին: Պառավը չէր ուզում ամեն ինչ ասել, բայց Գրիգորին հարցրեց.

— Ինչո՞ւ նա չուզեց երեխա բերել, դու գիտե՞ս:

— Գիտեմ:

— Է՞:

— Նա դրանից առաջ գնացել էր քո սիրուհու մոտ... Ակսինյան ամեն բան պատմել էր նրան...

— Ըհը՛մ... Այդպե՞ս,— Գրիգորին թունդ կարմրատակեց խոնարհեց աչքերը:

Նա սենյակից դուրս եկավ ծերացած ու գունատ. անխոս շարժելով կապտավուն, դողող շրթունքները, նստեց սեղանի մոտ, երեխաներին նստեցրեց ծնկներին ու երկար փայփայեց նրանց, հետո փամփշտանոցից հանեց փոշուց գորշացած մի կտոր շաքար, բռի վրա շարդեց դանակով, ժպտաց մեղավորի պես.

— Ահա և իմ ամբողջ նվերը ձեզ... Ա՛յ թե ինչ տեսակ հեր ունեք... Դե, վազ տվեք բակը, կանչեցեք պապին:

— Գերեզմանը տեսնելու կերթա՞ս,— հարցրեց Իլլինիչնան:

— Հետո կերթամ... Մեռելները չեն նեղանում... Միշատկան, Պոլյուշկան ո՞նց էին, ոչի՞նչ:

— Առաջին օրը շատ էին մղկտում, մանավանդ Պոլյուշկան... Հիմի, երբ հանդարտվել են, մեզ մոտ նրան չեն էլ մտաբերում, իսկ այս գիշեր լսեցի, որ Միշատկան կամաց լաց էր լինում... Գլուխը գրել էր բարձի տակ, որ ձենը չըսվի... Ես մոտեցա, հարցնում եմ. «Ի՞նչ է, բալիկս, գուցե ինձ

հետ կպառկես»: Նա էլ ասում է. «Բան չկա, տատի ջան, երևի երազիս մեջ էի ձեռն հանում...» Խոսիր հետները, խղճա նրանց... Երեկ առավոտը լսում եմ, հաշտում խոսում են իրար հետ: Պոլյուշկան ասում է. «Մայրիկը կգա մեզ մոտ: Մայրիկը ջահել է, իսկ ջահելները հո բոլորովին չեն մեռնում»: Հլա դեռ անխելք են, իսկ սրտերը ցավում են ոնց որ մեծերինը... Դու սոված կլինես, չէ՞, բա ինչի շես ասում, հիմի ես քեզ ուտելու բան կբերեմ:

Գրիգորին մտավ սենյակը: Կարծես առաշին անգամն էր ընկել այստեղ, նա ուշադրությամբ դիտեց պատերը, հայացքը սևեռեց հարդարած, թափ տված բարձրով մահճակալին: Դրա վրա էր մեռել նատալյան, այնտեղից վերջին անգամ հնչել էր նրա ձայնը... Գրիգորին պատկերացրեց, թե նատալյան ինչպես էր հրաժեշտ տվել երեխաներին, ինչպես էր նրանց համբուրել և գուցե խաշակնքել, ու վերստին, ինչպես այն ժամանակ, երբ կարդում էր նրա մահվան հեռագիրը, զգաց սրտի սուր, մրմուռ ցավը, ականջների խուլ դժժոցը:

Տանը յուրաքանչյուր մանրուք նատալյային էր հիշեցնում: Նրա վերաբերմամբ հուշերը անսպառ ու տանջալից էին: Գրիգորին չգիտես ինչու մտավ բոլոր սենյակները ու համարյա վազելով դուրս ելավ տանից: Սրտի ցավը զնալով ուժեղանում էր: Ծակատի վրա դուրս տվեց քրտինքը: Ձեռքը երկչոտությամբ սեղմելով կրծքի ձախ կողմին, նա իջավ մուտքի սանդղաքից, մտածեց. «Երևում է, որ բանս բուրդ է, հա՛-ա...»

Դունյաշկան բակում ման էր ածում ձին: Ամբարի մոտ ձին, դիմադրելով սանձին, կանգ առավ, հոտոտեց գետինը. ձգելով վիզը ու բարձրացնելով վերին շրթունքը, բացեց ատամների դեղին սալերը, հետո փնչաց ու սկսեց անհարմար ծայել առջևի ոտները: Դունյաշկան քաշեց սանձը, բայց ձին չհնազանդվեց, փորձեց պառկել:

— Չթողնե՛ս պառկի,— ախոռից բղավեց Պանտելեյ Պրակոֆևիչը:— Չե՛ս տեսնում, թամբած է: Ինչո՞ւ թամբը շես հանել, դդում գլուխ:

Դանդաղաբայլ, դեռևս ունկնդրելով այն ամենին, ինչ որ կատարվում էր իր կրծքի տակ, Գրիգորին մոտեցավ ձիուն, հանեց թամբը, բռնազրոսիկ կերպով ժպտաց Դունյաշկային.

— Չերդ դալմադա՞լ է անում:

— Ինչպես և միշտ,— նույնպես ժպտաց Դունյաշկան:

— Մի քիչ էլ ման ածա, քուրս:

— Սա արդեն բեզարեց, լավ, ման կածեմ:

— Թող մի քիչ պառկի, մի՛ արգելի:

— Է-է՛, աղբերս... Դա՞րդ ես անում, հա՞:

— Բա ի՞նչ էիր կարծում,— շնչահեղձ լինելով պատասխանեց Գրիգորին:

Կարեկցության զգացումից դրդված՝ Դունյաշկան համբուրեց նրա ուրը, ու ինչ-որ պատճառով արտասովելու շափ շփոթված, արագ շուռ եկավ, ձին տարավ դեպի ախոռը:

Գրիգորին զնաց հոր մոտ: Սա ախոռից ջանադրությամբ դուրս էր կրում թրիքը:

— Ձիուդ համար եմ պատրաստում ախոռը:

— Ինչո՞ւ շասիր, ես ինքս կմաքրեի:

— Բա՛ն ասիր, էլի՛: Ես հո տկար չե՞մ: Ես չախմախի հրացան եմ, տղաս: Ինձ մաշվել չկա: Հլա դեռ թռնում եմ քիչ-քիչ: Միտք ունեմ էգուց զնալ գարին քաղելու: Դու ինչ-քա՞ն ժամանակով ես եկել:

— Մի ամսով:

— Ա՛յ, դա լավ է: Գնա՞նք արտերը: Աշխատանքը կթեթևացնի վիշտդ...

— Արդեն ես էլ եմ մտածել դրա մասին:

Մերունին վար դրեց եղանը, թևքով սրբեց դեմքի քրտինքը, ձայնին խորհրդավորութուն տալով ասաց.

— Գնանք տուն, կճաշես: Դրա, այդ դարդի ձեռքից պըրծնել չկա... Դրանից ոչ կփախնես, ոչ էլ կթաքնվես: Այդպես է, էլի...

Իլլինիչնան սեղան գցեց, մաքուր երեսուրբիչ մատուցեց: Ու էլի Գրիգորին մտածեց՝ «Պատահում էր, որ նատալյան հյուրասիրում էր...» Հուզմունքը թաքցնելու համար նա սկսեց արագ-արագ ուտել: Նա երախտագիտության զգացումով նայեց հորը, երբ սա մառանից խոռով բերանը ծածկած մի սափոր տնական օղի բերեց:

— Խմենք ողորմածիկ հարսիս հիշատակին, լույս դառնա նրա հոգին,— վճռականորեն ասաց Պանտելեյ Պրակոֆևիչը:

Խմեցին մի-մի բաժակ: Մերունին անմիջապես էլի լըցրեց, հոգոց հանեց.

— Մի տարվա մեջ մեր ընտանիքից գնացին երկուսը... Մահը սեր է գցել մեր տան վրա:

— Եկ չխոսենք դրա մասին, ապի,— խնդրեց Գրիգորին: Նա միանգամից ըմպեց երկրորդ բաժակը, երկար ծամեց չորացած ձկան կտորը, շարունակ սպասում էր, թե ողին երբ է խփելու գլխին, մոռացնել տալու տանջալից մըտքերը:

— Այս տարի գարին լավ է: Մեր ցանքերն էլ ուրիշների ցանքերից շատ ավելի լավ են,— պարծենկոտությամբ ասաց Պանտելեյ Պրակոֆևիչը: Եվ այդ պարծենկոտության մեջ, ծերունու խոսելաձևի մեջ Գրիգորին մի ինչ-որ շինծու, միտումնավոր բան նշմարեց:

— Բա ցորե՞նը:

— Ցորե՞նը: Մի քիչ վնասված է, ամա էլի ոչինչ, մի երեսունհինգ-քառասուն փութ կլինի: Ուրիշների արտերումը գարնովկան շատ լավ է դուրս եկել, իսկ մենք թարսի պես չկարացինք ցանել: Ամա ես շատ չեմ ափսոսում: Այս տուր-ուղմբոցի ժամանակ ի՞նչ պիտի անես հացը: Պարամոնովի աղացը տանել չես կարող, ոչ էլ կարող ես ամբարներումը պահել: Ռազմաձակատը մոտեցավ թե չէ, ընկերները ինչ կա չկա կարենն ու կտանեն: Ամա դու շմտածես, հա՛-ա, մեր հացը առանց այս տարվա բերքի էլ մի երկու տարի հերիք է: է՛հ, փառք աստծո, ամբարներս էլ լիքն են, ուրիշ տեղ էլ կա...— Ժերունի: Խորամանկաբար աչքով արավ, ասաց.— Հարցրու Դաշկային, թե ինչքան հաց ենք թաղել սև օրվա համար: Քո բոյի շափ խորությամբ և մեկ ու կես սաժեն լայնությամբ մի հոր լիքը լցրել ենք: Այս անիծված կյանքը մեզ մի քիչ աղքատացրեց, թե չէ մենք էլ հո ունեինք...— Մերունին հարբած ծիծաղեց իր կատակի վրա, բայց մի քիչ հետո ծանր ու մեծ թիմարեց մորուքը և արդեն բանիմացությամբ ու լուրջ ասաց.— Կարելի է դու զոքանչիդ մասին ես մտածում, ես այ թե ինչ կասեմ քեզ. ես նրան չեմ մոռացել և օգնել եմ: Մի անգամ նա հլա բերանը չբացած՝ ես մեկել օրը առանց չափելու մի սայլ հաց վերցրի ու տարա նրան: Ողոր-

մած հոգի Նատալյան շատ գոհ եղավ, բուռ-բուռ արտասուք թափեց, երբ իմացավ դրա մասին... է՛հ, որդի, եկ խմենք երրորդ բաժակը, հա՛: Ինձ համար մի ուրախություն է մնացել, — այսինքս դո՛ւ:

— Խմենք, էլի,— համաձայնվեց Գրիգորին՝ մոտ տանելով բաժակը:

Այդ ժամանակ Միշատկան կողքի քայլելով, անհամարձակ մոտեցավ սեղանին: Նա մազլցելով բարձրացավ հոր ծնկների վրա ու ձախ ձեռքով անհարմար գրկելով նրա պարանոցը, պինդ համբուրեց նրա շրթունքները:

— Այս ի՞նչ բան է, տղա ջան,— հուզված հարցրեց Գրիգորին, նայելով մանկական արցունքված աչքերին, աշխատելով, որ շնչելիս արագի գարշ հոտը չփչի որդու դեմքին:

Միշատկան ցածր ձայնով պատասխանեց.

— Մայրիկս, երբ որ պառկած էր սենյակում... Երբ նա դեռ կենդանի էր, ինձ կանչեց իրեն մոտ և պատվիրեց այսպես ասել քեզ. «Երբ որ հայրիկդ կգա, իմ տեղը համբուրի նրան ու ասա, որ նա խղճա ձեզ»: Նա էլի ուրիշ բան ասավ, բայց ես մոռացա...

Գրիգորին վար դրեց բաժակը, շուտ եկավ պատուհանի կողմը: Սենյակում երկար ժամանակ ծանր լուսություն էր տիրում:

— Խմե՛նք,— կամացուկ հարցրեց Պանտելեյ Պրակոֆևիչը:

— Չեմ ուզում:— Գրիգորին ծնկներից իջեցրեց որդուն, վեր կացավ, արագ դուրս ելավ:

— Կաց, որդիս, բա մի՞սը: Հլա դեռ եփած հավ կա, բիշի կա:— Իլլիինիչնան նետվեց դեպի վառարանը, բայց Գրիգորին արդեն իր ետևից ծածկել էր դուռը:

Աննպատակ թափառելով բակում, նա զննեց գոմը, ախոռը, նայեց ձիուն, մտածեց. «Պետք է լողացնել դրան», հետո մտավ շարդախի տակ: Հնձի համար պատրաստված մեքենայի մոտ տեսավ սոճու փայտի ծպեղներ, տաշեղներ, որոնք թափթփված էին գետնին, ու ծուռ կտրած մի տախտակ: «Հերս Նատալյայի համար դազաղ էր շինել»,— որոշեց Գրիգորին: Ու շտապելով քայլեց դեպի տունը:

Ձիջելով որդու թախանձանքներին, Պանտելեյ Պրակոֆիչը շուտով վեր կացավ, ձիերը լծեց հնձիչին, փոքրիկ տակառով ջուր վերցրեց. երեկոյան նա ու Գրիգորին մեկնեցին դաշտ:

### XVIII

Գրիգորին տանջվում էր ոչ միայն այն պատճառով, որ յուրովի էր սիրում Նատալյային ու ընտելացել էր նրան վեց տարի միասին ապրելիս, այլև այն պատճառով, որ իրեն մեղավոր էր զգում նրա մահվան համար: Եթե Նատալյան կենդանի օրով իրագործեր իր սպաննալիքը, — վերցներ երեխաներին ու գնար մոր մոտ ապրելու, եթե նա, անհավատարիմ ամուսնու հանդեպ ատելութամբ լցված ու չհաշտված, մեռներ այնտեղ, Գրիգորին թերևս այդպիսի թափով շագար կորըստի ծանրութունը, և անշուշտ զղջումը այդչափ կատաղորեն չէր հռչոտի նրան: Բայց նա Իլյինիչնայի ասածներից գիտեր, որ Նատալյան ամեն ինչ ներել էր իրեն, որ նա սիրում էր իրեն ու մտաբերում մինչև վերջին րոպեն: Դա ավելացնում էր Գրիգորի տանջանքները, անլուծի կշտամբանքով ծանրացնում նրա խիղճը, ստիպում էր նոր եղանակով իմաստավորել անցյալը և իր վարմունքը անցյալում...

Կար ժամանակ, երբ Գրիգորին, բացի սառն անտաբերութունից և նույնիսկ թշնամանքից, ոչինչ չէր տածում դեպի իր կինը, բայց վերջին տարիներում նա սկսել էր այլ կերպ վերաբերվել Նատալյային, ու վերջինիս նկատմամբ նրա վերաբերմունքի փոփոխման հիմնական պատճառը երեխաներն էին:

Սկզբում Գրիգորին նրանց նկատմամբ չէր ապրում հայրական այն խոր զգացմունքը, որ նրա մեջ առաջացավ վերջին ժամանակներում: Ռազմաճակատից կարճ ժամանակով տուն գալով, նա երեխաներին խնամում ու փայփայում էր մի տեսակ պարտականութունից դրդված և մորը հաճույք պատճառելու համար, իսկ ինքը ոչ միայն որևէ պահանջ չէր զգում դրա համար, այլև չէր կարողանում առանց կասկածոտ զարմանքի նայել Նատալյային, վերջինիս մայրական զգացմունքների բուռն արտահայտությունը: Նա չէր հասկանում, թե

ինչպես կարելի է այդպիսի անձնուրացութամբ սիրել այդ փոքրիկ, լալկան արարածներին, ու հաճախ գիշերները վերդովմունքով ու հեգնանքով ասում էր կնոջը, երբ սա դեռ կրծքով էր կերակրում երեխաներին. — «Ի՞նչ ես վեր թուում կատաղածի նման: Զենը դուրս եկավ թե չէ, դու արդեն ոտքի վրա ես: Թող տղա, լաց լինի, լալով պիտի մեծանա»: Երեխաները ոչ պակաս անտարբերութամբ էին վերաբերվում նրան, բայց որքան մեծանում էին, այնքան կապվում էին հոր հետ: Մանկական սերը Գրիգորի մեջ էլ սիրո զգացմունք վառեց, և այդ զգացմունքը որպես մի կայծ, անցավ Նատալյային:

Ակսինյայի հետ կապը խղելուց հետո Գրիգորին երբեք լրջորեն չէր մտածել կնոջից բաժանվելու մասին. նույնիսկ կրկին միանալով Ակսինյայի հետ, նա երբեք չէր մտածում, որ վերջինս որևէ կերպ փոխարիներ իր երեխաների մորը: Գրիգորին դեմ չէր նրանց երկուսի հետ էլ ապրել, յուրաքանչյուրին սիրել տարբեր սիրով, բայց երբ կորցրեց կնոջը, հանկարծ Ակսինյայի նկատմամբ էլ զգաց մի ինչ-որ խորթութուն, հետո՝ խուլ ցասում այն պատճառով, որ Ակսինյան մատնել էր իրենց հարաբերութունները ու դրանով էլ դեպի մահ մղել Նատալյային:

Որքան էլ ջանք էր թափում Գրիգորին, գնալով դաշտ, մոռանալ իր վիշտը, այնուամենայնիվ մտքում անխուսափելիորեն անդրադառնում էր դրան: Նա ինքն իրեն հյուծում էր աշխատանքով, ժամերով չէր իջնում հնձիչ մեքենայից, բայց և այնպես հիշում էր Նատալյային. հիշողութունը համառորեն վերականգնում էր վաղուց անցածը, միասին ապրած կյանքի այլևայլ, հաճախ աննշան միջադեպերը, խոսակցութունները: Բավական էր մի րոպե սանձազերծ անել համառ հիշողութունը, ու նրա աչքերի առաջ կանգնում էր կենդանի, ժպտացող Նատալյան: Գրիգորին վերհիշում էր նրա կերպարանքը, քայլվածքը, մազերն ուղղելու շարժումները, նրա ժպիտը, ձայնի ելևէջները...

Երրորդ օրը սկսեցին հնձել գարին: Կեսօրին, երբ Պանտելեյ Պրակոֆիչը կանգնեցրեց ձիերը, Գրիգորին իջավ հնձիչի ետին պատվանդանից, կարճ եղանը դրեց թառակին, ասաց.

— Ուզում եմ մի բոլոր տուն գնալ, հայրիկ:

— Ինչի՞ համար:

— Կարոտե՞լ եմ երեխաներին...

— Ինչ կա որ, գնա,— սիրով համաձայնվեց ծերունին:— Իսկ մենք այդ ժամանակ դեզեր կդնենք:

Գրիգորին հնձիչից իսկույն արձակեց իր ձին, նստեց ու դեղին, կոշտ խոզանի վրայով ձին քայլքով քշեց դեպի ճանապարհ: «Ասա նրան, որ խղճա ձեզ»,— հնչում էր նատալյայի ձայնը նրա ականջներում: Գրիգորին փակում էր աչքերը, ձեռքից բաց թողնում սանձը, և հուշերի մեջ խորասուզված, թույլ էր տալիս, որ ձին ընթանա ճանապարհազուրկ տեղերով:

Թունդ կապույտ երկնքում գրեթե անշարժ կանգնած էին քամու ցրիվ տված նոսր ամպերը: Խոզանի վրա շորորալով թափառում էին ագռավները: Դրանք ընտանիքներով նստոտել էին դեզերի վրա. պառավ ագռավները կտուցներով կերակրում էին մատղաշ, նոր փետրավորված ու թևերը դեռ թույլ շարժող ձագերին: Հնձած դեպատիները վրա անլուծի հնչում էր ագռավների կոնչոցը:

Գրիգորիի ձին գնում էր ճանապարհի կողքից, քայլելիս երբեմն պոկում էր առվույտի մի ձյուղ, ծամում էր այն՝ շխշխկացնելով սանձի բերանոցը: Մի երկու անգամ նա կանգ էր առնում, վրնչում էր՝ հեռվում ձիեր տեսնելով, ու այդ ժամանակ Գրիգորին աչքերը բանալով՝ խթանում էր նրան, շտեմնող հայացքով նայում տափաստանին, փոշոտ ճանապարհին, դեղին, ցրիվ դեզերին, հասունացող կորեկի կանաչավուն-թուխ արտերին:

Հենց որ Գրիգորին տուն հասավ, եկավ Խրիստոնյան, որ մոռալ տեսք ուներ, ու շնայելով շոգին, հագել էր անգլիական մահուդե ֆրենչ ու հեծելազորային լայն շալվար: Նա եկավ հացենու մի ահագին, նոր տաշտշած մահակին հենվելով, բարևեց:

— Եկա այցելության: Լսել էի ձեր դարդի մասին: Ուրեմն թողեցիք նատալյա Միրոնովնային, հա՞:

— Դու ի՞նչպես ես եկել ռազմաճակատից,— հարցրեց Գրիգորին այնպես ձևացնելով, որպես թե չի լսել հարցը, հե-

տաքրքրությանը գննելով Խրիստոնյայի անճոռնի, մի փոքր կորացած կերպարանքը:

— Վերավորվելուցս հետո արձակուրդ տվին: Միանգամից երկու գնդակ էր կպել փոքրս: Մինչև հիմի էլ, ուրեմս, այդ անիծվածները խրված-նստած են աղիքներիս կողքին: Դրա համար էլ դագանակով եմ ման գալի, տեսնո՞ւմ ես:

— Ո՞րտեղ են խփել քեզ:

— Բալաշովի մոտ:

— Վերցրի՞ն Բալաշովը: Բա դու ո՞նց վերավորվեցիր:

— Գրո՞հ էինք տալի: Հա՛, ուրեմս, Բալաշովն էլ վերցրին, Պովորինոն էլ: Ե՛ս վերցրի:

— Դե պատմիր տեսնենք ում հետ էիր, որ զորամասում, մեր խուտորից ով կար քեզ հետ: Նստիր, ահա քեզ թուփուն:

Գրիգորին ուրախացավ, որ նոր մարդ է եկել, որ հնարավոր է խոսել ինչ-որ կողմնակի բաների մասին, որոնք չէին վերաբերում իր ապրումներին: Խրիստոնյան որոշ խելամտության ցուցաբերեց, գլխի ընկնելով, որ Գրիգորին նրա ցավակցության կարիքը չի զգում, ու սկսեց հաճույքով, բայց դանդաղ պատմել Բալաշովը գրավելու, իր վերավորվելու մասին: Փստացնելով իր փաթաթած ահագին ծխախոտը, նա թավ ձայնով ասում էր.

— Հա՛, մեր հետևակ շարքը գնում էր արևածաղիկների միջով: Նրանք, ուրեմս, կրակում էին գնդացիներից ու թընդանոթներից, հրացաններից կրակելն էլ իրեն կարգին: Դե՛, ես պոլոզ մարդ եմ, էլի, գնում եմ շղթայի հետ, ոնց որ որձ սազը հավերի հետ. ինչքան էլ կռանում էի, էլի երևում էի, դե, դրանք, գնդակներն էլ եկան գտան ինձ: Լավ է, որ բոյս բարձր է, իսկ թե որ ցածր լիներ, հենց գլխիս պիտի դարկեին: Գնդակները, ուրեմս, շատ հեռու տեղից էին գալի, թուլացել էին, ամա այնպես զարկեցին, որ փորումս ինչ կաշկա զոռաց, ու ամեն մեկն էլ տաք էր, ասես անտերը վառարանի միջից էր թռել... Հա՛, ձեռս տարա այդ տեղս, զգացի, որ դրանք նստել են մեջս, շարժվում եմ կաշուս տակին, ոնց որ թե ուռուցքներ լինեն, մեկը մյուսից քիչ դենն է: Դե, ես մատնեղովս ճմռեցի դրանք և, ուրեմս, ընկա: Միտք եմ անում՝ սա հանաք բան չի հա՛-ա, գրորո՞ղը տանի: Ավելի լավ է պառկեմ, թե չէ մեկ ուրիշ, ավելի ուժեղ գնդակ կգա,

կծակի ինձ ու դուրս կթռչի: Հա՛, ուրեմս պառկած եմ: Չեմ էլ համբերում, շոշափում եմ դրանք, այդ գնդակները: Նրանք էլի այս տեղս են, իրար մոտ: Դե, ես էլ վախեցա, միտք արի՛ բա որ դրանք, այդ շան անտերնները փորս ընկնեն, ո՞նց կլինի: Կթաղվին աղիքներիս արանքումը, դե արի ու դրանք գտի, բժիշկ: Բա իմ հա՛լը ոնց կլինեմ: Մարդուս մարմինը, հենց թեկուզ իմը, հո թույլ է, գնդակները կհասնեն գլխավոր աղիքիս, դե արի ու ման արի դրանք զնգզընգացնելով, ոնց որ փոշտավորի զանգուլակը: Լրիվ խախտում կստացվի: Պառկած եմ, կտրում եմ արևածաղկի գլուխը, սեմիշկա եմ ուտում, ամա վրես զարզանդ է գալի: Մեր շքղթան գնաց: Հա՛, հենց որ վերցրին այդ Բալաշովը, ինձ էլ այնտեղ զրկեցին: Պառկեցի Տիշանսկու լազարնիթումը: Այնտեղ մի բժիշկ կար, ժիր էր ոնց որ ծիտը: Հարցնում է ու հարցնում. «Հը՛, չհանե՞նք գնդակները»: Ես էլ նրան մըտքումս... Նրան հարցրի. «Ձերդ բարեծննդություն, դրանք կարո՞ղ են ընկնել փոր ու փսորս»:—«Ձէ, ասում է, չեն կարող»: էհ, միտք եմ անում, չեմ թողնի, որ փորս կտրեն ու հանեն: Գիտե՛մ այդ օյինները: Կկտրեն, ու վերքը հլա չսաղացած՝ արի ու գնա զորամաս: «Ձէ, ասում եմ, ձերդ բարեծննդություն, չեմ թողնի: Ինձ մինչև իսկ հետաքրքիր է, որ դրանք փորումս լինեն: Ուզում եմ դրանք տուն տանել, ցույց տալ կնկանս, դե, ինձ էլ հո չեն խանգարում, շատ ծանրը չեն»: Նա ինձ հայհոյեց, ամա մի շաբաթով արձակուրդ տվեց:

Գրիգորին ժպտալով լսեց անպաճույճ պատմությունը, հարցրեց.

- Դու ո՞րտեղ էիր, ո՞ր գնդում:
- Չորրորդ խառն գնդում:
- Քեզ հետ ովքե՞ր կան մեր խուտորից:
- Շատ են մերոնք. այնտեղ են Անիկուշկա Սկոպեցը, Բեսիլեբնովը, Կոլովեյդին Ակիմը, Միրոշնիկով Սյոմկան, Գորբաչև Տիխոնը:

- Ո՞նց են կազակները, չե՞ն գանգատվում:
- Հա, ուրեմս, նեղանում են սպաներից: Այնպիսի սրիկաներ են այդ սպաները, որ իսկի օր չեն տալի: Ու համարյա բոլորն էլ ուռանք են, կազակներ չկան:

Խրիստոնյան պատմելիս ձգում էր ֆրենչի կարճ թևքերը ու, ասես չհավատալով աչքերին, զարմացած զննում ու շփում էր անզլիական լավորակ, կոկլիկ մահուդից կարված շալվարի ծնկները:

— Իմ ոտներին հարմար կոշիկներ չգտնվեցին,— մտազբաղ ասաց նա:— Անզլիական տերության մեջ այսքան մեծ ոտներ ունեցողների չկան... Մենք հո ցորյան ենք ցանում և ուտում, իսկ այնտեղ, ինչպես և Ռուսաստանում, հենց մեռակ տարեկանով են ապրում: Էլ ո՞րտեղից պիտի այս տեսակ ոտներ ունենան: Ամբողջ հարյուրյակին հագուստ ու ոտնաման տվին, հոտավետ ծխախոտներ բաժանեցին, ու էլի բանը վատ է...

— Ի՞նչն է վատ,— հետաքրքրվեց Գրիգորին: Խրիստոնյան ժպտաց, ասավ.

— Դուրսը լավ է, մեջը վատ: Գիտե՞ս, կազակներն էլի չեն ուզում կովել: Ուրեմս, այս պատերազմից ոչինչ չի դուրս գա: Ասում էին, որ խոպերի օկրուգից դենը չեն գնա:

Խրիստոնյային ճանապարհ գնելով, Գրիգորին մի քիչ մտածելուց հետո որոշեց. «Կմնամ մի շաբաթ ու կգնամ ռազմաճակատ: Այստեղ կմեռնես ձանձրությունից»: Մինչև երեկո նա տանն էր: Վերհիշեց մանկությունը ու Միշատկայի համար եղեգնից հողմաղաց շինեց, ձիու մազից թակարդ հյուսեց ճնճղուկներ որսալու համար, դատրիկի համար սարքեց մի փոքրիկ կառք՝ պտտվող անիվներով և խայտաբղետ զարդարված առեղով, փորձեց նույնիսկ տիկնիկ սարքել լաթերից, սակայն ոչինչ դուրս չեկավ. տիկնիկը սարքվեց Գունյաշկայի օգնությունը:

Երեխաները, որոնց նկատմամբ Գրիգորին առաջ երբեք այդչափ ուշադիր չէր եղել, սկզբում անվստահ էին վերաբերվում նրա հնարքներին, բայց հետո արդեն ոչ մի բան չէին հեռանում նրանից, ու իրիկնադեմին, երբ Գրիգորին պատրաստվեց դաշտ գնալու, Միշատկան լացը պահելով հայտարարեց.

— Դու միշտ էլ այդպես ես: Գալիս ես մի բան ու էլի մեզ թողնում-գնում ես... Տա՛ր քեզ հետ թակարդն էլ, աղացն էլ, շաշանակն էլ, բոլորը տար: Ինձ հարկավոր չեն:

Գրիգորին որդու թաթիկները վերցրեց իր մեծ ձեռքերի մեջ, ասաց.

— Թե որ այդպես է, ա՛յ ինչ կասեմ. դու կազակ ես, արի գնանք դաշտերը. գարի կհնձենք, դեզեր կդնենք, պապիդ հետ կնստես հնձիչի վրա, ձի կքշես: Օ՛, ինչքա՛ն բզեզ կա այնտեղ, խոտերի մեջ, ինչքա՛ն դանազան թռչնակներ կան ձորում: Իսկ Պոլյուշկան տատի հետ կնստի տանը: Նա մեղանից չի նեղանա: Նա աղջիկ է, նրա գործն է տունը ավելել, փոքրիկ դուլլով Գոնից ջուր բերել տատի համար, ու էլ ի՞նչ գործ ասես, որ շանի տանը: Համաձա՞յն ես:

— Բա ո՞նց,— ցնծությամբ բացականչեց Միշատկան: Նրա աչքերը նույնիսկ փայլեցին սպասվելիք հաճույքից:

Իլլինիչնան փորձեց հակառակել.

— Ո՞ւր պիտի տանես դրան: Սատանեն գիտե, թե ինչեր ես մոզոնում: Բա նա ո՞րտեղ պիտի քնի, ո՞վ պիտի նրան մտիկ անի: Աստված շանի, կմոտենա ձիերին,— կխփեն, կամ թե օձը կկծի: Մի՛ գնա հորդ հետ, մեռնե՛մ արևիդ, մնա տանը,— դիմեց նա թոռնիկին:

Բայց վերջինիս կկոցված աչքերը հանկարծ փայլեցին շարագուշակորեն (իսկևիսկ ինչպես Պանտելեյ պապի աչքերը, երբ սա կատաղության էր հասնում), սեղմվեցին փոքրիկ բռունցքները, և նա բարձր, լացակումած ձայնով բղավեց.

— Տատի, սուս արա, հա՛-ա... Մեկ է, կգնամ: Հայրիկ, դրան մի՛ լսի...

Գրիգորին ծիծաղելով գրկեց որդուն, հանգստացրեց մորը.

— Սա ինձ հետ կքնի: Այստեղից ձին քայլով կքշենք, ես հո սրան վայր չե՞մ գցի: Սրա համար շոր պատրաստի, մերս, ու մի վախենա,— ողջ և առողջ կպահեմ, իսկ էգուց իրիկուն կբերեմ:

Այսպես սկսվեց Գրիգորիի ու Միշատկայի բարեկամությունը:

Տատարսկում անցկացրած երկու շաբաթվա ընթացքում Գրիգորին Ակսինյային տեսավ միայն երեք անգամ, այն էլ հարևանցիորեն: Ակսինյան իրեն հատուկ խելացիությամբ և տակտով խուսափում էր հանդիպումներից, հասկանալով, որ ավելի լավ է ինքը չերևա Գրիգորիի աչքին: Կանացի հոտա-

տությամբ նա իմացավ Գրիգորիի տրամադրությունը, հասկացավ, որ նրա նկատմամբ իր զգացումների յուրաքանչյուր անզգույշ և անժամանակ արտահայտությունը կարող է նրան դինել իր, Ակսինյայի դեմ, ինչ-որ մի բիծ նետել իրենց փոխհարաբերությունների վրա: Նա սպասում էր, որ Գրիգորին ինքը խոսի նրա հետ: Այդ պատահեց ռազմաճակատ մեկնելուց մի օր առաջ: Գրիգորին օրան բարձած սայլով գալիս էր դաշտից, ուշացել էր, մթնշաղին ծայրամասի մի նրբանցքի մոտ հանդիպեց Ակսինյային: Վերջինս հեռվից բարև տվեց, հազիվ նկատելի ժպտաց: Նրա ժպիտը սպասողականություն և անհանգստություն էր արտահայտում: Գրիգորին պատասխանեց բարևին, բայց չկարողացավ լուռ անցնել:

— Ի՞նչպես ես ապրում,— հարցրեց նա՝ աննկատելիորեն քաշելով երասանները, շափավորելով ձիերի թեթև քայլքը:

— Ոչինչ, շնորհակալ եմ, Գրիգորի Պանտելեևիչ:

— Ո՞նց է, իսկի շես երևում:

— Արտերումն էի... Գործը մենակ եմ տանում:

Գրիգորիի հետ սայլի վրա նստած էր Միշատկան: Թե-րևա այդ պատճառով Գրիգորին չկանգնեցրեց ձիերը, այլևս խոսակցությամբ շքբաղեցրեց Ակսինյային: Նա մի քանի սա-ժեն առաջ անցավ, լսեց Ակսինյայի ձայնը, ու ետ նայեց: Ակսինյան կանգնած էր ցանկապատի մոտ:

— Երկա՞ր պիտի մնաս խոտորում,— հարցրեց նա՝ հուզված պոկոտելով իր քաղած երիցուկի թերթիկները:

Ակսինյայի վայրկենական շփոթությունից երևում էր, որ նա ուզում էր էլի մի բան հարցնել: Բայց չգիտես ինչու չհարցրեց, ձեռքը թափ տվեց ու հապճեպ քայլեց դեպի արտավայրը, ոչ մի անգամ ետ չնայեց:

## XIX

Երկինքը ծածկված էր ամպերով: Մանր, ասես մաղով շաղ տրվող անձրև էր տեղում: Փայլում էին մատաղ աշնանախոտը, քոլախոտերը, տափաստանում տեղ-տեղ աճած վայրի սալորենու թփերը:



Պրոխորը, որ չափազանց վրդովված էր ժամկետից առաջ խոտորից մեկնելու պատճառով, դնում էր լուս, ամբողջ ճանապարհին ոչ մի անգամ չխոսեց Գրիգորիի հետ: Սկաստյանովսկի խոտորից դենը երեք ձիավոր կազակ հանդիպեցին: Նրանք գալիս էին կողք-կողքի, կրունկներով բռնում էին ձիերին, աշխույժ խոսակցում: Նրանցից մեկը, տարեց և շիկամորուք, տանը դորձած գորշ կապան հագին, հեռվից ճանաչեց Գրիգորիին, բարձրաձայն ասաց իր ուղեկիցներին.— «Դա Մեկխոլն է, տղերք»,— ու մոտենալով, կանգնեցրեց բարձրամարմին, շիկակարմիր ձին:

— Բարով հազար բարի, Գրիգորի Պանտելևիչ,— ողջունեց նա Գրիգորիին:

— Բարև,— պատասխանեց Գրիգորին՝ ապարդյուն փորձելով վերհիշել, թե որտեղ էր հանդիպել այդ շիկամորուք, մռայլադեմ կազակին:

Վերջինս ըստ երևույթին նոր էր փոխխորունժիի կոչում ստացել, ու հասարակ կազակի շնամանվելու համար հենց կապայի վրա բոլորովին նոր ուսադիրներ էր կացրել:

— Չե՞ս ճանաչում,— բոլորովին մոտենալով հարցրեց նա՝ մեկնելով հրակարմիր մազերով պատած, լայն ձեռքը քիթ ու բերանից փչելով օդու թունդ հոտը: Բուժ ինքնագուհիները փայլում էր նորաթուխ փոխխորունժիի դեմքին, փոքրիկ, լուրթ աչքերը կայծկլտում էին, շեկլիկ բեղերի տակին շրթունքները ծոմովում էին ժպիտից: Գեղջկական կապա հագած սպայի անհեթեթ տեսքը զվարճացրեց Գրիգորիին: Չթաքցնելով ծաղրանքը, նա պատասխանեց.

— Չեմ ճանաչում: Երևի ես հանդիպել եմ քեզ, երբ դու դեռ շարքային էիր... Քեզ նո՞ր են փոխխորունժիի կոչում տվել:

— Ըհը՛մ, ճիշտ իմացար: Մի շաբաթ է, որ կոչում են տվել: Ես ու դու հանդիպել ենք Կուդինովի շտաբում, կարծյոք ավետումին: Դու այն ժամանակ ինձ ազատեցիր փորձանքից, միտդ բեր: Է՛յ, Տրիֆոն, կամաց-կամաց գնացեք, ես կհասնեմ ձեր ետևից,— դիմեց մորուքավորը քիչ հեռու կանգ առած կազակներին:

Գրիգորին դժվարությամբ մտաբերեց, թե ինչ հանգամանքներում էր տեսնվել այդ շիկամազ փոխխորունժիի

հետ, վերհիշեց նրա «Սեմակ» մականունը և Կուդինովի կարծիքը նրա մասին.— «Անիծվածը առանց վրիպելու է կրակում, փախչող նապաստակներ է խփում հրացանով. կովումն էլ քաշ է ու լավ հետախույզ է, ամա խելքով փոքրիկ երևա է»: Ապստամբության ժամանակ Սեմակը լինելով հարյուրյակի հրամանատար, ինչ որ մի զանանք էր կատարել, որի համար Կուդինովը ուզում էր նրան պատժել, բայց Գրիգորին միջամտել էր, ու Սեմակը ներվել, մնացել հարյուրյակի հրամանատարի պաշտոնում:

— Ինչո՞ւ մաճակատի՞ց ես գալի,— հարցրեց Գրիգորին:

— Ճիշտ այդպես, նովոխոպերսկի մոտերքից, արձակուրդ եմ գնում: Մի քիչ, մի հարյուր հիսուն վերստ ծոցի ճամփես, դնացի Սլաշևսկայա, այնտեղ ազգականներ ունեմ: Ես հիշում եմ քո արած լավությունը, Գրիգորի Պանտելևիչ: Ծնորճ արա, էլի՛, ուզում եմ քեզ հյուրասիրել, հը՞: Տոպրակումս երկու շիշ մաքուր սպիրտ կա, եկ հիմի խմենք, հը՞:

Գրիգորին կտրականապես հրաժարվեց, բայց իրեն առաջարկված մի շիշ սպիրտը վերցրեց իբրև նվեր:

— Է՛-է՛, ինչե՛ր եղան այնտեղ: Կազակներն ու սոլաները լավ խեր տեսան, հա՛-ա,— պարծենկոտությամբ պատմում էր Սեմակը,— ես Բալաշովումն էլ եղա: Վերցրինք դա, ու գլխապատառ թռանք դեպի երկաթուղին, այնտեղ կանգնած էին լեփ-լեցուն գնացքները, բոլոր երկաթգծերը բռնված էին: Մի վագոնում շաքար կար, մյուսում՝ հագուստ, երրորդում՝ զանազան գույք: Կազակներից ոմանք քառասուն ձևոք շոր վերցրին: Հետո էլ, երբ գնացինք ջհուդներին թափ տալու,— ուղղակի ծիծաղ էր: Իմ կիսահարյուրյակից մի զոչաղ կազակ ջհուդներից տասնութ հատ գրպանի ժամացույց հավաքեց, դրանցից տասը հատը — ոսկի. շան կատուն կախ տվեց դոշից, հենց իսկական հարուստ վաճառական դարձավ: Այնքան մատանի և օղ էր վերցրել, որ հաշիվ չկար: Ամեն մատին՝ երկու-երեք մատանի...

Գրիգորին ցույց տվեց Սեմակի լեփ-լեցուն խուրջինները, հարցրեց.

— Այդ ինչ է քեզ մոտ:

— Այնպես, էլի՛... Չանազան բաներ են:

— Դու է՞լ ես թալանել:

— Այ քեզ բան, թալանելս ո՞րն է... Ոչ թե թալանել եմ, այլ օրենքով ձեռք բերել: Մեր գնդի հրամանատարն այսպես ասաց.— «Կվերցնեք քաղաքը, և դա երկու օր ձեր տրամադրության տակ կլինի»: Դե՛, ես ուրիշներից վա՞տ եմ, ինչ է: Վերցնում էի պետականը, ինչ որ ձեռքս էր ընկելու... Ուրիշներն ավելի վատ բան էին անում:

— Լա՛վ ուզվիկներ եք,— Գրիգորին զզվանքով նայեց կողոպտիչ փոխխորունժիին, ասաց.— Քեզ նմանները պետք է մեծ ճանապարհին, կամուրջների տակ նստեն ավազակության համար, և ոչ թե կովին: Պատերազմը արան-թալան եք դարձրել: է-հե՛, սրիկանե՛ր: Նոր արհեստ եք գտել: Դու կարծում ես դրա համար մի օր շե՞ն քերթի թե ձեր և թե գնդապետի կաշին:

— Այդ ինչի՞ համար:

— Հենց դրա համար:

— Այդ ո՞վ կարող է քերթել:

— Ով աստիճանով ավելի բարձր է:

Սեմակը հեզանքով ժպտաց, ասավ.

— Նրանք իրենք էլ են այդպես: Մենք գոնե խորջիններով ու սայլերով ենք տանում, իսկ նրանք ամբողջ գումակներով են ուղարկում:

— Դու տեսե՞լ ես:

— Բա՛ն ասացիր, էլի՛,— տեսե՛լ ես: Ինքս եմ այդ տեսակ գումակ տարել մինչև Յարիժենսկայա: Մի սայլ լեփլեցուն էր արծաթե ամաններով, բաժակներով, գդալներով: Սպաներից ոմանք վրա էին հասնում. «Ի՞նչ եք տանում, հապա ցույց տվեք»: Հենց որ ասում եմ՝ սա այսինչ գեներալի անձնական գույքն է, թողնում-հեռանում են դատարկ ձեռքով:

— Այդ ո՞ր գեներալն է,— կկոցելով աչքերը և ջղայնորեն տնտղելով սանձափողը, հարցրեց Գրիգորին:

Սեմակը խորամանկ ժպտաց, ասավ.

— Մոռացել եմ նրա ազգանունը... Ո՞վ էր նա, աստված, հիշողություն տուր: Չէ՛, մոռացել եմ, չեմ կարողանում մտաբերել: Բայց դու զուր ես մեզ նախատում, Գրիգորի Պանտելիչ: Դրուստ խոսք է ասածս, բոլորն էլ այդպես են անում: Ես հլա ուրիշների դիմաց այնպես եմ, ինչպես

գառը գայլի դիմաց. ես քիչ էի վերցնում, իսկ ուրիշները մարդկանց տկլորացնում էին հենց փողոցի մեջտեղում, ջհուղ կանանց բռնաբարում որտեղ պատահեր: Ես այդ գործերով չէի զբաղվում, ես օրինական կնիկ ունեմ, այն էլ ի՞նչ կնիկ, ուղղակի ջեյրան: Չէ՛, չէ՛, դու զուր տեղը վրես հերտեսցիր: Կաց, ո՞ւր ես գնում:

Գրիգորին գլխի շարժումով սառն հրաժեշտ տվեց Սեմակին, ասաց Պրոխորին.

— Ե՛կ իմ ետևից,— ու սլացավ վարդով:

Ճանապարհին հաճախակի հանդիպում էին միայնակ ու խմբերով արձակուրդ գնացող կազակներ: Երբեմն էլ երկձի սայլեր էին պատահում: Դրանց բեռը ծածկված էր բրեզևտներով կամ հաստ քաթաններով, կապված էր հողատարության: Սայլերի ետևից, ասպանդակների վրա կիսով չափ կանգնելով, վարդում էին կազակները, որոնք հագել էին նոր, ամառային բլուզներ, պաշտպանական գույնի կարմիրբանակային շավվարներ: Կազակների փոշոտ, արևից սևացած դեմքերը աշխույժ, ուրախ էին, բայց հանդիպելով Գրիգորին, նրանք աշխատում էին շուտ անցնել նրա կողքից, լուռ էին, ասես հրամանով ձեռքերը տանում էին գլխարկների հովարներին,— պատիվ էին տալիս, ու նրանից բավական հեռանալով, նորից խոսում էին իրար մեջ:

— Գալիս են վաճառականները,— ծաղրանքով ասում էր Պրոխորը՝ հեռվում տեսնելով ձիավորների, որոնք ուղեկցում էին թալանված գույքով բեռնված սայլը:

Սակայն բոլորը չէին, որ ավարով արձակուրդ էին գնում: Մի խուտորում, ձիերը ջրելու համար կանգ առնելով ջրհորի մոտ, Գրիգորին հարևան տանից երգի ձայն լսեց: Դատելով մանկականորեն մաքուր, լավ ձայներից, երգողները երիտասարդ կազակներ էին:

— Երևի զինվոր մարդու են ճանապարհ գցում,— ասաց Պրոխորը դուչլով ջուր հանելիս: Նախորդ օրը մի շիշ սպիրտ խմելուց հետո նա դեմ չէր նորից կոկորդը թրջելուն, դրա համար էլ հապճեպորեն ջրելով ձիերը, ծիծաղելով առաջարկեց.

— Պանտելիչ, չգնա՞նք այնտեղ, հը՞: Կարելի է այդ քեֆի մեջ մենք էլ մի-մի բաժակ խմենք: Թեև տունը եղեգնով է ծածկված, բայց երևում է, որ հարուստ է:

Գրիգորին համաձայնվեց գնալ տեսնել թե ինչպե՞ս են ճանապարհ դնում «խոխային»։ Զիերը կապելով ցանկապատին, նա ու Պրոխորը մտան բակը։ Մարագի շարդախի աակ, կլոր մսուրի շուրջը թամբած շորս ձի կար։ Ամբարից դուրս եկավ մի պատանի, վարսակով լիք լցված կտոր ձեռքին։ Նա անցողակի նայեց Գրիգորին, մոտեցավ վրնչող ձիերին։ Տան անկյունից դենը թնդում էր երգը։ Մեկը երերուն, բարձրը տենորով սկսում էր.

Կտր ժամանակ, կար մի ճամփա, այն ճամփով  
Ոչ ոք ոտով չէր գնում...

Թավ, ծխելուց խուլված մի ձայն, կրկնելով վերջին բաները, միախառնվեց տենորին, հետո մասնակցեցին նոր, ներդաշնակվող ձայներ, ու երգը դնգաց վեհորեն, ազատ ու տրտում։ Գրիգորին շուղեց իր ներկայությունը ընդհատել երգիչներին. նա շոշափեց Պրոխորի թևքը, շշնջաց.

— Կաց, չերևաս, թող վերջացնեն երգը։

— Ճանապարհ դնողներ չեն։ Այդպես ելանցիներն են երգում։ Այնպես, էլի, երգերով են տարվել։ Լավ են մղմղացնում անիրավները,— հավանություն տվեց Պրոխորը և ջղայնացած թքեց. խմելու գործը շատ երևույթին գլուխ չէր գալիս։

Նուրբ տենորը երգով մինչև վերջ պատմեց պատերազմում անփութություն ցուցաբերած կաղակի բախտի մասին.

Հետևակի. ձիավորի հետք էլ չկար այն ճամփին։  
Կազակական հեծյալ գունդը անց էր կենում այն ճամփով։  
Գնդի հետքով վազ էր տալի նժույգ մի ձի գովական։  
Նրա մեջքից չերթեզական թամբը կողքին էր ընկել։  
Աչ ազանջից կախ էր ընկել սանձը նրա դարդարուն։  
Արբեշումե սանձափողը ոտների տակ է ընկնում։  
Նրա հետքով վազ է տալի Դոնի ցահել մի կազակ,  
Բղավում է հավատարիմ իր նժույգի ետևից,—  
«Կանց առ. հոգիս. սպասիր դու, հավատարիմ իմ նժույգ,  
Ինձ մի թողնի, ինձ մի թողնի միայնակ,  
ես առանց քեզ չեմ ազատվի շեշեններից շարամիտ...»

Երգեցողությունը հմայված, Գրիգորին կանգնել էր մեջքը խրճիթի սպիտակ պատին հենած, շխելով ոչ ձիերի վրնջը, ոչ էլ փողոցով անցնող սայլի ճոխնջը...

Խրճիթի անկյունից դենը երգիչներից մեկը վերջացնելով երգը, հազաց, ասավ.

— Մեր պար գալն ա՛վելի լավ էր. քանց երգելը։ է՛հ, ինչքան որ կարող ենք, այնքան էլ երգում ենք։ Լավ կլիներ, տատիկներս. դինվոր տղերքին ճամփի համար էլ ուտելու բան տալիք։ Լավ կերանք, փառք ասածու, ամա ճանապարհին ուտելու ոչինչ չունենք...

Գրիգորին սթափվեց մտորումներից, դուրս եկավ անկյունից։ Մուտքի սանդուղքի ստորին աստիճանի վրա շորս երիտասարդ կազակներ էին նստած. խիտ բաղմունքամբ նրանց շրջապատած, կանգնել էին հարևան տներից հավաքված կանայք, պառավները, երեխաները։ Ունկնդրող կանայք փղձկալով ու խնչելով, լաշակների ծայրերով սրբում էին արցունքները։ Երբ Գրիգորին մոտեցավ մուտքի սանդուղքին, պառավներից մեկը,— բարձրահասակ ու սևաշյա, պատկերանկարչական ակնառու գեղեցկության հետքերը թորշուժած դեմքին,— ծոր տվող ձայնով ասում էր.

— Ձեր արևին մեռնեմ, ինչքան լավ ու դարդոտ եք երգում։ Ձեզնից ամեն մեկը երևի մեր ունի, ու երևի նա, հիշելով, որ իր որդին կորչում է կովի մեջ, բուռ-բուռ արտասուք է թափում...— Նայելով բարևող Գրիգորին ու փայլեցնելով աչքերի դեղին սպիտակուցները, պառավը հանկարծ ցասկոտ ասավ.— Ե՛վ դու, ձեռք բարեծննդություն, այս տեսակ ծաղիկներին մեռցնելու ես տանում, հա՛-ա։ Կործանո՞ւմ ես պատերազմում։

— Մեզ էլ են կործանում, տատի,— նոթոտ պատասխանեց Գրիգորին։

Անձանոթ սպայի գալուց շփոթված կազակները արագությամբ ոտքի ելան, ոտներով դեն քշեցին սանդուղքի աստիճաններին դրված ափսեները կերակրի մնացորդներով, շտկեցին վերնաշապիկները, հրացանների փոկերը, սուսերակալները։ Երգելու ժամանակ նրանք հրացանները նույնիսկ չէին իջեցրել ուսերից։ Նրանցից ամենամեծը տեսքով քսանհինգ տարեկանից ա՛վելի չէր լինի։

— Որտեղի՞ց եք,— հարցրեց Գրիգորին՝ դիտելով կազակների երիտասարդական թարմ դեմքերը։

— Զորամասից...— անվճռականորեն պատասխանեց նրանցից մեկը, որ կարճաքիթ էր, ծիծաղկոտ աչքերով:

— Ես հարցնում եմ՝ ո՞րտեղացի եք, ո՞ր ստանիցայից: Այստեղացի չե՞ք:

— Ելանակից ենք, գնում ենք արձակուրդ, ձերդ բարե՝ ծննդովս:

Գրիգորին ձայնից ճանաչեց երգը սկսողին, ժպտալով հարցրեց.

— Դո՞ւ էիր սկսում երգը:

— Ծ'ս:

— Լա՛վ ձայն ունես, հա՛-ա: Իսկ ի՞նչ առիթով էիք երգում, ուրախությունի՞ց, թե ինչ: Ձեր տեսքից չի երևում, որ խմած լինեք:

Բարձրահասակ, խարտյաչ մի երիտասարդ, որ խնամքով սանրած, փոշոտ քյաքուլով էր և թուխ, մեջտեղը թունդ կարմիր այտերով, շեղակի նայեց պառավներին ու, շփոթված ժպտալով, դժկամ պատասխանեց.

— Ի՛նչ ուրախություն, ի՛նչ բան... Կարիքն է մեզ երգել տալի: Միթամ ապրուստ է, էլի, այս կողմերումը լավ չեն կերակրում, մի կտոր հաց են տալի, ու պրծավ-գնաց: Մենք էլ երգ ասելուն զոռ տվինք: Հենց որ երգում ենք, կնանիքը վազեվազ գալիս են լսելու. մենք մի որևէ տխուր բան ենք երգում, դե, նրանց սիրտն էլ լցվում է, ու մեկը մի կտոր խոզաճարպ է բերում, մյուսը կճուճով կաթ և էլի ուրիշ ուտելիք...

— Մենք տերտերների պես ենք, պարոն հարյուրապետ, երգում ենք ու տնօրհնների նվերներ հավաքում,— ընկերներին աչքով անելով, ժպտալիս կկոցելով ծիծաղկոտ աչքերը, ասաց երգ սկսողը:

Կազակներից մեկը կրծքի գրպանից հանեց կեղտոտված մի թուղթ, մեկնեց Գրիգորիին:

— Ահա մեր արձակուրդի վկայականը:

— Դա ինչի՞ս է պետք:

— Կարելի է կասկածում եք, մենք դասալիքներ չենք...

— Դու այդ ցույց կտաս, երբ հանդիպեք պատժիչ շոկատին,— վրդովմունքով ասաց Գրիգորին, բայց գնալուց առաջ այնուամենայնիվ այսպիսի խորհուրդ տվեց.— Դուք գի-

շերով գնացեք, իսկ ցերեկները կարելի է անցկացնել որևէ տեղում: Ձեր թուղթը անհուսալի է, կարող է պատահել բռնրվեք... Թուղթը առանց կնիքի՞ է:

— Մեր հարյուրյակում կնիք չկա:

— Դե, եթե չեք ուզում, որ կալմիկները հրացանի շամփուրներով ձողկեն ձեզ, կատարեցեք իմ խորհուրդը:

Խուտորից երեք վերստ հեռավորությամբ, որտեղից մի հարյուր հիսուն սաժեն էր մնում մինչև անտառը, որ սկզբվում էր հենց ճանապարհի եզրից,— Գրիգորին նորից տեսավ դեմոտեմ եկող երկու ծիծաղներ: Նրանք մի բուրբուկ կանգ առան, նայեցին Գրիգորիի կողմը, հետո կտրուկ շուռ եկան դեպի անտառը:

— Դրանք առանց թղթի են գնում,— ասաց Պրոխորը:— Տեսա՞ր, թե ոնց ծլկեցին անտառ: Հիմարները զուր են ցերեկով գնում:

էլի մի քանի մարդ, տեսնելով Գրիգորիին ու Պրոխորին, շուռ եկան ճանապարհից, շտապեցին անհայտանալ: Մի հետևակային, տարիքավոր կազակ, որ ծածուկ տուն էր գնում, նետվեց արևածաղիկների մեջ, թաքնվեց ինչպես նապաստակը թփերում: Անցնելով նրա կողքից, Պրոխորը կանգնեց ասպանդակների վրա, բղավեց.

— Է՛յ, հայրենակից, լավ չես թաքնվում... Գլուխդ թաքցրել ես, իսկ ո... երևում է:— Եվ շինծու զայրույթով գոռաց.— Հապա դուրս եկ, ցույց տուր փաստաթղթերդ:

Երբ կազակը վեր թռավ և կուզեկուզ փախավ արևածաղիկների միջով, Պրոխորը փա՛ռ-փառ ծիծաղեց, փորձեց քշել ձին, որ ընկնի նրա ետևից, բայց Գրիգորին կանգնեցրեց նրան.

— Հիմարություն մի անի: Թող ջհաննամը գնա, առանց այդ էլ նա վազելու է մինչև քրտնախաշ լինի: Հլա դեռ կարող է մեռնել վախից...

— Ի՞նչ ես ասում: Որսկան շներով էլ չես հասնի նրա ետևից: Հիմի նա մի տասը վերստ յորդա կգնա: Տեսա՞ր, թե ոնց ճղեց արևածաղիկների միջով: Այսպիսի դեպքերում մարդը ո՞նց է այդքան արագ վազ տալի, ես մինչև իսկ զարմանում եմ:

Առհասարակ բացասաբար արտահայտվելով դասալիք-  
ների մասին, Պրոխորն ասաց.

— Ո՛նց են գնում, է՛, հենց իրար գլխի հավաքված: Ասես  
չվալի միջից են դրանց թափել: Տե՛ս, Պանտելիչ, չլինի թե  
շուտով մենակ ես ու դու պահենք ուղմաճակատը...

Գրիգորին որքան մոտենում էր ուղմաճակատին, այն-  
քան նրա աչքերի առաջ լայն շափով էր բացվում Դոնի բա-  
նակի քայքայման նողկալի պատկերը,— քայքայում, որ  
սկսվել էր հենց այն միջոցին, երբ ապստամբներով համա-  
լրված բանակը առավել հաջողությունների էր հասել Հյուսի-  
սային ուղմաճակատում: Արդեն այդ ժամանակ նրա զորա-  
մասերը ոչ միայն անընդունակ էին վճռական հարձակման  
անցնելու և կոտորելու հակառակորդի դիմադրությունը, այլև  
իրենք էլ անկարող կլինեին դիմադրելու լուրջ գրոհին:

Այն ստանիցաներում ու գյուղերում, ուր տեղավորվում  
էին ուղմաճակատին մոտիկ ռեզերվները, սպաներն անդա-  
դար զբաղվում էին հարբեցողությամբ. բոլոր կարգերի գու-  
մակները լեփ-լեցուն էին թալանված և դեռ թիկունք չուղարկ-  
ված գույքով. զորամասերում մնում էր նրանց կազմի ամե-  
նաշատը 60 տոկոսը. կազակները ինքնակամ էին արձա-  
կուրդ գնում, ու կալմիկներից կազմված, տափաստաններում  
թրևող պատժիչ ջոկատները անզոր էին կանգնեցնելու մաս-  
սայական դասալքության ալիքը: Սարատովի նահանգի  
գրավված գյուղերում կազակներն իրենց պահում էին ինչ-  
պես նվաճողներ՝ օտար տերիտորիայում. թալանում էին  
բնակչությանը, բռնաբարում կանանց, ոչնչացնում հացի  
պաշարները, մորթում անասունները: Բանակը համալրվում  
էր բոլորովին երիտասարդ տղաներով և հիսունամյա ծերու-  
նիներով. ուղմաճակատ գնացող հարյուրյակներում բացա-  
հայտ ասում էին, որ չեն ցանկանում կռվել, իսկ այն զորա-  
մասերում, որոնք ուղարկվում էին վրոննեժի ուղղությամբ,  
կազակները ուղղակի չէին հնազանդվում սպաներին: Ըստ  
լուրերի, առաջավոր դիրքերում հաճախ սպաների սպանու-  
թյուններ էին կատարվում:

Երեկոյան մթնշաղին Գրիգորին գիշերելու համար  
կանգ առավ Բալաշովի մերձակայքում, մի փոքրիկ գյուղում:  
Զորակոչման ավագ հասակի կազակներից բաղկացած 4-րդ

առանձին պահեստի հարյուրյակը և Տագանուգյան զնդի  
սակրային վաշտը գրավել էին գյուղի բոլոր բնակելի շենքե-  
րը: Գրիգորին ստիպված եղավ երկար ժամանակ տեղ փոխ-  
րել գիշերելու համար: Կարելի էր դաշտում գիշերել, ինչպես  
նրանք սովորաբար անում էին, բայց գիշերամտին անձրև  
եկավ, ու Պրոխորն էլ բռնվել էր մալարիայի հերթական մո-  
լուցքով: Հարկավոր էր գիշերն անցկացնել որևէ ծածկի տակ:  
Գյուղի ծայրում, բարդիներով շրջապատված մի մեծ տան  
մոտ կանգնած էր արևից վնասված մի զրահապատ ավտո-  
մոբիլ: Դրա կողքից անցնելիս Գրիգորին կարողաց կանաչ  
պատի չճնշված մակագրությունը՝ «Մա՛հ սպիտակ սրիկա-  
ներին», ու դրա տակին ավտոմոբիլի անունը՝ «Սվիրեպի»  
(դաժան): Բակից, ձիակապարանից ձիերի փնշոց և մարդ-  
կային ձայներ էին լսվում. տան ետևում, այգում խարույկ  
էր վառված, ծուխը փռվում էր ծառերի կանաչ գագաթների  
վրա ու ցնդում. խարույկի լույսի տակ կազակների շարժ-  
վող կերպարանքներ էին երևում: Քամին խարույկից տանում  
էր վառվող ծղոտի և խոզի այրված մազի հոտը:

Գրիգորին իջավ ձիուց, գնաց տունը:

— Ո՞վ է տանտերը,— հարցրեց նա՝ մտնելով մարդ-  
կանցով լեցուն, ցածրիկ մի սենյակ:

— Ես եմ: Ի՞նչ եք ուզում,— Ցածրահասակ մի մուժիկ,  
որ հենվել էր վառարանին, առանց դիրքը փոխելու նայեց  
Գրիգորիին:

— Թույլ կտա՞ք ձեզ մոտ գիշերել: Մենք երկու հոգի ենք:

— Առանց այդ էլ մենք այստեղ շատ ենք ոնց որ կո-  
րիզները ձմերուկի մեջ,— դժգոհ մոթմոթաց նստարանի վրա  
պառկած տարիքավոր մի կազակ:

— Ես բան չէի ասի, միայն թե շատ մարդ կա մեզ  
մոտ,— կարծես արդարանալով, ասաց տանտերը:

— Մի կերպ կտեղավորվե՞ք: Հո անձրևի տակ չե՞նք  
գիշերելու,— պնդում էր Գրիգորին:— Իմ սուրհանդակը հի-  
վանդ է:

Նստարանի վրա պառկած կազակը տնքաց, իջեցրեց ոտ-  
ները ու գննելով Գրիգորիին, արդեն ուրիշ տոնով ասաց.

— Մենք, ձերդ բարեծննդություն, տանտիրոջ հետ միա-  
սին տասնչորս հոգի ենք երկու սենյակում, իսկ երրորդ սեն-

յակը զբաղեցրել է անգլիական մի սպա իր երկու սպասյաձ կով. դրանից ջոկ նրանց հետ տեղավորվել է նաև մեր մէ սպան:

— Կարելի է տեղավորվե՞ք նրանց հետ,— բարյացակամորեն ասաց մի ուրիշ կազակ՝ արևխառն մորուքով և ավագ ուրյաղնիկի ուսադիրներով:

— Ոչ, ավելի լավ է այստեղ մնամ: Ինձ քիչ տեղ է հարկավոր, հատակի վրա կպառկեմ, ձեզ չեմ նեղի:— Գրիգորի ն հանեց շինելը, ձեռքի ափով կոկեց մազերը, նստեց սեղանի մոտ:

Պրոխորը դուրս ելավ ձիերին նայելու:

Հարևան սենյակում հավանորեն լսեցին խոսակցությունը: Հինգ րոպեից հետո ներս մտավ կարճահասակ, պճնագեղ հագնված մի պորուչիկ:

— Դուք գիշերելու տե՞ղ եք փնտրում,— դիմեց նա Գրիգորիին, ու հարևանցիորեն նայելով նրա ուսադիրներին, սիրալիք ժպիտով առաջարկեց.— Տեղափոխվեցեք մեզ մոտ, մեր սենյակը, հարյուրապետ: Ես և անգլիական բանակի լեյտենանտ պարոն Քեմփբելը խնդրում ենք ձեզ, այնտեղ ձեզ համար ավելի հարմար կլինի: Իմ ազգանունը Շչեգլով է: Ձե՞րը:— Նա սեղմեց Գրիգորիի ձեռքը, հարցրեց.— Դուք ռազմաճակատի՞ց եք գալիս. ա՛խ, արձակուրդի՞ց: Գնանք, գնանք: Մենք ուրախությամբ կհյուրընկալենք ձեզ: Դուք հավանորեն քաղցած կլինեք, իսկ մենք հյուրասիրելու շատ բան ունենք:

Պորուչիկի ֆրենչի վրա, որ կարված էր հիանալի, բաց կանաչ մահուդից, երևում էր սպայական գեորգեյան խաչը, աչքի էր ընկնում փոքրիկ գլխի անբասիր մազաբաժանը, սապոգները խնամքով մաքրված էին, թխադալուկ, մաքուր սափրված նրա դեմքից, ամբողջ վայելչակազմ նրա կերպարանքից մաքրություն և ինչ-որ ծաղկային օղեկոտնի թունդ հոտ էր զգացվում: Հաշտում նա քաղաքավարություն սպասեց, որ Գրիգորին առաջ անցնի, ու ասաց.

— Դուրը ձախ կողմն է: Զգույշ, այստեղ արկղ կա, շղիպչեք:

Գրիգորիին դիմավորելու համար ոտքի ելավ երիտասարդ, բարձրահասակ ու ամրակազմ լեյտենանտը՝ շեղակի

ձեղքված վերին շրթունքը ծածկող խիտ, սև բեղերով և միմյանց մոտիկ գորշ աչքերով: Պորուչիկը Գրիգորիին ծանոթացրեց նրա հետ, անգլերեն ինչ-որ բան ասաց: Լեյտենանտը թափահարեց հյուրի ձեռքը ու, նայելով մերթ նրան մերթ պորուչիկին, մի քանի խոսք ասաց. ժեստով հրավիրեց նրստել:

Սենյակի մեջտեղում իրար կողքի դրված էր երթական շորս մահճակալ, անկյունում կուտակված էին ինչ-որ արկղեր, ուղեպարկեր, կաշվե ճամպրուկներ: Մնդուկի վրա դրված էին Գրիգորիին անծանոթ սիստեմի մի ձեռքի գնդացի, հեռադիտակի պատյան, ցինկե փամփշտանոցներ, սև ագուստով ու նոր, չքերքրված, գորշ-կապտավուն փողով մի կարճ հրացան:

Լեյտենանտը դուրեկան, խուլ և թավ ձայնով ինչ-որ բան էր ասում, բարյացակամորեն նայում Գրիգորիին: Գրիգորին չէր հասկանում օտար, իր ականջին տարօրինակ հնչող լեզուն, բայց գլխի ընկնելով, որ իր մասին են խոսում, իրեն զգում էր փոքր-ինչ անհարմար վիճակում: Պորուչիկը խոսնըխտում էր ճամպրուկներից մեկը, ժպտալով լսում, հետո ասաց.

— Միստր Քեմփբելն ասում է, որ շատ է հարգում կազակներին, որ, իր կարծիքով, նրանք հիանալի հեծելակներ ու ռազմիկներ են: Դուք հավանորեն ուտե՞լ եք ուզում, այո՞. դուք խմո՞ւմ եք: Նա ասում է, որ վտանգը մտերմացնում է... է-է՛, գրողը տանի, ամեն տեսակ դատարկություն է ասում:— Պորուչիկը ճամպրուկից հանեց մի քանի տուփ պահածո, երկու շիշ կոնյակ ու նորից կոացավ ճամպրուկի վրա՝ շարունակելով թարգմանել.— Դրա ասելով՝ Ուստ-Մեդվեդիցկում կազակ սպաները իրեն շատ սիրալիք էին ընդունել: Այնտեղ նրանք մի ահագին տակառ Դոնի գինի էին խմել. բոլորն էլ թունդ հարբել էին և խիստ ուրախ ժամանակ անցկացրել ինչ-որ գիմնազիստուհիների հետ: Դե, այդպես է ընդունված, էլի: Սա իրեն համար հաճելի պարտականություն է համարում իրենց ցույց տված հյուրասիրության համար հատուցել ոչ պակաս հյուրասիրությամբ: Ի՞նչ դուք պետք է տանեք այդ: Ես խղճում եմ ձեզ... Դուք խմո՞ւմ եք:

— Շնորհակալութիւն, խմում եմ,— ասաց Գրիգորին՝ գաղտուկ զննելով սանձափոկից ու ճանապարհի փոշուց կեղտոտված իր ձեռքերը:

Պորուշիկը տուփերը դրեց սեղանին. ճարպկութեամբ բացեց դրանք, հոգոց հանելով ասաց.

— Գիտե՞ք, հարյուրապետ, սա, այս անգլիացի խոզը հոգիս հանել է: Խմում է առավոտից մինչև ուշ գիշեր: Կոնծում է շտեմնված կերպով: Ես ինքս, գիտե՞ք, դեմ չեմ խմելուն, բայց այդքան ահոելի չափով չեմ կարող խմել: Իսկ սա,— պորուշիկը ժպտալով նայեց լեյտենանտին, Գրիգորիի համար անսպասելի մայր հայհոյեց,— սոված թե կուշտ փորով խմում է հա՛ խմում:

Լեյտենանտը ժպտում էր, գլխով անում, ուռեերեն կոտրատելով ասում էր.

— Այո՛ւ, ա՛յո՛ւ... լավ է... Պետկ է խմել ցեր գենացր: Գրիգորին ծիծաղեց, գլխով թափ տվեց մազերը: Այդ երիտասարդները նրան ուղղակի դուր էին գալիս, իսկ անիմաստ ժպտացող և ծիծաղաշարժ կերպով ուռեերեն խոսող լեյտենանտը ուղղակի հիանալի էր:

Սրբելով բաժակները, պորուշիկն ասում էր.

— Երկու շաբաթ է, որ ես սրա հետ քարշ եմ գալիս, այդ ի՞նչպես կարելի է: Նա աշխատում է իբրև տանկերը վարելու հրահանգիչ, որոնք տրված են մեր երկրորդ կորպուսին, իսկ ինձ սրա մոտ թարգմանիչ են նշանակել: Ես ազատ խոսում եմ անգլերեն, հենց այդ էլ կործանեց ինձ... Մեզանում էլ են խմում, բայց ոչ այդպես: Իսկ սա սատանան գիտե՛, թե ինչ է: Կտեսնեք, թե ինչի է ընդունակ: Միայն իրեն օրական շորս-հինգ շիշ կոնյակ է հարկավոր: Ընդմիջումներով այդքան խմում է ու չի հարբում, նույնիսկ այդքան խմելուց հետո էլ ընդունակ է աշխատելու: Նահատակել է ինձ: Ստամոքսս սկսում է ցավել, այս օրերին տրամադրութունս զարհուրելի է, ու ես այնքան եմ զզվել սպիրտից, որ հիմա վախենում եմ նույնիսկ վառվող լամպի մոտ նստել... Սատանան գիտե, թե ինչ է սա:— Խոսելիս նա երկու բաժակ լիքը լցրեց կոնյակով, իսկ իր համար միայն մի քիչ լցրեց:

Լեյտենանտը աչքերով ցույց տալով բաժակը, ծիծաղելով, սկսեց աշխույժ խոսել ինչ-որ բանի մասին: Պորուշիկը

ձեռքը աղերսականորեն կրծքին դրած, զուսպ ժպտալով, պատասխանում էր նրան, ու միայն երբեմնակի նրա սե, բարի աչքերում մի ակնթարթ բարկության կայծեր էին բռնելովում: Գրիգորին վերցրեց բաժակը, շիկացրեց սրտաբաց տանտերերի հետ, խմեց միանգամից:

— Օ՛,— հավանութեամբ ասաց անգլիացին ու, դատարկելով իր բաժակը, արհամարհանքով նայեց պորուշիկին:

Լեյտենանտը իր մեծ, թուխ, բանուկ ձեռքերը դրել էր սեղանին, ձեռքերի երեսին, ծակոտիների մեջ սեին էր տալիս մեքենայի քսուքը, մատները թեփոտվել էին բենզինի հետ հաճախակի գործ ունենալուց և պատած էին հին քերձվածքներով, իսկ դեմքը փափրիկ էր, պարարտ, կարմիր: Ձեռքերի ու դեմքի միջև այնքան մեծ էր հակադրութիւնը, որ Գրիգորիին երբեմն թվում էր, թե լեյտենանտը դիմակով է նստած:

— Դուք ինձ փրկում եք,— ասաց պորուշիկը՝ պոնկեպոննկ լցնելով երկու բաժակը:

— Իսկ սա մենակ չի՞ խմում, ինչ է:

— Հենց այդ է բանը: Առավոտից մենակ է խմում, իսկ երեկոյան չի կարող: Դեհ, խմե՛նք, էլի՛:

— Թունդ բան է...— Գրիգորին մի քիչ խմեց բաժակից, բայց նկատելով լեյտենանտի զարմացած հայացքը, կոնծեց մնացած կոնյակը:

— Նա ասում է, որ դուք հիանալի եք: Ձեր խմելը նրան դուր է գալիս:

— Ես իմ պաշտոնը կփոխեի ձեր պաշտոնի հետ,— ժպտալով ասաց Գրիգորին:

— Հավատացած եմ, որ երկու շաբաթից հետո կփախչեիք:

— Այդպիսի բարիքի՞ց:

— Ես, համենայն դեպս, կփախչեմ այս բարիքից:

— Ռազմաճակատում ավելի վատ է:

— Այստեղ նույնպես ռազմաճակատ է: Այնտեղ կարելի է մեռնել գնդակից կամ արկի բեկորից, այն էլ ոչ միշտ իսկ այստեղ ինձ համար ապահովված է հարբեցողութեան տենդը: Փորձեցեք այս պահածո պտուղները: Վետչինա չե՞ք ուզում:

— Շնորհակալութիւն, ես ուտում եմ:

— Անզլիացիք այս բաների վարպետներ են: Նրանք իրենց բանակն այնպէս շին կերակրում, ինչպէս մենք:

— Մի՞թե մենք կերակրում ենք: Մեր բանակը արոտով է կերակրվում:

— Ցավոք սրտի դա ճիշտ է: Սակայն մարտիկներին սպասարկելու այս մեթոդով հեռու շես գնա, մանավանդ եթե այդ մարտիկներին թուլատրվի անպատիժ թալանել բնակչութիւնը...

Գրիգորին ուշադրութեամբ նայեց պորուշիկին, հարցրեց,

— Իսկ դուք հեռու՞ եք գնալու:

— Մենք միեւնոյն ճանապարհով ենք գնալու, ինչի՞ մասին եք հարցնում:— Պորուշիկը շնկատեց, թե ինչպէս լեյտենանտը վերցրեց շիշը ու լիքը լցրեց նրա բաժակը:

— Հիմա մնում է, որ դուք խմեք ամբողջ բաժակը,— ժպտաց Գրիգորին:

— Սկսվում է,— նայելով բաժակին, հոգոց հանեց պորուշիկը: Նրա այտերը շիկնեցին անընդմեջ, նուրբ կարմրութեամբ:

Երբեք էլ լուռ շխկացրին բաժակները, խմեցին:

— Մեր ճանապարհը մեկ է, բայց ամեն մեկը տարբեր կերպ է գնում...— նորից խոսեց Գրիգորին՝ կնճռոտելով ճակատը և շկարողանալով պատառաքաղով բռնել ափսեի մեջ սահող ծիրանը:— Մեկը մոտիկ տեղ է իջնում, մյուսն ավելի հեռու գնում, ոնց որ գնացքում...

— Մի՞թե դուք մինչև վերջին կայարանը չեք գնալու:

Գրիգորին զգում էր, որ հարբում է, բայց խմիչքը դեռ չէր հաղթահարել նրան. ծիծաղելով, նա պատասխանեց.

— Իմ կապիտալը չի հերիքի մինչև վերջին կայարանը տոմս գնելու համար: Իսկ դո՞ւք:

— Դե, իմ դրութիւնը ուրիշ է. եթե նույնիսկ իջեցնեն գնացքից, ոտով կգնամ մինչև վերջ:

— Ուրեմն ձեզ բարի ճանապարհ: Դեհ, խմենք:

— Մնում է խմել: Դժվարը սկսելն էր...

Լեյտենանտը բաժակը շխկացնում էր Գրիգորիի ու պորուշիկի բաժակներին, խմում էր լուռ, համարյա չէր ուտում: Նրա դեմքը աղյուսեկ-կարմիր դուրս էր ստացել, աչքերը պայ-

ծառացել էին, շարժումների մեջ դիտավորյալ դանդաղ կոտորութիւն երևաց: Դեռ չէին վերջացրել երկրորդ շիշը, իսկ նա արդեն ծանր վեր կացավ, վստահաբայ մոտեցավ ճամպրուկներին, հանեց ու բերեց երեք շիշ կոնյակ: Շշերը դնելով սեղանին, ժպտաց շրթունքների ծայրերով, թավ ձայնով ինչոր բան մոմնաց:

— Միստր Քեմփբելն ասում է, որ պետք է երկարաձգել հաճույքը: Գրրրո՞ղը տանի այս միստրին: Դուք ի՞նչ կասեք:

— Ի՞նչ կա որ, կարելի է երկարաձգել,— համաձայնվեց Գրիգորին:

— Այո՞, բայց ինչպիսի՞ թափ: Այս անզլիական մարմնի մեջ ոուս վաճառականի հոգի կա: Ես կարծես թե արդեն...

— Ձեր տեսքից այդ շի երևում,— խորամանկեց Գրիգորին:

— Ո՛րտեղից, Ես այժմ թույլ եմ աղջկա պես... Բայց դեռ կարող եմ շարունակել, այո, այո, կարող եմ շարունակել և նույնիսկ առանց ետ մնալու:

Պորուշիկը իր բաժակը կոնծելուց հետո բավական շմեց. նրա սև աչքերը փայլեցին ու սկսեցին մի փոքր շլել, դեմքի մկանները թուլացան, շրթունքները գրկթե չէին ենթարկվում նրան ու այտերի ստորին մասերը ուրիշիկ ցնցվում էին: Կոնյակը շմեցուցիչ ազդեցութիւն գործեց նրա վրա: Պորուշիկի դեմքը այնպիսի արտահայտութիւն ուներ, ինչպէս այն եզան դեմքը, որի ճակատին, նախքան մորթելը, շրմփացրել են տասը ֆունտանոց մուրճով:

— Դուք դեռ միանգամայն կարգին վիճակում եք: Խմեցիք, ու իսկի էլ շազոնք ձեր վրա,— հավաստեց Գրիգորին: Նա էլ բավական հարբել էր, բայց զգում էր, որ կարող է դեռ շատ խմել:

— Լո՛ւրջ,— պորուշիկը զվարթացավ:— Ոչ, ոչ, սկըզբում ես մի քիչ թթվեցի, իսկ այժմ—խնդրեմ, ինչքան կուզեք խմենք, այո՞, ինչքան կուզեք: Դուք ինձ դուր եք գալիս, հարյուրապետ: Ես կասեի՝ ձեր մեջ ուժ և անկեղծութիւն կա: Այդ ինձ դուր է գալիս: Եկեք խմենք այս հիմարի ու հարբեցողի հայրենիքի կենացը: Ճիշտ է, սա անասունի է նման, բայց սրա հայրենիքը լավն է: Ե՛րջիւր ծովերի վրա, Բրի-



տանիս»։ Խմենք։ Միայն թե ոչ լրիվ։ Ձեր հայրենիքի կենացը, միստր Քեմփբել։— Պորուչիկը խմեց, հուսալքված կկոցեց աչքերը, վետախնա կերավ։— Ինչպի՞սի երկիր է դա, հարյուրապետ, դուք չեք կարող պատկերացնել, իսկ ես ապրել եմ այնտեղ... Դե, խմենք։

— Մայրը ինչ տեսակ էլ որ լինի, ուրիշի մորից ավելի հարազատ է։

— Չվիճենք, խմենք։

— Խմենք։

— Հարկավոր է երկաթով ու հրով մեր հայրենիքից դուրս շարժել նեխվածքը, իսկ մենք անգոր ենք։ Բանից դուրս եկավ, որ մենք առհասարակ հայրենիք չունենք։ Է՛հ, սատանան տանի։ Քեմփբելը չի հավատում, որ մենք կհազարհարենք կարմիրներին։

— Չի՞ հավատում։

— Այո, չի հավատում։ Նա վատ կարծիք ունի մեր բանակի մասին և գովասանքով է արտահայտվում կարմիրների մասին։

— Նա մասնակցե՞լ է մարտերին։

— Իհարկե։ Քիչ մնաց կարմիրները բռնեին սրան։ Անիծված լինի կոնյակը։

— Թունդ է։ Սպիրտի պե՞ս է, հա՞։

— Քիչ ավելի թույլ է։ Հեծելագորը Քեմփբելին ազատեց փորձանքից, թե չէ գերի կբռնվեր։ Այդ պատահեց ժուկով խուտորի մոտ։ Կարմիրները այնտեղ մեզնից մի տանկ գրավեցին... Դուք տխուր տեսք ունեք։ Ի՞նչ պատահեց։

— Օրեր առաջ կինս մեռավ։

— Այդ զարհուրելի է։ Երեխանե՞ր են մնացել։

— Այո։

— Ձեր երեխաների կենացը։ Ես երեխաներ չունեմ, գուցեև ունեմ, բայց եթե դրանք կան, ապա, հավանորեն, մի տեղ լրագրավաճառներ են... Քեմփբելը Անգլիայում հարսնացու ունի։ Սա կանոնավոր, շաբաթը երկու անգամ գրում է նրան։ Ու երևի ամեն տեսակ դատարկ բաներ է գրում։ Ես սրան համարյա ատում եմ, ի՞նչ։

— Ես ոչինչ չեմ ասում։ Իսկ ինչո՞ւ է սա հարգում կարմիրներին։

— Ո՞վ ասաց, թե «հարգում» է։

— Դուք ասիք։

— Չի՞ կարող պատահել։ Սա չի հարգում նրանց, չի կարող հարգել, դուք սխալվում եք։ Սակայն, ես կհարցնեմ սրան։

Քեմփբելը ուշադրությամբ լսեց գունատ ու հարբած պորուչիկին, երկար մի բան ասաց։ Գրիգորին դեռ պատասխան չստացած, հարցրեց։

— Ի՞նչ է փնթփնթում։

— Սա տեսել էր, թե ինչպես նրանք հետևակ շարքով, տրեխներ հագած, գրո՛հ էին տվել տանկերի վրա։ Այդքանը բավակա՞ն է։ Նա ասում է, որ անկարելի է հաղթել ժողովրդին։ Հիմա՛ր։ Դուք սրան մի՞ հավատար։

— Ի՞նչպես չհավատամ։

— Առհասարակ։

— Լավ, ի՞նչպես։

— Սա հարբած է և դատարկ բան է դուրս տալիս։ Ի՞նչ է նշանակում, թե չի կարելի հաղթել ժողովրդին։ Կարելի է նրա մի մասը ոչնչացնել, մնացածներին ի կատար ածել... Ինչպես ասացի ե՛ս։ Ոչ, ոչ թե ի կատար ածել, այլ հնազանդեցնել։ Մենք ո՞ր շիշն ենք վերջացնում, հը՞։— Պորուչիկը գլուխը դրեց ձեռքերին, արմունկով շուռ տվեց պահածոյի տուփը և տասը բոպեի շափ նստեց կրծքով սեղանին ընկած, արագ-արագ շնչելով։

Դրսում չոքել էր գիշերվա մթությունը։ Խիտ անձրևը խփում էր պատուհանների փեղկերին։ Հեռու-հեռվում խուլ որոտմունք էր լսվում, ու Գրիգորին շէր կարողանում հասկանալ, որո՞տն է այդ, թե՞ թնդանոթների բոմբյուն։ Քեմփբելը սիգարի ծխի կապույտ ամպով պատած, կոնյակ էր կոնծում։ Գրիգորին բոթեց պորուչիկին ու, կանգնած տեղում ճոճվելով, ասաց։

— Լսիր, հարցրու սրան, թե ինչո՞ւ կարմիրները պետք է մեզ շարդեն։

— Գրողի ծո՞ցը,— մոմոաց պորուչիկը։

— Ոչ, դու հարցրու։

— Զհաննամը։ Կորի գնա։

— Հարցրու, ասում եմ քեզ։

Պորուշիկը մի րոպե շմաժ նայեց Գրիգորիին, հետո էլ, կակազելով, ինչ-որ բան ասաց ուշադրութեամբ լսող Քեմփբելին ու նորից գլուխը դրեց շերեփածակ միացրած ձեռները վրա: Քեմփբելը արհամարհական ժպիտով նայեց պորուշիկին, շոշափեց Գրիգորիի թևքը, սկսեց լուռ բացատրել. ծիրանի կորիզը դրեց սեղանի մեջտեղը, դրա կողքին, ասես համեմատելու համար, կողքին դրեց իր մեծ ձեռքը ու շրխկացնելով լեզուն, ձեռքով ծածկեց կորիզը:

— Միթամ բան արեցիր, էլի: Առանց քեզ էլ ես այդ հասկանում եմ... — մտազբաղ փնթփնթաց Գրիգորին: Օրորվելով, նա գրկեց հյուրասեր լեյտենանտին, ձեռքի լայն տարածմամբ ցույց տվեց սեղանը, գլուխ տվեց:— Շնորհակալությամբ հյուրասիրության համար: Մնաս բարով: Եվ գիտե՞ս ինչ կասեմ քեզ: Որքան կարելի է, դու շուտ մեկնիր տուն, քանի դեռ գլուխդ չեն թոցրել: Ես այդ քեզ ասում եմ անկեղծ սրտով: Հասկանալի՞ է: Դուք մեր գործերին մի՛ խառնչվեք: Հասկացա՞ր: Գնա՛ խնդրեմ, թե չէ այստեղ քեզ կշնջրես:

Լեյտենանտը վեր կացավ, գլուխ տվեց, սկսեց աշխույժ խոսել՝ երբեմնակի անզոր նայելով քնած պորուշիկին, բարեկամաբար ձեռքը տփտփացնելով Գրիգորիի մեջքին:

Գրիգորին դժվարությամբ գտավ դռան փակը, օրորվելով դուրս ելավ: Մանր, շեղակի անձրևը խփեց նրա դեմքին: Կայծակի բռնկոցը լուսավորեց լայն բակը, թաց ցանկապատը, այգու ծառերի պլպլող սաղարթը: Իջնելով մուտքի սանդուղքից, Գրիգորին սայթաքեց, ընկավ ու երբ վեր կացավ, ինչ-որ ձայներ լսեց.

— Սպաներն էլի խմո՞ւմ են,— հարցրեց մեկը՝ հաշտում վառելով լուցկին:

Խուլ, մրսած մի ձայն դուսպ սպառնալիքով պատասխանեց.

— Նրանք խմելով գլուխկունձի կզան... Նրանք խմելով կգտնեն իրենց վերջը:

## XX

Դոնի բանակը, դուրս գալով Խոպերի օկրուգի սահմաններից, դարձյալ, ինչպես և 1918 թվականին, կորցրեց իր

առաջարժման հարձակողական ուժը: Վերին Դոնի ապրետամբ կազակները և մասամբ խոպերցիները առաջվա պես չէին ուզում կռվել Դոնի մարզի սահմաններից դուրս. ուժեղացել էր նաև կարմիր զորամասերի դիմադրությունը, որոնք նոր օժանդակ ուժեր էին ստացել, կռվում էին այն տերիտորիայում, որի բնակչությունը նրանց համակրում էր: Կազակներն էլի դեմ չէին անցնել պաշտպանողական պատերազմի, և Դոնի բանակի հրամանատարությունը ոչ մի հնարքով չէր կարող նրանց ստիպել, որ կռվեն այնպիսի համառությամբ, որով նրանք մինչ այդ կռվում էին իրենց մարզի սահմաններում,— չնայելով, որ այդ ճակատամասում ուժերի փոխհարաբերությունը նրանց օգտին էր. մարտերում զգալիորեն 9-րդ կարմիր բանակի դեմ,— որ ուներ 11000 հետևակ և 5000 հեծյալ մարտիկ, 52 թնդանոթ,— գործում էին կազակական կորպուսները՝ ունենալով 14 400 հետևակ, 10600 հեծյալ և 53 թնդանոթ:

Առավելապես ակտիվ գործողությունները տեղի էին ունենում թեևային ուղղություններում և հատկապես այնտեղ, ուր գործում էին Կամավորական-Կուբանյան հարավային բանակի զորամասերը: Կամավորական բանակը մի կողմից հաջողությամբ մուտք էր գործում Ուկրաինայի խորքը, մյուս կողմից նրա մի մասը գեներալ Վրանզելի հրամանատարությամբ ուժեղ ճնշում էր գործադրում 10-րդ կարմիր բանակի վրա՝ նեղելով նրան ու կատաղի մարտերում առաջ շարժվելով Սարատովի ուղղությամբ: Հուլիսի 28-ին կուբանյան հեծելազորը ընդհուպ մոտեցավ Կամիշինին՝ գերի վերցնելով այն պաշտպանող զորքերի մեծ մասը: 10-րդ բանակի զորամասերի ձեռնարկած հակազոր հետ մղվեց: Համարձակորեն մանևրներ կատարող Կուբանյան-Քերեքյան հեծյալ խառն դիվիզիան սպառնում էր շրջանցել ձախ թևը, որի հետևանքով 10-րդ բանակի հրամանատարությունը ետ տարավ Բորզենկովո—Լատիշևո—Կրասնի Յառ—Կամենկա—Բաննոյե ռազմաճակատը: Այդ ժամանակ 70-րդ բանակն իր շարքերում ուներ 18000 հետևակ, 8000 հեծյալ և 132 թնդանոթ. նրա դեմ կանգնած Կամավորական-Կուբանյան բանակն ուներ 7600 հետևակ, 10750 հեծյալ և 68 թնդանոթ: Բացի դրանից, սպիտակներն ունեին տանկերի շուկատներ, ինչ-

պես նաև զգալի քանակութեամբ ինքնաթիռներ, որոնք հետախուզական ծառայութիւն էին կատարում և մասնակցում մարտական գործողութիւններին: Բայց Վրանգելին չօգնեցին ոչ ֆրանսիական ինքնաթիռները, ոչ էլ անգլիական տանկերն ու մարտկոցները: Նրան շհաջողվեց կամիշիինց դենն անցնել: Այդ ճակատամասում սկսվեցին երկարատև, համառ մարտեր, որոնց հետևանքով ռազմաճակատի գիծը լուրջ աննշան փոփոխութիւնների ենթարկվեց:

Հուլիսի վերջին սկսվեց կարմիր բանակների նախապատրաստութիւնը՝ Հարավային ռազմաճակատի կենտրոնական ամբողջ ճակատամասում լայն հարձակման անցնելու համար: Այդ նպատակով 9-րդ և 10-րդ բանակները Տրոցկու պլանով ու Շորինի հրամանատարութեամբ միավորվեցին իբրև հարվածային զորախումբ: Հարվածային զորախմբի ղեկավար պիտի կազմեին Արևելյան ռազմաճակատից փոխադրվող 28-րդ դիվիզիան՝ Կազանի նախկին ամրացված ռայոնի բրիգադով և 25-րդ դիվիզիան՝ Սարատովի ամրացված ռայոնի բրիգադով: Բացի դրանից, Հարավային ռազմաճակատի հրամանատարութիւնը հարվածային զորախումբը ուժեղացնում էր ռազմաճակատի ղեկավարում գտնվող զորքերով և 56-րդ հրաձգային դիվիզիայով: Ծրագրվում էր Վորոնեժի ուղղութեամբ օժանդակ հարված հասցնել 8-րդ բանակի ուժերով և նրան միացրած 31-րդ հրաձգային դիվիզիայով, որ փոխադրված էր Արևելյան ռազմաճակատից, և 7-րդ հրաձգային դիվիզիայով:

Ընդհանուր հարձակման անցնելը նշված էր օգոստոսի 1-ից մինչև 10-ը: Գլխավոր կարմիր հրամանատարութեան պլանով 8-րդ և 9-րդ բանակների հարվածին պետք է զուգակցվեին թևային բանակների շրջանցման գործողութիւնները, ըստ որում, առանձնապէս պատասխանատու և բարդ խնդիր էր դրվում 10-րդ բանակի վրա, որ գործելով Գոնի ձախ ափերին, պետք է հակառակորդի գլխավոր ուժերը կըտրեր Հյուսիսային Կովկասից: Ենթադրվում էր արևմուտքում 14-րդ բանակի ուժերի մի մասով եռանդուն դեմոնստրատիվ շարժում կատարել դեպի Չապլինո—Լոզովայա գիծը:

Այն ժամանակ, երբ 9-րդ և 10-րդ բանակների ճակատամասերում անհրաժեշտ վերախմբավորումներ էին կա-

տարվում, սպիտակ հրամանատարութիւնը հակառակորդի նախապատրաստած հարձակումը վիժեցնելու նպատակով ավարտում էր Թաժոնտովի կորպուսի կազմակերպումը՝ մտադրված լինելով ճեղքել ռազմաճակատը և այդ կորպուսը խորը ասպատակի նետել կարմիր բանակների թիկունքներում: Ցարիցինի ուղղութեամբ Վրանգելի բանակի հաջողութիւնը հնարավորութիւն տվեց այդ բանակի ռազմաճակատը ընդլայնել դեպի ձախ ու դրանով իսկ կրճատելով Գոնի բանակի ռազմաճակատը նրա կազմից մի քանի հեծյալ դիվիզիա վերցնել: Օգոստոսի 7-ին Սուրյուպինսկա ստանիցայում կենտրոնացվեց 6000 հեծյալ, 2800 հետևակ և երեք մարտկոց, յուրաքանչյուրը շորս թնդանոթով: Իսկ ամսի 10-ին նոր կազմված կորպուսը գններալ Մամոնտովի հրամանատարութեամբ 8-րդ և 9-րդ բանակների արանքում ճեղքեց ռազմաճակատը և նովոխուպերսկից շարժվեց դեպի Տամբով:

Սպիտակների հրամանատարութեան սկզբնական մտադրութեամբ ենթադրվում էր, բացի Մամոնտովի կորպուսից, կարմիրների թիկունքները ասպատակի նետել նաև գններալ Կոնովալովի հեծյալ կորպուսը, բայց որովհետև Կոնովալովի կորպուսի զորամասերի գրաված ճակատամասում մարտեր սկսվեցին, ուստի շհաջողվեց այդ կորպուսը դուրս բերել ռազմաճակատից: Այս հանգամանքով էլ բացատրվում է այն խնդրի սահմանափակութիւնը, որ տրված էր Մամոնտովին, որի վրա պարտականութիւն էր դրված չափը շանցկացնել ու շերազել Մոսկվայի վրա արշավելու մասին, այլ ջախջախելով հակառակորդի թիկունքներն ու կոմունիկացիաները, նորից միանալ բանակին, մինչդեռ սկզբում նրան և Կոնովալովին հրամայված էր հեծելազորային ամբողջ զանգվածով ջախջախիչ հարված հասցնել կենտրոնական կարմիր բանակների թև ու թիկունքին, հետո արդեն արագ երթով շարժել դեպի Ռուսաստանի խորքը ու բնակչութեան հակասովետական տրամադրութիւն ունեցող խավերի հաշվին համալրելով ուժերը, շարունակել առաջխաղացումը մինչև Մոսկվա:

8-րդ բանակին հաջողվեց բանակային ղեկավար կովի հանելու միջոցով վերականգնել իր ձախ թևի դրութիւնը: 9-րդ բանակի աջ թևը ավելի մեծ չափով տուժեց: Ձեռնարկված միջոցներով գլխավոր հարվածային զորախմբի հրամա-

նատար Շորինին հաջողվեց միակցել երկու բանականների ներքին թևերը, բայց չհաջողվեց կանգնեցնել Մամոնտովի հեծելազորը: Շորինի հրամանով ուղերվային 56-րդ դիվիզիան Կիրսանովի ռալոնից ուղարկվեց Մամոնտովի կորպուսի առաջը կտրելու: Մամոնտովի կորպուսի կողային ջոկատներից մեկը հանդիպական մարտում ջարդեց այդ դիվիզիայի մի գումարտակը, որ սայլերով ուղարկվել էր Սամպուր կայարանը: Նույնպիսի բախտ վիճակվեց նաև 36-րդ հրաձգային դիվիզիայի հեծելազորային բրիգադին, որ ուղարկված էր Տամբով—Բալաշով երկաթուղու մի ուղեմասը պաշտպանելու համար: Հանդիպելով Մամոնտովի հեծելազորի ամբողջ զանգվածին, բրիգադը կարճատև մարտից հետո ցրիվ տրվեց:

Օգոստոսի 18-ին Մամոնտովը հարձակմամբ գրավեց Տամբովը: Բայց այս հանգամանքը Շորինի հարվածային զորախմբի հիմնական ուժերին չխանգարեց սկսել հարձակումը, թեպետև հարկավոր եղավ զորախմբի կազմից համարյա երկու հետևակ դիվիզիա առանձնացնել Մամոնտովի դեմ պայքարելու համար: Միաժամանակ հարձակում սկսվեց Հարավային ռազմաճակատի նաև ուկրաինական ճակատամասում:

Ռազմաճակատը, որ հյուսիսում և հյուսիս-արևելքում Ստարի Օսկոլից համարյա ուղիղ գծով ձգվում էր մինչև Բալաշով և աստիճանաձև հասնում մինչև Ցարիցին, սկսեց հավասարվել: Կազակական զնդերը հակառակորդի գերազանց ուժերի ճնշման տակ նահանջում էին դեպի հարավ՝ անցնելով մասնակի հակադրոհների, կանգ առնելով յուրաքանչյուր բնագծում: Մտնելով Դոնի հողը, նրանք նորից վերականգնեցին կորցրած մարտունակությունը. դասակարգությունը խիստ կրճատվեց. միջին Դոնի ստանիցաներից համալրումներ եկան: Շորինի հարվածային խմբի զորամասերը որքան շատ էին ներխուժում Դոնի Զորաց երկիրը, այնքան ուժեղանում ու դաժանանում էր նրանց ցույց տրվող դիմադրությունը: Վերին Դոնի օկրուգի ապստամբ ստանիցաների կազակները սեփական նախաձեռնությամբ ժողովներում ընդհանուր մոբիլիզացիա էին հայտարարում, մաղթանքներ էին կատարում և առանց հապաղելու մեկնում էին ռազմաճակատ:

Տրոյկու պարտվողական պլանի կործանարար հետևանքները սկսում էին երևան գալ լիակատար շափով. անդադուր մարտերով առաջ շարժվելով դեպի Խոպեր և Դոն, հաղթահարելով սպիտակների կատաղի դիմադրությունը և գտնվելով մի այնպիսի տերիտորիայում, որի բնակչության մեծամասնությունը պարզապես թշնամաբար էր վերաբերվում կարմիր զորամասերին,— Շորինի զորախումբը աստիճանաբար վատնում էր հարձակողական պոռթկումի ուժը: Իսկ այդ ժամանակ Կոչալինսկայա ստանիցայի և Կոտլուբան կայարանի ռալոնում սպիտակ հրամանատարությունը արդեն մանևրային ուժեղ զորախումբ էր կազմել կուբանյան երեք կորպուսից և 6-րդ հետևակ դիվիզիայից, 10-րդ կարմիր բանակին հարվածելու համար, որի առաջարժումը մեծագույն հաջողությամբ էր ծավալվում:

## XXI

Մելեխովների ընտանիքը մեկ տարում կիսով չափ պակասեց: Իրավացի էր Պանտելեյ Պրակոֆևիչը, մի անգամ ասելով, թե մահը սեր է գցել իրենց տան վրա: Դեռ նոր էին թաղել Նատալյային, երբ Մելեխովների ընդարձակ սենյակում նորից տարածվեց խնկի և կապույտ տերեփուկի հոտը: Մեկ ու կես շաբաթ էր անցել այն օրից, երբ Գրիգորին մեկնեց ռազմաճակատ, և այդ մեկ ու կես շաբաթից հետո Դոբրյան խելդովեց Դոնում:

Շաբաթ օրը, գալով դաշտից, նա Դոնյաշկայի հետ գնաց լողանալու: Բանջարանոցների մոտ նրանք հանվեցին, երկար նստեցին ոտներով ճմռթված, փափուկ խոտի վրա: Դեռ առավոտից Դոբրյան վատ տրամադրություն մեջ էր, գանգատվում էր զլխացավից ու տկարությունից, մի քանի անգամ թաքուն լաց էր եղել... Նախքան ջուրը մտնելը Դոնյաշկան մազերը հանգույց արեց, կապեց զլխաշորով ու շեղակի նայելով Դոբրյային, ցավակցաբար ասաց.

— Ինչքան լղարել ես, Դաշկա, ուղղակի բոլոր դամարներդ դուրս են ընկել:

— Շուտով կշաղանամ:

— Գլուխդ էլ չի՞ ցավում:

— Զի ցավում: Դեհ, եկ լողանանք, թե չէ ուշ է:— Նա առաջինը թափ առավ ու նետվեց ջուրը, ամբողջովին սկեց, ու դուրս գալով, փոփոացնելով, լող տվեց գետի մեջտեղը: Արագ հոսանքը վերցրեց նրան, սկսեց հեռու տանել:

Զմայլված նայելով Դարյային, որ լողում էր վարժ կերպով, տղամարդու պես, Դունյաշկան մինչև գոտկատեղը մտավ ջուրը, լվացվեց, թրջեց կուրծքը և արևից տաքացած, ուժեղ, կանացիորեն կլորիկ թևերը: Հարևան բանջարանոցում Օբենիզովների երկու հարսները ջրում էին կաղամբը: Նրանք լսում էին, թե ինչպես Դունյաշկան ծիծաղելով կանչում էր Դարյային.

— Ե՛տ արի, Դաշկա, թե չէ լոքոն քարշ կտա ու կտանի քեզ:

Դարյան ետ դարձավ, լողաց մի երեք սաժենի շափ, հետո էլ մի ակնթարթ մինչև մարմնի կեսը դուրս թռավ ջրից, գլխի վրա ծալեց ձեռները, բղավեց՝ «Մնաք բարով, աղջկերք»,— ու քարի պես ընկավ ջրի տակ:

Քառորդ ժամից հետո գունաթափ Դունյաշկան միայն տակի յուրկայով վազ տվեց տուն:

— Դարյան խեղդվեց, մայրիկ...— շնչասպառ լինելով, հազիվ ասաց նա:

Միայն հետևյալ օրվա առավոտյան Դարյային բռնեցին փորակավոր կեռերով: Տատարսկում հին և ամենափորձված ձկնորս Արխիպ Պեսկովատսկովը վաղ առավոտյան պարաններին կապված վեց հատ փորակավոր կեռ դրեց Դարյայի սկած տեղից հոսանքի ուղղությամբ դեպի ներքև, հետո Պանտելեյ Պրակոֆևիչի հետ գնաց ստուգելու: Գետի ափին երեխաների ու կանանց բազմություն էր հավաքվել: Նրանց մեջ էր նաև Դունյաշկան: Երբ Արխիպը շորորոգ պարանը կապելով թիակի բռնակին, տասը սաժենի շափ հեռացավ ափից, Դունյաշկան պարզ լսեց, թե ինչպես նա ցածր ձայնով ասաց՝ «Կարծեմ գտնվեց...» ու սկսեց զգուշությամբ քաշքշել պարանը, որ ուղղաձիգ սուզված էր ջրի խորքը: Հետո մի ինչ-որ բան սպիտակին տվեց աջ ափի մոտ, երկու ծերունիները կոացան ջրի վրա, նավակը ծովեց և մեջը ջուր թափվեց, ու լուռ ամբոխը լսեց նավակի մեջ գցած մարմնի խուլ

թխկոցը: Ամբոխը միանգամից շունչ առավ: Կանանցից մեկը կամացուկ հեծկլտաց: Մոտիկում կանգնած խրիստոնյան կոպիտ բղավեց երեխաների վրա՝ «Դեհ, կորեք գնացեք այստեղից»: Արտասովոր Դունյաշկան տեսավ, թե ինչպես Արխիպը նավակի ետին մասում կանգնած, ճարպկությամբ ու անաղմուկ բանեցնելով թիակը, նավակը դեպի ափն էր քշում: Նավակի քիթը շրջյունով ու ճոճոցով փշրեց առափնյա կավճի կտորները, նստեց գետնին: Դարյան ընկել էր ոտները անշարժ ծալված, թուշը նավակի թաց հատակին կպած: Նրա սպիտակ մարմնի վրա, որ միայն քիչ շափով էր կապուտկել և ինչ-որ մթին-երկնագույն երանգ ընդունել, երևում էին խորունկ խոցեր,— կեռերի հետքերը: Նիհար, թուխ սրունքի վրա, ծնկից մի քիչ ցածր, գուլպայի գործվածքային կապիչի մոտ, որ Դարյան ըստ երևույթին մոռացել էր հանել լողանալուց առաջ,— կարմրին էր տալիս մի քիչ արյունոտ քերծվածքը: Փորակավոր կեռի ծայրը քսվել էր ոտին, ծուռումուռ խազել, քերծել էր այն: Զղածգաբար սեղմրտելով գոգնոցը, Դունյաշկան առաջինը մոտեցավ Դարյային, ծածկեց նրան կարի տեղից պատռած պարկով: Պանտելեյ Պրակոֆևիչը բանիմացությամբ, հապճեպորեն քշտեց շալվարի ծայրերը, սկսեց նավակը քաշել դեպի ափը: Շուտով մի սայլ եկավ: Դարյային տարան Մելեխովների տունը:

Հաղթահարելով վախը և նողկանքի զգացումը, Դունյաշկան օգնում էր մորը՝ ննջեցյալի սառն, Դոնի խորքերի պաղությունը պահպանած մարմինը լողացնելիս: Ինչ-որ անծանոթ, անխախտելի բան կար Դարյայի մի փոքր ուռած դեմքին, ջրից անզույն դարձած աչքերի փայլում: Նրա մազերի մեջ արծաթի նման պսպղում էր գետային ավազը, այտերի վրա կանաչին էին տալիս կպած գորտնխալիի թաց թելերը, իսկ տարածված, նստարանից անզոր կախ ընկած թևերի մեջ այնքան սարսափելի անշարժություն կար, որ Դունյաշկան նայելով, հապճեպ ետ էր քաշվում, դարմանքով ու սարսափով տեսնում, թե ինչպես մեռած Դարյան բոլորովին նման չէր այն Դարյային, որը դեռ կարճ ժամանակ առաջ կատախում էր ու ծիծաղում և այնքա՛ն սիրում էր կյանքը: Հետո էլ երկար ժամանակ, վերհիշելով Դարյայի ստինքների ու փորի

քարե պաղովթյունը, ոսկրացած անդամների առաձգականությունը, Դունյաշկան ամբողջ մարմնով ցնցվում էր ու աշխատում շուտ մոռանալ այդ ամենը: Նա վախենում էր, որ գիշերները երազում կտեսնի մեռած Դարյային, մի շաբաթ Իլլինիշնայի հետ քնում էր մի մահճակալի վրա ու պառկելուց առաջ աղոթում էր աստծուն, մտքով խնդրում. «Տեղ աստված, այնպես արա, որ նա երազումս չերևա, ծածկիր նրան, տեր իմ»:

Եթե Օբնիզովների կնանիքը պատմած չլինեին, որ լսել էին Դարյայի բղավոցը՝ «Մնաք բարով, աղջկեքք»,— խեղդվածին կթաղեին սուսուփուս, անաղմուկ, բայց տեր Վիսսարիոնը, իմանալով այդ բացականչության մասին, որ պարզապես ցույց էր տալիս, թե Դարյան դիտավորյալ էր իրեն զրկել կյանքից,— վճռականապես հայտարարեց, որ ինքնասպանին չի թաղի: Պանտելեյ Պրակոֆևիչը վրդովվեց.

— Ո՞նց թե չես թաղի: Նա մկրտված չէ՞, ինչ է:

— Անձնասպաններին չեմ կարող թաղել, օրենքով չէ՞ թույլատրվում:

— Բա ո՞նց թաղենք նրան, շան պե՞ս, հա՞:

— Ոնց ուզում ես և որտեղ ուզում ես, միայն թե չթաղես գերեզմանոցում, որտեղ թաղված են ազնիվ քրիստոնյաները:

— Դե լավ, գութ արա, էլի,— համոզում էր Պանտելեյ Պրակոֆևիչը:— Մեր ընտանիքում այդ տեսակ խայտառակություն երբեք չի եղել:

— Չեմ կարող: Քեզ, Պանտելեյ Պրակոֆևիչ, հարգում եմ իբրև օրինակելի ծխականի, բայց չեմ կարող: Լուր կտանեն գործակալին, ու ես փորձանքի մեջ կընկնեմ,— համառում էր տերտեքը:

Դա խայտառակություն էր: Պանտելեյ Պրակոֆևիչը ամեն կերպ փորձում էր համոզել կամակոր տերտեքին, խոստանում էր վճարել սովորականից շատ և նիկոլայի հուսալի փողով, որպես նվեր մի թոխլի էր առաջարկում, բայց ի վերջո տեսնելով, որ հորդորանքը չի ազդում, սպառնալիքի դիմեց.

— Ես նրան գերեզմանոցից դուրս չեմ թաղի: Նա օտար չէ, այլ հարազատ հարսս է: Նրա մարդը սպանվել է կարմիր-

ների դեմ մղված կռվում ու սպայի աստիճան է ունեցել, ինքն էլ գեորգևյան մեղավ էր ստացել, իսկ դու ինձ այդ տեսակ սարսաղ բան ես ասում, հա՞-ա: Չէ, տերտեք, քո ասածը չի անցնի, այնպես կթաղես, որ քեֆդ դա: Թող նա դեռ մնա օթախում, իսկ ես հենց հիմի կհայտնեմ ստանիցայի ատամանին: Կտեսնես, թե նա ո՞նց կխոսի քեզ հետ:

Պանտելեյ Պրակոֆևիչը առանց հրաժեշտ տալու դուրս եկավ տերտեքի տանից ու ջղայնացած վիճակում նույնիսկ շրխկոցով ծածկեց դուռը: Սակայն սպառնալիքը ազդեցություն թողեց. կես ժամից հետո տերտեքի կողմից մարդ եկավ ու հայտնեց, թե տեր-Վիսսարիոնը հիմա կգա տիրացուի հետ:

Ինչպես որ կարգն էր, Դարյային թաղեցին գերեզմանոցում, Պետրոյի կողքին: Երբ գերեզման էին փորում, Պանտելեյ Պրակոֆևիչը իրեն համար էլ սիրահոժար տեղ նշեց: Բանեցնելով բահը, նա նայեց շուրջը, միտք արեց, որ ավելի լավ տեղ չի գտնվի և կարիք էլ չկա փնտրելու: Պետրոյի գերեզմանի վրա շրշում էին վերջին տարիներում տնկած բարդու մատաղ ճյուղերը. վերահաս աշունը արդեն թառամության դեղին, դառն գույն էր տվել նրա տերևներին: Հորթերը արահետներ էին բացել ջարդոտված ցանկապատի միջով, գերեզմանների արանքում. ցանկապատի կողքից ճանապարհն անցնում էր դեպի արահետը. ննջեցյալների հոգատար ազգականների տնկած ծառերը,— թխկիները, բարդիները, ակացիաները, ինչպես նաև վայրի աճած մասրենին հաճելի կերպով, թարմությամբ կանաչին էին տալիս. դրանց կողքին ճոխ փթթել էր դաղձը, դեղնին էր տալիս ուշ աճող կանճրակը, հասկավորվում էր խուպուկը և հատիկավոր սեզը: Խաչերը վարից վեր պարուրվել էին քաղցրահամբույր, մուգկապույտ պատատուկներով: Տեղը իրոք որ հաճելի, շոր էր...

Ծերունին գերեզման էր փորում, հաճախ վար էր դնում բահը, նստում խոնավ, կավոտ գետնին, ծխում, մտածում մահվան մասին: Բայց երևում էր, որ այնպիսի ժամանակ չէր, որ ծերուկները կարողանային հանգիստ մեռնել հայրենական տներում ու հանգչել այնտեղ, ուր իրենց վերջին ապաստանն էին գտել նրանց հայրերն ու պապերը...

Դարյային թաղելուց հետո Մելեխովների տանը է՛լ

ավելի խոր լուսթյուն էր տիրում: Սայլով բերում էին օրանը, կալսում, հավաքում բոստանների հարուստ բերքը: Գրիգորիից լուրեր էին սպասում, բայց այն օրվանից, երբ նա մեկնեց ռազմաճակատ, նրա մասին ոչինչ չէր լավում: Իլլիինիչնան երբեմն ասում էր՝ «Անիծվածը երեխաներին բարև էլ չի ուղարկում. կնիկը մեռավ, ու մենք բոլորս էլ հարկավոր չենք նրան...» Հետո գինձառայող կազակները սկսեցին շուտ-շուտ գալ Տատարսկի: Լուրեր տարածվեցին, թե կազակներին հտ են քշել Բալաշովի ռազմաճակատում, և նրանք դեպի Դոն են նահանջում, որպեսզի օգտագործեն ջրային արգելքը, պաշտպանվեն մինչև ձմեռ: Իսկ թե ինչ պետք է պատահեր ձմռանը, այդ մասին բոլոր ճակատայինները բացահայտ կերպով ասում էին. «Հենց որ Դոնը սառչի, կարմիրները մեզ կքշեն մինչև ծով»:

Պանտելեյ Պրակոֆևիչը ջանադիր աշխատելով կալսման վրա, կարծես թե ուշադրություն չէր դարձնում Դոնի շրջակայքում պտտվող լուրերին, բայց և չէր կարող անտարբեր մնալ դեպի իրադարձությունները: Նա սկսել էր էլ ավելի հաճախ բղավել Իլլիինիչնայի ու Դունյաշկայի վրա, էլ ավելի ջղային էր դարձել՝ իմանալով, որ ռազմաճակատը մոտենում է: Նա հաճախակի որևէ երկրագործական պիտույք էր շինում բայց բավական էր, որ իր ձեռքի գործը հեշտությամբ գլուխ չգար, և նա զայրացած թողնում էր աշխատանքը, թըքելով ու հայհոյանք թափելով գնում կալը, որպեսզի այնտեղ մեղմեր վրդովմունքը: Դունյաշկան քանիցս ականատես էր լինում ջղայնության այդ բռնկոցներին: Մի անգամ ծերունին ձեռնամուխ եղավ լուծը կարգի բերելուն, աշխատանքը ձախողվեց, ու անակնկալ կերպով կատաղած ծերունին վերցրեց կացինը ու այնպես ջարդոտեց լուծը, որ դրանից միայն տաշեղներ մնացին: Նույնը տեղի ունեցավ նաև անուրը նորոգելիս: Երեկոյան, լամպի լույսի տակ Պանտելեյ Պրակոֆևիչը երկտակեց մոմած թելը, սկսեց կարել անուրի պատոված տեղը. արդյո՞ք թելն էր փտած, թե՞ ծերունին էր ջղայնացել, բայց թելը իրար ետևից երկու անգամ կտրվեց. այդ բավական էր. սարսափելի հայհոյանք թափելով, Պանտելեյ Պրակոֆևիչը վեր թռավ, շուտ տվեց տաբուրետը, ոտով շարտեց դեպի վառարանը, ու շան պես գոմը:

նալով, սկսեց ատամներով պոկել անուրի կաշվե վրաքաշը, հետո էլ անուրը շարտեց հատակին, ու աքլորի պես ցատկոտելով, ոտների տակ ձմռթեց այն: Իլլիինիչնան, որ շուտ էր պառկել քնելու, աղմուկը լսելուն պես վախեցած վեր թռավ, բայց իմանալով գործի էությունը, էլ չհամբերեց, կշտամբեց ծերունուն.

— Ալևոր տեղդ գծվե՞լ ես, անիծված: Անուրը ի՞նչ մեղք ուներ, հը՞:

Պանտելեյ Պրակոֆևիչը խելագար աչքերով նայեց կնոջը, գոռաց.

— Ձենդ կտրի՛, ֆլան-ֆատան,— ու վերցնելով անուրի մի կտորը, շարտեց պառավի վրա:

Խեղդելով ծիծաղը, Դունյաշկան գնդակի պես դուրս թռավ հաշտը: Մերունին էլ մի քիչ աղմկելով, հանդարտվեց. կնոջից ներողություն խնդրեց բարկացած վիճակում իր ասած թարս խոսքերի համար, երկար տնքտնքաց ու քորեց ծոծրակը՝ նայելով շարաբաստիկ անուրի կտորտանքներին, միտք անելով, թե դրանք ինչպես կարելի է օգտագործել: Նրա կատաղության այդպիսի մոլուցքները հաճախ էին կրկնվում, բայց Իլլիինիչնան դառը փորձից խրատված, միջամտության այլ տակտիկա ընտրեց. հենց որ Պանտելեյ Պրակոֆևիչը, հայհոյանքներ թափելով, սկսում էր տնտեսական որևէ պիտույք ջարդոտել, պառավը խոնարհությամբ, սակայն բավականաչափ բարձր ձայնով ասում էր.

— Խփի, ջարդի, Պրակոֆիչ: Էլի՛ կձարենք:— Եվ նույնիսկ փորձում էր օգնել իրերը ջարդուփշուր անելու: Այն ժամանակ Պանտելեյ Պրակոֆևիչը միանգամից հանդարտվում էր, անիմաստ հայացքով մի բոպե նայում կնոջը, հետո էլ դողող ձեռքերով քրքրում գրպանը, գտնում ծխախոտի տոպրակը, շվարելով մի կողմ քաշվում, նստում ծխելու, հանգստացնելու գրգռված շղերը՝ անիծելով իր դյուրագրգռությունը ու հաշվելով եղած վնասները: Մերունու սանձարձակ բարկության զոհ դարձավ տան առջևի փոքրիկ պարտեզը խցկված երեք ամսական մի խոճկոր: Պանտելեյ Պրակոֆևիչը ցցով ջարդեց նրա ողնաշարը, իսկ հինգ բոպեից հետո, մեխով պոկելով մորթած խոճկորի մազերը, մեղավորաբար, քծնությամբ նայեց նոթոտ Իլլիինիչնային, ասաց.

— Դե, այս գոճին հո փորձանք էր, էլի... Մեկ է, պետք է սատկեր: Հիմի դրանց բռնում է ժանտախտը. գոնե կուտենք, թե չէ զուր տեղը պիտի կորչեր: Ծիշտ չե՞մ ասում, ա՛ կնիկ: էլ ի՞նչ ես մթնել ոնց որ կարկտի ամպը: Թող կորչի այս գոճին, է-է՛: Գոճին էլ գոճի լիներ, ո՞վ ցավ կաներ: Դրան ոչ թե ցցով, այլ փշելով էլ կարելի էր սատկացնել: Եվ ի՞նչ վնասակարն էր, հա՛-ա: Մի քառասուն թուփ կարտու է քանդել:

— Պարտեզում կարտուլը երեսուն թփից ավել չէր լինի,— կամացուկ ուղղեց Իլլինիչնան:

— էհ, որ քառասուն լիներ, քառասունն էլ կփշացներ, այդպես էր նա: Փառք ասածու, որ ազատվեցիք դրանից, այդ սատանի ձագից,— առանց երկար մտածելու պատասխանեց Պանտելեյ Պրակոֆևիչը:

Հոր մեկնելուց հետո երեխաները ձանձրանում էին: Տընտեսության գործերով զբաղված Իլլինիչնան չէր կարող բավականաչափ ուշադրություն դարձնել նրանց, որ երեխաները իրենց բախտին թողնված, ամբողջ օրը խաղում էին այգում կամ կալում: Մի անգամ ճաշից հետո Միշատկան չքացավ ու տուն եկավ միայն արևը մայր մտնելու ժամին: Իլլինիչնայի այն հարցին, թե որտեղ էր, Միշատկան պատասխանեց, որ երեխաների հետ խաղում էր Դոնի ափին, բայց Պոլյուշկան իսկույն բռնեց նրա սուտը.

— Սուտ է ասում, տատի, նա մորաքույր Ակսինյայի մոտ էր:

— Դու որտեղի՞ց գիտես,— հարցրեց Իլլինիչնան, որին անհաճելի զարմանք պատճառեց այդ նորությունը:

— Ես տեսա, որ նա ցանկապատի վրայով դուրս եկավ նրանց բակից:

— Այնտե՞ղ էիր, հա՞. դե ասա, զավակս, ինչի՞ կարմրեցիր:

Միշատկան ուղիղ նայեց տատի աչքերին, պատասխանեց.

— Ես խաբեցի, տատիկ ջան... ճիշտ է, ես ոչ թե Դոնի ափին էի, այլ մորաքույր Ակսինյայի մոտ:

— Ինչի՞ էիր գնացել այնտեղ:

— Նա ինձ կանչեց, ես էլ գնացի:

— Բա ինչի՞ խաբեցիր, թե երեխեքի հետ էիր խաղում: Միշատկան մի վայրկյան նայեց հատակին, բայց հետո բարձրացրեց վճիտ աչիկները. շնչաց.

— Վախենում էի, որ դու կբարկանաս...

— Ինչի՞ պիտի բարկանայի: Չէ՛-է... Իսկ նա ինչի՞ կանչեց քեզ: Ի՞նչ էիր անում նրա մոտ:

— Ոչինչ: Նա ինձ տեսավ, ձեն տվեց՝ «Եկ ինձ մոտ», ես մոտեցա, նա ինձ տարավ տուն, նստեցրեց աթոռի վրա...

— է՞,— անհամբերությամբ հարցուփորձ էր անում Իլլինիչնան՝ ճարտարությամբ թաքցնելով իրեն համակած հուզմունքը:

— ...Սառն բլիններ տվեց ուտելու, հետո էլ ա՛յ, թե ինչ տվեց:— Միշատկան զրպանից մի կտոր շաքար հանեց, հպարտությամբ ցույց տվեց այն ու էլի թաքցրեց զրպանում:

— Նա քեզ ի՞նչ էր ասում, կարելի է մի բան հարցրեց, հը՞:

— Ասում էր, որ ես մեկ-մեկ գնամ իրեն մոտ, թե չէ խնք մենակ տխրում է. խոստացավ նվեր տալ... Ասավ, որ ես շատեմ, թե եղել եմ իրեն մոտ: Թե չէ,— ասավ,— տատիկդ կբարկանա:

— Ա՛յ թե ինչ...— զսպած վրդովմունքից շնչասպառ լինելով՝ ասաց Իլլինիչնան:— Լավ, նա էլ ուրիշ բան հարցնում էր քեզ:

— Հարցնում էր:

— Ի՞նչ էր հարցնում. պատմիր, մատաղ քեզ, մի վախենա:

— Հարցնում էր, թե ես կարոտո՞ւմ եմ հայրիկիս: Ես ասի, որ որ կարոտում եմ: Հետո էլ հարցրեց, թե նա ե՞րբ է գալու և նրանից ինչ լուր կա, ես էլ ասի, որ չգիտեմ, որ նա կո՞իվ է գնացել: Հետո էլ նա ինձ նստեցրեց ծնկների վրա ու հեքիաթ պատմեց:— Միշատկան աշխուժացավ, ժպտաց, աչքերը փայլեցին:— Մի լավ հեքիաթ ինչ-որ վանյուշկայի մասին, թե ինչպես սագերը, կարապները նրան տարան իրենց թևերի վրա, ու կախարդ պառավի մասին: Իլլինիչնան շրթունքները սեղմելով լսեց Միշատկայի խոստովանությունը, խստորեն ասաց.



— Էլ չգնաս նրա մտա, թոռնիկս, հարկավոր չէ գնալ Երանից ոչ մի նվեր էլ մի վերցնի, հարկավոր չէ, պապդ կիմանա ու կծծի քեզ: Աստված շանի պապդ իմանա, կը-քերթի կաշիդ: Մի՛ գնա, բալիկս:

Սակայն, ընայելով այդ խիստ հրամանին, երկու օրից հետո Միշատկան նորից եղավ Աստախովենց տանը: Իլլի-նիչնան այդ մասին իմացավ՝ նայելով Միշատկայի շապկին. պատուած թեքը, որ նա առավոտյան ժամանակ չէր ունեցել կարելու, ճարտարությամբ թակաված էր, իսկ օձիքի վրա սպիտակին էր տալիս մի նոր սաղափ-կոճակ: Գիտենալով, որ կառով զբաղված Դունյաշկան ցերեկը չէր կարող կարկա-տել երեխաների հագուստը, Իլլինիչնան կշտամբանքով հարցրեց.

— Էլի հարևանների մո՞տ ես գնացել:

— Էլի՛... — շփոթված ասավ Միշատկան և խկուլյն ավելացրեց. — էլ չեմ գնա, տատի, միայն թե դու մի բար-կանա...

Հենց այդ ժամանակ Իլլինիչնան որոշեց խոսել Ակսին-յայի հետ և կտրուկ կերպով ասել, որ նա հանգիստ թող-նի Միշատկային և նրան չգրավի ոչ նվերներով, ոչ էլ հե-քիաթներ պատմելով: «Նատալյայի գլուխը կերպով, հիմի էլ անիծվածը սուսիկ-փուսիկ ձեռք է գցում երեխեքին, որ հե-տը նրանց միջոցով ճանկի Գրիշկային: Ա՛մա թե օձ է, հա՛-առ Կենդանի մարդ ունի, ամա ուզում է ուրիշի հարս դառնալ...» Նրա մտածածը գլուխ չի գա: Եվ մի՞թե այդ տեսակ մեղքից հետո Գրիշկան կառնի նրան», — մտածում էր պառավը:

Նրա մայրական խորաթափանց և խանդոտ հայացքից չէր վրիպել այն հանգամանքը, որ Գրիգորին, լինելով տանը, խուսափում էր Ակսինյային հանդիպելուց: Նա հասկանում էր, որ Գրիգորին այդ անում էր ոչ թե մարդկանց կշտամ-բանքներից վախենալուց, այլ այն պատճառով, որ Ակսինյա-յին մեղավոր էր համարում իր կնոջ մահվան համար: Իլլի-նիչնան գաղտուկ հուսադրում էր իրեն, որ Նատալյայի մահը Գրիգորիին առմիշտ կբաժանի Ակսինյայից, ու վերջինս երբեք չի դառնա իրենց ընտանիքի անդամ:

Նույն օրվա երեկոյան Իլլինիչնան Ակսինյային տեսավ նավամատուցում, Դոնի ափին, կանչեց նրան.

— Մի բույս եկ այստեղ, հարկավոր է խոսել...

Ակսինյան վար դրեց դուշկերը. հանգիստ մտտեցավ, բա-րևեց:

— Այ թե ինչ, սիրելի,— սկսեց Իլլինիչնան՝ վննողա-բար նայելով հարևանուհու գեղեցիկ, բայց իր համար ատն-լի դեմքին: — Դու ինչի՞ ես ուրիշի երեխաներին դրավում, հը՞: Ինչի՞ ես կանչում մեր երեխին ու թլուզում նրա գլուխը: Ո՞վ քեզ խնդրեց կարկատել նրա շապիկը ու ինչ-որ նվեր-ներ տալ նրան: Կարծում ես առանց մորը նրան մտիկ անող չկա՞, հը՞, առանց քեզ շէն ապրի: Բա դու խիղճ ունե՞ս, ա՛յ անամոթ:

— Ես ի՞նչ վատ բան եմ արել, ինչի՞ եք ինձ նախա-տում, տատի,— վրդովված հարցրեց Ակսինյան:

— Ո՞նց թե ինչ վատ բան: Բա դու իրավունք ունե՞ս ձեռ տալ Նատալյայի երեխին, երբ նրան գեթեզման ես տա-րել, հը՞:

— Ի՞նչ եք ասում, տատի, խաչ հանեցեք, ո՞վ է նրան գերեզման տարել: Հենց նա ինքն է իրեն վերջ տվել:

— Եվ ոչ թե քո պատճառով:

— Դե, այդ արդեն ես չգիտեմ:

— Իսկ ես գիտեմ,— հուզված բղավեց Իլլինիչնան:

— Մի՛ գոռաք, տատի, ես ձեր հարսը չեմ, որ ինձ վրա գոռաք: Դրա համար ես մարդ ունեմ:

— Ես քեզ լավ եմ տեսնում, հա՛-ա: Տեսնում եմ, թե ուզածդ ինչ է: Հարսս չես, ամա ուզում ես հարսս լինել: Ուզում ես առաջ քո կողմը քաշել երեխեքին, հետո էլ Գրիշ-կային կաշել, հա՛-ա:

— Ես միտք էլ չունեմ ձեր հարսը դառնալու: Խելքից դուրս եք խոսում, տատի: Մարդս հո սաղ է:

— Հենց այդ է, է՛, ուզում ես սաղ մարդուցդ փախնել, ուրիշին կաշել:

Ակսինյան բավական սփրթնեց, ասաց.

— Զգիտեմ, թե ինչու դուք վրա տվիք ինձ ու պախարա-կում եք այդպես... Ես երբեք ոչ ոքի չեմ կպել ու միտք էլ չունեմ կաշելու, իսկ որ ձեր թոռնիկին մոտս եմ կանչել, այստեղ ի՞նչ վատ բան կա: Ես երեխաներ չունեմ. դուք ինք-նեքդ գիտեք, չունեմ, ուրիշի երեխաներով եմ ուրախանում:

այդ էլ մխիթարանք է, դրա համար էլ կանչել եմ նրան... Միթեմ թե նվե՛ր եմ տվել: Երեխին մի կտոր շաքար եմ տվել, և դա նվե՛ր է, հա՛: Ինչի՞ պետք է նվեր տամ: Է՛-է, աստված գիտի, թե ինչ եք դուրս տալի...

— Քանի մերը սաղ էր, չէիր կանչում: Հենց որ նա տալյան մեռավ, դու նրա երեխեքի բարեկամ դարձար:

— Նա նատալյայի ժամանակ էլ էր գալիս ինձ մոտ,— հաղիվ նկատելի ժպտալով՝ ասաց Ակսինյան:

— Սուտ ես ասում, անամոթ:

— Հարցրեք նրան, հետո ստից խոսեք:

— Է՛հ, ինչ ուզում ես ասա, ամա էլ չհամարձակվես երեխին կանչել քեզ մոտ: Ու չկարծես, թե դրանով սիրելի կդառնաս Գրիգորիի համար: Դու նրա կինը չես լինի, լավ իմանաս:

Ակսինյայի դեմքը մռայլվեց բարկությունից, նա խռպոտ ասաց.

— Լո՛ւի, դրա մասին նա քեզ չի հարցնի: Մի խառնվի ուրիշի գործերի մեջ:

Իլլինիչնան ուզում էր էլի մի բան ասել, բայց Ակսինյան լուռությամբ շուռ եկավ, մոտեցավ դուլլերին, լծակը արագ առավ ուսին, շտապ գնաց արահետով:

Այդ ժամանակից նա, հանդիպելով Մելիսովներին, նըրանցից ոչ մեկին չէր բարևում, սատանայական հպարտությամբ, պնչերը ուղցնելով, անցնում էր նրանց կողքից, բայց որևէ տեղ տեսնելով Միշատկային, երկշտո նայում էր շուրջը, ու եթե մոտիկում ոչ ոք չէր լինում, վազեվազ մոտենում էր նրան, կռանում ու սեղմում էր կրծքին ու, համբուրելով արևից սևացած նրա ճակատը և մի փոքր մռայլ մեղիքովյան սև աչիկները, ծիծաղելով ու լալով, անկապ շշնջում էր. «Ի՛մ հարազատ Գրիգորե՛կ, լավի՛կս, ինչքա՛ն էի կարոտել քեզ: Հիմար է քո մորաքույր Ակսինյան... Ա՛խ ի՛նչ հիմարն է»: Հետո էլ դողդոջ ժպիտը երկար ժամանակ չէր չքանում նրա շուրթերից, իսկ թրջված աչքերը շողում էին երջանկությունից, ինչպես ջահել աղջկա աչքերը:

Օգոստոսի վերջին Պանտելեյ Պրակոֆևիչը մոբիլիզացիայի ենթարկվեց: Միաժամանակ նրա հետ Տատարսկից ռազմաճակատ գնացին զենք կրելու ընդունակ բոլոր կա-

զակները: Խուտորում տղամարդկանցից մնացին միայն հաշմանդամները, անչափահասները և դառամած ծերունիները: Մոբիլիզացիան ընդհանուր էր և բժշկական հանձնաժողովները ոչ ոքի չէին ազատում, բացի ակնհայտի հաշմանդամներից:

Պանտելեյ Պրակոֆևիչը խուտորի ատամանից հրաման ստանալով հավաքակետ ներկայանալու մասին, շտապ հրածնա տվեց պառավին, թոռներին ու Գունյաշկային, տընքտընքալով ծունկ չոքեց, երկու անգամ երկրպագեց, խաչակնքեց սրբապատկերների առաջ, ասաց.

— Մնաք բարով, սիրելիներս: Կարելի է թե էլ շտեսնըվենք, երևի հասել է վերջին ժամը: Ես ձեզ այ թե ինչ պատվեր եմ տալի. գիշեր-ցերեկ կալսեք հացը, աշխատեք վերջացնել մինչև անձրևները: Թե որ հարկավոր լինի մարդ վարձեք, որ օգնի ձեզ: Թե որ մինչև աշուն չվերադառնամ, կառավարվեցեք առանց ինձ. աշնան հերկ արեք ինչքան որ կարող եք, գոնե մի դեսյատին հաց ցանեցեք: Տես, ա՛ կընիկ, գործը խելքով կտանես, թեկափ չլինես: Ես ու Գրիգորին կվերադառնանք թե չէ, մեկ է, հացը ձեզ շատ հարկավոր կլինի: Պատերազմ է, ամա առանց հացի ապրելը տըխուր կլինի: Է՛հ, աստված պահի ձեզ:

Իլլինիչնան ծերունուն ուղեկցեց մինչև հրապարակը, վերջին անգամ նայեց, թե նա ինչպես է երիտտոնյայի կողքին շտապ, կաղ-կաղ քայլում սայլի ետևից, հետո էլ գոգնոցով սրբեց ուռած աչքերը և առանց ետ նայելու գնաց տուն: Կալում նրան սպասում էր ցորենի չկալած օրանը, վառարանի մեջ կաթ էր դրված, երեխաները առավոտից չէին կերակրվել, պառավը հազար ու մի հոգս ու ցավ ուներ ու շտապում էր տուն առանց կանգ առնելու, լուռ բարևելով հանդիպող կանանց, խոսակցության շրջվելով ու միայն գլխով դրական պատասխան էր տալիս, երբ ծանոթներից մեկն ու մեկը ցավակցությամբ հարցնում էր. «Մարդու՞ ճամփո՞ւ գրեցիր, հա՞»:

Մի քանի օրից հետո Իլլինիչնան վաղ առավոտյան կթելով կովերը, դրանք դուրս քշեց դեպի նրբանցքը և հենց նա էր ուզում վերադառնալ տուն, երբ լսեց հեռավոր խոսք

որոտմունք: նայելով վերև, նա երկնքում ոչ մի ամպ չտեսավ: Մի քիչ հետո որոտմունքը կրկնվեց:

— Կո՞ւմ ես երաժշտությունը, տատի,— հարցրեց նա: Խիրը հավաքող ծեր նախրապանը:

— Ի՞նչ երաժշտություն:

— Հրեն, որ մենակ բասերն են երգում:

— Կսելը լսում եմ, ամա չեմ հասկանում, թե ինչ բան է:

— Շուտով կհասկանաս: Հենց որ սկսեն այն կողմից խուտորին խփել, միանգամից կհասկանաս: Թնդանոթ են կրակում: Մեր բիձաների փոր ու փսորն են թափում...

Իլլինիչնան խաչակնքեց, լուռ մտավ բակը:

Այդ օրվանից շորս օր անդադար հնչում էր թնդանոթային որոտմունքը: Վաղ առավոտները առանձնապես պարզ էր լավում: Բայց երբ փչում էր հյուսիս-արևելյան քամին, հեռավոր մարտերի որոտմունքը կեսօրին էլ էր լավում: Կալերում մի բույս կանգ էր առնում աշխատանքը, կնանիքը խաչակնքում էին, ծանր հառաչում՝ հիշելով հարազատներին, աղոթքներ մրմնջալով, հետո էլ կաշերում վերստին զղրդում էին քարե գլղոնները, ձիերն ու եզները քշող տղաները ճվճվում էին դրանց վրա, զղրդում էին քամհարները, աշխատանքային օրը ընթանում էր սովորական կարգով: Օգոստոսի վերջին եղանակը հիանալի, շոր էր: Քամին խուտորով մեկ ցրիվ էր տալիս մղեղի փոշին, տարածված էր կալսած տարեկանի ծղնոտի քաղցր բույրը, արևը կիզում էր անողորմաբար, բայց արդեն ամեն ինչում զգացվում էր աշնան մոտենալը: Արոտավայրերում աղոտ կերպով սպիտակին էր տալիս թառամած, գորշ-կապտավուն օշինդրը, Դոնի մյուս կողմում դեղնել էին բարդիների գագաթները, այգիներում ավելի թունդ էր բուրում անտոնովկա խնձորը, աշնանային պայծառությամբ էին պարուրվել հեռավոր հորիզոնները, և ամայացած դաշտերում արդեն երևում էին շվեդ կունկների առաջին երամները:

Հետմանական ճանապարհով օրեցօր արևմուտքից դեպի արևելք էին գնում գումակները, որոնք ռազմամթերք էին տանում Դոնի անցման տեղերը: Դոնի շրջակա խուտորներում փախստականներ երևացին: Նրանք պատմում էին, թե

կազակները նահանջում են կովիլով. ոմանք հավատացնում էին, որ իրը թե այդ նահանջը դիտամբ է կատարվում, որպեսզի կաթմիրներին դեպի առաջ քաշեն, հետո էլ նրանց շրջապատեն ու ոչնչացնեն: Տատարցիներից ոմանք կամաց-կամաց սկսեցին պատրաստվել մեկնելու: Ուժեղացրած կեր էին տալիս եզներին ու ձիերին, գիշերները հորում էին հացը, ամենաարժեքավոր զույգով լցված սնդուկները: Առժամանակ դադարած թնդանոթային զղրդունը սեպտեմբերի 5-ին վերսկսվեց նոր թափով: և հիմա արդեն պարզ ու ահարկու էր լավում: Մարտերը տեղի էին ունենում Դոնից մի քառասուն վերստ հեռավորությամբ, Տատարսկի հյուսիս արևելյան կողմերում: Մեկ օրից հետո թնդանոթները որոտացին նաև Դոնի վերին կողմերում, արևմուտքում: Ռազմաճակատը անխափանելիորեն մոտենում էր Դոնին:

Գիտենալով, որ խուտորցիների մեծամասնությունը պատրաստվում է նահանջելու, Իլլինիչնան Դոնյաշկային առաջարկեց մեկնել: Նա շփոթմունքի և տարակուսանքի ըզգացում էր ապրում և չգիտեր ինչ անի տնտեսությունը, տունը. արդյո՞ք հարկավոր է թողնել այդ ամենը և մեկնել ուրիշների հետ, թե՞ մնալ տանը: Պանտելեյ Պրակոֆևիչը ռազմաճակատ մեկնելուց առաջ խոսել էր կալսի, աշնանահերկի, անասունների մասին, բայց ոչ մի խոսք չէր ասել, թե ինչ պիտի անել, եթե ռազմաճակատը մոտենա Տատարսկին: Իլլինիչնան համենայն դեպս այսպես որոշեց. խուտորցիներից մեկն ու մեկի հետ ուղարկել Դոնյաշկային, երեխաներին և ամենաարժեքավոր զույգը, իսկ ինքը կմնա նույնիսկ այն դեպքում, եթե կարմիրները գրավեն խուտորը:

Սեպտեմբերի լույս 17-ի գիշերը Պանտելեյ Պրակոֆևիչը անսպասելի կերպով տուն եկավ: Նա Կազանսկայա ստանիցայի մերձակայքից եկել էր ոտով: Հոգնած էր, շարացած: Մի կես ժամ հանգստանալով սեղան նստեց ու սկսեց այնպիսի ազահուլությամբ ուտել. որպիսին Իլլինիչնան չէր տեսել իր ամբողջ կյանքում. ամբողջովին խալչտեց կես զուլյանոց չուգունով պասուց շշին, հետո էլ հարձակվեց կորեկաձավարի կաշայի վրա: Իլլինիչնան զարմանքից ձեռքերն իրաք զարկեց:

— Տեր աստված, ախր ո՞նց ես ուտում, Պրակոֆիչ:  
Ասես երեք օր բան չես կերել:

— Իսկ դու կարծում ես կերե՞լ եմ, անխելք պառավ,  
հենց երեք օր է, որ բերանս բան չեմ դրել:

— Ո՞նց թե, բա այնտեղ ձեզ չե՞ն կերակրում:

— Գրոր՝ղը նրանց այդպես կերակրի,— կատվի պես մոռալով, լիքը լցված բերանով պատասխանեց Պանտելեյ Պրակոֆևիչը:— Ինչ որ գտնես, այն էլ կլափես, իսկ ես հլա գողանալու սովոր չեմ: Դա ջահելների շնորհքն է, նրանց մեջ իսկի խիղճ չի մնացել... Այս անիծված պատերազմի ժամանակ նրանք այնպես են վարժվել գողութլան մեջ, որ ես ուղղակի սարսափում էի: Ինչ որ տեսնում եմ, վերցնում եմ, գողանում, քարշ են տալիս... Ոչ թե պատերազմ է, այլ աստծու պատիժ:

— Դու միանգամից շատ մի ուտի: Կարող է քեզ հետ մի բան պատահել: Տես թե ոնց ես ուտել, տիկ ես դառել:

— Ձենդ կտրի: Կաթ բեր մեծ կճուճով:

Նայելով սովահար եղած իր ամուսնուն, Իլլինիչնան նույն նիսկ լաց եղավ:

— Դու բոլորովի՞ն ես եկել, թե ինչ,— հարցրեց նա, երբ Պանտելեյ Պրակոֆևիչը արդեն կերել էր կաշան:

— Կտեսնենք, էլի՞...— խուսափուկ պատասխանեց նա:

— Ուրեմն ձեզ, ծերունիներին տո՞ւն Լն թողել:

— Ոչ ոքի տուն չեն թողել: Ո՞նց թողնեն, երբ կարմիրները արդեն Դոնին են մոտենում: Ծս ինքս եկա:

— Բա դրա համար դու պատասխան չե՞ս տա,— վախեւնալով հարցրեց Իլլինիչնան:

— Թե որ բռնեն, գուցեկ պատասխան տամ:

— Ուրեմն թաքնվելո՞ւ ես, ինչ է:

— Բա դու կարծում ես երգ ու պարի՞ պիտի վազ տամ, կամ հյո՞ւր գնամ: Թյո՛ւ, զգում գլուխ.— Պանտելեյ Պրակոֆևիչը բարկացած թքեց, բայց պառավը չէր զսպվում:

— Օֆ, վա՛յ մեզ, գլխներիս փորձանք կդա, կսկսեն քարշ տալ քեզ...

— Ավելի լավ է այստեղ բռնեն ու բանտ նստեցնեն, քան հրացանով քարշ գամ արտեղ, տափաստաններում:—

հոգնածորեն ասաց Պանտելեյ Պրակոֆևիչը,— ես ջահել տղա չեմ, որ օրական քառասուն վերստ թռչեմ, խրամատներ փորեմ, գրոհի գնամ, գետնի վրա սողամ ու թաքնվեմ գնդակներից: Սատանեն էլ չի ազատվի դրանցից: Կրիվայա Ռեչկայից մեկը կար, առաջ ծառայել էր ինձ հետ. գնդակը կպավ նրա ձախ թիակից ցած, նա ընկավ ու իսկի ոտներն էլ չշարժեց: Ի՞նչ դուրեկան բան կա այդ գործում:

Մերունին հրացանը և փամփուռներով լցված փամփռտանոցը տարավ ու թաքցրեց հարդանոցում, իսկ երբ Իլլինիչնան հարցրեց թե ուր է նրա կապան,— նոթոտ ու դրժկամ պատասխանեց:

— Կերել եմ: Ավելի ճիշտ ասած՝ դեն եմ գցել: Շումիլինսկայա ստանիցայի մոտերքում մեզ այնպես հուպ տվին, որ ամեն բան թողինք փախանք գժվածի պես: Այնտեղ էլ ո՞վ գլուխ ուներ կապայի հետ... Ոմանք կիսամուշտակներ ունեին, դրանք էլ թողին... Ինչի՞դ է պետք կապան, ինչի՞դա միտդ բերիր: Կապան էլ հո լավը չէր, այնպես, էլի, աղքատի հագուստ էր:

Իրոք այդ կապան լավն էր, նոր էր, բայց այն ամենը, որից զրկվում էր ծերունին, նրա ասելով անպետք էր: Իրեն սփոփելու այսպիսի սովորութլուն ուներ նա: Իլլինիչնան գիտեր այդ, դրա համար էլ չվիճեց կապայի որակի մասին: Գիշերը ընտանեկան խորհրդում որոշեցին, որ Իլլինիչնան ու Պանտելեյ Պրակոֆևիչը մինչև վերջ կմնան տանը, կալահայանեն գույքը, կալսած հացը կհորեն, իսկ Դունյաշկային մի լուծ եղով ու սնդուկներով կուղարկեն ազգականների մոտ, դեպի Ձիր, կատիշև խուտորը:

Այդ պլաններին վիճակված չէր լրիվ չափով իրագործվել: Առավոտյան ճանապարհեցին Դունյաշկային, իսկ կեսօրին Տատարսկի մտավ Սալսկի կազակ-կալմիկներից բազկացած պատժիչ ջոկատը: Երևի խուտորցիներից մեկն ու մեկը տեսել էր տուն եկած Պանտելեյ Պրակոֆևիչին. պատժիչ ջոկատը խուտոր մտնելուց մեկ ժամ անց շորս կալմիկ ձիերով եկան Մելխուզների տունը: Տեսնելով ձիավորներին, Պանտելեյ Պրակոֆևիչը զարմանալի արագութլամբ ու ճարպրկութլամբ բարձրացավ շարդախը. Իլլինիչնան դուրս ելավ եկվորներին դիմավորելու:

— Որտե՞ղ է քո ալևորը,— հարցրեց տարիքավոր, գեղահասակ, ավագ ուրյադնիկի ուսադիրներով մի կալմիկ՝ իջնելով ձիուց և Իլլինիչնայի կողքից մտնելով բակը:

— Ֆրոնտումն է, էլ որտե՞ղ պիտի լինի,— կոպիտ պատասխանեց Իլլինիչնան:

— Տար մեզ տուն, պիտի խուզարկենք:

— Ի՞նչ կա խուզարկելու:

— Քո ծերուկին պիտի փնտրեմ: Ա՛յ, բա ամոթ չի՞. պառավ կնիկ ես ու սուտ ես խոսում,— կշտամբանքով գլուխն օրորելով, ուսերեն կտորատելով ասաց կորովի ուրյադնիկը ու ցույց տվեց խիտ, սպիտակ ատամները:

— Դու ատամներդ մի ցույց տա, մունտոիկ: Քեզ ասում են չկա, ուրեմն չկա:

— Մի վովոա, տար մեզ տուն, թե չէ մենք ինքներս կըզնանք,— խստորեն ասավ նեղացած կալմիկը և վճռակունորեն քայլեց դեպի արտաքին սանդուղքը՝ լայն-լայն դնելով ծուռ ոտները:

Նրանք մանրակրկիտ կերպով զննեցին սենյակները, իրար մեջ խոսեցին կալմիկական լեզվով, հետո երկուսը զնացին զննելու բակի շենքերը, իսկ մեկը, որ ցածրահասակ էր, սևության շափ թուխ, շեշոտ դեմքով ու տափակ քթով, վեր քաշեց լամպասներով զարդարված լայն շավարը, դուրս ելավ հաշտը: Իլլինիչնան բաց դռնից տեսավ, թե ինչպես կալմիկը վեր ցատկեց, բռնեց շեղագերանից ու ճարպկությամբ վերև բարձրացավ: Հինգ րոպեից հետո նա նույնպես ճարպիկ կերպով ցած թռավ, նրա ետևից, տնքտնքալով, զգուշությամբ իջավ Պանտելեյ Պրակոֆևիչը, որ ամբողջովին կավոտել էր, մորուքի վրա էլ սարդի ոստայն էր նստել: Նայելով շրթունքները պինդ սեղմած պառավին, նա ասաց.

— Անիծվածները գտան, էլի՛: Ուրեմն մեկն ու մեկը մատնել էր...

Պանտելեյ Պրակոֆևիչին ուղեկցուրդի հսկողության տակ ուղարկեցին Կարգինսկայա ստանիցան, ուր գտնվում էր ռազմա-գաշտային դատարանը, իսկ Իլլինիչնան մի քիչ լաց ու կոծ արեց, ու ականջ դնելով վերսկսված թնդանոթային որոտմունքին և Դոնի մյուս կողմից եկող գնդացրային ճարձատյունին, գնաց ամբար, որ դռնն մի քիչ հաց թաքցնի:

Բռնված տասնչորս դասալիքները դատի էին սպասում: Դատը կարճատև ու անողորմ էր: Զուտամած մի յասավուլ, որ նախագահում էր նիստերում, հարցնում էր դատվողի ազգանունը անունը, հայրանունը, աստիճանը և զորամասի համարը. իմանում էր, թե դատվողը որքան ժամանակ է փախած եղել, այնուհետև ցածր ձայնով մի քանի ֆրազ էր փոխանակում դատարանի անդամների,— թեք կտրած մի խորունժիի ու ձրիակերությունից տոզած, երկարարեղ ու փափկամոտի մի վախմիստրի հետ,— և հայտարարում էր դատավճիռը: Դասալիքների մեծամասնությունը ենթարկվում էր մարմնական պատժի,— ճիպոտահարություն. որը տեղի էր ունենում այդ նպատակին հատկացված անբնակելի մի շենքում, կալմիկների ձեռքով: Չափազանց շատ էին Դոնի ռազմամուլ բանակի դասալիքները, այնպես որ հնարավոր չէր նրանց ճիպոտահարել բացահայտ կերպով, հրապարակավ, ինչպես այդ լինում էր 1918 թվականին...

Կանչեցին Պանտելեյ Պրակոֆևիչին,— նա վեցերորդն էր: Հուզված ու գունատ կանգնեց նա դատավորների սեղանի առաջ, թևերը ուղիղ կախած:

— Ազգանո՞ւնդ,— հարցրեց յասավուլը՝ առանց նայելու դատվողին:

— Մելեխով, ձերդ բարեծննդություն:

— Անո՞ւնդ, հայրանո՞ւնդ:

— Պանտելեյ Պրակոֆև, ձերդ բարեծննդություն:

Յասավուլը թղթերից բարձրացրեց աչքերը, զննողաբար նայեց ծերունուն:

— Դուք ո՞րտեղացի եք:

— Վեշենսկայա ստանիցայի Տատարսկի խուտորից, ձերդ բարեծննդություն:

— Դուք Մելեխով Գրիգորիի՞ հարյուրապետի, հայրը չե՞ք:

— Ճիշտ այդպես, հայրն եմ, ձերդ բարեծննդություն.— Պանտելեյ Պրակոֆևիչը միանգամից աշխուժացավ, զգալով, որ ճիպոտը կարծես թե չի դադելու իր ծեր մարմինը:

— Լսեցեք, բա չե՞ք ամաչում,— հարցրեց յասավուր՝ ծակող աչքերը շկտրելով Պանտելեյ Պրակոֆևիչի նիհարած դեմքից:

Պանտելեյ Պրակոֆևիչը այստեղ խախտելով կանոնագիրքը, ձախ ձեռքը դրեց կրծքին, լացակուժած ձայնով ասավ:

— Ձերդ բարեծննդություն, պարոն յասավուր: Ստիպեք, որ ես ձեզ համար միշտ աղոթեմ աստծուն,— մի՛ հրամայեք, որ ինձ թակեն: Ես երկու ամուսնացած տղա ունեմ... մեծ տղիս սպանեցին կարմիրները... Թոռներ ունեմ, բա ո՞նց կարելի է ձաղկել ինձ, փտած այլորիս:

— Մենք ալեորներին էլ ենք սովորեցնում, թե ինչպես պետք է ծառայել: Իսկ դու կարծում էիր, թե զորամասից փախչելու համար քեզ խա՞չ կտան,— ընդհատեց նրան թևը կտրած խորունժին: Նրա բերանի անկյունները ջղայնորեն ցնցվեցին:

— Խաչը էլ ի՞նչ պիտի անեմ... Ինձ ուղարկեցեք զորամաս, կծառայեմ հավատով և ճշմարտությամբ... Ես ինքս էլ չգիտեմ, թե ոնց փախա. կարելի է սատանեն մոլորեցրեց... Պանտելեյ Պրակոֆևիչը անկապ կերպով էլի ինչ-որ բաներ ասաց կիսատ մնացած կալսի, իր կարողության, անտեր մնացած տնտեսության մասին, բայց յասավուրը ձեռքի շարժամբ նրան ստիպեց լռել, թեքվեց դեպի խորունժին ու ինչ-որ երկար շշնջաց նրա ականջին: Խորունժին գլխով դրական շարժում արեց, ու յասավուրը դարձավ դեպի Պանտելեյ Պրակոֆևիչը:

— Լավ: Դուք ամեն ինչ ասացի՞ք: Ես ճանաչում եմ ձեր որդուն և զարմանում եմ, որ նա այդպիսի հայր ունի: Ե՞րբ եք փախել զորամասից: Մի շաբաթ առա՞ջ: Ի՞նչ ուզում եք, որ կարմիրները գրավեն ձեր խոտորը և քերթեն՝ ձեր կաշին, հա՞: Այդպիսի օրինակ եք ցույց տալիս երիտասարդ կազակներին: Օրենքով մենք պետք է ձեզ դատենք և մարմնական պատժի ենթարկենք, բայց, հարգելով ձեր որդու սպայական աստիճանը, ես ձեզ ազատում եմ այդ խայտառակությունից: Դուք շարքայի՞ն էիք:

— Ծիշտ այդպես, ձերդ բարեծննդություն:

— Ձեր աստիճանը:

— Կրտսեր ուրյադնիկ էի, ձերդ բարեծննդություն:

— Հանե՛լ թելերը:— Անցնելով «դու»-ի, յասավուրը բարձրացրեց ձայնը, կոպիտ հրամայեց.— Հենց հիմա գնա զորամաս: Զեկուցիր հարյուրյակի հրամանատարին: որ ուզեմա-դաշտային դատարանի վճռով դու զրկված ես ուրյադնիկի կոչումից: Այս կամ անցյալ պատերազմների համար պարգևներ ունեցե՛լ ես... Գնա՛:

Ուրախությունից ինքն իրեն մոռացած Պանտելեյ Պրակոֆևիչը դուրս եկավ, խաշակնքեց եկեղեցու զմբեթի կողմը և... բլուրի վրայով, ճանապարհազուրկ տեղերով գնաց տուն: «Հիմի ես էլ այնպես չեմ թաքնվի. ոտնե՛րս կգտնեն, թեկու՞ղ երեք հարյուրյակ կալմիկներ ուղարկեն»,— մտածում էր նա՝ կաղ-կաղ քայլերով վաղուց հնձած արտերում, որտեղ խոզանը աշնանային կանաչով էր պատած:

Տափաստանում նա որոշեց, որ անցորդների ուշադրությունը չգրավելու համար ավելի լավ է ճանապարհով գնալ «Հլա դեռ կարող են մտածել, թե ես դասալիք եմ: Մեկ էլ տեսար մեծավորների ճանկը ընկար, ու առանց դատի մտրակ ուտեցրին»,— լսելի ձայնով դատողություններ էր անում նա՝ շուտ գալով հերկած դաշտից դեպի ամառային, լքած, ջղախոտով պատած ճանապարհը և չգիտես ինչու այլևս իրեն դասալիք չէր համարում:

Որքան նա մոտենում էր Դոնին, այնքան ավելի հաճախ էին հանդիպում փախստականների սայլերը: Կրկնվում էր այն, ինչ որ եղել էր գարնանը, երբ ապստամբները նահանջում էին Դոնի ձախ կողմը. տափաստանով մեկ ամեն ուղղությամբ ձգվել էին տնային իրերով բեռնված սայլերն ու բրիչկաները, գնում էին բառաչող անասունների նախիրները, փոշի էին բարձրացնում ոչխարների հոտերը, ասես երթում գտնվող հեծելազոր լինեին... Անիվների ճռճոցը, ձիերի վրնջունը, մարդկանց կանչերը, բազմաթիվ կճղակների ու սմբակների դոփյունը, ոչխարների մայունը, երեխաների լացը,— այս ամենը անլուելի ու տագնապալից աղմուկով էր լցրել տափաստանի անդորր տարածությունները:

— Ո՞ւր բարով, ա՛յ պապի: Ետ գնա, մեր ետևից կարմիրներն են գալի,— անցնող սայլի վրայից բղավեց գլուխը վիրակապով փաթաթած, անծանոթ մի կազակ:

— Փշուճ ես, էլի՛: Ո՞րտեղ են նրանք, կարմիրները...—  
Պանտելեյ Պրակոֆևիչը շփոթված կանդ առավ:

— Դո՞նի մյուս կողմումն են: Մոտենում են վեշկիին,  
Իսկ դու նրանց մո՞տ ես գնում:

Միրտը հանգստացնելով, Պանտելեյ Պրակոֆևիչը շարունակեց ճանապարհը և իրիկնադեմին մոտեցավ Տատարսկուն: Իջնելով սարից, նա ուշադրությամբ նայում էր դեպի առաջ: Խոտորը նրան ապշեցրեց մարդկանց բացակայությամբ: Փողոցներում ոչ ոք չկար: Լուռ կանգնած էին լքած, պատուհանների փեղկերը ծածկված տները: Ոչ մարդկային ձայն էր լսվում, ոչ էլ անասունների բառաչ. միայն Դո՞նի ափին աշխուժությամբ մարդիկ էին շարժվում: Մոտենալով, Պանտելեյ Պրակոֆևիչը առանց դժվարության ճանաչեց զինված կազակներին, որոնք ջրից նավակներ էին դուրս քաշում ու տանում խոտոր: Բնակիչները հեռացել էին Տատարսկից, դա պարզ էր Պանտելեյ Պրակոֆևիչի համար: Հզուշույթամբ մտնելով իրենց նրբանցքը, նա քայլեց դեպի տուն: Իլլինիչնան ու երեխաները նստած էին խոհանոցում:

— Օ-օ՛, պապին եկավ,— ուրախացած բացականչեց Միշտական՝ ընկնելով պապի վիզը:

Իլլինիչնան ուրախությունից լաց եղավ, արտասովելով ասաց.

-- Չէի սպասում, որ քեզ կտեսնեմ: Է՛հ, Պրակոֆիչ, ինչ ուզում ես ասա, ես համաձայն չեմ էլի մնալ այստեղ: Թող ամեն բան վառվի, միայն թե ես չեմ հսկի դատարկ տունը: Համարյա բոլորն էլ գնացել են խոտորից, իսկ ես երեխաների հետ նստել եմ հիմարի պես: Հենց հիմի ձին լծի, գնանք ուր որ պտահի: Քեզ բա՞ց թողին:

— Բաց թողին:

— Բոլորովի՞ն:

— Բոլորովին, մինչև բռնվելս...

— Է՛հ, դու այստեղ չես կարող թաքնվել: Այսօր առավոտ կարմիրները այնպես էին կրակում Դո՞նի մյուս կողմից, որ ուղղակի սարսափելի էր: Քանի դեռ շարունակվում էին տրաքոցները, ես երեխաների հետ նստել էի մառանում: Հիմի նրանց դեն են քշել: Կազակներ էին գալի, կաթ էին խնդրում ու խորհուրդ էին տալի գնալ այստեղից:

— Այդ կազակները մեր խոտորից չէի՞ն,— հետաքրքրվեց Պանտելեյ Պրակոֆևիչը՝ ուշադրությամբ դիտելով պատուհանի շրջանակի մեջ գնդակի նոր բացած ծակը:

— Չէ, ուրիշ կազակներ էին, կարծեմ Խոտորից:

— Ուրեմն պետք է գնալ,— հոգոց հանելով ասաց Պանտելեյ Պրակոֆևիչը:

Երեկոյան նա տարթանոցում հոր փորեց, յոթ ջվալ ցորեն տեղավորեց այնտեղ, ջանադրությամբ ծածկեց հողով ու վրան տարթ կուտակեց ու, հենց որ մութն ընկավ, ձին լծեց սայլակին, բարձեց երկու մուշտակ, մի պարկ ալյուր, կորեկաձավար, կապված մի ոչխար, երկու կովը պարաններով կապեց սայլի ետևից, ու Իլլինիչնային և երեխաներին նստեցնելով սայլակին, ասաց.

— Դեհ, հիմի գնացինք:— Սայլակը բակից դուրս քշեց, երասանները տվեց պառավին, ծածկեց դարպասը, ու մինչև բլուրը խնչում էր և շեքմենի թևքով սրբում արցունքները՝ քայլելով սայլի կողքից:

## XXIII

Շորիների հարվածային խմբի զորամասերը սեպտեմբերի 17-ին երեսուն վերստ տարածություն անցնելով, ընդհուպ մոտեցան Դո՞նին: 18-ի առավոտից կարմիր մարտիկոցները որոտում էին Մեղվեղիցայի գետաբերանից մինչև Կազանսկայա ստանիցան: Հրետանային կարճատև նախապատրաստությունից հետո հետևազորը գրավեց առափնյա խոտորները և Բուկանովսկայա, Ելանսկայա, Վեշենսկայա ստանիցաները: Օրվա ընթացքում Դո՞նի ձախ ափը ավելի քան հարյուր հիսուն վերստ տարածությամբ մաքրվեց սպիտակներից: Կազակական հարյուրյակները նահանջեցին կարգով, անցան Դո՞նը ու գրավեցին վաղօրոք պատրաստված դիրքերը: Գետանցման բոլոր միջոցները նրանց ձեռքի տակ էին, իսկ Վեշենսկու կամուրջը քիչ մնաց գրավվել կարմիրների կողմից: Կազակները կամրջի մոտ նախօրոք ծղնոտ դարսեցին ու կամրջի փայտե երեսքին նավթ լցրին, որպեսզի նահանջելիս վառեին, և արդեն պատրաստվում էին վառելու, երբ ժամանեց մի կապավոր և հաղորդեց, որ 37-րդ գնդի

հարյուրյակներից մեկը Պերևյազնի խուտորից գալիս է Վե-  
ջնեսկայա, դեպի գետանցքը: Ետ մնացած հարյուրյակը քա-  
ռատրոփով մոտեցավ կամրջին այն պահին, երբ կարմիր  
հետևակը արդեն ստանիցա էր մտնում: Գնդացրային կրակի  
տակ կազակները այնուամենայնիվ կարողացան անցնել  
կամրջից և ապա հրկիզել այն՝ կորցնելով ավելի քան տասը  
մարդ, — որոնք սպանվեցին կամ վիրավորվեցին, — և նույն-  
քան ձիեր:

9-րդ կարմիր բանակի 22-րդ և 23-րդ դիվիզիաների գըն-  
դերը մինչև սեպտեմբերի վերջը իրենց ձեռքումն էին պա-  
հում Դոնի ձախ կողմում գրաված խուտորները և ստանի-  
ցաները: Հակառակորդներին բաժանում էր գետը, որի առա-  
վելագույն լայնությունը այն ժամանակ ութսուն սաժենից  
ավելի չէր, տեղ-տեղ էլ երեսուն սաժեն կլինեի: Կարմիրները  
գետանցման ակտիվ փորձեր չէին ձեռնարկում. տեղ-տեղ  
ներանք փորձում էին ծանծաղուտներով անցնել Դոնը, բայց  
ետ էին մղվում: Ռազմաճակատի ամբողջ տարածության վրա  
այդ ճակատամասում երկու շաբաթվա ընթացքում հրետա-  
նային ու հրացանային աշխույժ փոխհրաձգություն էր տեղի  
ունենում: Կազակները գրավել էին տեղանքի վրա իշխող  
առափնյա բարձունքները, հրակոծում էին հակառակորդի  
կուտակումները Դոնի մատուցներում, թույլ չտալով, որ նա  
ցերեկով մոտենա ափին. բայց որովհետև այդ ճակատա-  
մասում կազակական հարյուրյակները կազմված էին առա-  
վելապես քիչ մարտունակ տարրերից (ծերունիներ և տասն-  
յոթից մինչև տասնինը տարեկան երիտասարդներ), ուս-  
տի նրանք իրենք էլ չէին փորձում անցնել Դոնը, ետ մղել  
կարմիրներին և հարձակում ձեռնարկել գետի ձախ ափում:

Նահանջելով Դոնի աջ կողմը, կազակները առաջին օրը  
սպասում էին, որ ահա որտեղ որ է կրոցավառվեն կարմիր-  
ների գրաված խուտորների խրճիթները, բայց, ի մեծ զար-  
մանս նրանց, գետի ձախ կողմից բոլորովին ծուխ չերևաց.  
դեռ ավելին. գետի ձախ կողմից գիշերով աջ կողմն անցած  
բնակիչները հաղորդեցին, որ կարմիրբանակայինները բնա-  
կիչների գույքից ոչինչ չեն վերցնում, իսկ վերցրած մթերք-  
ների, նույնիսկ ձմերուկների ու կաթի համար առատաձեռ-  
նությամբ սովետական փող են վճարում: Սա կազակների

մեջ շփոթվածություն և մեծադույն տարակուսանք առաջաց-  
րեց: Նրանց թվում էր, որ սպասամբությունից հետո կար-  
միրները պետք է հրո ճարակ դարձնեին բոլոր սպասամբ  
խուտորները և ստանիցաները. նրանք սպասում էին, որ  
բնակչության մնացած մասը, համենայն դեպս տղամարդ  
բնակչությունը անողոր կերպով կոչնչացվի, բայց հավաս-  
տի տեղեկությունների համաձայն, կարմիրները խաղաղ  
բնակիչներից ոչ ոքի ձեռք չէին տալիս, ու ամեն ինչից երե-  
վում էր, որ նույնիսկ մտադիր էլ չէին վրեժ առնել:

Ամսի լույս 19-ի գիշերը խոպերցի այն կազակները,  
որոնք Վեջնեսկու դիմաց գտնվող ուղեկալումն էին, որոշե-  
ցին պարզել հակառակորդի այդչափ տարօրինակ վարքը.  
ուժեղ ձայն ունեցող մի կազակ ձեռքերը խողովակաձև դրեց  
բերանին, բղավեց.

— էյ, կարմրափորիկներ, ինչի՞ շեք վառում մեր տները.  
լուցկի շունե՞ք. լող տվեք-եկեք մեզ մոտ, մենք ձեզ լուցկի  
կտանք:

Մթության միջից հնչեղ ձայնով նրան սպտասխանեցին.

— Ափսոս որ ձեզ տեղնուտեղը շբոնեցինք. թե չէ կվա-  
ռեինք տների հետ միասին:

— Աղքատացե՞լ եք, վառելու համար կրակ շունե՞ք, —  
մոլեգնաբար գոռում էր խոպերցին:

Նրան հանգիստ և ուրախ պատասխանեցին.

— Լող տուր եկ այստեղ, սպիտակ բող, մենք փոխանիդ  
մեջ վառած ածուխ կլցնենք, որ տրճիկ տաս ու պար գաս:

Ուղեկալներում երկար հայհոյում և ամեն կերպ խայթում  
էին իրար, հետո էլ մի քիչ կրակեցին ու սակվեցին:

Հոկտեմբերի սկզբին Դոնի բանակի հիմնական ուժերը,  
որոնք քանակով երկու կորպուս էին ու կենտրոնացված էին  
Կազանսկայա-Պավլովսկ ճակատամասում, հարձակման ան-  
ցան: Դոնի 3-րդ կորպուսը, որ իր կազմում ուներ 8000  
սվին և ավելի քան 6000 թուր, Պավլովսկի մերձակայ-  
քում անցավ Դոնը, ետ մղեց 56-րդ կարմիր դիվիզիան  
ու սկսեց հաջողությամբ առաջ շարժվել դեպի արևելք: Շու-  
տով Դոնն անցավ նաև Կոնովալովի 2-րդ կորպուսը: Հեծե-  
լազորի գերակշռությունը նրան հնարավորություն տվեց սո-



դոսկել հակառակորդի դասավորության խորքերը և մի շարք խորտակիչ հարվածներ հասցնել: Գործի դրված 21-րդ հրաձիգ կարմիր դիվիզիան, որ մինչ այդ գտնվում էր ուղղմաճակատի ուղղորդում, մի փոքր կասեցրեց Դոնի 3-րդ կորպուսի առաջարժուումը: Բայց միացած կազակական կորպուսների ճնշման տակ ստիպված էր ետ քաշվել: Հոկտեմբերի 14-ին կազակական 2-րդ կորպուսը կատաղի մարտում ջախջախեց և գրեթե ամբողջովին ոչնչացրեց 14-րդ կարմիր հրաձգային ռիվիզիան: Մի շաբաթվա ընթացքում կարմիրները Դոնի ձախ ափից ետ մղվեցին ընդհուպ մինչև Վեշենսկայա ստանիցան: Կայն ուղղմաճակատ գրավելով, կազակական կորպուսները Լուզնո—Շիրինկին—Վորոբյովկա ուղղմաճակատում ետ մղեցին 9-րդ կարմիր բանակի զորամասերը, 9-րդ բանակի 23-րդ դիվիզիային ստիպեցին հապճեպորեն վերակազմել ուղղմաճակատը արևմտյան ուղղությամբ, Վեշենսկուց դեպի Կրուգլովսկի խուտորը:

Գնեբրալ Կոնովալովի 2-րդ կորպուսի հետ գրեթե միաժամանակ իր ճակատամասում Դոնն անցավ նաև Դոնի 1-ին կորպուսը, որ գտնվում էր Կլեցկայա ստանիցայի շրջանում:

Ձախ թևի 2-րդ և 3-րդ կարմիր դիվիզիաները շրջապատման սպառնալիքի տակ էին գտնվում: Հաշվի առնելով այդ, հարավ-արևելյան ուղղմաճակատի հրամանատարությունը 9-րդ բանակին հրամայեց ետ քաշվել Իկորեցի գետաբերանում — Բուտուրլինովկա—Ուսպենսկայա—Տիշանսկայա—Կոմիլժենսկայա ուղղմաճակատը: Մակայն բանակին չհաջողվեց դիմանալ այդ գծի վրա: Ընդհանուր մոբիլիզացիայով հավաքված թվաշատ և ցաք ու ցրիվ կազակական հարյուրյակները անցան Դոնի ձախ ափը ու միանալով կազակական 2-րդ կորպուսի կանոնավոր զորամասերին, շարունակեցին այդ բանակը շեշտակի բռնել դեպի հյուսիս: Հոկտեմբերի 24-ից մինչև 29-ը սպիտակները գրավեցին Ֆիլոնովո, Պոլորինո կայարանները և Նովոխուպերսկ քաղաքը: Մակայն, որքան էլ մեծ էին Դոնի բանակի հաջողությունները հոկտեմբեր ամսին, այնուամենայնիվ կազակների տրամադրության մեջ արդեն բացակայում էր այն վստահությունը, որ նրանց թևավորում էր գարնանը, երբ նրանք հաղթականորեն առաջ էին գնում դեպի մարզի սահմանները: Ծա-

կատայինների մեծամասնությունը հասկանում էր, որ այդ հաջողությունը ժամանակավոր է և որ ձմռանից դենը դիմանալ իրենց չի հաջողվի:

Այն պահից, երբ Ստալինը ժամանեց Հարավային ուղղմաճակատ և երբ հարավային կոնտրոլուցիայի ջախջախելու վերաբերյալ նրա առաջարկած պլանը (առաջխաղացում Դոնբասի և ոչ թե Դոնի մարզի վրայով)<sup>1</sup> սկսեց իրագործվել հարավային ուղղմաճակատում իրադրությունը խիստ փոխվեց: Օրյոլ—Կրոմակ ուղղությամբ եղած զլխավոր ճակատամարտում կամավորական բանակի պարտությունը

1 Լենինին ուղարկած իր պատմական նամակի մեջ Ստալինը գրել էր. «... Օրբես Գլխհրամը դիրեկտիվ տվեց Շոբինին հարձակվելու Յարիցինի շրջանից Նովոռոսիսկի վրա Դոնի տափաստաններով — մի գծով, որով գուցեև հարմար լինի թուշև մեր օդաչուներին, բայց արդեն բոլորովին անկարելի կլինի թափառել մեր հետևակին ու հրետանուն: Հարկ անգամ չկա ապացուցելու, որ այդ ցնորամիտ (ենթադրվող) արշավանքը մեզ բռնամի միջավայրում, քաջարձակ նախապահագրկության պայմանմեջ կատարյալ կրախ է սպառնում մեզ: Դժվար չէ հասկանալ, որ այդ արշավանքը կազակային ստանիցաների վրա, ինչպես այդ ցույց տվեց մոտիկ անցյալի պրակտիկան: Կարող է միայն համախմբել մեր դեմ կազակներին Դենիկինի շուրջը իրենց ստանիցաները պաշտպանելու համար, կարող է միայն Դենիկինին ցուցադրել որպես Դոնի փրկիչ, կարող է միայն կազակների բանակ ստեղծել Դենիկինի համար, այսինքն՝ կարող է միայն ուժեղացնել Դենիկինին:

Հենց դրա համար էլ անհրաժեշտ է այժմ իսկ, առանց ժամանակ կորցնելու, փոխել պրակտիկայով արդեն վերացված հին պլանը, այն փոխարինելով Վորոնեժի շրջանից խարկով—Դոնեցի ավազանի վրայով դեպի Ռոստով հիմնական հարվածի պլանով: Նախ, այստեղ մենք կունենանք ո՛չ թե թշնամական, այլ ընդհակառակը — մեղ համակրող միջավայր, որը կհեշտացնի մեր առաջխաղացումը: Երկրորդ, մենք ստանում ենք կարևորագույն երկաթուղային ցանց (Դոնեցիներ) և Դենիկինի բանակը անող հիմնական զարկերակը՝ Վորոնեժ—Ռոստով գիծը... Երրորդ, այդ առաջխաղացումով մենք Դենիկինի բանակը ճեղքում ենք երկու մասի, որոնցից՝ կամավորականը թողնում ենք Մախնոյի կերակուր, իսկ կազակային բանակներին թիկնանցման սպառնալիքի տակ ենք դնում: Չորրորդ, մենք հնարավորություն ենք ստանում կազակներին գծուցնելու Դենիկինի հետ, որը (Դենիկինը) մեր հաջող առաջխաղացման դեպքում կաշխատի կազակային զորամասերը տեղափոխել դեպի արևմուտք, որին կազակների մեծամասնությունը չի համաձայնի... Հինգերորդ, մենք ամուսնանք ստանում, իսկ Դենիկինը մնում է առանց ամուսնի:

Այս պլանն ընդունելու հարցում յի կարելի դանդաղել...»

և Վորոնեժի ճակատամասում Բուդյաննու հեծելազորի փայ-  
լուն գործողությունները որոշեցին պայքարի վախճանը. նո-  
յեմբերին Կամավորական բանակը գլորվեց դեպի հարավ՝  
մերկացնելով Դոնի բանակի ձախ թևը, ու նրան էլ ստիպեց  
նահանջել իր հետ:

#### XXIV

Պանտելեյ Պրակոֆևիչը իր ընտանիքի հետ երկու և կես  
շաբաթ բարեհաջող կերպով ապրեց Լատիշև խուտորում, ու  
հենց որ լսեց, թե կարմիրները նահանջել են Դոնից, պատ-  
րաստվեց տուն մեկնելու:

Խուտորից մի հինգ վերստ հեռավորությամբ նա վճռա-  
կան տեսքով իջավ սայլակից, ասավ.

— էլ համբերություն չունեմ կամաց գնալու: Այս անիծ-  
ված կովերի պատճառով չենք կարող ձին յորդա քշել: Ինչի՞  
դրանց տարանք հետներս, է՞: Դունյաշկա, կանգնեցրու եզ-  
ները: Կովերը կապի քո արաբային, իսկ ես ձին վարգով  
կքշեմ տուն: Կարելի է հիմի այնտեղ տուն ու տեղից միայն  
մոխիր է մնացել...

Մեծագույն անհամբերությամբ համակված, նա երեսա-  
ներին իր սայլակից նստեցրեց Դունյաշկայի ընդարձակ արա-  
բային, ավելորդ բեռը տեղավորեց դրա վրա ու ձին, վար-  
գով քշելով, արագ, զորդալից սլացավ խորդուբորդ ճանա-  
պարհով: Զամբիկ ձին մի վերստ անցավ թե չէ՝ քրտնեց.  
ձիատերը դեռ երբեք այդչափ անողորմ չէր վարվել նրա  
հետ. ծերունին ձևաբեկ բաց շէր թողնում մտրակը, անդա-  
դար վազեցնում էր ձին:

— Հալից կզցես զամբիկին, ի՞նչ ես գժվածի պես թրո-  
չում,— ասում էր Իլյինիչնան, կառչում սայլակի կողերից,  
տանջալից կերպով դեմքը կնճռոտում ցնցումներից:

— Մեկ է, սա հո չի գա գերեզմանիս վրա լալու... Դեհ-  
դեհ, անիծված, մի սրա քրտնելո՞ւն մտիկ... Կարելի է այն-  
տեղ տանից մենակ քոթուկներն են մնացել...— ատամներն  
իրար սեղմում, մոթմոթում էր Պանտելեյ Պրակոֆևիչը:

Նրա վախը շարդարացավ. տունը անվթար էր, բայց հա-  
մարյա բոլոր պատուհանները ջարդված էին, դուռը պոկ-

ված էր ծղխնիներից, պատերը ճաքճքել էին գնդակներից:  
Բակում ամեն ինչ լքվածության ու ավերածության տեսք  
ունեի: Ախոռի անկյունը բուրրովին փլվել էր արկից, երկ-  
րորդ արկը ծանծաղ փոս էր առաջացրել ջրհորի մոտ, քան-  
դիլ դրա փայտվածքը ու ջարդել, երկու կես արել ջրհորի  
կոունկը: Պատերազմը, որից փախչում էր Պանտելեյ Պրա-  
կոֆևիչը, ինքն էր եկել նրա տունը, իրենից հետո ավերա-  
ծության այլանդակ հետքեր թողել: Բայց տնտեսությանը էլ  
ավելի մեծ վնաս էին պատճառել խոպեցրիները, որոնք տե-  
ղավորվել էին խուտորում. նրանք տապալել էին գոմի ու  
բակի ցախե ցանկապատը, խորունկ, մարդաբոյ խրամատ-  
ներ էին փորել. ավելորդ աշխատանքով շժանրաբեռնվելու  
համար քանդել էին ամբարի պատերը և գերաններից ծածկ  
էին շինել խրամատներում. ցրիվ էին տվել քարե ցանկա-  
պատը և գնդացիների համար հրակնատներ սարքել. ոչըն-  
չացրել էին կես դեզի շափ խոտ, անտնտեսավարի փշացրել,  
կերցրել ձիերին. վառել էին ցախե ցանկապատերը և կեղ-  
տոտել ամառային ամբողջ խոհանոցը...

Դիտելով տունը և բակի շենքերը, Պանտելեյ Պրակոֆևիչը  
շշմելուց ձեռքերը տարավ գլխին: Այս անգամ նրան դավա-  
ճանեց կորցրածը արժեքազրկելու իր մշտական սովորությու-  
նը: Սատանան տանի, նա հո չէր կարող ասել, որ իր ունե-  
ցած այդ ամբողջ փուլը ոչինչ չարժեք և պետք է ջարդու-  
փշուր արվեր: Ամբարը հո մի կապա շէր և դրա կառուցումը  
էժան շէր նստել:

— Ասես ամբարը իսկի չի էլ եղել,— հոգոց հանելով  
ասաց Իլյինիչնան:

— Ամբարը եղել է, կար...— արագ արձագանքեց Պան-  
տելեյ Պրակոֆևիչը, բայց չվերջացրեց խոսքը, թափ տվեց  
ձեռքը, գնաց կալը:

Տան խայտաճամուկ, արկաբեկորներից ու գնդակներից  
ծակծկված պատերը անհաճելի ու ամայի տեսք ունեին:  
Սենյակներում սուլում էր քամին, սեղանների, նստարան-  
ների վրա հաստ շերտով փոշի էր նստել... Շատ ժամանակ  
էր պահանջվում այդ բոլորը կարգի բերելու համար:

Պանտելեյ Պրակոֆևիչը հենց մյուս օրը ձիով գնաց ստա-  
նիցա և ծանոթ բուժակից դժվարությամբ մի թուղթ վերց-

րեց, որը վկայում էր, թե կազակ Մելեխով Պանտելեյը ոտքի հիվանդութեան պատճառով ընդունակ չէ հետիոտն երթե-վեկութեան և բուժման կարիք է զգում: Այս վկայականը օգ-նեց Պանտալեյ Պրակոֆևիչին՝ ազատվելու ռազմաճակատ ուղարկվելուց: Նա վկայականը ներկայացրեց ատամանին, ու երբ գնում էր խուտորի վարչություն, այդ թուղթը միան-գամայն համոզիչ դարձնելու համար հերթով կաղում էր երկու ոտքից:

Տատարսկում կյանքը դեռ երբեք չէր ընթացել այնպե-ս անհանգիստ ու անհեթեթ, ինչպես ընթանում էր նահանջից վերադառնալուց հետո: Մարդիկ տնետուն էին գնում, փրկու-րում խոպերցիների վերցրած գույքը, շրջում էին տափաս-տանում ու ձորակներում՝ որոնելով կորած կովերը: Հենց որ Տատարսկին հրետանային հրակոծության էր ենթարկվել, առաջին իսկ օրը խուտորի վերին ծայրից շքացել էր երեք հարյուր ոչխարից բաղկացած մի հոտ: Հովվի ասելով՝ ար-կերից մեկը պայթել էր արածող հոտի առջևում, ու ոչխար-ները օրորելով դմակները, սարսափահար փախել էին տա-փաստան և շքացել: Դրանց գտան խուտորից քառասուն վերստ հեռու վայրերում, Ելանսկայա ստանիցայի հողում, երբ խուտոր վերադառնալուց հետո արդեն մի շաբաթ էլ անցել, իսկ երբ սկսեցին ջոկել բերված ոչխարները, պարզ-վեց, որ հոտի կեսը օտար, ականջների վրա անծանոթ նշան արված ոչխարներ են, իսկ խուտորի ոչխարներից պակասում էր ավելի քան հիսուն գլուխ: Մելեխովների բանջարանո-ցում գտնվեց մի կարի մեքենա, որը պատկանում էր Բոգա-տիրյովներին, իսկ Պանտելեյ Պրակոֆևիչը իր ամբարի թի-թեղը գտավ Անիկուշկայի կալում: Նույնն էր կատարվում նաև հարևան խուտորներում: Ու դեռ երկար ժամանակ Գոնի շրջակա մոտիկ և հեռու խուտորների բնակիչները գալիս էին Տատարսկի. ու դեռ երկար ժամանակ մարդիկ իրար հան-դիպելիս հարցնում էին. «Հո չեք տեսել շեկո մի կով, ճա-կատը չալ, ձախ պողը կտորված»: «Պատահմամբ հո ձեզ մոտ չի՞ գտնվում անցած տարվա թուխ գուլնի մի աշառ»: Հավանորեն քիչ չէին այն աշառները, որոնք եփվել էին կազակական հարյուրյակների կաթսաներում կամ շրջիկ խոհանոցներում, բայց հուսադրված անասնատերերը երկար

չափշփում էին տափաստանը, մինչև որ համոզվեցին, որ ամեն մի կորած բան չի գտնվի:

Պանտելեյ Պրակոֆևիչը ծառայությունից ազատվելով, եռանդով կարգի էր բերում շենքերն ու ցանկապատը: Կա-լում կանգնած էին չկասած հացի դեզերը, դրանց մեջ վրխ-տում էին անկշտում մկները, բայց ծերունին ձեռնամուխ չէր լինում կալսին: Եվ մի՞թե կարելի էր դրան ձեռնամուխ լինել, երբ բակը առանց ցանկապատի էր, ամբարի հետքն էլ չկար և տնտեսության մեջ ամեն ինչ քայքայման գարշելի տեսք ուներ: Այն էլ ասած՝ աշխանային եղանակը լավ էր և կարիք չկար շտապեցնել կալսը:

Գունյաշկան և Իլյինիչնան սվաղեցին ու սպիտակացրին տունը, ամեն կերպ օգնում էին Պանտելեյ Պրակոֆևիչին՝ ժամանակավոր ցանկապատ կառուցելու և այլ տնտեսական գործերում: Մի կերպ ապակի ճարեցին, պեցեցին լուսամուտ-ներին, մաքրեցին խոհանոցը, ջրհորը: Մերունին ինքն էր իշ-նում ջրհորը, ու ինչպես երևում է, այնտեղ մրսեց, մի շա-բաթ հազում էր, փոշտում, շապիկը թրջվում էր քրտնքից: Սակայն բավական էր, որ մի անգամ սեղան նստելով նա երկու շիշ տնական օղի խմեր, հետո էլ պառկեր տաք վա-ռարանի վրա, որպեսզի չքանար նրա հիվանդությունը:

Գրիգորիից դարձյալ տեղեկություններ չկային, և միայն հոկտեմբերի վերջին Պանտելեյ Պրակոֆևիչը պատահմամբ իմացավ, որ Գրիգորին միանգամայն ողջ-առողջ էր և իր գնդի հետ գտնվում է Վորոնեժի նահանգում: Նրան այդ մա-սին հաղորդեց Գրիգորիի հետ նույն գնդում ծառայող մի վերավոր, որը անցնում էր խուտորով: Մերունին զվարթա-ցավ, ուրախությունից խմեց բուժիչ, կարմիր պղպեղով թրբ-մած տնական օղու վերջին շիշը ու հետո ամբողջ օրը ման էր գալիս սրա-նրա հետ ուրախ խոսելով, ջահել աթլորի պես հպարտ, կանգնեցնում էր յուրաքանչյուր անցորդի, ասում էր.

— Լսե՛լ ես: Մեր Գրիգորին վերցրել է Վորոնեժը: Լուր ենք իմացել, թե նոր, բարձր աստիճան է ստացել ու հիմի նորից դիվիզիայի, կարելի է թե կորպուսի հրամանատար է: Այդ տեսակ կովող ճրագով էլ ման գաս, շես գտնի: Դե, գի-տես, էլի... ծերունին փշում էր, իր ուրախությունը ուրիշին

հայտնելու, պարծենալու, անհաղթահարելի պահանջ էր ըզգոում:

— Տղեդ հերոս է, հա՛-ա,— ասում էին նրան խուտորցիները:

Պանտելեյ Պրակոֆևիչը երջանիկ աչքով էր անում:

— Հը՛մ, ո՞ւմ է քաշել, որ հերոս չլինի: Ջահել ժամանակս ես էլ, առանց գլուխս գովելու կասեմ, հո նրանից պակաս չէի: Անտեր ոտքս չի թողնում, թե չէ ես հիմի էլ ինձ ամոթով չէի անի: Դիվիզիայի մասին չեմ ասում, ամա հարյուրյակը կարգին կկառավարեի: Թե որ մենք, այս տեսակ ծերուկներս, շատ լինեինք ուղմաճակատում, վաղուց վերցրած կլինեինք Մոսկվան, թե չէ թփթփում են միշտ մեկ տեղում, իսկի չեն կարենում մուծիկների հախիցը զալ...

Վերջին մարդը, որի հետ Պանտելեյ Պրակոֆևիչը խոսեց այդ օրը, ծերունի Բեսխլեբնովն էր: Սա անցնում էր Մելխոպենց տան կողքից, ու Պանտելեյ Պրակոֆևիչը շփոթալ նրան կանգնեցնել:

— Է՛յ, մի քիչ կաց, Ֆիլիպ Ազևիչ: Բարով տեսանք: Իկ մի քիչ խոսենք:

Բեսխլեբնովը մոտեցավ, բարևեց:

— Լսե՛լ ես, թե իմ Գրիշկան ինչ հնարներ է բանեցնում, հը՛, — հարցրեց Պանտելեյ Պրակոֆևիչը:

— Ի՞նչ է որ:

— Օ-օ՛, նրան էլի դիվիզիա են տվել: Ա՛յ թե ինչ մենծ զորքի հրամանատար է:

— Դիվիզիա՞:

— Ըհը՛մ, դիվիզիա:

— Ա՛յ թե ի-ի-ի՛նչ:

— Բա՛ս: Ուրիշը լիներ, չէին տա, ի՞նչ ես կարծում:

— Բա կտա՞յին:

Պանտելեյ Պրակոֆևիչը ցնծագին նայեց խոսակցին, շարունակեց իր սրտի համար քաղցր խոսակցությունը:

— Տղես հո ծնվել էր բոլորին արմանք-զարմանք պատճառելու համար: Բոլոր խաչերն էլ ունի, դա մեծ բան է, հա՛-ա: Քանի՛-քանի անգամ էլ վիրավորվել ու կոնտուզիա է ստացել: Ուրիշը լիներ, վաղուց շունչը փշած կլիներ. իսկ նրա համար դա հեշ բան է, ոնց որ թե սազը ջուրը մտնի ու

դուրս գա: Չէ, աղբիբ, Խաղաղ Դոնումը հլա դեռ չեն չքացել իսկական կազակները:

— Չքանալը չեն չքացել, ամա նրանցից ոնց որ թե շատ խեր չկա, — մտազբաղ ասաց Բեսխլեբնով պապին, որ առանձնապես աչքի չէր ընկնում զրուցասիրությամբ:

— Է-է՛, ոնց թե շատ խեր չկա: Մտիկ արա, թե ոնց են քշել կարմիրներին, արդեն Վորոնեժից դենն են անցել, Մոսկովին են մոտենում:

— Երկար ժամանակ է, որ մոտենում են...

— Շուտ չի կարելի, Ֆիլիպ Ազևիչ: Դու լավ միտք արա, պատերազմումը ոչ մի բան շտապ չի արվում: Շտապողի գործը գլուխ չի գա: Այստեղ ամեն բան պետք է անել կամաց-կամաց, քարտեզներով, նրանց այդ զանազան պլաններով... Թուսաստանումը մուծիկներին թիվ չկա, իսկ մենք, կազակներս որքա՞ն կլինենք. մի բուռ, էլի՛:

— Այդ դրուստ է, ամա մերոնք դժվար թե երկար դիմանան: Ձմռանը էլի պետք է հյուրերի սպասել, ժողովրդի մեջ այդպես են ասում:

— Թե որ հիմի մերոնք նրանցից Մոսկովը չվերցնեն, նրանք կզան այստեղ, դու իսկությունն ես ասում:

— Կարծում ես կվերցնե՞ն:

— Պետք է որ վերցնեն, դե, աստծու բանն է: Մի՞թե մերոնք չեն կարենա: Կազակական ամբողջ տասներկու զորքը ոտքի է ելել, ու չպիտի՞ կարենան վերցնել:

— Դե, ո՞վ գիտի: Դու կովեցիր-պրծա՞ր, թե ոնց:

— Ես ի՞նչ կովող եմ որ: Թե որ ոտքիս ցավը չլիներ, ես նրանց ցույց կտայի, թե ոնց պետք է կովել թշնամու հետ: Մենք, ալևորներս, պինդ մարդիկ ենք:

— Ասում են, թե այդ պինդ ալևորները Դոնի այս կողմում այնպես էին փախչում կարմիրներից, որ ոչ մեկի վրա կիսամուշտակ չմնաց, փախչելով, իրենց վրայից ամեն բան հանեցին մինչև տկլորանալը, ու դեն գցեցին: Միծաղով ասում են, թե ամբողջ տափաստանը դեղնել է կիսամուշտակներից, ասես ծաղիկներով էր ծածկվել:

Պանտելեյ Պրակոֆևիչը ծուռ նայեց Բեսխլեբնովին, շոք տոնով ասաց.

— Իմ կարծիքով դա սուտ է: Կարելի է թե ոմանք թե-

Քանալու համար դեն էին գցում շորերը, ամա մարդիկ հո հարյուր անգամ ավելի են փշում: Մե՛ծ բան է, էլի՛, մի կապա, թե, իբր մի կիսամուշտակ: Կյանքը դրանցից ավելի թա՛նկ է, թե չէ, հարցնում եմ քեզ: Հո ամեն մի ալետր չի՞ կարող շորերով վազել: Այս անիծված պատերազմումը պետք է այնպիսի ոտներ ունենալ, ոնց որ բարակ շան ոտները, իսկ ես, զորօրինակ, դրանք ո՛րտեղից վերցնեմ: Եվ ինչի՞ համար ես դարդ անեմ, Ֆիլիս Ագևիչ: Դրանք, այդ կիսամուշտակները ի՞նչ սատանի են պետք, մեղա քեզ աստված: Բանը կիսամուշտակները կամ թե, խոսքի օրինակ, կապաները չեն, բանը թշնամուն հաջողությամբ ջարդելն է, դրուստ չե՛մ ասում: Է՛հ, բարով երթաս, ես քեզ հետ խոսքի ընկա, թողի բան ու գործը: Հա, հորթդ գտա՞ր թե չէ: Հլա փընտրո՞ւմ ես: Իսկի ձեն-ձուն է՞լ չկա: Դե, ուրեմն խոպերցիներն են կուլ տվել, գրող ու ցավ ուտեին: Կովի մասին մի կասկածի. մերոնք կհաղթեն մուժիկներին:— Ու Պանտելեյ Պրակոֆևիչը ծանր ու մեծ, կաղ-կաղ քայլեց դեպի տուն:

Բայց, ինչպես երևում է, այնքան էլ հեշտ չէր հաղթել «մուժիկներին»... Կազակների վերջին հարձակումն էլ կորուստներ տվեց: Մի ժամից հետո Պանտելեյ Պրակոֆևիչի լավ տրամադրությունը մոռացվեց մի անհասկելի նորություն: Տաշելով մի գերան, որ գցելու էր ջրհորի բերանին, նա կանացի լաց ու կոծ լսեց. այդպես լալիս էին մեռելի վրա: Ծիչ ու աղաղակը մոտենում էր: Պանտելեյ Պրակոֆևիչը Դունյաշկային ուղարկեց լուր իմանալու:

— Վազ տուր իմացիր, թե ով է մեռել,— ասաց նա՝ կացինը խրելով կոճղի մեջ:

Շուտով Դունյաշկան վերադարձավ և հաղորդեց, որ Ֆեյնովսկու ռազմաճակատից բերել են երեք սպանված կազակ,— Անիկուշկային, Խրիստոնյային և էլի մի տասնյոթ տարեկան տղայի, որը խուտորի մյուս ծայրից էր: Նորությունից ապշած, Պանտելեյ Պրակոֆևիչը հանեց գլխարկը, խաշակնքեց.

— Աստված ողորմի նրանց հոգուն: Ի՛նչ կազակ էր, է-է՛...— վշտոտ ասաց նա՝ մտածելով Խրիստոնյայի մասին, վերհիշելով, թե ինչպես վերջերս նրա հետ Տատարսկից գընացել էր հավաքակետ:

Նա այլևս չկարողացավ աշխատել: Անիկուշկայի կինը ճշում էր, ասես միսն էին կտրել, ու այնպես էր լալիս և ողբում, որ Պանտելեյ Պրակոֆևիչի սիրտը կծկվեց: Կանացի աղիողորմ ճիշերը շսելու համար նա մտավ տուն, պինդ ծածկեց դուռը: Օթախում Դունյաշկան շնչասպառ լինելով պատմում էր Իլյինիչնային.

— ...Մտիկ արի, հարազատ մայրիկո ջան, ու ի՛նչ տեսա՛-ա, Անիկուշկայի գլուխը համարյա թե չկա, գլխի տեղ արյունլվիկ կաշա է: Օ՛յ, զարզանդելի բան է, հա՛-ա: Ու նրանցից փիս հոտ է գալի մի վերստի վրա... Ինչի՞ էին բերել դրանց, չգիտեմ: Խրիստոնյան էլ պառկել էր մեջքի վրա, սայլի մի ծերից մյուսը, ոտները կախվել են սայլի ետևից շինելի տակից... Խրիստոնյան մաքուր է ու սպիտակ-սպիտակ, ուղղակի փրփուր: Միայն թե աչ աչքի տակին ծակ կա, պստիկ, տասը կոպեկանոցի չափ, ու ականջի ետևը շորացած-կպած արյուն է երևում:

Պանտելեյ Պրակոֆևիչը զայրացած թքեց, դուրս ելավ բակը, վերցրեց կացինը և նավակի թիակը ու կաղ-կաղ աճապարեց դեպի Դոն:

— Ասա տատիկիդ, որ ես գնացի Դոնի այն կողմում ու կտրելու, լսո՞ւմ ես, մանչուկս,— քայլելիս դիմեց նա խոհանոցի մոտ խաղացող Միշտակային:

Դոնի մյուս կողմում, անտառում իջել էր մեղմ, փաղաքուշ աշունը: Շրշունով թափվում էին կաղամախիների շոր տերևները: Մասրենու թփերը ասես բոցավառված էին, ու դրանց նոսր սաղարթում կարմիր մասուրները վառվում էին հրեղեն լեզուների նման: Անտառը լցված էր կաղնու մզլած կեղևի դառն, ուժեղ հոտով: Մոռի խիտ ու կպչող թփերը ցանցել էին գետինը. դրանց գետնատարած ճյուղերի հյուսվածքների տակ արևից ճարտարորեն թաքնվել էին մոռի գորշ-կապտավուն, հասունացած ողկույզները: Թառամած խոտաբույսերի վրա, ստվերի մեջ մինչև կեսօր նստած էր ցողը, փայլում էր նրա արծաթած սարդոստայնը: Լուսթյունը խախտում էին միայն փայտփորիկի աշխույժ տկտկոցը և կեռնեխների ճովողունը:

Անտառի լուսյայն, վեհասքանչ գեղեցկությունը մեղմիչ ներգործություն ունեցավ Պանտելեյ Պրակոֆևիչի վրա: Նա



վերցրեց կապած ուռերը, ցախից քարշ արած ձկները, առանց շտապելու քայլեց Դոնի կողմը:

Գոհութեան ժպիտով նա Իլլինիչնային պատմեց իր ձրկ-նորսական բախտավորութեան մասին, մի անգամ էլ հիացած նայեց կարմիր պղնձի գուլնով երանգավորված ծածաններին, բայց Իլլինիչնան սառը վերաբերվեց նրա ցնծութեանը: Իլլինիչնան գնացել էր սպանվածներին տեսնելու և վերադարձել էր լացակումած, տրտում:

— Կերթա՞ս Անիկեյին տեսնելու, — հարցրեց նա:

— Չեմ գնա: Մեռելներ չե՞մ տեսել, ինչ է: Այնքա՞ն եմ տեսել, որ հերիք է:

— Գնայի՛ր, էլի՛: Անհարմար բան կլինի, կասեն՝ գնաս բարով ասելու էլ չեկավ:

— Ձեռ քաշի, ի սեր Քրիստոսի: Ես նրա հետ երեխաներ չեմ մկրտել, և պետք էլ չի, որ երթամ գնաս բարով ասելու, — բարկութեամբ պատասխանեց Պանտելեյ Պրակոֆևիչը:

Նա թաղման էլ չգնաց, առավոտից անցավ Դոնի մյուս կողմը և ամբողջ օրը մնաց այնտեղ: Թաղման զանգահարութիւնը անտառում նրան ստիպեց հանել գլխարկը, խաշակնքել, հետո էլ մինչև իսկ բարկացավ տերտերի վրա. ինչպե՞ս կարելի էր այնքան երկար զանգահարել: Ամեն մի զանգը կզարկեին մի անգամ, ու պրծավ-գնաց, թե չէ մի ամբողջ ժամ զը՛նգ հա զը՛նգ: Եվ ի՞նչ օգուտ այդ զնգզընգոցից: Հենց միայն մարդու սիրտ կցավացնեն ու կստիպեն մի ավելորդ անգամ հիշել մահը: Առանց այդ էլ աշնանը մահ է հիշեցնում ամեն ինչ, — թե ընկնող տերևը, թե կապույտ երկնքում կռնչունով թռչող սագերի երամները և թե անկյանք փոված խոտը...

Պանտելեյ Պրակոֆևիչը որքան էլ աշխատում էր իրենից վանել ամեն տեսակ ծանր ապրումները, բան չէր դուրս գալիս, ու շուտով նա մի նոր ցնցում ապրեց: Մի անգամ, ճաշի ժամանակ, Դոնյաշկան պատուհանից դուրս նայեց, ասաց.

— Էլի սպանված մարդ են բերում ուղմաճակատից: Արաբայի ետևից կազակի թամբած մի ձի է գալի, սանձով կապված է արաբային, կամաց են գալիս... Մեկը ձիերն է

քշում, իսկ մեռելը ծածկված է շինելով: Ձի քշողը նստել է մեջքը դեպի մեզ, չեմ ճանաչում. մեր խուտորից է թե ոչ... Դոնյաշկան ուշադրութեամբ դիտեց, ու նրա այտերը կըտավից է՛լ ափելի ճերմակեցին: — Ոնց որ թե... ոնց որ թե... — անհասկանալի շնչաց նա ու հանկարծ սրտաճմլիկ ճչաց. — Գրիշկային են բերում... նրա ձին է... ու հեկեկալով դուրս վազեց:

Իլլինիչնան առանց սեղանից վեր կենալու, ձեռքով ծածկեց աչքերը: Պանտելեյ Պրակոֆևիչը ծանր վեր կացավ նրատարանից ու, կույրի պես ձեռները դեպի առաջ պարզելով, քայլեց դեպի դուռը:

Պրոխոր Զիկովը բացեց դարպասը, հարևանցի նայեց մուտքի սանդուղքից վազեվազ իջնող Դոնյաշկային, անուրախ ասաց.

— Ընդունեցեք հյուրերին... Չէի՞ք սպասում:

— Ա՛խ հարազատս, աղբերս, — ձեռքերը կտորատելով հեծեծաց Դոնյաշկան:

Եվ միայն այդ պահին, նայելով արտասովաթոր նրա դեմքին, մուտքի սանդուղքի վրա լուռ կանգնած Պանտելեյ Պրակոֆևիչին, Պրոխորը գլխի ընկավ, թե ինչ պետք է ասի.

— Մի վախենաք, մի վախենաք, նա կենդանի է: Տիֆով է հիվանդ:

Պանտելեյ Պրակոֆևիչը թուլանալուց մեջքով հենվեց դռան դրանդիին:

— Կենդանի-ի-ի է՛, — ծիծաղելով ու լալով գոչեց Դոնյաշկան՝ դիմելով նրան. — Գրիշան կենդանի է, լսո՞ւմ ես: Հիվանդ է, դրա համար են բերել: Գնա ասա մորս: Դե՛հ ինչի՞ ես կանգնել:

— Մի վախենա Պանտելեյ Պրակոֆևիչ: Սաղ եմ բերել, իսկ առողջութեան մասին մի հարցնի, — իսկույն ավելացրեց Պրոխորը՝ ձին սանձից բռնած տանելով բակը:

Պանտելեյ Պրակոֆևիչը մի քանի անվստահ քայլ արեց, նստեց սանդուղքի աստիճաններից մեկի վրա: Դոնյաշկան մրրկաթափ սլացավ նրա կողքից ու տուն մտավ, որ հանգըստացներ մորը: Պրոխորը ձիերը կանգնեցրեց հենց մուտքի սանդուղքի մոտ, նայեց Պանտելեյ Պրակոֆևիչին:

— Ինչի՞ ես նստել: Բեր կարպետից-բանից, ներս տանենք:

Մերունին լուռ նստած էր: Նրա աչքերից կարկտի նման գլորվում էին արցունքները, իսկ դեմքը անշարժ էր ու դրս ոչ մի մկանը չէր դողում: Նա երկու անգամ բարձրացրեց ձեռքը, որ խաշակները, ու իջեցրեց՝ չկարողանալով այն հասցնել մինչև ճակատը: Հեկեկանքը դեմ էր առնում նրա կոկորդին:

— Ոնց որ երևում է, դու վախից խելքդ թոցրիր,— ցավակցութեամբ ասաց Պրոխորը:— Ոնց էլ ես գլխի շքնկա առաջուց մի կերպ մարդ ուղարկել, նախազգուշացնել ձեզ: Դմբո եմ, ես, դրուստ խոսք, դմբո եմ: Դե, վեր կաց, Պրակոֆիչ, հիվանդին պետք է ներս տանել: Ո՞րտեղ է ձեր կարպետը: Թե՞ ձեռքերով տանենք:

— Մի քիչ կաց...— խոստով ասաց Պանտելեյ Պրակոֆիչը:— Ոտներս փետացել են... Կարծեցի սպանված է... Փառք աստծու... Չէի սպասում...— Նա կտրեց իր հին շապիկի օձիքի կոճակները ու սկսեց լայն բացված բերանով ազահութեամբ օդ ներշնչել:

— Վեր կաց, վեր կաց, Պրակոֆիչ,— շտապեցրեց Պրոխորը:— Մեզնից ջոկ ոչ ոք չկա, որ նրան տուն տանի, չէ՞:

Պանտելեյ Պրակոֆիչը զգալիորեն ջանք թափելով ոտքի ելավ, իջավ մուտքի սանդուղքից, բացեց շինելը ու կոացավ գիտակցութունը կորցրած Գրիգորիի վրա: Հեկեկանքը նորից դեմ առավ նրա կոկորդին, բայց նա հավաքեց ինքն իրեն, դարձավ դեպի Պրոխորը:

— Վերցրու ոտներից: Տանենք:

Գրիգորիին տարան օթախ, հանեցին սապոզները, շորերը, ու պակեցրին մահճակալի վրա: Դունյաշկան խոհանոցից անհանգիստ բղավեց.

— Հայրիկ, մորս ուշքը գնում է... եկ այստեղ:

Խոհանոցում, հատակի վրա պառկած էր Իլյինիշնան: Դունյաշկան ծունկ շոքած, ջուր էր շաղ տալիս նրա կապուտկած դեմքին:

— Վազ տուր, կանչիր Կապիտոնովնա տատին, շո՛ւտ: Նա արյուն առնել գիտի: Ասա, որ պետք է մայրիկից ար-

յուն առնել, թող վերցնի գործիքը,— հրամայեց Պանտելեյ Պրակոֆիչը:

Դունյաշկան, հարսնացու դարձած այդ աղջիկը հո չէր կարող զխաբաց վազել խուտորի միջով. նա վերցրեց շալը, հապճեպ գցեց վրան, ասաց.

— Երեխեքին փիս վախացրինք: Տեր աստված. այս ի՞նչ խաթա է... Մտիկ արա նրանց, հայրիկ, իսկ ես վաղ կտամ մի բուպեում:

Դունյաշկան գուցեև հարևանցիորեն նայեր հայելուն, բայց աշխուժացած Պանտելեյ Պրակոֆիչը աչքերն այնպես շոտեց Դունյաշկայի վրա, որ սա վայրկենապես դուրս թռավ խոհանոցից:

Բակի դռնից դուրս վազելով, Դունյաշկան տեսավ Ակսինյային: Վերջինիս սպիտակ դեմքը բոլորովին սփրթնած էր: Ակսինյան կանգնել էր ցանկապատին հենված, թևերը թույլ կախած: Նրա մշուշված, սև աչքերում արցունքներ չէին փայլում, բայց դրանց մեջ այնքան տանջանք և լոխն աղերսանք կար, որ Դունյաշկան մի վայրկյան կանգ առնելով, ակամայից և իրեն համար անսպասելի կերպով ասաց.

— Կենդանի է, կենդանի է, տիֆով է հիվանդ:— Ու արագ վազեց նրբանցքով, ցատկոտող, փարթամ կուրծքը ձեռքով պահած:

Հետաքրքրվող կնանիքը ամեն կողմից շտապում էին դեպի Մելեխովենց տունը: Նրանք տեսան, թե ինչպես Ակսինյան դանդաղաբայլ հեռացավ Մելեխովենց բակի դռնից, հետո էլ հանկարծ արագացրեց քայլերը. կորացավ ու ձեռքերով ծածկեց դեմքը:

## XXV

Գրիգորին մի ամսից հետո առողջացավ: Նա առաջին անգամ անկողնից վեր կացավ նույնմբերի քսանից հետո ու բարձրահասակ, կմախքի պես նիհար կերպարանքով, անվստահ քայլեց օթախում, կանգնեց պատուհանի մոտ:

Գետնքի, մարագների ծղնտե կուրնների վրա կուրացուցիչ կերպով սպիտակին էր տալիս նոր եկած ձյունը: Փողոցից երևում էին սահնակների հիմնաձողերի հետքերը: Ցանկա-



պատերին ու ծառերին նստած կապտավուն եղջամը շողում էր ու մայր մտնող արևի ճառագայթների տակ ծիածանային գույներ արձակում:

Գրիգորին երկար ժամանակ պատուհանից դուրս էր նայում, ժպտում, ոսկրացած մատներով սղալում բեղերը: Կարծես թե նա այդպիսի հիանալի ձմեռ դեռ երբեք չէր տեսել: Ամեն ինչ նրան թվում էր արտասովոր, նոր ու նշանակալից: Հիվանդությունից հետո ասես սրվել էր նրա տեսողությունը, և նա նոր առարկաներ հայտնաբերեց իր շրջապատում ու փոփոխություններ գտավ այն առարկաների մեջ, որոնք վաղուց ծանոթ էին նրան:

Գրիգորի բնավորության մեջ անսպասելի կերպով երևվան եկավ հետաքրքրություն և շահագրգռվածություն դեպի այն ամենը, ինչ որ կատարվում էր խուտորում և տնտեսության մեջ. առաջ դա հատուկ շէր նրան: Նրա համար կյանքում ամեն բան մի ինչ-որ նոր, խորհրդավոր իմաստ էր ստանում, ամեն բան գրավում էր նրա ուշադրությունը: Նա մի փոքր զարմացած աչքերով էր նայում իրեն նոր ձևով պատկերացող աշխարհին, ու նրա շրթունքներից երկար ժամանակ շէր շքանում պարզ, մանկական ժպիտը, որ տարօրինակ կերպով փոխել էր դեմքի մռայլ տեսքը, գազանաբարո աչքերի արտահայտությունը, մեղմել էր բերանի անկյունների կոշտ ծալերը: Երբեմն նա զննում էր տնտեսական կարիքի համար անհրաժեշտ, մանկությունից իրեն ծանոթ որևէ առարկա, լարված խաղացնելով հոնքերը, ու այնպիսի տեսքով, որ կարծես օտար, հեռավոր երկրից նոր եկած մարդ լիներ և այդ բոլորը առաջին անգամն էր տեսնում: Մի անգամ Իլլինիչնան անասելի զարմացավ, տեսնելով, որ նա ամեն կողմից դիտում է ճախարակը: Հենց որ նա օթախ մըտավ, Գրիգորին մի փոքր շփոթված հեռացավ ճախարակից:

Դուռնայական շէր կարողանում առանց ծիծաղի նայել նրա ոսկրոտ, երկար կերպարանքին: Գրիգորին օթախում քայլում էր միայն տակի սպիտակեղենով, ձեռքով պահում ընկնող վարտիքը, կորանում և անհամարձակ փոխում լղարած, երկարասրունք ոտները, իսկ երբ նստում էր, անպայման բռնում էր որևէ առարկայից, վախենալով, որ վայր կընկնի: Նրա սև, հիվանդության ժամանակ երկարած մա-

զերը թափվում էին, գանգուր, խիստ ալեխառն քյաքուլը խճճվում էր:

Դուռնայական օգնությունը նա ինքը սափրեց իր գլուխը, ու երբ երեսով դարձավ դեպի քույրը, սա ածելին գցեց հատակին, բռնեց փորը ու, ընկնելով մահճակալին, ծիծաղեց շնչասպառ եղավ:

Գրիգորին համբերությունը սպասում էր, մինչև որ նա կտրեր ծիծաղը: Բայց հետո շղիմացավ, թույլ դողոց ու բարակ ձայնով ասաց.

— Տես, շատ ծիծաղես, վերջը լաց կլինես: Հետո կամաչես, չէ՞ որ հարսնացու ես, — նրա ձայնը թևթև վերավորանք արտահայտեց:

— Օ՛յ, աղբերս, օ՛յ ջանիկս, ավելի լավ է ես գնամ, էլ հալ չկա: Օ՛յ, այդ ինչի՞ ես նման, է՛: Հենց բուստանի խրտվիլակ ես որ կաս. — ծիծաղի ընդմիջումների պահին հազիվ կարողանում էր ասել Դուռնայական:

— Մի տեսնեի, թե դու ինչ կդառնայիր տիֆից հետո՞ վերցրու ածելին, դե՞հ:

Իլլինիչնան պաշտպանեց Գրիգորին, բարկությունը ասաց.

— էլ ի՞նչ ես խրխնջում, է՛: Իսկը դմբո ես: Դո՛ւնկա:

— Ախր մի տես թե նա ինչի է նման, մերս, — արցունքները սրբելով ասաց Դուռնայական, — գլուխը բշտոտ է, կտրոնց որ ձմերուկ, ու իրեն պես թուխ է... Օ՛յ, չեմ կարող:

— Տուր հայելին, — խնդրեց Գրիգորին: Նա նայեց մի փոքրիկ կտոր հայելուն ու ինքն էլ երկար, անձայն ծիծաղեց:

— Ախր ինչի՞ թրաշվեցիր, որդյակս, ավելի լավ է թողնեիր մազերդ, — անգոհ ասաց Իլլինիչնան:

— Քո ասելով քաշալ լինելը ավելի լա՞վ է, հա՞:

— Դե, այդպես էլ բոլորովին ամոթալի է:

— Ձե՛՛ն քաշեք, է՛, — սրտնեղելով ասաց Գրիգորին, վրձինով խառնեց սապոնի փրփուրը:

Ջուրկ լինելով տանից դուրս գալու հնարավորությունից, նա երկար զբաղվում էր երեխաներով: Նրանց հետ ամեն ինչի մասին խոսելով, խուսափում էր հիշեցնել նատալյալին, Բայց մի անգամ Պոլյուչկան, գզվելով նրան, հարցրեց.

— Հայրիկ, բա մայրիկը չի՞ գալու մեզ մոտ:  
 — Չէ, մումուշս, այնտեղից ետ չեն գալիս...  
 — Ո՞րտեղից, գերեզմանոցի՞ց:  
 — Դե, մի խոսքով, մեռելները ետ չեն գալի...  
 — Իսկ նա բոլորովի՞ն մեռած է:  
 — Դե, բա ո՞նց: Իհարկե մեռած է:  
 — Իսկ ես կարծում էի, թե նա մի օր կկարոտի մեզ ու կգա... — հազիվ լսելի շնչաց Պուլուշկան:  
 — Դու նրա մասին մի մտածի, բալիկս, չպետք է մտածել, — խուլ ձայնով ասաց Գրիգորին:  
 — Բա ո՞նց շմտածեմ: Մեզ տեսնելու համար է՛լ չի գալի: Մի քիչ գար, էլի՛: Չէ՞:

— Չէ՛: Լա՛վ, զնա խաղա Միշատկայի հետ: — Գրիգորին շուռ տվեց դեմքը: Երևում էր, որ հիվանդութունը թուլացրել էր նրա կամքը. աչքերում արցունքներ երևացին, ու դրանք երեխաներից թաքցնելու համար նա երկար կանգնեց պատուհանի մոտ, դեմքը ապակուն հպած:

Նա չէր սիրում երեխաների հետ խոսել պատերազմի մասին, իսկ Միշատկային աշխարհում առավելապես պատերազմն էր հետաքրքրում: Նա հաճախ հարցեր էր տալիս հորը, թե ինչպես են կռվում, ինչպիսին են կարմիրները և ինչով ու ինչի համար են նրանց սպանում: Գրիգորին մռայլվում էր, սրտնեղելով ասում:

— Է-է՛, էլի թաց աղունը վրա լցրիր: Ախր քո ինչի՞ն է պետք այդ պատերազմը: Ավելի լավ է եկ խոսենք, թե ամռանը ոնց պետք է կարթերով ձուկ որսանք: Քեզ համար կարթ սարքե՛մ: Այ, հենց որ սկսեմ ելնել բակը, քեզ համար անպատճառ ձիու մազից կարթի թե՛լ կպատրաստեմ:

Նա ներքին ամոթանք էր զգում, երբ Միշատկան խոսում էր պատերազմի մասին. ոչ մի կերպ չէր կարողանում պատասխանել մանկական պարզ ու անպաճույճ հարցերին: Եվ ո՞վ գիտե թե ինչու: Արդյո՞ք դա այն պատճառով չէր, որ նա իր համար էլ չէր գտնում այդ հարցերի պատասխանները: Բայց Միշատկայի ձեռքից պրծնելն այնքան էլ հեշտ չէր. նա կարծես թե ուշադրությամբ էր լսում հոր պլանները ձկնորսության մասին, հետո նորից հարցնում էր.

— Դու, հայրիկ, կռվի մեջ մարդ սպանե՞լ ես:

— Վերջ տուր, մի կպչի տղի պես:  
 — Մարդ սպանելը սարսափելի՞ է, հա՞: Երբ որ նրան սպանում են, արյուն է գալի: Շա՞տ արյուն, հա՞: Հավից կամ ոչխարից է՛լ շատ:

— Ես քեզ ասի, որ դրա մասին չխոսես:  
 Միշատկան մի ըոպե լուռ էր, հետո մտազբաղ ասում.

— Ես տեսա, թե անցած օրը պապս ոնց մորթեց ոչխարը: Ես չվախեցա... Կարելի է թե մի քիչ, մի քիչ վախենալու բան է, ամա իսկի էլ ի՞մ պետքը չէր:

— Դրան վունդի, է՛,— բարկությունը բացականչում էր Իլլինիչնան: — Մեծանա, հոգեառ պիտի դառնա: Խաթա է, էլի: Հենց միայն կռվից է խոսում, ուրիշ բան չգիտի: Ա՛յ որդի, ախր ի՞նչ գործ ունես խոսելու այդ անիծված պատերազմի մասին, մեղա քեզ, աստված: Արի այստեղ, բլինչիկ վերցրու կեր, գոնե մի քիչ սուս արա, վա-ա՛յ... —

Բայց պատերազմը ամեն օր հիշեցնում էր իր մասին: Ռազմաճակատից վերադարձած կազակները գալիս էին Գրիգորին այցելելու, պատմում էին, թե Բուդյոննու հեծելազորը ինչպես էր ջախջախել Շկուրոյին և Մամոնտովին, պատմում էին Օրյոլի մոտ եղած անհաջող մարտերի, ռազմաճակատներում սկսված նահանջի մասին: Գրիգորնովկայի և Կարդախի մոտ տեղի ունեցած մարտերում սպանվել էր էլի երկու տատարցի, բերին վիրավորված Գերասիմ Ախվատկինին: Մեռավ տիֆով հիվանդացած Դմիտրի Գուլոշենկովը: Գրիգորին մտքում հաշիվ էր անում, թե երկու պատերազմում իրենց խուտորից քանի մարդ էր սպանվել, ու բանից դուրս եկավ, որ Տատարսկում չկա մի տուն, որտեղից մարդ սպանված չլինի:

Գրիգորին դեռ տանից չէր դուրս գալիս, բայց արդեն խուտորի ատամանը ստանիցայի ատամանից կարգադրություն բերեց, որով հրամայված էր ծանուցել հարյուրապետ Մելեխովին, որ անմիջապես ներկայանա բժշկական հանձնաժողովին՝ քննության համար:

— Գրի՛ նրան, թե հենց որ սովորեմ քայլել, ինքս կներկայանամ առանց նրանց հիշեցումների, — սրտնեղելով ասաց Գրիգորին.

Ռազմաճակատը գնալով մոտենում էր Իոնին: Խուտորում սկսեցին խոսել նահանջի մասին: Շուտով հրապարակում կարդացվեց օկրուգային ատամանի հրամանը, որը բոլոր շափահաս կազակներին պարտավորեցնում էր հեռանալ խուտորներից:

Պանտելեյ Պրակոֆևիչը եկավ հրապարակից, Գրիգորին պատմեց հրամանի մասին, հարցրեց.

— Ի՞նչ պիտի անենք:

Գրիգորին թոթվեց ուսերը.

— էլ ի՞նչ արած: Պետք է հեռանալ: Առանց հրամանի էլ բոլորը կհեռանան:

— Ես իմ ու քո մասին եմ հարցնում. միասին՞ գնանք, թե ոնց:

— Միասին չենք գնա: Մի երկու օրից հետո ես ձիով կերթամ ստանիցա, կիմանամ, թե որ զորամասերն են անցնելու վեշկիի միջով, կմիանամ զրանցից մեկն ու մեկին: Իսկ քո գործն է գնալ իբրև փախստական: Թե՞ ուզում էս զորամաս մտնել:

— Կորչի, է՞,— վախեցած ասավ Պանտելեյ Պրակոֆևիչը:— Ես կգնամ Բեսխլեբնով պապի հետ, նա անցած օրը հրավիրում էր միասին ճանապարհվել: Նա հանգիստ ալեւոր է, ձին էլ լավն է, կլծենք երկու ձին ու հա՛յդա կերթանք սահնակով: Իմ զամբիկն էլ տրաքվում է շաղությունից: Անիծվածը այնքան է կերել ու այնպես է քացի տալի, որ մարդ վախում է:

— Դե ուրեմն գնա նրա հետ,— հավանություն տվեց Գրիգորին:— Իսկ հիմի եկ պայմանավորվենք ձեր մարշրուտի մասին, որովհետև զուցե ես էլ նույն ճափով գնամ:

Գրիգորին գծագրոցից հանեց հարավային Ռուսաստանի քարտեզը, մանրամասն պատմեց հորը, թե որ խուտորների միջով պետք է գնալ, և արդեն սկսում էր գրի առնել խուտորների անունները, բայց ծերունին հարգանքով նայելով քարտեզին, ասաց.

— Կաց, մի գրի: Դու, իհարկե, այդ գործերում ինձնից ավելի շատ բան ես հասկանում, քարտեզն էլ հո լուրջ բան է, չի մոլորեցնի և ուղիղ ճամփա ցույց կտա, միայն թե օ՞նց գնամ դրանով, եթե դա ինձ համար չէ: Դու ասում ես,

պետք է սկզբում գնալ Կարգինսկու միջով, ես հասկանում եմ, այդպես ճամփեն ուղիղ է, ամա մեկ է, այստեղ պետք է ծռեմ ճամփես:

— Ինչի՞ համար պիտի ծռես:

— Նրա համար, որ կատիչեում քեռու աղջիկ ունեմ, նրա մոտ համ ինձ համար ուտելիք, համ ձիերի համար կեր կճարեմ, իսկ ուրիշների մոտ իմ ունեցածը պիտի ծախսեմ: Հետո, դու ասում ես, թե հարկավոր է գնալ Աստախովո գյուղի միջով, այդ ճամփեն ավելի ուղիղ է, ոնց որ ցույց է տրված քարտեզում, իսկ ես կգնամ Մալախովսկի. այնտեղ էլ հեռու ազգական և ինձ հետ ծառայած մի մարդ ունեմ. այնտեղ էլ կարելի է մեր խոտը չծախսել, ուրիշի խոտից օգտվել: Նկատի ունեցիր, որ չենք կարող հետներս խոտի դեզ տանել, իսկ օտար երկրումը կարող է պատահել, որ չէ՛ թե խնդրելով, այլ փողով էլ խոտ չճարես:

— Իսկ Դոնի մյուս կողմում դու ազգական չունե՞ս,— նենգաբար հարցրեց Գրիգորին:

— Այնտեղ էլ կա:

— Գուցե դու այդ կո՞ղմը գնաս:

— Դու ինձ անխելք բան մի ասա,— տաքացավ Պանտելեյ Պրակոֆևիչը:— Լուրջ խոսի և ոչ թե հանաք արա: Հանաքի ժամանակ ես գտել, տո, խելքի պուտուկ:

— Բա ազգականների մոտ գնալու ժամանակ է, հը՞: Պետք է նահանջել և ոչ թե ազգականների տները գնալ, հիմի քեզ համար բարեկենդան չի:

— Դու ինձ մի խրատի, թե ուր պիտի գնամ, ինքս գիտեմ:

— Դե որ գիտես, ուր ուզում ես գնա:

— Բա հո քո պլաններով չե՞մ շարժվելու: Ուղիղ ճամփով միայն կաշաղակն է թռչում, դու այդ լսե՞լ ես: Քո ասելով պետք է այնպիսի տեղերով գնալ, որտեղ ձմռանը իսկի ճամփա էլ չի լինում: Դու մտածեցի՞ր, որ այդ տեսակ դատարկ բան ասիր: Միթե՞մ գիվիգիայի հրամանատար էլ էս եղել:

Գրիգորին և ծերուկը երկար վիճեցին, բայց հետո, կըռուղատելով ամեն ինչ, Գրիգորին ստիպված եղավ ընդունել, որ հոր ասածների մեջ արդարացի շատ բան կար, ու հաշտվողաբար ասաց.

— Մի՛ հերոստի՛ հերս, ես քո վզին շեմ փաթաթում իմ մարշրուտը, գնա ոնց որ ուզում ես: Կաշխատեմ Դոնի-ցից դենը գտնել քեզ:

— Վաղուց պետք է այդպես ասեիր,— ուրախացավ Պանտելեյ Պրակոֆևիչը,— թե չէ գանաղան պլաններ ու մարշրուտներ ես մեջտեղ բերում ու շեռ հասկանում, որ պլանը լավ բան է, ամա ձիերն առանց կերի ոչ մի տեղ էլ չեն դնա:

Գեռ Գրիգորիի հիվանդության ժամանակ ծերունին կամաց-կամաց պատրաստվում էր մեկնելու, մի առանձին խնամքով էր կեր տալիս ձիուն, նորոգում էր սահնակը, նոր թաղյակներ էր պատվիրել և դրանց տակից սեփական ձեռքով կաշի կարել, որ խոնավ եղանակին ջուր չանցկացնեին. նախօրոք ջվալները լցրել էր ընտիր վարսակով: Նա նահանջելու համար էլ պատրաստվում էր որպես իսկական տնտեսարար մարդ. հեռատեսությամբ պատրաստել էր այն ամենը, ինչ որ կարող էր պետք գալ ճանապարհին: Կացին, ձեռքի սղոց, դուր, կոշկակարական գործիքներ, թել, պահեստի կոշկատակեր, մեխեր, մուրճ, փոկերի մի կապոց, պարան, մի կտոր կուպր, պայտեր ու պայտամեխեր,— այս ամենը փաթաթված էր բրեզենտով և կարող էր մի ընդունում դրվել սահնակի վրա: Պանտելեյ Պրակոֆևիչը նույնիսկ ձեռքի կշեռք էր վերցնելու իր հետ, և Իլլինիչնայի այն հարցին, թե ճանապարհին այդ կշեռքը նրա ինչին է պետք, կշտամբանքով պատասխանեց.

— Ա՛ կնիկ, քանի պառավում ես, այնքան հիմարանում ես: Մի՞թե այդ հասարակ բանը չես հասկանում: Ծանապարհին ես հո քաշո՞վ պետք է խոտ կամ դարման գնեմ: Այնտեղ խոտը հո արշինով չեն չափում:

— Այնտեղ կշեռք է՞լ չկա,— զարմացավ Իլլինիչնան:

— Դու ի՞նչ գիտես, թե այնտեղ ինչ տեսակ կշեռք կա,— շարացավ Պանտելեյ Պրակոֆևիչը:— Կարելի է այնտեղ բոլոր կշեռքներն էլ ճիշտ չեն, մեզ նմաններին խաբելու համար են: Բա-ա՛ս: Գիտենք. թե այնտեղ ինչ մարդիկ են ապրում: Երեսուն ֆունտ կգնես, ամա մի փթի փող կտաս: Փոխանակ ամեն անգամ կանգ առնելիս այդ տեսակ վնաս քաշեմ, ավելի լավ է իմ կշեռքը տանեմ, հո մի մեծ բեռ չի:

Իսկ դուք այստեղ առանց կշեռքի էլ կապրեք, դա ձեր ինչի՛ն է պետք: Զորամասերը կգան ու կերթան, խոտը առանց կշեռելու կվերցնեն... Դու նրանց հենց միայն խոտ տուր: Տես, եմ ես նրանց, անպող սատանաներին, շատ լավ գիտեմ:

Պանտելեյ Պրակոֆևիչն սկզբում մտածում էր մինչև իսկ սահնակով սայլ տանել, որպեսզի գարնանը ծախս չաներ — սայլ շգներ, իր սայլը բանեցնեիր, բայց հետո, մի լավ մտածելով, հրաժարվեց այդ կործանարար մտքից:

Գրիգորին էլ սկսեց պատրաստվել մեկնելու: Նա մաքրեց մաուզերը, հրացանը, կարգի բերեց իրեն հավատարմությամբ ծառայող սուրը. ապաքինվելուց մի շաբաթ անց գնաց ձին տեսնելու, և նայելով դրա պլպլան գավակին. համոզվեց, որ ծերունին նրա ձին էլ է չաղացրել: Դժվարությամբ նստեց թռչկոտող ձին, կարգին վարժեցրեց դրան ու վերադառնալով տուն, տեսավ,— գուցե և նրան միայն թրվաց,— որպես թե մեկը սպիտակ թաշկինակով իրեն ողջունեց Աստախովենց տան պատուհանից...

Ժողովում տատարցիները որոշեցին մեկնել ամբողջ խուտորով: Կնանիքը երկու օր կազակների համար ճամփապաշար,— զանազան ուտելիք էին պատրաստում: Մեկնումը նշանակված էր դեկտեմբերի 12-ին: Պանտելեյ Պրակոֆևիչը խոտն ու վարսակը իրիկվանից տեղավորեց սահնակի վրա. իսկ առավոտյան, հենց որ լույսը մի քիչ բացվեց, նա հագավ քուրքը, կապեց լաթագոտին, կաշվե թաթմանները խրեց դրա տակ, աղոթեց աստծուն և հրաժեշտ տվեց ընտանիքին:

Շուտով հսկայական գումակը խուտորից ձգվեց սարն ի վեր: Ծանապարհելու համար դուրս եկած կանայք թաշկինակները երկար թափահարում էին մեկնողների կողմը, հետո էլ տափաստանում քամի բարձրացավ, և ձյան թանձր մուժում էլ չէին երևում ոչ դանդաղորեն սարը բարձրացող սահնակները, ոչ էլ դրանց կողքին քայլող կազակները:

Գրիգորին Վեշենսկի մեկնելուց առաջ տեսնվեց Ակսինյայի հետ, նա Ակսինյայի մոտ մտավ երեկոյան, երբ խուտորում արդեն վառվել էին լույսերը: Ակսինյան թել էր մանում: Նրա մոտ նստել էր Անիկուշկայի այրին, գուլպա էր գործում, ինչ-որ բան պատմում: Տեսնելով կողմնակի կնոջը, Գրիգորին կարճ ասաց Ակսինյային.

— Մի բոսի գուրս եկ, գործ կա:  
Հաշտում նա ձեռքը դրեց Ակսինյայի ուսին, հարցրեց.  
— Կգա՞ս ինձ հետ նահանջելու:  
Ակսինյան երկար լռեց, կշռադատեց պատասխանը, հե-  
տո կամացուկ ասաց.  
— Բա տնտեսութիւնը, տո՞ւնը:  
— Կթողնես մեկն ու մեկին: Պետք է գնալ:  
— Ծ՞րբ:  
— Էգուց կգամ քեզ տանելու:  
Մթության մեջ ժպտալով, Ակսինյան ասաց.  
— Հիշո՞ւմ ես, ես քեզ վաղուց ասել էի, որ քեզ հետ  
կգամ թեկուզ մինչև աշխարհի ծայրը: Ես հիմի էլ այդպես  
եմ: Հավատարմությամբ եմ քեզ սիրում: Կգամ, ոչ մի բա-  
նի էլ մտիկ չեմ անի: Ծ՞րբ սպասեմ քեզ:  
— Իրիկունը: Հետո շատ բան չվերցնես: Հագնելիք և  
ուտելիք,— պրծավ-գնաց: Դե, առայժմ բարով մնաս:  
— Բարով գնաս: Գուցե նե՞րս գայիր... Նա հիմի կգնաս:  
Շատ վաղուց է, որ քեզ չեմ տեսել... Միբերևս, Գրիշենկա:  
Ես կարծում էի, թե դու... Ձէ, չեմ աւի:  
— Ոչ, չեմ կարող: Հիմի ես պետք է Վեշկի մեկնեմ,  
բարով մնաս: Վաղը սպասիր:  
Գրիգորին արդեն դուրս էր եկել հաշտից ու հասել բակի  
դռան, իսկ Ակսինյան դեռ կանգնած էր հաշտում, ժպտում  
էր ու ձեռքերով շփում հրաբորբոք այտերը:  
Վեշենսկում սկսվել էր օկրուգային հիմնարկների և  
համբարակային պահեստների էվակուացիան: Գրիգորին օկ-  
րուգային ատամանի վարչութիւնում տեղեկացավ ռազմա-  
ճակատի դրության մասին: Երիտասարդ մի խորունժի, որ  
աղյուտանտի պաշտոն էր կատարում, ասաց նրան.  
— Կարմիրները Ալեկսեևսկայա ստանիցայի մոտերքումն  
են: Մեզ հայտնի չէ, թե ինչ զորամասեր պիտի անցնեն Վե-  
շենսկու միջով և արդյո՞ք կանցնեն: Դուք ինքներդ եք տես-  
նում— ոչ ոք ոչինչ չգիտեմ, բոլորն էլ շտապում են փախչել...  
Ես ձեզ խորհուրդ կտայի այժմ չփնտրել ձեր զորամասը, ալ  
գնալ Միլլերովո, այնտեղ դուք ավելի շուտ կիմանաք. թե  
որտեղ է այն: Համենայն դեպս, ձեր գունդը երկաթուղու գը-  
ծով է անցնելու: Հակառակորդին կկանգնեցնեն՝ Դոնի մոտ:

Ձեմ կարծում: Վեշենսկայան կհանձնեն առանց կովի, դա  
անկասկած է:

Գրիգորին ուշ գիշերով վերադարձավ տուն: Ընթրիք պատ-  
րաստելով, Իլլինիչնան ասաց.

— Քո Պրոխորը երեաց: Գնալուցդ մի ժամ անց եկավ  
ու խոստացավ էլի գալ, բայց չգիտեմ ինչու չի երևում:

Ուրախացած Գրիգորին շուտ-շուտ ընթրեց, գնաց Պրո-  
խորի մոտ: Վերջինս նրան դիմավորեց անուրախ ժպտալով,  
ասաց.

— Ես կարծում էի, թե դու նահանջել ես հենց Վեշենս-  
կուց:

— Այդ ո՞ր սատանաներն են քեզ բերել, և ո՞րտեղից,—  
հարցրեց Գրիգորին՝ ծիծաղելով ու տփտփացնելով հավա-  
տարիմ հանձնատարի ուսին:

— Պարզ բան է,— ռազմաճակատից:

— Զղե՞լ ես:

— Ի՞նչ ես ասում, տնա՛շեն: Ինձ պես քաջ ռազմիկը  
կճղի՞: Օրենքով եմ եկել, չէի ուզում առանց քեզ տաք տե-  
ղեր գնալ: Միասին ենք մեղք գործել, միասին էլ պետք է  
գնանք ահեղ դատաստանի: Մեր բանը բուրդ է, գիտե՞ս:

— Գիտեմ: Դու պատմիր, թե քեզ ո՞նց են թողել զորա-  
մասից:

— Դա երկար պատմութիւն է, հետո կպատմեմ,— խու-  
սափուկ պատասխանեց Պրոխորն ու է՛լ ավելի մոռցվեց:

— Գունդը որտե՞ղ է:

— Սատանեն գիտի, թե հիմի որտեղ է:

— Բա դու ե՞րբ եկար այնտեղից:

— Երկու շաբաթ առաջ:

— Բա այդքան ժամանակ ո՞րտեղ էիր:

— Է-է՛, ի՞նչ տեսակ մարդ ես...— Դժգոհ ասաց Պրո-  
խորը ու աչքերը ծռեց կնոջ կողմը:— ո՞րտեղ էիր, Ֆլան,  
Ֆստան... Որտեղ որ եղել եմ, հիմի այնտեղ չեմ: Ասի կը-  
պատմեմ, ուրեմն կպատմեմ, էլի՛: Ա՛յ կնիկ, օղի ունե՞ս:  
Հարկավոր է, որ ես ու հրամանատարս մի քիչ թրջենք բրկ-  
ներս, կա՞, թե ոնց: Չկա՞: Դեհ, վազ տուր, ճարի, ամա  
շուտ արի, հա՛-ա: Մարդդ տանը չի եղել, դրա համար էլ  
մոռացել ես զինվորական կարգապահութիւնը: Փնթիացել ես:

— էլ ի՞նչ ես լեզվիդ զոռ տալի,— ժպտալով հարցրեց Պրոխորի կինը.— ինձ վրա շատ մի բղավի, հա՛-ա, այնքան էլ տանտիրոջ իրավունք մի բանացնի, տարենը երկու անգամ ես տանը լինում:

— Բոլորն էլ ինձ վրա բղավում են, բա ես քեզինից ջոկ էլ ո՞ւմ վրա բղավեմ: Հլա կաց, գեներալի աստիճան կստանամ, այն ժամանակ ուրիշների վրա կբղավեմ, իսկ առայժմ համբերի, դե, շուտ հագի հանդերձանքդ ու վազ տուր:

Երբ կինը հագնվեց ու գնաց, Պրոխորը կշտամբանքով նայեց Գրիգորիին, ասաց.

— Դու իսկի ոչ մի հասկացողութուն չունես, Պանտելիչ... Ես հո չե՞մ կարող կնկաս մոտ ամեն բան պատմել քեզ, իսկ դու հուպ ես տալի, թե ոնց եղավ, ինչ եղավ: Հա՛, տիֆից պրծա՞ր, առողջացա՞ր:

— Ես առողջացել եմ, պատմիր քո մասին: Այդ ի՞նչ գաղտնիքներ ես պահում, սատանի գավակ... Պատմիր ի՞նչ ես արել, ո՞նց ես ծլկել:

— Այստեղ բանը ծլկելուց էլ վատ է... Քեզ հիվանդ վիճակումդ տուն տանելուց հետո վերադառնում եմ զորամաս: Ինձ ուղարկում են հարյուրյակ, երրորդ դասակը: Ես էլ հո սարսափելի սիրում եմ կռվել: Երկու անգամ գրոհի գնացի, հետո էլ միտք եմ անում. «Այստեղ ես շանսատակ կլինեմ. հարկավոր է մի որևէ ելք գտնել, թե չէ, Պրոշա, այսօր կաս, էդուց չկաս»: Թարսի պես թունդ կռիվներ սկսվեցին, այնպես են հուպ տալի մեզ, որ չեն թողնում մարդ շունչ քաշի: Որտեղ որ ճեղքվածք է, մեզ այնտեղ են խոթում. որտեղ դրությունը խախտու է, էլի մեր գունդը այնտեղ են քշում: Մի շաբաթվա մեջ հարյուրյակում տասնմեկ կազակ պակասեց, ոնց որ թե իսկի չէին էլ եղել: Դե, ես էլ դարդոտեցի, դարդից մինչև իսկ վրես ոչիլ երևաց:— Պրոխորը ծխեց, թուփոնի տոպրակը մեկնեց Գրիգորիին, առանց շտապելու շարունակեց:— Եվ ահա հենց կիսկիի մոտ ես հետախուզության գնացի: Երեքով էինք: Յորդա գնում ենք կոնդի վրով, մտիկ ենք անում բոլոր կողմերը, մեկ էլ ի՞նչ ենք տեսնում,— յառի տակից դուրս է գալի կարմիրներից մեկը ու բարձրացնում է ձեռները: Մոտենում ենք նրան, իսկ նա բղավում է. Կազակներ, ես ձերոնցից եմ, մի՛ թրատեք ինձ,

ես անցնում եմ ձեր կողմը»: Սատանեն մոլորեցրեց ինձ. չգիտեմ ինչի կատաղեցի, վրա վազեցի ու ասում եմ նրան. «Շան որդի, թե որ դու հանձն ես առել, որ կռվես, ուրեմս չպիտի անձնատուր լինես: Ախմախի մեկը,— ասում եմ:— Բա չե՞ս տեսնում, որ մենք թուլացած ենք, զոռով ենք դիմանում: Դու անձնատուր ես լինում, որ մեզ ուժեղացնես, հա՞-ա»: Ասի ու թրովս,— առանց պատյանից հանելու,— մի լավ հասցրի քամակին: Մյուս կազակներն էլ, որոնք ինձ հետ էին, նույնպես նախատեցին նրան. «Բա ո՞նց կարելի է այդպես կռվել, ֆոռալ դես ու դեն, հը՞: Թե որ վաղուց միասին կռվեինք, հո կվերջանար կռիվը»: Միտք արեցինք՝ սատանեն գիտի ով է սա, մեր կողմը փախած այս մարդը. կարելի է սպա լինի: Դուրս եկավ, որ նա հենց սպա էր որ կար: Երբ որ ես հերսիցս նրան խփեցի թրով, նա սփրթնեց ու կամացուկ ասաց. «Ես սպա եմ, չհամարձակվեք ինձ զարկել: Ես հին ժամանակ հուսար եմ եղել, իսկ կարմիրների մոտ մոբիլիզացիայով եմ ընկել, դուք ինձ տարեք ձեր հրամանատարի մոտ, այնտեղ ես նրան ամեն բան կպատմեմ»: Մենք ասում ենք՝ «Տուր քո փաստաթուղթը»: Նա էլ հպարտ պատասխանում է՝ «Ես ձեզ հետ խոսել է՛լ չեմ ցանկանում, տարեք ինձ ձեր հրամանատարի մոտ»:

— Ինչո՞ւ չէիր ուզում կնոջդ մոտ խոսել դրա մասին,— զարմացած ընդհատեց Գրիգորին:

— Հլա դեռ չեմ հասել այն բանին, որի մասին նրա մոտ չէի կարող պատմել, և դու ինձ խնդրեմ չընդհատես: Մենք որոշեցինք նրան տանել հարյուրյակ, ամա զուր բան էր դա... Պետք է նրան հենց այնտեղ սպանեինք, պրծավ գնաց: Բայց մենք նրան տարանք ոնց որ կարգն է, իսկ մեկ օրից հետո ի՞նչ ենք տեսնում. նրան նշանակում են մեր հարյուրյակի հրամանատար: Եղա՞վ: Այստեղից էլ սկսվեց խաթան: Հետո նա կանչում է ինձ, հարցնում է՝ «Այդպե՞ս ես դու կռվում միասնական անբաժանելի Ռուսաստանի համար, հա՞ շան որդի: Դու ի՞նչ էիր ասում ինձ, երբ գերի էիր վերցնում, հիշո՞ւմ ես»: Ես դես եմ ընկնում, դեն եմ ընկնում, նա ինձ իսկի չի խղճում, ու հենց հիշում է, որ ես թրով իրեն շրմփացրի, թունդ կատաղում է: «Դու գիտե՞ս,—

ասում է,— որ ես հուսարական գնդի ուսումնասիր և ավելու-  
կան եմ, և դու, գյաղաշի մեկը, կարողացար ինձ խփել,  
հա՛-ա»: Կանչում է հա կանչում, խսկի օր չի տալի: Դասա-  
կապետին հրամայում է հերթից դուրս ինձ ուղարկել ուղե-  
կալ ու պահակախումբ, պատիժ է, որ թափվում է զխիս,  
ոնց որ սիսեոն է թափվում զուլլից, մի խոսքով, շան որդին  
հոգիս է հանում: Հալածում է մյուս երկուսին էլ, որոնք ինձ  
հետ էին, երբ նրան գերի վերցրինք: Տղերքը համբերեցին,  
համբերեցին, հետո էլ մի անգամ կանչում են ինձ ու ասում.  
«Եկեք դրան սպանենք, թե չէ նա մեզ օր ու արև չի տա»: Ես  
միտք արի ու որոշեցի ամեն բան պատմել գնդի հրամա-  
նատարին, իսկ սպանել խիղճս չէր թողնում: Այն մոմենտին,  
երբ նրան գերի վերցրինք, կարելի էր սատկացնել, իսկ հետո  
ոնց որ թե ձեռս չէր ուզում բարձրանալ նրա վրա... Երբ  
որ կնիկս հավ է մորթում, ես փակում եմ աչքերս, իսկ այս-  
տեղ արի ու մարդ սպանի...

— է՛, սպանեցի՞ք,— նորից ընդհատեց Գրիգորին:

— Մի քիչ կաց, ամեն բան կիմանաս: Հա՛, ես գնացի  
գնդի հրամանատարի մոտ, պատմեցի, իսկ նա ծիծաղեց ու  
ասաց. «Դու չպետք է նեղանաս, Զիկով, քանի որ դու ինքդ  
ես նրան խփել, նա ճիշտ է պահպանում կարգը: Նա լավ  
և գիտուն սպա է»: Դուրս եմ գալի նրա մոտից, մտածում  
եմ՝ «Դու այդ լավ սպային խաչի տեղակ դայթանով կախ  
տուր վզիցդ, իսկ ես համաձայն չեմ նրա հետ ծառայել  
մի հարյուրյակում»: Խնդրեցի, որ ինձ տեղափոխեն ուրիշ  
հարյուրյակ, բան դուրս չեկավ, չտեղափոխեցին: Ես էլ մտա-  
ծեցի ծլկել զորամասից: Դե, ո՞նց ծլկես: Մեզ ետ քաշեցին  
մոտիկ թիկունքը, մի շաբաթ հանգստանալու համար, ու  
այստեղ էլի սատանեն մոլորեցրեց ինձ... Մտածում եմ՝ էլ  
ճար չկա, ես պետք է հիվանդանամ այդ զահրումար տրի-  
պերով, այն ժամանակ կընկնեմ հիվանդանոց, հետո էլ կըս-  
կըսվի նահանջը, բանից այդպես էր երևում: Կյանքումս իս-  
կի այդ տեսակ բան չէր եղել,— սկսեցի կնանոնց ետևից  
ընկնել, աչք դնել, թե որն է իր տեսքով կասկածելի: Դե  
արի ու իմացի: Կնկա ճակատին հո չի գրված, թե հիվանդ  
է, դե արի ու զուլս շարդի:— Պրոխորը բարդով թքեց,  
ակամջ դրեց, թե արդյոք չի՞ գալիս կինը:

Գրիգորին ձեռքով ծածկեց բերանը, որ թաքցներ ժպի-  
տը, ու փայլեցնելով ծիծաղից կկոցված աչքերը, հարցրեց.

— Հիվանդացա՞ր:

Պրոխորը արցունքոտ աչքերով նայեց նրան: Դրանց  
նայվածքը տխուր ու հանգիստ էր ինչպես քավթառ, իր վեր-  
ջին օրերն ապրող շան նայվածքը: Կարճ լուռթյունից հետո  
նա ասաց.

— Դու կարծում ես հե՛շտ էր հիվանդանալը: Երբ որ  
հարկավոր չի, այդ անտերին ոնց որ թե քամին է բերում,  
իսկ այստեղ թարսի պես չէի հիվանդանում, ուղղակի սիրտս  
ճաքում էր:

Կիսով շափ շուռ գալով, Գրիգորին ծիծաղում էր անձայն,  
հետո ձեռքը վերցրեց դեմքից: Կերկերող ձայնով հարցրեց.

— Հոգի մի հանիր, ի սեր Քրիստոսի: Ասա գտար, թե չէ:

— Իհարկե, քեզ համար ծիծաղելի է...— նեղացած  
ասավ Պրոխորը,— ուրիշի քամբախտության վրա ծիծաղելը  
ախմախտություն է, ես այդպես եմ հասկանում:

— Ես չեմ ծիծաղում... հետո ի՞նչ եղավ:

— Հետո էլ ես սկսեցի տանտիրոջ աղչկա ետևից ընկ-  
նել: Մի քառասուն տարեկան աղջիկ էր, կամ դրանից քիչ  
փոքր: Երեսը բշտոտ էր, տեսքն էլ այնպես էր, որ օ՛ֆ,  
աստված շանի: Հարևանները ասին, թե նա վերջի օրերումը  
բուժակի մոտ էր գնում: «է՛հ,— միտք եմ անում,— սրանից  
անպայման մի բան կլինի»: Եվ ահա ես, ոնց որ ջահել աք-  
լոր, պտույտ եմ գալի նրա շուրջը, քուջս եմ ուռցնում ու  
թունդ լեղու եմ թափում... Ո՞րտեղից էի գտնում այն խոս-  
քերը, ինքս էլ չեմ հասկանում.— Պրոխորը մեղավորի պես  
ժպտաց ու կարծես թե նույնիսկ մի փոքր վարթացավ հի-  
շողություններից.— խոստանում էի ամուսնանալ և ուրիշ ամեն  
տեսակ ախմախ բաներ էի ասում... Վերջը մոտիկացա նրա  
հետ, գրավեցի, հենց այն է, բանը մեղքի էր հասնում, իսկ  
նա այստեղ լաց է լինում, արտասուք թափում: Ես գուրգու-  
րում եմ, հարցնում՝ «Կարելի է դու հիվանդ ես, այդ ոչինչ,  
մինչև իսկ ավելի լավ է»: Ինքս էլ վախում եմ. գիշեր ժա-  
մանակ է, մեկ էլ տեսար մեկն ու մեկը լսեց մեր քշիշո-  
ցը ու մոտեցավ հարդանոցին: «Սուս արա, աստված սի-  
րես,— ասում եմ:— Թե որ դու հիվանդ ես, մի վախի՛, ես

քեզ սիրելուցս ամեն բանի համաձայն եմ»։ Նա էլ ասում է՝ «Իմ սիրելի, Պրոշենկա, ես իսկի էլ հիվանդ չեմ։ Ես կույտ աղջիկ եմ, վախում եմ, դրա համար էլ լաց եմ լինում»։ Կը-հավատա՞ս, Գրիգորի Պանտելիչ, հենց որ նա ինձ այդ ասաց, վրաս պաղ քրտինք եկավ։ «Տեր հիսուս,— մտածում եմ,— այս ի՞նչ խաթայի մեջ ընկա, աղաս-մաղաս ա՞յդ էր պակաս... Ողբալի ձենով հարցնում եմ նրան. «Բա ինչի՞ էիր բուժակի մոտ վազում, հը՞, անիծված. ինչի՞ էիր մարդ-կանց խաբում»։— «Նրա մոտ,— ասում է,— գնում էի երե-սիս համար դեղ-մեղ վերցնելու»։ Այստեղ ես շվարեցի ու ասում եմ նրան՝ «Հենց հիմի վեր կաց ու հեռացի ինձա-նից, անիծված լինես դու, զարշելի սատանա։ Դու քո կու-սությունով ինձ պետք չես ու ես քեզ հետ չեմ ամուսնա-նա»,— Պրոխորն էլ ավելի զայրացած թքեց, դժկամ շարու-նակեց,— այդպես էլ զուր եղան շարշարանքներս։ Գնացի խրճիթ, հավաքեցի ինչ որ ունեի ու հենց նույն գիշերը տե-ղափոխվեցի ուրիշ բնակարան։ Հետո տղերքից իմացա, որ պետք է ձեռ գցել մի այրի կնկա, սրանից էլ ստացա ինչ որ ինձ պետք էր։ Մենակ թե այստեղ ես երկար ու բարակ լիսուս-ցի, հարցրի՞ «Հիվա՞նդ ես».— «Մի քիչ կա»,— ասաց նա՝ «էհ, ես էլ հո փթով չեմ ուզում»։ Ինձ փրկելու համար նրան վճարեցի Կերենսկու մի հատ քսանանոց, հետո էլ հիվանդա-ցա ու հա՛յդա դեպի հիվանդանոց, այնտեղից էլ՝ տուն։

— Դու առանց ձիո՞ւ եկար։

— Ո՞նց թե առանց ձիու։ Զիրով և մարտական լրիվ հան-դերձանքով։ Տղերքը ինձ համար ձի ուղարկեցին հիվան-դանոց։ Մենակ թե բանը այդ չէ, խորհուրդ տուր, թե ինչ ասեմ կնկանս։ Թե ավելի լավ է մեղքից փախչեմ քեզ մոտ գիշերելու։

— Զէ, պետք չի։ Գիշերիք տանդ։ Ասա, որ վիրավորված ես։ Բի՛նտ կա՞։

— Կա անձնական փաթեթ։

— Ուրեմն գործի անցիր։

— Զի հավատա,— տխուր ասաց Պրոխորը, բայց և այնպես վեր կացավ։ Խառնխտելով մախաղները, գնաց օթախ, այնտեղից ցած ձայնով ասաց.— երբ նա գա, զբա-ղեցրու խոսակցությամբ, իսկ ես հենց հիմի կվերջացնեմ։

Գրիգորին ծխախոտ փաթաթելով, կշռադատում էր մեկ-նելու պլանը։ «Զիերը կլծենք ու կգնանք սահնակով,— որո-շեց նա։— Պետք է իրիկունը դուրս գալ, որ մերոնք շտեսնեն, թե Ակսինյային տանում եմ ինձ հետ։ Ասենք մեկ է, կի-մանան...»

— Հարյուրյակի հրամանատարի մասին խոսքս չվեր-ջացրի.— Պրոխորը մի փոքր կաղալով դուրս եկավ օթախից, նստեց սեղանի մոտ.— հիվանդանոց գնալուցս երկու-երեթ օր հետո մերոնք սպանեցին նրան։

— Ինչ ես ասու-ո՞ւմ։

— Աստված վկա։ Կովի մեջ ետևից խփեցին, դրանով էլ բանը վերջացավ։ Դուրս է գալիս, որ ես զուր տեղը փորձան-քի մեջ ընկա, այ թե ինչն է ցավալի։

— Մեղավորին չգտա՞ն,— անտարբեր հարցրեց Գրիգո-րին, որ մտածում էր առաջիկա ճանապարհորդության մա-սին։

— էլ ե՛րբ փնտրեին։ Այնպիսի իրարանցում սկսվեց, որ ոչ ոք դրա հետ գլուխ չունեի։ Ի՞նչ եղավ, չեկավ կնիկս, է՛, Խմելու ախորժակը կփախչի։ Ե՛րբ ես մտածում մեկնելու

— Վաղը։

— Մի օր էլ չսպասե՞նք։

— Ինչի՞ համար։

— Ոջիլներս թափ տամ, հետաքրքիր չէ դրանցով գնալու

— Ճանապարհին թափ կտաս։ Գործը չի թողնում սպասելու։ Կարմիրները Վեշկից երկու օրվա ճանապարհի վրա են։

— Առավոտյա՞ն կգնանք։

— Ոչ, երեկոյան։ Կհասնենք Կարգինսկայա, այնտեղ էլ կգիշերենք։

— Կարմիրները մեզ չե՞ն բռնի։

— Պետք է պատրաստ լինել։ Այ թե ինչ... ես մտածում եմ ինձ հետ տանել Ակսինյա Աստախովային։ Դեմ չե՞ս։

— Ինձ ի՞նչ։ Թեկուզ երկու Ակսինյա վերցրու... Զիերի բեռը քիչ ծանր կլինի։

— Մեծ ծանրություն չէ։

— Կնանոց հետ ճամփա գնալը հարմար չի... Ախր նա քո ինչի՞ն է պետք, է՛։ Ես ու դու ավելի ազատ կլինենք



ճամփին,— Պրոխորը հոգոց հանեց, մի կողմ նայելով ասաց.— Ես այդպես էլ գիտեի, որ դու պետք է քարշ տաս քեզ հետ: Կնկանից ձեռ չես քաշում, էլի... է-է՛, Գրիգորի Պանտելիչ, մտրակը վաղուց կարոտում է քո ջանին:

— Դե, այդ քեզ չի վերաբերում,— սառը տոնով ասաց Գրիգորին,— դրա մասին կնկանդ բան չասես:

— Ե՞րբ եմ ասել որ: Խիղճ ունեցիր, էլի: Բա Ակսինյան տունը ո՞ւմ է թողնելու:

Հաշտից քայլեր լսվեցին: Ներս մտավ տանտիրուհին: Նրա մոխրագույն, բրդոտ շալի վրա պսպղում էր ձյունը:

— Թիփի՞ է:— Պրոխորը պահարանից երկու բաժակ հանեց և միայն այդ պահին հարցրեց.— մի բան բերի՞ր, թե չէ:

Նրա կարմրաթուշ կինը ծոցից հանեց երկու թրջված շիշ, դրեց սեղանին:

— Ա՛յ, լավ է ճամփի համար,— աշխուժացած ասավ Պրոխորը: Հոտ քաշելով արողից, ավելացրեց.— առաջին տեսակի է, շատ էլ թունդ է:

Գրիգորին երկու փոքրիկ բաժակ արող խմեց ու պատճառ բերելով հոգնածությունը, գնաց տուն:

## XXVI

— Է՛հ, պատերազմը վերջացավ: Կարմիրները այնպես ջարդեցին մեզ, որ հիմի մինչև ծովը պիտի ետ-ետ գնանք. մինչև որ հետույքներս ընկնեն աղի ջրի մեջ,— ասաց Պրոխորը՝ երբ դուրս եկան խուտորից ու սկսեցին բարձրանալ սարն ի վեր:

Ներքևում, կապույտ մուժով պարուրված, փովել էր Տատարսկին: Չյունափառ, վարդերանդ հորիզոնում մայր էր մտնում արևը: Սահնակի հիմնածողերի տակ ճռռում էր ձյունը: Ձիերը քայլով էին գնում: Երկձի սահնակի ետին մասում, կոնակը թամբերին դեմ արած, կիսապառկած էր Գրիգորին: Նրա կողքին նստել էր Ակսինյան, Դոնի մուշտակով փաթաթված, որի բողոքը ջրաքիսի մորթուց էր: Սպիտակ,

բրդոտ շալի տակից փայլում, խնդագին կայծկտում էին նրա սև աչքերը: Գրիգորին շեղակի նայում էր նրան, տեսնում էր ցրտից քնքշորեն շիկնած այտը, խիտ, սև հոնքը ու եղյամակալած կամար արտևանունքի տակին կապտավուն փայլ արձակող ակնասպիտակուցը: Ակսինյան աշխույժ հետաքրքրությամբ դիտում էր ձյունով ու ձնակույտով պատած տափաստանը, պսպղալու շափ տրորված ճանապարհը, հեռավոր, միզապատ հորիզոնները: Տանը նստելուն սովոր Ակսինյայի համար ամեն ինչ նոր էր ու արտասովոր, ամեն ինչ գրավում էր նրա ուշադրությունը: Բայց երբեմն էլ, խոնարհելով աչքերը և արտևանունքների վրա զգալով եղյամի ծակծկող, դուրեկան պաղությունը, նա ժպտում էր այն մըտքից, որ այդպես անսպասելի ու տարօրինակ կերպով իրականացավ իրեն վաղուց գերող երազանքը,— Գրիգորիի հետ մեկնել որևէ տեղ, հեռանալ Տատարսկից, հարազատ և անհիծված վայրերից, ուր այնքան շատ էր տանջվել ինքը, ուր իր կյանքի կեսը ապրել էր շտիրած ամուսնու հետ, ուր նրա համար ամեն ինչ լեցուն էր ահեղի ու ծանր հուշերով: Նա ժպտում էր՝ ամբողջ մարմնով զգալով Գրիգորիի ներկայությունը, և արդեն չէր մտածում ոչ այն մասին, թե ինչ գնով էր ձեռք բերել այդ երջանկությունը, ոչ էլ ապագայի մասին, որը վարագուրված էր նույնպիսի մթին միգով, ինչպես և այդ տափաստանային, հեռածավալ, դյուրեղ հորիզոնները:

Պատահամբ ետ նայելով, Պրոխորը նկատեց Ակսինյայի կարմիր և սառնամանիքից ուռած շուրթերի դողող ժպիտը՝ բարկությամբ հարցրեց.

— Էլ ի՞նչ ես ատամներդ ցույց տալի: Հարս ես դառել, պրծավ-գնաց: Ուրա՞խ ես, որ տնից դուրս պրծար:

— Գու կարծում ես ուրախ չե՞մ,— զրնգուն ձայնով պատասխանեց Ակսինյան:

— Լա՛վ ուրախություն է... հիմար կնիկ ես դու: Հլա դեռ չի երևում, թե այս զբոսանքը ինչով կվերջանա, և դու վաղօրոք մի ժպտա, ծածկի ատամներդ:

— Ինձ համար ամեն բան լավ կլինի:

— Մտիկ եմ անում ձեզ, ու սիրտս այնպես է խառնում...— Պրոխորը ցասկոտ մտրակեց ձեռքը:

— Գու էլ շուռ եկ ու մատդ տար բերանդ,— ծիծաղելով խորհուրդ տվեց Ակսինյան:

— Բա որ ասում եմ հիմար կնիկ ե՞ս: Այդպես էլ մատու բերանս դրած գնամ մինչև ծովը, հա՞-ա: Միթեմ բա՛ն ասացիր:

— Այդ ինչի՞ց է, որ սիրտդ խառնում է:

— Լավ կլինե՞ր սուս անեիր: Մարդդ ո՞րտեղ է: Կպել ես ուրիշին ու գնում ես, սատանեն գիտե թե ուր: Բա որ հիմի Ստեպանը գա խուտոր, ի՞նչ կլինի:

— Գիտե՞ս ինչ, Պրոշա, լավ կլինե՞ր դու մեր գործերին չխառնվեիր,— խնդրեց Ակսինյան,— թե չէ դու էլ բախտավոր չես լինի:

— Ես չեմ խառնվում ձեր գործերին, դուք իմ ինչի՞ն եք պետք: Ես հո կարո՞ղ եմ ասել իմ կարծիքը: Թե՞ ես ձեզ հետ պետք է գնամ իբրև կառապան և միայն ձիերի հետ խոսեմ: Միթեմ էլի բա՛ն ասիր: Չէ, Ակսինյա, թեկուզ բարկանաս, թեկուզ շբարկանաս, բայց քեզ պետք է ծեծել մի մեծ ճիպոտով, ծեծել ու չթողնել, որ ձեն-ծպտուն հանես: Իսկ բախտավորության կողմից ինձ մի վախեցնի, իմ բախտը ինձ հետ է: Նա մի առանձին տեսակի է, այնպես է, որ ոչ երգ է ասում, ոչ էլ քնել է թողնում... Գեհ, ա՛նհծվածներ, կարգին վազեք, էլի, կախականջ սատանեք:

Գրիգորին լսում էր ժպտալով, հետո էլ հաշտվողաբար ասաց.

— Ամենից առաջ մի նախատեք իրար: Մեր ճամփեն երկար է, դրա համար դեռ ժամանակ կունենաք: Ինչի՞ ես կպչում սրան, Պրոխոր:

— Նրա համար եմ կպչում,— վրդովված ասաց Պրոխորը,— որ նա ինձ հակառակ է խոսում: Ես հիմի միտք հմ անում, որ արար-աշխարհում կնանոնցից ավելի փիս բան չկա: Դրանք փշի սերմեր են... դրանք, աղբերս, այդ կնանիքը, աստծու ամենափիս հնարքն են: Ես դրանց, այդ վնասակար սատանաներին մեկ-մեկ բնաջինջ կանեի, որ աշխարհում դրանց իզն ու թողն էլ չերևար: Ա՛յ թե հիմի դրանց վրա ոնց եմ շարացել: Գու ինչի՞ ես ծիծաղում: Ուրիշի քամբախտության վրա ծիծաղելը ախմախուժյուն է: Բռնի երսասանները ես մի րոպե կիջնեմ:

Պրոխորը երկար ժամանակ ոտով էր գնում, հետո էլ տեղավորվեց սահնակի վրա ու այլևս չէր խոսում:

Գիշերեցին Կարգինսկայայում: Առավոտյան, նախաճաշելով, նորից ճանապարհվեցին ու մինչև երեկո վախտուն վերստ ճանապարհ անցան:

Փախստականների հսկայական գումակները ձգվում էին դեպի հարավ: Գրիգորին որքան հեռանում էր վեշենսկայա ստանիցայի հողից, այնքան դժվարանում էր գիշերելու տեղ գտնելը: Մորոզովսկու մոտ սկսեցին հանդիպել կազակների առաջին զորամասերը: Գնում էին հեծյալ զորամասերը, որոնցից ամեն մեկում երեսուն-քառասուն մարդուց ավելի չկար, անվերջ ձգվում էին գումակները: Երեկոներին խուտորներում բոլոր շենքերը զբաղված էին լինում և ոչ միայն գիշերելու, այլև ձիերը կանգնեցնելու տեղ էլ չէր լինում: Ուկրաինական գյուղերից մեկում, գիշերելու համար երկար ժամանակ տուն փնտրելով, Գրիգորին ստիպված եղավ գիշերը անցկացնել մի մարագում: Բուք-բորանի ժամանակ թրջված հագուստը առավոտյան սառել էր, ծոմովել ու ճըք-ճըքում էր ամեն մի շարժումից: Գրիգորին, Ակսինյան ու Պրոխորը համարյա ամբողջ գիշերը չքնեցին, լուսաբացից առաջ բակից դուրս մի տեղ ծղնտից խարույկ վառեցին ու միայն այդ կերպ տաքացան:

Առավոտը Ակսինյան երկչոտության մեջ առաջարկեց.

— Գրիշա, գուցե ցերեկը այստե՞ղ անցկացնենք: Ամբողջ գիշերը տանջվել ենք ցրտից ու համարյա չենք քնել, գուցե մի քիչ հանգստանա՞նք:

Գրիգորին համաձայնվեց: Նա դժվարությամբ մի ազատ անկյուն գտավ, լուսաբացին գումակները շարունակել էին իրենց ճանապարհը, բայց շրջիկ լազարեթը, որ ավելի քան հարյուր վիրավոր և տիֆով հիվանդներ էր փոխադրում, նույնպես մնացել էր ցերեկը այնտեղ անցկացնելու:

Մի փոքրիկ սենյակում, կեղտոտ, հողն հատակի վրա քնած էին մի տասը կազակ: Պրոխորը ներս բերեց կարպետը և ուտելիքով լեցուն պարկը, հենց դրան մոտ ծղնտ փրոնեց, ոտից բռնեց ու մի կողմ քարը տվեց մեռածի նման քնած մի ինչ-որ ծերունու, մի փոքր կոպիտ սիրալիրությամբ ասաց.

— Պառկի, Ակսինյա, թե չէ այնքան ես բեզարել, որ իսկի ինքդ քեզ նման չես:

Գյուղը երեկոյան նորից ծայրեծայր լցվեց մարդկանցով: Մինչև արշալույս փողոցներում խարույկներ էին վառվում, լավում էին մարդկային ձայներ, ձիերի խրխնջոց, սահնակների հիմնածողերի ճոճոց: Հենց որ մի քիչ լույսը բացվեց, Գրիգորին արթնացրեց Պրոխորին, շշնջաց.

— Լծիր: Պետք է գնալ:

— Ինչո՞ւ այսքան վաղ, — հորանջելով հարցրեց Պրոխորը:

— Ականջ դիր:

Պրոխորը թամբի բարձից բարձրացրեց զուխը, լսեց թնդանոթային կրակոցի խուլ ու հեռավոր որոտմունքը:

Լվացվեցին, խոզաճարպ կերան ու դուրս եկան աշխուժացած գյուղից: Փողոցներում շարեշար սահնակներ էին կանգնած, իրար էին անցնում մարդիկ, վաղորդյան խավարում մեկը խոպոտ ձայնով բղավում էր.

— Չէ ու չէ, ինքներդ թաղեք դրանց: Մինչև մենք վեց մարդու գերեզման փորենք, կեսօր կլինի:

— Ախր մենք հո պարտավոր չե՞նք թաղել, — հանգիստ հարցրեց մի ուրիշը:

— Ոչինչ, կթաղեք, — բղավեց խոպոտ ձայնով խոսողը:

— Իսկ եթե չեք ուզում, թող մնան հոտեն այստեղ, իմ Ի՞նչ գործն է:

— Ի՞նչ եք ասում, պարոն բժիշկ: Թե որ մենք բուրիս թաղենք, ովքեր այստեղից անցնելիս մեռնում են, ուրեմն էլ ուրիշ գործ չպիտի անենք: Կարելի է վերցնե՞ք դրանց:

— Կորի գնա, ավանակի մեկը: Ուզում ես որ քո պատճառով լազարեթը կարմիրների՞ն հանձնեմ, հա՞:

Սայլերով լեփ-լեցուն փողոցով անցնելիս Գրիգորին ասաց.

— Մեռելները ոչ ոքի պետք չեն...

— Այստեղ կենդանի մարդկանց մասին էլ չեն մտածում, էլ ո՛ւր մնաց մեռելների մասին, — արձագանքեց Պրոխորը:

Գոնի բուր հյուսիսային ստանիցաները դեպի հարավ էին շարժվում: Փախստականների բազմաթիվ գումակները անցան Ցարիցին — Լիխայա երկաթուղին, մոտեցան Մանի-

չին: Մի շաբաթ գտնվելով ճանապարհին, Գրիգորին հարցուփորձ էր անում տատարցիների մասին, բայց այն խուտորներում, որոնց միջով անցնում էր նա, տատարցիները չէին եղել. ամենայն հավանականությամբ նրանք շուտ էին եկել ձախ կողմը ու, շմտնելով ուկրաինացիների գյուղերը, կազակական խուտորների միջով գնում էին դեպի Օբլիվսկայա: Միայն տասներեքերորդ օրը Գրիգորին հաջողվեց զրուցանել իրենց խուտորցիների հետքը: Արդեն երկաթուղին անցնելուց հետո խուտորներից մեկում նա պատահմամբ իմացավ, որ հարևան տանը վեշենսկայա ստանիցայի մի կազակ է պառկած, որ հիվանդ է տիֆով: Գրիգորին գնաց իմանալու, թե որտեղացի է այդ հիվանդը, ու մտնելով ցածրիկ մի խրճիթ, տեսավ հատակի վրա պառկած ծերունի Օբնիզովին: Գրիգորին նրանից իմացավ, որ տատարցիները երկու օր առաջ գնացել էին այդ խուտորից, որ նրանց մեջ տիֆով հիվանդներ շատ կան, որ երկուսը արդեն մեռել են ճանապարհին և որ նրան, Օբնիզովին իր ցանկությամբ թողել են այստեղ:

— Թե որ առողջանամ և կարմիր ընկերները խղճան ինձ, չսպանեն, մի կերպ տուն կհասնեմ, իսկ եթե ոչ, կմեռնեմ այստեղ: Որտեղ մեռնես մեկ է, ամեն տեղ էլ ցավալի է դա... — ասաց ծերունին՝ հրաժեշտ տալով Գրիգորին:

Գրիգորին հարցրեց հոր առողջության մասին, բայց Օբնիզովը պատասխանեց, թե ոչինչ չի կարող ասել, որովհետև եկել էր ետին սայլերից մեկով և Մալախովսկի խուտորից սկսած Պանտելեյ Պրակոֆելիչին չէր տեսել:

Գիշերելու հետևյալ վայրում Գրիգորի գործը հաջող գնաց: Հենց առաջին տանը, ուր նա մտավ, որպեսզի գիշերելու տեղ խնդրի, — հանդիպեց ծանոթ կազակների, որոնք վերին-Չիր խուտորից էին: Նրանք տեղ տվին, ու Գրիգորին տեղավորվեց վառարանի մոտ: Սենյակում իրար վրա թափված պառկել էին մի տասնհինգ հոգի փախստականներ, որոնցից երեքը տիֆով հիվանդներ էին ու մեկն էլ ցրտահար էր եղել: Ընթրիքի համար կազակները կորեկաձավարից խոզաճարպով կաշա եփեցին, սրտաբացությամբ առաջարկեցին Գրիգորին և նրա ուղեկիցներին: Պրոխորը և Գրիգորին ախորժակով էին ուտում, Ակսինյան հրաժարվեց:

— Բա սոված չե՞ս,— հարցրեց Պրոխորը, որը վերջին օրերում առանց նկատելի պատճառի փոխել էր իր վերաբերմունքը դեպի Ակսինյան ու վերջինիս հետ կապիտ: Բայց կարեկցաբար էր վարվում:

— Սիրտս խառնում է...— Ակսինյան շալը գցեց վրան, դուրս ելավ խրճիթից:

— Չլինի՞ թե հիվանդացել է,— հարցրեց Պրոխորը՝ դիմելով Գրիգորիին:

— Ո՛վ գիտի.— Գրիգորին դեն հրեց կաշայով լցված ափսեհ, նույնպես դուրս ելավ:

Ակսինյան կանգնել էր մուտքի սանդուղքի մոտ, ձեռքը սեղմել կրծքին: Գրիգորին գրկեց նրան, անհանգստությունը հարցրեց.

— Ի՞նչ պատահեց քեզ, Կսյուշա:

— Սիրտս խառնում է ու գլուխս ցավում:

— Գնա խրճիթ, կպառկես:

— Գնա, ես հիմի կգամ:

Ակսինյայի ձայնը խուլ ու նվաղկոտ էր, շարժումները թույլ էին: Երբ նա մտավ խիստ տաք վառած սենյակը, Գրիգորին խորազնին նայեց նրան, նկատեց այտերի բորբոք կարմրությունը, աչքերի կասկածելի փայլը: Նրա սիրտը ճմրվեց անհանգստությունից. Ակսինյան պարզապես հիվանդ էր: Գրիգորին հիշեց, որ նա երեկ էլ գանգատվում էր դողից ու գլխապտույտից, իսկ առավոտյան դեմ այնպես էր քրտնել, որ վզին ընկած մազափնջերը թրջվել էին, ասես նա լողացել էր. արշալույսին արթնանալով, Գրիգորին նկատել էր այդ, ու երկար ժամանակ աչք չէր կտրում Ակսինյայից, չէր ուզում վեր կենալ, որպեսզի շարժանքներ նրան:

Ակսինյան արիաբար տանում էր ճանապարհի գրկանքները, նա մինչև անգամ քաջալերում էր Պրոխորին, որը հաճախ ասում էր. «Այս ի՞նչ զահրումար պատերազմ է, և ո՞վ է՞ գլխից այս տեսակ բան հանել: Ցերեկը գնում ես ու գնում, իսկ երբ կանգ առար, գիշերելու տեղ չի լինում, ու հայտնի չէ, թե մինչև երբ ենք այսպես քարշ գալու»: Բայց այդ օրը, Ակսինյան էլ չդիմացավ: Գիշերը, երբ պառկեցին քնելու, Գրիգորին թվաց, թե նա լալիս է:

— Ի՞նչ պատահեց քեզ,— շնչալով հարցրեց նա,— ի՞նչդ է ցավում:

— Հիվանդացել եմ... Հիմա ի՞նչ անենք: Կթողնե՞ս ինձ:

— Ա՛յ քեզ հիմար: Ո՞նց կթողնեմ քեզ: Կաց մի լինի, գուցե դատարկ բան է, ճանապարհին մրսած կլինես, պետք չէ վախենալ:

— Գրիշենկա, սա տի՛Ֆ է:

— Զուր մի խոսի: Ոչինչ էլ չկա. ճակատդ սառն է, գուցե տի՛Ֆ չէ:— Մխիթարում էր Գրիգորին, բայց ներքուստ համոզված էր, որ Ակսինյան հիվանդացել է բժավոր տի՛Ֆով, ու տանջալից կերպով մտածում էր, թե ինչպես վարվի նրա հետ, եթե հիվանդությունը նրան գետին գլորի:

— Օ՛ֆ, ծանր է այսպես ճանապարհ գնալը,— շնչալով Ակսինյան՝ սեղմվելով Գրիգորիին:— Տես թե ինչքան մարդ է լցվում գիշերելու տեղերը: Ոչինչերը կուտեն մեզ, Գրիշա: Ես վրեժս նայելու տեղ էլ չունեմ, շորս բոլորս տղամարդիկ են... Երեկ մտա մարագը, հանեցի շորերս, ու շապիկիս վրա... Տեր աստված, կյանքումս այս տեսակ շարշարանք չեմ տեսել: Հենց որ դրանք միտս են գալի, սիրտս խառնում է, ոչինչ չեմ ուզում ուտել... Երեկ տեսա՞ր, թե ինչքան կար նստարանին պառկած այն ալեորի վրա: Դրանք հենց չեքմենի վրայով են սողում:

— Դու դրանց մասին մի մտածի, սատանեն գիտե, թե ինչեր ես ասում: Դե, ոչինչ կան, հետո ի՞նչ, ծառայության մեջ դրանց չեն հաշվում,— սրտնեղելով շնչալով Գրիգորին:

— Ամբողջ մարմինս քոր է գալի:

— Բոլորի մարմինն էլ քոր է գալի, ի՞նչ արած: Համբերի: Կհասանք Եկատերինոզար, այնտեղ կլողանանք:

— Մաքուր շոր հագնելն էլ դուր է,— հոգոց հանելով ասաց Ակսինյան:— Կկորչենք մենք դրանցից, Գրիշա:

— Քնի՛ր, էգուց շուտ ենք գնալու:

Գրիգորին երկար ժամանակ չէր կարողանում քնել: Ակսինյան էլ չէր քնում: Նա մի քանի անգամ հեկեկաց՝ մոռուտակի փեշը քաշելով գլխին. հետո երկար շուռ էր գալիս այս ու այն կողմ, հառաչում էր, ու քուն մտավ միայն այն ժամանակ, երբ Գրիգորին երեսով դարձավ նրա կողմը, գրկեց

նրան, Գրիշերվա կեսին Գրիգորին արթնացավ ուժեղ թխկոցից: Մեկը ծեծում էր դուռը, հուժկու ձայնով գոռում.

— Դե՛հ, բաց արեք, թե չէ դուռը կշարդենք: Քնե՛լ են անիծվածները...

Տանտերը, — տարեց և հանգիստ մի կազակ, — դուրս ելավ հաշտը, հարցրեց.

— Ովքե՛ր եք, ի՞նչ եք ուզում: Եթե գրիշերելու եք եկել, մեզ մոտ տեղ չկա, տունը լեփ-լեցուն է, շարժվելու տեղ չկա:

— Քեզ ասում են բաց արա, — գոռացին դրսից:

Դուռը լայն բաց անելով, մի հինգ հոգի զինված կազակներ լցվեցին նախասենյակը:

— Ովքե՛ր են գրիշերում քեզ մոտ, — հարցրեց նրանցից մեկը, որ սառնամանիքից սնացել, թուլի գույն էր ստացել և դժվարությամբ էր շարժում սառած շրթունքները:

— Փախստականները: Իսկ դուք ովքե՛ր եք:

Պատասխանի փոխարեն նրանցից մեկը քայլեց դեպի օթախը, գոռաց.

— Է՛յ, ի՞նչ եք փովել, հենց հիմի դուրս գնացեք այստեղից: Այստեղ զորքեր են տեղավորվում: Վեց կացեք, վեր կացեք: Շուտ արեք, թե չէ մենք ձեզ դուրս կշարտենք:

— Դու ո՞վ ես, որ այդպես բոռում ես, — քնկոտ, խուլըված ձայնով հարցրեց Գրիգորին և դանդաղ վեր կացավ:

— Ես հիմի քեզ ցույց կտամ, թե ով եմ, — կազակը քայլեց դեպի Գրիգորին, ու նավթի լամպի աղոտ լույսի տակ նրա ձեռքին պլպլաց նագանի փողաբերանը:

— Ի՞նչ ճարպիկն ես, հա՛-ա... — կեղծ երկյուղածությամբ ասաց Գրիգորին, — ապա, ցույց տուր քո խաղալիքը: Արագ շարժմամբ նա բռնեց կազակի ձեռքի դաստակը, սեղմեց այնպիսի ուժով, որ կազակը ախ արավ ու թուլացրեց մատները: Նագանը մեղմ թխկոցով ընկավ կարպետի վրա: Գրիգորին ետ հրեց կազակին, արագ կոացավ, վերցրեց նագանը, դրեց գրպանը, հանգիստ ասաց. — Իսկ հիմա եկ խոսենք: Ո՞ր գործասից ես: Այստեղ քանի՞ հոգի կլինեն քեզ նման ժիր մարդիկ, քեզ հետ եկածները:

Կազակը ուշքի գալով անակնկալից, բղավեց.

— Տղերք, այստեղ եկեք:

Գրիգորին մոտեցավ դռանը, կանգնեց շեմքի վրա ու, մեջքը դեմ անելով դրանդիին, ասաց.

— Ես Դոնի տասնիններորդ գնդի հարյուրապետ եմ: Կամաց: Չբղավե՛լ: Ո՞վ է այնտեղ ճվճվում: Այդ ի՞նչ է, հարգելի կազակներ, ի՞նչ դալմադալ եք անում: Այդ ո՞ւմ պիտի դուրս շարտեք: Ո՞վ է ձեզ այդպիսի լիազորություններ տվել, հը՞: Դե՛հ, մա՛րշ, հեռացեք այստեղից:

— Ի՞նչ ես գոռում, — բարձրաձայն ասաց կազակներից մեկը: — Քեզ պես հարյուրապետներ մենք շատ ենք տեսել: Մենք պետք է բակո՞ւմ գրիշերենք, ինչ է: Աղատեք շենքը: Մեզ այսպիսի հրաման է տրված, — բոլոր փախստականներին դուրս անել տներից, հասկանալի՞ է: Հլա դեռ գոռում ես էլ: Քեզ նմաններին շատ ենք տեսել:

Գրիգորին հուպ մոտեցավ խոսողին, իրար սեղմվող ատամների միջից մտնոաց.

— Ինձ նմաններին դու հլա դեռ չես տեսել: Քեզ երկու կտո՞ր անեմ, հիմար: Այդպես էլ կանեմ: Չէ, դու ետ-ետ մի գնա, սա իմ նագանը չի, ձեռոնցից եմ խլել: Ա՛ո, կտաս տիրոջը, ու շուտ ուղ եղեք այստեղից, քանի դեռ չեմ զարկել, թե չէ հիմի կաշիներդ կքերթեմ: — Գրիգորին թեթևակի շուռ տվեց կազակին, հրեց դեպի դուրս:

— Շրմփացնե՞մ սրան, — մտամոլոր հարցրեց հաղթանդամ մի կազակ, որի դեմքը փաթաթված էր ուղտի բրդից գործած բաշլուղով: Նա կանգնել էր Գրիգորիի ետևում՝ ուշադրությամբ զննելով նրան, կոթնելով մեկ կամ մյուս ոտին, ճոճոացնելով ահագին թաղյակները, որոնց տակին կաշի էր կարված:

Գրիգորին շուռ եկավ նրա կողմը, և արդեն սաստիկ զայրացած, սեղմեց բռունցքները, բայց կազակը բարձրացրեց ձեռքը, բարեկամաբար ասաց.

— Լսի՛ր դու, ձերդ բարեծննդություն, կամ ոնց անվանեմ քեզ, չգիտեմ. կա՛ց, մի՛ զարկի: Մենք կհեռանանք դալմադալից: Բայց դու հիմիկվա ժամանակներում շատ մի քշի կազակների վրա: Հիմի էլի լուրջ ժամանակ է գալի, ոնց որ տասնյոթ թվին էր: Կհանդիպես գլխից անցած մարդկանց, ու նրանք քեզ ոչ թե երկու, այլ տասը կտոր կանեն: Մենք տեսնում ենք, որ քաց սպա ես, ու խոսելուցդ երևում է, որ մեզ

նամաններից ես, բայց դու հիմի քեզ զգույշ պահի, թե չէ զըլ-  
խիդ խաթա կգա...

Այն կազակը, որի նազանը խլել էր Գրիգորին, ջղայնու-  
թյամբ ասավ.

— Հերիք է դրա զլխին ավետարան կարդաս: Գնանք  
հարևան խրճիթը:— Նա առաջինը քայլեց դեպի շեմքը ու,  
անցնելով Գրիգորի կողքից, ծուռ նայեց նրան, ափսոսան-  
քով ասաց.— շենք ուզում կպչել քեզ, պարոն սպա, թե չէ  
մենք քեզ կսղկեինք:

Գրիգորին արհամարհանքով ծոմոնց շրթունքները.

— Հենց դու պիտի սղկեիր, հա՞-ա: Գնա, գնա, քանի  
դեռ շաղվարդ չեմ հանել: Սղկողի՛ս մտիկ: Ափսոս որ նա-  
զանդ ետ տվի, քեզ նման կտրիճները ոչ թե նազան, այլ  
ոչխար խուզելու մկրատ պիտի կրեն:

— Գնանք, տղերք, ջհաննամը գնա սա: Քանի փորես,  
այնքան փիս հոտ կգա,— բարեսրտությամբ ծիծաղելով՝  
ասաց այն կազակներից մեկը, որոնք չէին մասնակցել խո-  
սակցությանը:

Հայհոյանք թափելով, ճոճոացնելով սառած սապոզները,  
կազակները խմբովին դուրս գնացին: Գրիգորին խստորեն  
հրամայեց տանտիրոջը.

— Չհամարձակվես դուր բաց անել: Կծեծեն ու կհեռա-  
նան, իսկ եթե չհեռանան, արթնացրու ինձ:

Վերին Ձիրի կազակները աղմուկից արթնանալով, ցած-  
րաձայն խոսում էին իրար մեջ:

— Ա՛յ թե ո՛նց փուլ եկավ դիսցիպլինան,— տխուր հո-  
գոց հանեց ծերուկներից մեկը:— Շան որդեհիքը տես թե ոնց  
են խոսում սպայի հետ... Բա որ հին ժամանակները լինեի՞նս  
Գրանց հո տաժանակրության կքշեին:

— Խոսելը հե-ե՛լ: Տեսա՞ր, կովիլ էին ուզում: «Շրըմ-  
փացնե՞մ սրան»,— ասում է մեկը, այն աժդահա բարդինս  
որ բաշլուղով էր: Ո՛նց են կատաղել այդ սատանեքը:

— Եվ դու նրանց կներե՞ս այդ բանը, Գրիգորի Պանտե-  
լեիչ,— հարցրեց կազակներից մեկը:

Շինելը քաշելով վրան ու անշար ժպիտը դեմքին ականջ  
դնելով խոսակցությանը, Գրիգորին պատասխանեց.

— Դե, նրանցից ի՞նչ պահանջես: Նրանք հիմի բուլոբից  
էլ կտրվել են ու ոչ ոքի չեն ենթարկվում. գնում են խուժա-  
նավարի, առանց հրամանատարական կաղմի, ո՞վ է նրանց  
դատավորը և ո՞վ է պետը: Նրանց պետը նա է, ով նրանցից  
ուժեղ է: Նրանց զորամասում երևի ոչ մի սպա էլ չի մնա-  
ցել: Ծս տեսել եմ այդպիսի հարցուրյակներ,— անտիր-ան-  
զուխ մարդիկ են: է՛հ, քնեցինք:

Ակսինյան կամացուկ շշնջաց.

— Ախր ի՞նչ գործ ունեիր նրանց հետ, Գրիշա: Այդպիսի  
մարդկանցից հեռու կաց, ի սեր Քրիստոսի: Նրանք կարող  
են և սպանել, կովարարներ են:

— Քնիր, քնիր, էգուց շուտ ենք վեր կենալու: Հը՛, ո՞նց  
ես զգում քեզ, լա՞վ ես:

— Էլի այնպես է:

— Գլուխդ ցավո՞ւմ է:

— Ցավում է: Ծրևի էլ վեր չեմ կենա...

Գրիգորին ձեռքը դրեց Ակսինյայի ճակատին, հոգոց հա-  
նեց.

— Քեզանից տաքություն է գալի, ոնց որ վառարանից:  
Ոչինչ, մի վախենա: Առողջ կնիկ ես, կլավանաս:

Ակսինյան լռեց: Ծարավը նեղում էր նրան: Մի քանի  
անգամ նա գնում էր խոհանոց, խմում գարշելի, տաքացած  
ջուրը և, հաղթահարելով սրտախառնուքն ու գլխապտույտը,  
նորից պառկում էր կարպետի վրա:

Գիշերվա ընթացքում էլի չորս խոսմբ մարդիկ եկան:  
Նրանք հրացանների կոթերով ծեծում էին դուռը, բաց անում  
փեղկերը, թխկթխկացնում պատուհանները ու հեռանում  
միայն այն ժամանակ, երբ տանտերը կատարելով Գրիգորի  
ցուցումը, հայհոյելով գոռում էր հաշտից. «Հեռացեք այստե-  
ղից, այստեղ բրիգադի շտաբն է տեղավորվել»:

Լուսաբացին Պրոխորն ու Գրիգորին լծեցին ձիերը: Ակ-  
սինյան դժվարությամբ հագնվեց, դուրս եկավ: Ծագում էր  
արևը: Գորշ-կապտավուն ծուխը ծխնելույզներից երկինք էր  
բարձրանում: Ներքևից արևով լուսավորված կարմիր մի ամ-  
պիկ բարձր կանգնած էր երկնքում: Ցանկապատի, մարազնե-  
րի կտուրների վրա խիտ եղյամ էր նստել: Ձիերից գուրըշի  
էր բարձրանում:

Գրիգորին օգնեց Ակսինյային սահնակ նստելու, հարցրեց.

— Գուցե կպառկե՞ս: Քեզ համար ավելի հարմար կլինի:

Ակսինյան գլխով դրական նշան արեց: Նա լռին շնորհակալությամբ նայեց Գրիգորիին, երբ վերջինս խնամքով փաթաթեց նրա ոտները. Ակսինյան գոցեց աչքերը:

Կեսօրին, երբ ճանապարհից երկու վերստ հեռու գտնվող Նովո-Միխայլովսկ գյուղում կանգ առան ձիերին կեր տալու, Ակսինյան արդեն չկարողացավ սահնակից վեր կենալ: Գրիգորին նրան թևանցուկ տարավ տուն, պառկեցրեց մահճակալին, որ հյուրընկալաբար առաջարկել էր տանտիրուհին:

— Վա՛տ ես զգում քեզ, հարազատս,— հարցրեց Գրիգորին՝ թեքվելով գունաթափ Ակսինյայի վրա:

Ակսինյան դժվարությամբ բացեց աչքերը, նայեց մշուշված հայացքով և նորից ընկավ կիսամոռացության մեջ: Գրիգորին դողդոջ ձեռքերով նրա վրայից հանեց շալը: Ակսինյայի այտերը պաղ էին ինչպես սառույց, իսկ ճակատը վառվում էր, ու քունքերին, ուր դուրս էր տալիս քրտինքը, սառցի լույաներ էին կպել: Իրիկնադեմին Ակսինյան կորցրեց գիտակցությունը: Դրանից առաջ նա ջուր խնդրեց, շշմարեց.

— Միայն սառը, ձյան ջուր,— մի փոքր լոցեց և պարզ արտասանեց.— կանչեցեք Գրիշային:

— Ես այստեղ եմ: Ի՞նչ ես ուզում, Կսյուշկա:— Գրիգորին վերցրեց նրա ձեռքը, շոյեց անշնորհ կերպով և ամաչկոտությամբ:

— Ինձ չթողնես, Գրիշենկա:

— Չեմ թողնի, այդ ո՞րտեղից վերցրիր:

— Մի թողնի օտար տեղում: Ես կմեռնեմ այստեղ:

Պրոխորը ջուր բերեց: Ակսինյան չորացած շուրթերը ազահությամբ հպեց պղնձե գավաթի բերանին, մի քանի կում խմեց ու, տնքալով, գլուխը գցեց բարձին: Հինգ րոպեից հետո սկսեց խոսել անկապ ու անհասկանալի: Գրիգորին, որ նստել էր նրա գլխավերևում, լսեց մի քանի բառ. «Պետք է լվալ... լեղակ ճարի... շուտ է...» Ակսինյայի ան-

հասկանալի խոսքերը շնչոցի փոխվեցին: Պրոխորը օրորեց գլուխը, կշտամբանքով սասց.

— Ասում էի քեզ, մի՛ վերցրու սրան: Հիմի ի՞նչ պիտի անենք: Պատիժ է, էլի, աստված վկա: Այստե՞ղ պիտի գիշերենք, հը՞: Խլացե՞լ ես, ինչ է: Հարցնում եմ՝ այստե՞ղ պիտի գիշերենք, թե՞ գնանք:

Գրիգորին լուռ էր: Նա նստել էր կորացած, աչք չկտրելով Ակսինյայի դալկացած դեմքից: Տանտիրուհին,— սրտաբաց ու բարի մի կին,— աչքերով ցույց տալով Ակսինյային, կամացուկ հարցրեց Պրոխորին:

— Նրա կի՞նն է: Երեխաներ կա՞ն:

— Երեխաներ էլ կան, ամեն բան էլ կա, մենակ թե հաջողություն չկա մեզ համար,— մոթմոթաց Պրոխորը:

Գրիգորին գնաց բակ, նստեց սահնակին, երկար ծխեց: Հարկավոր էր Ակսինյային թողնել գյուղում, հետագա ճանապարհորդությունը կարող էր կործանել նրան: Դա պարզ էր Գրիգորիի համար: Նա մտավ տուն, կրկին նստեց մահճակալի մոտ:

— Գիշերելու՞ եմք թե ոնց,— հարցրեց Պրոխորը:

— Այո: Գուցե վաղն էլ մնանք:

Շուտով եկավ տանտերը,— ցածրահասակ և վտիտ մի մուժիկ՝ խորամանկ, թափառող աչքերով: Թխկթխկացնելով փայտե ոտքը (նրա մի ոտքը կտրված էր մինչև ծունկը), նա աշխույժ, կաղ-կաղ մոտեցավ սեղանին, հանեց վերնազգեստը, անբարյացակամ ու ծուր նայեց Պրոխորին, հարցրեց:

— Աստված հյուրե՞ր է ուղարկել, որտեղից,— ու առանց պատասխանի սպասելու հրամայեց կնոջը.— շուտ արա, ուտելու բան բեր, շան պես սոված եմ:

Նա երկար ու ազահությամբ էր ուտում: Նրա թափառող հայացքը հաճախակի կանգ էր առնում Պրոխորի, անշարժ պառկած Ակսինյայի վրա: Գրիգորին դուրս եկավ օթխից, բարնեց տանտիրոջը: Վերջինս լուռ շարժեց գլուխը, հարցրեց.

— Նահանջո՞ւմ եք:

— Նահանջում եմք:

— Կովեցիք պրծա՞ք, ձեր գրեթե ծննդություն:

— Համարյա թե:

— Դա ձեր կի՞նն է,— տանտիրը գլխով ցույց տվեց Ակսինյայի կողմը:

— Կինս է:

— Դու նրան ինչի՞ ես պառկեցրել մահճակալի վրա, բա մենք ո՞րտեղ պիտի քնենք,— զժգոհությամբ դիմեց նա կնոջը:

— Հիվանդ է, Վանյա, խղճալ է պետք:

— Խղճա՛լ: Արի ու դրանց բոլորին խղճա, գալիս են հա՛ գալիս: Դուք կնեղեք մեզ, ձերը բարեծննդություն...

Գրիգորիի ձայնը նրան ոչ-հատուկ խնդրողականություն, գրեթե աղերսանք արտահայտեց, երբ նա, դիմելով տանտերերին, ձեռքը դնելով կրծքին, ասաց.

— Բարի՛ մարդիկ, օգնեցեք ինձ, փորձանքի մեջ ընկած մարդուն, ի սեր Քրիստոսի: Էլ չի կարելի տանել կնոջս, կմեռնի, թույլ տվեք նրան թողնել ձեզ մոտ: Խնամքի համար ես կվճարեմ ինչ որ ուզեք և ամբողջ կյանքումս կհիշեմ ձեր բարությունը... Մի՛ մերժեք, գու՞թ արեք:

Տանտերը սկզբում կտրուկ կերպով մերժեց, առարկելով, որ ժամանակ չի լինի հիվանդին խնամելու, որ նա կնեղի իրենց, հետո էլ, վերջացնելով ճաշը, ասաց.

— Հասկանալի է, ձրի ո՞վ կխնամի նրան: Իսկ դուք ի՞նչքան փող կտայիք մեր աշխատանքների համար:

Գրիգորին գրպանից հանեց իր ունեցած ամբողջ փողը, մեկնեց տանտիրոջը: Վերջինս տատանվելով վերցրեց Դոնի մի փաթեթ թղթադրամները, մատները թքոտելով հաշվեց դրանք, հարցրեց.

— Բա նիկոլայի փող չունե՞ք:

— Չունեմ:

— Գուցե Կերենսկու փող կա: Սրանք արդեն շատ անհուսալի են...

— Կերենսկու փող էլ չկա: Ուզո՞ւմ եք իմ ձին թողնեմ ձեզ:

Տանտերը երկար մտածեց, հետո մտազբաղ պատասխանեց:

— Ոչ: Ես իհարկե, կվերցնեի ձին, գյուղացու համար ձին ամենահարկավոր բանն է, բայց հիմիկվա ժամանակներում դրանից բան չի դուրս գա. մեկ է, սպիտակները չվերց-

նեն, կարմիրները կվերցնեն ձին, դրանից օգուտ չի լինի: Հրեն, ես մի քոսոտ զամբիկ ունեմ, ոտից ընկած է, ամա էլի խիղճ ասածդ բանը չկա, մեկ էլ տեսար այդ էլ վերցրին ու տարան իմ տնից:— Նա մի փոքր լռեց, մտածեց ու կարծես արդարանալով, ավելացրեց.— դուք չկարծեք, ինձ ես շատ ազահ եմ, ասովա՛ծ շանի: Բայց ինքներդ դատեցեք, ձերդ բարեծննդություն. նա կպառկի մի ամիս, գուցեև ավելի. արի ու խնամք տար նրան, հարկավոր է կերակրել, հաց, կաթ, ձու, միս տալ, իսկ այդ բոլորը հո փող արժի, դուրստ չե՞մ ասում: Հարկավոր է շորերը լվալ, լողացնել նրան, ու ես ի՞նչ դիտեմ, թե էլ ինչ... Կնիկս տուն ու տեղի գործերն է անում, իսկ հիմի նրանից չպիտի հեռանա, պետք է խնամք տանի: Դա հեշտ գործ չի: Չէ, դուք մի ժլատանաք, մի բան էլ ավելացրեք: Ես հաշմանդամ եմ, տեսնում եք, էլի, սոք չունեմ, էլ ի՞նչ աշխատող, ապրուստ ճարող կարող եմ լինել: Այնպես, էլի, ապրում ենք աստու տվածով, մեր ապրուստը մենակ հացն է ու կվասը...

Գրիգորին բորբոք, խուլ ջղայնությամբ ասաց.

— Ես չեմ ժլատանա, այ մարդ: Իմ ունեցած ամբողջ փողը տվի քեզ, ես առանց փողի էլ կապրեմ: Էլ ի՞նչ ես ուզում ինձանից:

— Միթամ ամբողջ փողդ տվիր, էլի՛,— թերահավատությամբ քմծիծաղ տվեց տանտերը:— Դուք այնպիսի ոռճիկ եք ստանում, որ ամբողջ տոպրակներով փող պետք է ունենաք:

— Դու շիտակ ասա,— գունատվելով վրա բերեց Գրիգորին,— կարելի՞ է հիվանդին թողնել ձեզ մոտ թե ոչ:

— Ոչ, քանի որ դուք այդպես եք վերաբերվում, մեզ համար հաշիվ չէ նրան թողնել մեզ մոտ:— Տանտիրոջ ձայնը պարզապես վիրավորվելու տոնով էր հնչում.

— Հետո, դա հասարակ բան չի... Սպայի կին է, հարևանները կիմանան, լուր կտարածեն, ձեզնից հետո էլ կգան ընկերները, կարմիրները, կիմանան ու կսկսեն քարշ տալ ինձ... Ոչ, այդ դեպքում տարեք նրան, կարելի է հարևաններից մեկն ու մեկը կհամաձայնվի, կվերցնի:— Տանտերը ակնհայտ ափսոսանքով փողը վերադարձրեց Գրիգորիին, հանեց ծխախոտի տոպրակը ու սկսեց ծխախոտ փաթթել:



Գրիգորին շինելը գցեց վրան, ասաց Պրոխորին.

— Կաց Ակսինյայի մոտ, ես գնամ բնակարան փնտրեմ, նա արդեն ձեռքը դրել էր դռան բռնակին, երբ տանտերը կանգնեցրեց նրան:

— Սպասեք, ձերդ բարեծննդութուն, ինչո՞ւ եք շտապում: Դուք կարծում եք ես չե՞մ ափսոսում խեղճ կնոջը: Մինչևիսկ շատ եմ ափսոսում, ինքս էլ ղինվոր եմ եղել ու հարգում եմ ձեր կոչումն ու աստիճանը, իսկ դուք չէի՞ք կարող այդ փողի վրա մի բան ավելացնել:

Այստեղ Պրոխորն էլ շհամբերեց. վայրույթից կարմրատակելով, մոնչաց:

— Էլ ավելացնելս ո՞րն է, ա՛յ թոփալ իժ: Ոտներս կտրենք քե՞զ տանք, հա՛-ա՞, ա՛յդ է ուղածդ: Գրիգորի Պանտելիչ, թույլ տվեք ես սրան շան պես սատկացնեմ, իսկ հետո վերցնենք Ակսինյային ու գնանք, թող երիցս անիծված լինի այս շան որդին...

Տանտերը լսեց Պրոխորի ցատումնալից խոսքերը, առանց մի բառով անգամ նրան ընդհատելու. ի վերջո ասաց.

— Զուր եք ինձ վիրավորում, աղբեր տղերք: Այստեղ իրար հետ համաձայնվել է պետք, և մենք իրար հայհոյելու, նեղանալու պատճառ չունենք: Էլ ի՞նչ ես վրես բղավում, կազակ: Մի՞թե ես փողի մասին եմ խոսում: Ես իսկի էլ փող ավելացնելու մասին չխոսեցի: Միտքս այն էր, որ կարելի է դուք մի որևէ ավելորդ զենք ունեք, դե, ասենք հրացան կամ ատրճանակ, ինչ տեսակ էլ որ դա լինի: Զեզ համար մեկ է, ունեք թե չունեք, իսկ մեզ համար հիմիկվա ժամանակներում դա մի ամբողջ կարողություն է: Տան համար պետք է անպայման զենք ունենալ: Այ թե ինչ էր իմ ասածը: Տվեք հենց այդ փողը և դրան ավելացրեք մի հրացան, ու պրծավ-գնաց, թողեք ձեր հիվանդին, մտիկ կանենք նրան ոնց որ մեր հարազատին, աստված է վկա.

Գրիգորին նայեց Պրոխորին, կամացուկ ասաց.

— Տուր դրան իմ հրացանը, փամփուշտները, հետո գնա լծիր: Ակսինյան թող մնա. Թող աստված դատի ինձ, բայց ես չեմ կարող նրան տանել մեռցնելու:

Անցնում էին գորշ և անուրախ օրերը: Թողնելով Ակսինյային, Գրիգորին միանգամից կորցրեց հետաքրքրությունը դեպի շրջապատը: Առավոտից սահնակ էր նստում, գնում լայնատարած, անծայրածիր, ձյունապատ տափաստանով, երեկոյան որևէ տեղ գիշերելու ապաստան գտնելով, պառկում էր քնելու: Ու այսպես ամեն օր: Այն, ինչ որ տեղի էր ունենում դեպի հարավ անցած ռազմաճակատում, նրան էր հետաքրքրում: Նա հասկանում էր, որ իսկական, լուրջ դիմադրությունը վերջացել էր, որ կազակների մեծամասնություն մեջ չքացել է հայրենի ստանիցաները պաշտպանելու ձգտումը, որ, դատելով ամեն ինչից, սպիտակ բանակները ավարտում են իրենց վերջին արշավանքը, ու Դոնում չդիմանալով, Կուբանում արդեն չեն կարողանա դիմանալ...

Պատերազմը մոտենում էր իր վախճանին: Շեշտակիորեն ու անխուսափելիորեն վրա էր հասնում լուծումը: Հազարավոր կուբանցիներ թողնում էին ռազմաճակատը, գնում իրենց տները: Դոնեցիները ջախջախված էին: Մարտերից ու տիֆից արյունաքամ եղած, իր կազմի երեք քառորդը կորցրած կամավորական բանակը անզոր էր մենակ դիմադրելու հաջողություններով թևավորված Կարմիր բանակի գրոհին:

Փախստականների մեջ խոսակցություններ էին տեղի ունենում, թե Կուբանում աճում է վրդովմունքը, որ առաջացել է Կուբանյան Ռադայի անգամների դեմ գեներալ Գենիկինի գործադրած գազանային դատաստանից: Ասում էին, որ Կուբանը ապստամբություն է պատրաստում կամավորական բանակի դեմ և որ իբր թե բանակցություններ են մղվում Կարմիր բանակի ներկայացուցիչների հետ՝ սովետական զորքերին անարգել կերպով դեպի Կովկաս ճանապարհ բաց անելու մասին: Համառորեն ասում էին նաև, որ Կուբանի և Թերեքի ստանիցաներում խիստ թշնամաբար են վերաբերվում դեպի դոնեցիները, ինչպես և դեպի կամավորականները, և որ իբր թե Կորենովսկու մերձակայքում, թե որտեղ, արդեն տեղի է ունեցել առաջին մեծ մարտը Դոնի դիվիզիայի և կուբանյան պլաստունների միջև:

Գրիգորին գիշերելու տեղերում ուշադրությամբ ունենդրում էր խոսակցութիւններին՝ օրեցօր ավելի ու ավելի համոզվելով, որ սպիտակների պարտութիւնը վերջնական է ու անխուսափելի: Եվ այնուամենայնիվ, ժամանակ առ ժամանակ նրա մեջ աղոտ հույս էր առաջանում, որ վտանգը սպիտակների ջլատված, բարոյալքված և միմյանց հետ գծտվող ուժերին կստիպի միավորվել, հակահարված տալ ու ետ մղել հաղթականորեն հարձակվող կարմիր զորամասերը: Բայց Խոստովը հանձնելուց հետո նա կորցրեց այդ հույսը և անվստահութիւնով ընդունեց այն լուրը, թե Բատայսկի մոտ համառ մարտերից հետո կարմիրները սկսել են նահանջել: Ճնշվելով անգործութիւնից, նա ուզում էր մտնել մի որևէ զորամաս, բայց երբ այդ առաջարկից Պրոխորին, վնդիկնս վճռականապես հակառակվեց.

— Երևում է, որ դու, Գրիգորի Պանտելիչ, վերջնականապես թոցրել ես խելքդ,— վրդովված պատասխանեց նա:— Ինչի՞ համար խցկվեց այնտեղ, այն դժոխքը: Բանը վերջացած է, ինքդ ես տեսնում, ինչո՞ւ մենք զուր տեղը կորչենք: Թե՞ կարծում ես, որ մենք երկուսս կօգնենք նրանց: Քանի մեզ ձեռ չեն տալի ու զոռով չեն տանում զորամաս, պետք է, ինչքան կարելի է շուտ, հեռանանք խաթայից, իսկ դու այդ տեսակ սարսաղ բան ես ասում: Չէ, եկ, խնդրեմ, նահանջենք խաղաղ կերպով, ծերունիների պես: Ես ու դու առանց այն էլ բավական շատ ենք կռվել հինգ տարում, հիմի էլ թող ուրիշները փորձեն: Ես հո նրա համար չե՞մ տրիպեր ընկել, որ ինձ էլի շարչարեն ռազմաճակատում: Ծնորհակալ եմ, հերիք է չարչարանքս: Ես այս պատերազմից այնքան եմ կշտացել, որ մինչև օրս էլ սիրտս խառնում է, երբ այն միտս է գալի: Ուզում ես ինքդ գնա, իսկ ես համաձայն չեմ: Ես այդ դեպքում կմտնեմ հիվանդանոց, հերիք եղավ:

Երկար լռութիւնից հետո Գրիգորին ասաց.

— Թող քո ասածը լինի: Կգնանք Կուբան, հետո կտեսնենք, թե ինչ կլինի:

Պրոխորը իր գիծն էր տանում. յուրաքանչյուր խոշոր բնակավայրում նա բուժակ էր փնտրում, դեղափոշի կամ խմելու դեղ էր բերում, բայց բուժվում էր անփութ կերպով:

և Գրիգորիի այն հարցին, թե ինչո՞ւ նա, մի դեղափոշի խմելով, մնացածները ոչնչացնում է, ջանադրությամբ կոկորտում ձյան մեջ,— պատասխանեց, որ ուզում է ոչ թե բոլորովին բուժվել, այլ միայն նվազեցնել հիվանդութիւնը, որովհետեւ բժշկական քննութիւնից հետո նա կորսել էր համար հեշտ կլինի խուսափել զորամաս ուղարկվելուց: Վելիկոկնյաժեսկայա ստանիցայում մի ինչ-որ փորձված կազակ նրան խորհուրդ տվեց բուժվել բաղի խաշած թաթիկների ջրով: Պրոխորը այդ օրվանից հետո, մտնելով որևէ խոտոր կամ ստանիցա, հարցնում էր առաջին պատահած մարդուն. «Ասացեք, խնդրեմ, այստեղ, ձեզ մոտ բաղ պահո՞ւմ են»: Ու երբ զարմացած բնակիչը բացասաբար էր պատասխանում, ասելով, որ մոտիկ տեղերում ջուր չկա և բաղ պահելը հաշիվ չէ,— Պրոխորը ջախջախիչ արհամարհանքով մոթմոթում էր. «Մարդավարի չեք ապրում, հա՛ւա: Երևի ձեր կյանքումը բաղի կվկվոց իսկի չեք լսել: Չո՞ւ ու տափի քոթուկներ եք»: Հետո, դիմելով Գրիգորիին, դառն ափսոսանքով ավելացնում էր. «Մենք անպատճառ տերտերի ենք հանդիպել: Ոչ մի հաջողութիւն չենք ունենում: Եթե այստեղ բաղեր լինեին, հենց հիմի մեկը կգնեի առանց փողը ափսոսալու, կամ կգողանայի, ու գործերս լավ կգնային, կառողջանայի, թե չէ հիվանդութիւնս շատ է զոռում: Սկզբում դատարկ բան էր, ձամփին միայն քունս էր խանգարում, իսկ հիմի անտերը իսկական պատիժ է դառնում: Սահնակի վրա նստել չի լինում»:

Գրիգորիի կողմից ցավակցութիւն շտեմնելով, Պրոխորը երկար լուր էր ու երբեմն էլ մոռաց տեսք ընդունում, ժամերով ձայն-ծայտուն չէր հանում:

Գրիգորիին տաղտկալիորեն երկար էին թվում ճանապարհներին անցկացրած օրերը, է՛լ ավելի երկար էին ձմեռվա անվերջանալի գիշերները: Նա շատ ժամանակ ուներ ներկան կռադատելու և անցյալը վերհիշելու համար: Հիշողութիւնի մեջ նա երկար տնտղում էր իր տարօրինակ և ձախորդ ընթացք ստացած կյանքի անցած տարիները: Սահնակին նստած, մշուշվող հայացքը քարի պես լուռ, ձյունապատ տափաստանի հեռուներին հասնելով կամ գիշերք որևէ խեղդուկ, մարդկանցով լեփ-լեցուն սենյակում իր

սեղմված ատամներով ու փակ աչքերով պառկած, շարունակ մտածում էր միևնույն բանի մասին,— հիվանդ, գիտակցությունը կորցրած, անհայտ գյուղում թողնված Ակսինյայի մասին, Տատարսկում թողած մերձավորների մասին... Այնտեղ, Գոնում սովետական իշխանություն էր, ու Գրիգորին շարունակ թախծալի անհանգստությունը հարցնում էր ինքն իրեն. «Մի՞թե իմ պատճառով տանջելու են մորս կամ Գունյաշկային»: Ու իսկույն սկսում էր հանգստացնել ինքն իրեն, վերհիշում էր ճանապարհին հաճախ լսած այն լուրերը, թե կարմիրբանակայինները գալիս են խաղաղ կերպով և լավ են վարվում իրենց գրաված ստանիցաների բնակչության հետ: Անհանգստությունը հետզհետե անցնում էր, այն միտքը, թե պառավ մայրը պատասխանատու պետք է լինի նրա համար, արդեն նրան թվում էր անհավանական, օտարոտի, ոչ մի բանի վրա չհիմնված: Երեխաներին հիշելիս Գրիգորիի սիրտը մի վայրկյան ճմլվում էր տխրությունից. նա վախենում էր, որ տանը անկարող կլինեն երեխաներին պաշտպանել տիֆից, ու միևնույն ժամանակ զգում էր, որ երեխաների նկատմամբ իր ամբողջ սիրով հանդերձ, նատալյայի մահից հետո այլևս ոչ մի վիշտ չի կարողանա իրեն ցնցել այդպիսի թափով...

Սալակի ձմեռանոցներից մեկում Գրիգորին ու Պրոխորը ապրեցին շորս օր,— որոշել էին հանգիստ տալ ձիերին: Այդ ժամանակվա ընթացքում նրանք մի-երկու անգամ խոսեցին, թե հետագայում ինչ պետք է անեն: Հենց որ հասան ձմեռանոց, առաջին իսկ օրը Պրոխորը հարցրեց.

— Մերոնք Կուբանում կպահեն՞ ուղղամահատը, թե՞ կանցնեն Կովկաս. ի՞նչ ես կարծում:

— Չգիտեմ: Քեզ համար միևնույն չէ՞:

— Ա՛յ քեզ բան. ո՞նց կարող է ինձ համար միևնույն լինել: Այսպես մեզ կբռնեն անօրենների երկրները, թուրքի կողմերը թե ինչ, ու հետո այնտեղ վա՛յ տանք գլխներիս, հա՞:

— Ես քեզ համար Գենիկին չեմ, և դու ինձ մի հարցնի, թե ուր կբռնեն մեզ,— դժգոհությամբ պատասխանեց Գրիգորին:

— Ես նրա համար եմ հարցնում, որ լսել եմ, թե Կուբան գետի վրա էլի պիտի սկսեն պաշտպանվել, իսկ գարնանը կցրվեն իրենց տները:

— Այդ ովքե՞ր պիտի պաշտպանվեն,— քննադատաբար տվեց Գրիգորին:

— Դե, կազակներն ու կաղետները, էլ ո՞վքեր:

— Հիմար բաներ ես ասում: Խեղճ ո՞րտեղ է, շե՞ս տեսնում, թե շուրջը ինչ է կատարվում: Բոլորն էլ աշխատում են շուտ փախչել, էլ ո՞վ պիտի պաշտպանվի:

— է-է՛, աղբեր, ես ինքս եմ տեսնում, որ մեր բանը բուրդ է, ամառ ոնց որ թե հավատալս չի գալի... Հոգոց հանեց Պրոխորը:— Իսկ եթե հարկավոր լինի օտար երկրներ գնալ կամ խեցգետնի պես հետույքի կողմը լող տալ, դու ի՞նչ կանես, կերթա՞ս:

— Իսկ դո՞ւ:

— Իմ գործն այսպես է՝ որտեղ դու, այնտեղ էլ ես: Թե որ ժողովուրդը գնա, մենակ ես հո չպիտի՞ մնամ:

— Ես էլ եմ այդպես մտածում: Քանի որ մենք ոչխարների դրության մեջ ենք ընկել, ուրեմն պետք է ղոչերի ետևից գնանք...

— Նրանք, ղոչերը, մեկ էլ տեսար ախամխություն արեցին, գրողի ծոցը քշեցին... Չէ՛, դու այդ հանաք-մանաքը թող, կարգին բան ասա:

— Չեո քաշի, աղբեր: Հետո կերևա, թե ինչ կլինի: Կարիք չկա առաջուց գուշակություններ անել:

— Դրուստ ես ասում: Ես քեզ էլ ոչինչ չեմ հարցնի,— համաձայնվեց Պրոխորը:

Բայց մյուս օրը, երբ գնացին ձիերը վերցնելու, նորից անդրադարձավ առաջվա խոսակցության:

— Կանաչների մասին լսե՞լ ես,— զգուշությամբ հարցրեց նա, ձևացնելով, որ իբր թե դիտում է եռատամ եղանի կոթը:

— Լսել եմ, հետո ի՞նչ:

— Ի՞նչ մարդիկ են այդ կանաչները: Ո՞ւմ կողմն են:

— Կարմիրների կողմը:

— Բա ինչի՞ են կանաչ անվանվում:

— Սատանեն գիտի, անտառներում են թաքնվում, երևի դրանից է առաջացել այդ անունը:

— Կարելի է ես ու դու է՞լ կանաչ ենք, ճը՞,— երկար մտածելուց հետո անհամարձակ առաջարկեց Պրոխորը:

— Չէ, չէի ուզենա:

— Իսկ կանաչներից չոկ չկա՞ն այնպիսիները, որոնց շնորհիվ շուտ գնանք տուն: Ինձ համար մեկ է՝ կանաչներ լինեն թե կապույտներ, կամ թե ձվի դեղնուցի պես գեղիններ, ես ուրախ սրտով ուզածդ գույնը կստանամ, մենակ թե այդ մարդիկ հակառակ լինեն պատերազմին ու տուն թողնեն գինվորներին...

— Համբերի, կարելի է այդ տեսակներն էլ մեջտեղ գան,— խորհուրդ տվեց Գրիգորին:

Հունվարի վերջին, մառախլապատ և տաք կեսօրին Գրիգորին ու Պրոխորը ժամանեցին Բելաչա Գլինա ավանը: Ավանում մի տասնհինգ հազար փախստական էր հավաքվել, դրանց մոտ կեսը հիվանդ էր բժավոր տիֆով: Բնակարաններ և ձիերի կեր փնտրելու համար փողոցներում շքրջում էին կազակները՝ անզլիական կարճ շինելներով, կիսամուշտակներով, բեշմետներով ձիավորներ ու սահնակներ էին երթնեկում: Տասնյակ հյուժված ձիեր էին կանգնել բակերում, մսուրների մոտ, ու ծուլորեն ծղնոտ էին ծամում. փողոցներում, նրբանցքներում երևում էին լքած սահնակներ, գումակային սալակներ, լցարկղներ: Մի փողոցով անցնելիս Պրոխորը հայացքով զննեց ցանկապատին կապած բարձրամարմին ու շիկակարմիր մի ձի, ասաց.

— Սա խնամի Անդրյուշկայի ձին է, ուրեմն մեր խուտորցիները այստեղ են:— Ու ճարպկությամբ թռավ ձիուց, գնաց տուն՝ լուր իմանալու:

Մի քանի րոպեից հետո, շինելը ուտերին դցած, տանից դուրս եկավ Անդրեյ Տուպուկովը,— Պրոխորի խնամին ու հարևանը: Պրոխորի ուղեկցությամբ նա ծանր ու մեծ մոտեցավ սահնակին, ձիու քրտնքի հոտ արձակող սև ձեռքը մեկնեց Գրիգորիին:

— Մեր խուտորի գումակի հե՞տ ես գնում,— հարցրեց Գրիգորին:

— Միասին ենք շարշարանք քաշում, էլի՛:

— Ո՞նց էլիբ դուրս:

— Փորձանքն անպակաս է... Ամեն անգամ գիշերելու տեղերում մարդիկ ու ձիեր ենք թողնում...

— Հերս ողջ-առո՞ղջ է:

Գրիգորիի կողքից ինչ-որ մի կողմ նայելով, Տուպուկովը հոգոց հանեց:

— Վատ է. Գրիգորի Պանտելիչ, վատ է բանը... Ողորմի ասա հորդ, երեկ իրիկուն հոգին տվեց աստծուն, վախճանվեց...

— Թաղեցի՞ք,— գունատվելով հարցրեց Գրիգորին:

— Չեմ կարող ասել, այսօր այնտեղ չեմ եղել: Գնանք, ես ցույց կտամ բնակարանը... Անցնենք աջ կողմով, խնամի, աջ կողմի անկյունից շորրորդ տունն է:

Մոտեցան ընդարձակ, թիթեղածածկ մի տան: Պրոխորը ցանկապատի մոտ կանգնեցրեց սահնակը, բայց Տուպուկովը խորհուրդ տվեց մտնել բակը:

— Այստեղ էլ նեղվածք է, մի քսան մարդ կա, բայց մի կերպ կտեղավորվեք,— ասաց նա և իջավ սահնակից, որ բաց անի դարպասը:

Գրիգորին առաջինը մտավ տաք վառած սենյակը: Հաստակի վրա իրար գլխի հավաքվել, պառկել ու նստել էին ծանոթ խուտորցիները: Ումանք ոտնամաններ ու լծասարք էին նորոգում, երեք հոգի, որոնց թվում նաև Պանտելեյ Պրակոֆևիչի հետ մի սահնակով եկած Բեսիլբենովը, սեղան էին նստել և ապուր էին ուտում, տեսնելով Գրիգորիին, կազակները վեր կացան, միասին պատասխանեցին նրա կարճ բարևին:

— Ո՞րտեղ է հերս,— հարցրեց Գրիգորին՝ հանելով փավախը, դիտելով սենյակը:

— Փորձանք պատահեց մեզ մոտ... Պանտելեյ Պրակոֆևիչը արդեն ննչեցյալ է,— կամացուկ պատասխանեց Բեսիլբենովը ու, չեքմենի թևքով բերանը սրբելով, վար դրեց գոլալը, խաչակնքեց:— Երեկ իրիկուն վախճանվեց, հոգին լույս դառնա:

— Գիտեմ: Թաղեցի՞ք:

— Հլա չէ: Մենք պատրաստվում էինք այսօր նրան թաղելու, իսկ հիմի այստեղ է նա, տարել ենք ցուրտ օթախը:

Յկ այստեղ:— Բեսխլբենովը բաց արեց հարևան սենյակի դուռը, ասես ներողութուն խնդրելով՝ ասաց.— կազակները շուվեցին մեռելի հետ գիշերել մի սենյակում, ծանր հոտ է գալի, նրա համար այստեղ հարմար է... Տանտերերը շեն տաքացնում:

Ընդարձակ օթախում կանեփի սերմի, մկների թունդ հոտ էր գալիս: Օթախի մի ամբողջ անկյունը լցված էր կորեկով, կանեփով. նստարանի վրա ալյուրով ու յուղով լիքը տակառներ էին դրված: Սենյակի մեջտեղում, կարպետի վրա պռակած էր Պանտելեյ Պրակոֆևիչը: Գրիգորին Բեսխլբենովից առաջ անցավ, մտավ օթախը, կանգնեց հոր կողքին:

— Երկու շաբաթ հիվանդ էր,— ցածր ձայնով ասաց Բեսխլբենովը:— Դեռ Մեչետկայի մոտերքում տիֆը զոռեց: Ա՛յ թե որտեղ էր մահ վիճակվել հայրիկիդ... է-է-հե՛, այսպես է մեր կյանքը, էլի՛.....

Գրիգորին դեպի առաջ թեքված, նայում էր հորը: Հիվանդութունը փոխել էր նրան հարազատ դիմագծերը, դրանք դարձրել մի տեսակ անծանոթ, օտարոտի: Պանտելեյ Պրակոֆևիչի դալուկ, նիհարած այտերը ծածկվել էին ճերմակած մորուքով, բեղերը ցածր կախվել ներս ընկած բերանի վրա, աչքերը կիսափակ էին և դրանց սպիտակուցների կապտավուն էմալը արդեն կորցրել էր կայծկլտող աշխուժությունը և փայլը: Մերունու կախ ընկած ստորին ծնոտը կապված էր կարմիր շորով, ու կարմիր գործվածքի ֆոնի վրա մորուքի ճերմակ, գանգրավուն մազերը է՛լ ավելի ճերմակ, արծաթափայլ էին թվում:

Գրիգորին ծունկ չոքեց, որպեսզի վերջին անգամ ուշադրությամբ դիտեր և հիշողության մեջ տպավորեր հարազատ դեմքը, և ակամա ցնցվեց վախից ու նողկանքից. Պանտելեյ Պրակոֆևիչի գորշ, մոմազույն դեմքի վրա օջիւններ էին սողում, դրանցով լիքն էին ակնախոռոչները, այտերի խորշմաները: Նրանք կենդանի, շարժուն ծածկոցով էին պատել մեռելի դեմքը, զեռում էին մորուքում, վխտում հոնքերի մեջ, գորշ շերտով պատել էին թուխ-կապույտ շեքմանի կանգուն օձիքը:

Գրիգորին ու երկու կաղակ քլունդներով գերեզման փորեցին սառած, թուջի պես պինդ կավահողում, Պրոխորը տախտակների կտորտանքներից մի կերպ դադաղ շինեց: Իրիկնադմիին տարան Պանտելեյ Պրակոֆևիչին և թաղեցին ստավրոպոլյան օտար հողում: Իսկ մի ժամից հետո, երբ ավանում արդեն վառվեցին լույսերը, Գրիգորին Բելայա Գլինայից մեկնեց նովո-Պոկրովսկի ուղղությամբ:

Կորենովսկայա ստանիցայում նա իրեն վատ զգաց: Պրոխորը օրվա կեսի շափ ժամանակ կորցրեց բժիշկ փընտրելու վրա, վերջը գտավ մի ինչ-որ կիսահարբած զինվորական բժիշկ, դժվարությամբ համոզեց նրան, բերեց բնակարանը: Բժիշկը առանց շինելը հանելու զննեց Գրիգորին, շոշափեց զարկերակը, լիահավատ հայտարարեց.

— Անդրադարձ տիֆ է: Խորհուրդ եմ տալիս ձեզ, պարոն հարյուրապետ, դադարեցնել ճանապարհորդությունը, այլապես ճանապարհին կմեռնեք:

— Կարմիրներին սպասեմ,— ծուռ ժպտաց Գրիգորին:

— Դե, կարմիրները հավանաբար դեռ հեռու են:

— Կմոտենան...

— Ես դրանում չեմ կասկածում: Բայց ձեզ համար ավելի լավ է մնալ: Ես կգերազասի երկու շարիքներից ընտրել այդ՝ փոքրագույնը:

— Ոչ, ես մի կերպ կգնամ,— վճռականապես ասաց Գրիգորին ու սկսեց հագնել վերնաշապիկը:— Դուք ինձ դեղեր չե՞ք տա:

— Գնացեք, ձեր գործն է: Ես պարտավոր էի ձեզ խորհուրդ տալ, իսկ այնուհետև ինչպես որ կամենաք: Ինչ վերաբերում է դեղերին, ապա դրանցից լավագույնը հանգիստն ու խնամքն է. կարող էի դեղատոմս գրել ձեզ համար, բայց դեղատոմսը էվակուացված է, իսկ ինձ մոտ ոչինչ չկա բացի քլորոֆորմից, յոդից և սպիրտից:

— Գոնե սպիրտ տվեք:

— Ուրախությամբ: Միևնույն է, ճանապարհին դուք կմեռնեք, դրա համար էլ սպիրտը ոչ մի օգուտ չի տա: Թող ձեր սպասյակը գա ինձ հետ, մի հազար գրամ բաց կթողնեմ ձեզ համար, ես բարի մարդ եմ...— Բժիշկը ձեռքը քուն-

քին տանելով հրաժեշտ տվեց, անհաստատ քայլերով դուրս ելավ:

Պրոխորը բերեց սպիրտը, որտեղից-որտեղ մի խարխուլ, երկձի սալ ճարեց, լծեց ձիերը, ու մտնելով սենյակ, մռայլ հեղանքով ղեկուցեց.

— Կառքը պատրաստ է, ձերը բարեծննդովս:

Ու վերստին ձգվեցին ծանր, տխուր օրերը:

Հարավային աճապարող զարունը նախալեռներից դեպի Կուրան էր գալիս: Հարթավայրերի տափաստաններում ամենուրեք հալչում էր ձյունը, մերկանում էին սևահողով փայլող հալուտները, արծաթե ձայներով կարկաշում էին դարնանային վտակները, ճանապարհը խայտաբղետ տեսք էր ընդունել, և արդեն զարնանային փայլ էին առել հեռավոր, կապույտ հեռուները, և Կուբանի ընդարձակ երկինքը է՛լ ավելի էր խորացել, կապուտկել, ջերմացել:

Երկու օրից հետո արևի դեմ բացվեց աշնանացան ցորենը, վարած արտերի վրայով սահում էր սպիրտակ մշուշը: Ձիերն արդեն ոտներով ճլմփացնում էին ձյունից մերկացած ճանապարհի ցեխը, նրանց ոտները կոճիկներից վեր թաղվում էին ցեխի մեջ, նրանք խրվում էին ձորակներում, լարվածությունից ծռում մեջքերը, քրտնքի գոլորշի արձակում: Պրոխորը ձիատիրոջ հոգատարությամբ կապել էր նրանց պոչերը, հաճախ իջնում էր սալից, քայլում դրա կողքից, ոտները դժվարությամբ դուրս քաշում ցեխից, մոթմոթում.

— Սա ոչ թե ցեխ է, այլ կպշուն կուպր, աստված վկա: Ձիերը չեն շորանում մի տեղից մինչև մի ուրիշ տեղ հասնելը:

Գրիգորին քուրքով փաթաթված պառկել էր սալի վրա, լռում էր: Բայց Պրոխորը ճանձրանում էր առանց խոսակցության ճանապարհ գնալուց. նա շոշափում էր Գրիգորիի ոտները կամ թևը, ասում.

— Ա՛յ քեզ պինդ ցեխ: Իջիր, փորձիր: Ձեռ քաշիր հիվանդությունից, է՛:

— Կորի գնա, — հազիվ լսելի շշնշում էր Գրիգորին:

Որևէ մեկին հանդիպելիս Պրոխորը հարցնում էր.

— Այստեղից դենը ցեխն ավելի շա՞տ է, թե՞ այսպես է: Նրան կատակով էին պատասխանում և ծիծաղում,

Պրոխորն էլ գոհ լինելով, որ մի խոսք է փոխանակել կենդանի մարդու հետ, միառժամանակ լուռ էր լինում, հաճախակի կանգնեցնում ձիերը, սրբում զարչնադուլն ճակատի առատ, կաթիլ-կաթիլ քրտինքը: Նրանց ետևից ձիավորներ էին հասնում, ու Պրոխորը այլևս չկարողանալով լռել. կանգնեցնում էր նրանց, բարևում, հարցնում, թե ուր են գնում և որտեղացի են, վերջն էլ ասում էր.

— Զուր եք գնում: Այնտեղ գնալ անհնարին է: Ինչո՞ւ: Որովհետև այնտեղ, հանդիպող մարդկանց ասելով, այնպիսի ցեխ է, որ ձիերը թաղվում են մինչև փորերը, սալերի անիվները չեն պտտվում, իսկ ոտով գնացողները, եթե ցածրահասակ են, հենց ճանապարհին ընկնում են ու սկում ցեխի մեջ: Թե սուտ եմ ասում, աչքերս քոռանան: Մենք ինչի ենք գնո՞ւմ: Ուրիշ կերպ չենք կարող, ես հիվանդ եպիսկոպոս եմ տանում, նա ոչ մի կերպ չի կարող կարմիրների հետ մեկտեղ ապրել:

Ձիավորների մեծամասնությունը առանց բարկության հայհոյելով Պրոխորին, շարունակում էր ճանապարհը, ումանք էլ նախքան հեռանալը ուշադրությամբ նայում էին նրան, ասում.

— Գոնից հիմարներն է՞լ են նահանջում: Ձեր ստանիցայում բոլորը քեզ պե՞ս են, հը՞:

Ուրիշ այսպիսի դեպքեր էին լինում, — ոչ պակաս վերավորական: Միայն մի կուբանցի, որը ետ էր մնացել կազակների խմբից, լրջորեն բարկացավ Պրոխորի վրա, որովհետև վերջինս նրան կանգնեցրել ու զբաղեցրել էր հիմար խոսակցությամբ, և ուզեց մտրակով ճակատն ի վար դադել նրան, բայց Պրոխորը զարմանալի ճարպկությամբ թռավ սալի վրա, կարպետի տակից հանեց կարաբինը, դրեց ծնկներին: Կուբանցին մայր հայհոյելով հեռացավ, իսկ Պրոխորը ամբողջ կոկորդով մեկ քրքջալով, գոռաց նրա ետևից.

— Ցարիցինի մոտերքո՞ւմն է, որ սիմֆեդրի արտի մեջ թաքնվես, հա՞: Ուրիշի ծամածը լափող: է՛յ, ետ դառ, վախլուկ քոսոտի մեկը: Վրա էիր քշում, հա՞-ա: Շալվարդ վեր քշտի, մեկ է, ցեխի մեջ լող ես տալու: Ո՞նց է թռչում, ծրուտո՞ւտ: Վախլու՞կ կնիկ: Ափսոսում եմ փամփուշտը, թե չէ կքնացնեի քեզ: է՛յ, վար գցի մտրակը, լսո՞ւմ ես:

Չանձրույթից, անգործութունից գծվելով, Պրոխորը  
զվարճանում էր ինչով որ կարող էր:

Իսկ Գրիգորին հիվանդութունը սկսվելու օրից կարծես  
երազի մեջ լիներ: Ժամանակ առ ժամանակ կորցնում էր  
գիտակցութունը, հետո նորից ուշքի էր գալիս: Մի անգամ,  
երբ նա սթափվեց երկարատև մոռացումից, Պրոխորը թեք-  
վեց նրա վրա:

— Դու հլա սա՞ղ ես,— հարցրեց նա՝ կարեկցաբար  
նայելով Գրիգորիի պղտորված աչքերին:

Նրանց վերևում շողում էր արևը: Մերթ խմբվելով, մերթ  
ցրիվ գալով ու բեկուն, թավշյա-սև գիծ կաղմելով, երկնքի  
թանձր կապույտում կոնչալով թռչում էին ծովասագերի  
երամները: Տաքացած հողը, մատղաշ կանաչները թմրեցու-  
ցիչ բույրեր էին տարածում: Գրիգորին արագ շնչելով, ագա-  
հույթյամբ ծծում էր դարնանային կենարար օդը: Նա դժվա-  
րությամբ էր լսում Պրոխորի ձայնը, ու նրա համար շուրջը  
ամեն ինչ մի տեսակ անիրական էր, անհավանականորեն  
նվազած, հեռավոր: Ետևում, հեռու-հեռվից խուլ որոտում  
էին թնդանոթային կրակոցները: Մոտիկ տեղում ներդաշ-  
նակ ու շափածո թխկթխկում էին երկաթե սոնի ու անիվներ  
ունեցող սայլերը, փնչում ու վրնչում էին ձիերը, մարդկա-  
յին ձայներ էին հնչում. թխած հացի, խոտի, ձիու քրտնքի  
թունդ հոտ էր գալիս: Այս ամենը կարծես մի այլ աշխար-  
հից էր հասնում Գրիգորիի մթազնած գիտակցությանը: Լա-  
րելով ամբողջ կամքը, նա ունկնդրեց Պրոխորի ձայնին, մե-  
ծագույն ճիգ անելով հասկացավ, որ Պրոխորը իրեն հարց-  
նում է.

— Կաթ կխմե՞ս:

Գրիգորին հազիվ շարժելով լեզուն, լպստեց շորացած  
շրթունքները, զգաց, թե ինչպես իր բերանն է լցվում թանձր,  
պաղ հեղուկը, որի քաղցրավուն համը ծանոթ էր նրան: Մի  
քանի կում խոփուց հետո նա ատամներն իրար սեղմեց:  
Պրոխորը փակեց ջրասրվակի բուկը, կրկին թեքվեց Գրիգո-  
րիի վրա, ու վերջինս Պրոխորի հողմահար շրթունքների շար-  
ժումներից ալվի շուտ կռահեց, քան թե լսեց իրեն ուղղված  
հարցը.

— Գուցե քեզ թողնե՞մ ստանիցայում: Ծամփեն դժվա՞ր  
է քեզ համար:

Գրիգորիի դեմքը տանջանք և անհանգստություն արտա-  
հայտեց. նա մի անգամ էլ ի մի հավաքեց կամքը, շնչաց-  
— Տար... մինչև որ մեռնեմ...

Նա Պրոխորի դեմքից կռահեց, որ Պրոխորը լսել է իր  
սոսածը, ու հանգստացած գոցեց աչքերը՝ ուշադնացութունը  
ընդունելով որպես թեթևացում, սուզվելով մոռացության  
թանձր խավարի մեջ, հեռանալով այդ ամբողջ ճղճղան,  
աղմկոտ աշխարհից...

## XXVIII

Ամբողջ ճանապարհին, մինչև Աբինսկայա ստանիցան  
հասնելը, Գրիգորիի հիշողության մեջ մնաց լուկ մի բան.  
անթափանց, մթին գիշերով նա արթնացավ խիստ, մինչև  
ոսկորները թափանցող ցրտից: Ծանապարհով մի քանի շար-  
քերով սայլեր էին ընթանում: Դատելով ձայներից, անիվնե-  
րի խուլ, անլուելի աղմուկից, գոսակը հսկայական էր: Այն  
սայլը, որով գնում էր Գրիգորին, գտնվում էր այդ գոսակի  
մեջտեղում: Ձիերը քայլքով էին ընթանում: Պրոխորը ճբա-  
ճբայացնում էր շրթունքները, մրսած, խուպոտ ձայնով եր-  
բեմնակի բղավում՝ «Գե՛, բարեկամներս»,— ու թափահարում  
էր մտրակը: Գրիգորին լսում էր կաշվե մտրակի բարակ  
սվսվոցը, զգում էր, թե ինչպես շրխկացնելով քաշանները  
սայլին միացնող ձողերը, ձիերը ավելի ուժեղ թափով էին  
քաշում սայլը, որը ընթանում էր արագ, երբեմն առեղի  
ծայրը ճբալով դիպչում էր առջևի սայլի ետին մասին:

Գրիգորին քուրքի փեշը դժվարությամբ քաշեց իր վրա,  
պառկեց մեջքին: Սև երկնքում քամին դեպի հարավ էր քշում  
անընդմեջ, քուլա-քուլա ամպերը: Դրանց նեղլիկ արանքից  
դեղին կայծի նման երբեմնակի վայրկենապես առկայծում էր  
մենավոր մի աստղ, ու վերստին անթափանց խավարը պա-  
րուրում էր տափաստանը, քամին մեղամաղձիկ սվսվացնում  
էր հեռագրալարերը, գետնքի վրա նոսր, ուլունքի պես ման-  
րիկ անձրև էր թափվում:

Ծանապարհի աչ կողմից վրա հասավ հեծեկազորի եր-

թական մի շարասյուն: Գրիգորին լսեց կաղակական քիպ հարմարեցված հանդերձանքի վաղուց ծանոթ, ներդաշնակ, ուրիշակ վրնգոցը, բազմաթիվ սմբակների խուլ և նույնպես ներդաշնակ ճւմփոցը ցեխի մեջ: Անցավ ոչ ավելի քան երկու հարյուրյակ, իսկ դոփշունը դեռ լսվում էր. ճանապարհի կողքից հավանորեն մի գունդ էր գնում: Եվ հանկարծ առջևում, լռին տափաստանով մեկ թուշունի պես թուավ երգ սկսողի առնական, կոշտ ձայնը.

Նե՛յ, լսեցեք, եղբայրներ, կամիշինկա գետի մոտ,  
Սարատովի տափերում լայնատարած, պանծալի...

Ու հարյուրավոր ձայներ հուժկու թափով շարունակեցին հնամյա կաղակական երգը, ու բոլորից բարձր հնչեց ձայնակցողի տենորը, որ զարմանալի ուժ և գեղեցկութուն ուներ: Մածկիլով հանդարտվող բասերը, մթության մեջ դեռ մղմղում էր զրնգուն, սրտագրավ տենորը, ու երկր սկսողը դարձյալ վրա էր բերում.

Ապրում էին կազակներ, ազատ մարդիկ, բոլորն էլ—  
Դոնից էին, Ցախցից, Գրեբենսկու կողմերից...

Գրիգորիի սրտում ասես մի ինչ-որ թել կտրվեց... Հանկարծակի վրա հասած հեկեկանքը ցնցեց նրա մարմինը, ջղակծկումը բռնեց նրա կոկորդը: Կուլ տալով արցունքները, նա ազահոթյամբ սպասում էր, թե երգը երբ կշարունակի այն սկսողը, ու նրա հետ միասին անձայն շնչում էր պատանեկական տարիներից ծանոթ խոսքերը.

Ատամանը Երմակն էր, Տիմոֆեյի զավակը,  
Յասավուլը—Աստաշկան, Լավրենտիչի զավակը...

Նենց որ հնչեց երգը, միանգամից լռեցին սայլերի վրա խոսող կաղակների ձայները, ոչ ոք չէր արագացնում ձիերի ընթացքը, և հաղարավոր սայլերով գումակը շարժվում էր խորին, լարված լուռությամբ. միայն անիվների դողդուցն և ցեխը հունցող սմբակների շփվոցն էր լսվում այն բուպեներին, երբ երգ սկսողը պարզ առողանությամբ վրա էր բերում սկզբի բառերը: Միայն հին, դարեր ապրած երգն էր ապրում ու իշխում սև տափաստանում: Այդ երգը պարզ, անպաճույճ խոսքերով պատմում էր կաղակական ազատ

նախնիների մասին, որոնք մի ժամանակ անվեհերությամբ ջարդում էին ցարական զորքը. զողային թևթև նավակներով շրջում Գոնի ու Վոլգայի վրայով, թաքանում ցարական արժվանիչ նավերը, «շոշափում» վաճառուկաններին, բոյարներին ու շորավարներին, նվաճում հեռավոր Սիբիրը... Ու մոռալ լուռություն պահպանելով, հզոր երգն էին լսում ազատ կաղակների հետնորդները, որոնք նահանջում էին խայտառակ կերպով, ջարդված էին ուս ժողովրդի դեմ մղված անփառունակ պատերազմում...

Գունդն անցավ: Երգիչները գումակից առաջ անցնելով, հետզհետե հեռացան: Բայց գումակը դեռ երկար ընթանում էր կախարդված լուռության մեջ, ու սայլերի վրա ոչ ոք չէր խոսում, չէր բղավում հոգնած ձիերի վրա: Իսկ մթության մեջ, հեռվում ծորում, տարածվում էր վարարած Գոնի պես հորդուն երգը.

Ու բոլորն էլ շարունակ մի բան էին մտածում,—  
Ահա արգեն անցնում է ամառը տաք ու պայծառ,  
Շուտով ձմեռն է գալու. ցուրտ ձմեռը. եղբայրներ,  
Ու մենք ո՞րտեղ եղբայրներ և ո՞նց պիտի մնանք.  
Թե որ Ցախի գետնը մենք,— հանապարհ երկար է,  
Թե որ Վոլգա գետնը մենք,— գողի համբավ կունենանք.  
Թե որ Կապան գետնը մենք,— աշտեղ ցարն է պինդ նստել,—  
Ահեղ ցարն է այն կողմում,— Վասիլիչ Իվանը...

Երգիչների ձայնն արգեն չէր լսվում, իսկ ձայնակցողի ձայնը զրնգում էր, ընդմիջվում ու նորից հնչում: Բոլորն էլ նույն լարված ու մոռալ լուռությամբ լսում էին նրան:

...Գրիգորին, ինչպես երազ, հիշում էր նաև հետևյալը. նա արթնացավ մի տաք սենյակում, առանց աչքերը բաց անհլու ամբողջ մարմնով զգաց անկողնի մաքուր սպիտակեղենի դուրեկան թարմությունը, ինչ-որ դեղերի տոտիպ հոտը խփեց նրա քթածակերին: Մի պահ նա կարծեց, թե գտնվում է հիվանդանոցում, բայց հարևան սենյակից լսվեց տղամարդու փառ-փառ ծիծաղ, ամանեղենի զրնգոց, հարբած մարդկանց ձայներ հնչեցին: Մեկը ծանոթ, բամբ ձայնով ասաց.  
— ...Ի-ի՛հ, խելքի պուտուկ: Հարկավոր էր իմանալ, թե որտեղ է մեր զորամասը, մենք կօգնեինք: Եմի՛ր, էլի՛, ինչի՞ ես քիթդ կախել:



Պրոխորը, որ հարբած էր, լացակումած ձայնով ասավ.

— Տեր աստված, ախր ես ո՞րտեղից գիտեմնայի Կարծում եք ինձ համար հե՞շտ էր նրան խնամելը, ես նրան ծամած բաներով էի կերակրում, ոնց որ պատիկ երեխին. կաթ էի խմեցնում, Քրիստոսը վկա: Հացը ծամում էի ու խոթում բերանը: Թրիս ծերով էի ատամները բաց անում... Մի անգամ էլ սկսեցի կաթ լցնել բերանը, իսկ նա խեղդվեց և քիչ մնաց մեռնեմ... Բա հե՞շտ բան է սա, հը՞:

— Երեկ լողացրե՞լ ես նրան:

— Թե լողացրել եմ և թե մեքենայով մազերը խուզել, ամբողջ փողս էլ ծախսել եմ կաթի վրա... Դե, հո չե՞մ ափսոսում, ջհաննամը: Ամա ախր ո՞նց կարելի էր ուտելիքը ծամել ու ծամածով կերակրել նրան: Կարծում ես դա հե՞շտ բան է: Չասես թե հեշտ է, թե չէ ես քեզ կխփեմ, մտիկ էլ չեմ անի աստիճանիդ:

Պրոխորը, խարլամպի Երմակովը, կարակուլե մոխրագույն փափախը ծոծրակին քշած և ճակղեղի պես կարմիր Պետրո Բոգատիրյովը, Պլատոն Ռյաբչիկովը և էլի երկու անծանոթ կազակ ներս մտան Գրիգորիի մոտ:

— Գրիգորին նայու-ու-ում է-է,— լեղապատառ բղավեց Երմակովը՝ երեբաքայլ ու հապճեպ մոտենալով Գրիգորիին: Աշխույժ ու ուրախ Պլատոն Ռյաբչիկովը թափահարելով շիշը ու լալով գոռաց.

— Գրիշա, հարազատս, հիշիր, թե Չիրի մոտերքում ոնց էինք քեֆ անում: Բա ո՞նց էինք կռվում: Ո՞րտեղ մնաց մեր քաջությունը: Ո՞նց են վարվում գեներալները մեզ հետ և ի՞նչ արեցին մեր բանակը: Գրողի ծոցը զնան նրանք: Է՛, լավացել ես: Ա՛ո, խմի, միանգամից կառողջանաս: Սա մաքուր սպիրտ է:

— Հաղիվ գտանք քեզ, հա՛-ա,— ուրախացած բացականչեց Երմակովը՝ փայլեցնելով սև, ժպտուն աչքերը: Նա Փանր նստեց Գրիգորիի մահճակալին, որ իջավ նրա ծանրությունից:

— Մենք ո՞րտեղ ենք,— հազիվ լսելի հարցրեց Գրիգորին՝ դժվարությամբ դիտելով շրջապատը, նայելով կազակների ծանոթ դեմքերին:

— Եկատերինոգարն ենք գրավել: Շուտով ավելի հեռու կձղենք: Խմի՛, Գրիգորի Պանտելևիչ, հոգիդ սիրեմ: Վերկաց, ի սեր աստծու, ես չեմ կարող քեզ պառկած տեսնել:— Ռյաբչիկովը ընկավ Գրիգորիի ոտներին, բայց Բոգատիրյովը, որ լուռ ժպտում էր ու տեսքով բոլորից ավելի զգաստ էր, բռնեց նրա գոտուց, առանց դժվարության բարձրացրեց նրան, խնամքով դրեց հատակին:

— Վերցրու շիշը դրա ձեռքից, կթափվի,— վախեցած բացականչեց Երմակովը ու լայն, հարբած ժպտալով, դիմեց Գրիգորիին.— գիտե՞ս ինչու ենք քեֆ անում: Անբավականությունից ասեմ թե նրանից, որ օտար տեղում մեր կազակների ձեռքը բան ընկավ... Գինու մի պահեստ թալանեցին, որ կարմիրների ձեռքը չընկնի... Ի՛նչ էր կատարվում այնտեղ, օ-օ՛-օ... Այդ տեսակ բան մարդ երազումն էլ չի տեսնի: Սկսեցին հրացաններից կրակել ցիստեռնի վրա. ծակում են, ու դրա միջից շիթ-շիթ թափվում է սպիրտը: Ամբողջ ցիստեռնը ծակծկեցին ու մոտ վազեցին, մեկը փափախով է սպիրտը վերցնում, մյուսը դուլլով, ոմանք ջրամանով, ոմանք էլ ուղղակի բռով են վերցնում, տեղնուտեղը խմում... Թրատեցին երկու կամավոր, որոնք պահպանում էին պահեստը, դե, ձեռք գցեցին այն, ու սկսվեց ուրախությունը: Մի կազակ աչքիս առաջ ելավ ցիստեռնի վրա, ուղեց հենց դուլլով սպիրտ հանել դրա միջից, ընկավ ցիստեռնի մեջ ու խեղդվեց: Հատակը ցեմենտից էր, այնքան սպիրտ թափվեց, որ մինչև ծունկը կհասներ, ման են գալի դրա մեջ, կոանում, խմում, ոնց որ թե ձիերը ջուր խմեն գետից, խմում են ոտների տակից ու հենց այնտեղ էլ պառկոտում... Համ ծիծաղ, համ մեղք: Շատերը խմում են տրաքվելու շափ: Այնտեղ մենք էլ խերվեցինք: Մեզ շատ բան հարկավոր չէր, վերցրինք հինգ դուլլանոց մի փոքր տակառ, դե, հերիք է մեզ, էլի՛: Քեֆ արա, հոգիս: Մեկ է, կկորչի խաղաղ Դոնը: Քիչ մնաց այնտեղ խեղդվեք Պլատոնը: Գցեցին հատակի վրա, սկսեցին տրորել ոտներով, նա մի երկու անգամ սպիրտ կուլ տվեց ու հենց այն է, խեղդվելու էր: Ես նրան զոռով դուրս քաշեցի այնտեղից... Բոլորից էլ սպիրտի, սոխի, ծխախոտի թունդ հոտ էր դալիս: Գրիգորին սրտախառնուքի թեթև մոլուցք ու գլխա-

պտույտ զգաց, թույլ, բռնադեռուիկ ժպտալով՝ փակեց աչքերը:

Նա մի շարաթ պառկեց Եկատերինոզարում, Բոգատիրյովին ծանոթ մի բժշկի բնակարանում, կամաց-կամաց ապաքինվեց հիվանդութունից, հետո, ինչպես ասում էր Պրոխորը, «գնաց կազդուրվելու», և Աբիսսկայա ստանիցայում նահանջի ժամանակվա ընթացքում առաջին անգամ ձի նըստեց:

Նովորոսիյսկում էվակուացիա էր տեղի ունենում: Շոգե-նավերը Թուրքիա էին տանում Ռուսաստանի զոռբաներին, կալվածատերերին, գեներալներին և քաղաքական ազդեցիկ գործիչների ընտանիքները: Նավամատուցներում գիշեր-ցերեկ բեռնվում էին նավերը: Յունկերները աշխատում էին բեռնողների արտելներում, նավամբարները լցնում ռազմական գույքով, պայծառափայլ փախստականների ճամպուրակներով ու արկղերով:

Կամավորական բանակի զորամասերը, փախչելիս ղոնեցիներից ու կուբանցիներից առաջ անցնելով, առաջինը հասան Նովորոսիյսկ, սկսեցին նստել փոխադրանավերը: Կամավորական բանակի շտաբը կանխատեսությամբ փոխադրվեց նավահանգիստ ժամանած անգլիական «Հնդկաստանի կայսր» դրեդնոտի վրա: Կռիվները տեղի էին ունենում Տոննելնու մերձակայքում: Տասնյակ հազարավոր փախստականներ լրցվել էին քաղաքի փողոցները: Զորամասերը շարունակում էին ժամանել: Նավամատուցների մոտ աննկարագրելի հրմշտոց էր: Անտեր թողնված հազարավոր ձիերի երամակները թափառում էին Նովորոսիյսկի շրջակա լեռների կրաքարոտ լանջերում: Նավամատուցներին կից փողոցներում թափթփված էին կաղակական թամբեր, հանդերձանք, ղինվորական գույք: Այդ բոլորը այլևս ոչ ոքի պետք չէր: Քաղաքում լուրեր էին պտտվում, թե նավ է նստելու միայն կամավորական բանակը, իսկ ղոնեցիները և կուբանցիները երթակարգով կգնան Վրաստան:

Մարտի 25-ի առավոտյան Գրիգորին և Պլատոն Ռյաբչիկովը գնացին նավամատուց, իմանալու, թե արդյոք Գոնիերկորդ կորպուսի զորամասերը բեռնվո՞ւմ են նավերին, որովհետև նախորդ օրը կաղակների մեջ լուր էր տարածվել,

որ իբր թե գեներալ Դենիկինը հրաման է տվել Ղրիմ փոխադրել այն բոլոր ղոնեցիներին, որոնք պահպանել են զենքերն ու ձիերը:

Նավամատուցը լեփ-լեցուն էր Սալսկի օկրուգի կալմիկներով: Նրանք Մանիչից և Սալից ձիերի և ուղտերի երամակներ էին բերել, իրենց փայտե, բնակելի տնակները քարշ տվել մինչև ծով: Ամբոխի մեջ շնչելով ոչխարի ճարպի քաղցրավուն հոտը, Գրիգորին ու Ռյաբչիկովը մոտեցան նավամատուցի մոտ կանգնած մի մեծ փոխադրանավի կամրջակին: Մարկովի դիվիզիայի սպաներից բաղկացած մի ուժեղ պահակախումբ պահպանում էր կամրջակը: Գոնեցի հրետանավորները խմբվել էին այնտեղ, սպասելով բեռնման: Շոգենավի ետին մասում դրված էին թնդանոթներ, որոնք ծածկված էին պաշտպանական գույնի բրեզենտներով: Գծվարությամբ առաջ անցնելով, Գրիգորին կտրիճի տեսք ունեցող, սևաբեղ մի վախճիստրի հարցրեց.

— Սա ո՞ր մարտկոցն է, կազակ:

Վախճիստրը ծուռ նայեց Գրիգորիին, դժկամ պատասխանեց.

— Երեսունվեցերորդը:

— Կարգինսկո՞ւ:

— Ճիշտ այդպես:

— Ո՞վ է ղեկավարում բեռնումը:

— Հրե՛ն, կանգնած է բազրիքի մոտ, ինչ-որ գնդապետ է:

Ռյաբչիկովը բաշեց Գրիգորիի թևքից, ցասկոտ ասաց.

— Գնանք այստեղից, դրանց հերն էլ անիծած: Մի՞թե դրանցից կարգին բան կիմանաս: Երբ որ կովում էինք, հարկավոր էինք, իսկ հիմի մենք դրանց ինչի՞ն ենք պետք...

Վախճիստրը ժպտաց, աչքով արեց հերթի կանգնած հրետանավորներին.

— Ձեր բախտը բանեց, հրետանավորներ: Պարոնայք սպաներին էլ տեղ չեն տալի:

Գնդապետը, որ հսկում էր բեռնման վրա, արագաքայլ իջնում էր կամրջակից. նրա ետևից սայթաքելով, աճապարում էր ճաղատ մի շինովնիկ՝ կոճակներն արձակած թանկարժեք մուշտակով: Նա ծովարջի մորթու փափախը աղերսա-

գին սեղմում էր կրծքին, ինչ-որ բան էր ասում, ու նրա քրտնաքոտ դեմքը և կարճատես աչքերը այնպիսի պաղատանք էին արտահայտում, որ գնդապետը շղայնանում, դեմքը շուռ էր տալիս նրանից, կոպիտ բղավում էր.

— Ես արդեն մի անգամ ասացի ձեզ: Մի կպչեք, այլապես ես կհրամայեմ ափ իջեցնել ձեզ: Գժվե՞լ եք, ինչ է: Մենք ի՞նչպես կարող ենք վերցնել ձեր իրերը: Դուք կուրացե՞լ եք, ինչ է: Չե՞ք տեսնում ինչ է կատարվում: Է-է՛, համը տարաք, էլի: Խնդրեմ, գանգատվեցեք, թեկուզ հենց գենեբալ Դենիկինին: Ասացի, որ չեմ կարող, ուրեմն չեմ կարող, դուք հասկանո՞ւմ եք ուռաերեն:

Երբ նա խուսափելով պնդերես շինովնիկից, անցնում էր Գրիգորիի կողքից, վերջինս փակեց նրա ճանապարհը ու, ձեռքը տանելով գլխարկի հովարին, հուզվելով հարցրեց.

— Սպաները կարո՞ղ են հույս դնել նավ նստելու վրա:

— Այս նավը — ոչ: Տեղ չկա:

— Իսկ ո՞ր նավը կարելի է նստել:

— Իմացեք էվակուացման կայանում:

— Մենք եղանք այնտեղ, ոչ ոք ոչինչ չգիտե:

— Ես էլ չգիտեմ, թողեք անցնեմ.

— Բայց դուք հո բռնում եք երեսունվեցերորդ մարտկոցը: Ինչո՞ւ մեզ համար տեղ չկա:

— Ճանապարհ տվեք, ասում եմ ձեզ: Ես տեղեկատու բյուրո չեմ: Գնդապետը փորձեց թեթև հրել Գրիգորիին, բայց սա իր տեղում պինդ էր կանգնած: Աչքերում կապտավուն կայծեր էին բռնկվում ու մարում:

— Հիմա մենք ձեզ հարկավոր չենք, հա՞: Իսկ առաջ հարկավոր էինք: Ետ տարեք ձեռքդ, ինձ չեք կարող դեն հրել:

Գնդապետը հայացքը ուղղեց Գրիգորիի աչքերին, ետ նայեց. կամրջակի վրա կանգնած մարկովականները, հրացանները ձեռներին պահած, դժվարությամբ էին կանգնեցնում վրա տվող ամբոխին: Նայելով Գրիգորիի կողքից, գնդապետը հոգնածորեն հարցրեց.

— Դուք ո՞ր զորամասից եք:

— Ես Դոնի տասնիներորդ գնդից եմ, մնացածները՝ գանազան գնդերից:

— Հնդա՞մենը քանի՞ հոգի եք:

— Տասը հոգի:

— Չեմ կարող: Տեղ չկա:

Ռյաբչիկովը տեսավ, թե ինչպես ցնցվեցին Գրիգորիի ուռնագերը, երբ վերջինս ցածր ձայնով ասաց.

— Ի՞նչ ես դուրս տալիս, ի՞ժ, թիկունքի ոջիլ: Հենց հիմա տեղ տուր մեզ, թե չէ...

«Հիմի Գրիշան դրան կիսիի», — ցասկոտ բավականությամբ մտածեց Ռյաբչիկովը, բայց տեսնելով, որ երկու մարկովականներ ամբոխի մեջ հրացանների կոթերով ճանապարհ բաց անելով, շտապում են գնդապետին փրկելու, նախազգուշացուցիչ կերպով քաշեց Գրիգորիի թեքից.

— Գործ շունես դրա հետ, Պանտելիչ: Գնանք...

— Դուք ապուշ եք, դուք պատասխան կտաք ձեր վարքի համար, — ասավ սփրթնած գնդապետը ու, դիմելով վրա հասած մարկովականներին, ցույց տվեց Գրիգորիին.

— Պարոններ, սաստեցեք այս ընկնավորին: Պետք է այստեղ կարգ ու կանոն պահպանել: Ես շտապ գործ ունեմ պարետի մոտ, իսկ այստեղ հաճեցեք ամեն տեսակ սիրալիր խոսքեր լսել ամեն մեկից... — Ու հապճեպ անցավ Գրիգորիի կողքից:

Բարձրահասակ մի մարկովական, որ պորուչիկի ուսադիրներով էր, կապույտ բեկեշով և անգլիական ձեռով կանոնավոր կտրած բեղիկներով, — հուպ մոտեցավ Գրիգորիին:

— Ի՞նչ եք ուզում, ինչո՞ւ եք խանգարում կարգը:

— Տեղ եմ ուզում շոգինավում, այ թե ինչ:

— Ո՞րտեղ է ձեր զորամասը:

— Չգիտեմ:

— Չեր փաստաթո՞ղթը:

Երկրորդ մարկովականը, որ ուռուցիկ շրթունքներով, ակնոցավոր մի երիտասարդ էր, կոտրատվող, թավ ձայնով ասաց.

— Սրան պետք է պահակատուն տանել: Ժամանակ մի կորցնեք, վիսոցկի:

Պորուչիկը ուշադրությամբ կարդաց Գրիգորիի վկայականը, վերադարձրեց այն:

— Գտեք ձեր զորամասը: Խորհուրդ եմ տալիս այստեղից հեռանալ և շխանգարել բեռնմանը: Մենք հրաման ունենք ձերբակալել բոլորին,— անկախ նրանց կոչումից,— ովքեր անկարգապահություն են ցուցաբերում, խանգարում բեռնը ման:— Պորուչիկը պինդ սեղմեց շրթունքները, սպասեց մի քանի վայրկյան ու, ծուռ նայելով Ռյաբչիկովին, թեքվեց դեպի Գրիգորին, շնչաց.— կարող եմ ձեզ խորհուրդ տալ,— խոսեցեք երեսունվեցերորդ մարտկոցի հրամանատարի հետ, կանգնեցեք նրանց հերթում, և դուք շոգենալ կնստեք:

Ռյաբչիկովը լսեց պորուչիկի ասածը, ուրախացած ասավ.

— Գնա Կարգինի մոտ, իսկ ես արագ վազ կտամ տղերանց կանչելու: Քո իրերից, բացի մախաղից, էլ ի՞նչ վերցնեմ:

— Գնանք միասին,— անտարբեր ասաց Գրիգորին: Ճանապարհին նրանք հանդիպեցին մի ծանոթ կազակի, որ Սեմյոնովսկի խուտորից էր: Սա մի ահագին արաբայով թըխած հաց էր տանում նավակայան. հացը ծածկված էր բրնձեղենով: Ռյաբչիկովը ձայն տվեց կազակին.

— Ֆյոդոր, բարև: Հացն ո՞ւր ես տանում:

— Օ-օ-օ', Պլատոն, Գրիգորի Պանտելևիչ, բարև ձեզ: Մեր գնդին հաց ենք մատակարարում ճանապարհի համար: Հազիվ թխեցինք, թե չէ ստիպված կլինեինք ճանապարհին միայն կուտյա (չամշով կամ մեղրով ձավար) ուտել...

Գրիգորին մոտեցավ կանգ առած արաբային, հարցրեց.

— Հացդ կշռված է, թե մեկ-մեկ հաշված:

— Ո՞ր սատանեն պիտի հաշվեր: Ձեզ հո հաց չի՞ հարկավոր:

— Հարկավոր է:

— Վերցրու:

— Ինչքա՞ն կարելի է վերցնել:

— Ինչքան որ կարենաս տանել, հացը հերթ է մեզ:

Ռյաբչիկովը զարմանքով նայում էր, թե ինչպես Գրիգորին մեկը մյուսի ետևից իջեցնում է հացերը ու, չհամբերելով, հարցրեց.

— Ինչո՞ւ համար ես այդքան վերցնում:

— Հարկավոր է,— կարճ պատասխանեց Գրիգորին:

Նա սայլապանից երկու պարկ վերցրեց, հացը դարսեց

դրանց մեջ, շնորհակալություն հայտնեց ու հրաժեշտ տալով՝ հրամայեց Ռյաբչիկովին.

— Վերցրու, տանենք:

— Դու հո այստեղ ձմեռելու չե՞ս պատրաստվում,— հեգնանքով հարցրեց Ռյաբչիկովը, շալակելով մի պարկը:

— Սա ինձ համար չէ:

— Բա ո՞ւմ համար է:

— Ձիու համար:

Ռյաբչիկովը պարկը ճարպկությամբ գցեց գետին, շփոթված հարցրեց.

— Կատա՞կ ես անում:

— Ոչ, լուրջ եմ ասում:

— Ուրեմն դու... դու ի՞նչ ես որոշել, Պանտելևիչ, ուզում ես մնա՞լ, ես այդ ձի՞շտ եմ հասկանում:

— Ճիշտ ես հասկանում: Դեհ, վերցրու պարկը, գնանք: Պետք է կեր տալ ձիուն, թե չէ նա կրծոտել է ամբողջ մսուրը: Ձին դեռ պետք կգա ծառայության մեջ...

Ռյաբչիկովը մինչև բնակարան հասնելը լուռ էր, տընքտընքում էր՝ ուսի վրա վերև գցելով պարկը. մոտենալով ցանկապատի դռնակին, հարցրեց.

— Տղերանց կասե՞ս,— ու պատասխանի չսպասելով, թեթև վրդովմունք արտահայտող ձայնով ասաց.— ա՛մա թե բան ես մտածել, հա՛-ա... Բա մենք ի՞նչ անենք:

— Ինչ որ ուզում եք,— շինծու անտարբերությամբ պատասխանեց Գրիգորին:— Մեզ չեն վերցնում, բոլորիս համար տեղ չի գտնվում,— և պետք էլ չի: Մեր ինչի՞ն են պետք նրանք, ինչո՞ւ պիտի նրանց ոտները ընկնենք: Կմնանք: Կփորձենք մեր բախտը: Անցի՛ր, է՛, ի՞նչ ես կանգնել դռան շեմքին:

— Այս տեսակ խոսակցությունից մարդ կսառի ու կմնա... Ես իսկի շեմքն էլ չեմ տեսնում: Ա՛յ քեզ բա-ա՛ն: Դու, Գրիշա, ոնց որ թե կացնով տվիր կարկաչիս: Ուղակի թոցրիբ խելքս: Ես էլ ասում եմ. «Ախր սա ինչի՞ համար է խնդրում այդ հացը»: Հիմի մեր տղերքը կիմանան, կհուզվեն...

— Բա դո՞ւ, չե՞ս մնա,— հետաքրքրվեց Գրիգորին:

— Ինչ ես ասում,— վախեցած բացականչեց Ռյաբչիկովը:

— Կավ մտածիր:

— Մտածե՛լս որն է: Անպատճառ կզնամ, քանի դեռ տեղ կա, կմիանամ կարգին մարտկոցին ու կզնամ:

— Իզո՛ւր:

— Ա՛յ քեզ բան: Ինձ համար, աղբիւր, թանկ է գլուխս: Չեմ ուզում, որ կարմիրները գլխիս վրա փորձեն իրենց թրերը:

— Լավ մտածիր, Պլատոն, դա այնպիսի բան է որ...

— Էլ մի ասա: Հենց հիմի կզնամ:

— Դե, ինչպես կուզես, չեմ համոզում,— սրտնեղելով ասաց Գրիգորին և առաջինը բարձրացավ մուտքի սանդուղքի քարե աստիճաններով:

Բնակարանում չկային ոչ երմակովը, ոչ Պրոխորը, ոչ էլ Բոգատիրյովը: Տանտիրուհին,— տարեց, կորամեջք մի հայուհի,— ասաց, թե կազակները գնացել են ու խոստացել շուտով վերադառնալ: Գրիգորին առանց շինելը հանելու խոշոր կտորներով կտրատեց մի հաց, տարավ մարաղ, ուր գտնվում էին ձիերը: Հացը երկու հավասար մասի բաժանեց, տվեց իր և Պրոխորի ձիերին ու հենց նոր էր վերցրեց դուլը, որ գնար ջուր բերելու, երբ Ռյաբչիկովը երևաց դռան շեմքին: Շինելի փեշերով նա պինդ բռնել էր խոշոր պատառների բաժանած հացը: Տեսնելով տիրոջը, Ռյաբչիկովի ձին կարճ վրնչաց, իսկ նրա տերը լուռումունջ անցավ զուսպ ժպտացող Գրիգորիի կողքից, հացի կտորները լցրեց մսուրի մեջ, առանց Գրիգորիին նայելու ասաց.

— Ատամներդ մի՛ ցույց տա, էլի՛: Քանի որ բանն այդպես է, ուրեմն ես էլ պետք է կեր տամ ձիուս... Դու կարծում ես, թե ես շա՞տ կուզեմ նայի մեկնել: Ինքս ինձ զոռով պիտի ստիպեի նստել այդ անիծված նավը, լա՛վ իմացիր: Ախր թունդ վախ էր ընկել սիրտս... ունեմ-չունեմ մի գլուխ ունեմ, չէ՞: Աստված շանի կտրեն այս գլուխս, մի ուրիշ գլուխ հո մինչև աստվածածնի տոնը չի՞ բուսնի:

Պրոխորը և մյուս կազակները միայն իրիկնադեմին վերադարձան: Երմակովը բերեց մի ահագին շիշ սպիրտ, իսկ Պրոխորը՝ մի պարկ հերմետիկորեն խցած բանկաներ՝ պղտորաժուռ-դեղին հեղուկով:

— Ա՛յ թե ինչ լավ բան ճարեցինք, ամբողջ գիշերը կհերիքի,— Երմակովը պարծենալով ցույց տվեց մեծ շիշը,

բացատրեց.— մի գինվորական բժիշկ պատահեց, խնդրեց պահեստից դեղորայք փոխադրել նավակայան: Բեռնողները հրաժարվել էին աշխատելուց, միայն յունկերներն էին պահեստից դեղորայք տանում, մենք էլ աշխատեցինք նրանց հետ: Մեր օգնութ՞յան համար բժիշկը սպիրտ տվեց, իսկ այս բանկաները Պրոխորը գողացել է, թե սուտ եմ ասում, աստված պատժի ինձ:

— Իսկ ի՞նչ կա դրանց մեջ,— հետաքրքրվեց Ռյաբչիկովը:

— Սպիրտից էլ լավ բան է, հոգիդ սիրեմ:— Պրոխորը թափահարեց մի բանկա, նայեց լույսի դեմ, թե մուգ ապակու միջին ինչպես է փրփրում թանձր հեղուկը, ինքնագոհ վերջացրեց խոսքը.— սա իսկական արտասահմանյան թա՛կ գինի է: Սա միայն հիվանդներին են տալի, ինձ այդպես ասավ մի յունկեր, որ հասկանում է անգլերեն: Կնստե՞ք շուգենավ, կիմենք դարդից, կերգենք «Դու հարազատ իմ երկիր»-ը ու կիտենք մինչև Ղրիմ հասնելը, բանկաներն էլ ծովը կզցենք:

— Շուտ արա, գնա նստի, թե չէ քո պատճառով շոգենավը կանգնած է, չեն ուղարկում: «Ո՞րտեղ է,— ասում են, — Պրոխոր Զիկովը, հերոսների հերոսը, առանց նրան չենք կարող մեկնել»,— հեզանքով ասաց Ռյաբչիկովը, ու մի փոքր լռելուց հետո ծխախոտից դեղնած մատը տնկեց դիպի Գրիգորին, ասաց.— նա չի ուզում գնալ: Ես էլ չեմ ուզում:

— Ո՞նց թե,— ասաց Պրոխորը ու քիչ մնաց, որ զարմանքից վար գցեր ձեռքի բանկան:

— Ի՞նչ է պատահել, այդ ի՞նչ եք մոգոնել,— մտալվելով ու աչքերը Գրիգորիի վրա հառելով, հարցրեց Երմակովը:

— Որոշել ենք չմեկնել:

— Ինչո՞ւ:

— Որովհետեւ մեզ համար տեղ չկա:

— Այսօր չկա, վաղը կլինի,— վստահորեն հայտարարեց Բոգատիրյովը:

— Իսկ դու եղե՞լ ես նավակայաններում:

— Հետո ի՞նչ:

— Տեսե՛լ ես, թե այնտեղ ինչ է կատարվում:

— Տեսել եմ:

— Որ տեսել ես, էլ ինչի՞ մասին է խոսքը: Միայն երկ կուսիս,— ինձ ու Ռյաբչիկովին էին վերցնում, այն էլ, ինչպես ասաց մի կամավոր, պետք է միանայինք Կարգինի մարտկոցին, ուրիշ կերպ չէր կարելի:

— Նա, այդ մարտկոցը, դեռ չի՞ բեռնվել,— աշխուժույթյամբ հարցրեց Բոգատիրյովը: Իմանալով, որ հրետանաւորները հերթի էին կանգնած և բեռնման էին սպասում, նա իսկույն պատրաստվեց գնալու. սպիտակեղենը, պահուստ շալվարը, վերնաշապիկը և հացը դրեց իրերի պարկի մեջ, հրաժեշտ տվեց:

— Մի՛ գնա, Պետրո, — խորհուրդ տվեց Երմակովը, — մենք չպետք է բաժանվենք:

Բոգատիրյովը առանց պատասխանելու ձեռքը մեկնեց նրան, շեմքից մի անգամ էլ մնաք բարով ասավ:— Ողջառողջ լինեք, աստված կտա, էլի կտեսնվենք:— Ու դուրս վազեց:

Նրա գնալուց հետո սենյակում երկար ժամանակ ճնշող լուսթյուն էր տիրում: Երմակովը գնաց խոհանոց, տանտիրուհու մոտ, բերեց շորս բաժակ, լուռուսունջ սպիրտ լըցրեց դրանց մեջ, պաղ ջրով լիքը պղնձե մի թեյաման դրեց սեղանի վրա, խոզաճարպ կտրտեց ու էլի լուռուսունջ նրստեց սեղանի մոտ, կոթնեց սեղանին, մի քանի բուրբ հայացքով նայեց հատակին, հետո հենց թեյամանի բերանից ջուր խմեց, խուպոտ ասաց.

— Կուբանում ամեն տեղ ջրից նավթի հոտ է գալիս, ինչի՞ց է դա:

Նրան ոչ ոք չպատասխանեց: Ռյաբչիկովը կոշտ փալասով սրբում էր թրի թաց փորակները: Գրիգորին խառնում էր իր փոքրիկ սնդուկը, Պրոխորը մտացրիվ նայում էր պատուհանից դուրս, լերկ ու մերկ լեռնալանջերին, որոնց վրա ձիերի երամակներ էին ցրված:

— Սեղան նստենք, խմենք:— Երմակովը առանց սպասելու մի կես բաժակ սպիրտ գցեց, վրայից ջուր խմեց ու ծամելով վարդերանդ խոզաճարպի մի պատառ, աշխուժացած աչքերը հռչակով Գրիգորիի վրա, հարցրեց.

— Կարմիր ընկերները մեզ շանսատակ չե՞ն անի, հը՞:

— Բոլորին չեն կոտորի: Այստեղ հազար-հազար մարդ կմնա,— պատասխանեց Գրիգորին:

— Բոլորի մասին չէ, որ ես դարդ եմ անում,— ծիծաղեց Երմակովը,— ես իմ գլխի մասին եմ մտածում...

Երբ արդեն բավական խմել էին, խոսակցությունը աշխուժացավ: Մի քիչ հետո էլ անսպասելի երևաց ցրտից կապտած, նոթոտ, մռայլ Բոգատիրյովը: Շեմքի մոտ նա գցեց մի ամբողջ հակ բոլորովին նոր անգլիական շինեկներ, սկսեց լուռուսունջ հանվել:

— Շնորհավոր լինի ձեր գալուստը,— գլուխ տալով հեզնեց Պրոխորը:

Բոգատիրյովը կատաղի մի հայացք նետեց նրա կողմը, հոգոց հանելով ասաց.

— Այդ բոլոր Դենիկինները և մյուս բ... որ խնդրեն էլ, չեմ մեկնի: Հերթ կանգնեցի, մրսեցի, ոնց որ շունը սառնամանիքին, ու ոչինչ էլ դուրս չեկավ: Հերթս հասնելու վրա էր: Ինձանից առաջ երկու հոգի էին կանգնած, մեկին անցկացրին, մյուսին՝ ոչ: Մարտկոցի կեսը մնաց, դա ի՞նչ բան է, հը՞:

— Այ թե ոնց են վռնդում քեզ նմաններին,— քրքջաց Երմակովը ու մեծ շիջ մի բաժակ սպիրտ լցրեց Բոգատիրյովի համար, թափթփելով այն:— Վերցրու, խմիր դարդից: Թե՞ պիտի սպասես, որ գան քեզ խնդրելու: Մտիկ արա լուսամուտից, հո գեներալ Վրանգելը չի՞ գալի քեզ կանչելու:

Բոգատիրյովը սուսուփուս քամեց սպիրտը: Նա բնավ տրամադիր չէր կատակելու: Երմակովն ու Ռյաբչիկովն էլ, կիսահարբած լինելով, թունդ խմացրին պառավ տանտիրուհուն և արդեն ցանկություն էին հայտնում գնալ մի որևէ տեղ, հարմոնիստ գտնել:

— Ավելի լավ է գնացեք կայարան,— խորհուրդ տվեց Բոգատիրյովը,— այնտեղ թալանում են վագոնները: Մի ամբողջ գնացք հագուստեղենով է բեռնված:

— Ինչերի՞ս է պետք հագուստեղենը,— բղավեց Երմակովը,— քո բերած շինեկները մեզ հերիք են: Մեկ է, ավելորդը կվերցնեն: Պետրո, շան որդի, մենք միտք ունենք կարմիրներ դառնալ, հասկացա՞ր: Մենք հո կազակներ ենք, չէ՞: Թե որ կարմիրները մեզ կենդանի թողնեն, կգնանք

ներանց մտտ ծառայելու: Մենք Դոնի կաղակներ ենք, զտար-  
յուն կաղակներ առանց խառնուրդի: Մեր գործը թրատելն է:  
Գիտե՞ս ես ոնց եմ թրատում. ոնց որ քայլամ կտրես: Կանգ-  
նիր, փորձեմ քեզ վրա: Հը՛մ, վախո՞ւմ ես: Մեզ համար մեկ  
է, թե ում էթրատենք, միայն թե թրատենք, դրուստ չե՞մ  
ասում, Մեզեխով:

— Ձեռ քաշի, է՛, — հոգնածորեն պատասխանեց Գրի-  
գորին:

Շլեկով արյունալի աչքերը, նրմակովը փորձում էր ձեռ-  
քը հասցնել սնդուկի վրա դրված թրին: Բողատիրյովը  
առանց բարկության ետ էր հրում նրան, ասում.

— Շատ մի կատաղի, է՛յ, քաջ զինվոր, թե չէ ես քեզ  
հիմի կհանդարտացնեմ, հա՛-ա: Զափավոր խմիր, էլի՛, դու  
հո սպալի աստիճան ունես:

— Ես խնչել եմ այդ աստիճանի վրա: Դա հիմի ինձ  
այնքան է պետք, որքան կաղապարը՝ խոզին: Մի՛ հիշի,  
գու էլ ես այդպես: Թող ես կտրեմ քո ուսադիրները: Պետյա,  
հոգիդ սիրեմ, կաց, ես հիմի դրանք...

— Հլա ժամանակը չի, դրա օրն էլ կգա, — քոժիծաղ էր  
ապկա Բողաախրյովը՝ ետ մզելով չափն անցկացրած ընկե-  
րոջը:

Խմեցին մինչև լուսաբաց: Դեռ երեկոյից որտեղից-որ-  
տեղ եկան անծանոթ կաղակներ, սրանցից մեկը՝ հարմո-  
նով: Երմակովը այնքան «կաղաչուկ» պարեց, որ վայր ըն-  
կավ: Նրան քարշ տվին սնդուկի մոտ, ու նա իսկույն քնեց  
մեթկ հատակի վրա, ոտները լայն տարածած, զլուխը ան-  
հարմար ետ պցած: Անուրախ քեֆը շարունակվեց մինչև  
առավոտ: «Ես Կոմշատսկուց եմ... հենց այդ ստանիցայից:  
Հիմանալի եզներ ունեինք, երկար պողբերով ու առյուծի պես  
ձիեր: Իսկ հիմի ի՞նչ է մնացել տնտեսության մեջ. մենակ  
մի քավթառ շուն, այն էլ շուտով կսատկի, կերակրելու  
ոչինչ չկա»... — հարբած հեկեկալով ասում էր տարեց մի  
կաղակ, — քեֆին եկած պատահական ծանոթներից մեկը:  
Պատուտված շերքեզկայով մի ինչ-որ կուբանցի «նաուրյան»  
եզանակ էր պատվիրում հարմոնիստին, ու թեևրը գեղեցիկ  
տարածելով, այնպիսի ապշեցուցիչ թեթևությամբ էր սահում

սենյակով մեկ, որ Գրիգորիին թվում էր, թե կուբանցու  
լեռնական սապոգների ներբանները բոլորովին էլ չեն դիպ-  
չում կեղտոտ, մաշված հատակին:

Կեսգիշերին կաղակներից մեկը որտեղից-որտեղ բերեց  
երկու հատ երկար, նեղ բկերով սափոր. դրանց կողերի վրա  
սեին էին տալիս կիսափտած պիտակները, խցանները կնքը-  
ված էին զմուռսով, բալի պես կարմիր զմուռսե կնիքների  
տակից կապարե ծանր պլումբներ էին կախված: Պրոխորը  
դուլանոց սափորը երկար պահել էր ձեռքին, լարված շար-  
ժում էր շրթունքները՝ աշխատելով ըմբռնել պիտակի արտա-  
սահմանյան մակագրությունը: Նոր արթնացած երմակովը  
նրա ձեռքից վերցրեց սափորը, դրեց հատակին, հանեց թու-  
րը: Պրոխորը դեռ ձայն-ծպտուն էլ չէր հանել, երբ նրմա-  
կովը շեղակի ետ տանելով թուրը, դրանով խփեց ու քառոր-  
դաշափ կտրեց սափորի բուկը, բարձր ըզավեց՝ «Մոտեցրեք  
ամանները»:

Թանձր, շտեսնված կերպով անուշաբույր և տաք գինին  
խմեցին մի քանի բուպեում, ու հետո Ռյաբչիկովը երկար ժա-  
մանակ հիացմունքից ծնտացնում էր լեզուն, մոթմոթում. «Դա  
ոչ թե գինի է, այլ սուրբ հաղորդություն: Այդ տեսակ գինին  
պետք է միայն մահից առաջ խմել, այն էլ պետք է խմե՞ն  
ոչ թե բոլորը, այլ նրանք, որոնք իրենց ողջ կյանքումը թուղթ  
չեն խաղացել, բռնոթի չեն քաշել ու կնառոնեց ձեռք չեն  
տվել... Մի խոսքով, եպիսկոպոսական խմիչք է, էլի՛»: Այս-  
տեղ Պրոխորը հիշեց, որ իր մախաղում բանկաներով բու-  
ժիչ գինի կա:

— Կաց, Պլատոն, շատ մի գովի: Իմ գինեջն դրանից  
ավելի լավը կլինի: Դա աղբ է, իսկ այն, որ ես բերել եմ պա-  
հեստից, հիանալի գինի է: Խոնկ ու մեղր է, կարելի է թե  
մինչև իսկ է՛լ ավելի լավ: Ոչ թե ե լավագուստի, այլ հենց  
թագավորի գինի է: Առաջ թագա՛վ է՛մ, է՛ն էին խմում, հիմի  
էլ մեր ձեռքն է ընկել... — պարծենում էր Պրոխորը՝ բաց  
անելով բանկաներից մեկը:

Խմելու համար մեռած Ռյաբչիկովը միանգամից կուլ  
տվեց կես բաժակ գեղնապղտոր, թանձր հեղուկը, վայրկե-  
նապես սփրթնեց ու շոեց աչքերը:

— Սա ոչ թե գինի է, այլ կարբոլ,— խոխոացրեց նա ու բաժակի հատակին մնացած հեղուկը դայրացած թափելով Պրոխորի շապկի վրա, օրորվելով գնաց միջանցք:

— Սուտ է ասում նա, շան որդին: Անզլիական գինի է, առաջին տեսակի: Չհավատաք նրան, տղերք,— գոռաց Պրոխորը՝ աշխատելով, որ իր ձայնը մյուս ձայներից ավելի բարձր հնչի: Նա միանգամից խմեց մի բաժակ և Ռյաբչիկովից էլ ավելի շատ սփրթնեց:

— Հը, ո՞նց է,— հարցրեց Երմակովը՝ ուռցնելով պինչերը, նայելով Պրոխորի կկոցված աչքերին.— Թագավորական գինու պե՞ս է, հա՞, թո՞ւնդ է, քա՞ղցր է, դե ասա, է՛, գրողի տարած, թե չէ այս բանկան գլխիդ վրա կջարդիմ:

Պրոխորը օրորում էր գլուխը, լուռ տանջվում, հետո էլ զկոտաց, արագ վեր թռավ ու դուրս վազեց Ռյաբչիկովի ետևից, Երմակովը ծիծաղից թուլանալով, դավադրաբար աչքով արեց Գրիգորիին, գնաց բակը: Մեկ րոպեից հետո նա վերադարձավ սենյակը: Նրա որոտընդոստ քրքիշը ծածկեց բոլոր ձայները:

— Ի՞նչ պատահեց,— հոգնածորեն հարցրեց Գրիգորին,— ի՞նչ ես խրխնջում, ա՛յ սարսաղ: Ո՞ւմ ես տկլոր տեսել:

— Օֆ, տղա, գնա տես, թե նրանք ինչ օրն են ընկել: Գիտե՞ս ինչ են խմել:

— Ի՞նչ:

— Անզլիական օծանելիք՝ ոչիլնների դեմ:

— Սուտ ես ասում:

— Աստված վկա: Ես էլ, երբ պահեստումն էի, սկզբում կարծում էի, թե դա գինի է, հետո էլ հարցրի բժշկին՝ «Սա ի՞նչ է, պարոն բժիշկ»։— «Դեղ է»— ասում է նա: Ես հարցնում եմ.— «Հո դարդի դեղ չի՞, սպիրտով չի՞»։— «Աստված չանի,— ասում է,— դա մեզ ուղարկել են դաշնակիցները, իբրև միջոց՝ ոչիլների դեմ: Դա ջանին քսելու դեղ է, խմել բոլորովին չի կարելի»:

— Բա ինչու՞ չես ասել սրանց, ա՛յ շարագործ,— բարկությամբ կշտամբեց Գրիգորին:

— Թող այդ սատանեքը մաքրվեն անձնատուր լինելուց առաջ, հո չեն սատկելու:— Երմակովը սրբեց ծիծաղից դուրս

տված արցունքները, ոչ առանց չարախնդության ավելացրեց.— հիմի քիչ կխմեն, թե չէ մինչև դու սեղանից մի գավաթ վերցնես, նրանք տասն են վերջնում: Այդպես պետք է խելքի բերել ազահներին: Է՛հ, ես ու դու խմե՛նք, թե սպասենք: Եկ խմենք մեր կործանման բաժակը:

Լուսարացից առաջ Գրիգորին դուրս ելավ, մուտքի սանդուղքի վրա զողողոջ ձեռներով թուլուն փաթաթեց, ծխեց, երկար կանգնեց՝ մեջքը հենելով մշուշից խոնավացած պատին:

Տանը անլուելի հնչում էին հարբածների ճշոցները, հարմոնի լարված ելեէջները, ուրախ-զվարթ սուլոցը, մոլեռանդ պարողների կրունկները անդադար, չոր, քթթթում էին հատակի վրա... Քամին էլ ծովախորշից բերում էր շոգինավերի շշակների թավ, ցածր մոնչոցը. նավակայաններում մարդկային ձայները միախառնվում, անընդմեջ դժժոց էին դառնում, որը ճեղքվում էր հրամանի բարձր բացականչություններով, ձիերի վրնջյունով, շոգեքարշերի շաշյուններով: Որտեղից-որտեղ, Տոնեխնայա կայարանի ուղղությամբ կոխվ էր տեղի ունենում: Խուլ որոտում էին թնդանոթները, դրանց մի կրակոցից մինչև մյուսը հազիվ լսվում էր գնդաշիրների երկար ճարձատյունը: Մարխոտյան լեռնանցքից դենը վերև թռավ լուսացայտ մի հրթիռ: Մի քանի վայրկյան երևացին կանաչ, երբուն փայլով լուսավորված լեռնազագաթները, հետո էլ մարտի գիշերվա թանձր մթությունը նորից ծածկեց լեռները, ու է՛լ ավելի հստակ ու արագ, գրեթե միախառնվելով, որոտացին հրետանային համազարկերը:

## XXIX

Աղի, թանձր, պաղ քամի էր փչում ծովից: Անհայտ, օտար երկրների բույրն էր նա բերում դեպի ափը: Բայց դոնեցիների համար ոչ միայն քամին, այլև ամեն ինչ էլ օտար, անհարազատ էր այդ ձանձրալի, միջանցիկ քամիներով ներթափանցված, ծովափնյա քաղաքում: Անընդմեջ, խուռն մասսայով կանգնել էին նրանք ծովապատենշի վրա, բեռնըման էին սպասում... Ափի մոտ խաղում էին կանաչ, փրփրյուն ալիքները: Չտաքացնող արևը ամպի միջից նայում էր



երկրին: Խարսխակայանում ծուխ էին արձակում անզլիական ու ֆրանսիական ականակիրները. կանգնած էր գորշ, վիթխարի մի դրեղնուտ: Նրա վերևում գալարվում էր ծխի սև ամպը: Նավակայաններում շարագուշակ լուսթյուն էր տիրում: Այնտեղ, ուր քիչ առաջ ճոճվում էր վերջին փոխադրանավը, ջրի երեսին օրորվում էին սպայական թամբեր, ճամպուրակներ, վերմակներ, մուշտակներ, կարմիր թավիշով պատած աթոռներ, էլի ինչ-որ իրեր, որոնք հապճեպորեն նետված էին նավի կամրջակից...

Գրիգորին առավոտից եկել էր նավակայան. ձին թողնելով Պրոխորի խնամքին, երկար քայլում էր ամբոխի մեջ, ծանոթներ էր փնտրում, ունկնդրում կցկտուր, տազնապալից խոսակցություններին: Նրա աչքերի առաջ «Սվյատոսլավի» կամրջակի մոտ ինքն իրեն գնդակահարեց պաշտոնաթող, տարեց մի գնդապետ, որին տեղ չէին տվել շոգենավում:

Դրանից մի քանի րոպե առաջ գնդապետը, որ կարճահասակ էր, անհանգիստ, ճերմակած մորուքով, լացակումած, ուռուցիկ, պարկավոր աչքերով, — բռնում էր պահակապետի սուսերակալի փոկերից, ողորմելի տեսքով ինչ-որ շշնշում էր, խնչում և անմաքուր թաշկինակով սրբում ծխահարված բեղերը, աչքերն ու դողդոջ շրթունքները, հետո էլ ինչ-որ միանգամից ինքնասպանության դիմեց... Ու մի ճարպիկ կազակ մեռածի ձեռքից անմիջապես հանեց նիկելե փայլուն բրաունինգը, բացմոխրագույն սպայական շինելով դիակը ոտներով, ինչպես գերան, գլորեցին դեպի կուտակված արկղերը, ու կամրջակի մոտ է՛լ ավելի հոժ ամբոխ հավաքվեց, է՛լ ավելի սաստկացավ հերթում եղած տուրուդբոցը, է՛լ ավելի կատաղի դարձան փախստականների խոպոտ, շարացած ձայները:

Նրբ վերջին շոգենավը սկսեց ճոճվելով հեռանալ ափից, ամբոխի մեջ լավեցին կանանց հեկեկանքներ, հիստերիկ ճշոցներ, հայհոյանք... Դեռ չէր լռել շոգենավի շրակի կարճ, թավ մոնշոցը, երբ աղվեսի մորթու ականջավոր փափախով մի երիտասարդ կալմիկ նետվեց ջուրը, լողաց շոգենավի հոտից:

— Չհամբերեց, — հոգոց հանելով ասաց կազակներից մեկը:

— Ուրեմն նա ոչ մի կերպ չէր կարող մնալ, — վրա բերեց Գրիգորի կողքին կանգնած մի կազակ: — Ուրեմն նա կարմիրներին շատ վնաս է հասցրել...

Գրիգորին, ատամներն իրար սեղմելով, նայում էր լող տվող կալմիկին: Լողորդի թևերը հետզհետե ավելի դանդաղ էին թափահարվում, ուսերն ավելի ու ավելի էին իջնում: Թրջված շեքները նրան ներքև էր քաշում: Ալիքները նրա գլխից պոկեցին աղվեսի մորթու շիկակարմիր փափախը, ետ շարտեցին:

— Կխեղովի անիծված անօրենը, — ափսոսանքով ասաց բեշմետ հագած մի ինչ-որ ծերունի:

Գրիգորին կտրուկ շուռ եկավ, գնաց դեպի իր ձին: Պրոխորը աշխույժ խոսում էր ձիերով իրեն մոտեցած Ռյաբչիկովի ու Բոգատիրյովի հետ: Տեսնելով Գրիգորիին, Ռյաբչիկովը այլևս չկարողացավ ձիու վրա հանգիստ մնալ, կրունկները անհամբերությամբ խփեց ձիու կողքերին, բղավեց.

— Շտապիր, է՛, Պանտելեիչ, — ու շսպասելով Գրիգորիի մոտենալուն, դեռ հեռվից ասաց. — քանի դեռ ուշ չէ, եկ հեռանանք: Այստեղ մի հիսուն հոգի կազակներ ենք հավաքվել, ուղում ենք գնալ Գելենչիկ, այնտեղից է՛լ՝ վրաստան: Դու կգա՞ս:

Գրիգորին մոտենում էր ձեռները շինելի խոր գրպանները դրած, ուսերով լուռումունջ ճանապարհ բաց անելով նավակայանում աննպատակ ամբոխված կազակների մեջ:

— Կգա՞ս թե չէ, — ձիով հուպ մոտենալով, կտրուկ հարցրեց Ռյաբչիկովը:

— Ոչ, չեմ գա:

— Մեզ հետ է մի ղորական ավագ: Նա այստեղի ճանապարհները լավ գիտի, ասում է. «Աչքերս խփած մինչև Քիֆլիկ կհասցնեմ»: Գնանք, էլի, Գրիշա: Այնտեղից էլ թուրքերի մոտ, հը՛: Հո պե՞տք է մի կերպ փրկվել: Մեր վերջն է գալիս, իսկ դու քնկոտ ես, ոնց որ ձուկ...»

— Ոչ, չեմ գա, — Գրիգորին Պրոխորի ձեռքից վերցրեց սանձը, ծանր, ծերունու պես ձի նստեց: — Չեմ գա: Միտք չունի: Մի քիչ էլ ուշ է... Հապա, նայի՛ր:

Ռյաբչիկովը ետ նայեց, հուսալքված ու զայրացած ճմռթեց, պոկեց թրափունջը. լեռներից իջնում էին կարմիր-

բանակայինների շղթաները: Յեմենտի գործարանների մոտ տենդային կերպով ճարձատեցին գնդացիները: Զրահագնացքների թնդանոթներից կրակ բացեցին շղթաների վրա: Ասլանիդիի աղացի մոտ պայթեց առաջին արկը:

— Տղերք, գնանք մեր բնակարանը, եկեք իմ ետևից,— հրամայեց ուրախացած ու մի տեսակ աշխուժացած Գրիգորին:

Բայց Ռյարչիկովը բռնեց Գրիգորիի ձիու սանձից, վախեցած բացականչեց.

— Հարկավոր չի, մնանք այստեղ... Գիտե՞ս, մարդկանց աչքի առաջ մեռնելը սարսափելի չէ...

— Եկ, դմբո, ի՞նչ մահ, ի՞նչ ես դուրս տալիս:— Գրիգորին բարկացած ուզում էր էլի մի բան ասել, բայց ծովից եկած ասհարկու որոտմունքը կտրեց նրա ձայնը: «Հնդկաստանի կայսր» կոչված անգլիական դրեզնոուտը, հեռանալով դաշնակից Ռուսաստանի ամերից, շուտ եկավ կողքի և իր սասնելիկու դյուլմանոց թնդանոթներից մի քանի արկ արձակեց: Պաշտպանելով ժովախորշից դուրս եկող շոգենավերը, նա հրակոծում էր քաղաքի ծայրամասերին մոտեցող կարմիրների, կանաչների շղթաները, կրակը փոխադրում էր լեռնանցքի կատարը, որտեղ երևացել էին կարմիր մարտկոցները: Անգլիական արկերը ծանր կրճկրճոցով ու ոռնոցով թռչում էին նավակայանում խոնաված կաղակների գլուխների վերևից:

Պինդ քաշելով սանձը, զսպելով գետնին շոքող ձիուն, Բոգատիրյովը հրաձգության որոտմունքի մեջ բղավում էր.

— Ի՞նչ դիւ են հաշում անգլիական թնդանոթները: Զո՛ւր են շարացնում կարմիրներին: Նրանց կրակոցներից ոչ մի օգուտ չկա, հենց միայն աղմուկ են բարձրացնում...

— Թող շարացնեն, հիմի մեզ համար մեկ է,— ժպտալով, Գրիգորին քշեց ձին, գնաց փողոցով:

Փողոցի անկյունից կատաղի քառատրոփով, մերկացրած ցրերով նրա դեմուդեմ դուրս թռան վեց ձիավոր: Առջևի ձիավորի կրծքին արյունոտ վերքի նման կարմրին էր տալիս դոսմաշե բանտը:

## ՈՒԹԵՐՈՐԴ ՄԱՍ

### I

Հարավից երկու օր տաք քամի էր փչում: Իաշտերում հալվել էր վերջին ձյունը: Լռել էին գարնանային փրփրուն հեղեղները, հանդարտվել տափաստանային հովիտներն ու գետակները: Երրորդ օրվա արշալույսին քամին դադարեց, ու տափաստանի վրա իջան խիտ մեգերը, խոնավությամբ արծաթափայլեցին նախորդ տարվա փետրախոտի թփերը, անթափանց, սպիտակավուն մուժով պարուրվեցին բլուրները, ձորակները, ստանիցաները, դանդակատների գմբեթները, բրդածե բարդիների վերձիգ զագաթները: Դոնի լայնարձակ տափաստանի վրա իջավ կապույտ գարունը:

Մշուշաքող մի առավոտ Ակսինյան ապաքինվելուց հետո առաջին անգամ դուրս ելավ տնից ու երկար կանգնեց արտաքին սանդուղքի հարթակին՝ գարնանային թարմ օդի զմայլական քաղցրությամբ արբեցած: Հաղթահարելով սրտախառնուքը և գլխապտույտը, նա հասավ պարտեզում գտնվող ջրհորը, վար դրեց դուլը, նստեց ջրհորի փայտե պոռնգին:

Նրա համար աշխարհը այլ էր, հրաշալիորեն նորոգ ու հրապուրիչ: Նա փայլուն աչքերով, հուզված նայում էր շուրջը՝ մանկականորեն տնտղելով շրջագգեստի ծալերը: Մշուշով սքողված հեռուն, այգում հալված ձյան ջրով հեղեղված խրնձորենիները, թաց ցանկապատը և դրանից դենը ձգված ճանապարհը՝ նախորդ տարվա խորունկ, ողողված աղուրներով, — այս ամենը նրան շտեմնված գեղեցիկ էր թվում, ամեն

ինչ ճաղկում էր թանձր ու քնքուշ գույներով, ասես արևալ լուսավորված:

Մշուշի միջից նայող ջինջ երկնքի մի կտոր նրան շացրեց ցուրտ կապտությամբ. փտած ծղնոտի և հալված սևահողի բուրմունքը այնքան ծանոթ էր ու հաճելի, որ Ակսինյան խոր շունչ քաշեց ու ծպտաց շուրթերի ծայրերով. արտույտի անպաճուճ երգը, որ գալիս էր հեռվից, մշուշոտ տափաստանից, նրա մեջ անխմանալի տխրություն առաջացրեց: Եվ դա, օտարության մեջ լսված այդ երգը, արագացրեց Ակսինյայի սրտի տրոփյունը ու երկու կաթիլ ժլատ արցունք քամեց նրա աչքերից...

Անխոհ հրճվելով վերադարձած իր կյանքով, Ակսինյան բուռն ցանկություն էր զգում ամեն ինչ շոշափել ձեռներով, ամեն ինչ դիտել: Նա ուզում էր շոշափել խոնավությունից սևացած հաղարջենու թուփը, թուշը սեղմել գորշ, թավշյա փառով պատած խնձորենու ստտին, ուզում էր անցնել քանդված, ցախե ցանկապատի վրայով ու ցեխի միջով, ճանապարհազուրկ տեղերով գնալ այնտեղ, լացն հովտից դենը, ուր միախառնվելով մշուշապատ հեռուներին, հեքիաթաբար կանաչին էր տալիս աշնանացան դաշտը...

Ակսինյան մի քանի օր սպասում էր, որ ահա որտեղից որ է կերևա Գրիգորին, բայց հետո տանտիրոջ մոտ եկող հարևաններից իմացավ, որ պատերազմը չի վերջացել, որ շատ կազակներ Նովորոսիյսկից ծովով գնացել են Ղրիմ, իսկ ովքեր մնացել են, մտել են Կարմիր բանակ և հանքերը:

Շարաթվա վերջում Ակսինյան հաստատապես որոշեց գնալ տուն, շուտով ուղեկից էլ գտնվեց: Մի երեկո առանց դուռը ծեծելու խրճիթ մտավ կարճահասակ, կորամեջք մի ծերուկ: Նա լուռումունջ գլուխ տվեց, սկսեց արձակել իր վրա անճոռնի նստած, կեղտոտ, կողքի կարերը ճեղքված անգլիական շինելի կոճակները:

— Այդ ի՞նչ է, այ բարի մարդ, «բարև ձեզ» շասացիր, ու տեղավորվում ես ապրելու համար,— հարցրեց տանտերը՝ դարմացած նայելով անկոչ հյուրին:

Վերջինս արագ հանեց շինելը, թափ տվեց շեմքի մոտ, խնամքով կախեց կեռից, ու սղալելով կարճ խուզած, ալեզարդ մորուքը, ծպտալով ասաց.

— Ներիր ի սեր Քրիստոսի, հողիդ սիրեմ, բայց ես հիմիկվա ժամանակներում այսպես եմ սովորել,— ամենից առաջ շինել-մի՞նելդ հանի, հետո արդեն դիշերելու տեղ խրճորի, թե չէ չեն թողնի: Հիմի մարդիկ կոպտացել են, հյուրեր չեն ընդունում...

— Ո՞րտեղ պառկեցնենք քեզ, տեսնո՞ւմ ես, նեղ է տեղներս,— արդեն ավելի հաշտ ասաց տանտերը:

— Ինձ էլ աղունիկի քթի շափ տեղ է հարկավոր: Ա՛յ, այստեղ, շեմքի մոտ գունդ ու կծիկ կլինեմ ու կքնեմ:

— Հրամանքդ ո՞վ ես, պապի, փախստակա՞ն ես,— հետաքրքրվեց տանտիրուհին:

— Հա-ա՛-ա-հա՛, փախստական եմ որ կամ: Փախա ու փախա, հասա մինչև ծովը, հիմի էլ այնտեղից արդեն կամաց-կամաց եմ գալի, բեզարել եմ փախնելուց...— պատասխանեց զրույցասեր ծերունին՝ պզվելով շեմքի մոտ:

— Բա ո՞վ ես, է՞, ո՞րտեղացի ես,— շարունակեց հարցեր տալ տանտերը:

Ծերունին գրույանից հանեց դերձակի մի մեծ մկրատ, ձեռքերի մեջ շուռումուռ արեց ու էլի շարունակելով ժրպտալ, ասաց.

— Ահա իմ պաշտոնի ղոկումենտը, սրանով հենց Նովորոսիյսկից եմ գալի, իսկ իմ ապրելատեղը հեռու է, Վեշենսկայակա ստանիցայից դենն է: Ծովում աղի ջուր խմելուց հետո այնտեղ եմ գնում:

— Ես է՛լ Վեշենսկուց եմ,— ուրախությունից կարմրելով, ասաց Ակսինյան:

— Օ-հո՛,— բացականչեց ծերունին,— ա՛յ թե որտեղ հայրենակցուհի պատահեց: Ասենք հիմիկվա ժամանակներում դա զարմանալի չէ. հիմի մենք ոնց որ թե հրեաներ լինենք. ջրվել ենք երկրի երեսին: Կուբանում այսպես է,— շան վրա փոտ զցես, կղիպչի Գոնի կազակին: Ամեն տեղ էլ լիքն են, ու ավելի շատ հողումն են թաղված: Է-է՛. լավ մաքրիկ. ինչն՞ր շեմ տեսել այս նահանջի ժամանակ: Ի՞նչ օր է քաշում ժողովուրդը. իսկի ասելու բան չի: Երեկ չէ մեկել օրը նստած եմ կայարանում, կողքիս նստել է մի ազնրվական կին, ակնոցը աչքերին, ակնոցի միջից ոչիլներ է ման գալի իր վրա: Ոչիլները ոտով ման են դալի նրա վրա:

Նա մատնեբրով բռնում է դրանք, ու այնպես է կնճռոտվում, որ կարծես քուրի խնձոր է կծոտել: Սատկացնում է ոջիլը ու ավելի շատ է կնճռոտվում, ծոմոտում երեսը, անշափ զզվում: Մեկ ուրիշը, պինդ լինելով, մարդ է սպանում ու չի կնճռոտում երեսը, չի ծոմոտում բերանը: Իմ աչքի առաջ այդ տեսակ մի ջահել երեք կավմիկ թրատեց, հետո էլ թուրը սրբեց ձիու բաշով, պապիրոս հանեց, ծխեց, մոտենում է ինձ ու հարցնում. «Հը՛, պապո, ի՞նչ ես աչքերդ շոնել, ուզո՞ւմ ես կտրեմ գլուխդ»:— «Ո՞նց թե, որդիս,— ասում եմ,— աստված քեզ հետ, բա որ գլուխս կտրես, էլ ո՞նց հաց ուտեմ»: Նա ծիծաղեց ու հեռացավ:

— Ով այդ գործում վարժվել է, նրա համար մարդ սպանելը ավելի հեշտ է, քան ոջիլ ջարդելը: Ռեուլուցիայի ժամանակ էժանացել է մարդը,— խորամիտ ավելացրեց տանտերը:

— Իրուստ խոսք է,— հաստատեց հյուրը:— Մարդը անասուն չի, ամեն բանի էլ ընտելանում է: Ես հարցնում եմ այդ կնկան՝ «Ո՞վ եք: Տեսքով ոնց որ թե հասարակներից չեք»: Մտիկ արավ նա ինձ, լաց եղավ: «Ես գեներալ-մայոր Գրեշիխինի կինն եմ»: Ահա քեզ գեներալն էլ, մայորն էլ,— մտածում եմ,— ու այնքան ոջիլ, որքան լու կգտնվի քոսոտ կատվի վրա: Ասում եմ նրան՝ «Ձերդ գերազանցություն, ներողություն, եթե դուք այդպես ոչնչացնեք ձեր միջատներին, ձեր աշխատանքը մինչև աստվածածնի տոնն էլ չի վերջանա: Բոլոր եղունգներդ էլ կկոտրատեք: Դրանց բոլորին միանգամից ջարդեցեք»:— «Ի՞նչպես»,— հարցնում է նա: Ես էլ նրան խորհուրդ տվի. «Հանեցեք շորերդ,— ասում եմ,— փռեցեք պինդ տեղ ու շշով կոտորեցեք»: Մտիկ եմ տալի. վեր է կենում գեներալիս կնիկը ու անցնում ջրմուղի ետևը, մեկ էլ մտիկ եմ տալի, կանաչ ապակե շշով գրտնակում է շապիկը, ու այնպես լավ, որ ասես ողջ կյանքումը հենց գրտնակելով է զբաղվել: Մտիկ եմ անում նրան ու մտածում եմ՝ աստված ինչ ասես ունի, միջատներ է շաղ տվել ազնվական մարդկանց վրա, միթամ թող այդ միջատները ծծեն նրանց քաղցր արյունը, հո միշտ էլ շարքաշ մարդի արյունը չե՞ն խմելու... Դե աստված հո Նիկոլը չի՞: Նա իր գործը գիտի: Մեկ էլ տեսար բարի վերաբերվեց մարդկանց ու այն-

քան ճիշտ բան կարգադրեց, որ դրանից լավը չես էլ կարող մոզոնել...

Անընդհատ շաղակրատելով ու տեսնելով, որ տանտերերը իրեն մեծ ուշադրությամբ են լսում, դերձակը ճարպկությամբ ակնարկեց, որ կարող էր էլի շատ հետաքրքրական բաներ պատմել, բայց այնքան քաղցած է, որ քունը տանում է:

Ընթրիքից հետո պառկելով, նա հարցրեց Ակսինյային.

— Ի՞նչ այստեղ երկա՞ր ես մնալու, հայրենակցուհի:

— Պատրաստվում եմ տուն գնալու, պապի:

— Գնանք միասին, ավելի ուրախ կլինի:

Ակսինյան սիրով համաձայնվեց, ու առավոտյան հրաժեշտ տալով տանտերերին, նրանք թողին տափաստանային հեռավոր Նովո-Միխայլովսկի գյուղը:

Տասներկու օրից հետո գիշերով հասան Միլլուտինսկայա ստանիցան: Մի մեծ, տեսքով հարուստ տան մեջ գիշերելու թույլտվություն ստացան: Առավոտյան Ակսինյայի ուղեկիցը որոշեց մի շաբաթ մնալ ստանիցայում, հանգրտանալ և բուժել արյունոտելու շափ հարած ոտները: Նա շեր կարող շարունակել ճանապարհը: Տանը նրա համար դերձակի աշխատանք գտնվեց, և գործին կարոտած ծերուկը իսկույն տեղավորվեց պատուհանի տակ, հանեց մկրատը և թելով կապված ակնոցը, սկսեց ճարպկությամբ ձևել ինչոր մի հնոտի:

Հրաժեշտ տալով Ակսինյային, ուրախ և մասխարա ծերուկը խաչակնքեց նրան ու անսպասելիորեն արտասվեց, բայց իսկույն սրբեց արցունքները, իր համար սովորական կատակով ասաց.

— Կարիքը հարազատ մայր չի, ամա մարդկանց հարազատ է դարձնում... Դրա համար էլ խղճում եմ... Դե, ի՞նչ արած, գնա մենակ, աղջիկս, քեզ ուղեկցողը միանգամից երկու ոտից էլ կաղ դարձավ, երևի մի տեղ նրան գարի հացով են կերակրել... Ասենք ես ու դու բավական երկար ճամփա ենք անցել, դա շափից դուրս է ինձ պես յոթանասուն տարեկանի համար: Թե որ հանդիպես պառավիս, ա-

սա, որ իր սիրունիկ աղավնյակը ողջ-առողջ է, նրան թե հավանգի մեջ են սղկել և թե ծեծանի մեջ ծեծել, ամա նա էլի սաղ է, ոտքի վրա շալվար է կարում լավ մարդկանց համար ու շատ շուտով կգա տուն... Ասա նրան, որ սարսաղը վերջացրել է նահանջը ու հարձակվում է դեպի տուն, անհամբեր սպասում է, թե երբ պետք է տուն հասնի ու պառկի վառարանի վրա...

Ակսինյան մի քանի օր էլ անցկացրեց ճանապարհին: Պատահած մի սալով Բոկովսկուց գնաց մինչև Տատարսկի: Ուշ երեկոյան ներս մտավ իր բակի լայն բացված դռնակից, նայեց Մեկեխովների տանը ու շնչասպառ եղավ հանկարծակի կոկորդին դեմ առած հեկեկանքից... Դատարկ, ամայացած խոհանոցում թափեց երկար ժամանակվա ընթացքում կուտակված կանացի դառն արցունքները, հետո էլ գնաց Գոնից ջուր բերելու, վառեց վառարանը, նստեց սեղանի մոտ, ձեռները դրեց ձեռներին: Մտածմունքի մեջ ընկած, նա չլսեց դուռն ձոնչոցը ու սթափվեց, երբ Իլյինիչնան ներս մտավ ու ցածր ձայնով ասաց.

— Բարև, հարևանուհիս, այդ ի՞նչ երկար մնացիր օտար երկրներում...

Ակսինյան վախեցած նայեց նրան, վեր կացավ:

— Ի՞նչ ես այդպես մտիկ տալի ու ձեն չես հանում, հո վատ լուրեր չե՞ս բերել:— Իլյինիչնան դանդաղ մոտեցավ սեղանին, նստեց նստարանի ծայրին զննող հայացքը չկտրելով Ակսինյայի դեմքից:

— Չէ, ի՞նչ լուրեր պիտի բերեի... Չէի սպասում ձեզ, մտածմունքի մեջ էի ու չլսեցի, թե դուք ոնց ներս մտաք... — շփոթվելով ասաց Ակսինյան:

— Լղարել ես դու, վրեժ հալ չի մնացել:

— Հիվանդացել էի տիֆով...

— Բա մեր Գրիգորին... Ո՞նց է... Դու նրանից ո՞րտեղ բաժանվեցիր: Սա՞ղ է նա:

Ակսինյան կարճ պատմեց: Իլյինիչնան առանց մի բառ ասելու լսեց նրան, հետո էլ հարցրեց.

— Երբ որ նա քեզ թողեց ու գնաց, հո հիվանդ չէ՞ր:

— Չէ, նա չէր հիվանդացել:

— Դու նրա մասին էլ ոչինչ չլսեցի՞ր:

— Չէ:

Իլյինիչնան թեթևացած շունչ առավ.

— Շնորհակալ եմ լավ խոսքիդ համար: Այստեղ, խուտորումը ինչ ասես փշում են նրա մասին...

— Ի՞նչ,— հագիվ լսելի հարցրեց Ակսինյան:

— Դատարկ բաներ, էլի՞... Ո՞ր մեկի ասածը լսես: Խուտորցիներից միայն վայնկա Բեսխլեբնովն է վերադարձել: Նա Գրիշային Կատերինոգարում տեսել է հիվանդ, իսկ մյուսներին ես չեմ հավատում:

— Բա ի՞նչ են ասում, տատի:

— Մենք լսեցինք, թե Սինգին խուտորի մի կազակ ասել է, որ Նովորոսիյսկ քաղաքումը կարմիրները իբր թրատել են Գրիշային: Ես ոտով գնացի Սինգին,— դե, մոր սիրտ է, ո՞նց համբերեր,— գտա այդ կազակին: Ուրացավ նա: Ոչ տեսել եմ, ոչ լսել,— ասում է: Մի լուր էլ եկավ, թե բանտ են նստեցրել ու այնտեղ մեռել է տիֆից... — Իլյինիչնան կախեց գլուխը ու երկար լսեց դիտելով իր գոսացած, ծանր ձեռները: Պառավի ուռած դեմքը հանգիստ էր, շրթունքները պինդ սեղմված էին, սակայն հանկարծ նրա թուխ այտերի վրա բալի կարմրություն երևաց ու կոպերը թեթև ցնցվեցին: Նա շոր, մոլեզնաբար վառվող աչքերով նայեց Ակսինյային, խուպոտ ասաց.

— Ես չեմ հավատում: Ո՞նց կլինի, որ ես զրկվեմ իմ վերջին որդուց: Աստված ինչի՞ համար պետք է ինձ պատժի... Ինձ համար քիչ ժամանակ է մնացել ապրելու... բոլորովին քիչ, առանց դրան էլ հազար ու մի դարդ եմ տեսել... Սա՞ղ է Գրիշան, սիրտս հանգիստ է, ուրեմն սաղ է որդյակս:

Ակսինյան լուռումունջ շուռ տվեց դեմքը:

Խոհանոցում երկար ժամանակ լուռություն էր տիրում, հետո քամին բացեց հաշտի դուռը, ու լավեց, թե Գոնից դեմը, բարդիների մեջ ինչպես է խուլ վշշում վարարած ջուրը և ինչպես անհանգիստ կերպով ձայն ձայնի են տալիս վայրի սազերը:

Ակսինյան ծածկեց դուռը, հենվեց վառարանին:

— Դուք նրա համար դարդ մի անեք, տատի,— կամացուկ ասաց նա:— Մի՞թե հիվանդությունը կբռնի այդպիսի

մարդուն: Նա պինդ է, ուղղակի երկաթ է: Այդպիսիները չեն մեռնում: Նա ամբողջ ճանապարհը ճքճքան սառնամանիքին առանց ձեռնոցների էր գնում...

— Երեխաներին մտաբերո՞ւմ էր,— հոգնածորեն հարցրեց Իլլինիչնան:

— Ձեզ է՛լ էր մտաբերում, երեխաներին էլ: Առո՞ղջ են նրանք:

— Առողջ են, նրանց ի՞նչ պիտի լինի որ: Իսկ մեզ Պանտելեյ Պրակոֆիչը մեռավ ճամփին: Մենք անտեր-անտիրական մնացինք...

Ակսինյան լուռ խաշակնքեց՝ ինքն իր մեջ զարմանալով, որ պառավը այդքան հանգիստ կերպով հաղորդեց ամուսնու մահվան մասին:

Հենվելով սեղանին, Իլլինիչնան ծանր վեր կացավ:

— էհ, շատ նստեցի, արդեն մութն ընկավ:

— էլի՛ նստեք, տատի:

— Դունյաշկան մենակ է, պետք է գնալ:— Շտկելով լաշակը, Իլլինիչնան դիտեց խոհանոցը, կնճռոտեց դեմքը:— Վառարանից ծուխ է գալի: Երբ որ գնում էիր, պետք է մեկն ու մեկին բերեիր այստեղ ապրելու: Դեհ, հաջողութուն.— և արդեն վերցնելով դռան բռնակը, առանց ետ նայելու ասաց.— տուն ու տեղիդ կընտելանաս, կգաս մեզ մոտ: Կարելի է թե Գրիգորիի մասին բան լսես,— արի ասա:

Այդ օրվանից Մելեխովների և Ակսինյայի հարաբերությունները խիստ փոխվեցին: Գրիգորիի կյանքի նկատմամբ անհանգստությունը մոտեցրեց ու մտերմացրեց նրանց: Հետևյալ առավոտյան Դունյաշկան Ակսինյային տեսավ բակում, կանչեց նրան, մոտեցավ ցանկապատին ու զրկելով Ակսինյայի նիհար ուսերը, սրտաբաց ու փաղաքուշ ժպտաց նրան:

— Ա՛խ, ո՛նց ես լղարել, Կսյուշա, հենց մենակ ոսկորներդ են մնացել:

— Կնիհարես այս տեսակ կյանքից,— նույնպես ժպտաց Ակսինյան թաքցրած նախանձով դիտելով հասուն գեղեցկությունը ծաղկած, կարմրաթուշ աղջկական դեմքը:

— Երեկ մերս եկա՞վ քեզ մոտ,— հայտնի չէ ինչու շճընջալով հարցրեց Դունյաշկան:

— Եկավ:

— Ես այդպես էլ մտածեցի, որ նա քեզ մոտ էր եկել: Գրիշայի մասին հարցրե՞ց:

— Այո:

— Հո լաց չեղա՞վ:

— Չէ, պինդ է պառավը:

Դունյաշկան վստահորեն նայելով Ակսինյային, ասաց.

— Ավելի լավ է նա լաց լիներ, սիրտը կթեթևանար... Գիտե՞ս, Կսյուշա, այս ձմեռվանից նա մի տեսակ տարօրինակ է դարձել, այնպես չէ ինչպես առաջ էր: Երբ նա լսեց հորս մահվան մասին, ես կարծում էի, թե սրտաճաք կլինի, սարսափելի վախեցա, իսկ նա մի կաթիլ արտասուք էլ չթափեց: Միայն ասաց «Ողորմի նրա հոգուն, ազատվեց ցավ ու տանջանքից...» Մինչև իրիկուն ոչ ոքի հետ չէր խոսում: Ես դիմում եմ նրան, իսկ նա ձեռքն է թափ տալի ու լուռ է: Ինչե՛ր չբաշեցի ես այդ օրը: Իրիկունն էլ անասուններին կեր տվի, մտա տուն ու հարցնում եմ նրան՝ «Մայրիկ, իրիկնահացի համար մի բան պիտի եփե՞նք, թե չէ»: Նրա սիրտը հանգստացել էր, սկսեց խոսել... — Դունյաշկան հոգոց հանեց, ու Ակսինյայի ուսերի վրայից մտազբաղ ինչ-որ մի տեղ նայելով, հարցրեց:

— Մեր Գրիգորին մեռե՞լ է, ճիշտ են ասում:

— Չգիտեմ, ջանիկս:

Դունյաշկան կողքից զննողաբար նայեց Ակսինյային, է՛լ ավելի խորունկ հոգոց հանեց:

— Մայրիկը նրա կարոտից հալ ու մաշ է լինում, նրան միայն «փոքր տղես» է անվանում: Իսկի էլ չի հավատում, թե նա սաղ չի: Գիտե՞ս, Կսյուշա, եթե իմանա, որ նա իսկապես մեռել է, դարդից ինքն էլ կմեռնի: Նրա կյանքն անցել է, միայն մի հույս է մնացել,— Գրիգորին: Թոռնիկների համար էլ մի տեսակ խորթացել է ու աշխատանքի ժամանակ ձեռիցը ոչինչ չի գալի: Հապա մտածի, է՛, մի տարվա մեջ մեր ընտանիքից շորս հոգի...

Կարեկցությունից զրոգված Ակսինյան ձգվեց ցանկապատի վրայով, զրկեց Դունյաշկային, պինդ համբուրեց նրա թուշը:

— Մի բանով զբաղեցրու մորդ, անուշիկս, մի թող որ շատ դարդ անի:

— Ինչո՞վ զբաղեցնես նրան.— Դուռնյաշկան լաշակի ծայրով սրբեց աշքերը, խնդրեց.

— Արի մեզ մոտ, խոսի նրա հետ, կթեթևանա սիրտը: Դու ինչո՞ւ պիտի խուսափես մեզանից:

— Կգամ մի կերպ, անպայման կգամ:

— Ես վաղը երևի դաշտ գնամ: Անիկուշկայի կնկա հետ համկալներ ենք, ուզում ենք գոնե մի երկու դեսյատին ցորեն ցանել: Դու ցանք անելու միտք չունե՞ս:

— Ես ի՞նչ ցանք անող եմ որ,— անուրախ ժպտաց Ակսինյան,— ինչո՞վ, և ինչի՞ համար ցանեմ: Մենակ ինձ քիչ բան է հարկավոր, այնպես էլ կապրեմ:

— Քո Ստեպանից ի՞նչ լուր կա:

— Ի՛նչ մի լուր,— անտարբեր պատասխանեց Ակսինյան և իրեն համար անսպասելի կերպով ասաց.— ես այնքան էլ նրա դարդը չեմ քաշում:— Անզգուշաբար բերանից թոցրած խոստովանությունը շփոթեցրեց նրան, և նա, քողարկելով շփոթմունքը, հապճեպ ասաց.— դեհ, բարով մնաս, աղջի ջան, գնամ հավաքեմ տունը:

Ցույց տալով, որպես թե չի նկատել Ակսինյայի շփոթությունը, նայելով մի կողմ, Դուռնյաշկան ասաց.

— Մի քիչ կաց, այ թե ինչ եմ ուզում ասել քեզ, դու չե՞ս օգնի մեր աշխատանքում: Հողը շորանում է, վախենում եմ, որ մենք գործը գլուխ չբերենք, ամբողջ խուտորում երկու կազակ է մնացել, այն էլ հաշմանդամներ են:

Ակսինյան սիրով համաձայնվեց, և գոհ Դուռնյաշկան գնաց, որ պատրաստվի դաշտ դուրս գալու:

Նա ամբողջ օրը եռանդուն պատրաստություն էր տեսնում. Անիկուշկայի այրու օգնությունը զտեց հացահատիկը, մի կերպ սարքեց տափանը, մազութեց սալի անիվները, կարգի բերեց ցանիչը: Երեկոյան էլ լաշակի մեջ մաքուր ցորեն լցրեց ու տարավ գերեզմանոց, շաղ տվեց Պետրոյի, Նատալյայի ու Դարյայի գերեզմանների վրա, որպեսզի թռչունները առավոտյան դրանց վրա իջնեն: Իր մանկական պարզամտությամբ նա հավատում էր, թե մեռելները կլսեն թռչունների ուրախ ծելլոցը և կուրախանան դրանով...

Դոնի շրջակայքում միայն լուսաբացից առաջ էր անդորություն տիրում: Զուրը խուլ վշշում էր հեղեղված անտառում՝ ողողելով կաղամախիների դալկականաչ բները, համաչափ օրորելով կաղնու թփերի ու մատղաշ բարդու անտառի ջրասույզ կատարները. հեղեղված լճերում շրջում էին ալիքներից ճոճվող եղեգների զխիկները. հեղեղված տեղերում, խուլ ջրափռումներով,— այնտեղ, ուր վարարած ջուրը անդրադարձնելով աստղաշող երկնքի մթնշաղային լույսը, կանգնել էր անշարժ, ասես կախարդված,— հազիվ լսելի ձայն ձայնի էին տալիս ծովասագերը, քնեած սվավացնում էին վայրի, արու բաղերը ու երբեմնակի հնչում էին լայն ու արձակ վայրերում գիշերած, չվող կարապների արծաթե, շեփորային ձայները: Մթուձյան մեջ երբեմն ճմփում էր աղատ-արձակ խայտող ձուկը, ոսկեպսպղուն ջրերի վրա երերուն ալիքները գլորվում էին հեռու-հեռու, և լսվում էր անհասնապատասխան թռչունների նախազգուշացուցիչ ճովողությունը: Ու անդորրությունը վերստին պարուրում էր Դոնի շրջակայքը: Բայց լուսաբացին, երբ հազիվ վարդագունում էին կալճոտ լեռնաճյուղերը, ցածր սուրող քամի էր բարձրանում: Հոծ և ուժգին այդ քամին փչում էր հոսանքին հակառակ ուղղությամբ: Դոնով մեկ լեռնանում էին սածենանոց ալիքները, անտառում կատաղի վշշում էր ջուրը, օրորվում, հեծեծում էին ծառերը: Քամին ոռնում էր ամբողջ օրը ու դադարում ուշ գիշերին: Մի քանի օր այդպիսի եղանակ էր լինում:

Տափաստանի վրա յասամանագույն մշուշ իջավ: Հողը շորանում էր, կանգ առնում խոտաբույսերի աճը, աշնանավարը ծիւր էր տալիս: Գետինը ժամառածամ օդահարվում էր, իսկ Տատարսկի խուտորի դաշտերում գրեթե չէին երևում մարդիկ: Ամբողջ խուտորում մնացել էին մի քանի զառամած ծերունիներ, նահանջից վերադարձած կազակները անաշխատունակ էին, ցրտահարված ու հիվանդ, դաշտում միայն կանայք և անշափահասներն էին աշխատում: Մարդագրկված խուտորով մեկ քամին քշում էր փոշին, շրխկացնում տների պատուհանների փեղկերը, քրքրում մարագների կտուրների ծղնոտը, «Այս տարի առանց հացի կմնանք,— ասում էին ծերունիները.— Դաշտերում միայն կնանիքն են,

ալն էլ երեք տնից մեկն է ցանում: Մեռած հողն էլ պտուղ չի տա...»

Գաշտ գնալուց հետո մյուս օրը, արևամուտից առաջ Ակսինյան եզները քշեց դեպի լճակը: Ամբարտակի մոտ, թամբած ձիու սանձը ձեռքին, կանգնել էր տասը տարեկան մի տղա՝ Օբնիզովը: Ձին որոճում էր շրթունքներով, նրա գորշ, թավշյա դնչից կաթիլներ էին ընկնում, իսկ ձիուց իջած ձիավորը զվարճանում էր,— շոր կավի կտորներ էր նետում ջրի մեջ, նայում, թե ջրի երեսին ինչպես են տարածվում բուլբուլները:

— Այդ ո՞ւր ես գնում, Վանյատկա,— հարցրեց Ակսինյան:

— Մորս հաց-մաց էի բերել:

— Խուտորում ի՞նչ կա:

— Ոչինչ: Գերասիմ պապին այս գիշեր ուռկանով մի մե՛ծ-եծ ձուկ է բռնել: Կովից եկել է Ֆյոդոր Մելնիկովը:

Կանգնելով ոտների մատների վրա, տղան սանձեց ձին, մի ձեռքով բռնեց դրա բաշից և սատանայական ճարպկությամբ թռավ թամբի վրա: Նա լճակից հեռացավ ինչպես խոհեմ տնտեսատեր,— քայլքով, բայց մի քիչ հետո շուտովեց դեմքը, նայեց Ակսինյային ու այնպես սլացավ, որ մեջքի վրա փուչիկի պես ուռավ խունացած, կապույտ վերնաշապիկը:

Մինչդեռ եզները ջուր էին խմում, Ակսինյան մի փոքր պառկեց ամբարտակի վրա և իսկույն որոշեց գնալ խուտոր: Մելնիկովը գինձառայող կազակ էր և պետք է որ մի որևէ բան գիտենար Գրիգորիի վիճակի մասին: Եզները տանելով դաշտակայան, Ակսինյան ասաց Դունյաշկային.

— Երթամ խուտոր, իսկ էգուց շուտ կգամ:

— Գո՞րծ կա:

— Ըհը՛մ:

Առավոտը Ակսինյան վերադարձավ: Նա մոտեցավ եզները լծող Դունյաշկային, նա անհոգ թափահարում էր ձեռքի ճիպոտը, բայց նրա հոնքերը կիտված էին, իսկ շրթունքների անկյուններում տխրություն արտահայտող ծալեր էին առաջացել:

— Մելնիկով Ֆյոդորը եկել է: Գնացի մոտը, հարցրի՞ Գրիգորիի մասին: Ոչինչ չգիտե,— կարճ ասաց Ակսինյան ու կտրուկ շուռ գալով, մոտեցավ ցանիչին:

Ցանքից հետո Ակսինյան ձեռնամուխ եղավ տնտեսության. բոստանում ձմերուկ ցանեց, ծեփեց ու սպիտակացրեց տունը, ինչքան որ կարող էր, ծղնոտի մնացորդներով ծածկեց մարագի կտուրը: Օրերն աշխատանքով էր անցկացնում, բայց չէր լինում թեկուզ մի ժամ, որ նա շանհանգրստանար Գրիգորիի կյանքի համար: Ակսինյան դժկամորեն էր վերհիշում Ստեպանին, ու չգիտես ինչու նրան թվում էր, որ Ստեպանը չի վերադառնա, բայց երբ կազակներից որևէ մեկը գալիս էր խուտոր, նա սկզբում հարցնում էր՝ «Իմ Ստեպանին չե՞ս տեսել», հետո էլ արդեն զգուշությամբ, կամաց-կամաց փորձում էր որևէ բան իմանալ Գրիգորիի մասին: Նրանց սիրային կապի մասին խուտորում բոլորն էլ գիտեին: Նույնիսկ կնանիքը, որ սիրում էին բամբասել, էլ չէին քրչփչում նրանց մասին, բայց Ակսինյան ամառում էր արտահայտել իր զգացմունքը, և միայն երբեմն, երբ խոսքից ժլատ գինձառայողը ոչինչ չէր ասում Գրիգորիի մասին, Ակսինյան աչքերը կկոցելով ու մի փոքր շփոթվելով, հարցնում էր՝ «Իսկ մեր հարևանին, Գրիգորի Պանտելիչին չե՞ս հանդիպել: Մայրը անհանգստանում է նրա համար, հալումաջ է եղել...»

Նովորոսիյսկում Դոնի բանակի անձնատուր լինելուց հետո խուտորի կազակներից ոչ մեկը չէր տեսել ոչ Գրիգորիին, ոչ էլ Ստեպանին: Եվ միայն հունիսի վերջին Ակսինյայի մոտ եկավ մի կազակ, որը ծառայել էր Ստեպանի հետ և Կոլունդակսկի խուտորից էր: Հենց սա էլ հաղորդեց Ակսինյային.

— Ստեպանը գնաց Ղրիմ, դրուստ խոսք եմ ասում քեզ: Ինքս տեսա, թե նա ոնց էր նավ նստում: Հետը խոսել չկարացի: Այնպիսի հրմշտոց էր, որ մեկը մյուսի գլխի վրայով էր շարժվում:— Գրիգորիի վերաբերյալ հարցին խուսափուկ պատասխանեց.— տեսա նավահանգստում, ուսադիրներով էր, հետո էլ շտեսա: Շատ սպաների Մոսկվա տարան, դե, ո՞վ գիտի նա հիմի որտեղ է...

Մի շաբաթ հետո էլ Տատարսկում հայտնվեց վիրավորված Պրոխոր Զիկովը: Նրան բերին Միլլերովո կայարանից,



բնակչական սայլով: Կսելով այդ մտօին. Ակսինյան թողեց կովը կթելը, հորթը բաց թողեց ծծելու և շալը գցելով վրան, շտապ-շտապ գնաց, գրեթե վազեց Զիկովի տունը: «Պրոխորը հո գիտի, նա հո պետք է գիտենա: Բա որ ասի, թե Գրիշան սաղ չի», ես ի՞նչ պիտի անեմ», — մտածում էր նա ճանապարհին և ամեն բույե դանդաղեցնում էր քայլերը՝ ձեռքը սեղմելով սրտին, վախենալով, որ սև լուր կլսի:

Պրոխորը նրան օթախում ընդունեց թունդ ժպտալով, ձախ թևի կարճ կտրածքը թարցնելով մեջքի վրա:

— Բարև, դրացի, բարև: Սաղ ես, էլի: Իսկ մենք արդեն կարծում էինք, թե դու այն գյուղում քոչել էիր աշխարհքից: Ա՛մա թե ծանր էր վիճակդ հա՛-ա... Հը՛մ, այդ տիֆը ո՞նց է սիրունացնում քեզ նմաններին, հը՛: Իսկ ինձ տես թե ինչ են արել լեհերը, ցավս տանի նրանց: — Պրոխորը ցույց տվեց պաշտպանական գույնի վերնաշապկի դատարկ, հանգույց կապած թևքը: — Կնիկս տեսավ, լաց ու կոծ է անում, իսկ ես նրան ասում եմ «Մի՛ լար, դմբո, ուրիշների գլուխներն են կտրում, ամա նեղացող չի լինում, իսկ թևն ի՞նչ է որ: Հիմի փախտե թև են շինում: Այդ տեսակ թևը չի մրսի, կտրես էլ, — արյուն չի գա: Ափսոս, աղջի, որ չեմ սովորել մի ձեռքով գործ անել: Շալվարս էլ չեմ կարենում կոճկել: Կիևից մինչև տուն չկոճկած շալվարով եմ եկել: Ամոթանք է էլի: Այնպես որ դու ների, եթե վրես անկարգություն տեսնես... Դեհ, արի, նստի, հյուր կլինես: Խոսենք, քանի կնիկս չի եկել: Նրան, անզգամին, արագի եմ դրկել: Մարդը եկել է կտրված թևով, իսկ նա իսկի շնորհավորելու բան էլ չունի: Գուք բոլորդ էլ առանց մարդու այդպես եք, ես լավ գիտեմ ձեզ, թաց պոչավորներ:

— Դու հյա ասիր...

— Գիտեմ, կասեմ: Հրամայեց ա՛յ թե ոնց գլուխ տալ: — Պրոխորը կատակով գլուխ տվեց, բարձրացրեց գլուխը և զարմացած շարժեց հոնքերը: — Ա՛յ քեզ բան, ո՞ւր ես լաց լինում, ա՛յ դմբո: Դուք, կնանիքդ, բոլորդ էլ այդպես եք, տզզում եք հա՛ տզզում: Սպանեցին — լաց եք լինում, սաղ մնաց — էլի լաց եք լինում: Սրբի, է՛, ի՞նչ ես թնկթնգում: Ասում եմ քեզ ողջ-առողջ է, էլի: Մոռթը այնպե՛ս է հաստացել որ: Նովորոսիյսկում ես ու նա մտանք ընկեր Բուդյոն-

նու հեծյալ բանակը, տասնչորսերորդ դիվիզիան: Մեր Գրիգորի Պանտելեիչը ընդունեց մի հարյուրյակ թե հեծելավաշտ, ես էլ, հարկ է որ, նրա հետ էի, ու երթական կարգով գնացինք Կիևի կողմերը: Ու գիտես, աղջի, թե ո՞նց շարդուփշուր արեցինք այն լեհերին: Գնում էինք այնտեղ, Գրիգորի Պանտելեիչն ասում է՝ «Գերմանացիներին թրատում էի, թուրս փորձում ինչ-որ ավատրիացիների վրա, մի՞թե լեհերի գանգերը ավելի պինդ են: Ինձ թվում է, որ նրանց ավելի հեշտ է թրատել, քան մերոնց — ոռուներին, դու ի՞նչ ես կարծում», — ու աչքով է անում ինձ, ժպտում: Հենց որ մտավ Կարմիր բանակ, փոխվեց, դարձավ ավելի ուրախ, կոկիկ, ոնց որ կտած՝ ձի: Հա, մեր մեջ ընտանեկան սկանդալ էլ եղավ... Մի անգամ մոտենում եմ նրան ու հանաքով ասում. «Ժամանակն է կանգ առնել հանգստանալու, ձերդ բարեձննդություն, ընկեր Մելեխով»: Նա աչքերը շոց վրես, ասում է. «Դու այդ հանաքները թող, թե չէ բանը վատ կլինի»: Իրիկունը ինչ-որ գործով կանչում է ինձ, ու սատանեն ինձ դրդեց էլի նրան «բարեձննդություն» անվանել... Ձեռքը տարավ մաուզերին, գունաթափ եղավ, բացեց ատամները ոնց որ գել, իսկ ատամներով լիք լցված է բերանը, դրանք հարյուրից պակաս չեն լինի: Ես մտա ձիու փորի տակ, փախա նրանից: Քիչ մնաց սպաներ, կատաղածի մեկն է, էլի:

— Հետո, ո՞նց է, կարելի է թե արձակո՞ւրդ գա... — ակնարկեց Ակսինյան:

— Իսկի մի է՛լ մտածի, — կտրուկ ասաց Պրոխորը: — Ասում է այնքան պիտի ծառայեմ, մինչև որ անցյալ մեղքերս քավեմ: Նա այդ կանի, — հիմարի համար ամեն բան էլ հեշտ է... Մի ավանի մոտ նա մեզ գրոհի տարավ: Աչքիս առաջ լեհերի շորս ուլան թրատեց: Ախր նա, անպիտանը, փոքրուց ձախլիկ է, ու երկու կողմից էլ խփեց նրանց... Կովից հետո Բուդյոնին ինքը շարքի առաջ նրան ձեռք տվեց, նրան էլ, հեծելավաշտին էլ շնորհակալություն հայտնեց: Ա՛յ թե նա, քո Պանտելեիչը, ինչ հնարքներ է բանեցնում:

Ակսինյան լսում էր շշմածի նման... Նա ուշքի եկավ Մելեխովների բակի դռան մոտ միայն: Դունյաշկան հաշտում կաթ էր քամում. առանց գլուխը բարձրացնելու հարցրեց:

— Եկել ես թթխմորի՞: Ես խոստացել էի բերել ու մոռացա:— Բայց նայելով Ակսինյայի արտասովալից, երջանկութունից փայլող աչքերին, նա առանց խոսքերի ամեն ինչ հասկացավ:

Բորբոք դեմքը սեղմելով նրա ուսին, բերկրանքից շնչասպառ լինելով, Ակսինյան շնջաց:

— Ողջ և առողջ է... Բարև է ղրկել... Գնա ասա մորդ, գնա՛:

## II

Ամառվա սկզբներին Տատարսկի վերադարձան նահանջած կազակներից մի երեսուն հոգի: Դրանք մեծ մասամբ ծերեր և ավագ հասակների զինծառայողներ էին, իսկ երիտասարդները և միջին տարիքի կազակները, չհաշված հիվանդներին ու վիրավորներին, գրեթե ամբողջովին բացակայում էին: Նրանց մի մասը Կարմիր բանակում էր, մնացածները գտնվելով Վրանգելի գնդերի կազմում, նստել էին Ղրիմում, դեպի Դոն նոր արշավանքի էին պատրաստվում:

Նահանջածների ամբողջ կեսը առմիշտ մնաց օտար երկրներում. ոմանք մեռան տիֆից, ոմանք ընկան Կուրանում, հակառակորդի դեմ մղված վերջին կռիվներում, մի քանի մարդ գումակից կտրվելով, սառեցին Մանիչի մերձակա տափաստանում, երկուսը գերի բռնվեցին կարմիրների — կանաչների կողմից և անհայտ կորան... Տատարսկում շատ կազակներ էին պակասում: Կանայք օրերն անց էին կացնում լարված ու տագնապալից սպասումով, ու ամեն անգամ, ընդունելով արոտավայրերից վերադարձող անասունները, երկար կանգնում էին, ձեռների տակից նայում, թե արդյոք իրիկնային կապտավուն մուժով շղարշված ճանապարհին չի՞ երևա ուշացած, ոտով եկող մի որևէ կազակ:

Տուն էր գալիս մի որևէ քրջոտ, ոչլուտած ու նիհար, բայց երկար սպասված տանտեր, ու խրճիթում ուրախալի, խառնաշփոթ իրարանցում էր սկսվում. ջուր էին տաքացնում կեղտից սևացած զինծառայողի համար, երեխաները իրար առաջ կտրելով աշխատում էին ծառայություն մատուցել հո-

րը ու հսկում էին նրա յուրաքանչյուր շարժումը, երջանկութունից իրեն կորցրած տանտիրուհին մերթ սեղան էր գցում, մերթ վազում դեպի սնդուկը, որպեսզի մի գույզ մաքուր սպիտակեղեն հաներ ամուսնու համար: Իսկ սպիտակեղենը թարսի պես կարկատած չէր լինում, ու տանտիրուհու գողողոցն մատները ոչ մի կերպ չէին կարողանում թելն անցկացնել ասեղի ծակը... Այդ երջանիկ ըոպեին նույնիսկ բակի շանն էլ, — որը հեռվից ճանաչում էր տանտիրոջը ու մինչև շեմքը վազում նրա ետևից, լիզելով նրա ձեռները, — թույլատրվում էր տուն մտնել. նույնիսկ աման ջարդելու կամ կաթ թափելու համար էլ չէին տուժում երեխաները, ու նրանց ամեն մի զանցանքն էլ անպատիժ էր մնում... Հենց որ տանտերը լողանալուց հետո փոխում էր շորերը, խրճիթը ծայրեծայր լցվում էր կանանցով: Գալիս էին իմանալու իրենց հարազատների բախտի մասին, երկչոտ ու ազահորեն որսում էին զինծառայողի յուրաքանչյուր խոսքը: Իսկ մի քիչ հետո որևէ մի կին, ձեռները արտասովաթոր դեմքին սեղմած, դուրս էր ելնում, գնում փողոցով ինչպես կույր, չճանաչելով ճանապարհը, և ահա արդեն տնակներից մեկում նոր այրի կինը ողբում էր մեռելի վրա, ու երեխաներն էլ լալիս էին բարակ ձայներով, ձայնակցում նրան: Այն օրերին այդպես էր լինում Տատարսկում. բերկրանքը մի տուն մտնելով, մի ուրիշ տան մեջ անամոք վիշտ էր մտցնում:

Ջահելացած, մաքուր սափրված տանտերը առավոտյան, լույսը բացվելուն պես վեր էր կենում, գննում տնտեսությունը, նշում, թե ինչին պետք է իսկույն ձեռնամուխ լինել: Նախաճաշից հետո նա արդեն գործի էր անցնում: Մարագի շարդախի տակ, զով տեղում ուրախ ֆշֆշում էր ունդան կամ թխկթխկում կացինը, ասես ազգարարելով, որ այդ տանը հայտնվել են տղամարդու հմուտ, աշխատանքի կարող ձեռքերը: Իսկ այնտեղ, ուր նախորդ օրը իմացել էին հոր և ամուսնու մահվան լուրը, խուլ լուսթյուն էր տիրում տանը և բակում: Լուռումունջ պառկած էր լինում վշտահար մայրը, ու նրա մոտ խոնվում, իրար գլխի էին հավաքվում մի գիշերվա մեջ մեծացած որբ երեխաները:

Լսելով խուտորցիներից որևէ մեկի վերադառնալու լուրը, Իլլինիչնան ասում էր.

— Բա մեր տղեն ե՞րբ կգա: Ուրիշները գալիս են, իսկ մեր տղից լուր էլ չկա:

— Զահել կազակներին բաց շեն թողնում, ինչպե՛ս դուք այդ շեք հասկանում, մայրիկ,— սրտնեղելով պատասխանում էր Դունյաշկան:

— Ո՞նց թե բաց շեն թողնում: Բա Տիբուն Գերասիմո՞ւ վր: Նա Գրիշայից մի տարով է փոքր:

— Նա վիրավորված է, մայրիկ:

— Ի՞նչ վիրավորված, է՛,— առարկում էր Իլյինիշնան,— Լո՛ւկ նրան տեսա դարբնոցի մոտ,— դիք-դիք է ման գալի: Այդպիսի վիրավորվածներ չեն լինում:

— Վիրավորված է եղել, է՛սկ հե՛մի հանգստանում է:

— Բա մեր տղեն քի՞չ է վիրավորվել, հա՛: Ամբողջ մարմնի վրա նպիններ կան, քո ասելով ուղեմն նրան հանգիստ չի՞ հարկավոր:

Դունյաշկան ամեն կերպ աշխատում էր պացուցել զուրբ, որ հի՛մա չի կաշեի հույս դնել Գրիգորիի գալու վրա: Բայց Իլյինիշնանը որևէ բանում համոզվել չէր:

— Լո՛ւիք, ըմբո,— հրամայում էր նա Դունյաշկանին:— Ես քեզանից պակաս գիտուն չեմ, և դու մորդ սովորեցնելու համար դեռ ջահել ես: Ասում եմ՝ պետք է գա, ուրեմն կգա: Գնա, գնա, քեզ հետ խոսելը զուր բան է:

Պատավր մեծագույն անհամբերությամբ սպասում էր որդուն և ամեն մի առիթով վերհիշում էր նրան: Բավական էր, որ Միշատկան չհնազանդվեր նրան, և Իլյինիշնան իսկույն սպառնում էր. «Դու սպասիր, գիժ մանչուկ, հերդ կգա, կասեմ նրան, կտեսնես, թե նա քեզ ոնց կթակի»: Պատուհանների կողքից անցնող որևէ սայլի նոր շինած կողերը տեսնելով, Իլյինիշնան հոգոց էր հանում և անպայման ասում. «Սեիից իսկույն երևում է, որ տանտերը տանն է, իսկ մեր տղեն ոնց որ թե մոռացել է տան ճամփեն...» Իլյինիշնան իր կյանքում երբեք չէր սիրել ծխախոտի ծուխը ու ծխողներին միշտ էլ դուրս էր անում խոհանոցից, բայց վերջին ժամանակներում նա այդ կողմից էլ փոխվեց. «Գնա-կանչիր Պրոխորին,— երբեմնակի նա ասում էր Դունյաշկային,— թող գա, թութուն քաշի, թե չէ այստեղ մեռելի հոտ է գալի: Գրիշան կգա ծառայությունից, այն ժամանակ մեք

տունը կլցվի կենդանի, կազակական հոտով...» Ամեն օր եփել-թափելիս նա մի որևէ ավելորդ բան էր պատրաստում և ճաշից հետո շշիով լցված շուգունը դնում էր վառարանի մեջ: Դունյաշկայի այն հարցին, թե նա ինչու է այդ անում, Իլյինիշնան զարմացած պատասխանում էր. «Բա ո՞նց. կարելի է այսօր կգա մեր զինվոր տղեն, իսկույն տաք կերակուր կուտի, թե չէ մինչև տաքացնես, մինչև դես-դեն անես, նա պետք է սոված նստի...» Մի անգամ բոստանից տուն գալով, Դունյաշկան տեսավ, որ խոհանոցում մեխից կախված է Գրիգորիի հին իշիկը և խունացած բոլորքով գլխարկը: Դունյաշկան հարցականորեն նայեց մորը, և սա մի տեսակ ողորմելիորեն ու մեղավորաբար ժպտալով, ասաց. «Դրանք ես եմ հանել սնդուկից, Դունյաշկա: Ներս ես մըտնում, մտիկ անում, ու ոնց որ թե սիրտդ թեթևանում է... Ոնց որ թե նա արդեն մեզ հետ է...»

Գրիգորիի վերաբերյալ անվերջ խոսակցությունները ձանձրացրել էին Դունյաշկային: Մի անգամ նա այլևս չհամբերեց, կշտամբեց մորը.

— Մայրիկ, բա չե՞ք ձանձրանում միշտ միևնույն բանի մասին խոսելուց: Դուք բոլորի գլուխներն էլ տարել եք ձեր խոսակցություններով: Գրիշա հա՛ Գրիշա, էլ ուրիշ բան չես լսի ձեզանից...

— Ո՞նց թե ես ձանձրանամ հարազատ որդու ժասին խոսելուց, հը՞: Դու հլա երեխա բեր, այն ժամանակ կիմանաս... — կամացուկ պատասխանեց Իլյինիշնան:

Իրանից հետո նա Գրիգորիի իշիկը և գլխարկը խոհանոցից տարավ օթխար և մի քանի օր չէր խոսում որդու մասին: Բայց մարգագետնի հնձից քիչ առաջ նա Դունյաշկային ասաց.

— Դու բարկանում ես, երբ ես խոսում եմ Գրիշայի մասին, բա առանց նրան մենք ո՞նց պիտի ապրենք: Դու դրա մասին մտածե՛լ ես, հի՛մար: Մոտենում է խոտհունձը, իսկ մեր տանը փոցխ սարքող չկա... Այ թե մեզ մոտ ոնց բրիշակ եղավ ամեն բան, և ես ու դու ոչ մի գործ չենք կարող գլուխ բերել: Առանց տանտիրոջ բան չի դուրս գա...

Դունյաշկան ոչինչ չասաց: Նա շատ լավ էր հասկանում, որ տնտեսության հարցերը այնքան էլ չեն անհանգստաց-

նում մորը, որ այդ բոլորը միայն պատրվակ է Գրիգորիի մասին խոսելու և ինքնասփոփման համար: Իլլիինիչնան սկսեց էլ ավելի կարոտել որդուն և չկարողացավ այդ թաքցնել: Երեկոյան նա հրաժարվեց ընթրիքից: ու երբ Դունյաշկան հարցրեց. թե արդյոք չի՞ հիվանդացել,— դժկամ պատասխանեց.

— Պառավել եմ... Սիրտս էլ ցավում է Գրիշայի համար... Այնպես է ցավում, որ ինձ ոչ մի բան դուր չի գալի ու աչքերս էլ ցավում են աշխարհքին նայելիս...

Բայց Գրիգորին չէր, որ Մելեխովների տանը տնտեսութամբ էր զբաղվելու... Մարգագետնի հնձից առաջ Միշկա Կոշևոյը ռազմաճակատից ժամանեց խուտոր: Նա գիշերուց հեռավոր ազգականների տանը ու առավոտյան եկավ Մելեխովների մոտ: Իլլինիչնան կերակուր էր եփում, երբ հյուրը քաղաքավարի ծեծելով դուռը և պատասխան չստանալով, մտավ խոհանոց, հանեց զինվորի իր հին գլխարկը, ժպտաց Իլլինիչնային:

— Բարև, մորաքույր Իլլինիչնա. չէի՞ր սպասում:

— Բարև: Իսկ դու իմ ի՞նչն ես, որ ես սպասեի քեզ: Մեր ծանոթի հարևանի ծանոթն ես,— կոպիտ պատասխանեց Իլլինիչնան՝ զայրագին նայելով իր համար ատելի Կոշևոյի դեմքին:

Նման ընդունելությունից բնավ չզիջվելով, Միշկան ասաց.

— Բա ի՞նչ ասեմ... Ինչքան շինի ծանոթներ ենք եղել:

— Հենց միայն այդքան:

— Ավելի շատ բան չի էլ հարկավոր այցելելու համար: Ես չեմ եկել քեզ մոտ ապրելու:

— Ակաս-մակաս այդ էր պակաս,— ասաց Իլլինիչնան և առանց հյուրին նայելու զբաղվեց կերակուր եփելով:

Ուշադրություն չդարձնելով նրա խոսքերի վրա, Միշկան ուշադրությամբ դիտեց խոհանոցը, ասաց.

— Եկա այցելելու, տեսնելու թե դուք ոնց եք ապրում...

Մի տարուց ավելի է, որ չենք տեսնվել:

— Իսկի էլ կարոտ չէինք քեզ,— մոթմոթաց Իլլինիչնան՝ վառարանի մեջ բարկությամբ շարժելով շուգունները:

Դունյաշկան հավաքում էր օթախը ու, լսելով Միշկայի ձայնը, գունատվեց, ձեռները լուռ իրար զարկեց: Նստելով նստարանին, առանց շարժվելու նա լսում էր խոհանոցում տեղի ունեցող խոսակցությունը: Դունյաշկայի դեմքի վրա մերթ թունդ կարմրություն էր բռնկվում, մերթ էլ թշերը այնպիսի գունատությամբ էին ծածկվում, որ քթի բարակ սապատիկի վրա երկայնակի, սպիտակ շերտիկներ էին առաջանում: Նա լսեց, թե ինչպես Միշկան ամրաքայլ անցավ խոհանոցով, նստեց իր տակին ճոճոռո աթոռի վրա, հետո չիվացրեց լուցկին: Մխախտի ծուխը թափանցեց օթախը:

— Ասում են ծերունին մեռավ, հա՞:

— Մեռավ:

— Բա Գրիգորի՞ն:

Իլլինիչնան երկար լռեց, ապա նկատելի դժկամությամբ պատասխանեց.

— Կարմիրների մոտ է ծառայում: Գդակին նույնպիսի ասող է կպցրել, ինչպես և դու:

— Վաղուց պետք է դա կպցներ...

— Դա նրա գործն է:

Միշկայի ձայնը պարզորոշ անհանգստություն արտահայտեց, երբ նա հարցրեց.

— Բա Եվդոկիա Պանտելևնա՞ն:

— Վեր է կենում: Շատ շուտ ես եկել, լավ մարդիկ վաղ առավոտյան հյուր չեն գնում:

— Ի՛նչ, մենք ո՞րտեղից լավ լինենք: Կարոտել էի ու եկա: Այստեղ ժամանակ ընտրե՞լս որն է:

— Օ՛ֆ, Միխայիլ, լավ կլինեիր ինձ շբարկացնելիր...

— Ինչո՞վ եմ ես ձեզ բարկացնում, մորաքույր:

— Շատ բանով:

— Ախր ինչո՞վ, է՞:

— Քո այդ խոսակցություններով:

Դունյաշկան լսեց, թե ինչպես Միշկան ծանր հոգոց հանեց: Նա այլևս չէր կարող համբերել. վեր թռավ, շտկեց շրջազգեստը, մտավ խոհանոց: Դեղնադեմ, անճանաչելիության շափ նիհարած Միշկան նստել էր պատուհանի մոտ, ծխում էր ժխախտի մնացորդը: Երբ նա տեսավ Դունյաշկային, պղտոր աչքերը աշխուժացան, դեմքի վրա հազիվ

նկատելի կարմրութիւն երևաց: Հաղձուկորեն ոտքի ելնելով, նա խոսկոտ ասաց.

— Օ-օ՛, բարև:

— Բարև... — հազիվ լսելի պատասխանեց Դուռնյաշկան:

— Գնա ջուր բեր, — իսկույն հրամայեց Իլլինիչնան՝ հարևանցիորեն նայելով աղջկան:

Միշկան համբերությամբ սպասում էր Դուռնյաշկայի վերադարձին: Իլլինիչնան լուռ էր: Լուռ էր և Միշկան, հետո էլ մատներով մարեց ծխախոտի մնացորդը, հարցրեց.

— Ինչո՞ւ, եք ինձ վրա շարանում, մորաքույր: Ես ձեզ ի՞նչ վատութիւն եմ արել:

Իլլինիչնան դեմքը շուռ տվեց վառարանից, ասես խայթված լիներ.

— Ո՞նց է խիղճդ թույլ տալիս գալ մեզ մոտ, անամոթի մեկը, — ասաց նա: — Եվ դու հլա դեռ այդպիսի բա՞ն ես հարցնում ինձ, հա՞, հոգեառ...

— Ես ի՞նչ հոգեառ եմ որ:

— Իսկականն ես: Ո՞վ է սպանել Պետրոյին: Դու չե՞ս:

— Ես եմ սպանել:

— Պրծավ-գնաց: Դրանից հետո էլ ո՞վ ես դու: Եվ դու գալիս ես մեզ մոտ... Նստում ես, ոնց որ թե... — Իլլինիչնան շնչասպառ եղավ, լոեց, բայց ինքն իրեն հավաքելով, շարունակեց. — Ես նրա մե՞րն եմ թե ոչ: Բա քո աչքերը ո՞նց են մտիկ անում ինձ, հը՞:

Միշկան բավական գունատվեց: Նա սպասում էր այդ խոսակցութեանը: Հուզմունքից մի փոքր կակազելով՝ նա ասաց.

— Ինչո՞ւ պետք է աչքերս փակվեն: Բա որ Պետրոն ինձ բռներ, ի՞նչ կաներ: Կարծում ես, թե ճակատս պիտի համբուրեր, հա՞: Նա նույնպես կսպաներ ինձ: Մենք այն կոնտերի վրա հո նրա համար չէինք հանդիպել, որ իրար գլուխ շոյեինք: Պատերազմ է, բա-ա՞ս:

— Բա խնամի Կորշունովին, խաղաղ ալևորին սպանելն է՞լ պատերազմ է:

— Բա ո՞նց, — զարմացավ Միշկան, — իհարկե պատերազմ է: Ես գիտեմ այդ խաղաղ ծերուկներին: Այդ տեսակ մարդը նստում է տանը, ձեռքերով է պահում փոխանը, ամա

ավելի շատ շարիք է գործում, քան մեկ ուրիշը դիրքերում... Հենց այդպիսիները, ինչպես Գրիշակա պապին էր, կազակներին գրգռում էին մեր դեմ: Հենց նրանց պատճառով սկսվեց այս ամբողջ պատերազմը: Ովքե՞ր էին ագիտացիա անում մեր դեմ: Նրանք, այդ խաղաղ ալևորները: Իսկ դու ասում ես՝ «հոգեառ»... Լա՛վ հոգեառ ես գտել, հա՞: Ես առաջ գառ կամ գոճի էլ չէի կարենում մորթել ու հիմա էլ, գիտեմ, չեմ մորթի: Ձեռս չի բարձրանում այդ կենդանիներին վրա: Երբ ուրիշներն են մորթում, էլի՛ ես ականջներս եմ ծածկում ու հեռանում, որ ոչ լսեմ, ոչ էլ տեսնեմ:

— Բա խնամուն...

— Թողեք այդ խնամուն, է՛, — բարկութեամբ ընդհատեց Միշկան: — Նրանից այնքան օգուտ կար, ինչքան որձ այժի կաթից, իսկ վնաս շատ կար: Ասում էի նրան՝ դուրս եկ տանից, դուրս չեկավ, ու տեղնուտեղը փովեց: Ես չարացած եմ դրանց, այդ քավթառ սատանաների վրա: Կենդանուն սպանել չեմ կարող, եթե միայն կատաղութիւնս չի գալի, — իսկ այդպիսի զարշեյիներին, — դուք ինձ ներեցեք, — ձեր այդ խնամու նմաններին, այդ սատանաներին ինչքան ասես կկոտորեմ: Իմ ձեռքը պինդ է դրանց, այդ թշնամիներին գեմ, որոնք զուր են ապրում աշխարհքում:

— Կո այդ պնդութեան պատճառով էլ այգբան մաշվել ես, — խայթեց Իլլինիչնան, — երևի խիղճդ տանջում է քեզ...

— Էլ ո՞նց չէ, — բարեհոգութեամբ ժպտաց Միշկան, — խիղճս պիտի տանջի այդ տեսակ փալասի համար, ինչպես այդ բիձան էր: Ինձ տենդն էր տանջել, բոլորովին հյուժել, թե չէ ես նրանց, մայրիկ...

— Ես ի՞նչ մայրիկ եմ քեզ համար, — վրդովվեց Իլլինիչնան: — Գնա շանը մայրիկ ասա:

— Դե, մի՛ վիրավորի ինձ, — խուլ ձայնով ասաց Միշկան և շարագուշակ կկոցեց աչքերը: — Ես քեզանից այսքան վիրավորանք կու տալու փողորմ չեմ վերցրել: Քեզ հաստատ եմ ասում, մորաքույր. Պետրոյի համար մի շարանա վրես: Նա ինքը գտավ այն, ինչ որ փնտրում էր:

— Հոգեառ, հոգեառ, գնա՛ այստեղից, ես քեզ տեսնել չեմ կարող, — համառորեն պնդում էր Իլլինիչնան:

Միշկան դարձյալ ծխեց, հանգիստ հարցրեց.

— Բա Միտրի Կորչունովը, ձեր խնամին, մարդասպան չի: Բա Գրիգորի՞ն ով է: Տղիդ մասին լուռ ես, իսկ նա հո իսկական հոգեառ է:

— Մի ստի՛:

— Երեկվանից չեմ ստում: Բա քո կարծիքով ո՞վ է նա: Մերոնցից քանիսի՞ն է կոտորել, գիտե՞ս: Հը՛մ: Թե որ դու, մորաքույր, այդ տեսակ անուն ես տալի բոլորին, ովքեր պատերազմում են եղել, ուրեմն մենք բոլորս հոգեառներ ենք: Ամբողջ գործն այն է, թե ինչի համար և ում պետք է սպանել, — նշանակալից կերպով ասաց Միշկան:

Իլլինիչնան լռեց, բայց տեսնելով, որ հյուրը չի էլ մտածում գնալ, խստորեն ասաց.

— Հերի՛ք է: Ծս քեզ հետ խոսելու ժամանակ շունեմ, գնա տուն:

— Ես այնքան տներ ունեմ, ինչքան որ նապաստակը՝ պալատներ, — քմծիծաղ տվեց Միշկան ու վեր կացավ:

Բոլորովին էլ չէր կարելի հար և նման ամեն տեսակ խոսակցություններով խրտնեցնել նրան: Միշկան այնքան զգայուն չէր, որ ուշադրություն դարձներ կատաղած պառավի վիրավորական արարքների վրա: Նա գիտեր, որ Դունյաշկան սիրում է իրեն, իսկ մնացած բաների, նաև պառավի վրա թքել էլ չէր ուզում:

Հետևյալ օրվա առավոտյան նա կրկին եկավ, հանգիստ բարեկեց, նստեց պատուհանի մոտ՝ դիտելով Դունյաշկայի յուրաքանչյուր շարժումը:

— Շուտ-շուտ ես գալի... — անցողակի փնթփնթաց Իլլինիչնան՝ չպատասխանելով Միշկայի բարեկին:

Դունյաշկան շիկնեց, բորբոք աչքերով նայեց մորը ու առանց որևէ խոսք ասելու խոնարհեց հայացքը: Միշկան քմծիծաղ տալով՝ պատասխանեց.

— Քեզ մոտ չեմ եկել, մորաքույր Իլլինիչնա, զուր ես նեղանում:

— Ավելի լավ կլիներ դու բոլորովին մոռանայիր մեզ տան ճամփեն:

— Բա ո՛ւր գնամ, — լրջանալով հարցրեց Միշկան: — Ձեր խնամի Միտրիի ողորմածությամբ մնացել եմ մենակ, ոնց որ միաչքանի մարդու աչքը, իսկ դատարկ խրճիթում

գրիկ պես նստել չի լինի: Ուզում ես թե չես ուզում, մորաքույր, ես պետք է գնամ-գամ ձեզ մոտ, — վերջացրեց նա ու ավելի հարմար նստեց, լայն տարածեց ոտները:

Իլլինիչնան ուշադրությամբ նայեց նրան: Այո, անշուշտ, այդպիսի մեկին այնքան էլ հեշտ չի դուրս անել: Եվան համառություն կար Միշկայի ամբողջ կորացած կերպարանքում, գլխի թեքվածքում, պինդ սեղմված շրթունքներում...

Նրա գնալուց հետո Իլլինիչնան երեխաներին ուղարկեց բակը, ասաց՝ դիմելով Դունյաշկային.

— էլ նա այստեղ ոտ չպիտի դնի: Հասկացա՞ր:

Դունյաշկան անթարթ նայեց մորը: Կատաղաբար կկոցված նրա աչքերում բոլոր Մելիխուլներին հատուկ ինչ-որ մի բան առկայծեց վայրկենապես, երբ նա, ասես ատամներով յուրաքանչյուր բառը կտրելով, ասաց.

— Ո՛չ, պիտի գա: Ձե՛ք կարող արգելել: Պիտի գա: — Ու շփոթվելով, դեմքը ծածկեց գոգնոցով, վազեց հաշտը:

Իլլինիչնան, ծանր շունչ առնելով, նստեց պատուհանի մոտ, երկար մնաց այդպես նստած, լուռ ու մունչ օրորելով գլուխը, դիտելով տափաստանի հեռուները, ուր արևի տակ արծաթաշող, մատղաշ օշինդրի մի շերտ երկիրը բաժանում էր երկնքից:

Իրիկնադեմին Դունյաշկան ու մայրը, որոնք իրար հետ չէին հաշտվել ու չէին խոսում: Դոնի ափին վերականգնում էին բանջարանոցի տապալված ցախե ցանկապատը: Մոտեցավ Միշկան: Նա Դունյաշկայի ձեռքից լուռ վերցրեց բահը, ասաց.

— Մանծաղ ես փորում: Քամին կփչի ու էլի կընկնի ձեր ցանկապատը: — Ու սկսեց խորացնել ցցեր տնկելու փոսերը, հետո օգնեց ցանկապատը իր տեղը դնելու, դա ամբարցրեց ցցերին ու գնաց: Առավոտյան նա հենց նոր ունդած երկու փոցխ ու եղանի մի կոթ բերեց և դրեց Մելիխուլների տան մուտքի սանդուղքի մոտ. բարևելով Իլլինիչնային, գործնական տոնով հարցրեց.

— Մարգագետնի խոտը հնձելու միտք ունե՞ք: Մարդիկ արդեն գնացել են Դոնի մյուս կողմը:

Իլլինիչնան լուռ էր: Մոր փոխարեն պատասխանեց Դունյաշկան.

— Մենք ինչո՞վ պիտի անցնենք Գոնը: Նավակը աշնանից ընկած է շարդախի տակ, բողբոլվին չորացել է ու ճաքճաքել:

— Հարկավոր էր գարնանը դա իջեցնել ջրի մեջ, — կըլտամբանքով ասաց Միշկան: — Գուցե խժժե՞լ է պետք: Առանց նավակի ձեր գործը դժվար կլինի:

Գունյաշկան հլու ու սպասողաբար նայեց մորը: Իլլիհիջնան լուռ ու մունջ խմոր էր հունցում և այնպես էր ցույց տալիս, թե այդ ամբողջ խոսակցությունը իրեն բնավ չի վերաբերում:

— Ձեզ մոտ խժուժ կա՞, — հաղիվ նկատելի ժպտալով հարցրեց Միշկան:

Գունյաշկան գնաց մառան, մի խտիտ կանեփի խժուժ բերեց:

Միշկան մինչև ճաշ սարքեց նավակը, մտավ խոհանոց:

— Նավակը իջեցրի ջրի մեջ, թող նամանա: Կապեցեք ջրափի քոթուկին, թե չէ մեկն ու մեկը կարող է տանել: — Ու նորից հարցրեց. — հնձի մասին ի՞նչ կասեք, մորաքույր: Գուցե օգնե՞մ ձեզ: Մեկ է, ես հիմի պարապ եմ:

— Այ, դրան հարցրու, — Իլլիհիջնան գլխով ցույց տվեց Գունյաշկայի կողմը:

— Ես տանտիրուհուն եմ հարցնում:

— Երևում է, որ ես այստեղ տանտիրուհի չեմ...

Գունյաշկան լացեց, գնաց օթախ:

— Ուրեմն պետք է օգնել, — տնքաց ու վճռականորեն ասաց Միշկան: Ո՞րտեղ են ձեր ատաղձագործական գործիքները: Ուզում եմ ձեզ համար փոցխ շինել, թե չէ հները երևի անպետք են:

Նա գնաց, մտավ շարդախի տակ ու, սուլելով, սկսեց փոցխի ատամներ տաշել: Փոքրիկ Միշատկան պտտվում էր նրա մոտ, աղբրսանքով նայում նրա աչքերին, խնդրում.

— Միխայիլ ապեր, ի՞նչ կըլի ինձ համար մի պտտիկ փոցխ շինես, ուրիշը չկա, որ շինի: Տատիկը չի կարող, հորքույրս էլ չի կարող... Մենակ դու գիտես, դու լավ գիտես:

— Կշինեմ, կուկու ջան, խաչը վկա կշինեմ, մենակ թե քիչ հետու կաց, թե չէ տաշեղը կխփի աչքիդ, — համոզում էր Կոշկոյը, քմծիծաղ էր տալիս ու զարմանքով մտածում.

«Սատանի ճուտ, ինչքա՞ն նման է հորը. նույն աչքերը, նույն հոնքերը. վերևի պոռոշն էլ նրա պես է բարձրացնում... Ա՛յ քեզ լավ արված գործ»:

Նա սկսեց մանկական մի փոքրիկ փոցխ շինել. բայց չկարողացավ վերջացնել. նրա շրթունքները կապուտկեցին, դեղին դեմքի վրա բարկության ու միևնույն ժամանակ խոնարհության արտահայտություն երևաց: Նա դադարեցրեց սուլոցը, վար դրեց դանակը և, ասես մրսելով, շարժեց ուտերը:

— Միխայիլ Գրիգորիչ, անվանակից, գն՛ ինձ համար մի որևէ կարպետ բեր պառկելու համար, — խոչոցեց նա:

— Ինչի՞ համար, — հետաքրքրվեց Միշատկան:

— Ուզում եմ հիվանդանալ:

— Ո՞նց թե:

— Է՛-է, պոկ շես գալիս, էլի՛, ոնց որ տ՛իվ լինեց... Մկել է հիվանդանալու ժամանակը, պրծավ-գնաց: Գե, շատ բնչ:

— Բա փո՞ցխս:

— Հետո կվերջացնեմ:

Ուժեղ դողը ցնցում էր Միշկայի մարմինը: Ատամները շխլշխկացնելով, նա պառկեց Միշատկայի բերած կարպետի վրա, հանեց գլխարկը և դրանով ծածկեց դեմքը:

— Գու արդեն հիվանդացա՞ր, — վշտացած հարցրեց Միշատկան:

— Ը՛հը՛մ, հիվանդացա:

— Բա ինչո՞ւ ես դողում:

— Տենդը ցնցում է ինձ:

— Բա ինչո՞ւ ես ատամներդ շխկացնում:

Միշկան գլխարկի տակից մի աչքով նայեց իր փոքրիկ, ձանձրացնող անվանակցին, թեթև ժպտաց ու էլ չպատասխանեց նրա հարցերին: Միշատկան վախեցած նայեց նրան, վազեց տուն:

— Տատի ջան, Միխայիլ ապերը պառկել է շարդախի տակ ու այնպե՛ս է դողում, այնպե՛ս է դողում, ուղղակի ցատկոտում է:

Իլլիհիջնան նայեց պատուհանից, մոտեցավ սեղանին ու երկար, երկար ժամանակ լուռ մնաց, մտածմունքի մեջ ընկավ...

— Ինչո՞ւ ես լռում, տատի,— անհամբերութեամբ հարցրեց Միշտական՝ քաշքշելով նրա կոֆտայի թևքից։

Իլլինիչնան շուռ եկավ նրա կողմը, կտրուկ ասաց.

— Վերցրու մի վերմակ, զավակս, ու տար նրան, նեռին, թող գցի վրեն։ Նրա դողը բռնել է, այդ տեսակ հիվանդությունն կա։ Դու կարո՞ղ ես տանել վերմակը։— Նա դարձյալ մոտեցավ պատուհանին, նայեց բակը, հապճեպ ասաց. Կաց, կաց, մի՛ տանի, հարկավոր չէ։

Դուռնյաշկան ոչխարենու իր մուշտակով ծածկում էր Կաշկոյին ու կռանալով ինչ-որ բան էր ասում նրան...

Տենդից հետո Միշկան մինչև երեկո դբաղված էր խոտհանձի նախապատրաստությամբ։ Նա զգալիորեն թուլացել էր։ Նրա շարժումները թույլ ու անհաստատ էին, բայց Միշտականի համար նա այնուամենայնիվ փոցխ շինեց։

Իլլինիչնան երեկոյան ընթրիքի սեղան գցեց, նստեցրեց երեխաներին, առանց Դուռնյաշկային նայելու ասաց.

— Գնա կանչիր դրան... ոնց է անունը... թող գա հաց ուտի։

Միշկան սեղան նստեց առանց խաշակնքելու. հոգնածորեն կորացած։ Հոգնածությունը անդրադառնում էր նրա դեղին դեմքի վրա, որ պատած էր շորացած քրտնքի կեղտոտ շերտերով, ձեռքը մի փոքր դողում էր՝ երբ նա գդալը տանում էր բերանը։ Նա քիչ և դժկամորեն էր ուտում, երբեմնակի անտարբեր նայում սեղանի շուրջը նստածներին։ Բայց Իլլինիչնան զարմանքով նկատեց, որ «հոգեառի» մարած աչքերը, կանգ առնելով փոքրիկ Միշտականի վրա, ջերմանում ու աշխուժանում էին, նրանց մեջ մի ակնթարթ բռնկվում ու մարում էին հիացումի ու փաղաբշանքի կայծերը, իսկ բերանի անկյուններում դեռ երկար մնում էր հազիվ նկատելի ժպիտը։ Հետո Կոշկոյը ուրիշ կողմ էր դարձնում հայացքը, ու վերստին նրա դեմքը ստվերվում էր բութ անտարբերությամբ։

Իլլինիչնան սկսեց աչքի տակով նայել Կոշկոյին և միայն այդ ժամանակ տեսավ, թե որչափ սարսափելի նիհարել էր նա հիվանդության ընթացքում։ Փոշուց գորշացած վերնաշապկի տակին պարզ ու ցայտուն ուրվագծվում էին անրակների կիսաղեղները, կորացել էին լայն ուսերի նիհարություն-

նից սուր, ցցուն անկյունները, ու մանկականորեն բարակ պարանոցի վրա տարօրինակ տեսք ունեւ շիկակարմրավուն մազերով պատած աղամախնձորը... Որքան շատ էր դիտում Իլլինիչնան «հոգեառի» կորացած կերպարանքը. նրա մոմագույն դեմքը, այնքան նրա մեջ ուժեղանում էր ինչ-որ ներքին անհարմարության, երկվության զգացմունքը։ Եվ հանկարծ անկոչ խղճահարությունը իրեն ատելի այդ մարդու նկատմամբ,— մայրական այն սրտածմլիկ խղճահարությունը, որը ուժեղ կանանց էլ է նվաճում,— արթնացավ Իլլինիչնայի սրտում։ Ուժ շունենալով նոր զգացումը հաղթահարելու, նա կաթով լիքը լցված ափսեն մոտեցրեց Միշկային, ասաց.

— Շա՛տ կեր, ի սեր աստծու Այնքան լղար ես, որ վրեղ նայողի սիրտը կխառնի... Փեսացուի՛ս մտիկ։

### III

Խուտորում սկսեցին խոսել Կոշկոյի ու Դուռնյաշկայի մասին։ Մի անգամ նավամատուցյում կանանցից մեկը հանդիպելով Դուռնյաշկային, բացահայտ հեղանքով հարցրեց. «Միխայիլին մշա՞կ եք վարձել, հը՞։ Ոնց որ թե նա իսկի դուրս չի գալի ձեր տնից...»

Իլլինիչնան դատեր բոլոր հորդորանքներին համառորեն պատասխանում էր. «Մի՛ խնդրի, քեզ չեմ տա նրան, քեզ համար չկա իմ օրհնությունը»։ Եվ միայն այն ժամանակ, երբ Դուռնյաշկան հայտարարեց, թե կտեղափոխվի Կոշկոյի մոտ և իսկույն սկսեց հավաքել իր հագուստը,— Իլլինիչնան փոխեց իր որոշումը։

— Խելքի արի,— վախեցած բացականչեց նա,— բա ես մենակ ի՞նչ անեմ երեխեքի հետ։ Կորչե՞նք, հա՞։

— Ոնց կուզեք, մայրիկ, իսկ ես չեմ ուզում խուտորումը ծաղրատեղ լինել,— կամացուկ ասաց Դուռնյաշկան՝ շարունակելով սնդուկից հանել իր աղջկական հագուստեղենը։

Իլլինիչնան երկար ու անձայն շարժեց շրթունքները, հետո ծանրաբայլ անցավ առջևի անկյունը։

— Դե, ի՞նչ արած, աղջիկս... — շնչաց նա՝ վերցնելով



սրբապատկերը, — քանի որ դու այդպես ես որոշել, աստված քեզ հետ, զնա...:

Դունյաշկան արագութեամբ ծունկ շոքեց: Իլլիինիչնան օրհնեց նրան: Կերկերուն: Ճայնով ասաց.

— Ողորմած հագի մերս ինձ այս սրբապատկերով է: օրհնել... է-է-հե՛, բա որ հիմի հեբ: քեզ տեսնե՛ր... Մի՛տղ է, թե նա ինչ էր ասում քո նշանածի մասին: Աստված տեսնում է, թե ինչքան ծանր է վիճակս... — և լուռ շուռ գալով՝ դուրս ելավ հաշտը:

Որքան էլ շանք էր թափում Միշկան, որքան էլ համոզում էր հարսնացուին՝ հրաժարվել եկեղեցում պսակվելուց, — կամակոր աղջիկը պնդում էր իր ասածի վրա: Միշկան սրբտապանդվելով, ստիպված էր համաձայնվել: Մտքում ամեն ինչ անիծելով, նա այնպես էր պսակվելու պատրաստվում, որ կարծես թե կախաղան էր գնալու: Վիսսարիոն տերտերը գիշերով նրանց կամացուկ պսակեց դատարկ եկեղեցում: Մեսից հետո նա շնորհավորեց նորապսակներին, խրատական տոնով ասաց.

— Ա՛յ թե կյանքում ինչպես է լինում, երիտասարդ սովետական ընկեր, անցյալ տարի դուք ձեր սեփական ձեռքով վառեցիք տունս, այսպես ասած՝ հրո ճարակ դարձրիք, իսկ այսօր ինձ վիճակվեց ձեզ պսակել... Ասում են՝ մի թքիր ջրհորի մեջ, վասն զի այն կարող է պետք գալ: Բայց և այնպես ես ուրախ եմ, հոգեպես ուրախ եմ, որ դուք ուշքի եկաք և գտաք Քրիստոսի եկեղեցու ճանապարհը:

Միշկան այդ արդեն չկարողացավ տանել: Եկեղեցում նա շարունակ լուռ էր՝ ամաչելով իր կամքի թուլությունից ու զայրանալով իր վրա, բայց այստեղ ցասկոտ ու ծուռ նայեց հիշաշար տերտերին, ու որպեսզի Դունյաշկան չլսեր, շնչաւով ասաց.

— Ափսոս որ դու այն ժամանակ փախել էիր խուտորից, թե չէ ես քեզ, երկարաբաշ սատանա, կվառեի տանդ հետ միասին: Հասկանալի՞ է, հը՞:

Անակնկալից շճած տերտերը արագ-արագ թարթելով աչքերը, նայեց Միշկային, իսկ վերջինս քաշեց իր հարսնացուի թևքից, խստորեն ասաց՝ «Գնանք», և բարձր թփթփացնելով բանակային սապոզները, քայլեց դեպի դուռը:

Այդ անուրախ հարսանիքում օդի շամեցին, շերգեցին: Գրեթե Զիկովը, որ հարսանիքի կառավարիչ էր, մյուս օրը երկուր թքում էր ու գանգատվում Ակսինյային.

— Զղջի՛, ամա թե հարսանիք էլ հա՛... Միխայիլը եկեղեցում այնպես կոթեց տերտերին, որ ալեքի բերանը կողքի ծովեց: Իսկ ընթրիքին տեսա՞ր ինչ բերին. տապակած հավի միս ու մածուն... Գոնե մի կաթիլ օդի տալի՛ն, գրո՞ղջ տանի նրանց: Օ-օ՛, էթե Գրիգորի Պանտելիչը տեսներ, թե իր քրոջը սնց են մարդու տալի՛-ի՛... ձեռներով կսեղմեր զուխը: Չէ, աղջի, վերջ. ես հիմի էլ չեմ գնա այդ նոր հարսանիքները: Շան հարսանիքը ալեիլի ուրախ է, այնտեղ գոնե պեղոտում են որձ շան բուրդը, զալմաղալը շատ է լինում, իսկ այստեղ ոչ խմիչք, ոչ տուրուզմոց, անիծված լինեն նրանք: Հավատո՞ւմ ես, այդ հարսանիքից հետո այնքան դիլխոր էի, որ ամբողջ գիշերը շքնեցի, պառկել էի անհանգիստ, ոնց որ թե շապկիս տակ մի բուռ լու էին լցրել...:

Այն օրվանից, երբ Կոշեռը տեղավորվեց Մելեխովների տանը, տնտեսութեան մեջ ամեն ինչ այլ ձևով դնաց. կարճ ժամանակում նա նախքան քեբեց ցանկապատը, տափաստանային խոտը տեղափոխեց ու դարսեց կալում, ճարտարութեամբ փոցխեց դեզը. պատրաստվելով հացի բերքահավաքին. նոր ձևով սարքեց հնձիչի դարակն ու թևերը, խնամքով սարքեց կալը, նորոգեց հին քամիչը և ձիու լծասարքը, որովհետև գաղտուկ երազում էր մի լուծ եզը փոխել ձիով և մի քանի անգամ ասում էր Դունյաշկային՝ «Մենք պետք է մի ձի ճարենք: Այս անձոռնի առաքյալներով ճամփա գնալը ուղղակի խաթա է»: Մի անգամ մտանում պատահմամբ գտավ մի դուլ սպիտակ ներկ և ուլտրամարին ու իսկույն որոշեց ներկել հնութունից գորշացած փեղկերը: Մելեխովների խրճիթը ասես ջահելացավ, պատուհանները վառ կապույտ ակնակապիճներով էր նայում աշխարհին...:

Միշկան ետանդուն տնտեսատեր դուրս եկավ: Չնայելով հիվանդության, նա աշխատում էր առանց ձեռները ծալելու: Դունյաշկան նրան օգնում էր ամեն մի գործում:

Ամուսնական կյանքի կարճ ժամանակվա ընթացքում նա բավական գեղեցկացավ և կարծես թե ուսերն ու կոնքը ավելի լայնացան: Ինչ-որ մի նոր բան երևան եկավ նրա աչքե-

րի արտահայտութեան մեջ, քայլվածքում, նույնիսկ մազերը շտկելու շարժումներում: Չքացան արաջ նրան հատուկ՝ շարժումների անհարմար անտաշուկունը, երեսայական աշխուժութիւնն ու ժրութիւնը: Նա ժպտուն էր, հանգիստ, սիրազեղ աչքերով էր նայում ամուսնուն և իր շուրջը ոչինչ չէր տեսնում: Գնատի երջանկութիւնը միշտ էլ անտեսուելի է...

Իսկ Իլլինիչնան օրեցօր ավելի ու ավելի սուր և ցավագին էր զղում իր վերահաս մենակութիւնը: Նա ավելորդ էր դարձել այն տանը, որտեղ ապրել էր համարյա ամբողջ կյանքում: Դուստրիկան և իր ամուսինը այնպես էին աշխատում, որ կարծես թե սեփական բույնը դատարկ տեղում էին ստեղծում: Իլլինիչնայի հետ ոչ մի բանի մասին չէին խորհրդակցում և չէին հարցնում նրա համաձայնութիւնը, երբ տնտեսութեան մեջ որևէ բան էին ձեռնարկում. պառավի նկատմամբ որևէ փաղաքական խոսք էլ չէին գտնում: Միայն սեղան նստելիս մի քանի աննշան խոսք էին փոխանակում նրա հետ, և Իլլինիչնան նորից մենակ էր մնում իր թախծալի մտքերով: Նրան չէր ուրախացնում դատեր, երջանկութիւնը, տան մեջ օտար մարդու ներկայութիւնը, իսկ փեսան նրա համար առաջվա պես խորթ էր, նրանից նեղվում էր պառավը: Կյանքն էլ բեռ էր դարձել պառավի համար: Մի տարում իր սրտին մոտիկ այնքան մարդ կորցնելով, նա ապրում էր վշտաբեկ, պառաված էր ու ողորմելի: Շատ հոգս ու ցավ էր տարել նա, նույնիսկ չափազանց շատ: Նա այլևս անզոր էր դիմադրելու վշտին և ապրում էր այն անահավատ նախազգացումով համակված, թե իրենց ընտանիքին այնքան հաճախ այցելող մահը դեռ էլի մի քանի անգամ մտնելու է Մելեխովների հին տան շեմքից: Հաշտվելով Դուստրիկայի ամուսնութեան հետ, Իլլինիչնան միայն մի բան էր ուզում. ապրել մինչև Գրիգորիի վերադարձը, երեսներին հանձնել նրան, հետո էլ առմիշտ փակել աչքերը: Իր երկար և դժվարին կյանքի ընթացքում նա տանջանքով էր ձեռք բերել հանգստի այդ իրավունքը:

Անվերջանալի ձգվում էին ամառային երկար օրերը: Վառ շոգում էր արևը: Բայց արևի կիզիչ ճառագայթները արդեն չէին տաքացնում Իլլինիչնային: Նա երկար նստում էր մուտքի սանդուղքի վրա, հենց թե՛ արևի տակ, անշարժ ու ան-

զգա դիտում ամբողջ շրջապատը: Նա այլևս առաջվա հոգատար ու եռանդուն տանտիրուհին չէր: Ոչինչ չէր ուզում անել: Ամեն ինչ ավելորդ, օտարոտի և անարժեք էր թվում, ուժ էլ չկար աշխատելու այնպես, ինչպես անցած օրերում: Նա հաճախ դիտում էր բազմամյա աշխատանքից շորացած իր ձեռքերը, մտքի մեջ ասում՝ «Ձեռքերս արդեն պրծել են աշխատանքը... Ժամանակն է հանգստանալու... Հերիք է ինչքան ապրեցի... Մենակ թե սաղ մնայի, մինչև որ զար Գրիչենկան...»

Իլլինիչնայի նախկին կենսուրախութիւնը վերագործավ միայն մի անգամ, այն էլ կարճ ժամանակով: Ստանիցայից վերադառնալիս հայտնվեց Պրոխորը, դեռ հեռվից բղավեց.

— Մաղսրիչը բեր, Իլլինիչնա տատիկ: Որդուցդ նամակ եմ բերել:

Պառավը սփրթնեց: Նրա պատկերացմամբ նամակն անխուսափելիորեն կապված էր լինում մի նոր դժբախտութեան հետ: Բայց երբ Պրոխորը կարգաց կարճ նամակը, որի կեսը բռնում էր հարազատներին ուղարկված բարևները, և որի միայն վերջում ասված էր, թե նա, Գրիգորին, կաշխատի աշնանը արձակուրդ գալ, — Իլլինիչնան ուրախութիւնից երկար ժամանակ չէր կարողանում որևէ բան ասել: Նրա դարձնազույն դեմքի վրայով, այտերի խոր կնճիռներով զլորվում էին արցունքի մանր, ուլունքանման կաթիլները: Գլուխը քաշ արած, նա դրանք սրբում էր կոֆտայի թևքով, խորդուբորդ ձեռքով, իսկ արցունքները էլի հոսում էին դեմքի վրա ու, ընկնելով գոգնոցին, թրջում էին այն, ինչպես խիտ և տաք անձրև: Պրոխորը ոչ միայն չէր սիրում, այլև ուղղակի չէր կարողանում տանել կնոջ արցունքները, այս պատճառով էլ նա լիթաքցրած սրտնեղումից դեմքը կնճոտելով, ասաց.

— Ի՞նչ եղավ քեզ, ա՛յ տատիկ: Փիա՛, ձեռք մեջ, կնանոնց մեջ ինչքան շատ է այդ թացութիւնը... Պետք է ուրախանալ և ոչ թե լաց լինել: Դե, ես գնացի, մնաս բարով: Քեզ մտիկ տալը ինձ այնքան էլ դուրեկան չի:

Իլլինիչնան ուշքի եկավ, կանգնեցրեց նրան:

— Այդպիսի լուր բերելու համար, մատաղ քեզ... Բա ես ո՞նց գլխի շեմ ընկնում... Կաց, հյուրասիրեմ քեզ... — ան-

կապ փնթփնթաց նա՛ սնդուկից հսոնելով վաղուց պահված մի շիշ օւլի:

Պրոխորը նստեց, սղալեց բեղերը:

— Դու ուրախությունի, կիսմե՛ս ինձ հետ, հա՛,— հարցրեց նա: Եվ հսկույն առհասնապատեցյամբ մտածեց «Փիա, սատանեն էլի շարժեց լեզուս: Տաների զորամաս: էլի, իսկ այնտեղ այս տնական օղուց մի կում էլ չկա...»

Իլլինիչնան հրաժարվեց: Ես խնամքով ծալեց նամակը, որոնց պատկերադարակի վրա, բայց միտքը փոփեղով, կրկին վերցրեց, մի քիչ պահեց ձեռքում ու գրեց ծոցը, պինդ սեղմեց սրտին:

Վերադառնալով դաշտից, Գունյաշկան երկար կարդաց նամակը, հետո ժպտաց, շունչ անավ:

— Օ՛ֆ, գոնե շուտ գալ, էլի՛, ինչ չե՛ գուք, մայրիկ, ըստրովի՛ն հալումաշ եք եղել:

Իլլինիչնան խանդոտությամբ նրանից վերցրեց նամակը, կրկին գրեց ծոցը ու ժպտալով, կկոցված, շողուն աչքերով զղջկան հայելով, ասաց.

— Ինձ վրա շնեքն էլ չեն հաշում, այս օրին եմ հասել, բայց ահա փոքր տղես մտաբերել է մորը: Ո՛նց է գրում հա՛ւա, հարսանունս է տալես, Իլլինիչնա է ասում... Շատ կարոտով բարև թանկագին մայրիկիս,— գրում է,— ու թանկագին երեխեքիս, բեզ էլ չի մոռացել... Հը, ի՛նչ ես ծիծաղում: Հիմար ես, Գունյաշկա, իսկական հիմար:

— Ես ժպտալ է՛լ չեմ կարող, ինչ է: Ո՛ւր եք գնում, մայրիկ:

— Գնամ բոստան, կարտոֆիլ քանդեմ:

— Էդուց ես ինքս կգնամ, նստի տանը, էլի: Մեկ գանգատվում ես, որ հիվանդ ես, մեկ էլ գործ ես գտնում:

— Չէ, կերթամ... Սիրտս ուրախ է, ուզում եմ մենակ լինել,— խոստովանեց Իլլինիչնան և շահելավարի, արագ կապեց լաշակը:

Բանջարանոց գնալիս նա մտավ Ակսինյայի մոտ, սկզբում պատշաճության համար խոսեց կողմնակի գործերի մասին, հետո էլ հանեց նամակը:

— Մեր տղեն նամակ է դր՛կել, ուրախացրել մորը, խոստանում է արձակուրդ գալ: Հը՛ւ, հարևանուհի, կարգա, ես մի անգամ էլ կլսեմ:

Այդ օրվանից Ակսինյան հաճախ կարգում էր նամակը: Իլլինիչնան երեկոները գալիս էր նրա մոտ, հանում էր թաշկինակով փաթաթած դեղին ծալը, հոգոց հա՛ւելով, խոնդրում էր:

— Կարգա, Ակսինյուշկա, այսօր ոնց որ թե սիրտս մոլի է, երազումս էլ նրան տեսա փոքր հասակում, երբ նա զրպոց էր գնում...

Թանաքե մատիտով գրված տառերը ժամանակի ընթացքում շնչոտվել էին և շատ բառեր բոլորովին անընթեռնելի էին, բայց Ակսինյայի համար դա դժվարություն չէր ներկայացնում. նա այնքան հաճախ էր կարդում նամակը, որ բերանացի էր արել: Հետո էլ, երբ բարակ թուղթը ձխլտվել ու պատառոտվել էր, Ակսինյան առանց կանգ առնելու բերանացի ասում էր ամբողջ նամակը մինչև վերջին տողը:

Երկու շաբաթից հետո Իլլինիչնան իրեն վատ զգաց: Գունյաշկան զբաղված էր կալտով, իսկ Իլլինիչնան չէր ուզում նրան կտրել աշխատանքից, ինքն էլ չէր կարող եփել-թափել:

— Այսօր ես վեր չեմ կենա: Դու մի կերպ արա գործերը,— խնդրեց նա աղջկան:

— Ի՛նչդ է ցավում, մայրիկ:

Իլլինիչնան կոկեց իր հնամաշ կոֆտայի ծալերը, առանց աչքերը բարձրացնելու պատասխանեց.

— Ամեն ինչս ցավում է... Ոնց որ թե ներսս ամեն բան շարդված է: Զահել ժամանակս ողորմածիկ հերդ մեկ էլ տեսար թունդ բարկացավ ու սկսեց ծեծել ինձ... Նրա բուռնցքներն էլ ասես երկաթից էին... Մի շաբաթ պառկում էի կիսամեռ: Հիմի էլ այդպես եմ, բոլորովին շարդված եմ, ասես ծեծել, շարդուփշուր են արել...

— Գուցե Միխայիլին ուղարկեմ բուժակին կանչելո՞ւ:

— Ինչի՛ս է պետք, մի կերպ վեր կկենամ:

Իլլինիչնան մյուս օրը իսկապես ոտքի ելավ, շրջեց բակում, բայց իրիկնադեմին նորից պառկեց: Նրա դեմքը մի փոքր ուռել էր, աչքերի տակ ուռուցքներ էին առաջացել: Գիշերվա ընթացքում նա մի քանի անգամ, ձեռքերի վրա հեն-

վելով, գլուխը բարձրացնում էր բարձր դրված բարձերից, արագ շնչում,— նրա շունչը կտրվում էր: Հետո շնչահեղձությունը անցավ: Նա կարող էր հանդիստ պառկել մեջքի վրա և նույնիսկ վեր կենալ անկողնից: Մի քանի օր նա անցկացրեց շրջապատի նկատմամբ լռին անտարբերությունում և անդորրությունում վիճակում: Նա ուզում էր մենակ լինել, ու երբ Ակսինյան այցելության էր գալիս, նա դժկամորեն էր պատասխանում հարցերին և թեթևացած շունչ էր առնում, երբ Ակսինյան գնում էր: Իլլինիչնան ուրախանում էր, որ երեխաները օրվա մեծ մասը բակում են անցկացնում, և Գուսյաշկան ուշ-ուշ է ներս մտնում, չի անհանգստացնում այլևայլ հարցերով: Նա այլևս ոչ ոքի ցավակցություն ու սփոփանքի կարիքը չէր զգում: Այնպիսի ժամանակ էր հասել, երբ խստորեն պահանջվում էր մենակ մնալ՝ իր կյանքից շատ բան վերհիշելու համար: Եվ նա, կիսափակելով աչքերը, ժամերով պառկում էր առանց շարժվելու, միայն ուռած մատներն էին տնտղում վերմակի ծալերը, և այդ ժամերի ընթացքում ամբողջ կյանքն անցնում էր նրա առջևից:

Չարմանալի է,— որքան կարճ ու խղճուկ էր այդ կյանքը և որքան ծանրություն ու կսկիծ կար նրա մեջ, մի բան, որ նա չէր ուզում վերհիշել: Չգիտես ինչու իր հուշերում ու մտքերում նա ամենից հաճախ դառնում էր դեպի Գրիգորին: Գուցե այն պատճառով, որ Գրիգորիի բախտի համար նա շարունակ անհանգստանում էր բոլոր տարիներին, պատերազմի սկզբից, և այն ամենը, ինչ որ այժմ նրան կապում էր կյանքի հետ, միայն Գրիգորիով էր պայմանավորված: Երևես ավագ որդու և ամուսնու կարոտը աղոտել էր. չքացել ժամանակի ընթացքում, ու դրանց, մեռածներին, նա հազվադեպ էր վերհիշում, և դրանք կարծես գորշ մշուշի միջից էին պատկերանում: Նա դժկամորեն էր մտաբերում իր ջահելությունը, ամուսնական կյանքը: Այդ բոլորը ուղղակի հարկավոր չէր, շատ էր հեռացել և ոչ ամբողջ, ոչ էլ ուրախություն էր բերում: Ու վերջին հուշերում անդրադառնալով անցյալին, նա խստաբարո և մաքուր էր մնում: Եվ ահա «փոքր տղեն» նրա հիշողության մեջ պատկերանում էր մեծագույն, գրեթե շոշափելի պայծառություն: Սակայն բավական էր, որ Իլլինիչնան մտածեր նրա մասին, որպեսզի

խկույն ևեթ զգար սրտի արագ բաբախումը: Հետո վրա էր հասնում շնչահեղձությունը, նրա դեմքը մթնում էր և նա երկար պառկում էր ուշագնաց վիճակում, բայց շունչ առնելով, վերստին մտածում էր որդու մասին: Նա հո չէր կարող մոռանալ իր վերջին որդուն...

Մի անգամ Իլլինիչնան պառկած էր օթախում: Դրսում շողում էր միջօրեի արևը: Երկնքի հարավային ծայրամասում, կուրացուցիչ լազուրում վեհորեն սահում էին սպիտակ, հողմավար ամպերը: Խուլ անդորրությունը խախտվում էր միայն ծղրիղների միալար, քնաբեր ծղրտոցով: Դրսում, հենց պատուհանի տակ պահպանվել էին արևից շրորացած, տան հիմքին փարված խոտաբույսերը,— կիսաթառամած թայլը և մեջմեջ — խոպուկն ու սեզը: Հենց դրանց մեջ էլ ապաստան էին գտել ու ծղրտում էին ծղրիղները: Իլլինիչնան ունկընդրեց նրանց անլուծի ծղրտոցին, զգաց արևից տաքացած խոտաբույսերի բուրմունքը, որ թափանցել էր օթախը, ու նրա աչքերի առաջ, որպես տեսիլ, մի ակնթարթ պատկերացավ արևով խարկված օգոստոսյան տափաստանը, ցորենի արտերի ոսկեվուն խոզանը, գորշավուն մուժով շղարշված հուրհրան-կապույտ երկինքը...

Նա պարզ տեսնում էր եզները, որոնք արածում էին արտերի օշինդրոտ սահմանում, տեսնում էր պաստառով ծածկըված սայլը, լսում ծղրիղների ճոճուհի ծղրտոցը, ներշնչում օշինդրի տոտիպ, դառը բույրը... Նա տեսավ և իրեն,— ջահել, բարձրահասակ, գեղեցիկ... Ահա գնում է նա, շտապում դեպի դաշտակայան: Նրա ոտների տակ խշշում է խոզանը, ծակծկում մերկ սրունքները, տաք քամին նրա մեջքի վրա շորացնում է քրտինքով թրջված յուբկայի մեջ դրած շապիկը, այրում վիղը: Նրա դեմքը վառվում է կարմրությունից, ականջները ճնկում են արյան հորդումից: Մալած ձեռքով նա պահում է ծանր, պիրկ, կաթով լեցուն ստինքները, ու լսելով մանկան աղեկտուր լացը, արագացնում է քայլերը, արձակում շապիկի օձիքը:

Նրա հողմահար շուրթերը դողում են ու ժպտում, երբ նա սայլից կախած օրորոցից վերցնում է փոքրիկ, թուխիկ Գրիշատկային: Կրծքի խաչի քրտնքոտ դայթանը ասամենբով պահած, նա հապճեպորեն ծիծ է տալիս երեխային,

սեղմած ատամների միջից շնչում՝ «Ջանս, բալիկո, խորոտիկս, մերդ քեզ սոված է թողել, հա՛...» Գրիշատկան դեռ էլի նեղացած հեծկտալով, ծծում է ու ատամիկներով ցավագին բռնում պտուկը: Իսկ նրանց կողքին կանգնել, գերանդին է սրում Գրիշատկայի երիտասարդ, սևաբեղ հայրը: Իլլինիչնան խոնարհած արտևանունքների տակից տեսնում է նրա ժպիտը և ծիծաղկոտ աչքերի կապտավուն սպիտակուցները... Իլլինիչնան շոգից դժվարությամբ է շնչում, քրա՛նքը հոսում է ճակատից ու խողտում այտերը, ու աչքերի առաջ մթազնում, մթազնում է լույսը...

Նա բացեց աչքերը, ձեռքը տարավ արցունքներով թրջված դեմքի վրայով ու հետո երկար մնաց պառկած, տանջվելով շնչահեղձության ամենադաժան մոլուցքից, երբեմնակի ընկնելով ուշագնացության մեջ:

Երեկոյան, երբ Դունյաշկան և իր ամուսինը քնեցին, նա հավաքեց ուժերի վերջին մնացորդները, վեր կացավ, դուրս ելավ բակը: Ակսինյան, որ մինչև ուշ երեկո փնտրում էր նախրից կորած կովը, վերադարձավ տուն և տեսավ, թե ինչպես Իլլինիչնան դանդաղաբալլ, օրորվելով անցավ դեպի կալը: «Ինչո՞ւ նա հիվանդ վիճակում գնաց այնտեղ», — զարմացավ Ակսինյան, ու զգուշությամբ անցնելով Մելիխովների կալի ցանկապատից, նայեց այնտեղ: Շողում էր լիալուսինը: Տափաստանից սուրում էր զեփյուռը: Մղոտի դեզից խիտ ստվեր էր ընկել քարե գլղոններից ճաքճքված, դատարկ կալի վրա: Իլլինիչնան կանգնել էր ձեռքերը ցանկապատին հենած, նայում էր տափաստանին, այնտեղ, ուր ինչպես հեռավոր, անհաս մի աստղիկ, առկայծում էր հնձվորների վառած խարույկը: Ակսինյան պարզ տեսնում էր Իլլինիչնայի ուռած, լուսնի կապտավուն շողքով լուսավորված դեմքը, ալեզարդ մազերը, որ թափվել էին պառավական սև շալի տակից:

Իլլինիչնան երկար նայեց մթնշաղված, կապուտաշող տափաստանին, հետո էլ կանչեց ցածր ձայնով, կարծես Գրիգորին հենց այդտեղ, իր կողքին էր կանգնած.

— Գրի՛շենկա, որդյակս:— Մի փոքր լռեց և արդեն ուրիշ, ավելի ցածր և խուլ ձայնով ասաց.— արյո՛ւնս, հարազատս...

Վշտի ու երկյուղի անբացատրելի մի զգացմունքով համակված Ակսինյան ցնցվեց ամբողջ մարմնով, ու, ցանկապատից արագ ետ քաշվելով, գնաց տուն:

Այդ գիշեր Իլլինիչնան հասկացավ, որ շուտով կմեռնի, որ մահը արդեն մոտեցել է իր սնարին: Լուսաբացին նա սնդուկից հանեց Գրիգորիի շապիկը, ծալեց ու դրեց բարձի տակ. պատրաստեց նաև իր մահվան հագուստը, որ իրեն պիտի հագցնեին վերջին շունչը փշելուց հետո:

Առավոտյան, ինչպես միշտ, Դունյաշկան ներս մտավ մորը տեսնելու: Իլլինիչնան բարձի տակից հանեց Գրիգորիի կանոնավոր ծալված շապիկը, լուռ ու մունջ մեկնեց Դունյաշկային:

— Այս ի՞նչ է, — զարմացած հարցրեց Դունյաշկան:

— Գրիշայի շապիկն է... Տուր մարդուդ, թող հագնի, նրա հին շապիկը երևի փտել է քրտնքից... — հազիվ լսելի ասաց Իլլինիչնան:

Դունյաշկան սնդուկի վրա տեսավ մոր սև յուբկան, շապիկը և գործվածքային քոշերը, — այն ամենը, ինչ որ հուղարկավորումից առաջ հագցնում են կին-ննջեցյալին, — տեսավ ու սփրթնեց:

— Այս ի՞նչ է, մայրիկ, մահվան շորե՞ր եք պատրաստել: Վերցրեք, ի սեր Քրիստոսի: Տե՛ր աստված, ախր ձեզ համար վաղ է մահվան մասին մտածելը:

— Չէ, — ժամանակն է... — շնչաց Իլլինիչնան. — հերթը իմն է... Երեխեքին լավ մտիկ արա, պահի, մինչև որ Գրիգորին վերադառնա... Իսկ ես, ոնց որ երևում է, չեմ տեսնի նրան... Ա՛խ, չեմ տեսնի...

Իլլինիչնան շուռ եկավ պատի կողմը և շալով ծածկեց դեմքը, որպեսզի Դունյաշկան չտեսներ իր արցունքները:

Երեք օրից հետո նա մեռավ: Իլլինիչնայի հասակակից կանայք լողացրին նրա դիակը, մահվան հագուստ հագցրին, պառկեցրին օթախում, սեղանի վրա: Ակսինյան երեկոյան եկավ հանգուցյալին հրաժեշտ տալու: Տեսնելով մեռած, փոքրիկ պառավի դալուկ խստաբարո դեմքը, նա դժվարությամբ ճանաչեց առաջվա հպարտ, արի Իլլինիչնայի կերպարանքը: Շուրթերը հպելով հանգուցյալի դեղին, սառն ճակատին, Ակսինյան նկատեց իրեն ծանոթ, արձակ, սպի-

տակ լաշակի տակից դուրս թափված ալեզարդ մազափունջը  
և փոքրիկ, կլոր, ասես ջահել կնոջ ականջակոնքը:

Դունյաշկայի համաձայնությունները Ակսիյան երեխանե-  
րին տարավ իր մոտ: Նա կերակրեց լուսկյաց և նոր մահից  
վախեցած երեխաներին, պառկեցրեց իր հետ քնելու: Տա-  
րորինակ զգացմունք էր ապրում նա՝ գրկելով հարազատ  
մարդու երեխաներին, որոնք երկու կողմից փարվում էին  
նրան և լուռ էին: Յածր ձայնով նա սկսեց նրանց պատմել  
մանկութ լսած հեքիաթները, որպեսզի մի կերպ զբաղեցնեն  
նրանց, վաներ նրանց մտքերը մեռած տատի մասին, կա-  
մացուկ, ծոր տալով վերջացնում էր նա խեղճ որբուկ Վա-  
նյուշկայի վերաբերյալ հեքիաթը:

Սագեր-կարպներ,  
Վերցրեք դուք ինձ  
Սպիտակ թևերով,  
Ու տարեք դուք ինձ  
Իմ հայրենական,  
Հարազատ հողը...

Ու դեռ չէր վերջացրել հեքիաթը, երբ լսեց երեխաների  
հանգիստ, համաշափ շնչառությունը: Միշատկան պառկել էր  
մի կողմից, դեմքը պինդ սեղմել նրա ուսին: Ակսիյան ուսի  
շարժումով զգուշությամբ շտկեց ետ ընկած նրա գլուխը և  
հանկարծ սրտում այնպիսի անողոր. խոցող թախիծ զգաց,  
որ կոկորդը բռնվեց չղակծկումով: Ծանր ու դառն լացեց նա՝  
զողալով իրեն ցնցող հեկեկանքից, բայց նա նույնիսկ չէր  
կարող սրբել արցունքները, — նրա գրկում քնած էին Գրիգո-  
րի երեխաները, իսկ նա չէր ուզում դրանց արթնացնել:

#### IV

Իլլինիշնայի մահից հետո Կոշևոյը, մնալով իբրև միակ և  
լիովին իշխող տանտեր, կարծես թե պետք է է՛լ ավելի մեծ  
ջանադրությամբ ձեռնամուխ լիներ տնտեսության վերակա-  
ռուցմանը, դրա հետագա ընդարձակմանը, բայց իրականում  
այդպես չհղավ: Միշկան օրեցօր ավելի քիչ եռանդով էր աշ-  
խատում, ավելի հաճախ էր բացակայում տանից, իսկ երե-

կոները մինչև ուշ գիշեր նստում էր մուտքի սանդուղքին,  
ծխում, մտածում ինչ-որ բանի մասին: Դունյաշկան չէր կա-  
րող շնկատել ամուսնու մեջ կատարված փոփոխությունը: Նա  
երբեմնակի զարմանքով տեսնում էր, թե ինչպես Միշկան,  
որը առաջ աշխատում էր անձնվիրությամբ, հանկարծ շփ-  
տես ինչու թողնում էր կացինը կամ ուսուցան և որևէ տեղ  
նստում հանգստանալու: Նույնն էր կատարվում նաև դաշ-  
տում, երբ ցանում էին աշնանացան տարեկանը. մեկ էլ տե-  
սար Միշկան մի-երկու անգամ զնայ-եկավ ցանիչով, կանգ-  
նեցրեց եզները, թուփուն փաթաթեց, սկսեց ծխել: Երկար  
նստեց արտում, կնճոռտեց ճակատը:

Հորից գործնական ուշիմություն ժառանգած Դունյաշկան  
անհանգստությամբ մտածում էր՝ «Երկար շփմացավ... Կամ  
հիվանդ է, կամ ուղղակի ծուլանում է: Այդպիսի մարդու հետ  
ես փորձանքի մեջ կընկնեմ: Ոնց որ թե օտար մարդկանց  
մոտ է ապրում. օրվա կեսը ծխում է, կեսը դինջանում, իսկ  
աշխատելու ժամանակ շունի... Պետք է կամացուկ խոսել  
հետը, որ չհերսոտի, թե չէ եթե շարունակի այդպես գործ  
անել, կարիքը բահով էլ չես կարող դուրս հանել...»

Մի անգամ Դունյաշկան զգուշ հարցրեց.

— Դու մի տեսակ փոխվել ես, Միշա, հո հիվանդությունը  
չի՞ նեղում քեզ:

— Ի՞նչ հիվանդություն, է՞: Այստեղ առանց հիվանդու-  
թյան էլ մարդու սիրտը խառնում է, — սրտնեղված պատաս-  
խանեց Միշկան ու քշեց եզները, քայլեց ցանիչի ետևից:

Դունյաշկան անհարմար համարեց շարունակել հարցու-  
փորձը. վերջիվերջո ամուսնուն բան սովորեցնելը կնկա գոր-  
ծը չի: Խոսակցությունը դրանով էլ վերջացավ:

Դունյաշկան սխալ ենթադրություններ էր արել: Միակ  
պատճառը, որ Միշկային խանգարում էր առաջվա փութա-  
ջանությամբ աշխատել, դա նրա մեջ օրեցօր արմատավոր-  
վող այն համոզմունքն էր, որ հայրենի խուտորում ինքը  
վաղաժամ է անցել նստակեցության. «Ես մի քիչ շուտ ձեռք  
զարկեցի տնտեսության, շտապեցի...» — բարկությամբ մտա-  
ծում էր Միշկան՝ օկրուգային թերթում կարդալով ռազմա-  
ճակատների ամփոփագրերը կամ երեկոներին լսելով զորա-  
ցրված կարմիրբանակային կազակների պատմածները:

Բայց նրան առանձնապես անհանգստացնում էր խուտորցի-  
ների տրամադրութունը. նրանցից մի բանիսը բացահայտ  
ասում էին, թե մինչև ձմեռ սովետական իշխանությանը վերջ  
կլինի, թե Վրանգելը Ղրիմից դուրս է եկել և Մախնոյի հետ  
միասին արդեն մոտենում է Լեոստովին, թե դաշնակիցները  
Նովորոսիյակում հսկայական դեսանտ են իջեցրել նավերից...  
Խուտորում մեկը մյուսից անհեթեթ լուրեր էին տարածվում:  
Համակենտրոնացման ճամբարներից և հանքերից վերադար-  
ձած կազակները, որոնք ամառվա ընթացքում կուշտ ու կուռ  
կերել էին տնական ուտելիքը ու շաղացել, իրենց առանձնա-  
ցած էին պահում, գիշերները օդի էին խմում, իրենց ինչ-որ  
ասուլիսն էին անում, իսկ Միշկային հանդիպելիս շինծու  
սնտարբերությամբ հարցնում էին. «Դու թերթեր ես կար-  
դում, Կոշևոյ, պատմի, ո՞նց է այնտեղ, Վրանգելին շո՞ւտ  
կսղկեն: Դրո՞ւստ է, թե՞ սուտ է, որ դաշնակիցները էլի մեզ  
վրա են քշում»:

Մի անգամ, կիրակի երեկոյան եկավ Պրոխոր Զիկովը:  
Միշկան հենց նոր էր վերադարձել դաշտից, մուտքի սան-  
դուղքի մոտ կանգնած՝ վկացվում էր: Դուռնյաշկան սափորից  
չուր էր լցնում նրա ձեռքերին, ժպտալով նայում ամուսնու  
նիհար, արևից սևացած պարանոցին: Բարևելով, Պրոխորը  
նստեց սանդուղքի ստորին աստիճանի վրա, հարցրեց.

— Գրիգորի Պանտելևիչի մասին իսկի լուր չկա՞:

— Ո՛չ,— պատասխանեց Դուռնյաշկան,— չի գրում:

— Իսկ դու կարոտե՞լ ես նրան, հա՞,— Միշկան սրբեց  
երեսն ու ձեռները, առանց ժպիտի նայեց Պրոխորի աչքերին:

Պրոխորը հոգոց հանեց, շտկեց շապկի դատարկ թևքը:

— Բա ո՞նց: Ամբողջ ծառայութունը միասին ենք կա-  
տարել:

— էլի՞ միտք ունեք կատարելու:

— Ի՞նչը:

— Ծառայութունը, էլի:

— Մենք այդ արդեն վերջացրել ենք:

— Իսկ ես կարծում էի, թե դու սպասում ես նրան, որ  
էլի ծառայեք,— նույնպես առանց ժպիտի շարունակեց Միշ-  
կան,— էլի կովեք սովետական իշխանության դեմ...

— Այդ մեկը դու գուր ես ասում. Միխայիլ,— նեղացած  
պատասխանեց Պրոխորը:

— Ո՞նց թե գուր: Ծա լսում եմ,— խուտորում ամեն տե-  
սակ խոսակցութուններ են լինում:

— Ծա այդ տեսակ բանե՞ր եմ ասել. հա՞, ո՞րտեղ ես  
լսել:

— Ոչ թե դու, այլ քեզ ու Գրիգորիի նման մարդիկ, որոնք  
շարունակ «յուրայիններին» են սպասում:

— Ծա այդ «յուրայիններին» չեմ սպասում, ինձ համար  
բոլորն էլ մեկ են:

— Ա՛յ, հենց վատն էլ այդ է, որ քեզ համար բոլորն էլ  
մեկ են: Գնանք տուն, շնեղանաս, ես հանաք արեցի:

Պրոխորը տհաճությամբ բարձրացավ սանդուղքով ու  
հաշտի շեմքից անցնելիս ասաց.

— Քո հանաքները, աղբերս, այնքան էլ ուրախալի չեն...  
Հինը պետք է մոռանալ: Ծա այդ հնի համար արդարաց-  
ված եմ:

— Հնից ամեն բան չի մոռացվում,— շոր տոնով ասաց  
Միշկան՝ սեղան նստելով:— Նստիր մեզ հետ ընթրենք:

— Շնորհակալութուն: Իհարկե ամեն բան չի մոռաց-  
վում: Ա՛յ, ես զրկվել եմ թևիցս, ուրախությամբ կմոռանա-  
յի այդ, ամա ո՞նց մոռանաս, ամեն մի վայրկյան միտդ է  
գալի:

Դուռնյաշկան սեղան զցելով, առանց ամուսնուն նայելու  
հարցրեց.

— Քո ասելով ուրեմն ով ծառայել է սպիտակների մոտ,  
էլ ներում չկա՞ նրան, հա՞:

— Բա դու ի՞նչ էիր կարծում:

— Ծա այն էի կարծում, որ ով հինը հիշի, ասում են, նրա  
աչքը պիտի հանել:

— Դե, գուցե դա ավետարանում է ասված,— սառը տո-  
նով վրա բերեց Միշկան,— իսկ իմ կարծիքով մարդը միշտ  
պետք է պատասխան տա իր գործերի համար:

— Իշխանութունը դրա մասին ոչինչ չի ասում,— կա-  
մացուկ ասաց Դուռնյաշկան:

Նա չէր ուզում կողմնակի մարդու ներկայությամբ վեճի  
բռնվել ամուսնու հետ, բայց հոգու խորքում նա նեղացած էր

Միխայիլից՝ Պրոխորի նկատմամբ վերջինիս այն կատակի համար, որը ինչպես թվում էր Դունյաշկային, անտեղի էր, և այն թշնամանքի համար, որ ամուսինը ցուցաբերել էր դեպի նրա եղբայրը:

— Նա, իշխանութունը, քեզ ոչինչ չի ասում, նա քեզ հետ խոսելիք չունի, իսկ սպիտակների մոտ ծառայելու համար պետք է պատասխանատու լինել սովետական օրենքի առաջ:

— Ուրեմն ես է՛լ պետք է պատասխան տամ,— հետաքրքրվեց Պրոխորը:

— Քո գործը հորթի գործ է,— կեր ու պանկի: Այստեղ սպասյակներից բան չեն պահանջում, իսկ Գրիգորին պատասխան կտա, երբ տուն կգա: Մենք նրանից հաշիվ կպահանջենք ապստամբության համար:

— Դո՞ւ պետք է հաշիվ պահանջես, հա՞:— Դունյաշկայի աչքերը կայծկլտեցին, նա կաթով լցված քրեղանը դրեց սեղանին:

— Ես է՛լ կպահանջեմ,— հանգիստ պատասխանեց Միշկան:

— Այդ քո գործը չի... Առանց քեզ էլ պահանջողներ կգտնվեն: Նա Կարմիր բանակում ներման է արժանացել...

Դունյաշկայի ձայնը դողում էր: Նա նստեց սեղանի մոտ, սկսեց մատնելով տնտղել գոգնոցի բոլորքը: Միշկան, որ կարծես չէր է՛լ նկատել կնոջը համակած հուզմունքը, նույն հանգստությունը շարունակեց:

— Ինձ համար էլ հետաքրքիր է պահանջել: Իսկ ներման համար պետք է սպասել... Հլա դեռ պետք է իմանալ, թե նա ինչպես է արժանացել ներման: Նա մեզանից քիչ արյուն չի թափել: Հլա դեռ պետք է չափել, թե ում թափած արյունն ավելի շատ է...

Իս առաջին գծությունն էր Դունյաշկայի հետ ապրելու ամբողջ ժամանակվա ընթացքում: Խոհանոցում անհարմար լուծվել էր տիրում: Միշկան անխոս ուտում էր կաթը, երբեմն սրբիչով սրբում շրթունքները: Պրոխորը ծխում էր, նայում Դունյաշկային: Հետո նա խոսեց տնտեսության մասին: Նստեց էլի մոտ կես ժամ: Գնալուց առաջ հարցրեց:

— Կիրիլ Գրոմովն է եկել: Լսե՛լ ես:

— Ո՛չ: Ո՞րտեղից է եկել:

— Կարմիրների մոտից: Նույնպես եղել է Առաջին հեծյալ բանակում:

— Նա՞ էր Մամոնտովի մոտ ծառայում:

— Հենց նա:

— Քաջ կովոդ էր,— բմծիծաղ տվեց Միշկան:

— Ո՞րտեղից: Ալան-թալանի մեջ առաջինն էր: Նա թեթև ձեռք ունի, դրա համար:

— Նրա մասին պատմում էին, որ անգութ կերպով թրատում էր գերիներին: Զինվորի կոշիկների համար էր սպանում: Հենց միայն կոշիկներով օգտվելու համար:

— Այդպիսի լուր կար,— հաստատեց Պրոխորը:

— Նրան է՛լ պետք է ներել,— հեզանքով հարցրեց Միշկան,— միթամ թե աստված ներում է թշնամիներին և մեզ էլ նույնն է պատվիրում, հա՞:

— Դե, ո՞նց ասեմ... Նրանից ի՞նչ պահանջես:

— Գիտեմ թե ինչ... — Միշկան կկոցեց աչքերը:— Ես նրան այնպիսի մի բան կանեի, որ ուղղակի շունչը փչեր: Նա դրանից չի պրծնի: Վեշկիում կա Դոնշեկա, նա կգա դրա հախիցը:

Պրոխորը ժպտաց, ասաց:

— Իրուստ որ, կուզիկին գերեզմանը կշտկի: Նա Կարմիր բանակից էլ ալան-թալանով է եկել: Նրա կնիկը իմ կնկա մոտ պարծեցել է, թե մարդը նրա համար ինչ-որ վերարկու, մի քանի ձեռք շոր ու էլի ուրիշ շատ բան է բերել: Այդ Գրոմովը եղել է Մասլակի բրիգադում ու այնտեղից տուն ծղկել:

— Ի՞նչ զենքեր,— հետաքրքրվեց Միշկան:

— Հասկանալի է թե ինչ զենքեր. մի կարճիկ հրացան, նազան, գուցե թե էլի ուրիշ բաներ:

— Զգիտե՛ս, նա զնացե՛լ է Սովետում ցուցակագրվելու: Պրոխորը ծիծաղեց, թափ տվեց ձեռքը:

— Նրա վիզը չվան գցես, էլի չես կարող տանել այնտեղ: Ես կարծում եմ, որ նա փախած է: Այսօր-էգուց կծկվի տանից: Ա՛յ, երևում է, որ Կիրիլը դեռ կովելու միտք ունի, իսկ դու իմ մասին ես մեղք բան ասում: Զէ, աղբեր, ես իմ բաժինը կովել-պրծել եմ, բոլորովին կշտացել եմ այդ բաներից:



Պրոխորը շուտով գնաց: Մի քիչ հետո Միշկան էլ դուրս ելավ: Դունյաշկան կերակրեց երեխաներին և հենց պատրաստվում էր պառկելու, երբ ներս մտավ Միշկան: Ձեռքին կար պարկի գործվածքով փաթաթած ինչ-որ առարկա:

— Սատանեն ո՞ւր էր տարել քեզ, — անսիրալիք հարցրեց Դունյաշկան:

— Օժիտս էի հանում, — բարեսրտությամբ ժպտաց Միշկան:

Նա բացեց խնամքով փաթաթած հրացանը, փամփուշտներից ուռճացած փամփուշտանոցը, մի նագան ու երկու ձեռնանոնակ: Այդ բոլորը դրեց նստարանի վրա և մի պնակի մեջ զգուշությամբ նավթ լցրեց:

— Ո՞րտեղից են դրանք, — Դունյաշկան հոնքերի շարժմամբ ցույց տվեց զենքերը:

— Իմն են, ուղմաճակատից են:

— Բա ո՞րտեղ էիր պահել:

— Որտեղ էլ որ պահած լինեմ, հիմի հո ձեռքումս են:

— Ա՛յ թե ինչ տեսակ գաղտնիք պահողն ես, հա՛-ա... Ոչինչ էլ չես ասել: Կնոջիցդ է՞լ թաքուն գործեր ես անում:

Միշկան շինծու անհոգությամբ ժպտալով և պարզապես շողոքորթելով ասաց.

— Քո ինչի՞ն էր պետք իմանալ, Դունյաշկա: Սա կնկա գործ չի: Թող սա, այս գույքը մնա, աղջի, սա տան մեջ ավելորդ բան չի:

— Բա ինչո՞ւ տուն բերիր: Դու հո օրենսգետ ես դարձել, ամեն ինչ գիտես... Բա դրա համար օրենքով դու պատասխան չե՞ս տալու:

Միշկան խիստ դեմք ընդունեց, ասաց.

— Ի՞նչ դեք ես: Երբ Կիրյուշկա Գրոմովը զենք է բերում, դա վնաս է սովետական իշխանության, իսկ երբ ես եմ բերում, դա օգտակար է սովետական իշխանության համար, և ուրիշ ոչինչ: Հասկանո՞ւմ ես: Ես ո՞ւմ առաջ պետք է պատասխանատու լինեմ: Աստված գիտի ինչ ես դուրս տալիս, պառկիր, քնի՛ր:

Միշկան հանգեց իր կարծիքով միակ ճիշտ հետևության. եթե դեռ չջախջախված սպիտակ թափթիփուկները զենքերով են գալիս, ապա ինքը պետք է զգոն լինի: Նա խնամքով

մաքրեց հրացանն ու նաղանը, իսկ առավոտ ծեղին ստքով մեկնեց Վեշենսկոյա:

Դունյաշկան նրա համար փամփուշտանոցի մեջ ճամփապաշար դնելով, բարկությամբ ու դառնագին բաշտականչեց.

— Դու ինձ հետ միջոց էլ լուսնադ ես խաղում: Գոնե ասա, երկա՞ր ժամանակով, և ի՞նչ գործով ես գնում: Սա ի՞նչ բան է, ի՞նչ կյանք է: Վեր է կացել գնում է, ու բնութանից մի խոսք էլ չես տա չի գալի... Դու մա՞րդս ես, թե՞ օտարի մեկը:

— Գնում եմ Վեշկի, հանձնաժողովի, էլ ի՞նչ պիտի ասեմ քեզ: Կվերադառնամ, այն ժամանակ ամեն ինչ կիմանաս: Գամփուշտանոցը ձեռքով պահած, Միշկան իջավ Դոն, նավակ նստեց և արագ քշեց մյուս ափը:

Վեշենսկոյա բժշկական հանձնաժողովում զննությունից հետո բժիշկը Միշկային կարճ ասաց.

— Դուք, թանկագին ընկեր, պիտանի չեք հարմիր բանակի շարքերում ծառայելու: Մալարիան շատ է մաշել ձեզ: Պետք է բուժ լել, թե չէ բանը վատ կլինի: Այսպիսի մարդիկ Կարմիր բանակին հարկավոր չեն:

— Բա ինչպիսի՞ մարդիկ են հարկավոր: Ե՞րբու տալի՞ ծառայել եմ, իսկ հիմի հարկավոր չե՞մ:

— Հարկավոր են ամենից առաջ առողջ մարդիկ: Կառողջանաք, դուք էլ պետք կգաք: Վերցրեք դեղատոմս, շեղատանը խինին ստացեք:

— Այդպե՛հ-ես, ամեն ինչ հասկանալի է: — Կոշնոջը այնպես էր հագնում վեռնաշապիկը, ինչպե՞ս անուրը անց են կացնում խլիզոտող ձիու վրա: — Ներ կարողանում գլուխն անցկացնել օձիքից, շարվարը արդեն փոշոցում կոճկեց և ուղիղ ճանապարհով գնաց պարտիայի օկրուգային կոմիտե:

...Միշկան Տատարսկի վերադարձավ որպե՛ս խուտոշի ունե՛ղմի նախագահ: Կարճ բարեկեղծ կնոջը, ասաց.

— Է՛հ, հիմի կտեսնենք:

— Ինչո՞ւ մասին ես խոսում, — զարմացած հարցրեց Դունյաշկան:

— Էլի նույն բանի մասին:

— Ինչի՞ մասին:

— Ինձ նախագահ են նշանակել: Հասկանալի՞ է:

Դունյաշկան դառնապես ձեռքերն իրար վարկեց: Նա

ուզում էր մի բան ասել, բայց Միշկան շտեյ նրան, հայելու առաջ շտկեց խոնացած, պաշտպանակաւ գուլնի վերնաշապկի վրա կապած գոտին ու գնաց Սովետ:

Չմեռվանից ուկոմի նախագահ էր ծերունի Միխեյը: Աչքերից թույլ և խուլ այդ ծերունին դժվարութեամբ էր կատարում իր պարտականութիւնները և մեծագույն ուրախութեամբ իմացավ Կոշկոյից, որ սա եկել է իրեն փոխարինելու:

— Ահա թղթերը, գառնիկս, ահա խուտորի կնիքը, վերջուրու, ի սեր Քրիստոսի, — ասում էր նա անկեղծ ուրախութեամբ, խաշակնքելով ու շփելով ձեռքերը: — Ես ութսուն տարեկան եմ, կյանքումս պաշտոն չեմ ունեցել, իսկ հիմի ծեր հասակումս վիճակվեց... Սա ձեր, ջահելների գործն է, ինձ ո՛րտեղից սազի: Ոչ կարգին տեսնում եմ, ոչ էլ կարգին լսում... Աստծուն աղոթելու ժամանակն է, իսկ ինձ նախագահ էին նշանակել...

Միշկան թոռացիկ կերպով նայեց ստանիցայի ուկոմից ուղարկված հրամանագրերը և հրամանները, հարցրեց.

— Քարտուղարը ո՛րտեղ է:

— Հը՞...

— Է՛, գրողի տարած, ասում եմ քարտուղարը ո՛րտեղ է:

— Քարտուղարը: Տարեկան է ցանում: Կեծակը նրան զարկի, շաբաթը մի անգամ է այստեղ գալի: Ստանիցայից մեկ էլ տեսար թուղթ է գալի, պետք է կարդալ, իսկ նրան շնորով էլ ման գաս, չես գտնի: Կարևոր թուղթը այդպես էլ մնում է մի բանի օր, կարդացող չի լինում: Իսկ ես գրի սեն ու սպիտակը լավ չեմ ջոկում, օՖ, չեմ ջոկում: Դժվարութեամբ եմ ստորագրում, իսկ կարդալ իսկի չեմ կարողանում, միայն կնիք խփել գիտեմ...

Կոշկոյը հոնքերը կիտած դիտում էր ուկոմի դատարկ սենյակը, որ զարդարված էր միայն մի հին, ճանճերի կեղտոտած պլակատով:

Ծերունին այնքան ուրախացավ իրեն ազատելուց, որ նույնիսկ խիզախեց կատակ անել. լաթով փաթաթած կնիքը հանձնելով Կոշկոյին, ասաց.

— Ահա և խուտորի ամբողջ տնտեսութիւնը, փող-մող չկա, իսկ սովետական իշխանութեան օրով ատամանի գավազան չի կարելի ունենալ: Եթե ուզում ես, կարող եմ տալ

իմ, ծերուկիս դագանակը: — Ու ժպտալով, բանալով անտամ բերանը, մեկնեց ձեռքի ափից հղկված հացենու ձեռնափայտը:

Բայց Կոշկոյը զուգու շունք կատակների հետ: Նա մի անգամ էլ դիտեց ուկոմի խղճուկ, քոսոտ սենյակը, մոայլվեց և հոգոց հանելով ասաց.

— Սեպենք թե ես քեզանից ընդունեցի գործերը, պապի: Հիմի փաստ-փուտեդ առ, քաշվի այստեղից: — Ու աչքերով ազդու կերպով ցույց տվեց դուռը:

Հետո էլ նստեց սեղանի մոտ, արմունկները լայն դրեց սեղանին ու երկար մնաց մենակ նստած, ատամներն իրար սեղմելով, ստորին ծնոտը դեպի առաջ պարզած: Աստված իմ, ի՛նչ տեսակ շան որդի է եղել ինքը այդ ամբողջ ժամանակ, երբ հողն է փորփրել առանց զուխը բարձրացնելու և պատշաճապես չի ունկնդրել այն ամենին, ինչ որ տեղի էր ունենում շուրջը... Իր և ամբողջ շրջապատի վրա սարսափելի շարացած, Միշկան վեր կացավ սեղանից, շտկեց վերնաշապիկը ու, նայելով մի կողմ, առանց ատամներն իրարից անջատելու ասաց.

— Ես ձեզ ցույց կտամ, աղավնյակներ, թե ինչ է սովետական իշխանութիւնը:

Նա դուռը պինդ ծածկեց, շղթան գցեց կեռից, հրապարակի միջով քայլեց դեպի տուն: Եկեղեցու մոտ հանդիպեց պատանի Օբնիզովին, գլխով անփուլթ բարեկեց նրան, անցավ նրա կողքից ու, հանկ: թ ինչ-որ միտք հղանալով, շուտ եկավ.

— Է՛յ, Անդրյուշկա, կաց, եկ այստեղ:

Շեկլիկ, ամաշկոտ տղան լուռ մոտեցավ նրան: Միշկան որպես շափահասի, ձեռքը մեկնեց նրան, հարցրեց.

— Ո՛ւր ես գնում, խուտորի մյուս ծա՛յրը: Հա, ուրեմն մա՞ն ես գալի: Գործո՞վ ես գնում: Այ թե ինչ եմ ուզում հարցնել քեզ. դու սովորել ես բարձր տարրականում, հը՞: Սովորե՞լ ես: Այդ լավ է: Իսկ գրասենյակի գործ գիտե՞ս:

— Ի՞նչ գործ:

— Սովորական, էլի՛: Զանազան ելից-մտից բաներ:

— Դու ինչի՞ մասին ես ասում, ընկեր Կոշկոյ:

— Թղթերի մասին, էլի, թե ինչ տեսակ են լինում: Դու

այդ գիտե՞ս: Դե, լինում են ուղարկվող և ուրիշ ամեն տե-  
սակ թղթեր:— Միշկան անորոշ կերպով շարժեց մատները ու  
դեռ պատասխան չստացած, կտրուկ ասավ.— եթե չգիտես,  
հետո կսովորես: Ես հիմի խուտորի ռեկոմի նախագահն եմ,  
իսկ քեզ, ինչպես գրագետ տղայի, քարտուղար եմ նշանա-  
կում: Գնա ռեկոմի շենքը ու այնտեղ հսկիր գործերին, դրանք  
բոլորն էլ սեղանի վրա են, իսկ ես շուտով կգամ: Հասկա-  
ցա՞ր:

— Ընկե՛ր Կոշևոյ:

Միշկան ձեռքը թափ տվեց, անհամբերությամբ ասաց.

— Դրա մասին հետո կխոսենք, գնա, անցիր պաշտո-  
նիդ:— Աւ դանդաղ, համաշափ քայլքով գնաց փողոցով:

Տանը նա նոր շալվար հագավ, նագանը դրեց գրպանը,  
ու հայելու առաջ խնամքով շտկելով գլխարկը, ասաց կնոջը.

— Գործով գնում եմ մի տեղ: Եթե հարցնող լինի, թե  
որտեղ է նախագահը, ասա, որ շուտով կվերադառնա:

Նախագահի պաշտոնը որոշ բաներ էր պարտավորեց-  
նում... Միշկան դանդաղ, ծանր ու մեծ էր քայլում. նրա  
քայլվածքն այնքան արտասովոր էր, որ խուտորցիներից  
ոմանք հանդիպելիս կանգ էին առնում ու ժպտալով նայում  
նրա ետևից: Պրոխոր Զիկովը նրան հանդիպելով մի փողո-  
ցում, կատակով ու պատկառանքով ետ-ետ գնաց դեպի ցան-  
կապատը, հարցրեց.

— Հը՛, այդ ի՞նչ է, Միխայիլ: Լի օրը լավ-լավ բաներ ես  
հագել ու ոնց որ թե տոնահանդեսի ես դուրս եկել... Հո նո-  
րից նշանվելու չե՞ս գնում:

— Դրա պես մի բան,— պատասխանեց Միշկան՝ լըր-  
շաբար սեղմելով շրթունքները:

Գրոմովի տան դարպասի մոտ նա առանց կանգ առնելու  
ձեռքը տարավ գրպանը, ծխախոտի պարկը հանելու, աշա-  
լըջությամբ դիտեց լայն բակը, դրա ցաք ու ցրիվ շենքերը,  
տան պատուհանները:

Կիրիլ Գրոմովի մայրը հենց այդ ժամանակ դուրս եկավ  
հաշտից: Իրանը ետ գցած, նա մանր կտրատած կերի դղում  
էր տանում լազանով: Միշկան քաղաքավարությամբ բարևեց  
նրան, քայլեց դեպի մուտքը:

— Կիրիլը տա՞նն է, մորաքույր:

— Տանն է, տանն է, անցիր ներս,— մի կողմ քաշվելով  
ասաց պառավը:

Միշկան մտավ մութ հաշտը, կիսախավարում գտավ  
դռան բռնակը:

Կիրիլն ինքը նրա առաջ բացեց օթախի դուռը, մի ըսյւ  
ետ գնաց: Նա մաքուր սափրված էր, ժպտում էր ու մի քիչ  
խմած էր. կարճ, զննող հայացքով նայեց Միշկային, ան-  
փուլթ ասաց.

— Էլի՛ մի գինվոր տղա: Անցիր, Կոշևոյ, նստիր, հյուր  
կլինես: Մենք այստեղ խմում ենք, այնպես, էլի, քիչ-քիչ...

— Կերած-խմածներդ անուշ:— Միշկան սեղմեց տանտի-  
րոջ ձեռքը՝ նայելով սեղանի շուրջը նստած հյուրերին:

Նրա գալը պարզապես անժամանակ էր: Միխայիլին ան-  
ծանոթ, լայնալանջ մի կազակ, որ բազմել էր առջևի անկյու-  
նում, կարճ ու հարցականորեն նայեց Կիրիլին, դեն քշեց  
բաժակը: Սեղանի մյուս կողմում նստած Ախվատկին Սեմ-  
յոնը,— Կորշունովների հեռավոր ազգականը,— տեսնելով  
Միխայիլին, հոնքերը կիտեց և հայացքը մի կողմ դարձրեց:

Տանտերը Միշկային հրավիրեց սեղան նստել:

— Շնորհակալություն հրավերիդ համար:

— Զէ, նստիր, պատիվ արա, խմիր մեզ հետ:

Միշկան նստեց սեղանի մոտ: Տանտիրոջ ձեռքից ընդու-  
նելով օղու բաժակը, գլխով արավ.

— Շնորհավոր գալուստդ, Կիրիլ Իվանովիչ:

— Շնորհակալ եմ: Իսկ դու վաղո՞ւց ես եկել բանակից:

— Վաղուց: Ընտելացել եմ տուն ու տեղին:

— Ընտելացել ես և, ասում են, ամուսնացե՞լ ես: Դե,  
էլ ի՞նչ ես կեղծում: Կարգին խմիր, էլի՛:

— Զեմ ուզում: Ես քեզ հետ գործ ունեմ:

— Զէ-է՛, աղբեր: Հանաք շանես: Այսօր ես գործերի մա-  
սին չեմ խոսում: Այսօր քե՞ք եմ անում ընկերներիս հետ:  
Եթե դու գործ ունես, եկ վաղը:

Միշկան վեր կացավ սեղանից, հանգիստ ժպտալով  
ասաց.

— Գործը դատարկ բան է, ամա շտապ է: Եկ մի ըրոպե  
դուրս գնանք:

Կիրիլը շփեւելով խնամքով ուրրած, սև բեղերը, մի փոքր լոնց, հետո վեր կացավ:

— Կարելի է այստե՞ղ կասես: Ինչո՞ւ խանգարենք քե՛ֆը:

— Ոչ, եկ դուրս գնանք,— գուսպ, բայց կտրուկ խնդրեց Միշկան:

— Ի՞նչ դուրս ել դրա հետ, էլ ի՞նչ եք բազար անում,— ասաց Միշկային անծանոթ, լայնալանջ կազակը:

Կիրիլը տհաճութիւնով գնաց խոհանոց: Վառարանի մոտ գբաղված կնոջը շնչաց.

— Այստեղից դուրս էլ, Կատերինա:— Ու նստելով նըստարանի վրա, շոր տոնով հարցրեց.— Ի՞նչ գործ է:

— Քանի՞ օր է, որ դու տանն ես:

— Ի՞նչ կա որ:

— Հարցնում եմ, քանի՞ օր ես ապրում տանը:

— Կարծեմ չորրորդ օրն է:

— Իսկ ուկրոմ գնացե՞լ ես:

— Առայժմ ոչ:

— Վեշկի, զինկոմիսարիատ գնալու միտք ունե՞ս:

— Դու այդ ի՞նչ կողմ ես ծոռում: Գործով ես եկել, գործի մասին էլ խոսիր:

— Ես հենց գործի մասին եմ խոսում:

— Այդ դեպքում գնա գրո՞ղի ծոցը: Ախր դու ո՞վ ես, ինչացո՞ւ ես, որ ես քեզ հաշիվ տամ:

— Ես ուկրոմի նախագահն եմ: Ցույց տուր զորամասից ստացած վկայականդ:

— Ա-ա՛յ թե ի-ի՞նչ,— ձայնը երկարացրեց Կիրիլը և սուր, զգաստացած աչքերով նայեց Միխայիլի բիբերին:— Ա-ա՛յ թե որ կողմն ես ծոռում:

— Հենց այդ կողմը: Տո՛ւր վկայականդ:

— Այսօր կգամ Սովետ ու կբերեմ:

— Հիմա տուր:

— Չգիտեմ որտեղ է դրված:

— Գտիր:

— Ոչ, հիմի չեմ փնտրի: Գնա տուն, Միխայիլ, սկանդալից վազն արի:

— Ես քեզ հետ երկար սկանդալ չեմ անի... — Միշկան ձեռքը դրեց սոջ գրպանը:— Հագնվիր:

— Թող, Միխայիլ, ավելի լավ է ձեռք շտաս ինձ...

— Գնանք, ասում եմ քեզ:

— Ո՛ւր:

— Ռեկոմ:

— Չեմ ուզում:— Կիրիլը սփրթնել էր, բայց հեզնական ժպիտով էր խոսում:

Սովելով ձախ կողմը, Միշկան գրպանից հանեց նագանը, ոտքի դրեց հրահանը:

— Կգա՞ս թե չէ,— կամացուկ հարցրեց նա:

Կիրիլը լուռ քայլեց դեպի օթախը, բայց Միշկան փակեց նրա ճանապարհը, աչքերով ցույց տվեց հաշտի դուռը:

— Տղերք,— շինծու անփութութեամբ բղավեց Կիրիլը,— այստեղ ինձ կարծես թե ձերբակալեցին, օղին խմեցեք առանց ինձ:

Օթախի դուռը լայն բացվեց: Ախվատկինը փորձեց ոտը շեմքից դուրս դնել, բայց տեսնելով իր վրա պարզած նագանը, հապճեպ անցավ դրանդու ետևը:

— Գնա՛,— հրամայեց Միշկան Կիրիլին:

Վերջինս շորովելով քայլեց դեպի դուրս, ծուլորեն բռնեց դռան բռնակը և հանկարծ, մի ցատկովով հաշտից անցնելով, կատաղի շրմփացրեց դրսի դուռը, թռավ մուտքի սանդուղքից: Մինչդեռ նա բակի միջով կուզեկուզ վազում էր դեպի այգին, Միշկան երկու անգամ կրակեց նրա վրա ու վրիպեց: Նագանի փողը ձախ, ծալված թևի արմունկին դնելով, ոտները իրարից հեռացրած, Միշկան մանրակրկիտ կերպով նշան էր բռնում: Երրորդ կրակոցից հետո Կիրիլը կարծես սայթաքեց, բայց շտկվելով, թեթև ցատկեց ցանկապատի վրայից: Միշկան սանդուղքից ներքև վազեց: Նրա ետևից, տանից ճայթեց հրացանի շոր, խլացուցիչ կրակոցը: Առջևում, մարագի սպիտակացրած պատի վրա գնդակը ճեղքեց կավը ու շրխկալով, քարի գորշ կտորներ թափեց գետնի վրա:

Կիրիլը թեթև ու արագ էր վազում: Նրա կորացած կերպարանքը երևում ու չքանում էր խնձորենիների կանաչ վրանների արանքում: Միշկան ցատկեց ցանկապատի վրայից, ընկավ, պառկած երկու անգամ ևս կրակեց փախչողի վրա ու դեմքը դարձրեց դեպի տունը: Դրսի դուռը լայն բացված էր: Մուտքի սանդուղքի վրա կանգնել էր Կիրիլի մայ-

րը, ու ձեռքը հովարի պես աչքերին դրած, նայում էր դեպի այգին: «Հարկավոր էր առանց խոսելու տեղնուտեղը գընդակահարել նրան,— բուժ մտածեց Միշկան:— Նա էլի մի քանի ընկերացիներ հասկանալի տակ՝ նայելով տանը, ու ինչ-որ համաշափ մեխանիկական շարժմամբ մաքրեց ծընկներին կպած կեղտը, հետո էլ վեր կացավ, ծանրաշարժ անցավ ցանկապատի վրայից ու իջեցնելով նագանի փողաբերանը, գնաց դեպի տուն:

## V

Կիրիլ Գրոմովի հետ անհայտացան Ախվատկինը և այն անծանոթ կազակը, որին տեսել էր Կոշկոյը, երբ եկել էր Գրոմովների մոտ: Գիշերը խուտորից էլի երկու կազակ անհայտացան: Դռնչեկայի մի փոքրիկ ջոկատ Վեշենսկուց ժամանեց Տատարսկի: Կազակներից ոմանց ձերբակալեցին, շորս հոգու էլ, որոնք զորամասերից եկել էին առանց փաստաղթղթերի, ուղարկեցին Վեշենսկայա, պատժել վաշտ:

Կոշկոյը ամբողջ օրերով նստում էր ռեկոմում և մթընշաղիս տուն էր գալիս, լցրած հրացանը դնում մահճակալի կողքին, նագանը խոթում բարձի տակ և պառկում առանց հանվելու: Կիրիլի հետ եղած դեպքից հետո երրորդ օրը նա Դունյաշկային ասաց.

— Եկ հաշտում քնենք:

— Ինչի՞ համար, — զարմացավ Դունյաշկան:

— Կարող են կրակել պատուհանից: Մահճակալը պատուհանի մոտ է:

Դունյաշկան մահճակալը լուռ տեղափոխեց հաշտ, իսկ երեկոյան հարցրեց.

— Հենց այսպես նապաստակի վիճակո՞ւմ պիտի ապրենք, հա՞: Ձմեռն էլ որ գա, էլի հաշտո՞ւմ ենք լինելու:

— Ձմեռը դեռ հեռու է, իսկ առայժմ պետք է այսպես ապրել:

— Ինչքա՞ն կքաշի այդ «առայժմ»-ը:

— Մինչև որ խփեմ Կիրյուշկային:

— Հա՞, էլի, նա ճակատը դեմ է արել քեզ, որ խփես:

— Մի օր դեմ կանի, — վստահ պատասխանեց Միշկան:

Բայց նրա հույսերը չարդարացան. Կիրիլ Գրոմովը, որ իր բարեկամների հետ թաքնված էր Դոնի մյուս կողմում, լսելով Մախնոյի մոտենալու մասին, անցավ Դոնի աջ կողմը ու գնաց Կրասնոկուտսկայա ստանիցան, որտեղ, լուրերի համաձայն, գտնվում էին Մախնոյի բանդայի առաջավոր ջոկատները: Նա գիշերով եղավ խուտորում, փողոցում պատահմամբ հանդիպեց Պրոխոր Զիկովին և հրամայեց հայտնել Կոշկոյին, թե Գրոմովը շատ կարոտով բարե է անում և խնդրում է սպասել իրեն իբրև հյուրի: Պրոխորը առավոտյան Միշկային պատմեց Կիրիլին հանդիպելու և նրա հետ ունեցած խոսակցության մասին:

— Է՛հ, թող գա: Մի անգամ փախավ, իսկ մյուս անգամ չի պրծնի: Նա ինձ սովորեցրեց, թե ոնց պետք է վարվել իր նմանների հետ, և դրա համար շնորհակալ եմ, — ասաց Միշկան՝ լսելով Պրոխորի պատմածը:

Մախնոն իրոք որ երևաց Վեշեն Դոնի օկրուգի սահմաններում: Կոշկով խուտորի մոտ տեղի ունեցած կարճատև մարտում նա ջարդեց մի հետևակ գումարտակ, որ Վեշենսկուց ուղարկված էր նրա դեմ, բայց չհարձակվեց օկրուգային կենտրոնի վրա, այլ շարժեց դեպի Միլլերովո կայարանը, դրա հյուսիսային կողմից անցավ երկաթուղին և գնաց Ստարոբելսկի ուղղությամբ: Առավելապես ակտիվ սպիտակգվարդիական կազակները հարեցին նրան, բայց դրանց մեծամասնությունը մնաց տներում, սպասողական դիրք բռնեց:

Կոշկոյը էլի ապրում էր խիստ զգուշություն պահպանելով, ուշադրությամբ հետամուտ լինելով այն ամենին, ինչ որ տեղի էր ունենում խուտորում: Իսկ Տատարսկում կյանքը դժվարացել էր: Կազակները խիստ վատաբանում էին սովետական իշխանությունը այն բոլոր պակասությունների համար, որ իրենք զգում էին: Նոր կազմակերպված սպառնալի փոքրիկ խանութում համարյա ոչինչ չկար: Օճառ, շաքար, աղ, նավթ, լուցկի, մախորկա, անիվի քսուք, — առաջին անհրաժեշտություններից այդ բոլոր առարկաները բացակայում էին, ու դատարկ դարակների վրա դարսված էին միայն Ասմուովի թանկ ծխախոտները ու ինչ-որ երկաթեղեն, որոնք ամիսներով գնորդ չէին գտնում:

Գիշերները նավթի փոխարեն պնակների մեջ կովի հալած յուղ և ճարպ էին վառում: Մախորկային փոխարինում էր տնային մշակութային թուփունը: Լուցկու բացակայության հետևանքով լայն գործածության մեջ էին կայծքարերը և դարբինների հապճեպ պատրաստած շախմատները: Աբեթը խաշում էին արևածաղկի մոխրով եռացրած ջրի մեջ, որ շուտ բռնկեր, բայց և այնպես, այդ բոլորին սովոր չլինելով, դժվարությամբ էին կրակ ճարում: Հաճախ Միշկան երեկոները ուկրամից վերադառնալիս տեսնում էր, թե ինչպես ծխողները որևէ տեղ, նրբանցքում բոլորակաձև հավաքված և շախմատները շխկացնելով, կամացուկ մայր են հայհոյում ու ասում՝ «Սովետական իշխանություն, կրակ տուր»: Վերջապես, որևէ մեկի հանած կայծը ընկնում էր շոր արեթի վրա, վառում այն, բոլորն էլ մեկտեղ փշում էին մարմրող կրակը ու, վառելով ծխախոտը, լուռ ու մունջ պպզում էին, նորություններ հաղորդում միմյանց: Մխելու թուղթ նույնպես չկար: Եկեղեցու պահակասնայակից տարան բոլոր շափաբերական մատյանները, իսկ երբ դրանք ծխեցին, տներում թուփուն փաթաթելու համար օգտագործեցին ինչ որ կար, նաև երեխաների հին դասագրքերը և նույնիսկ ծեփերի մոտ պահվող սուրբ գրքերը:

Պրոխոր Զիկովը, որ բավական հաճախ էր գալիս Մելեխովների հին տունը, Միխայիլից թուղթ էր վերցնում ծխելու համար, տխրությամբ ասում էր.

— Կնկանս սնդուկի խուփի վրա հին լրագրեր էին կպցրած, պոկեցի ու ծխեցի, նոր կտակարան կար, սուրբ գիրք,— նույնպես ծխեցի, Հին կտակարանն էլ ծխեցի: Սրբերը քիչ են այդ տեսակ կտակարաններ գրել... Կնկաս մոտ հիշա՞տակի գիրք կար, դրա մեջ գրված էին բոլոր կենդանի ու անկենդան ազգականները,— այդ էլ ծխեցի—պրծա: Հիմի ի՞նչ, կաղամբի տերևներով ծխեմ թե՞, զորօրինակ, կոստուկ շորացնեմ ծխելու համար: Զէ, Միխայիլ, ուզում ես թե ոչ, բայց լրագիր տուր: Ծա առանց ծխելու չեմ կարող ապրել: Գերմանական ռազմաճակատում ես շատ անգամ իմ օրական հացը մի ութերորդ ֆունտ մախորկայով էի փոխանակում:

Տատարսկում այն աշնանը անուրախ էր կյանքը... ճորն-

յում էին սայլերի ու սայլակների շյուղած անիվները, առանց կպրի շորանում ու ճաքճքում էին փոկե լծասարքը և կոշկեղենը, բայց առավելապես տխուր էր առանց աղի ապրելը: Տատարցիները Վեշենսկում հինգ ֆունտ աղը մի շաղ ղոշով էին առնում ու վերադառնում տուն՝ անիծելով սովետական իշխանությունը և քայքայումը: Այդ անիծված աղը ուղղակի ցավ ու կրակ էր Միխայիլի համար... Մի անգամ ծերունիները եկան Սովետ: Նրանք ծանր ու մեծ բարեկեցին նախագահին, հանեցին փափախները նստոտեցին նստադանների վրա:

— Աղ չկա, պարոն նախագահ,— ասաց նրանցից մեկը:

— Հիմի պարոններ չկան,— ուղղեց Միշկան:

— Ներեղություն, աղբեր, դե հին սովորություն է, էլի... Առանց պարոնների ապրել կարելի է, ամա առանց աղի կարելի չէ:

— Դուք ի՞նչ էիք ուզում, ծերուկներ:

— Դու, նախագահ, հոգս քաշի, որ աղ բերեն: Մանիլից եզան սայլով աղ բերելուց բան չի դուրս գա:

— Օկրուզում ես զեկուցել եմ դրա մասին: Այնտեղ դա հայտնի է: Շուտով պետք է բերեն:

— Մինչև առուն ջուր գա, գորտի աչքը դուրս կգա,— ասաց ծերունիներից մեկը՝ նայելով գետնին:

Միշկան շղայնացավ, վեր կացավ սեղանից: Բարկությունից կարմրելով, շուռ տվեց գրպանները:

— Ծա աղ չունեմ, տեսնո՞ւմ եք, ինձ մոտ չեմ պահում ու չեմ կարող ստեղծել: Հասկանալի՞ է, ծերուկներ:

— Ի՞նչ եղավ այդ աղը, է՞,— կարճ լուսությունից հետո հարցրեց միաչքանի Զումակովը՝ զարմացած նայելով բոլորին:— Առաջ, հին իշխանության օրով դրա մասին ոչ ոք էլ չէր խոսում, ամեն տեղ լիքն էր աղը, իսկ հիմի մի պտղունց է՛լ չես ճարի...

— Մեր իշխանությունը այստեղ մեղք չունի,— արդեն ավելի հանգիստ ասաց Միշկան,— Այստեղ մեղավոր է միայն մի իշխանություն,— ձեր նախկին կաղետական իշխանությունը: Նա այնպիսի ավերմունք է առաջացրել, որ գուցե թե հնար է՛լ չկա աղ տեղափոխելու: Բոլոր երկաթուղիները ջարդ ու փշուր են եղել, վագոնները՝ նույնպես...

Միշկան ծերունիներին երկար պատմեց, թե ինչպես սպիտակները նահանջելիս ոչնչացնում էին պետական գույքը, պայթեցնում գործարանները, վառում պահեստները: Որոշ բան ինքն էր տեսել պատերազմի ժամանակ, որոշ բան լսել էր, մնացածն էլ ներշնչված հնարում էր լոկ մի նպատակով,— վանել դժգոհությունը հարազատ Սովետական իշխանության նկատմամբ: Այդ իշխանությունը կշտամբանքից պաշտպանելու համար նա անշառ կերպով ստում էր, մոգոնում, իսկ ինքն իր մեջ մտածում էր, «Մեծ փորձանք չի լինի, եթե ես մի քիչ զրպարտեմ սրիկաներին: Մեկ է, նրանք սրիկաներ են, դրանով ոչինչ չի պակասի նրանցից, իսկ մեզ օգուտ կլինի...»

— Դուք կարծում եք նրանք, այդ բուրժուայնները միամիտ են: Նրանք հիմարներ չեն: Նրանք ամբողջ Ռուսաստանից հավաքել են շաքարի ու աղի ամբողջ պաշարը, հազարավոր փթեղով վաղօրոք տարել Արիմ, այնտեղ բեռներ են շոգենավերը ու տարել ուրիշ երկրներ, որ ծախեն,— ասում էր Միշկան՝ փայլեցնելով աչքերը:

— Լավ, նրանք ամբողջ մազութն է՛լ են տարել,— կասկածանքով հարցրեց միաչքանի Չումակովը:

— Իսկ դու կարծում էիր քե՞զ են թողել, պապի: Նրանց ինչի՞ն են պետք դու, ինչպես և ամբողջ աշխատավոր ժողովուրդը: Նրանք մազութ առնող էլ կգտնեն: Եթե կարենային, ամեն ինչ կտանեին իրենց հետ, որ այստեղ ժողովուրդը կոտորվեր սովից:

— Այդպես է, իհարկե,— համաձայնվեց ծերունիներից մեկը.— հարուստները բոլորն էլ անկուշտ են: Հնուց հայտնի է,— ինչքան հարուստ է մարդը, այնքան ազահ է: Երբ առաջին նահանջն էր կատարվում, Վելկիում մի վաճառական ամեն ինչ բարձեց սայլերին, վերցրեց ամբողջ գույքը, և հա արդեն մոտենում են կարմիրները, իսկ նա դեռ բակից դուրս չի գալի, մուշտակ հագած վազ է տալի տան մեջ, արցանով պատերից մեխեր է հանում: «Ձեմ ուզում մի հատ միխ էլ թողնել նրանց, անիծվածներին»,— ասում է նա: Այնպես որ զարմանալի չէ, եթե նրանք մազութն էլ են տարել իրենց հետ:

— Լավ, բա առանց աղի ի՞նչ պիտի անենք,— խոսակ-

ցության վերջում բարեսրտությամբ հարցրեց ծերունի Մակսանը:

— Մեր բանվորները շուտով նոր աղ կհանեն, իսկ առայժմ կարելի է սայլեր ուղարկել Մանիչ,— զգուշությամբ խորհուրդ տվեց Միշկան:

— Խախը չի ուզում այնտեղ գնալ: Այնտեղ կալմիկները կեղտոտություն են անում, լճերից աղ չեն տալի, խլումտանում են եզները: Իմ մի ծանոթը այնտեղից միայն մըտրակով եկավ: Վելիկոկնյաժեսկուց դենը երեք զինված կալմիկ զիշերով վրա էին տվել, եզները խել: Իսկ նրան կոկորդը ցույց տալով. ասել էին՝ «Սուս արա, բիճա, թե չէ շանուատակ կլինես...» Դե արի ու գնա այնտեղ:

— Մնում է սպասել,— հոգոց հանեց Չումակովը:

Միշկան մի կերպ վերջացրեց ծերունիների հետ ունեցած խոսակցությունը, բայց տանը դարձյալ աղի պատճառով թունդ վեճ ունեցավ Դունյաշկայի հետ: Առհասարակ նրա և կնոջ միջև տարածայնություններ էին լինում...

Դա սկսվել էր այն անմոռանալի օրվանից, երբ Միշկան Պրոխորի ներկայությամբ խոսք բացեց Գրիգորիի մասին, և այդ աննշան գծությունը այնպես էլ շմոռացվեց: Մի երեկո, ընթրիքի ժամանակ Միշկան ասաց.

— Քո շիին աղ չի գցած, տանտիրուհի: Ի՛նչ է, աղն է պակաս թե մաղը:

— Հիմի, այս իշխանության օրով կերածդ աղի չի լինի: Գիտե՞ս տանը ինչքան աղ է մնացել:

— Ինչքա՞ն:

— Երկու բուռ:

— Այդ լավ չէ,— հոգոց հանեց Միշկան:

— Լավ մարդիկ դեռ ամառը գնացել էին Մանիչ, աղ բերելու, իսկ դու ժամանակ չունես դրա մասին մտածելու,— կշտամբանքով ասաց Դունյաշկան:

— Ինչո՞վ պիտի գնայի: Ամուսնությունդ առաջին տարում քեզ լծել անհարմար է, իսկ աշատները հեշ բան են...

— Դու այդ հանաք-մանաքը թող մեկ ուրիշ օրվա: Երբ որ աղ չզցած կերակուր կուտես, այն ժամանակ հանաք արա:

— Ի՞նչ ես շարացել վրես: Ախր ես ո՞րտեղից աղ վերցնեմ քեզ համար: Այ թե ինչ տեսակ մարդիկ եք դուք, կնա-

նիքդ: Մեռի, բայց բեր ու տուր ձեզ: Լավ, ի՞նչ անենք որ  
աղ չկա, զահրուժար լինի այդ անտերը:

— Մարդիկ եզան սայլերով Մանիչ էին գնացել: Հիմի  
նրանք աղ էլ կունենան, ամեն բան էլ, իսկ մենք անալի ու  
թթու բան պիտի ծամենք...

— Մի կերպ կապրենք, Դունյա: Շուտով պետք է աղ բե-  
րեն: Մեզ մոտ հո քիչ չի՞ այդ բարիքը:

— Ձեզ մոտ ամեն բան էլ շատ է:

— Ձե՛զ, այսինքն ո՞ւմ մոտ:

— Կարմիրների:

— Իսկ դու ի՞նչ ես:

— Հենց այս եմ, ինչ որ տեսնում ես: Փչեցիք հա՛ փչե-  
ցի՞ք՝ «Մեզ մոտ ամեն բան շատ կլինի, բոլորս էլ հավասար  
ու հարուստ կապրենք...» Ահա և ձեր հարստութունը. շլիի  
մեջ գցելու աղ չկա:

Միշկան վախեցած նայեց կնոջը, գունատվեց:

— Այդ ի՞նչ է, Դունյախա, ի՞նչպես ես խոսում, մի՞թե  
կարելի է:

Բայց Դունյաշկան անզուսպ էր. նա էլ գունատվեց զայ-  
րույթից ու բարկությունից, և արդեն անցնելով ճշոցի, շա-  
րունակեց.

— Իսկ այսպես կարելի՞ է, հը՞: Ի՞նչ ես չոնկ աչքերդ:  
Դու գիտե՞ս, նախագահ, որ մարդկանց լինողերը արդեն ուռ-  
չում են աղի պակասությունից: Գիտե՞ս, թե մարդիկ ինչ են  
ուտում աղի փոխարեն. գնում են նեչակ կուրգանից դենը,  
փորփորում աղուտները ու հողը բերում գցում են շլիի մեջ...  
Դու լսե՞լ ես դրա մասին:

— Կաց, մի ճղճղա, լսել եմ... Հետո ի՞նչ:

Դունյաշկան ձեռքերն իրար վարկեց:

— Հետո էլ ի՞նչ պիտի լինի:

— Այդ բանը մի կերպ պե՛տք է տանել:

— Դե, տար:

— Ես կտանեմ, ամա դու... Քո մեջ Մելիխովների ամ-  
բողջ ցեղն է խոսում...

— Ի՞նչ ցեղ:

— Կոնտր, այ թե ինչ,— խուլ ձայնով ասաց Միշկան ու  
վեր կացավ սեղանից: Նա կախել էր գլուխը, շէր նայում

կնոջը. նրա շրթունքները դողացին, երբ նա ասաց.— Եթե մի  
անգամ էլ այդպես խոսես, մենք էլ միասին չենք ապրի,  
լավ իմացիր: Քո խոսքերը թշնամու խոսքեր են...

Դունյաշկան ուզում էր ինչ-որ առարկել, բայց Միշկան  
շլեց աչքերը և բարձրացրեց սեղմած բռունցքը:

— Լո՛ր... — կտրուկ ասաց նա:

Դունյաշկան առանց վախի, չթաքցրած հետաքրքրու-  
թյամբ նայեց նրան, մի քիչ հետո հանգիստ և ուրախ ասաց.

— Դե լավ, էլի, սատանեն գիտե, թե ինչ բանի մասին  
ենք խոսում... Առանց աղի էլ կապրենք:— Նա մի փոքր լռեց  
ու մեղմ ժպիտով, որ այնքան սիրում էր Միշկան, ասաց.—  
մի՛ հերսոտի, Միշա: Եթե ամեն բանի համար մեր, կնանոց  
վրա բարկանաս, սիրտդ չի դիմանա: Մարդ ինչե՞ր չի ասի  
անխելությունից... ...Դու խոշա՞ք պիտի խմես, թե՞ մածուն  
բերեմ:

Չնայելով իր ջահելության, Դունյաշկան արդեն օժտված  
էր կենցաղային փորձով և գիտեր, թե երբ կարելի է վիճելիս  
համառել ու երբ խոնարհվել և նահանջել...

Դրանից երկու շաբաթ հետո Գրիգորիից նամակ եկավ:  
Նա գրել էր, թե վիրավորվել է վրանգելյան ռազմաճակատում  
և առողջանալուց հետո ամենայն հավանականությամբ կզո-  
րացրվի: Դունյաշկան ամուսնուն հաղորդեց նամակի բո-  
վանդակությունը, զգուշությամբ հարցրեց.

— Երբ որ նա տուն գա, Միշա, ի՞նչպես պիտի ապրենք:

— Կտեղափոխվենք իմ տունը: Թող նա այստեղ մենակ  
ապրի: Գույքը կբաժանենք:

— Միասին ապրել մենք չենք կարող: Ոնց որ երևում է,  
նա Ակսինյային իր մոտ կվերցնի:

— Թեկուզև կարելի լիներ. մեկ է, ես քո աղբոր հետ  
մի կտուրի տակ չէի ապրի,— խիստ տոնով հայտարարեց  
Միշկան:

Դունյաշկան զարմանքից բարձրացրեց հոնքերը:

— Ինչո՞ւ, Միշա:

— Դու հո գիտես:

— Որ նա սպիտակների մո՞տ է ծառայել:

— Ա՛յ, հենց դրա համար:



— Դու չես սիրում նրան... Չէ՞ որ երկուսդ ընկերներ եք եղել:

— Նա իմ ինչի՞ն է պետք, որ սիրեմ նրան: Ընկերներ ենք եղել, բայց վերջացել է մեր ընկերությունը:

Դու նյաշկան նստել էր ճախարակի մոտ: Համաշափ բըզզում էր անիվը: Մանվածքի թելը կտրվեց: Դու նյաշկան ձեռքով պահեց անիվի շրջանակը ու, ոլորելով թելը, առանց ամուսնուն նայելու հարցրեց.

— Երբ նա գա, նրան ի՞նչ կանեն կազակների մոտ ծառայելու համար:

— Տրիբունալը կդատի:

— Իսկ ի՞նչ պատիժ կտա:

— Ծն այդ չգիտեմ, դատավոր չեմ:

— Կարող են գնդակահարություն է՞լ դատապարտել:

Միշկան նայեց մահճակալին, որտեղ քնած էին Միշատկան ու Պոլյուշկան, ունկնդրեց նրանց համաշափ շնչառությունը ու ձայնը ցածրացնելով՝ պատասխանեց.

— Կարող են:

Դու նյաշկան այլևս ոչինչ չհարցրեց: Առավոտյան կթելով կովը, գնաց Ակսինյայի մոտ.

— Գրիշան շուտով կգա, եկա քեզ ուրախացնելու:

Ակսինյան ջրով լի շուգունը լուռ ու մունջ դրեց վառարանի վրա: ձեռքերը սեղմեց կրծքին: Նայելով նրա կարմրած դեմքին, Դու նյաշկան ասաց.

— Իսկ դու շատ մի ուրախանա: Մարդս ասում է, թե նա դատից չի պրծնի: Աստված գիտի, թե նրան ինչ պատիժ կտան:

Ակսինյայի թրջված ու փայլող աչքերում մի վայրկյան վախ երևաց:

— Ինչի՞ համար, — շեշտակի հարցրեց նա՝ անզոր լինելով մարել շրթունքների ուշացած ժպիտը:

— Ասլոտամբություն և ուրիշ բաների համար:

— Սուտ է: Նրան չեն դատի: Քո այդ Միխայիլը ոչինչ էլ չգիտի, միթամ նա էլ գիտուն մարդ է, էլի՞:

— Գուցե և շատեն: — Դու նյաշկան մի փոքր լռեց, հետո էլ զսպելով հառաչանքը, ասաց. — Նա շարացած է աղբորս վրա... Դրանից այնպես է ցավում սիրտս, որ ասել չեմ

կարող: Շատ եմ մեղքանում աղբորս: Նա էլի վիրավորվել է... Ախ, ինչքա՞ն ձախորդ է նրա կյանքը...

— Միայն թե գա. կվերցնենք երեսաներին ու կփախչենք մի որևէ տեղ, — հուզված ասավ Ակսինյան:

Հայտնի չէ ինչու նա հանեց լաշակը, նորից կապեց գլխին, ու թարեքի վրա աննպատակ տեղափոխելով ամանները, ոչ մի կերպ չէր կարողանում մեղմել իրեն համակած ուժեղ հուզմունքը:

Դու նյաշկան նկատեց, թե ինչպես դողացին նրա ձեռքերը, երբ նա նստեց նստարանին ու սկսեց ծնկների վրա կուկել հին, կիսամաշ գոգնոցի ծալերը:

Հուզմունքից բռնվեց Դու նյաշկայի կոկորդը: Նա ուզեց մենակ լաց լինել:

— Մայրիկը շտեսավ նրան... — կամացուկ ասաց Դու նյաշկան: — է՛հ, ես գնամ: Պետք է վառել վառարանը:

Հաշտում Ակսինյան հապճեպ ու անհարմար համբուրեց նրա վիզը, վերցրեց և համբուրեց ձեռքը:

— Ուրախ ես, — դողող, ցածր ձայնով հարցրեց Դու նյաշկան:

— Այնպես, էլի, մի քիչ... — պատասխանեց Ակսինյան՝ փորձելով կատակի, երբևուն ժպիտի տակ թաքցնել արցունքները:

## VI

Միլլերովո կայարանում Գրիգորիին, որպես զորացրված կարմիր հրամանատարի, բնակչական մի սայլակ տրամադրեցին: Տուն վերադառնալիս յուրաքանչյուր ուկրաինական գյուղում նա փոխում էր ձիերը և մեկ օրում հասավ Վերին Դոնի օկրուգի սահմանը: Առաջին իսկ կազակական խուտորում ուկրոմի նախագահը. — երիտասարդ, բանակից նոր վերադարձած մի կարմիրբանակային, — ասաց.

— Մնում է, որ դուք, ընկեր հրամանատար, եզան սայլով գնաք: Մեր ամբողջ խուտորում մի ձի կա, այն էլ երեք ոտով է քայլում: Նահանջի ժամանակ բոլոր ձիերը մնացել են Կուբանում:

— Գուցե այդ ձիով մի կերպ հասնե՞մ, — հարցրեց Գրի-

գորին՝ մատնեբը տփտփացնելով սեղանին, զննողաբար նայելով աշխույժ նախագահի ուրախ աչքերին:

— Չեք հասնի: Մի շաբաթ կգնաք ու էլի շեք հասնի: Գուք մի՛ անհանգստանաք, մեզ մոտ կարգին, արագ քայլով եզներ կան, մեկ է, մենք պետք է մի սայլ ուղարկենք Վիշենսկայա, հեռախոսալար է տանելու, այս պատերազմից հետո դա մնացել է մեզ մոտ. դուք ճանապարհին սայլը շեք փոխելու, ձեզ հենց մինչև տուն կհասցնի:— Նախագահը կկոցեց ձախ աչքը և ժպտալով ու խորամանկությամբ աչքով անելով, ավելացրեց.— ձեզ կտանք ամենալավ եզները, սայլը քոռոն էլ կլինի մի ջահել, այրի կին... Այստեղ մեզ մոտ կա ջանի ցեց մի կին, նրանից լավը երազում էլ չես տեսնի: Նրա հետ իսկի շեք էլ իմանա, թե ոնց կհասնեք տուն: Ինքս եմ ծառայել, գիտեմ այդ բոլորը, զինվորական կարիքը...

Գրիգորին լուռ, մտքի մեջ հաշիվ էր անում. սպասել նույն ճանապարհով գնացող որևէ սայլի, դա հիմարություն կլինե՞ր, ոտով գնար,— երկար կքաշեր: Հարկավոր էր համաձայնվել ու եզան սայլով գնալ:

Մի ժամից հետո սայլը եկավ: Հին էր սայլը, անիվները վնաստում, ճռճոռում էին, ետին հաստ կողը ջարդոտված էր, կողքերից կախ էին ընկել անփույթ կերպով փռած խոտի փնջերը: «Ա՛յ թե կովելով ինչ օրի հասանք»,— մտածեց Գրիգորին՝ զզվանքով դիտելով խղճուկ սայլը: Սայլապանուհին քայլում էր եզների կողքից՝ թափահարելով մտրակը: Նա իրոք որ շատ սիրուն էր ու վայելչակազմ: Հասակին անհամապատասխան փարթամ կուրծքը մի փոքր փշացնում էր նրա կերպարանքը, կլոր կզակի շեղ սպին է՛լ վատ անցյալի արտահայտություն էր տալիս դեմքին և ասես պառավեցնում էր թուխ, կարմրաթուշ, ջահել դեմքը, որ քթարմատի մոտ կորեկի պես մանր, ոսկեվուն պեպեններով էր պատած:

Շտկելով լաշակը, նա կկոցեց աչքերը, ուշադրությամբ նայեց Գրիգորիին, հարցրեց.

— Քե՞զ պիտի տանեմ:

Գրիգորին վեր կացավ մուտքի սանդուղքից, կոճկեց շինելը:

— Ինձ, լարը բարձե՞լ ես:

— Բարձելն իմ ի՞նչ գործն է,— զրնգուն բղավեց կա-

զակուհին:— Ամեն օր, դես-դեն են քշում, աշխատեցնում: Ի՞նչ եմ դրանց համար: Թող իրենք բարձեն այդ լարը, թե չէ դատարկ սայլով կգնամ:

Նա լարի փաթաթները քարշ էր տալիս ու դնում սայլին, բարձր ձայնով, սակայն բարեմտությամբ ճղճղում էր նախագահի վրա ու երբեմնակի ծուռ, զննող հայացքներ էր նետում դեպի Գրիգորին: Նախագահը շարունակ ծիծաղում էր, անկեղծ հիացմունքով նայում ջահել այրի կնոջը: Երբեմն աչքով անելով Գրիգորիին, նա կարծես ասում էր՝ «Ա՛յ թե ինչպիսի կանայք կան մեզ մոտ: Իսկ դու չէիր հավատում»:

Խուտորից դենը հեռու-հեռու փոված էր աշնանային թուխ, դալկացած տափաստանը: Վարելահողից, ճանապարհի վերեկից գորշ-կապտավուն ծուխ էր սահում: Հերկ անողները խոտեղեն էին վառում,— շոր, թփակալած մարզարտածաղիկ, թառամած, թել-թել հավակորեկ: Մխի հոտը Գրիգորի մեջ տիրուր հուշեր արթնացրեց. մի ժամանակ նա, Գրիգորին էլ վար էր անում աշնանային խուլ տափաստանում, գիշերները նայում աստղերով առկայծող սև երկնքին, լսում էր բարձունքում թռչող սագերի երամների կանչերը... Նա անհանգիստ շուռ եկավ խոտի վրա, կողքից նայեց սայլապանուհուն:

— Քանի՞ տարեկան ես, քույրիկ:

— Մոտ վաթսուն,— սեթևեթ պատասխանեց կինը, ժրպտաց միայն աչքերով:

— Չէ, հանաքը դենը:

— Քսանմեկ:

— Այրի՞ ես:

— Այրի եմ:

— Բա մարդուդ ի՞նչ ևս արել:

— Սպանել են:

— Վաղո՞ւց:

— Երկրորդ տարին է:

— Ապատամբության ժամանակ:

— Դրանից հետո, աշնան գլխին:

— Եվ ոնց ես ապրում:

— Մի կերպ, էլի՞:

— Չանձրալի՞ է:

Կինը ուշադրութեամբ նայեց Գրիգորիին, լաշակը քաշեց շրթունքներին՝ թաքցնելով ժպիտը: Նրա ձայնը ավելի խուլ կերպով, ինչ-որ նոր առողջանութեամբ հնչեց, երբ նա ասաց.

— Աշխատանքի մեջ ժամանակ չկա ձանձրանալու:

— Բա առանց մարդու ձանձրալի չի՞:

— Ես կեսուրիս հետ եմ ապրում, տնտեսութեան գործերը շատ են:

— Բա առանց մարդու ո՞նց ես դիմանում:

Կինը երեսը դարձրեց Գրիգորիի կողմը: Նրա թուխ այտերը շիկնեցին, աչքերում շիկակարմրավուն կայծեր բռնկվեցին ու մարեցին:

— Դու այդ ինչի՞ մասին ես ասում:

— Հենց այդ բանի մասին:

Կինը շուրթերից դեն տարավ լաշակը, ծոր տվող ձայնով ասաց.

— Դե, այդ կողմից պակասություն չկա: Աշխարհքում քիչ չեն բարի մարդիկ... — Ու մի փոքր լռելուց հետո շարունակեց.— ես մարդուս հետ էլ կնկա կարգին կյանք չունեցա: Ապրեցինք մենակ մի ամիս, իսկ հետո նրան վերցրին ծառայության: Առանց նրան մի կերպ ապրում եմ, էլի՛: Հիմի լավ է, ջահել կազակները եկել են խուտոր, թե չէ առաջ բանը վատ էր: Հո՛, շալդիկս, հո՛: Այդպես բաներ, զինվոր աղբեր: Այդպես է իմ ապրուստը:

Գրիգորին լռեց: Թերևս կարիք չկար, որ նա այդպիսի թեթևամիտ տոնով խոսակցություն ունենար: Նա արդեն ցավում էր դրա համար:

Խոշոր, գիրացած եզները գնում էին համաշափ, ծանր քայլերով: Դրանցից մեկի աչքը հղջուրը մի ժամանակ կտորվել էր ու նորից աճել՝ շեղակի թեթևելով ճակատի վրա: Գրիգորին արմունկներին հենված, աչքերը կիսափակած, պատկել էր սայլի վրա: Նա վերհիշեց այն եզները, որոնցով աշխատել էր մանկության օրերում ու հետագայում, երբ արդեն շափահաս էր դարձել: Դրանք բոլորն էլ տարբեր էին իրենց գույնով, մարմնի կազմվածքով, բնավորությամբ, յուրաքանչյուրի եղջուրներն անգամ ինչ-որ յուրահատուկ ձև ունեին: Մի ժամանակ Մելիխովները հենց այդպիսի այլանդակված, կողքի ծուլած եղջուրով մի եզ ունեին: Բարկացկոտ ու խո-

րամանկ այդ եզը միշտ էլ ծուռն էր նայում՝ շուռ տալով աչքերի սպիտակուցը, որի վրա երևում էին արյունամած երակները, աշխատում էր քացի տալ, երբ ետևից մոտենում էին նրան և միշտ աշխատանքի ժամանակ, գիշերները, երբ անասունները բաց էին թողնում արածելու, — փորձում էր տուն գնալ և որ ավելի վատ էր, — կորչում էր անտառում. կամ հեռավոր հովիտներում: Գրիգորին հաճախ ձի նստած, ամբողջ օրերով շրջագայում էր տափաստանում և արդեն չհավատալով, որ երբևէ կգտնի կորած եզը, հանկարծ նրան հայտաբերում էր որևէ ձորակի հատակում, փշենու խիտ, անանցանելի մացառուտում, կամ սովերում, սաղարթախիտ և հին, վայրի խնձորենու տակ: Մեկ պողանի այդ սատանան կարողանում էր հանել զլխին զցած պարանը, գիշերը եղջուրով քանդում էր անասնանոցի դարպասի կապը, դուրս էր գնում, լողալով անցնում Դոնը, թափառում մարգագետնով մեկ: Իր ժամանակին նա մեծ անախորժություն ու դառնություն էր պատճառում Գրիգորիին...

— Ո՞նց է ծուռ պողով այդ եզը, խելո՞ք է, — հարցրեց Գրիգորին:

— Խելոք է: Ի՞նչ կա որ:

— Ոչինչ, հենց այնպես:

— «Հենց այնպես» էլ լավ խոսք է, եթե ուրիշ բան չկա սսելու. — քմծիծաղ տալով ասաց սայլապանուհին:

Գրիգորին լռեց: Նրան հաճելի էր մտածել անցյալի մասին, խաղաղ կյանքի, աշխատանքի, այն ամենի մասին, ինչ որ չէր վերաբերվում պատերազմին, որովհետև յոթ տարի ձգձգված այդ պատերազմը բոլորովին զգվեցրել էր նրան, ու հենց միայն դրա մասին, ծառայության հետ կապված որևէ միջադեպի մասին հիշելիս նա ներքին ճնշող նողկանք և խուլ ջղայնություն էր զգում:

Նա վերջացրել է պատերազմելը: Բավական է: Նա տուն էր գնում, որպեսզի ի վերջո ձեռնամուխ լիներ աշխատանքին, ապրեր երեխաներով, Ակսինյայի հետ: Դեռ այնտեղ, ռազմաճակատում նա հաստատ որոշել էր Ակսինյային տուն բերել, որ նա դաստիարակեր իր երեխաներին և միշտ լիներ իր կողքին: Այդ էլ պետք էր վերջացնել, և որքան շուտ, այնքան լավ:

Գրիգորին հաճույքով էր երազում, թե ինչպես տանը կհասնի շինելը և սապոգները, լայն քոշեր կհագնի, կազակահան սովորութեամբ շալվարի ծայրերը կդնի բողբ սպիտակ գուլպաների մեջ, ու տաք կուրտկայի վրայից հագնելով տանը գործած կապան, կգնա դաշտ: Ի՞նչ լավ կլինեն բռնել գութանի մաճը և խոնավ ակոսով գնալ դրա ետևից, ազահութեամբ ներշնչել փխրացած հողի նման և անուշ հոտը, խոփի կտրատած խոտաբույսերի դառն բույրը: Օտար երկըրներում հողն է՛լ, խոտաբույսերն էլ ուրիշ տեսակ են բուրում: Քանի՞-քանի անգամ կհաստանում, Ուկրաինայում ու Ղրիմում նա ձեռքի մեջ փշրում էր օշինդրի գորշակապույտ գլխիկը, հոտոտում էր և թախծոտ մտածում՝ «Ոչ, այն չէ, օտար է...»:

Իսկ սայլվորուհին ձանձրանում էր: Նա ուզում էր խոսել: Նա թողեց եզներին մտրակելը, ափելի հարմար նստեց ու, անտղելով մտրակի կաշվե ծոպը, երկար, աչքի տակով նայում էր Գրիգորին, նրա լրջախոհ դեմքին, կիսով չափ խոնարհված աչքերին: «Սա այնքան էլ ծեր չէ, թեև մազերը ճերմակել են: Ու մի տեսակ տարօրինակ է:— Մտածում էր սայլվորուհին:— Շարունակ կկոցում է աչքերը, ինչո՞ւ է կկոցում: Ասես շատ է բեզարած, ասես շալակով սայլ է տարել... Տեսքը լավն է, ոչինչ: Մենակ թե ճերմակ մազերը շատ են, բեղերն էլ համարյա ճերմակ են: Բայց առհասարակ լավ տեսքով է: Ի՞նչ է մտածում: Սկզբում ոնց որ թե սկսեց կատակել, հետո էլ սսկեց, չգիտես ինչու եզան մասին հարցրեց: Խոսելու բան չունի՞, ինչ է: Գուցե թե վախում է: Դժվար թե Աչքերը հանգիստ են: Չէ՛, լավ կազակ է մենակ թե տարօրինակ է երևում: Դե լուում ես լուի կուզիկ սատանա: Շա՛տ պետքս ես, ո՞նց չէ: Ես ինքս է՛լ կարող եմ լռել: Կնոջդ մոտ ես գնում, համբերությունդ չի հերիքում: Լսի, անուշ լինի»:

Սայլվորուհին մեջքը դեմ արեց սայլի կողին, կամացուկ երգեց:

Գրիգորին բարձրացրեց գլուխը, նայեց արևին: Դեռ բավական վաղ էր: Նախորդ տարվա ուղտափշից, որ մոայլ տեսքով հսկում էր ճանապարհը, կես քայլ ստվեր էր ընկել:

Վամենայն հավանականությամբ ցերեկվա ժամը երկուսից ափելի չէր լինի:

Ասես կախարդված, մեռյալ լուսնյան մեջ փովել էր տափաստանը: Ժլատ էր արևի ջերմությունը: Թեթև քամին անձայն օրորում էր շիկակարմրավուն, թառամած խոտաբույսերը: Շուրջը չէր լսվում ոչ թռչունների ձայնը, ոչ էլ սկյուռների ճատճատոցը: Պաղ, դալկակապույտ երկնքում չէին սավառնում ուրուրներն ու արծիվները: Եվ միայն մի անգամ գորշ մի ստվեր սահեց ճանապարհի վրայով, ու, դեռ գլուխը չբարձրացրած, Գրիգորին լսեց մեծ թևերի ծանր շփշփոցը. մոխրագույն-գորշ-կապտավուն, արևի տակ սպիտակավուն թևերով փայլող մի մեծ արոս թռավ ու նստեց հեռավոր մի բլուրի մոտ, այնտեղ, ուր արևով շուրջավորված խորունկ ձորակը միախառնվել էր մթնակապտավուն հեռաստանին: Գրիգորին տափաստանում միայն ուշ աշնանն էր նկատում այդպիսի տխուր և խոր լուսնյուն, երբ նրան թվում էր, որ լսում էր չոր խոտաբույսերի վրա քամուց գլորվող, դեպի տափաստանային հեռունները չվող երնջնակի շրջյունը:

Ճանապարհը կարծես չէր վերջանալու: Այն ոլորտապտույտ ձգվում էր տափարակ բլրալանջերով, իջնում ձորակները, կրկին բարձրանում դեպի բլրագագաթները: Առջուրջը էլի փովում էր անծայրածիր, խուլ տափաստանը:

Գրիգորին զմայլվեց մի ձորակի լանջում աճած սև թխկիթ թփով: Առաջին ցրտերից մշված նրա տերևները փայլում էին մուգ կարմիր գույնով, ասես մարող խարույկի մոխրոտած ածուխներ լինեին:

— Անունդ ի՞նչ է, հորեղբայր,— հարցրեց սայլվորուհին՝ մտրակի կոթը կամացուկ դիպցնելով Գրիգորի ուսին:

Գրիգորին ցնցվեց, դեմքը դարձրեց նրա կողմը: Սայլվորուհին մի կողմ էր նայում:

— Գրիգորի: Իսկ քո՞նը:

— Իմ անունը անանուն է:

— Լոիր, էլի, անանո՞ւն:

— Ձանձրացա լռելուց: Օրվա կեսը լուում եմ, բերանս չորացավ: Դու ի՞նչու այդպես տխուր ես, հորեղբայր Գրիշա:

— Ինչո՞վ ուրախանամ:

— Տուն ես գնում, պետք է ուրախ լինես:

— Ուրախանալուս տարիներն անցել են:

— Ի-ի՛հ, ծերուկի՛ս մտիկ: Բա ինչո՞ւ դու ջահել ես, իսկ մազերդ ճերմակել են:

— Ամեն բան պիտի իմանաս, էլի՛... Երեկ լավ կյանքից եմ ճերմակել:

— Դու ամուսնացած ես, հորեղբայր Գրիշա:

— Ամուսնացած եմ: Դու էլ, անանուն, պետք է շուտ ամուսնանաս:

— Ինչո՞ւ շուտ:

— Դու շատ խաղլիկ ես...

— Իսկ դա վատ է:

— Վատ էլ է լինում: Ես ճանաչում էի այդտեսակ խաղլիկ մի կնկա, նույնպես այրի էր, խաղաց-խաղաց, հետո էլ նրա քիթը սկսեց թափվել...

— Օ՛ֆ, տեր աստված, ինչքան սարսափելի է,— հեգնոտ վախով բացականչեց կինը և իսկույն լրջաբար ավելացրեց.— մեր այրիներիս գործն այսպես է. գիլից վախում ես՝ մի գնա անտառ:

Գրիգորին նայեց նրան: Կինն անձայն ծիծաղում էր մանր, սպիտակ ատամներն իրար սեղմած: Նրա վեր ցցված վերին շրթունքը դողում էր, խոնարհած թարթիչների տակից շարաճճիորեն փայլում էին աչքերը: Գրիգորին ակամա ժրպտաց և ձեռքը դրեց նրա տաք, կլոր ծնկին:

— Խեղճ, անբախտ անանուն,— կարեկցաբար ասաց նա:— Քսան տարեկան ես, և ինչպե՛ս կյանքը մաշել է քեզ...

Մի ակնթարթում կնոջ ուրախության հետքն էլ չմնաց: Նա ցասկոտությամբ դեն հրեց Գրիգորիի ձեռքը, նոթերը կիտեց և այնպես կարմրեց, որ շքացան քթարմատի մանրիկ պեպենները:

— Դու կնկանդ խղճա, երբ տուն հասնես, իսկ ես առանց քեզ էլ խղճացողներ շատ ունեմ:

— Կաց, է՛, մի՛ նեղանա:

— Դե գնա՛, է՛:

— Ես այդ բանը խղճալուց ասի քեզ:

— Գնա դու էլ քո խիղճն էլ... — Սայլվորուհին տղամարդու պես վարժ և սովոր կերպով հայհոյեց, փայլեցին նրա բարկացած աչքերը:

Գրիգորին բարձրացրեց հոնքերը, շփոթվելով մոմոաց.

— Այդ ի՞նչ խոսքեր ես ասում: Ա՛մա թե անզուսպ ես, հա՛-ա:

— Բա դու ի՞նչ ես. ոչլոտ շինելով սուրբ, այ թե ով ես դու: Գիտե՛մ ես ձեզ: Ամուսնացիր, ֆլան, ֆստան, վաղո՛ց ես այդպես կարգին մարդ դարձել:

— Ոչ, վաղուց չէ,— ծիծաղելով ասաց Գրիգորին:

— Ինչո՞ւ ես գլխիս խրատ կարդում: Դրա համար ես կեսուր ունեմ:

— Դե լավ, էլի, ի՞նչ ես շարանում, դմբո կնիկ: Ես հո ի միջի այլոց այդպես արտահայտվեցի,— հաշտվողաբար ասաց Գրիգորին:— Տես, հրեն, եզները մեր խոսակցության պատճառով ծովեցին ճամփից:

Սայլի վրա ավելի հարմար դիրք տալով մարմնին, Գրիգորին հարևանցիորեն նայեց ուրախ այրիին և նրա աչքերում արցունքներ նկատեց: «Ա՛յ քեզ խաթա. դրանք, այդ կնանիքը միշտ էլ այդպես են, էլի...» — մտածեց նա ու ինչ-որ ներքին անհարմարություն ու վրդովմունք զգաց:

Շուտով նա քնեց մեջքի վրա պառկած, դեմքը շինելի բոլորքով ծածկած, ու արթնացավ միայն մթնշաղին: Երկընթուստ անկայծում էին իրիկնային դալուկ աստղերը: Զգացվում էր խոտի բերկրալի ու թարմ բույրը:

— Եզներին կերակրել է պետք,— ասաց սայլվորուհին:

— Լա՛վ, եկ կանգ առնենք:

Գրիգորին ինքը արձակեց եզները, իրեղենի պարկից հանեց մսի մի տուփ պահածո, հաց, մի ամբողջ կույտ քոլ ու մոլ հավաքեց ու բերեց, սայլից քիչ հեռու կրակ վառեց:

— Է՛հ, նստիր հաց ուտենք, անանուն, հերիք է բարկանաս:

Կինը լուռումունջ նստեց կրակի մոտ, տոպրակից հաց և հնությունից ժանգակալած ճարպ հանեց: Ընթրելիս քիչ և հաշտ էին խոսում: Հետո սայլվորուհին պառկեց սայլի վրա, իսկ Գրիգորին խարույկի վրա եզան մի քանի կտոր չորացած թրիք գցեց, որ կրակը չմարի, երթական սովորությամբ մեկնըվեց կրակի մոտ: Իրեղենի պարկը գլխի տակ դրած, երկար պառկեց, դիտեց աստղաշող երկինքը, անկապ մտածեց

երեխաների, Ակսինյայի մասին, հետո ննջեց ու արթնացա՞վ կնոջական քծնի ձայնից.

— Քնա՞ծ ես, զինվոր աղբեր, քնա՞ծ ես, թե ինչ:

Գրիգորին բարձրացրեց գլուխը: Նրա ուղեկցուհին արմունկին հենված, կախվել էր սայլից: Նրա դեմքը մարող խարույկի երերուն լույսով լուսավորված, վարդագույն էր ու թարմ, կուրացուցիչ սպիտակին էին տալիս ատամները և լաշակի ժանյակավոր եզրերը: Կարծես թե երկուսի մեջ գրծտություն չէր էլ եղել,— նա հոնքերը շարժելով էլի ժպտաց, ասավ.

— Վախում եմ դու այդտեղ ցրտատար լինես: Գետինը պաղ է: Եթե շատ ես մրսել, եկ ինձ մոտ: Մուշտակս շա՛տ, շատ տաք է: Կգա՞ս թե ոնց:

Գրիգորին մտածեց և հոգոց հանելով պատասխանեց.

— Շնորհակալություն, քույրիկ, չեմ ուզում: Թե որ մի-երկու տարի առաջ լինեիր... Կրակի կողքին չեմ մրսի:

Կինը նույնպես հոգոց հանեց, ասաց.

— Դե, ինչպես կուզես,— ու մուշտակը քաշեց գլխին:

Մի քիչ հետո Գրիգորին վեր կացավ, հավաքեց իրերը: Նա որոշեց ոտով գնալ, որպեսզի մինչև լուսաբաց հասնեիր Տատարսկի: Նրա, ծառայությունից վերադարձող հրամանատարի համար, անհնարին էր օրը ցերեկով եզան սայլով ժամանել տուն: Այդպիսի ժամանումը հազար ու մի ասեկոսների ու ծաղրանքի պատճառ կդառնար...

Նա արթնացրեց սայլվորուհուն.

— Ես ոտով կգնամ: Չե՞ս վախենում տափաստանում մենակ մնալուց:

— Չէ, ես վախլուկներից չեմ, խուտորն էլ այստեղից մոտիկ է: Իսկ դու չե՞ս կարող համբերել, ինչ է:

— Հա՛, էլի: Դեհ, մնաս բարով, անանուն, բարի հիշիր:

Գրիգորին դուրս եկավ ճանապարհը, բարձրացրեց շինելի օձիքը: Չյան առաջին փաթիլը ընկավ նրա թարթիչների: Քամին փչեց հյուսիսից, ու Գրիգորիին թվաց, թե նրա ցուրտ շունչը բերում է ձյան ծանոթ և իր սրտին հաճելի բույրը:

Կոշկոյը, որ մեկնել էր ստանիցա, վերադարձավ երեկոյան: Դունյաշկան պատուհանից տեսավ, թե ինչպես նա

մոտեցավ դարպասին: Դունյաշկան արագությամբ շալը գցեց ուսերին, դուրս ելավ բակը:

— Առավոտը Գրիշան եկավ,— բակի դռան մոտ ասաց նա՝ սպասումով և անհանգստությամբ նայելով ամուսնուն:

— Աչքդ լույս,— զուսպ և մի փոքր հեգնտ պատասխանեց Միշկան:

Միշկան ատամները պինդ սեղմած, մտավ խոհանոց: Նրա այտերի ուռուցքները ցնցվում էին: Պոլյուշկան նստել էր Գրիգորիի ծնկներին, հորաքույրը նրան հոգատարությամբ մաքուր շոր էր հագցրել: Գրիգորին երեխային խնամքով իջեցրեց հատակին, գնաց փեսային ընդառաջ, ժպտալով մեկնեց մեծ, թուխ ձեռքը: Նա ուզում էր գրկել Միխայիլին. բայց վերջինիս անժպիտ աչքերում սառնություն ու շարակամություն տեսավ ու զսպեց իրեն:

— էհ, բարև, Միշա:

— Բարև:

— Վաղուց չենք տեսել իրար: Ասես հարյուր տարի է անցել:

— Այո, վաղուց է... Գալուստդ շնորհավոր:

— Շնորհակալ եմ: Ուրեմն ազգականներ ենք դարձել, էլի:

— Այդպես եղավ... Այդ ի՞նչ արյուն է թշիղ վրա:

— Դատարկ բան է, ածելիով եմ կտրել, շտապում էի:

Նրանք նստեցին սեղանի շուրջ և լուռ նայում էին միմյանց, խորթացում և անհարմարություն էին զգում: Նրանք դեռ լուրջ խոսակցություն էին ունենալու, բայց այժմ դա անկարելի էր: Միխայիլը ինքնազսպություն ցուցաբերեց ու հանգիստ խոսեց տնտեսության մասին, խուտորում կատարված փոփոխությունների մասին:

Գրիգորին նայում էր պատուհանից դուրս, առաջին, կապտավուն ձյունով պատած գետնաքին, խնձորենիների մերկ ճյուղերին: Մի ժամանակ նրան այլ կերպ էր պատկերանում Միխայիլին հանդիպելը...

Շուտով Միխայիլը դուրս ելավ: Հաշտում նա հեսանի վրա խնամքով սրեց դանակը, Դունյաշկային ասաց.

— Ուզում եմ մեկն ու մեկին կանչել հոիկը մորթելու: Հարկավոր է կարգին հյուրասիրել տանտիրոջը: Վազ տուր,

արաղ բեր: Կայց, այ թե ինչ. հասիր Պրոխորի մոտ և ասա նրան, որ թեկուզ գնտինը մտնի, բայց արաղ ճարի: Նա այդ քեզանից լավ կանի: Նրան կանչիր ընթրիբի:

Գունյաշկայի դեմքը փայլեց ուրախությունից, լռելյայն շնորհակալությամբ նա նայեց ամուսնուն... «Գուցե թե ամեն բան լավ դնա... Դե, կովել-պրծել են, էլի, հիմա էլ ի՞նչ ունեն բաժանելու: Գոնե աստված խելքի բերեր դրանց», — հուսադրվելով մտածում էր նա՝ գնալով Պրոխորի մոտ:

Կես ժամ էլ չէր անցել, երբ վազեվազ եկավ շնչասպառ Պրոխորը:

— Գրիգորի Պանտելիչ... Միրելիս... Իսկի հույս էլ չու-  
նեի, որ կտեսնեմ քեզ... — բարձր, լացակուժած ձայնով գո-  
չեց նա ու շեմքի վրա սայթաքելով, քիչ մնաց ջարդեր օղիով  
լեցուն դուլյանոց սափորը:

Գրկելով Գրիգորիին, նա փղձկաց, բռունցքով սրբեց աշ-  
քերը, հարթեց արցունքոտած բեղերը: Գրիգորիի կոկորդին  
ինչ-որ բան դեմ առավ, բայց նա զսպեց իրեն, հուզված, մի  
փոքր կոպիտ թփթփացրեց հավատարիմ հանձնատարի կըռ-  
նակին, խոսեց անկապ:

— Ահա և տեսնվեցինք... է՛հ, ուրախ եմ, Պրոխոր, շատ  
ուրախ եմ, որ տեսա քեզ: Ի՞նչ ես արտասպում, ծերուկ: Թու-  
լացե՞լ ես դես-դեն քարշ գալուց: Հայ-հայդ գնացել, վայ-  
վայդ է մնացե՞լ, հա՛: Ո՞նց է թեղ: Կնիկդ մյուս թեղ չի՞  
թոցրել:

Պրոխորը զիլ խնչեց, հանեց կիսամուշտակը:

— Ես ու կնիկս հիմի աղունիկների պես ենք ապրում:  
Երկրորդ թևս սաղ է. տեսնում ես, իսկ այս թևս, որ լեհերը  
կտրեցին, սկսում է աճել, աստված վկա: Մի տարուց հետո  
մատներ էլ դուրս կգան, — ասաց նա իրեն հատուկ ցնծու-  
թյամբ՝ թափահարելով վերնաշապկի դատարկ թևքը:

Պատերազմը նրանց սովորեցրել էր ժպիտներով քողար-  
կել իսկական զրացմունքները, հացն էլ, խոսակցությունն էլ  
համովացնել լավորակ աղով. հենց դրա համար էլ Գրիգորին  
նույն զվարճալի տոնով շարունակեց հարցուփորձը.

— Ո՞նց ես ապրում, պառավ էժ, ո՞նց ես ցատկոտում:

— Ալևորի պես, էլի՛, առանց վառզելու:

— Առանց ինձ էլ ոչինչ չե՞ս ճարել:

— Այսինքս ի՞նչ:

— Դե, այն բլբուլը, էլի, որ անցած ձմեռ վրեղ էր...

— Պանտելիչ՛, աստված շանի: Հիմի այդ զարդարան-  
քը ինչի՞ս է պետք: Եվ ինչ էլ կարող եմ ճարել մի ձեռքով:  
Դա քո գործն է, ջահելի, ազարի գործ է... Իսկ ինձ համար  
ժամանակն է, որ իմ արք ու սարքը տամ կնկանս, դես-դեն  
չընկնեմ...

Նրանք, խրամատային հին ընկերները, հանդիպումից  
ուրախացած, ծիծաղկոտ նայում էին իրար:

— Բոլորովի՞ն ես եկել, — հարցրեց Պրոխորը:

— Բոլորովին: Ընդմիշտ:

— Վերջը ի՞նչ աստիճանի հասար:

— Գնդի հրամանատարի օգնական էի:

— Բա ինչի՞ քեզ այդպես շուտ բաց թողին:

Գրիգորին մոռյվեց, կարճ պատասխանեց.

— Հարկավոր չէի:

— Ի՞նչ պատճառով:

— Չգիտեմ: Երևի անցյալի համար:

— Բայց ախր դու անցել էիր այդ գտող հանձնաժողովը,  
որը հատուկ բաժնում գտում էր սպաներին, էլ անցյալս  
որն է:

— Դե, ո՛վ գիտի:

— Բա Միխայիլը որտեղ է:

— Բակումն է: Անասուններին է նայում:

Պրոխորը ավելի մոտեցավ, ցածրացրեց ձայնը.

— Մի ամիս առաջ գնդակահարեցին Պլատոն Ռյաբչի-  
կովին:

— Ի՞նչ ես ասու-ո՞ւմ:

— Աստված վկա:

Հաշտից դուռն ճոռոց լսվեց:

— Հետո կխոսենք, — շնչաց Պրոխորը ու բարձրացրեց  
ձայնը: — է՛հ, ընկեր հրամանատար, խմենք այս մեծ ուրա-  
խությունից: Գնամ կանչե՞մ Միխայիլին:

— Գնա, կանչի:

Գունյաշկան սեղան զցեց: Նա չգիտեր ինչպես գոհացներ  
եղբորը. վերջինիս ծնկներին մաքուր սրբիչ դրեց, աղած  
ձմերուկով ափսեն մոտեցրեց նրան, մի հինգ անգամ սրբեց

բաժակը... Գրիգորին ժպտալով էր լսում, որ Դունյաշկան նրան «դուք» է ասում:

Միխայիլը ընթրիքի ժամանակ սկզբում համառորեն լռում էր, ուշադրությամբ լսում Գրիգորի խոսքերը: Նա դժկամորեն և քիչ էր խմում: Իսկ Պրոխորը կոնծում էր լիքը բաժակները, կարմրում էր ու հաճախակի բռունցքով հարթում սոյխտակավուն բեղերը:

Երեխաներին կերակրելով ու պառկեցնելով քնելու, Դունյաշկան մի մեծ ափսեով ոչխարի եփած միս դրեց սեղանի վրա, շնչաց Գրիգորի ականջին.

— Աղբերս, ես գնամ կանչեմ Ակսինյային, դուք դեմ չե՞ք լինի:

Գրիգորին լուռ գլխով արեց: Նրան թվում էր, թե ոչ ոք չի նկատում, որ ինքը ամբողջ իրիկունը լարված սպասողակա:ն վիճակում է գտնվում, բայց Դունյաշկան տեսնում էր, թե նա ինչպես է լսողությունը լարում յուրաքանչյուր թխկոցից, ականջ է դնում ու շեղակի նայում դռան: Այդ Դունյաշկայի չափազանց սուր աչքերից ուղղակի ոչ մի բան չէր կարող վրիպել...

— Կուբանցի Տերեշչենկոն էլի դասակի հրամանատար է,— հարցրեց Պրոխորը բաժակը ձեռքին պահած, կարծես վախենալով, որ մեկն ու մեկը կվերցնի այն:

— Սպանվել է Լվովի մոտ:

— Ողորմի նրա հոգուն: Հեծյալ բանակում լավ կովող էր:— Պրոխորը հապճեպ խաշակնքեց, խմեց օղին՝ շնկատելով Կոշևոյի խայթիչ ժպիտը:

— Իսկ այն մե՞կը, որ մազալու ազգանուն ունի: Նա, որ աչ թևում էր լինում, թյո՛ւ, անիծվի նա, ո՞նց է նրա ազգանունը, կարծեմ Մայ-Բորոգա, հը՞. այն շաղ և ուրախ խախոլը, որ Բրոդի մատ թրով խփեց երկու կես արեց լեհական սպային,— նա ողջ-առողջ է:

— Բուդայի պես առողջ է: Նրան վերցրին գնդացրային հեծելավաշտ:

— Բա քո ձին ո՞ւմ հանձնեցիր:

— Ես արդեն ուրիշ ձի ունեի:

— Բա սպիտակ ճակատով ձին ի՞նչ արիր:

— Սպանվեց արկի կտորով:

— Կովի մե՞ջ:

— Մի ավանում էինք: Գնդակոծում էին: Զիակապարանի մոտ էլ սպանեցին:

— Ախ, ափսոս: Ինչքա՛ն լավ ձի էր:— Պրոխորը հոգոց հանեց ու կրկին վերցրեց բաժակը:

Հաշտից լավեց դռան փականքի շխկոցը: Գրիգորին ցրեցվեց: Ակսինյան շեմքից ներս անցավ, կամացուկ ասաց՝ «Բարև ձեզ» ու հանեց շալը՝ շնչասպառ լինելով և լայն բացված, ճառագայթող աչքերը չկտրելով Գրիգորից: Նա մոտեցավ սեղանին, նստեց Դունյաշկայի կողքին: Նրա հոնքերի ու արտևանունքների, դալուկ դեմքի վրա հալչում էին ձյան փոքրիկ փաթիլները: Կկոցելով աչքերը, նա ձեռքով սրբեց երեսը, խոր շունչ առավ և միայն այդ ժամանակ, հաղթահարելով շփոթմունքը, հուզմունքից մթնած, խորունկ աչքերով նայեց Գրիգորիին:

— Արշավանքի՛ ընկեր, Կայո՛ւշա, միասին ենք նահանջել, միասին տանջվել ոջիլներից... Թեև մենք քեզ թողինք Կուբանում. բայց ի՞նչ կարող էինք անել:— Պրոխորը մեկնեց բաժակը՝ օղին թափփվելով սեղանի վրա:— Խմիր Գրիգորի Պանտելևիչի կենացը, շնորհավորիր նրա գալը... Ասում էի քեզ, որ ողջ-առողջ կվերադառնա, և ահա նա, վերցրու ոտով-գլխով: Նստե՛լ է շվարած:

— Սա արդեն խմած է, հարևանուհի, դու մի լսի սրան:— Գրիգորին ծիծաղեց, աչքերով ցույց տվեց Պրոխորին:

Ակսինյան գլուխ տվեց Գրիգորիին ու Դունյաշկային և բաժակը միայն մի քիչ բարձրացրեց սեղանից: Նա վախենում էր, որ բուրբ կտեսնեն, թե ինչպես է դողում իր ձեռքը:

— Շնորհավորում եմ քո գալուստը, Գրիգորի Պանտելևիչ, քեզ էլ, Դունյաշա, շնորհավորում եմ քո ուրախությունը:

— Իսկ քեզ ի՞նչը պետք է շնորհավորել, դա՞րդը,— Պրոխորը քրքրաց, բոթեց Միխայիլի կողքը:

Ակսինյան թունդ կարմրեց, նույնիսկ ականջների փոքրիկ բլթակներն էլ հստակ-վարդագույն դարձան, բայց պինդ ու շարացած նայելով Պրոխորին, նա պատասխանեց.

— Ինձ էլ պետք է շնորհավորել իմ ուրախությունը... Մեծ ուրախությունը:



Պրոխորը զինաթափվեց և հուզվեց այդ շիտակութունից։ Նա խնդրեց.

— Խմիր, ի սեր աստծու, խմիր մինչև վերջին կաթիլը։ Գիտես շիտակ խոսել, գիտցիր և շիտակ խմել։ Ով չի խմում ու թողնում է արաղը, սուր դանակով է դարկում սրտիս։

Ակսինյան հյուր եղավ կարճ ժամանակ, այնքան, որքան թույլ էր տալիս պատշաճությունը, — ինչպես կարծում էր նա։ Այդ ամբողջ ժամանակվա ընթացքում նա լոկ մի քանի անգամ նայեց իր սիրածին, այն էլ հարևանցիորեն։ Նա իրեն աստիպում էր նայել մյուսներին և խուսափում էր Գրիգորիի աչքերից, որովհետև չէր կարող անտարբեր ձևանալ և չէր ուզում իր զգացմունքները հայտնել մյուսներին։ Նա միայն շեմքից սիրով ու նվիրվածությամբ լեցուն, շիտակ մի հայացք նետեց Գրիգորիի վրա, և դրանով էպպես ամեն ինչ ասված էր։ Գրիգորին դուրս ելավ Ակսինյային ճանապարհ դնելու։ Հարթած Պրոխորը նրանց ետևից բղավեց.

— Շո՛ւտ կգաս։ Ամբողջ արաղը կխմենք։

Հաշտում Գրիգորին լուռ համբուրեց Ակսինյայի ճակատն ու շուրթերը, հարցրեց.

— Է՛հ, ո՞նց ես, Կայուշա։

— ՕՖ, պատմելու շատ բան կա... Վաղը կգա՞ս։

— Կգամ։

Ակսինյան շտապում էր գնալ տուն, քայլում էր արագ, կարծես այնտեղ անհետաձգելի գործ ուներ, քայլերը դանդաղեցրեց միայն իր խրճիթի սանդուղքի մոտ, զգուշ բարձրացավ ճոճոսան աստիճաններով։ Նա ուզում էր շուտ լինել մենակ, իր մտքերի հետ, իր երջանկության հետ, որ այնքան անակնկալ էր եկել։

Նա հանեց կոֆտան ու շալը, առանց լույս վառելու անցավ օթախը։ Գիշերվա մթին, կապտավուն լույսը փեղկերը շծածկած պատուհանից ընկել էր սենյակը։ Վառարանի բուխարիկի ետևում զի՛լ ծղրտում էր ծղրիզը։ Ակսինյան ըստ սովորության նայեց հայելուն ու թեև մթության մեջ շտեպով իր կերպարանքը, այնուամենայնիվ շտկեց մազերը, կրծքի վրա կոկեց մուսլինե կոֆտայի փոթերը, հետո մոտեցավ պատուհանին և հոգնած նստեց նստարանի վրա։

Կյանքում շատ անգամ չէին արդարացել, չէին իրակա-

նացել նրա հույսերը և սպասելիքները, ու թերևս այդ պատճառով էլ քիչ առաջվա ուրախությանը փոխարինեց մշտական անհանգստությունը։ Հիմա ի՞նչպես է ընթանալու իր կյանքը, ապագայում ի՞նչ է սպասում իրեն։ Եվ արդյո՞ք չափազանց ուշ չէ, որ նրան ժպտում է կնկա դառն երջանկությունը։

Երեկոյի ընթացքում ապրած հուզմունքից ուժասպառ, երկար նստել էր նա, այտը հպել պաղ, եղյամակալած ապակուն, հանգիստ և մի փոքր տխուր հայացքը հառել մթության, որը մի քիչ լուսավորված էր ձյունով։

Գրիգորին նստեց սեղանի մոտ, սափորից լիքը լցրեց իր բաժակը, խմեց միանգամից։

— Լա՛վն է, — հետաքրքրվեց Պրոխորը։

— Չգիտեմ։ Վաղուց չեմ խմել։

— Ոնց որ նիկոլի արաղ լինի, աստված վկա, — համոզված ասավ Պրոխորը ու ճոճվելով գրկեց Միխայիլին։ — Գու, Միշա, այս գործերից ավելի վատ ես գուցե հանում, քանց հորթը կեղտոտ ջրից, իսկ ես գիտեմ խմիչքների լավն ու վատը։ Ի՛նչ արաղ ու գինի ասես, որ ես չեմ խմել։ Այնպիսի գինի կա, որ խցանը հանեցիր թե չէ, շշից փրփուր է թափվում ոնց որ կատաղած շանից, խաչը վկա, չեմ փշում։ Լեհաստանում, երբ ճեղքեցինք ռազմաճակատը և Սեմյոն Միխայիլի հետ գնացինք լեհերին ջարդելու, հարձակվեցինք ու կալվածատիրոջ մի տուն գրավեցինք։ Տունը երկու հարկից էլ ավելի է, բակը այնքան լիքն է անասուններով ու ամեն տեսակ թռչուններով, որ թքելու տեղ է՛լ չկա, մի խոսքով, այդ կալվածատերը թագավորի պես էր ապրում։ Երբ մեր դասակը ձիերով հասավ այդ տունը, այնտեղ հենց այդ ժամանակ սպաները քեֆ էին անում տանտիրոջ հետ, մեզ չէին սպասում։ Դրանց բոլորին էլ թրատեցինք այգում և սանդուղքի վրա, մեկին էլ գերի վերցրինք։ Մեծավոր սպա էր, ու երբ գերի բռնեցինք, բեղերն էլ կախ գցեց, թրջվեց վախից։ Գրիգորի Պանտելիչին վռազ կանչեցին շտաբ, մնացինք մենք ու մենք, մտանք ցածի սենյակները, իսկ այնտեղ կար շատ մեծ մի սեղան, ու ի՞նչ ասես, որ չկար այդ սեղանի վրա։ Հիացանք, ամա վախենում էինք սկսել, թեև սարսափելի

քաղցած էինք: «Լա՛վ,— մտածում ենք,— բա որ այդ բոլորը թունավորված լինի՛: Մեր գերին սատանի պես է նայում: Հրամայում ենք նրան՝ «Կեր»: Ուտում է: Չի ուզում, ամա ուտում է: «Խմի՛»: Խմում է նա: Ստիպեցինք ամեն մի ուտելիքից մի մեծ կտոր փորձել, ամեն մի շից մի բաժակ խմել: Անհիժվածը մեր աչքի առաջ ուռչում է այդ ուտելիքից, իսկ մեր բերանի ջուրը վազում է հա՛ վազում: Հետո տեսանք, որ սպան չի մեռնում, մենք էլ սկսեցինք: Տրաքվելու շափ կերանք-կշտացանք, խմեցինք փրփրուն գինին: Մեկ էլ ի՞նչ ենք տեսնում,— սպան երկու տեղից էլ դուրս է թափում կերած-խմածը: «Օ՛-հո-ո-ո,— մտածում ենք,— կորանք, էլի՛: Ծան որդին կերավ թունավորված ուտելիքը ու խաբեց մեզ: Թրերս դեմ ենք անում նրան, իսկ նա խոսում է ձեռներով ու ոտներով: «Պաներ, ախր ես ձեր ողորմածությամբ շափից դուրս եմ կերել, մի կասկածեք, լավ ուտելիք է»: Այստեղ մենք էլի զոռ տվինք գինուն: Բաց ենք անում շիշը, խցանք թռչում է գնդակի պես, ու փրփուրը այնպես է թափվում, որ մտիկ անողը կվախենա: Գիշերը ես այդ գինուց երեք անգամ ընկա ձիուց: Հենց նստում եմ թամբին, քամին էլի խփում, ցած է գցում: Ես ամեն օր սոված փորով մի-երկու բաժակ այդ տեսակ դինի կխմեի ու հարյուր տարու շափ կապրեի, իսկ այսպես մի՞թե մինչև վերջ կապրես քեզ բաժին ընկած կյանքը: Զորօրինակ, մի՞թե սա խմիչք է, հը՛: Չոռ ու ցավ է և ոչ թե խմիչք: Սրանից, այս անտերից շուտ կմեկնես ոտներդ... — Պրոխորը գլխի շարժումով ցույց տվեց օդու սափորը և... լիքը լցրեց իր բաժակը:

Ի՞նչու շաշկան գնաց օթախը, երեխաների մոտ քնելու, մի քիչ հետո Պրոխորն էլ վեր կացավ: Օրորվելով, նա կիսամուշտակը գցեց ուսերին, ասաց.

— Սափորը չեմ վերցնի: Հոգիս չի թողնում, որ դատարկ ամանով ման գամ... Հիմի կհասնեմ տուն, ու կնիկս կսկսի պատժել ինձ: Նա այդ լավ գիտի: Ո՞րտեղից է վերցնում պետուր խոսքերը, ես է՛լ չգիտեմ: Խմած գալիս եմ տուն. և նա, զորօրինակ, այսպիսի բան է ասում. «Հարբած շուն, կոնատ, ֆլան, ֆստան»: Կամաց-կամաց, հանգիստ խելոքացնում եմ նրան, ասում.— «Տո, գրողի տարած փուչ, տո շան ծիծ կերած, ախր ո՞րտեղ ես տեսել հարբած, այն էլ

կոնատ շներ, հը՛: Աշխարհքում այդ տեսակ շներ չեն լինում»: Մի ստոր խոսքը ջրում եմ, նա մի ուրիշ խոսք է ասում, այդ էլ ջրում եմ, երրորդն է հրամցնում, այսպես մինչև լույս մեղ մոտ պատարագ է լինում... Մեկ էլ տեսար զզվեցի նրան լսելուց, գնացի շարդախի տակ քնելու, մեկ էլ տեսար խմած գալիս եմ, ու, եթե նա լուռ է, չի հայհոյում, քնել չեմ կարողանում, խաշը վկա: Ոնց որ թե ինձ մի բան է պակասում, ինչ-որ քոս է գալի վրես,— քունս չի տանում, էլի՛: Եվ ահա բոթում եմ կողակցիս, ու էլի նա սկսում է ինձ պատժել, հոգիս բերանս բերել: Նա սատանի կտոր է, ամա ի՞նչ անեմ, թող վռվռա, դրանով ավելի թունդ կաշխատի, դրուստ չե՛մ ասում: Էհ, գնամ, բարով մնացեք: Գուցե թե այսօր մտորում քնեմ, հը՛, շանհանգստացնեմ նրան:

— Մինչև տուն կհասնե՞ս,— ծիծաղելով հարցրեց Գրիգորին:

— Խեցգետնի պես ետ-ետ էլ որ գնամ, կհասնեմ: Բա ես կազակ չե՞մ, Պանտելիչ: Մինչև իսկ դա լսելն էլ շատ վիրավորական է:

— Դեհ, բարի ճամփա:

Գրիգորին իր բարեկամին ուղեկցեց մինչև բակի դուռը: Մտավ խոհանոց:

— Հը՛, խոսե՞նք Միխայիլ:

— Խոսենք:

Նրանք նստած էին իրար դիմաց, սեղանով բաժանված, լուռ էին: Հետո Գրիգորին ասաց.

— Մեր մեջ ինչ-որ սառնություն կա... Այդ երևում է քեզանից: Իմ գալը քո սրտովը չի՛: Թե՞ ես սխալվում եմ:

— Ոչ, դու իրավացի ես, սրտովս չի:

— Ինչո՞ւ:

— Ավելորդ հոգս է:

— Ես ինքս կպահեմ ինձ:

— Դրա մասին չեմ խոսում:

— Բա ինչի՞ մասին:

— Ես ու դու թշնամիներ ենք...

— Եղել ենք:

— Եվ երեխ կլինենք:

— Չեմ հասկանում: Ինչո՞ւ:

— Դու անհուսալի մարդ ես:

— Դու այդ զուր ես ասում: Զուր:

— Ոչ, զուր չեմ ասում: Ինչո՞ւ եմ քեզ զորացրել այսպիսի ժամանակ: Շիտակ ասա:

— Զգիտեմ:

— Ոչ, գիտես, բայց չես ուզում ասել: Քեզ չեն վստահել, այդպե՞ս է:

— Եթե չհավատային, հեծելավաշտ չէին տա:

— Դա եղել է սկզբում, իսկ քանի որ քեզ բանակում չեն թողել, ուրեմն բանը պարզ է, աղբերացու:

— Իսկ դու ինձ հավատո՞ւմ ես,— սևեռուն նայելով հարցրեց Գրիգորին:

— Ոչ, ինչքան էլ գայլին կերակրես, աչքը անտառի կողմը կպահի:

— Դու այսօր շատ ես խմել, Միխայիլ:

— Ձեռ քաշի, է՛: Ես քեզանից ավելի հարբած չեմ: Այնտեղ քեզ չէին հավատում և այստեղ էլ շատ չեն հավատա, լավ իմացիր:

Գրիգորին լռեց: Ալարկոտ շարժումով նա փսեհից վերցրեց մի կտոր աղած վարունգ, ծամծամեց ու թափեց բերանից:

— Կինս քեզ պատմե՞լ է Կիրյուշկա Գրոմո՞վի մասին,— հարցրեց Միխայիլը:

— Այո:

— Նրա գալը նույնպես սրտովս չէր: Հենց որ լսեցի, նույն օրը...

Գրիգորին գունատվեց, նրա աչքերը կտրացան կատաղությունից:

— Ես քեզ համար Կիրյուշկա Գրոմո՞վ եմ, ինչ է:

— Մի բղավի: Իսկ նրանից ինչո՞վ ես լավ:

— Գիտե՞ս ինչ...

— Այստեղ գիտենալու բան չկա: Վաղուց ամեն ինչ պարզված է: Հետո էլ Միտկա Կորշունովը կգա, ես դրանով է՛լ պիտի ուրախանամ: Ոչ, ավելի լավ կլիներ դուք չերևայիք խոտորում:

— Քեզ համար դա լա՞վ է:

— Ինձ համար էլ, ժողովրդի համար էլ լավ է, հանգստություն կլինի:

— Դու ինձ մի՛ հավասարեցնի նրանց հետ:

— Ես արդեն քեզ ասացի, Գրիգորի, այստեղ չպետք է վիրավորվել. դու նրանցից լավ չես, դու անսպասման ավելի վատ, ավելի վտանգավոր ես:

— Ախր ինչո՞վ, է՞, ի՞նչ ես դուրս տալիս:

— Նրանք շարքային են, իսկ դու ղեկավարում էիր ամբողջ ապստամբությունը:

— Ես չէի ղեկավարում, ես դիվիզիայի հրամանատար էի:

— Իսկ դա քի՛չ բան է:

— Քիչ է թե շատ, բանն այդ չի... Եթե այն ժամանակ, քեֆի մեջ կարմիրբանակայինները ինձ սպանելու միտք չուենային, ես գուցե թե շմասնակցեի ապստամբության:

— Եթե սպա չլինեիր, քեզ ոչ ոք ձեռք չէր տա:

— Եթե ինձ ծառայության չվերցնեին, սպա էլ չէի լինի... Դե, այդ երկար երգ է:

— Թե երկար և թե մոռտառ երգ է:

— Հիմի դա չպիտի երգել, ուշ է:

Նրանք լսւո ծխեցին: Եղունգով ծխախոտի մոխիրը թափելով, Կոշևոյը ասաց.

— Ես գիտեմ քո հերոսությունները, լսել եմ: Մեզանից դու շատ մարտիկներ ես կոտորել, դրա համար էլ ես չեմ կարող թեթև նայել քեզ... Դա հիշողությունից չի ջնջվի:

Գրիգորին քմծիծաղ տվեց:

— Թունդ հիշողություն ունես, հա՛-ա: Դու սպանեցիր աղբորս, Պետրոյին, իսկ ես այդ բանը չեմ է՛լ հիշեցնում քեզ... Եթե ամեն բան հիշենք, գայլերի պես պիտի ապրենք:

— Դե, ի՞նչ արած, սպանել եմ, չեմ թաքցնում: Եթե այն ժամանակ քեզ բռնեի, քեզ էլ կքնեցնեի ինչպես հարկն է:

— Իսկ ես, երբ Իվան Ալեքսեևիչին Ուստ-Խուպերում գերի վերցրին, շտապում էի այնտեղ, վախենում էի, որ դու էլ էիր այնտեղ, վախենում էի, որ կազակները կսպանեն քեզ... Դուրս է գալիս, որ այն ժամանակ իզուր էի շտապում:

— Լա՛վ բարեգործ է գտնվել: Մի տեսնեի, թե դու ինձ հետ ոնց կխոսեիր, եթե հիմա կաղետական իշխանություն լիներ, եթե դուք հաղթեիք: Երևի կպլոկեիր մեջքիս կաշին: Հիմի դու իհարկե բարի ես...

— Գուցե որևէ մեկը կալուկեր կաշիդ, իսկ ես քեզանով ձեռքերս չէի կեղտոտի:

— Ուրեմն ես ու դու տարբեր մարդիկ եմք... Ես կյանքումս չեմ քաշվել ձեռքերս թշնամիներով կեղտոտելուց և հիմի էլ չեմ վրիպի հարկավոր դեպքում:— Միխայիլը օղու մնացորդը լցրեց բաժակները, հարցրեց.— կիմե՞ս:

— Խմենք, թե չէ շատ ենք զգաստացել այս տեսակ խոսակցության համար...

Նրանք բաժակները լուռ զարկեցին իրար, խմեցին: Գրիգորին կրծքով ընկել էր սեղանին, աչքերը կկոցելով նայում էր Միխայիլին, ուրում էր բեղը:

— Կա՛վ, դու ինչի՞ց ես վախենում, Միխայիլ, որ ես էլի բո՛ւնտ կանեմ սովետական իշխանության դեմ, հա՛:

— Ես ոչնչից էլ չեմ վախենում, բայց, ի միջի այլոց, մտածում եմ՝ եթե մի որևէ խառնակչություն լինի, դու կանցնես մյուս կողմը:

— Ես այնտեղ կարող էի անցնել լեհերի կողմը, եթե ուզենայի, դու ի՞նչ ես կարծում: Մեզ մոտ մի ամբողջ գործաս նրանց կողմն անցավ:

— Զկարողացա՞ր:

— Ոչ, չուզեցի: Ես վերջացրել եմ իմ ծառայությունը: Էլ ոչ ոքի չեմ ծառայի: Շատ եմ կովել կյանքումս, սարսափելի, բեղարել է հոգիս: Ինձ ձանձրացրել է ամեն ինչ, թե ունեցուցիան և թե կոնտրոլուցիան: Թող այդ ամբողջ... Թող դա կորչի-գնա, է՛: Ուզում եմ ապրել երեխաներիս մոտ, զբաղվել տնտեսությամբ և ուրիշ ոչինչ: Դու հավատա, Միխայիլ, ես սա մաքուր սրտով եմ ասում:

Սակայն ոչ մի հավաստիացում այլևս չէր կարող համոզել Կոշևոյին: Գրիգորին հասկացավ այդ ու լոնց: Նա մի ակնթարթ դառնությամբ վրդովվեց ինքն իր դեմ: Ինչո՞ւ էր արդարանում, փորձում ինչ-որ բան ապացուցել: Ի՞նչ կարիք կար այդպիսի անհեթեթ խոսակցություն ունենալ և լսել Միխայիլի հիմար քարոզները: Այդ ամենը — գրողի ծոցը: Գրիգորին վեր կացավ:

— Վերջացնենք այս ավելորդ խոսակցությունը: Հերիք է: Ուզում եմ վերջին անգամ մի բան ասել քեզ. ես իշխանության դեմ չեմ գնա, եթե նա բկիս չընթի: Իսկ եթե նեղեց,

կպաշտպանվեմ: Համենայն դեպս ապստամբյան համար Պլատոն Ռյաբչիկովի օրը չեմ ընկնի:

— Այսինքն ի՞նչպես:

— Այդպես: Թող հաշվի առնեն Կարմիր բանակում կատարած ծառայությունը և այնտեղ ստացած վերքերս, համաձայն եմ բանտ նստել ապստամբության համար, բայց եթե դրա համար գնդակահարություն ստանամ,— ներեցեք, չեմ բաժինը շատ կլինի:

Միխայիլը արհամարհանքով քմծիծաղ տվեց.

— Գլխիցդ մոդա հանեցիր, էլի՛: Ռևտրիբունալը կամ Զեկան քեզ չի հարցնի, թե ինչ ես ուզում և ինչ չես ուզում, և քեզ հետ չի սակարկի: Քանի որ հանցանք ես գործել, ուրեմն լիովին ստացիր քո բաժինը: Հարկավոր է լրիվ վճարել հին պարտքերը:

— Կա՛վ, այդ դեպքում կտեսնենք:

— Կտեսնենք, պարզ բան է:

Գրիգորին հանեց գոտին ու վերնաշապիկը, սկսեց տընքալով հանել սապոգները:

— Բաժանվելո՞ւ ենք,— հարցրեց նա՝ չափից դուրս ուշադիր գննելով պոկված կոշկատակը:

— Մեր բաժանվելը կարճ է. կսարքեմ խրճիթս ու կտեղափոխվեմ այնտեղ:

— Այո, եկ մի կերպ հեռանանք իրարից: Իմ ու քո մեջ համերաշխություն չի լինի:

— Զի լինի,— հաստատեց Միխայիլը:

— Զէի կարծում, թե դու իմ մասին այդպիսի կարծիք ունես... է՛հ, ի՞նչ արած...

— Ես շիտակ ասացի: Ինչ որ մտածում եմ, այն էլ ասացի: Ծ՛րբ կգնաս Վեչենսկայա:

— Մոտ օրերս կգնամ, էլի՛:

— Ոչ թե մոտ օրերս, այլ վաղը պետք է գնալ:

— Ես համարյա քառասուն վերստ ոտով եմ եկել, բեզարած եմ, վաղը կհանգստանամ, իսկ մյուս օրը կգնամ ցուցակագրվելու:

— Հրաման կա՛ անմիջապես ցուցակագրվել: Վաղը գնա:

— Մի օր հո պե՛տք է հանգստանալ: Հո չե՛մ փախլի:

— Սատանեն գիտե քեզ: Ծա շեմ ուզում քեզ համար պատասխանատու լինել:

— Ի՞նչպիսի սրիկա ես դարձել, Միխայիլ,— ասաց Գրիգորին՝ զարմացած դիտելով նախկին ընկերոջ մտայլված դեմքը:

— Ի՞նչ ինձ սրիկա մի՛ ասա, ես դրան սովոր չեմ... — Միխայիլը շունչ առավ և բարձրացրեց ձայնը:— Սպայական այդ սովորութիւններին պետք է ձեռք քաշել, հա՛ւա: Հենց վաղը կ'մեկնես, իսկ եթե կամովին չգնաս, պահանջներով կուղարկեմ, հասկանալի՞ է:

— Հիմա ամեն ինչ հասկանալի է... — Գրիգորին ատելութեամբ նայեց դուրս գնացող Միխայիլի մեջքին, առանց հանվելու պառկեց մահճակալի վրա:

Ի՞նչ արած, ամեն ինչ կատարվեց այնպես, ինչպես որ պետք է կատարվեր: Եվ ինչո՞ւ իրեն, Գրիգորիին պետք է այլ կերպ դիմավորելին: Իսկապես, ինչո՞ւ էր ինքը կարծում, որ Կարմիր բանակում իր կատարած կարճատև, ազնիվ ծառայութիւնը կծածկի իր բոլոր անցյալ մեղքերը: Թերևս իրավացի է Միխայիլը, երբ ասում է, որ ամեն բան չի ներվում և որ պետք է լրիվ վճարել հին պարտքերը:

...Գրիգորին երազում տեսավ լայն տափաստանը, ցրիվ շարքեր կազմած, զրոհի պատրաստված գունդը: Հեռու-հեռու վից արդեն լավեց ծոր տվող հրամանը՝ «Հեծելավա-ա-ա՛շտ...», երբ նա հիշեց, որ ձիու փորքաշները թուլացրած են: Ոտը թափով դրեց ձախ ասպանդակին. թամբը ցած ընկավ... Ամոթով ու սարսափով բռնված, նա թռավ ձիուց, որպեսզի ձգեր փորքաշները, և այդ ժամանակ լսեց ձիու սրմբակների վայրկենապես առաջացած և արդեն շեշտակի հեռացող դոփոփոյունը: Գունդը առանց նրան զրոհի գնաց...

Գրիգորին շուտ եկավ և արթնանալով, լսեց իր խոպոտ հառաչանքը:

Դրսում մի քիչ լուսացել էր: Պատուհանի փեղկը բացված էր,— հավանորեն քամուց, և մի փոքր եղյամակալած ապակու միջից երևում էր նվազած լուսնի կանաչ, առկայծող բոլորակը: Գրիգորին խարխափելով գտավ ծխախոտի տոպակը, ծխեց: Դեռևս ուժգին տրոփում էր սիրտը: Նա պառ-

կեց մեջքի վրա, ժպտաց. «Ի՞նչ հիմար երազ էր, է՛. չվիճակվեց կովել...» Վաղորդյան այդ ժամին նա չէր մտածում, որ թե երազում և թե հարթմնի դեռ մի քունի անգամ զրոհի է գնալու:

## VII

Դուռնաշկան վաղ վեր կացավ, հարկավոր էր կթել կովը: Խոհանոցում զգուշութեամբ քայլում, հագում էր Գրիգորին: Ծածկելով երեխաների վերմակը, Դուռնաշկան արագ հագնեց, մտավ խոհանոց: Գրիգորին կոճկում էր շինելը:

— Այսքան վաղ ո՞ւր եք գնում, աղբերս:

— Գնամ մի քիչ ման գամ, նայեմ խուտորը:

— Նախաճաշեիք, հետո գնալիք...

— Չեմ ուզում, գլուխս ցավում է:

— Նախաճաշին կվերադառնա՞ք: Ծա հիմի կվառեմ վառարանը:

— Կարիք չկա ինձ սպասել, ես շուտ չեմ գա:

Գրիգորին դուրս ելավ փողոց: Առավոտյան մի քիչ հալվել էր ձյունը: Հարավից խոնավ ու տաք քամի էր փչում: Հողի հետ խառնված ձյունը կպչում էր սապոգների կրունկներին: Դանդաղ քայլելով դեպի խուտորի կենտրոնը, Գրիգորին ուշադրութեամբ, ասես օտար վայրում, դիտում էր մանկուց ծանոթ տներն ու մարագները: Հրապարակում սեին էին տալիս նախորդ տարում Կոշեոյի վառած վաճառականական տների ու խանութների ածխացած ավերակները, եկեղեցու կիսավեր պարսպի մեջ խոռոչներ էին բացվել: «Աղյուսը հարկավոր է եղել վառարանների համար»,— անտարբեր մտածեց Գրիգորին: Առաջվա պես կանգուն էր փոքրիկ, գեռնին կոթնած եկեղեցին: Վաղուց շներկած նրա կտուրը ոսկեվուն ժանգով էր պատել, պատերի վրա սեին էին տալիս կտուրից թափված ջրի հետքերը, իսկ այնտեղ, ուր ընկել էր սվաղը, մերկացած աղյուսը աչքի էր ընկնում վառ և թարմ կարմրութեամբ:

Փողոցներում մարդ չկար: Զրհրից քիչ հեռու երկու թե երեք քնաթաթախ կանաչք հանդիպեցին Գրիգորիին: Նրանք լուռ ու մունջ բարևեցին Գրիգորիին, որպես օտարի, և միայն

այն ժամանակ, երբ վերջինս արդեն անցել էր նրանց կող-  
քից, կանգ առան ու երկար նայեցին նրա ետևից:

«Հարկավոր է գնալ գերեզմանները, այցելել մորս և Նա-  
տալյային», — մտածեց Գրիգորին և շուտ եկավ գերեզմանոց  
տանող մի նրբանցք, բայց մի քիչ անցնելով, կանգ առավ:  
Առանց այդ էլ ծանր ու մութն էր նրա սիրտը: «Մի ուրիշ ան-  
գամ, — որոշեց նա՝ գնալով Պրոխորի մոտ: — Կգնամ թե չեմ  
գնա, հիմի այդ միևնույն է նրանց համար: Այնտեղ հիմի  
հանգիստ են նրանք: Ամեն ինչ վերջացած է: Գերեզմանների  
վրա ձյուն է իջել: Իսկ գերեզմանների խորքում հողը իհարկե  
սառն է... Ապրեցին-պրծան, և ինչքա՛ն շուտ, ասես երա-  
զում: Միասին, իրար կողքի պառկած են բոլորը, — կինս,  
մայրս, Պետրոն ու Գարյան... Ամբողջ ընտանիքով անցել են  
այնտեղ ու պառկել իրար կողքի: Նրանց համար լավ է, իսկ  
հայրս մենակ է օտար կողմերում: Տխուր է նա այնտեղ,  
օտարների մեջ...» Գրիգորին այլևս դեռ-դեռ չէր նայում,  
քայլում էր գլուխը քարշ արած, գիտում սպիտակ, տաքու-  
թյունից մի փոքր տամկացած և շատ փափուկ ձյունը, այն-  
քան փափուկ, որ ոտքերի տակ գրեթե չէր զգացվում և հա-  
մարյա չէր դողում:

Հետո Գրիգորին սկսեց մտածել երեխաների մասին:  
Նրանք դարձել էին զուսպ, լռակյաց, այնպես չէին, ինչպես  
իրենց մոր կենդանության ժամանակ, և այդ ամենը չէր հա-  
մապատասխանում նրանց հասակին: Մահը չափազանց շատ  
բան էր հափշտակել նրանցից: Նրանք վախեցած էին: Ինչո՞ւ  
Պոլյուշկան երեկ լացեց, երբ տեսավ հորը: Երեխաները հան-  
դիպման ժամանակ չեն լալիս, այդ նրանց հատուկ չէ: Ի՞նչ  
մտածեց Պոլյուշկան: Եվ ինչո՞ւ նրա աչքերում վախ երևաց,  
երբ հայրը գրկեց նրան: Գուցե նա շարունակ մտածել էր, թե  
հայրը կենդանի չէ ու այլևս երբեք չի վերադառնա, իսկ հե-  
տո, տեսնելով նրան, վախեցավ: Համենայն դեպս նա, Գրի-  
գորին, ոչնչով մեղավոր չէ երեխաների առաջ: Միայն հար-  
կավոր է ասել Ակսինյային, որ գթա նրանց և ամեն կերպ  
աշխատի փոխարինել մորը... Թեևս նրանք կապվեն խորթ  
մոր հետ: Նա սիրալիր, բարի կին է: Սիրելով հորը, կսիրի  
նաև երեխաներին:

Այդ մասին մտածելը նույնպես դառն էր և ծանր: Այդ

ամենը այնքան էլ հասարակ բան չէր: Ողջ կյանքը բնավ  
այնպես հասարակ բան չէր, ինչպես կարճ ժամանակ առաջ  
պատկերանում էր նրան: Հիմար, երեխայական պարզա-  
մտությամբ նա ենթադրում էր, որ բավական է տուն լիբա-  
դառնալ, շինելը փոխարինել կապալով, ու ամեն ինչ լավ  
կգնա. ոչ ոք իրեն հակառակ խոսք չի ասի, ոչ ոք չի կշտամ-  
բի, ամեն ինչ ինքնին կկարգավորվի, ու նա կապրի որպես  
խաղաղ հողագործ և ընտանիքի օրինակելի հայր: Ոչ, իրա-  
կանում դա բնավ էլ հասարակ բան չէ:

Գրիգորին զգուշությամբ բացեց Զիկովի բակի դուռը,  
որը միայն մի օղակից էր կախված: Պրոխորը հնամաշ, կլո-  
րավուն թաղյակներով, փափախը մինչև հոնքերը քաշած,  
գնում էր դեպի տան մուտքը, անհոգ թափահարելով դատարկ  
կովկիթը: Կաթի սպիտակ կաթիլները անտեսանելի թափթըփ-  
վում էին ձյան վրա:

— Բարև, ընկեր հրամանատար, ո՞նց ես:

— Փառք աստծու:

— Պետք է մի քիչ կոնծել, թե չէ գլուխս դատարկ է ոնց  
որ այս դուլը:

— Խմելուց հետո հիմի կոնծելը լավ բան է, իսկ դուլը  
ինչո՞ւ է դատարկ: Գու ի՞նքդ ես կթել կովը:

Պրոխորը գլխի շարժումով փափախը քշեց ծոծրակին, ու  
միայն այդ ժամանակ Գրիգորին տեսավ իր բարեկամի ար-  
տասովոր մուսլ դեմքը:

— Բա հո սատանեն չի՞ կթելու: Անիծված կնկաս հա-  
մար եմ կթել: Զլինի՞ թե փորը ցավի իմ կթելուց... — Պրո-  
խորը շարացած դեռ շարտեց դուլը, կարճ ասաց, — գնանք  
տուն:

— Բա կի՞նդ, — տատանվելով հարցրեց Գրիգորին:

— Սատանեքը նրան կերել, վրեն էլ կվաս են խմել:  
Լույսն ու մութին վեր կացավ, չբվեց-գնաց Կրուժիլինսկի,  
չլոր բերելու: Երբ ձեր մոտից տուն եկա, բռնեց յախիցս:  
Սկսեց գլխի շարական կարդալ, հետո էլ վեր թռավ, ասավ՝  
«Գնում եմ շլորի, այսօր Մակսակի հարսները գնում են, ես  
էլ կերթամ»: — «Գնա թեկուզ տանձի, — մտածում եմ, — գնաս  
բարով, չգաս տարով»: Վեր կացա, վառարանը վառեցի,

գնացի կովը կթելու: Ա՛մա թե կթեցի, հա՛-ա: Դու կարծում ես մի ձեռքով հե՛շտ է այդ տեսակ գործ անել:

— Մի որևէ կնիկ կանչեիր, դմբո:

— Դմբոն գտնն է, նա մինչև Աստվածածնա տոնը մորն է ծծում, իսկ ես կյանքումս դմբո չեմ եղել: Կարծում էի, թե ինքս կկարողանամ կթել: Միթեմ կթեցի: Ձեռս տանում եմ ու տանում կովի պտուկին, իսկ նա, անիծված անտերը հանգիստ չի կանգնում, քացի է տալի: Փափախս էլ հանեցի, որ չվախացնեմ նրան, էլի բան դուրս չեկավ: Մինչև կթեցի, շապիկս ջուր դառավ, ու հենց որ ձեռքս տարա նրա տակից կովկիթը վերցնելու, ոտքով այնպես զարկեց, որ կովկիթը դեսը թռավ, ես էլ — դենը: Ա՛յ թե ոնց կթեցի: Դա ոչ թե կով է, այլ պողպատի սատանա: Թքեցի մուկին ու հեռացա: Ես առանց կաթի էլ կապրեմ: Հա՛, խմելո՞ւ եմք:

— Կա՞ որ:

— Մի շիշ: Լավն է:

— Հերիք է, էլի:

— Եկ նստիր, հյուր կլինես: Ձվածեղ անե՞մ: Ձեռաց կլինի:

Գրիգորին խոզաճարպ կտրատեց, օգնեց տանտիրոջը՝ վառարանը վառելու: Նրանք լուռ նայում էին, թե ինչպես վարդագույն ճարպի կտորները թշշում, հալչում ու սահում են տապակարանի վրա: Հետո Պրոխորը պատկերադարակի ետևից փոշուոված մի շիշ հանեց:

— Գաղտնի գործերը կնկանիցս թաքցնում եմ այնտեղ, — կարճ բացատրեց նա:

Նրանք ուտում էին փոքրիկ տաք վառած օթախում, խմում էին ու ցածր ձայնով խոսում:

Գրիգորին բացի Պրոխորից, էլ ո՞ւմ կարող էր հայտնել իր ամենագաղտնի մտքերը: Նստել էր նա սեղանի մոտ, լայն տարածել երկար, մկանոտ ոտները, նրա խոպոտ, թավ ձայնը խուլ կերպով էր հնչում:

— ...Բանակում էլ, ամբողջ ճանապարհին էլ մտածում էի, թե ինչպես կապրեմ հողի կողքին, ընտանիքում կհանգրստանամ սատանի այս բոլոր գործերից: Հանա՞ք բան է, — ութ տարի ձիուց չեմ իջել: Համարյա թե ամեն գիշեր երազումս տեսնում եմ այդ ամբողջ գեղեցկությունը. մերթ

դու ես սպանում, մերթ քեզ են սպանում... Միայն թե, Պրոխոր, երևում է, որ իմ ուզածը չի լինի... Երևում է: որ ոչ թե ես, այլ ուրիշներն են հողը վարելու, խնամելու...

— Երեկ խոսեցի՞ր Միխայիլի հետ:

— Ոնց որ թե մեղրախմիչք խմեցի:

— Բա ինչ էր ասում նա:

Գրիգորին մատներն իրար մեջ առավ:

— Ահա քեզ մեր ընկերությունը: Կոթում է սպիտակներին ծառայելու համար. կարծում է, թե ոխ եմ պահում նոր իշխանություն դեմ, թե ծոցումս դանակ եմ պահում: Վախենում է, որ ապստամբություն կբարձրացնեմ, իսկ դա ինչի՞ս է պետք, — նա, հիմարը, ինքն էլ չգիտի:

— Նա այդ բանը ինձ էլ էր ասում:

Գրիգորին անուրախ քմծիծաղ տվեց:

— Երբ մենք գնում էինք Լեհաստանի վրա, Ուկրաինայում մի խախտ մեզանից զենք խնդրեց գյուղը պաշտպանելու համար: Բանդաները նրանց հալածում էին, թալանում, մորթում անասունները: Գնդի հրամանատարը իմ ներկայությունմբ ասում է՝ «Եթե ձեզ զենք տանք, դուք էլ բանդա կդառնաք»: Խախտն էլ ծիծաղում է, ասում՝ «Դուք, ընկեր միայն զինեցեք մեզ, այն ժամանակ մենք ոչ միայն բանդիտներին, այլև ձեզ էլ չենք թողնի մեր գյուղը»: Ես էլ հիմի այդ խախտի պես եմ մտածում. թե որ հնար լիներ, շթողնել, որ սպիտակներն էլ, կարմիրներն էլ մտնեն Տատարսկի, ավելի լավ կլիներ: Իմ կարծիքով նրանք մի գին ունեն, — զորօրինակ. թե աներձագս, Միտկա Կորչունովը, թե Միխայիլ Կոշևցյը: Միխայիլը կարծում է, թե ես այնքան կողմնակից եմ սպիտակներին, որ առանց նրանց ալորել էլ չեմ կարող: Ախմա՛խ բան: Միթեմ ես նրանց կողմնակից եմ, ո՞նց չէ: Վերջերս, երբ մոտեցանք Ղրիմին, կովում վիճակվեց զարկվել կոռնիլովյան մի սպայի հետ. ուշիմ գնդապետ էր, բեղիկները անզիական ձևով կտրած, քթածակերի տակ երկու զուլ, ոնց որ փախնք. ես նրան այնպիսի ջանքով ջնջխեցի, որ ուղղակի սիրտս թրթռաց: Խեղճ գնդապետի վրա մնաց զլխի կեսը՝ զլխարկի կեսի հետ... ու սպայական սպիտակ զլխարկանիշն էլ դեն թռավ... Ահա և իմ ամբողջ կողմնակցությունը: Նրանք էլ շատ են դաղել ինձ: Արյունով եմ վաստակել

այս անիծված սպայական աստիճանը, իսկ սպաների մեջ  
ոնց որ թե սպիտակ ագռավ եմ եղել: Նրանք, սրիկաները,  
ինձ իսկի մարդ էլ չէին համարում, զզվում էին ինձ ձեռք  
տալ, որ ես դրանից հետո պետք է նրանց... թյու, նրանց  
մայրիկը... մարդ մինչև իսկ զզվում է դրա մասին խոսել:  
Միթամ ես պետք է էլի նրանց իշխանությունը հաստատեմ,  
հա՛, գեներալներին, ֆիցխելաուրովներին՝ հրավիրեմ: Ես  
մի անգամ փորձեցի այդ բանը, հետո էլ մի տարի զկոտացի,  
հերիք է, դաս առա, ամեն բան փորձեցի կաշվիս վրա:

Հացը թաթախելով տաք ճարպի մեջ, Պրոխորն ասաց.

— Ոչ մի ապստամբություն էլ չի լինի: Գլխավորն այն  
է, որ քիչ կազակներ են մնացել, իսկ ովքեր որ մնացել են,  
նրանք էլ են դաս առել: Շատ են թափել եղբայրների ար-  
յունը, այնքան են խելոքացել ու սսկվել, որ հիմի վզերին  
չվան զցելով ու քարը տալով էլ չես կարող տանել ապրս-  
տամբություն: Ժողովուրդն էլ խաղաղ կյանքի է կարոտ: Դու  
մի տեսնեիր, թե այս ամառը բոլորն էլ ինչպես էին աշխա-  
տում. հա՛ խոտ էին դիզում ու դիզում, հացը հավաքում մին-  
չև վերջին հատիկը, հալից ընկնում են, ամա վարում են ու  
ցանում, կարծես թե ամեն մեկն էլ հարյուր տարի է ապրելու:  
Չէ, ապստամբության մասին խոսելն էլ ավելորդ է: Հիմար  
խոսակցություն է դա: Ասենք, դե ո՞վ գիտի, թե նրանք, կա-  
զակները, էլի ինչ կարող էին մոզոնել...

— Ի՞նչ կարող են մոզոնել, դու այդ ինչո՞ւ ես ասում:

— Մեր հարևանները հո մոզոնել են...

— Ի՞նչ:

— Ոնց թե ինչ: Վորոնեթի նահանգում, Բոգուչարից դե-  
նը ապստամբություն է բարձրացել:

— Դա սուտ բան է:

— Ի՞նչ սուտ, երեկ մի ծանոթ միլիցիոներ ասավ: Կար-  
ծես թե նրանց այնտեղ են ուղարկելու:

— Ի՞նչ տեղերում է դա:

— Մոնաստիրչինայում, Սուխոյ Դոնեցում, Պասեկում,  
Ստարի Կալիտվայում, Նովի Կալիտվայում ու էլի ուրիշ տե-  
ղերում: Ասում են ապստամբությունը ահագին շափերի է  
հասնում:

— Բա ինչո՞ւ երեկ դրա մասին ոչինչ չասացիր, պլուկ-  
վա՛ժ սագ:

— Միխայիլի մոտ շուղեցի ասել, և հետո, այդ տեսակ  
դործերի մասին խոսելուց խեղ չկա: Երանի մարդ ոչինչ էլ  
չլսի դրա մասին, — տհաճությամբ պատասխանեց Պրոխորը:  
Գրիգորին մոռացվեց: Երկար մտածելուց հետո ասաց.

— Դա վատ նորություն է:

— Քեզ չի վերաբերում: Թող խախտները մոզոնեն:  
Կյարդեն նրանց քիթ ու մոռիթը, այն ժամանակ նրանք կի-  
սանան, թե ոնց կարելի է ապստամբել: Իսկ ինձ ու քեզ դա  
իսկի էլ պետք չի: Ես նրանց համար հեղ էլ չեմ ցավում:

— Հիմա իմ բանը դժվար կլինի:

— Ինչո՞ւ:

— Ոնց թե ինչով: Եթե օկրուգային իշխանությունն էլ  
լիմ մասին այդպիսի կարծիք ունի, ինչպես Կոշևոյը, ապա  
ինձ անպատճառ ծակը կկոխեն: Հարևան վայրերում ապրս-  
տամբություն է, իսկ ես նախկին սպա եմ, այն էլ ապրս-  
տամբ... Հասկանալի՞ է քեզ:

Պրոխորը դադարեցրեց ուտելը, մտածմունքի մեջ ընկավ:  
Այդ նրա մտքովն էլ չէր անցնում: Խմած վիճակում նա  
դանդաղ ու դժվար էր մտածում:

— Դու այստեղ ի՞նչ մեղք ունես, Պանտելիչ, — տարա-  
կուսանքով հարցրեց նա:

Գրիգորին բարկացկոտ կնճոտեց ճակատը, չպատաս-  
խանեց: Նորությունը պարզապես անհանգստացրել էր նրան:  
Պրոխորը փորձեց բաժակը մեկնել նրան, բայց Գրիգորին  
ետ մղեց տանտիրոջ ձեռքը, վճռական ասաց.

— Էլ չեմ խմում:

— Գուցե մի-մի հատ էլ կոնծենք, հը՞: Խմի, Գրիգորի  
Պանտելիչ, մինչև որ աչքերդ մթնեն: Այս հիանալի կյան-  
քում միթիթարանքը հենց մենակ արաղն է:

— Դու մենակ խմի: Առանց այդ էլ գլուխս շշմած է, իսկ  
արաղը բոլորովին կկործանի: Ես այսօր պետք է վեշկի  
գնամ, ցուցակագրվեմ:

Պրոխորը ակնապիշ նայեց նրան: Գրիգորիի արևավառ,  
հողմահար դեմքը վառվում էր թունդ, մուգ կարմրություն  
միայն դեպի ետ սանրված մազերի տակին մաշկը դալուկ



սպիտակութիւնն ունի: Հանգիստ էր նա, շատ բան տեսած այդ գինձոր մարդը, որի հետ Պրոխորին մտերմացրել էին պատերազմը և ձախորդութիւնները: Գրիգորիի մի փոքր ուռած աչքերը մտայն խիստ հոգնածորեն էին նայում:

— Չե՞ս վախենում, որ ք-ք-ք, իքք... կնստացնեն քեզ,— հարցրեց Պրոխորը:

Գրիգորին աշխուժացավ:

— Հենց դրանից եմ վախենում, ա՛յ տղա: Կյանքումս նստած չկամ և բանտից ավելի շատ եմ վախենում, քան մահից: Բայց երևում է, որ այդ բարիքի համն էլ պիտի տեսնեմ:

— Դու իզուր եկար տուն,— ցավակցութեամբ ասաց Պրոխորը:

— Բա ո՞ւր գնալի:

— Քաղաքում մի տեղ կմնայիր, կսպասիր, մինչև որ հանդարտվեր այս աղմուկը, հետո էլ կգայիր:

Գրիգորին ձեռքը թափ տվեց, ծիծաղեց.

— Դա իմ բանը չի: Սպասել և ուրիշների ետևից հասնել,— դա ամենազգվելի գործն է: Բա չգա՞լի երեխաներիս մոտ:

— Բա՛ն ասացիր, էլի՛: Առանց քեզ նրանք հո ապրո՞ւմ էին: Հետո կվերցնեիր նրանց ու քո սիրածին: Հա՛, մոռացա քեզ ասել: Քո այն աղա-մաղաները, որոնց մոտ պատերազմից առաջ դու ապրում էիր Ակսինյայի հետ, երկուսն էլ քոչել են այն աշխարհը:

— Լիստնիցկինե՞րը:

— Հենց նրանք: Խնամիս, Զախարը երիտասարդ Լիստնիցկու մոտ սպասյակ էր եղել, պատմում էր, որ ծերուկ պանը Մորոզովսկում մեռել էր տիֆից, իսկ երիտասարդ պանը հասել էր մինչև Եկատերինոգար, այնտեղ նրա կնիկը կապվել էր գններալ Պոկրովսկու հետ, երիտասարդ պանը, չհաշտվելով այդ բանի հետ, ինքնասպան էր եղել:

— Է՛հ, ջհաննամը լինեն նրանք,— անտարբեր ասաց Գրիգորին,— պետք է ափսոսալ լավ մարդկանց, որոնք կորանգնացին, իսկ դրանց համար դարդ անող չկա:— Նա վեր կացավ, հագավ շինելը, և արդեն դռան ունկը բռնած, մտազբաղ ասաց.— գրո՞ղը տանի, ես միշտ նախանձել եմ այնպիսի

սինեիին, ինչպիսին երիտասարդ Լիստնիցկին կամ ինչպիսին մեր Կոշեյը... Նրանց համար հենց սկզբից ամեն բան պարզ է, իսկ ինձ համար մինչև հիմի էլ ոչինչ պարզ չի: Նրանք երկուսն էլ ունեն իրենց շիտակ ճամփեն, իրենց նպատակները, իսկ ես տասնյոթ թվականից ոլոր-մոլոր ճամփով եմ գնում... օրորվում եմ հարբածի նման... Սպիտակներից կտրվեցի, կարմիրների շմիացա, այդպես էլ լողում եմ ոնց որ աղբը սառցածակի ջրի երեսին... Գիտե՞ս, Պրոխոր, իհարկե՛: Ես պետք է մինչև վերջ լինեի Կարմիր բանակում, այն ժամանակ գուցե թե ինձ համար ամեն բան լավ գնար: Ու ևս սկզբից,— դու այդ գիտես,— սրտով ծառայում էի սովետական իշխանութեան, հետո էլ այդ բոլորը խանդարվեց... Սպիտակների մոտ, նրանց հրամանատարութեան համար ես օտար էի, նրանց մոտ միշտ էլ կասկածանքի տակ էի: Եվ ի՞նչպես կարող էր այլ կեղծ լինել. հողագործի տղա էի, անդրազետ մի կազակ, էլ ինչո՞ւ կարող էի նրանց հարազատ լինել: Նրանք չէին հավատում ինձ: Հետո կարմիրների մոտ էլ այդպես եղավ: Ես հո քոռ չեմ, տեսնում էի, թե հեծելավաշտում կսմբաբը և կոմունիստները ոնց էին նայում ինձ... Կովի մեջ աչք չէին կտրում ինձանից, հսկում էին ամեն մի քայլս ու երևի մտածում էին՝ «Հը՛մ, սրիկայի մեկը, սպիտակ է, հա-ա, կարող է խաբել մեզ»: Ես հասկացա այդ բանը, ու միանգամից սիրտըս սառեց: Դրանից հետո ես էլ չէի կարող տանել այդ անվստահութիւնը: Շոգից հո քարն էլ կճաքի: Կավ է՛ որ ինձ արձակեցին ծառայութիւնից: Գնալով մտեսնում է վերջը:— Նա խուլ հազաց, մի փոքր լուց և առանց Պրոխորին նայելու, արդեն ուրիշ ձայնով ասաց.— շնորհակալ եմ հյուրասիրութեանդ համար: Ես գնացի: Ողջութիւն: Եթե վերադառնամ, իրիկունը կգամ: Շիշը պահի, թե չէ կինդ կգա ու թավեն կիսի կոնակիդ, ջարդուփշուր կանի:

Պրոխորը նրան ուղեկցեց մինչև մուտքի սանդուղքը, շնջաց.

— Պանտելիչ, տես, հա՛-ա, չլինի՞ թե քեզ այնտեղ հուպ տան:

— Կտեսնեմ,— զուսպ պատասխանեց Գրիգորին:

Առանց տուն գնալու նա իջավ Դոնի ափը, նավամա-

տուլցում արձակեց ինչ-որ մեկի կապած նավակը, դրա միջից բոլոր դուրս թափեց ջուրը, հետո ցանկապատից մի ցից հանեց, ջարդեց առափնյա սառույցը ու նավակով գնաց մյուս ափը:

Դոնի վրա դեպի արևմուտք էին գլորվում մուգ կանաչ, քամուց փրփրող ալիքները: Ափերի մոտ, ուր հանդարտ էր հոսանքը, նրանք ջարդոտում էին փխրուն, թափանցիկ սառույցը, ճոճում ջրաբույսերի կանաչ ծամերը: Գետափում հնչում էր կոտրվող սառույցների բյուրեղապակյա զրնգոցը, մեղմիվ խշշում էին ջրի ողողած գետաքարերը, իսկ գետի մեջտեղում, այնտեղ, ուր հոսանքը շեշտակի էր ու համաշափ, Գրիգորին լսում էր միայն նավակի ձախ կողքին խոնվող ալիքների խուլ վշշոցն ու կարկաչունը և քամու ցածր, թավ ու անլուելի բվվոցը գետամերձ անտառում:

Նավակը կիսով չափ հանելով ափը, Գրիգորին նստեց, հանեց սապոգները, խնամքով փաթաթեց ոտների փաթաթանները, որպեսզի թեթև քայլեր:

Կեսօրին նա հասավ Վեշենսկայա:

Օկրուգային զինվորական կոմիսարիատը բազմամարդ էր և աղմկալից: Զիլ զրնգում էին հեռախոսի զանգերը, շրխկում դռները, մտնում ու դուրս էին գալիս զինված մարդիկ, սենյակներից լսվում էր գրամեքենաների արագ շրխկոցը: Միջանցքում մի երկու տասնյակ կարմիրբանակայիններ, ռոմանովյան ծալավոր մուշտակ հագած և կարճահասակ մի մարդու շուրջ խմբվելով, իրար առաջ կտրելով ինչ-որ բան էին ասում և փառ-փառ ծիծաղում: Երբ Գրիգորին անցնում էր միջանցքով, հեռու մի սենյակից երկու կարմիրբանակային դուրս քաշեցին հաստոցավոր մի գնդացի: Դրա անվակները կամացուկ զրգոում էին քերքրված փայտե հատակի վրա: Գնդացրորդներից մեկը, որ շաղ էր ու բարձրահասակ, կատակով բղավում էր՝ «Դե, ճանապարհ տուր, պատժական վաշտ թե չէ տակով կանեմ»:

«Իսկապես, երևում է, որ պատրաստվում են դուրս գալ ապստամբության դեմ», — մտածեց Գրիգորին:

Գրանցման ժամանակ նրան երկար չպահեցին, Հապճեպորեն նշելով վկայականը, զինկոմիսարիատի քարտուղարը ասաց.

— Գնացեք Դոնչեկայի քաղբյուրոն: Դուք, իբրև նախկին սպա, նրանց մոտ պետք է հաշվի առնվեք:

— Լսում եմ, — Գրիգորին ձեռքը տարավ քունքին՝ բնավ ցույց չտալով իրեն համակած հուզմունքը:

Հրապարակում նա կանգ առավ մտածմունքի մեջ ընկած: Հարկավոր էր գնալ քաղբյուրո, բայց նրա ամբողջ էութունը դիմադրում էր դրան: «Կնստեցնեն», — ասում էր նրան ներքին ձայնը, ու Գրիգորին ցնցվում էր վախից և զզվանքից: Նա կանգնել էր դպրոցի ցանկապատի մոտ, շտեմանող աչքերով նայում էր աղբոտ գետնին և արդեն իրեն տեսնում էր ձեռքերը կապած, կեղտոտ սանդուղքով գետնահարկը իջնելիս, ետևից էլ նազանի անողորկ կոթը պինդ սեղմած մի մարդ: Գրիգորին սեղմեց բռունցքները, նայեց ուռած, կապույտ երակներին: Եվ այդ ձեռքերը պիտի կապեն, հա՛ա: Արյունը խփեց դեմքին: Ո՛չ, այսօր նա չի գնա այնտեղ. վաղը — խնդրե՛մ, իսկ այսօր կգնա խուտոր, այդ օրը կլինի երեսաների հետ, կտեսնի Ակսինյային և առավոտյան կվերադառնա Վեշենսկայա: Զհաննամանը թե ոտը ցավում է քայլելիս: Նա միայն մի օրով կգնա տուն ու կվերադառնա այստեղ, անպայման կվերադառնա: Վաղը ինչ ուզում է լինի, իսկ այսօր — ո՛չ:

— 0-0-0, Մելիխով, լույսը քեզ տեսնողին:

Գրիգորին շուռ եկավ: Մոտենում էր Յակով Յոմինը, — Պետրոյի հետ մի գնդում ծառայած մարդը, Դոնի բանակի նախկին 28-րդ խոռվարար գնդի նախկին հրամանատարը:

Դա արդեն այն Յոմինը չէր, անճոռնի ու անփուլթ հագնված այն առամանցին չէր, որին մի ժամանակ ճանաչում էր Գրիգորին: Երկու տարում նա խիստ փոխվել էր. նրա վրա հիանալի նստել էր լավ քփցրած հեծելազորային շինելը, փափիկ, շեկ բեղերը ճարպկորեն ոլորված էին, ու ամբողջ կերպարանքը, առանձնահատուկ կորովի քայլածքը և ինքնագոհ ժպիտը ցույց էին տալիս սեփական գերազանցության և արժանիքի գիտակցությունը:

1 Քաղբյուրո — 20—21 թթ. այգպես էին կոչվում Զեկայի օկրուգային կամ գավառական օրգանները:

— Ո՞ր բամին է քեզ բերել մեզ մոտ,— հարցրեց նա՝ սեղմելով Գրիգորիի ձեռքը, լայնադիր ու կապույտ աչքերը հառելով նրա աչքերին:

— Զորացրված եմ: Գնացել էի զինկոմիսարիատ...

— Վաղո՞ւց ես տուն եկել:

— Երեկ:

— Հաճախ հիշում եմ աղբորդ, Պետրո Պանտելևիչին: Լավ կազակ էր և գուր տեղը սպանվեց... Ես ու նա սրտակից բաբեկամներ էինք: Գուք, Մելիսով, անցյալ տարի շպետք է ապստամբեիք: Միայլ բան արիք:

Հարկավոր էր որևէ բան ասել, ու Գրիգորին ասավ.

— Այո: Միայլվեցին կազակները...

— Գու ո՞ր զորամասում էիր:

— Առաջին հեծյալ բանակում:

— Ի՞նչ էիր:

— Հեծելավաշտի հրամանատար:

— Հա՛-ա՛: Հիմի ես էլ եմ հեծելավաշտի հրամանատար: Այստեղ, Վեշենսկում մենք ունենք մեր պահակային հեծելավաշտը:— Նա նայեց շուրջը և ձայնը ցածրացնելով առաջարկեց.— ա՛յ թե ինչ, գնանք անցնենք, մի քիչ ինձ ճամփու կղնես, թե չէ այստեղ մարդիկ են գնում ու գալի, կիսանգարեն մեզ:

Նրանք գնացին փողոցով, Ֆոմինը, շեղակի նայելով Գրիգորիին, հարցրեց.

— Միտք ունե՞ս տանն ապրել:

— Տանը, բա էլ ո՞րտեղ պիտի ապրեմ:

— Տես: Լսույթյա՞մք զբաղվել:

— Այո:

Ֆոմինը ափսոսանքով օրորեց գլուխը և հոգոց հանեց.

— է-է՛, Մելիսով, վատ ժամանակ ես ընտրել, վա՛տ...

Գու հլա դեռ մեկ, երկու տարի շպետք է տուն գայիր:

— Ինչո՞ւ:

Վերցնելով Գրիգորիի արմունկից, մի փոքր թեքվելով, Ֆոմինը շշնջաց.

— Օկրուգում անհանգստություն է: Կազակները շատ դժգոհ են պարենային մասնատրուից: Բուզուլարի գավառում ապստամբություն է: Այսօր գնում ենք ճնշելու Ավելի:

Լավ է դու այստեղից ծլկես, այ տղա, և այն էլ շուտ: Ես ու Պետրոն լավ ընկերներ էինք: Գրա համար էլ ես քեզ այսպիսի խորհուրդ եմ տալիս. հեռացիր:

— Ես հեռանալու տեղ չունեմ:

— Տես, հա՛-ա: Ես նրա համար եմ ասում, որ բաղբյուրոն սկսում է ձերբակալել սպաներին: Այս շաբաթ Դուդարեկայից երեք փոխխորունժի բերին, մեկին էլ Ռեշետովկայից, իսկ Դոնի մյուս կողմից խմբերով են բերում, հասարակ, աստիճան չունեցող կազակներին էլ են սկսել հուպ տալ: Հիմի դո՛ւ գիտես, Գրիգորի Պանտելևիչ:

— Խորհուրդիդ համար շնորհակալ եմ, միայն թե ոչ մի տեղ չեմ գնա,— կամակորուժյամբ ասաց Գրիգորին:

— Այդ արդեն քո գործն է:

Ֆոմինը խոսեց օկրուգի դրուժյան մասին, օկրուգային իշխանության և օկրուգի զինկոմ Շախակի հետ իր փոխհարաբերությունների մասին: Իր մտքերով զբաղված Գրիգորին անուշադրուժյամբ էր լսում նրան: Նրանք անցան երեք թաղ, ու Ֆոմինը կանգ առավ:

— Ես պետք է մի տեղ գնամ: Առայժմ:— Ձեռքը տանելով կուբանյան փափախին, նա սառն հրաժեշտ տվեց Գրիգորիին, գնաց խաչ-փողոցով՝ ճոճացնելով նոր ուսափոկերը, ուղիղ պահած մարմնով և ծիծաղելիության շափ ծանրումեծ տեսքով: Գրիգորին հայացքով ուղեկցեց նրան ու ետ դարձավ: Բարձրանալով քաղբյուրոյի երկհարկանի շենքի քարե սանդուղքով, նա մտածում էր՝ «Պետք է շուտ վերջացնել, ձգձգելու կարիք չկա: Կարողանում էիր վնասել Գրիգորի, ուրեմն կարողացիր և պատասխան տալ»:

## VIII

Ակսինյան առավոտյան ժամը ութին կիտեց վառարանի կրակը, նստեց նստարանի վրա, զոգնոցով սրբեց կարմրած, քրտնքոտ դեմքը: Նա վեր էր կացել դեռ լուսաբացից առաջ, որպեսզի շուտ ազատվեր եփել-թափելուց. եփել էր հավով էրիշտա, բլինիկներ էր պատրաստել, վարենիկի վրա առատուժյամբ կաթի սեր լցրել, դրել վառարանը՝ լավ տա-

պակելու համար. նա գիտեր, որ Գրիգորին լավ տապակած վարենիկ է սիրում, և տոնական ճաշ էր պատրաստել այն հույսով, որ սիրածը իր մոտ կճաշի:

Նա շատ էր ուզում որևէ պատրվակով գնալ Մելեխովներին մոտ, գեթ մի րուպե լինել այնտեղ, գեթ մի աչքով նայել Գրիգորին: Ուղղակի աներևակայելի էր մտածել, որ Գրիգորին այդքան մոտիկ է գտնվում, ու շտեմնել նրան: Բայց Ակսինյան այնուամենայնիվ հաղթահարեց այդ ցանկությունը, չգնաց: Հիրավի, հո նա փոքրիկ աղջիկ չէ՞: Այդ հասակում նա չպետք է թեթևամիտ քայլ անի:

Նա սովորականից ավելի խնամքոտ լվաց ձեռներն ու երեսը, հագավ մաքուր շապիկ և տակի նոր, զարդակար յուբկա: Բաց սնդուկի առաջ երկար կանգնեց մտազբաղ. ի՞նչ հագնեք վրայից: Անհարմար էր լի օրը զուգվել, բայց և չէր ուզում մնալ հասարակ, ամեն օրվա շորով: Չգիտենալով, թե հագնելու համար ինչ շոր ընտրի, Ակսինյան կիտում էր հոնքերը, անփույթ տնտղում արդուկած յուբկաները: Վերջապես, նա վճռականորեն վերցրեց մուգկապույտ յուբկան և համարյա չհագած բացկապույտ կոֆտան, որ զարդարված էր սև ժանյակով: Դա լավագույնն էր նրա ունեցածից: Վերջ է վերջո միևնույն չէ՞, թե հարևանները ինչ կմտածեն իր մասին: Շատ էլ նրանց համար այսօր լի օր է, իսկ իրեն համար տոն է: Նա հայձևազ զուգվեց, մոտեցավ հայելուն: Ջարմանքի թեթև ժպիտը սահեց նրա շրթունքներով. մեկի երիտասարդական, շողուն աչքերը գննողաբար և ուրախ նայում էին իրեն: Ակսինյան ուշադրությամբ, խստորեն դիտեց իր դեմքը, հետո թեթևացած շունչ առավ: Ո՛չ, դեռ չէր խամբրել իր գեղեցկությունը: Գեռ քանի՞-քանի կաղակներ հանուրյակիս կանգ կառնեն և շշմած աչքերով կուղեկցեն նրան:

Հայելու առաջ շտկելով յուբկան, նա լսելի ձայնով առաց «էհ, Գրիգորի Պանտելիչ, պինդ կաց, հա՛-ա...», ու զգալով, որ կարմրում է, ծիծաղեց մեղմակի, խուլ ծիծաղով: Սակայն այդ ամենը նրան շխանգարեց քունքերի վրա մի քանի ճերմակած մազ գտնել և դրանք պոկել: Գրիգորին չպետք է որևէ այնպիսի բան տեսներ, որը նրան կհիշեցներ Ակսինյայի հասակը: Ակսինյան ուզում էր նրա համար այնպես ջահել լինել, ինչպես յոթ տարի առաջ:

Մինչև ճաշ նա մի կերպ նստեց տանը, բայց հետո էլ չհամբերեց ու այժի բրդից արտադրված սպիտակ շալը գցելով ուսերին, գնաց Մելեխովների մոտ: Դունյաշկան տանը մենակ էր: Ակսինյան բարևեց, հարցրեց.

— Դուք չե՞ք ճաշել:

— Արի ու տնից փախչողների հետ ճաշիր ժամանակին: Ամուսինս Սովետումն է, իսկ Գրիշան գնացել է ստանիցա: Երեխաներին արդեն կերակրել եմ, սպասում եմ մեծերին:

Արտաքուստ հանգիստ, որևէ շարժամբ կամ խոսքով ցույց չտալով իր հիասթափությունը, Ակսինյան ասաց.

— Ես կարծում էի բոլորդ էլ տանն եք: Բա Գրիշան... Գրիգորի Պանտելիչը ե՞րբ կվերադառնա, այսօ՞ր:

Դունյաշկան հարևանցիորեն նայեց զուգված հարևանուհուն, դժկամ ասաց.

— Նա գնացել է ցուցակագրվելու:

— Ե՞րբ է խոստացել վերադառնալ:

Դունյաշկայի աչքերում արցունքներ փայլեցին. կակազելով, նա կշտամբանքով ասաց.

— Միթամ ժամանակ ես գտել... զուգվելու... Չգիտես, որ նա գուցե թե իսկի չվերադառնա...

— Ո՞նց թե, չի՞ վերադառնա:

— Միխայիլը ասում է, թե նրան կձերբակալեն ստանիցայում... — Դունյաշկան լացեց ժլատ, շար արցունքներով, ու թևքով արցունքները սրբելով, ճղճղաց. — անիծվի այս տեսակ կյանքը: Ե՞րբ պետք է վերջանա այս բոլորը: Գնաց, ու երեխեքը ոնց որ թե դիվոտեցին, — հոգիս հանում են: Մեր գնաց հայրիկը, ու ե՞րբ կգա: Բա ես գիտեմ: Հրեն, նրանց տարա բակը, ու սիրտս ճաքում է ցավից... Ախր սա ի՞նչ տեսակ կյանք է: Մարդ իսկի հանգիստ չունի, թեկուզ ճաքես...

— Եթե նա մինչև իրիկուն չվերադառնա, էգուց կերթամ ստանիցա, կիմանամ, — Ակսինյան դա այնպիսի անտարբեր տոնով ասաց, որ կարծես թե խոսքը վերաբերում էր ամենասովորական մի բանի, որ շարժեր որևէ հուզման:

Ջարմանալով նրա հանգստության վրա, Դունյաշկան հագոց հանեց.

— Երևում է, որ հիմի նրան շարժի սպասել: Երանի թե տուն չգար:

— Առայժմ ոչինչ չի երևում: Դու լաց մի լինի, թե չէ երբեք ուրիշ բան կ'մտածեն... Դե՛հ բարով մնաս:

Գրիգորին վերադարձավ ուշ երեկոյան: Տանը մի քիչ մնալով, նա գնաց Ակսինյայի մոտ:

Այն անհանգստութիւնը, որով Ակսինյան անց էր կացրել ամբողջ երկար ու ձիգ օրը, մի փոքր բթացրեց հանդիպումի բերկրանքը: Ակսինյան իրիկնադեմին այնպիսի զգացմունք էր ապրում, որ կարծես թե մեջքը ծռած աշխատել էր ամբողջ օրը: Ընշված և սպասումից հոգնած, նա պառկեց մահճակալի վրա, ննջեց, սակայն պատուհանի տակից քայլեր լսելով, աղջկա աշխուժութեամբ վեր թռավ:

— Ինչու շատացիր, որ վեշկի ես գնում,— հարցրեց նա՝ գրկելով Գրիգորին և արձակելով նրա շինելի կոճակները:

— Ժամանակ չունեցա ասելու, շտապում էի:

— Իսկ ես ու Դունյաշկան լաց եղանք, ամեն մեկս առանձին. կարծում էինք, թե շես վերագառնա:

Գրիգորին զուսպ ժպտաց.

— Ոչ, բանը այդտեղ չի հասել:— Մի փոքր լռեց և ավելացրեց.— հլա չի հասել:

Նա կաղալով մոտեցավ սեղանին, նստեց: Բաց դռնից երևում էր օթխիւք. անկյունում դրված փայտե լայն մահճակալը, սնդուկը՝ աղոտ կերպով պլպլող պղնձե կապերով: Այստեղ ամեն ինչ մնացել էր այնպես, ինչպես այն ժամանակ, երբ Գրիգորին դեռ ջահել տղա էր և Ստեպանի բացակայութեան օրերին այստեղ էր գալիս. նա համարյա ոչ մի փոփոխութիւն չտեսավ. կարծես ժամանակը հեռվից-հեռու էր անցնում ու չէր մտնում այդ տունը. պահպանվել էր նույնիսկ առաջվա հոտը. դգացվում էր գալլուկի թարմ ճյուղերի գինեբույրը, մաքուր լվացված հատակների ու մի քիչ էլ — հազիվ զգալի շափով — թառամած ծոթորի բույրը: Կարծես բոլորովին մոտ օրերում, վաղ առավոտյան Գրիգորին զուրս էր եկել այստեղից, բայց իրոք որքա՛ն վաղուց էր եղել այդ ամենը...

Գրիգորին խեղդեց հառաչանքը ու սկսեց դանդաղորեն ծխախոտ փաթաթել: Բայց չգիտես ինչու ձեռքերը դողացին, և նա ծխախոտը թափեց ծնկներին:

Ակսինյան շտապ կերպով սեղան էր գցում: Հարկավոր էր տաքացնել սառն էրիշտան: Մարագից վազեվազ տաշեղներ բերելով, շնչասպառ ու մի փոքր գունատված Ակսինյան սկսեց վառարանում կրակ վառել: Նա փշում էր վառվող, կայծեր արձակող ածուխները և երբեմնակի նայում կորացած, լուռումունջ ծխող Գրիգորին:

— Ո՞նց են գործերդ, ամեն ինչ վերջացրի՞ր:

— Ամեն ինչ լավ անցավ:

— Դունյաշկան ո՞րտեղից է վերցրել, թե քեզ անպատճառ պետք է ձերբակալեն: Նա ինձ էլ վախեցրեց մեռցնելու շափ:

Գրիգորին կնճոտեց ճակատը, բարկութեամբ դեն գցեց պապիրոսը:

— Միխայիլն է փսփսացել նրա ականջին: Նա է, որ մոգոնում է այդ բոլորը, ուզում է գլխիս փորձանք բերել:

Ակսինյան մոտեցավ սեղանին: Գրիգորին վերցրեց նրա ձեռքերը:

— Գիտե՞ս,— ասաց նա՝ ներքեից վերև նայելով Ակսինյայի աչքերին,— իմ գործերը այնքան էլ մխիթարական չեն: Երբ գնում էի այդ քաղբյուրոն, ես էլ էի կարծում, թե այնտեղից դուրս շեմ գա: Ինչքան շինի, ապստամբութեան ժամանակ ես հո գիվիզիայի հրամանատար եմ եղել, հարյուրապետի աստիճան եմ ունեցել: Հիմի ճանկում են այդպիսիներին:

— Նրանք ի՞նչ ասին քեզ:

— Անկետա տվին լրացնելու, այդ տեսակ թուղթ կա, դրա մեջ պետք է գրել ամբողջ ծառայութիւնը: Ես էլ ախր գլուխ չունեմ գրելու հետ: Կյանքումս այդքան շատ բան չէի գրել, երկու ժամ նստեցի, գրեցի իմ անցած ամբողջ ծառայութեան մասին: Հետո էլ սենյակ մտան երկու հոգի, հա՛ հարցնում էին ապստամբութեան մասին: Ոչինչ, լավ վարվող մարդիկ են: Ավագը հարցնում է՝ «Չայ չե՞ք ուզում, միայն թե սախարիսով է»: Ի՞նչ շայ, է՛,— մտածում եմ ես,— այստեղից պրծնեմ ու դուրս գամ,— ա՛յ թե ինչ եմ ուզում.—

Գրիգորին մի փոքր լռեց և իր մասին, ասես կողմնակի մարդու մասին, արհամարհանքով ասաց.— հաշիվ տալու մեջ տկար եղա... Վախեցա:

Նա ինքն իր վրա շարացած էր այն պատճառով, որ այնտեղ, Վեշենսկում վախեցել էր և ուժ չէր ունեցել հաղթահարելու իրեն համակած երկյուղը: Նա կրկնակի շափով վրդովված էր, որ իր երկյուղը ապարդյուն էր եղել: Հիմա ծածաղելի ու ամոթալի էր այն ամենը, ինչ որ ապրել էր նա: Ամբողջ ճանապարհին նա դրա մասին էր մտածում ու թերևս դրա համար էլ այժմ պատմում էր այդ բոլորի մասին՝ ծաղրելով ինքն իրեն և մի փոքր շափազանցնելով իր ունեցած ապրումները:

Ակսիսյան ուշադրությամբ լսեց նրա պատմածը, հետո մեղմակի ազատեց ձեռները ու մոտեցավ վառարանին: Խառնելով կրակը, նա հարցրեց.

- Բա հետո ո՞նց կլինի:
- Մի շաբաթից հետո էլի պետք է գնալ, նշվել:
- Կարծում ես վերջը կբռնե՞ն քեզ:
- Ինչպես երևում է՝ այո: Վաղ թե ուշ կբռնեն:
- Բա ի՞նչ պիտի անենք, ո՞նց պիտի ապրենք, Գրիշա:
- Զգիտեմ: Եվ դրա մասին հետո խոսենք: Լվացվելու շուր կա՞:

Նրանք նստեցին ընթրելու, և վերստին վերադարձավ Ակսիսյայի այն լիակշիռ երջանկությունը, որ նա զգում էր առավոտյան: Գրիգորին այստեղ էր, իր կողքին, կարելի էր անընդհատ նայել նրան, գիտենալով, որ կողմնակիները չեն հետապնդում իր հայացքներին. կարելի էր աչքերով ասել ամեն ինչ, առանց քողարկվելու և շփոթվելու: Տե՛ր աստված, որքա՛ն կարոտել էր նրան, որքա՛ն իր մարմինը նվաղել, ծարավել էր այդ մեծ, կոշտ ձեռքերին: Ակսիսյան համարյա ձեռք չէր տալիս ուտելիքին. մի փոքր դեպի առաջ թեքված, նայում էր, թե ինչպիսի ազահուսթյամբ է ուտում Գրիգորին, մշուշված հայացքով փայփայում էր նրա դեմքը, վերնաշապկի կանգուն օձիքով սեղմված, թուխ վիզը, լայն թիկունքը, սեղանի վրա ծանր դրվող ձեռքերը... Ակսիսյան ազահուսթյամբ ներշնչում էր տղամարդու տտիպ քրտնքի և ծխախոտի խառն հոտը, որ գալիս էր Գրիգորիցից,— այն-

քա՛ն ծանոթ ու հարազատ հոտը, որ հատուկ էր միայն Գրիգորիին: Եթե Ակսիսյայի աչքերը կապված լինեին, նա կարող էր հազար տղամարդու մեջ հոտից ճանաչել իր Գրիգորիին... Նրա այտերը թունդ շիկնել էլին, արագ ու թնդալից տրոփում էր սիրտը: Այդ երեկո նա չէր կարող ուշադիր տանտիրուհի լինել, որովհետև շուրջը բացի Գրիգորից, ուրիշ ոչինչ չէր տեսնում: Վերջինս ուշադրություն չէր է՛լ պահանջում. ինքը հաց կտրեց, աչքերով փնտրեց և վառարանի բուխարիկի վրա գտավ աղամանը, ափսեի մեջ երկրորդ անգամ էրիշտա լցրեց իր համար:

— Շան պես քաղցած եմ,— ասես արդարանալու համար ժպտալով ասաց նա.— առավոտից ոչինչ չեմ կերել:

Եվ միայն այդ ժամանակ Ակսիսյան հիշեց իր պարտականությունները, շտապ վեր թռավ տեղից:

— Ա՛խ, ի՛նչ հիմարն եմ եղել. մոռացել եմ վարենիկն ու բլինչիկները: Հավի միս կեր, խնդրում եմ, շատ կեր, հոգյակս... Հիմի բոլորը կբերեմ:

Իայց որքա՛ն երկար ու ազահարար էր ուտում Գրիգորին: Կարծես նրան մի ամբողջ շաբաթ չէին կերակրել: Բոլորովին ավելորդ էր խնդրել, որ նա ուտեր: Ակսիսյան համբերությամբ սպասում էր, հետո այնուամենայնիվ շղիմացավ. նստեց նրա կողքին, ձախ ձեռքով գրկեց գլուխը. աջով վերցրեց մաքուր, ասեղնագործած սրբիչը, ինքը սրբեց սիրածի յուղոտված շրթունքները և կզակը, ու աչքերը կկոցելով այնպես, որ մթության մեջ դրանք շողացին նարնջագույն կայծերով, առանց շնչելու շուրթերը պինդ հպեց նրա շուրթերին:

էապես ասած, մարդուս շատ քիչ բան է հարկավոր, որ նա երջանիկ լինի: Ակսիսյան, համենայն դեպս, այդ երեկո երջանիկ էր:

## IX

Գրիգորիի համար ծանր էր հանդիպել Կոշևոյին: Առաջին օրվանից որոշվել էին նրանց հարաբերությունները, ու նրանք այլևս խոսելիք չունեին և կարիք էլ չկար խոսելու: Ամենայն հավանականությամբ Միխայիլի համար նույնպես

հաճելի չէր տեսնել Գրիգորիին: Նա երկու ատաղձագործ վարձեց, և սրանք շտապ նորոգեցին նրա խրճիթը. փոխեցին կտուրի կիսափտած ծպեղները, քանդեցին ու նորից շարեցին ծոված պատերից մեկը, նոր դրանդիներ, շքանակներ ու դռներ շինեցին:

Վեշենսկուց վերադառնալուց հետո Գրիգորին գնաց խուտորի ուկոմը. ղինկոմիաարիատի նշած իր զինվորական փաստաթղթերը ներկայացրեց Կոշևոյին ու հեռացավ առանց հրաժեշտ տալու: Նա տեղափոխվեց Ակսինյայի մոտ, իր հետ վերցրեց երեխաներին ու իր գույքից մի որոշ բան: Նրան նոր բնակարան ուղեկցելով, Դունյաշկան լաց եղավ:

— Աղբերս, ինձանից շնեղանաք, ես ձեր առաջ մեղավոր չեմ,— ասաց նա՝ աղերսանքով նայելով եղբորը:

— Դունյա, ինչո՞ւ պիտի նեղանամ, ի՞նչ ես ասում,— հանգստացրեց նրան Գրիգորին:— Մեզ մոտ արի... Քո հարազատներից միայն ես եմ մնացել, ես քեզ միշտ էլ խղճացել եմ ու հիմի էլ խղճում եմ... դե, իսկ քո ամուսինը,— այդ ուրիշ բան է: Իմ ու քո բարեկամությունը չի խախտվի:

— Մենք շուտով կտեղափոխվենք տանից, մի բարկանա:

— Չէ՛, էլի՛,— սրտնեղումով ասաց Գրիգորին,— ապրեցեք տանը գոնե մինչև գարուն: Դուք ինձ չեք խանգարի, իսկ ինձ ու երեխաների համար Ակսինյայի մոտ տեղ կլինի:

— Ամուսնանո՞ւմ ես նրա հետ Գրիշա:

— Դրա ժամանակն էլ կգա,— անորոշ պատասխանեց Գրիգորին:

— Ա՛ն նրան, աղբերս, նա լավն է,— վճռականորեն ասաց Դունյաշկան:— Լուսահոգի մերս ասում էր, որ դու հենց միայն նրան պետք է կին առնես: Նա վերջին ժամանակներում լավ էր Ակսինյայի հետ, մեռնելուց առաջ հաճախ նրա մոտ էր գնում:

— Դու ոնց որ թե համոզում ես ինձ,— ժպտալով ասաց Գրիգորին,— նրանից բացի էլ ո՞ւմ հետ պիտի ամուսնանամ, Անդրոնիխա տատի հե՞տ, ինչ է:

Անդրոնիխան ամենազառամյալ պառավն էր Տատարսկուում: Վաղուց էր, որ նա հարյուր տարուց անց էր: Դունյաշկան վերհիշելով նրա փոքրիկ, մինչև գետին կռացած մարմինը, ծիծաղեց:

— Ինչե՛ր ես ասում, աղբերս: Ես հենց այնպես հարցրի: Դու դրա մասին լուում ես, ես էլ հարցրի, էլի՛:

— Քեզ հո առաջինը կկանչեմ հարսանիքին,— Գրիգորին կատակով տփտփացրեց քրոջ ուսին ու թևթև սրտով գնաց հայրենական տնից:

Ճշմարիտն ասած՝ նրա համար միևնույն էր թե որտեղ էր ապրելու միայն թե հանդիստ ապրեր: Բայց ահա հենց այդ հանգստությունն էր, որ նա չէր գտնում... Մի քանի օր նա անցկացրեց ճնշող անգործությունը: Փորձեց ինչ-որ բան շինել Ակսինյայի տնտեսության մեջ, և իսկույն զգաց, որ ոչինչ չի կարող շինել: Սիրտը ոչ մի բանի չէր կոչում: Սանրը անորոշությունը տանջում էր նրան, խանգարում կյանքը. ոչ մի բույս նրանից չէր հեռանում այն միտքը, որ կարող են ձերբակալել իրեն, լավագույն դեպքում բանտ նետել, կամ հենց գնդակահարել:

Գիշերները արթնանալով, Ակսինյան տեսնում էր, որ նա քնած չէ: Գրիգորին սովորաբար պառկում էր մեջքի վրա, ձեռները դնելով գլխի տակ: նայում էր աղջամուղջային մթուկյան: ու նրա աչքերը սառն ու բարկացկոտ էին լինում: Ակսինյան գիտեր, թե նա ինչի մասին է մտածում: Ոչնչով չէր կարող օգնել նրան: Նա ինքն էլ էր տանջվում՝ տեսնելով նրա ծանր դրությունը ու գլխի ընկնելով, որ համատեղ կյանքի իր հույսերը նորից անիրագործելի են դառնում: Նա ոչինչ չէր հարցնում Գրիգորիին: Թող վերջինս ինքը որոշի ամեն ինչ: Միայն մի գիշեր, երբ արթնացավ և կողքից տեսավ ծխախոտի կարմիր կրակը, ասաց.

— Գրիշա, դու իսկի չես քնում... Գուցե դու միառժամանակ հեռանայիր խուտորից, հը՛: Կամ գուցե միասին մեկնենք որևէ տեղ, թաքնվենք:

Գրիգորին վերմակով հոգատարությունը ծածկեց նրա ոտները ու զժկամ պատասխանեց.

— Ես կմտածեմ: Դու քնիր:

— Հետո էլ կվերադառնանք, երբ այստեղ հանգստություն կլինի, հա՞:

Ու Գրիգորին դարձյալ պատասխանեց անորոշ, այնպես, որ կարծես ինքը ոչինչ չէր որոշել:

— Տեսնենք, էլի, թե հետո ինչ կլինի: Քնիր, Կոյուշա:—  
Ու զգուշությամբ, փաղաքշանքով շրթունքները հպեց նրա  
մերկ, մետաքսանման զով ուսին:

Բայց իրոք նա արդեն որոշում էր ընդունել, այլևս չի  
գնա Վեշենսկայա: Նրան իզուր կսպասի քաղբյուրոյի այն  
մարդը, որը անցյալ անգամ ընդունել էր նրան: Նա այն ժա-  
մանակ նստել էր սեղանի առաջ, շինելը ուսերին գցած,  
ճքացնելով ձգում էր մարմինը և առերևույթ հորանջում՝ լսե-  
լով նրա, Գրիգորիի պատմածը ապստամբության մասին:  
Նա այլևս ոչինչ չի լսի: Ամեն ինչ ասված է:

Այն օրը, երբ հարկավոր է գնալ քաղբյուրո, Գրիգորին  
կհեռանա խուտորից, հարկավոր դեպքում— երկար ժամա-  
նակով: Թե ուր կգնա, նա դեռ ինքն էլ չգիտեր, բայց հաս-  
տատ որոշել էր հեռանալ: Նա չէր ուզում ոչ մեռնել, ոչ էլ  
բանտ նստել: Նա որոշում էր ընդունել, բայց չէր ուզում  
վաղորդք այդ ասել Ակսինյային: Կարիք չկար թունավորել  
վերջին օրերը, դրանք առանց այդ էր շատ ուրախ չէին անց-  
նում: Դրա մասին պետք է ասել վերջին օրը,— այսպես էր  
որոշել Գրիգորին: Իսկ այժմ նա թող հանգիստ քնի երեսը  
Գրիգորիի թևատակին դրած: Նա այդ օերին հաճախ ասում  
էր՝ «Ի՞նչ լավ է քնել քո թևի տակ»: Եվ թող առայժմ քնի:  
Խեղճ կնոջ համար քիչ ժամանակ է մնացել Գրիգորիին փար-  
վելու...

Գրիգորին առավոտները խնամում էր երեխաներին, հե-  
տո աննպատակ թափառում էր խուտորում: Մարդկանց մեջ  
նա իրեն ավելի ուրախ էր զգում: Մի անգամ Պրոխորը առա-  
ջարկեց հավաքվել Նիկիտա Մելնիկովի մոտ, խմել ծառայա-  
կից երիտասարդ կազակների հետ: Գրիգորին վճռականապես  
հրաժարվեց: Խուտորցիների խոսակցություններից նա գիտեր,  
որ նրանք դժգոհ են պարենային մասնատրումից և որ քեֆի  
ժամանակ դրա մասին անխուսափելիորեն խոսք է լինելու:  
Նա չէր ուզում կասկածանքի առիթ տալ և նույնիսկ ծանոթ-  
ներին հանդիպելիս էլ խուսափում էր քաղականության վե-  
րաբերյալ խոսակցություններից: Բավական է նա զբաղվի  
այդ քաղաքականությամբ, մեկ է, դրանից գլուխ չի հանում:

Զգուշությունը ավելորդ չէր մանավանդ այն պատճառով,  
որ պարենային մասնատրման կարգով քիչ հաց էր հանձնը-

վում և այդ աննշույթյամբ իբրև պատանդներ երեք ծերունի  
էին բռնել, պարենային մասնատրման երկու ջոկատավոր-  
ների հսկողությամբ ուղարկել Վեշենսկայա:

Հետևյալ օրը սպանկոտպի խանութի մոտ Գրիգորին տե-  
սավ Կարմիր բանակից նոր վերադարձած նախկին հրետա-  
նավոր Զախար Կրամսկովին: Վերջինս թունդ հարբած էր,  
ճոճվում էր քայլելիս, բայց մոտենալով Գրիգորիին, կոճկեց  
ուպիտակ կավով կեղտոտված կուրտկայի բոլոր կոճակները,  
և խուպոտ ասաց.

— Բարև, Գրիգորի Պանտելեիչ:

— Բարև:— Գրիգորին սեղմեց վայելչակազմ և ծփի ծա-  
ռի նման պինդ հրետանավորի լայն թաթը:

— Ճանաչո՞ւմ ես:

— Ինչպե՞ս չէ:

— Հիշո՞ւմ ես, թե անցյալ տարի Բոկովսկու մոտեր-  
քում մեր մարտկոցը ոնց փրկեց քեզ: Առանց մեզ քո հեծե-  
լազորի բանը դժվար կլիներ: Քանի՞-քանի կարմիրներ կո-  
տորեցինք այն ժամանակ, զարգանդելի բան էր, հա՛-ա:  
Մերթ արկով էինք խփում, մերթ շրայնելով... Ես առաջին  
թնդանոթի վրա իբրև նշանառու էի աշխատում, ե՛ս:— Զա-  
խարը բռունցքով պինդ գմբացրեց լայն կրծքին:

Գրիգորին աչք ածեց դեռ ու դեռ. մոտիկում կանգնած  
կազակները նրանց էին նայում, լսում տեղի ունեցող խո-  
սակցությունը: Գրիգորիի շրթունքների անկյունները դողա-  
ցին, կատաղությունից նա ցույց տվեց սպիտակ, պինդ ա-  
տամները:

— Դու հարբած ես,— ցածր ձայնով ասաց նա՝ շարու-  
նակելով իրար սեղմել ատամները,— գնա քնիր և ավելորդ  
բան մի դուրս տա:

— Չէ՛, ես հարբած չեմ,— բարձր բղավեց քեֆը շաղ  
հրետանավորը:— Կարելի է, թե ես դարդից եմ խմել: Եկել  
եմ տուն, իսկ այստեղ ոչ թե կյանք է այլ բ... Կազակների  
համար էլ կյանք չկա ու կազակներ չկան: Քառասուն փութ  
հաց եմ տվել, սա ի՞նչ է, հը՞: Նրանք ցանկե՞լ են այդ հացը,  
որ տանում են, հը՞: Նրանք գիտե՞ն, թե դա, հացը ինչի վրա  
է բուսնում:



Նա նայում էր անխմաստ, արյունալից աչքերով և հանկարծ ճոճվելով, արջի անճոռնությամբ գրկեց Գրիգորիին, օղու թունդ հոտը փչեց վերջինիս երեսին:

— Դու ինչո՞ւ առանց լամպասի շալվար ես հագել, հը: Մուծի՞կ ես դառնալու Չենք թողնի: Հոգի՞դ սիրեմ, Գրիգորի Պանտելիչ: Պետք է էլի՞ կովել: Ոնց որ անցյալ տարի էինք ասում, էլի կասենք՝ կորչի կոմունիան, կեցցե սովետական իշխանությունը:

Գրիգորին նրան ուժով դեն հրեց, շնչաց.

— Գնա տուն, հարբած սրիկա, դու գիտակցո՞ւմ ես լի ինչ ես ասում:

Կրամսկովը լայն բացված, ծխախոտից դեղնած մատնե-րով ձեռքը պարզեց դեպի առաջ, մոթմոթաց.

— Ների, եթե իմ կողմից սխալություն եղավ: Ների, աղբեր, ամա ես քեզ դուզ եմ ասում, իբրև իմ հրամանատարին... Իբրև հարազատ հայր-հրամանատարին. պետք է էլի կովել:

Գրիգորին լուռումունջ շուռ եկավ, հրապարակի միջով գնաց տուն: Մինչև երեկո նա գտնվում էր այդ անհեթեթ հանդիպման տպավորության տակ, հիշում էր հարբած կրամսկովի ճշոցները, կազակների համակրական լուծությունը և ժպիտները, ու մտածում էր՝ «Ոչ, պետք է շուտ հեռանալ, լավ բան չի լինի...»

Շաբաթ օրը պետք է գնար Վեռնսկայա: Երեք օրից հետո նա պետք է հեռանար հայրենի խուտորից, բայց այդպես չեղավ. հինգշաբթի գիշերը, երբ Գրիգորին արդեն պատրաստվում էր պառկելու, մեկը ուժգին ծեծեց դուռը: Ակսինյան դուրս ելավ հաշտը: Գրիգորին լսեց, թե ինչպես նա հարցրեց՝ «Ո՞վ է»: Նա պատասխանը չլսեց, բայց անհանգրստության տարտամ զգացումով բռնված, վեր կացավ մահճակալից ու մոտեցավ պատուհանին: Հաշտից լսվեց զոռն փակի շխկոցը: Առաջինը ներս մտավ Դունյաշկան: Գրիգորին տեսավ նրա գունատ դեմքը և դեռ ոչինչ չհարցնելով, նստարանից վերցրեց փափախն ու շինելը:

— Աղբերս...

— Ի՞նչ է,— կամացուկ հարցրեց Գրիգորին՝ հագնելով շինելը:

Դունյաշկան հեալով, հասցնեալ ասաց.

— Աղբերս, գնա հենց հիմի: Մտանիցայից չորս ձիավոր են եկել մեզ մոտ: Նստել են օթխում... Նրանք փրսփրսալով էին խոսում, բայց ես լսեցի... Կանգնեցի: Դռան մոտ և ամեն բան լսեցի... Միխայիլը ասում է՝ քեզ պետք է ձերբակալել... Քո մասին պատմում է նրանց... Փախիր:

Գրիգորին արագ մոտեցավ նրան, գրկեց, սիինդ համբուրեց թուշը:

— Շնորհակալ եմ, քույրս: Գնա, թե չէ կնկատեն քո դալը: Մնաս բարով:— Ու դարձավ դեպի Ակսինյան:— Հա՛ց, շո՛ւտ: Մի կտոր, ոչ թե ամբողջ հացը:

Ահա և վերջացավ նրա կարճատև խաղաղ կյանքը... Նա դործում էր ինչպես մարտում, հասցնեալորեն. բայց վստահաբար, անցավ օթխսը, զգուշ համբուրեց քնած երեխաներին, գրկեց Ակսինյային:

— Մնաս բարով: Շուտով լուր կտամ: Պրոխորը կասի: Երեխաներին լավ պահիր: Դուռը փակիր: Եթե հարցնեն. ասա՝ գնացել է Վեշկի: Դեհ, մնաս բարով, դարդ մի՛ անի, Կսյուշա:— Համբուրելով Ակսինյային, նա շուրթերի վրա զգաց արցունքների տաք, աղի թացությունը:

Նա ժամանակ շուներ սփռվելու և լսելու Ակսինյայի անզոր, կցկտուր թոթովանքը: Նա մեղմակի անջատեց իրեն գրկած ձեռքերը, դուրս ելավ հաշտը, ականջ դրեց և արագ բացեց դրսի դուռը: Դռնից փչող պաղ քամին խփեց նրա երեսին: Նա մի վայրկյան փակեց աչքերը, որ ընտելանար մթույթյան:

Ակսինյան սկզբում լսեց, թե ձյունը ինչպես է ճոճում Գրիգորիի ոտների տակ: Յուրաքանչյուր քայլը սուր ցավով խոցում էր նրա սիրտը: Հետո քայլերի ձայնը լոնց և խշշաց ցախե ցանկապատը: Հետո էլ ամեն ինչ լոնց, միայն քամին էր աղմկում Դռնի մյուս կողմի անտառում: Ակսինյան փորձում էր որևէ բան լսել քամու աղմուկում, բայց ոչինչ չլսեց: Նա մրսում էր: Մտավ խոհանոց և հանգցրեց լամպը:

1920 թվականի ուշ աշնանը, երբ պարենային մասնատրման կարգով հացի վատ ստացման կապակցությամբ պարենավորման ջոկատներ ստեղծվեցին, Դոնի կազակ բնակչության մեջ խուլ հուղմունք սկսվեց: Դոնի մարզի վերին ստանիցաներում — Շումիլինսկում, Կազանսկում, Միգուլինսկում, Մեշկովսկում, Վեշենսկում, Ելանսկում, Սլաշչևսկում և այլ ստանիցաներում փոքրիկ, զինված բանդաներ կազմվեցին: Դա կազակության ունևոր մասի պատասխանն էր պարենավորման ջոկատների ստեղծման, պարենային մասնատրումը գործադրելու ուղղությամբ սովետական իշխանության ուժեղացող միջոցառումներին:

Բանդաները, որոնցից յուրաքանչյուրում կար հնգից մինչև քսան մարդ, մեծամասնությամբ կազմված էին տեղական կազակ բնակիչներից, անցյալում ակտիվ սպիտակ-զվարդիականներից: Նրանց մեջ կային 18—19 թվականներին պատժիչ ջոկատներում ծառայածներ, կրտսեր հրամանատարական կազմի սեպտեմբերյան մոբիլիզացիայից խուսափած ուրյադնիկներ, վախմիստրներ և փոխխորուն-ժիներ Դոնի նախկին բանակից, ապստամբներ, որոնք Վերին Դոնի օկրուգի նախորդ տարվա ապստամբության ժամանակ հռչակվել էին մարտական սխրագործություններով և գերի կարմիր բանակայիններին գնդակահարելով, — մի խոսքով, այնպիսի մարդիկ, որոնք սովետական իշխանության հետ միևնույն ճանապարհով չէին ընթանում:

Խուտորներում նրանք հարձակվում էին պարենավորման ջոկատների վրա, վերադարձնում էին մթերակայաններ գնացող, հացով բեռնված գումակները, սպանում էին կոմունիստներին և սովետական իշխանությանը նվիրված անպարտիական կազակներին:

Բանդաների լիկվիդացման խնդիրը հանձնարարված էր Վերին Դոնի օկրուգի պահակային գումարտակին, որը տեղավորված էր Վեշենսկում և Բազկի խուտորում: Բայց օկրուգի ընդարձակ տերիտորիայում ցրված բանդաների ուղղչացման բոլոր փորձերը ապարդյուն եղան, — նախ՝ այն պատճառով, որ տեղական բնակչությունը համակրանքով էր

վերաբերվում բանդիտներին, նրանց պարեն էր մատակարարում և տեղեկություններ էր տալիս կարմիր բանակային զորամասերի շարժման մասին, ինչպես նաև թաքցնում էր հետապնդումից, և, երկրորդ, այն պատճառով, որ գումարտակի հրամանատար Կապարինը, ցարական բանակի նախկին շտաբ-կապիտան և էսեռ, — չէր ուզում, որ ոչնչացվեին Վերին Դոնում նոր առաջացած կոնտրոկուցիոն ուժերը և ասեն կերպ խանգարում էր այդ գործը: Լոկ միայն ժամանակ առ ժամանակ, այն էլ պարտիայի օկրուգային կոմիտեի նախագահի ճնշմամբ նա կարճատև հարձակումներ էր ձեռնարկում ու նորից վերադառնում Վեշենսկայա, պատճառաբանելով, թե չի կարող ջլատել ուժերը և անխոհեմ ոխակի դիմել, Վեշենսկայան և այնտեղի օկրուգային հիմնարկությունները և պահեստները թողնել առանց պատշաճ պահպանության: Գումարտակը, որ մոտ շորս հարյուր սվին և տասնչորս գնդացի ուներ, կայազորային ծառայություն էր կատարում. կարմիր բանակայինները հսկում էին կալանավորներին, ջուր էին տանում, անտառում ծառեր կտրում, ինչպես նաև աշխատանքային պարհակի կարգով կաղնու տերևներից գիտոր էին հավաքում թանաք պատրաստելու համար: Գումարտակը հաջողությամբ փայտ ու թանաք էր հայթայթում օկրուգային բազմաթիվ հիմնարկություններին ու զրասենյակներին, իսկ այդ ժամանակ օկրուգում սպառնալից կերպով աճում էր մանր բանդաների քանակը: Եվ միայն ղեկավարներին, երբ խոշոր ապստամբություն սկսվեց Վերին Դոնի օկրուգին, ակամա դադարեց թե անտառանյութերի մթերումը և թե զիտորների հավաքումը: Դոնի մարզի զորահրամանատարի հրամանով գումարտակը, որ կազմված էր երեք վաշտից և գնդացրային մի դասակից, պահակային մի հեծելավաշտի, պարենավորման 12-րդ գնդի 1-ին գումարտակի ու երկու փոքրաթիվ փակոցային ջոկատների հետ ուղարկվեց այդ ապստամբությունը ճնշելու:

Սուխոյ Դոնեց գյուղի մատուցներում Վեշենսկու հեծելավաշտը Յակով Ֆոմինի հրամանատարությամբ թևից գրոհ տվեց ապստամբների շղթաների վրա, ճգմեց դրանք, փախուստի մատնեց և հետապնդելիս թրատեց մոտ հարյուր յո-

թանասուն մարդ՝ կորցնելով ընդամենը երեք մարտիկ: Հեծելավաշտում, շնչին բացառությամբ, բոլորն էլ կազակներ էին, — Դոնի վերին ստանիցաների բնակիչներ: Նրանք այստեղ էլ շղավաճանեցին կազակական դարավոր տրագիցիաներին. կովից հետո, շնայած հեծելավաշտի երկու կոմունիստի բողոքներին, մարտիկների համարյա կեսը հին շինելներն ու տաք կուրտկաները փոխեց լավորակ, աղաղած կաշվե կիսամուշտակներով, որոնք հանվեցին թրատված ապրտամբներից:

Ապստամբությունը ճնշելուց մի քանի օր հետո հեծելավաշտը ուղարկվեց Կազանսկայա ստանիցան: Հանգստանալով ռազմական կյանքի ծանրություններից, Ֆոմինը զվարճանում էր Կազանսկում, ինչպես որ կարող էր: Լինելով թուևդ կնամու, ուրախ ու զրուցասեր քեֆչի, նա կորչում էր ամբողջ գիշերներով և միայն լուսաբացից քիչ առաջ էր տուն գալիս: Մարտիկները, որոնց նկատմամբ Ֆոմինը իրեն մոտիկ ընկերոջ պես էր պահում, երեկոները իրենց հրամանատարին տեսնելով լավ մաքրած, պլպլան սապոգներով, հասկացողաբար աչքով էին անում միմյանց, ասում էին.

— Ըհը՛, մեր բուղան էլի գնաց որբեկայրի կնանոնց մոտ: Հիմի միայն առավոտ ծեղին տուն կերթա:

Ֆոմինը հեծելավաշտի կոմիսարից ու քաղնեկից թաքուն գնում էր նաև հեծելավաշտի ծանոթ կազակների բնակարանները, երբ նրան հաղորդում էին, թե օղի կա և քեֆ է լինելու: Դա հաճախ էր պատահում: Բայց շուտով կտրիճ հրամանատարը սկսեց ձանձրանալ, մոայլվեց և համարյա բոլորովին մոռացավ մինչև այդ եղած զվարճությունները: Երեկոներին նա արդեն առաջվա ջանադրությամբ չէր մաքրում իր բարձրաճիտք, շքեղ սապոգները, դադարեցրել էր ամեն օր սափրվելը, սակայն երբեմնակի գնում էր իր հեծելավաշտում ծառայած կազակների բնակարանները, որպեսզի ժամանակ անցկացնեի ու խմեր, իսկ զրույցների ժամանակ քիչ էր խոսում:

Ֆոմինի բնավորության փոփոխությունը զուգադիպեց մի հաղորդագրության, որ ջոկատի հրամանատարը ստացավ Վեշենսկուց. Դոնշենկայի քաղբյուրոն կարճ հաղորդել էր, որ

հարևան Ուստ-Մեդվեդիցկու օկրուգում, Միխայլովկայում ապստամբել էր պահակային գումարտակը՝ իր հրամանատար Վակուլինի գլխավորությամբ:

Վակուլինը ծառայել էր Ֆոմինի հետ և նրա ընկերն էր: Մի ժամանակ նրանք երկուսով գտնվում էին Միրոնովի կորպուսում, Սարանսկից միասին էին եկել դեպի Դոն ու միասին, մի տեղ խարույկաձև դարսել զենքերը, երբ Բուդյոննու հեծելազորը շրջապատել էր Միրոնովի խոռվարար կորպուսը: Ֆոմինի ու Վակուլինի բարեկամական հարաբերությունները գոյություն ունեին մինչև վերջին ժամանակները: Բոլորովին մոտիկ օրերում, սեպտեմբերի սկզբին Վակուլինը եկել էր Վեշենսկայա, ու դեռ այն ժամանակ նա ատամ էր կրճտացնում և հին ընկերոջը գանգատվում «կոմիսարների բռնությունից, որոնք պարենային մասնատրումով քայքայում են հողազործներին ու երկիրը դեպի կործանում են տանում»: Ֆոմինը ներքուստ համաձայն էր Վակուլինի ասածներին, բայց իրեն պահում էր զգույշ, խորամանկությամբ էր բանեցնում, որը հաճախ լրացնում էր բնական խելքի բացակայությունը: Նա առհասարակ զգույշ մարդ էր, երբեք չէր շտապում և միանգամից այդ կամ ոչ չէր ասում: Բայց շուտով, երբ նա արդեն իմացել էր Վակուլինի գումարտակի ապստամբության մասին, մշտական զգուշությունը դավաճանեց նրան: Մի երեկո, նախքան հեծելավաշտը կմեկներ Վեշենսկայա, դասակապետ Այլֆերովի բնակարանում հեծելակներ հավաքվեցին: Ձիու մի ահագին դույլ լիքն էր օղիով: Սեղանի շուրջը աշխույժ խոսակցություն էր տեղի ունենում: Այդ կերուխումին ներկա Ֆոմինը լուռ լսում էր խոսակցությունները և նույնպես լուռ օղի էր վերցնում դուլից: Բայց երբ մարտիկներից մեկը պատմեց, թե Սուխոյ Դոնեցի մոտ ինչպես էին գրոհի գնում, Ֆոմինը մտազբաղ ոլորելով բեղը, ընդհատեց պատմողին.

— Մենք լավ էինք թրատում խախուղներին, տղերք, բայց չլինի՞ թե շուտով մենք էլ վայ տանք գլխներին... Մեկ էլ տեսար հասանք Վեշենսկայա ու իմացանք, որ պարենավորման ջոկատները մեր ընտանիքներից վերցրել են ամբողջ հացը: Կազանցիները թունդ նեղանում են այդ ջոկատներից: Դրանք ամբարներումը իսկի հաց չեն թողել...

Սենյակում լուսնը տիրեց, Ֆոմինը նայեց իր հեծե-  
լավաշտի մարտիկներին և բռնազբոսիկ ժպտալով, ասաց.

— Ես հանաք արեցի... Տեսեք, հա՛-ա, լեզուներդ զուսպ  
պահեցեք, թե չէ ով գիտի ինչ դուրս կբերեն հանաքից:

Վեշենսկայա վերադառնալուց հետո Ֆոմինը կես դասա-  
կի շափ կարմիրբանակայինների ուղեկցությամբ մեկնեց  
ս.ուն, Ռուբեժնի խուտորը: Խուտորում, դեռ իր բակը չմտած,  
դարպասի մոտ իջավ ձիուց, սանձը գցեց կարմիրբանակա-  
յիններից մեկին, գնաց տուն:

Նա սառն բարևեց կնոջը, խորունկ գլուխ տվեց պառավ  
մորը և հարգանքով սեղմեց նրա ձեռքը, գրկեց երեխաներին:

— Բա ո՞րտեղ է հերս,— հարցրեց նա՝ նստելով տա-  
բուրետին, թուրը դնելով ծնկների արանքը:

— Գնացել է աղաց,— պատասխանեց պառավը ու նա-  
յելով որդուն, խստորեն հրամայեց.— փափախդ հանի, կոա-  
պաշտ: Ո՞վ է փափախով նստում սրբապատկերների առաջ:  
Ա՛խ, Յակով, դու կկորցնես գլուխդ...

Ֆոմինը դժկամ ժպտաց, հանեց կուբանյան փափախը,  
բայց շինելը չհասնեց:

— Ինչո՞ւ չես հանվում:

— Ես մի րոպե եկա ձեզ տեսնելու, ժամանակ չկա,  
լեռք է ծառայության գնալ:

— Գիտենք քո ծառայությունը...— բարկությամբ ասաց  
պառավը՝ ակնարկելով որդու անառակ վարքը, Վեշենսկում  
նրա ունեցած կապերը կանանց հետ:

Դրա մասին վաղուց լուր էր տարածվել Ռուբեժնիում:  
Ֆոմինի գունատ, անժամանակ պառաված, տեսքով  
ընկճված կինը վախեցած նայեց սկեսուրին, ետ քաշվեց դե-  
պի վառարանը: Ամուսնուն գեթ որևէ կերպ գոհացնելու, նրա  
մեջ բարեհաճ տրամադրություն առաջացնելու և թեկուզ մեկ  
սիրալիր հայացքին արժանանալու համար նա վառարանի  
տակից վերցրեց մի լաթ, ծունկ չոքեց ու, կռանալով, սկսեց  
մաքրել Ֆոմինի սապոգներին կպած պինդ ցեխը:

— Ի՛նչ լավ սապոգներ ունես, Յաշա... Շատ ես ցե-  
խտեղ... Ես հիմի կսրբեմ, մաքուր կսրբեմ,— գրեթե ան-  
ձայն շնչում էր նա՝ առանց գլուխը բարձրացնելու, ծնկնե-  
րի վրա սողալով ամուսնու ոտների տակ:

Ֆոմինը վաղուց չէր ապրում նրա հետ և վաղուց, բացի  
թեթև արհամարհական կարեկցությունից, ուրիշ ոչինչ չէր  
տածում դեպի այդ կինը, որին սիրել էր մի ժամանակ, ջա-  
հել հասակում: Բայց կինը միշտ էլ սիրում էր նրան և  
դադարնապես հույս էր փայփայում, որ նա երբևէ նորից  
կապրի իր հետ, ու ներում էր ամեն ինչ: Կինը երկար տա-  
րիներ զբաղվում էր տնտեսությամբ, դաստիարակում երե-  
խաներին, աշխատում էր ամեն կերպ գոհացնել քմահաճ  
սկեսուրին: Դաշտային աշխատանքների ամբողջ ծանրությունը  
ընկնում էր նրա լղարիկ ուսերին: Ուժից վեր աշխատանքը  
ու երկրորդ ծննդաբերությունից հետո սկսված հիվանդու-  
թյունը տարեցտարի քայքայում էին նրա առողջությունը:  
Նա նիհարել էր: Գեթ իսամբած էր: Անժամանակ պառա-  
վությունը կնճիռների ոստայն էր փոել նրա այտերին: Աշ-  
խարհում երևում էր երկշտ հնազանդության այն արտահայ-  
տությունը, որը լինում է հիվանդ, խելացի կենդանիների  
նայվածքում: Նա ինքն էլ չէր նկատում, թե որչափ արագ է  
պառավում, թե ինչպես օրը-օրին հալչում է իր առողջությու-  
նը, ու դեռ էլի հույս էր դնում ինչ-որ բանի վրա, հազվա-  
դեպ հանդիպումների ժամանակ երկշտ սիրով ու հիացումով  
էր նայում իր գեղեցիկ ամուսնուն...

Ֆոմինը վերևից ներքև նայում էր կնոջ ողորմելիորեն  
կորացած մեջքին, կոֆտայի տակ ցայտունորեն ուրվագծված  
լղար թիակներին, նրա մեծ, դողող ձեռքերին, որոնք փու-  
թաջան մաքրում էին իր սապոգների կեղտը, ու մտածում էր՝  
«Լավն է, ի՛նչ ասել կուզի: Եվ ես մի ժամանակ քնում էի  
այս քոստոի հետ... Ու որքա՛ն պառավել է... Բայց ախր ին-  
չո՞ւ է պառավել»:

— Հերիք եղավ, է՛: Մեկ է, էլի ցեխտեղու եմ,— բար-  
կություններ ասաց նա՝ ոտներն ազատելով կնոջ ձեռքերից:

Կինը ճիգ անելով շտկեց մեջքը, վեր կացավ: Նրա դե-  
ղին այտերի վրա թեթև կարմրություն դուրս տվեց: Ամուս-  
նուն նայող, թրջված նրա աչքերում այնքան սեր և շան  
նվիրվածություն կար, որ Ֆոմինը շուտ եկավ, հարցրեց մորը.

— Է՛, ո՞նց եք ապրում այստեղ:

— Էլի այնպես,— նոթոտ պատասխանեց պառավը:

— Պարենավորման ջոկատը եղե՞լ է խուտորում:

— Միայն երեկ գնացին նիժնե-Կրիվսկոյ:

— Մեզանից հաց վերցրի՞ն:

— Վերցրին: Ինչքա՞ն տարան, Դավիդուշկա:

Հորը նման, նույնպիսի լայնադիր, կապույտ աչքերով տասնչորս տարեկան պատանին պատասխանեց.

— Պապս նրանց հետ էր, նա գիտի: Կարծեմ տասը ջվալ:

— Հը-ը՛մ...— Ֆոմինը վեր կացավ, կարճ նայեց որդուն, շտկեց թրակալը: Նա մի փոքր գունատվեց, երբ հարցրեց.— դուք նրանց ասացի՞ք, թե ում հացն են վերցնում:

Պառավը թափ տվեց ձեռքը և ոչ առանց շարախնդու-թյան ժպտաց.

— Նրանք քո մասին այնքան էլ շատ բան չգիտեն: Նրանց մեծը ասում է՝ «Թուրը անխտիր պետք է հանձնեն հացի ավելցուկը: Թեկուզ Ֆոմինը լինի, թեկուզ հենց օկրուզի նախագահը,— մեկ է, ավելորդ հացը կվերցնենք»: Ու սկսեցին դատարկել ամբարը:

— Ես նրանց հետ հաշիվ կտեսնեմ, մայրիկ: Ես հաշիվ կտեսնեմ նրանց հետ,— խուլ ձայնով ասաց Ֆոմինը ու հապճեպորեն հրածեշտ տալով հարազատներին, դուրս ելավ:

Տանից վերադառնալուց հետո նա զգուշութամբ սկսեց հետախուզել իր հեծելավաշտի մարտիկների տրամադրու-թյունը և առանց մի առանձին դժվարության համոզվեց, որ նրանց մեծամասնութունը դժգոհ է պարենային մասնա-տրումից: Խուտորներից և ստանիցաններից զալիս էին նրանց կանայք և հեռավոր ու մոտիկ ազգականները. գալիս ու պատմում էին, թե ինչպես պարենավորման ջոկատավորնե-րը խուզարկություններ են կատարում, վերցնում ամբողջ հացը, թողնելով միայն սերմացու և ուտելիք: Այդ բոլորը հասցրեց այստեղ, որ հունվարի վերջին Բազկիում տեղի ու-նեցած կայազորային ժողովում, օկրուզային զինկոմ Շա-խաևի ճառի ժամանակ հեծելավաշտի մարտիկները բացա-հայտ ելույթներ ունեցան: Նրանց շարքերից այսպիսի բա-ցականչություններ լսվեցին.

— Վերացրեք պարենավորման ջոկատները:

— Ժամանակն է վերջացնել հացի գործը:

— Կորչեն պարենավորման կոմիսարները:

Պատասխանելով նրանց, պահակային վաշտի կարմիր-բանակայինները գոռում էին.

— Կոնտրնե՛ր:

— Յրե՛լ սրիկաներին:

Ժողովը երկարատև էր և աղմկալից: Կայազորի սակա-վաթիվ կոմունիստներից մեկը հուզված ասաց Ֆոմինին.

— Դու պետք է խոսես, ընկեր Ֆոմին: Տես, թե ինչ այիններ են թույլ տալիս քո հեծելավաշտի մարտիկները: Ֆոմինը աննկատելի ժպտաց բեղի տակին.

— Ես հո անպարտիական մարդ եմ, մի՞թե նրանք կլսեն ինձ:

Լուսթյուն պահպանելով, նա դեռ ժողովը վերջանալուց առաջ հեռացավ գումարտակի հրամանատար Կապարինի հետ: Վեշենսկու ճանապարհին նրանք սկսեցին խոսել ստեղծված դրության մասին և շատ շուտով ընդհանուր լե-զու գտան: Մի շաբաթից հետո Կապարինը Ֆոմինի բնակա-րանում դեմառդեմ ասաց նրան.

— Կամ մենք կապտամբենք այժմ, կամ երբեք չենք ապստամբի, լավ իմացիր, Յակով Եֆիմովիչ: Պետք է օգտվել մոմենտից: Հիմա մոմենտը շատ հարմար է: Կազակները մեզ կպաշտպանեն: Օկրուզում մեծ է քո հեղինակությունը: Բնակչության տրամադրությունը հիանալի է մեզ համար: Էլ ի՞նչ ես լռում, որոշիր:

— Այստեղ ի՞նչ կա որոշելու,— դանդաղ, ծոր տալով ու շեղակի նայելով ասաց Ֆոմինը,— այստեղ գործը որոշ-ված է: Միայն պետք է այնպիսի պլան մշակել, որ ամեն բան լավ գնա, որ խաթալի մեջ չընկնենք: Եկ հենց դրա մասին խոսենք:

Ֆոմինի ու Կապարինի կասկածելի բարեկամությունը աննկատելի շմնաց: Գումարտակի մի քանի կոմունիստ սկսե-ցին հետամուտ լինել նրանց, իրենց կասկածանքների մա-սին հաղորդեցին Դոնչեկայի քաղբյուրոյի պետ Արտեմևին և զինկոմ Շախաևին:

— Վախկոտ ազուվը թփից էլ կվախենա,— ծիծաղելով ասաց Արտեմևը.— Այդ Կապարինը վախկոտի մեկն է, մի՞-թե նա կհամարձակվի որևէ բան անել: Ֆոմինին կհետևենք, նա վազուց նշված է մեզ մոտ, միայն հազիվ թե Ֆոմին

էլ սիրտ անի ապստամբելու: Այդ բոլորը դատարկ բան է,— վճռականապես եզրակացրեց նա:

Բայց հետեւելը արդեն ուշ էր. դավադիրները համաձայնութեան էին եկել: Ապստամբութիւնը պետք է սկսվեր մարտի 12-ին, առավոտյան ժամը 8-ին: Պայմանավորվել էին, որ Ֆոմինն այդ օրը լիովին զինված հեծելավաշտը դուրս կբերի առավոտյան շրջագայութեան, հետո էլ հանկարծակի կգրոհի ստանիցայի ծայրամասում տեղավորված գնդացրային դասակի վրա, կգրավի գնդացիրները և դրանից հետո կօգնի պահակային վաշտին՝ օկրուգային հիմնարկութիւնների «զտում» կատարելու:

Կապարինը կասկածներ ուներ, որ գումարտակը իրեն կպաշտպանի ոչ լրիվ կազմով: Մի անգամ նա իր այդ ենթադրութիւնը հայտնեց Ֆոմինին: Վերջինս ուշադրութեամբ լսեց, ասավ.

— Միայն թե գրավենք գնդացիրները, իսկ դրանից հետո մենք միանգամից կխաղաղացնենք քո գումարտակը...

Ֆոմինի ու Կապարինի վրա սահմանված մանրակրկիտ հսկողութիւնը ոչինչ չտվեց: Նրանք հազվադեպ էին հանդիպում, այն էլ ծառայութեան գործերով, և միայն փետրվարի վերջին, մի գիշեր պարեկը փողոցում նրանց տեսավ միասին: Ֆոմինը թամբած ձին տանում էր սանձից բռնած, Կապարինը քայլում էր նրա կողքից: Կապարինը պարեկին պատասխանեց՝ «Մերոնցից ենք»: Նրանք մտան Կապարինի բնակարանը: Ֆոմինը ձին կայեց մուտքի սանդուղքի բազրիքին: Սենյակում լույս չվառեցին: Առավոտյան ժամը չորսին Ֆոմինը դուրս եկավ, նստեց ձին ու զնաց իր բնակարանը: Ահա այն ամենը, ինչ որ հաջողվեց պարզել:

Օկրուգի զինկոմ Շախաւը Դոնի մարզի զորահրամանատարի անունով տված ծածկագիրը հեռագրում հաղորդեց իր կասկածանքները Ֆոմինի ու Կապարինի վերաբերմամբ: Մի քանի օրից հետո ստացվեց զորահրամանատարի պատասխանը, որով առաջադրվում էր պաշտոններից հանել և ձերբակալել Ֆոմինին ու Կապարինին:

Պարտիայի օկրուգային կոմիտեի բյուրոյի խորհրդակցութիւնում որոշվեց օկրուգի զինկոմի հրամանով հայտնել Ֆոմինին, որ նա կանչվում է Նովոչերկասկ, զորքերի

հրամանատարի տրամադրութեան տակ, առաջարկել նրան հեծելավաշտի հրամանատարութիւնը հանձնել իր օգնական Օվչիննիկովին, նույն օրը հեծելավաշտը ուղարկել Կազանսկայա, այն պատրվակով, թե այնտեղ բանդա է հայտնաբերվել, ու դրանից հետո գիշերով ձերբակալել դավադիրներին: Որոշվել էր հեծելավաշտը ստանիցայից հեռացնել այն նկատառումով, որ նա, իմանալով Ֆոմինի ձերբակալման լուրը, կարող էր ապստամբել: Պահակային գումարտակի երկրորդ վաշտի կոմունիստ հրամանատար Տկաչենկոյին առաջարկվեց նախազգուշացնել գումարտակի կոմունիստներին և դասակների հրամանատարներին ապստամբութեան հնարավորութեան մասին և մարտական պատրաստութեան բերել ստանիցայում գտնված վաշտը և գնդացրային դասակը:

Հետեւյալ օրվա առավոտյան Ֆոմինը ստացավ հրամանը: — Էհ, ի՞նչ կա որ, ընդունիր հեծելավաշտը, Օվչիննիկով: Կգնամ Նովոչերկասկ,— հանգիստ ասաց նա:— Հաշվետվութիւնը նայելու ես:

Ոչ ոքի կողմից չնախազգուշացված, ոչինչ չկասկածող անպարտիական Օվչիննիկովը, դասակի հրամանատարը, խորասուզվեց թղթերի մեջ:

Ֆոմինը հարմար ըրպե գտնելով, Կապարինին գրեց հետեւյալ երկտողը. «Այսօր սկսում ենք: Ինձ հանում են պաշտոնից: Պատրաստվիր»: Հաշտում նա երկտողը տվեց իր հանձնատարին, շնչաց.

— Երկտողը դիր բերանիդ մեջ, թշիդ տակ: Քայլով, հասկացա՞ր, քայլով ձին քշիր գնա Կապարինի մոտ: Եթե ճանապարհին մեկն ու մեկը քեզ կանդնեցնի, երկտողը կուտուր: Կտաս նրան և իսկույն ետ կգաս:

Ստանալով Կազանսկայա ստանիցան գնալու հրամանը, Օվչիննիկովը եկեղեցու հրապարակում հեծելավաշտը շարք կանգնեցրեց մեկնելու համար: Ֆոմինը ձիով մոտեցավ Օվչիննիկովին.

— Թույլ տուր հրաժեշտ տալ հեծելավաշտին:

— Խնդրեմ, միայն թե կարճ, շուշացնեք մեզ:

Կանգ առնելով հեծելավաշտի առաջ, զսպելով ցատկոտող ձիուն, Ֆոմինը դիմեց մարտիկներին:

— Դուք ինձ ճանաչում եք, ընկերներ: Գիտեք, թե ես միշտ էլ ինչի համար եմ պայքարել: Ես միշտ էլ եղել եմ ձեզ հետ: Բայց հիմի ես չեմ կարող հաշտվել, երբ թալանում են կազակությանը, թալանում են առհասարակ հողագործներին: Հենց դրա համար էլ ինձ հանեցին պաշտոնից: Իսկ թե ինչպես պիտի վարվեն ինձ հետ, ես այդ գիտեմ: Դրա համար էլ ուզում եմ ձեզ մնաս բարով ասել...

Հեծելավազատում բարձրացած աղմուկը և ճշոցները մի վայրկյան ընդհատեցին Ֆոմինի ճառը: Նա կանգնեց ասպանդակների վրա, խիստ բարձրացրեց ձայնը.

— Եթե ուզում եք ազատվել թալանից, այստեղից վաղնդեցեք պարենավորման ջոկատները, խփեցեք պարենավորման կոմիսարներ Մուրզովներին և կոմիսարներ Շախակներին: Նրանք մեզ մոտ, Դոն են եկել...

Աղմուկը ծածկեց Ֆոմինի վերջին խոսքերը: Հարմար պահ գտնելով, նա հնչեղ ձայնով հրաման տվեց.

— Աջից երեքական, դեպի աջ, քայլով մա՛րջ:

Հեծելավազատը հնազանդությունը կատարեց հրամանը: Օվչիննիկովը այդ բոլորից շշմած, ձին քշեց — մոտեցավ Ֆոմինին,

— Ո՛ւր, ընկեր Ֆոմին:

Ֆոմինը առանց գլուխը շուռ տալու, հեզմանքով պատասխանեց.

— Պտույտ կանենք եկեղեցու շուրջը...

Եվ միայն այդ ժամանակ Օվչիննիկովի գիտակցությունը հասավ այն ամենը, ինչ որ կատարվել էր այդ մի քանի րոպեում: Նա անջատվեց շարասյունից. քաղղեկը, կոմիսարի օգնականը և ընդամենը մի կարմիրբանակային հետեցին նրան: Ֆոմինը նկատեց նրանց բացակայությունը, երբ նրանք երկու հարյուր քայլ հեռացել էին: Շուռ տալով ձին, նա բղավեց.

— Օվչիննիկով, կա՛նգ առ...

Չորս ձիավորները թեթև վարգից անցան քառատրոփի: Կիսահաված ձյան կտորները նրանց ձիերի ոտների տակից թռան բոլոր կողմերը: Ֆոմինը հրաման տվեց.

— Հրացանները մարտի, բռնե՛լ Օվչիննիկովին... Առաջին դասակ, ընկնե՛լ նրանց ետևից...

Անկանոն ճայթեցին կրակոցները: Առաջին դասակից տասնվեց մարդ սլացան շորս ձիավորների ետևից: Այդ ժամանակ Ֆոմինը մնացածներին բաժանեց երկու մասի, մեկը երրորդ դասակի հրամանատարի գլխավորությամբ ուղարկեց գնդացրային դասակը զինաթափելու, մյուսն էլ ինքը տարավ պահակային վաշտի վրա, որ տեղավորված էր ստանիցայի հյուսիսային ծայրամասում, ստանիցայի հովտակների նախկին ախոռներում:

Առաջին խումբը կրակելով օդի մեջ ու թափահարելով մերկացրած թրերը, սլացավ գլխավոր փողոցով: Թրատելով ճանապարհին հանդիպած շորս կոմունիստ, խոռվարարները ստանիցայի ծայրում հապճեպորեն շարվեցին և լուռ, առանց բղավելու գրոհեցին գնդացրային դասակի կարմիրբանակայինների վրա, որոնք տանից դուրս էին վազում:

Այն տունը, որտեղ տեղավորված էր գնդացրային դասակը, ստանիցայից դուրս էր գտնվում: Այնտեղից մինչև ստանիցայի ծայրի տները հարյուր սաժենից ավելի չէր լինի: Դեմառդեմ հանդիպելով գնդացրային կրակին, խոռվարարները իսկույն ետ փախան: Նրանցից երեքը դեռ ամենամոտ փողոցը չհասած, գնդակներով խոցվեցին և ընկան ձիերից: Չհաջողվեց հանկարծակիի բերել գնդացրորդներին: Խոռվարարները շուգեցին երկրորդ անգամ հարձակվել: Երրորդ դասակի հրամանատար Չումակովը իր խումբը տարավ թաքստոց. առանց ձիուց իջնելու, զգուշությամբ նայեց մի քարաշեն մարագի անկյունից, ասաց.

— Հը՛մ, էլի երկու մաքսիմ դուրս բերին:— Հետո փափախով սրբեց քրտնած ճակատը ու դարձավ դեպի մարտիկները.— ետ գնանք, տղերք... Թող Ֆոմինը ինքը հաղթի գնդացրորդներին: Մեզանից քանի՞ հոգի ընկան ձյան վրա. երե՛քը: Դե, թող նա ինքը փորձի:

Հենց որ ստանիցայի արևելյան ծայրամասում սկսվեց հրաձգությունը, վաշտի հրամանատար Տկաչենկոն դուրս թռավ բնակարանից ու, քայլելիս հագնելով շինելը, վազեց զորանոց: Մի երեսուն հոգի կարմիրբանակայիններ արդեն կանգնել էին զորանոցի մոտ, տողան կազմել: Վաշտի հրամանատարին հանդիպեցին տարակուսանք արտահայտող հարցերով.

— Ովքե՞ր են կրակում:

— Ինչո՞ւմն է բանը:

Չպատասխանելով, նա զորանոցից դուրս վազող կարմիրբանակայիններին միացնում էր տողանին: Մի քանի կոմունիստ, — օկրուգային հիմնարկությունների աշխատողներ, — նրա հետ համարյա միաժամանակ վազեցին զորանոց և շարք կանգնեցին: Ստանիցայում ճայթում էին հրացանային անկանոն կրակոցները: Արևմտյան ծայրամասում մի տեղ որոտալից պայթեց մի ձեռնանոնակ: Տեսնելով հիսունի շափ ձիավորներ, որոնք մերկացրած թրերով սլանում էին զորանոցի ուղղությամբ, Տկաչենկոն առանց շտապելու պատյանից հանեց նագանը: Նա դեռ հրաման չէր տվել, երբ տողանում միանգամից դադարեցին խոսակցությունները, և կարմիրբանակայինները պատրաստվեցին հրացաններից կրակելու:

— Մերոնք են փախչում, տեսե՛ք, հրե՛ն մեր գումարտակի հրամանատար ընկեր Կապարինը, — բղավեց մի կարմիրբանակային:

Ձիավորները փողոցից դուրս թռչելով, միահամուռ, ասես հրամանի համաձայն կոթնեցին ձիերի վզերին և սլացան դեպի զորանոցը:

— Մոտ չթողնե՛լ, — կտրուկ հրամայեց Տկաչենկոն:

Այդ իսկ վայրկյանին ճայթեց համադարկը: Կարմիրբանակայինների խիտ տողանից հարյուր քայլ հեռավորությամբ շորս ձիավոր ընկան ձիերից, մնացածները խառնիճաղանջ, ցրիվ գալով, ետ փախան: Նրանց ետևից տրաքվում, ճայթում էին կրակոցները: Ձիավորներից մեկը, ըստ երևույթին թեթև վերավորված, պոկվեց թամբից, բայց սանձը ձեռքից բաց չթողեց: Նա մի տասը սածեն քար չեկավ սրարշավ վազող ձիու ետևից, հետո էլ ոտքի ելավ, բռնեց ասպանդակից, թամբի ետին դաշից, ու ինչ-որ աննկատելի մի ակնթարթում թռավ ձիու վրա: Զայրագին քաշելով սանձը, նա ամբողջ թափով սլանալիս կտրուկ շուռ եկավ, չքացավ ամենամոտ փողոցում:

Առաջին դասակի հեծելակները Օվչիննիկովի ապարդյուն հետապնդումից հետո վերադարձան ստանիցա: Կոմիսար Շախաևին փնտրելը ոչ մի արդյունք չտվեց: Նա չկար ոչ դատարկված զինկոմիսարիատում, ոչ էլ իր բնակարանում:

Լսելով հրաձգությունը, նա նետվել էր դեպի Գոն, սառուցյի վրայով վազելավազ անցել անտառ, այնտեղից էլ՝ Բազկի խուտորը, ու մյուս օրը արդեն գտնվում էր Վեշենակուց հիսուն վերստ հեռու, Ուստ-Նոպերսկայա ստանիցայում:

Ղեկավար աշխատողների մեծամասնությունը իր ժամանակին կարողացել էր թաքնվել: Նրանց որոնելը անվտանգ չէր, որովհետև գնդացրային դասակի կարմիրբանակայինները ձեռնազնդացիրներով մոտեցել էին ստանիցայի կենտրոնին և զնդակոծման տակ էին պահում զլխավոր հրապարակին կից բոլոր փողոցները:

Հեծելակները դադարեցին որոնումները, իջան Գոնի ափը և քառատրոփով հասան եկեղեցու հրապարակը, որտեղից սկսել էին Օվչիննիկովի հետապնդումը: Բոլոր ֆոմինականները շուտով այնտեղ հավաքվեցին, նրանք նորից շարք մտան, Ֆոմինը հրամայեց պահպանական հսկողություն կարգել, մնացած մարտիկները պետք է տեղավորվեին բնակարաններում, բայց չհանեին ձիերի թամբերը:

Ֆոմինը և Կապարինը, ինչպես նաև դասակների հրամանատարները, առանձնացան ծայրամասի տնակներից մեկում:

— Ամեն ինչ տանուլ է տրված, — հուսահատությամբ բացականչեց Կապարինը ուժասպառ ընկնելով նստարանին:

— Այո, ստանիցան չվերցրինք, ուրեմն չենք կարող այստեղ մնալ, — ցածրաձայն ասաց Ֆոմինը:

— Հարկավոր է անցնել օկրուգ, Յակով Եֆիմովիչ: Հիմի էլ ինչի՞ց պիտի վախենանք: Մեկ է, մի օր մեռնելու ենք: Ոտքի կհանենք կազակներին, այն ժամանակ ստանիցան էլ մերը կլինի, — առաջարկեց Չումարկովը:

Ֆոմինը լուռ նայեց նրան, դարձավ դեպի Կապարինը:

— Թթվե՞լ ես, ձերդ բարեծննդություն: Սրբիլ փսիկքդ: Թե որ բեռ ես շալակել, ուրեմն պետք է տանես: Միասին սկսեցինք, եկ միասին էլ քաշենք... Ինչ ես ասում, հեռանա՞նք ստանիցայից, թե՞ մի անգամ էլ փորձենք:

Չումարկովը կտրուկ ասաց.

— Թող ուրիշները փորձեն: Ես ճակատ առ ճակատ չեմ հարձակվի զնդացիների վրա, Դատարկ ղրաղմունք է դա:

— Ես քեզ չեմ հարցնում, ձեռք կտրի՞, — Ֆոմինը նայեց Չումարկովին, և սա խոնարհեց աչքերը:



Կապարինը մի փոքր լռելուց հետո ասաց.

— Այո, իհարկե, հիմա արդեն անիմաստ է երկրորդ անգամ սկսել: Նրանք ավելի լավ են զինված: Նրանք ունեն տասնչորս գնդացի, իսկ մենք ոչ մի հատ: Մարդիկ էլ ավելի շատ են նրանց մոտ... Պետք է հեռանալ և կազակներին կազմակերպել ապստամբության համար: Մինչև սրանց օժանդակ զորք ուղարկեն, ամբողջ օկրուգը ապստամբած կլինի: Մեր հույսը միայն դրա վրա է: Միայն դրա վրա է:

Երկար լռելուց հետո Ֆոմինն ասաց.

— Ի՞նչ արած, այդպես էլ պետք է որոշել: Դասակապետներ, հենց հիմի ստուգեցեք հանդերձանքը, հաշվեցեք, թե ամեն մեկի մոտ քանի փամփուշտ կա: Խստորեն հրամայում եմ՝ ոչ մի փամփուշտ իզուր չվատնել: Հենց առաջին մարդուն, ով չհնազանդվի, տեղնուտեղը ինքս կթրատեմ: Այդպես էլ ասացեք մարտիկներին:— Նա մի փոքր լռեց և ասագին բռունցքով շարացած խփեց սեղանին:— Թյո՛ւ, այդ գնդացիները. դրանց տիրոջ..... Դո՛ւ ես մեղավոր, Չումակով: Գոնե մի շորս հատ խլեինք: Հիմի նրանք, իհարկե, մեզ կբռնեն ստանիցայից: է՛հ, ցրվեցինք: Կգիշերենք ստանիցայում, եթե դուրս չբռնեն, իսկ առավոտ ծեղին ճամփա կընկենք, կանցնենք օկրուգով...

Գիշերը հանգիստ անցավ: Վեշենսկու մի ծայրում գտնվում էին ապստամբած հեծելավաշտի մարդիկ, մյուս ծայրում— պահակային վաշտը և դրան միացած կոմունիստներն ու կոմերիտականները: Հակառակորդները ընդամենը միայն երկու թաղով էին միմյանցից հեռու, բայց ոչ մի կողմն էլ չէր խիզախում անցնել գիշերային հարձակման:

Խոտվարար հեծելավաշտը առավոտյան հեռացավ ստանիցայից ու գնաց հարավ-արևելյան ուղղությամբ:

## XI

Տնից հեռանալուց հետո առաջին երեք շաբաթում Գրիգորին ապրում էր Ելանսկայա ստանիցայի Վերխնե-Կրիվսկոյ խուտորում, իր հետ իր գնդում ծառայած ծանոթ կազակի մոտ: Հետո գնաց Գորբատովսկի խուտորը, այնտեղ ավելի

քան մի ամիս ապրեց Ակսինյայի մի հեռավոր ազգականի մոտ:

Նա ամբողջ օրերով պառկում էր օթախում, միայն գիշերներն էր դուրս գալիս: Այդ ամենը բանտի էր նման: Գրիգորին մաշվում էր ձանձրույթից, ճնշող անգործությունից: Նա իր տան, երեխաների ու Ակսինյայի անգուսպ կարոտն էր քաշում, Անքուն գիշերներին հաճախ հագնում էր շինելը, հաստատապես որոշում գնալ Տատարսկի, ու ամեն անգամ թողնելով այդ միտքը, հանվում էր, հառաչում ու երեսի վրա ընկնում մահճակալին: Ի վերջո այդ կյանքը անտանելի դարձավ: Տանտերը, որ Ակսինյայի հոր թե մոր քեռու տղան էր, համակրում էր Գրիգորիին, բայց նա էլ չէր կարող իր մոտ անվերջ պահել այդպիսի կենվորին: Մի անգամ Գրիգորին, ընթրիքից հետո անցնելով իր սենյակը, խոսակցություն լսեց: Տանտիրուհին բարակ, ատելությամբ հնշող ձայնով հարցրեց.

— Ե՞րբ պիտի վերջանա այդ բանը:

— Ի՞նչը, ինչի՞ մասին ես խոսում,— իր հերթին հարցրեց տանտերը:

— Ե՞րբ պետք է դու այդ պարապ հացակերին ռադ անես, հը՞:

— Լո՛ի՛ր:

— Չեմ լռի: Մեզ շատ քիչ հաց է մնացել, իսկ դու պահում ես դրան, այդ կուզիկ սատանին, կերակրում ես ամեն օր: Մինչև ե՞րբ պետք է այդ լինի, հը՞, հարցնում եմ քեզ: Բա որ Սովետը իմանա՞: Ախր մեր գլխները կթոցնեն, կորբացնեն երեխեքիս:

— Լո՛ի՛ր, Ավդոտյա:

— Չե՛մ լռի: Ախր երեխաներ ունենք: Քսան փթից ավելի հաց չի մնացել, իսկ դու պահում ես այդ ձրիակերին: Նա քո ի՞նչն է, հը՞, հարազատ աղբե՞րդ է, խնամի՞դ է, քավոր՞դ է: Մոտիկ ազգականդ էլ չի: Նա քեզ համար թոռնակից ջրով եփած ազգակից կիսել է, իսկ դու նրան պահում ես, ուտեցնում, խմեցնում: Ի-ի-ի՛՛հ, գրողի տարած քաշալ, լո՛ի՛ր, մի հաշա, թե չէ էգուց ինքս կերթամ Սովետ ու կհայտնեմ, թե քո տանը ինչ ծաղիկ է բուսել:

Մյուս օրը տանտերը մտավ Գրիգորիի սենյակը ու, նա-  
ջելով հատակի տախտակներին, ասաց.

— Գրիգորի Պանտելիչ, ոնց ուզում ես դատի, ամա  
էլ չպիտի ապրես մեզ մոտ... Ես քեզ հարգում եմ, քո լու-  
սահոգի ծնողին էլ ճանաչում էի ու հարգում, բայց հիմի ինձ  
համար ծանր է քեզ պահել... Բացի գրանից, վախենում եմ,  
որ իշխանությունը իմանա քո մասին: Գնա, ուր ուզում ես:  
Ես ընտանիքով եմ: Չեմ ուզում քո պատճառով խաթախի մեջ  
ընկնել: Ներիր, ի սեր Քրիստոսի, բայց մեզ ազատիր...

— Կա՛մ, — կարճ ասաց Գրիգորին, — շնորհակալ եմ  
առ ու հացիդ, ապաստան տալուդ համար: Ամեն բանից  
շնորհակալ եմ: Ես ինքս եմ տեսնում, որ նեղություն եմ տա-  
լի քեզ, բայց ո՛ւր գնամ. բոլոր ճանապարհները փակ են  
ինձ համար:

— Ուր կուզես գնա:

— Կավ: Այսօր կերթամ: Շնորհակալ եմ ամեն բանից,  
Արտամոն Վասիլիչ:

— Չարժե, մի՛ ասա:

— Ես քո բարությունը չեմ մոռանա: Կարելի է, թե ես  
էլ մի օր, մի բանի համար պետք գամ քեզ:

Շուրջված տանտերը ձեռքը թփթփացրեց Գրիգորիի  
ուսին:

— Ի՞նչ ասել կուզի: Ինձ համար մեկ է, թեկուզ դու  
երկու ամիս էլ ապրիիր իմ տանը, ամա կնիկս չի թողնում,  
անիծվածը ամեն օր հայհոյում է ինձ: Ես էլ եմ կազակ, դու  
էլ, Գրիգորի Պանտելիչ. մենք երկուսս էլ դեմ ենք սովե-  
տական իշխանության, ու ես քեզ կօգնեմ, այսօր գնա Յա-  
գոդնի խուտորը, այնտեղ խնամիս է ապրում, նա քեզ կըն-  
դունի: Իմ կողմից նրան ասա՝ Արտամոնը պատվիրում է  
ընդունել քեզ ինչպես հարազատ որդուն, կերակրել ու պահել  
ինչքան որ ուժ ունենա: Հետո մենք նրա հետ հաշիվ կտես-  
նենք: Միայն թե հենց այսօր դու գնա իմ տանից: Ես էլ չեմ  
կարող քեզ պահել, կնիկս է պահանջում, ես էլ վախենում  
եմ, որ Սովետը կիմանա... Ինչքան որ ապրեցիր, հերիք է,  
Գրիգորի Պանտելիչ: Գլուխս թանկ է ինձ համար...

Գրիգորին ուշ գիշերով դուրս եկավ խուտորից և դեռ չէր

հասել բլրակի վրա գտնվող հողմաղացին, երբ երեք ձիա-  
վոր, ասես գետնի տակից դուրս գալով, կանգնեցրին նրան.

— Կա՛ց, շան որդի, ո՞վ ես դու:

Գրիգորիի սիրտը դողաց: Նա լուռ կանգ առավ: Փախ-  
չելը անմտություն կլիներ: Ճանապարհի մոտ ոչ ձորակ կար,  
ոչ թուփ. դատարկ, մերկ տափաստան էր: Նա երկու քայլ  
էլ չէր կարող հեռանալ:

— Կոմունի՞ստ ես, ետ գնա, քո մերը. դե, շուտ:

Երկրորդը ձին քշելով Գրիգորիի վրա, հրամայեց.

— Ձեռքերդ հանիր գրպաններիցդ, թե չէ գլուխդ կկտրեմ:  
Գրիգորին շինելի գրպաններից լուռ հանեց ձեռքերը ու,  
դեռ այնքան էլ չգիտակցելով, թե ինչ կատարվեց իր հետ և  
ինչ մարդիկ են իրեն կանգնեցրել, հարցրեց.

— Ո՞ւր գնամ:

— Խուտոր: Ե՛տ դառ:

Մինչև խուտոր նրան մի ձիավոր էր ուղեկցում, մնացած  
երկուսը արոտավայրում անջատվեցին, սլացան դեպի ճա-  
նապարհը: Գրիգորին քայլում էր անխոս: Դուրս գալով ճա-  
նապարհը, նա դանդաղեցրեց քայլերը, հարցրեց.

— Լսի, ա՛յ մարդ, դուք ովքե՞ր եք:

— Գնա, գնա, մի՛ խոսի, ձեռքերդ դիր մեջքիդ, լսո՞ւմ ես:

Գրիգորին լուռումունջ հնազանդվեց: Մի քիչ հետո  
կրկին հարցրեց.

— Բայց ախր ովքե՞ր եք դուք, է՞:

— Ուղղափառներ ենք:

— Ես է՛լ հնադավան չեմ:

— Է՛հ, ուրախացիր:

— Դու ինձ ո՞ւր ես տանում:

— Հրամանատարի մոտ: Գնա՛, իժ, թե չէ ես քեզ...

Ուղեկցուրդը թրի սայրով թեթև բռնեց Գրիգորիին: Թրի  
սառը, լավ սրված, պողպատե ծայրը դիպավ Գրիգորիի մերկ  
պարանոցին, հենց շինելի օձիքի և փափախի արանքին, ու  
նրա մեջ կայծի նման մի ակնթարթում բռնկվեց վախի զգա-  
ցումը, որ փոխարինվեց անզոր բարկություն: Բարձրացնե-  
լով օձիքը ու շեղակի նայելով ուղեկցուրդին, նա քրթմնջաց.

— Ախմախություն մի անի, է՛յ, թե չէ մեկ էլ տեսար  
ձեռիցդ խլեցի այդ դատը...

— Գնա, շան որդի, մի խոսի: Ես քեզ խլել ցույց կտամ: Ձեռքերդ ետ տար:

Գրիգորին մի երկու քայլ արեց առանց խոսելու, ասաց.

— Դե ես լուռ եմ, էլի: Սրա՛ն մտիկ, քոսոտի մեկը...

— Դես-դեմ մի՛ նայի:

— Ձեմ նայում:

— Սակի, արագ գնա:

— Գուցե վազեմ, հը՞,— հարցրեց Գրիգորին՝ սրբելով թարթիչներին կաշող ձյան փաթիլները:

Ուղեկցուրդը լուռ քշեց ձին: Ձին քրտնքից և գիշերային խոնավությունից թրջված կրծքով հրեց Գրիգորիի մեջքը, ոտների մոտ ձիու սմբակը ճլմփոցով ճզմեց կիսահալված ձյունը:

— Կամա՛ց, է՛յ,— բացականչեց Գրիգորին՝ ձեռքը դեմ անելով ձիու բաշին:

Ուղեկցուրդը թուրք բարձրացրեց գլխի բարձրության շափ, ցածր ձայնով ասաց.

— Գնա, շան ծնունդ, ու մի խոսա թե չէ ես քեզ տեղ չեմ հասցնի: Ձեռքս թեթև է դրա համար: Սակի, էլ ոչ մի խոսք:

Մինչև խուտոր հասնելը նրանք լուռ էին: Առաջին իսկ տան մոտ ձիավորը քաշեց ձիու սանձը, ասաց.

— Մտիր այս դարպասից:

Գրիգորին ներս մտավ լայն բացված դարպասից: Բակի խորքում երևում էր ընդարձակ, երկաթե կտուրով տունը: Մարագի շարդախի տակ ձիեր էին փնչում ու հնչեղ ծամում կերր: Մուտքի սանդուղքի մոտ վեց զինված մարդիկ էին կանգնել: Ուղեկցուրդը թուրք դրեց պատյանի մեջ ու, իջնելով ձիուց, ասաց.

— Գնա տունը, ներս մտիր ձախ կողմի առաջին դռնից: Գնա, դես-դեմ մի նայի, քանի՞ անգամ պիտի ասեմ քեզ, ես քո բերանը, կարկա՛ջը, փայծա՛ղը:

Գրիգորին դանդաղ բարձրանում էր մուտքի սանդուղքով: Բազրիքի մոտ կանգնած մի մարդ, որ բուդյոնիական փափախով և հեծելազորային երկար շինելով էր, հարցրեց.

— Բռնե՞լ եք, հա՞:

— Բռնել ենք— դժկամ պատասխանեց Գրիգորիի ուղեկցուրդի խուպված ձայնը,— բռնել ենք քամու աղացի մոտ:

— Բջիջի քարտուղա՞րն է, թե՞ ով:

— Ես ի՞նչ գիտեմ: Ինչ-որ մի սրիկա է, իսկ թե ով է, հիմի կիմանանք:

«Սա կամ բանդա է, կամ վեշենակու շեկիտներն են խորամանկություն անում, այդպես ձևացնում: Բռնվեցի, բռնվեցի հիմարի պես»,— մտածում էր Գրիգորին՝ դիտամբ հապաղելով հաշտում, փորձելով կենտրոնացնել միտքը:

Առաջին մարդը, որին նա տեսավ դուռը բաց անելուց հետո, դա Ֆոմինն էր: Նա նստած էր սեղանի մոտ, զինվորական հագուստով և Գրիգորիին անծանոթ շատ մարդկանցով շրջապատված: Մահճակալի վրա կուտակված էին շինեչներն ու կիսամուշտակները, նստարանի մոտ իրար կողքի դրված էին հրացանները. նույն նստարանի վրա խոռոխի-խուռն կուտակված էին թրերը, փամփշտակալները, փամփրջտանոցները ու թամբերի տոպրակները: Մարդկանցից, շինեչներից ու հանդերձանքից ձիու քրտնքի հոտ էր գալիս: Գրիգորին հանեց փափախը, ցածրաձայն ասաց.

— Բարև ձեզ:

— Օ-օ՛, Մեկխով: Իսկապես որ տափաստանը լայն է, իսկ ճանապարհը նեղ: Նորից հանդիպեցինք, էլի՛: Այդ ո՞ր տեղից բուսար, հը՞, Հանվիր, նստիր:— Ֆոմինը վեր կացավ սեղանից, մոտեցավ Գրիգորիին մեկնելով ձեռքը.— դու այստեղ ի՞նչ էիր անում:

— Գործով էի եկել:

— Ի՞նչ գործով: Շատ հեռու տեղ ես եկել...— Ֆոմինը հետաքրքրվամբ նայում էր Գրիգորիին:— Ճիշտ ասա, փախել ու թաքնվե՞լ ես այստեղ, թե ինչ:

— Դա բոլորովին ճիշտ է,— դժկամ ժպտալով՝ պատասխանեց Գրիգորին:

— Իմ տղերքը ո՞րտեղ ճանկեցին քեզ:

— Խուտորի մոտ:

— Ո՞ւր էիր գնում:

— Ես էլ չգիտեի...

Ֆոմինը մի անգամ էլ ուշադրությամբ նայեց Գրիգորիի աչքերին և ժպտաց:

— Ոնց որ տեսնում եմ, դու կարծում ես, թե մենք քեզ բռնել ենք և վեշկի ենք տանելու, հա՞: Ոչ, աղբրս, այնտեղի ճանապարհը փակ է մեզ համար... Զվախենա՛ս:

Մենք այլևս չենք ծառայում սովետական իշխանության: Զհաշտվեցինք նրա հետ...

— Ապահարզան տվինք,— հաստ ձայնով ասաց տարեց մի կազակ, որ ծխում էր վառարանի մոտ:

Սեղանի շուրջը նստածներից մեկը փառ-փառ ծիծաղեց:

— Դու իմ մասին ոչինչ չէիր լսել,— հարցրեց Ֆոմինը:

— Ոչ:

— Դեհ, նստիր սեղանի մոտ, խոսենք: Շշի և միս բերել մեր հյուրին:

Գրիգորին Ֆոմինի ոչ մի խոսքին չէր հավատում: Սփրթնած ու զուսպ նա հանեց շինելը, նստեց սեղանի մոտ: Նա ուզում էր ծխել, բայց հիշեց, որ արդեն երկրորդ օրն էր՝ ծխախոտ չունենք:

— Մխելու բան չկա՞,— դիմեց նա Ֆոմինին:

Վերջինս պատրաստակամությամբ իր կաշվե պորտսի-գարը մեկնեց նրան: Նրա ուշադրությունից չվրիպեց այն, որ Գրիգորիի մատները գլանակ վերցնելիս մի քիչ դողացին, ու Ֆոմինը նորից ժպտաց իր շիկակարմրավուն, թեթեկ բեղերի տակին:

— Մենք ապստամբել ենք սովետական իշխանության դեմ, Մենք ժողովրդի կողմն ենք ու դեմ ենք պարենային մասնատրման և կոմիսարներին: Նրանք երկար ժամանակ նեղել են մեզ, հիմա էլ մենք ենք նրանց նեղելու: Հասկանալի՞ է, Մխելու:

Գրիգորին լուռ ա վառեց գլանակը. մի քանի անգամ իրար հետևից ներս քաշեց ծուխը: Գլուխը մի փոքր պտտվեց և սրտախառնուրդը դեմ առավ կոկորդին: Վերջին ամսում նա վատ էր սնվում և միայն այժմ զգաց, թե որչափ թուլացել է այդ ժամանակվա ընթացքում: Հանգցնելով գլանակը, սկսեց ագահությամբ ուտել: Ֆոմինը կարճ պատմեց ապստամբության մասին, օկրուգում թափառելու առաջին օրերի մասին, նա ճոռոմաբար «արշավանք» էր անվանում իր թափառումները: Գրիգորին լուռ լսում էր և գրեթե առանց ծամելու կուլ էր տալիս հացը ու ոչխարի յուղոտ, լավ չեփած միսը:

— Սակայն դու լղարել ես հյուր եղածդ ժամանակ,— բարեսրտությամբ քմծիծաղ տալով ասաց Ֆոմինը:

Կուշտ ուտելուց զկոտալով, Գրիգորին փնթփնթաց.

— Հո զոքանչիս մոտ չէի ապրում:

— Երևում է, էլի: Շատ կեր, կշտացիր, ինքան որ կարող ես: Մենք ժլատ տանտերեր չենք:

— Ենորհակալ եմ: Ա՛յ, հիմի կծխեի, հա՛-ա... — Գրիգորին վերցրեց իրեն առաջարկած գլանակը, մոտեցավ նրստարանի վրա դրված շուգունին ու բանալով փայտե, կլոր խուփը, ջուր վերցրեց: Զուրը սառն էր ու մի քիչ աղի համ ունենր: Ուտելուց արբեցած Գրիգորին ագահությամբ երկու բաժակ ջուր խմեց, դրանից հետո սկսեց հաճույքով ծխել:

— Կազակները մեզ այնքան էլ սիրով չեն ընդունում,— շարունակեց պատմել Ֆոմինը՝ նստելով Գրիգորիի մոտ:— Ախր անցյալ տարի, ապստամբության ժամանակ թունդ խփեցին նրանց... Սակայն կամավորներ կան: Մի քառասուն մարդ է մտել մեր խումբը: Բայց այդ չէ, որ հարկավոր է մեզ: Մեզ հարկավոր է ոտքի հանել ամբողջ օկրուգը, հարկավոր է, որ հարևան խոպերի և Ուստ-Մեդվեդիցկու օկրուգներն էլ օգնության հասնեն: Այն ժամանակ մենք սրտանց կխոսենք սովետական իշխանության հետ:

Սեղանի շուրջը բարձրաձայն խոսակցություն էր տեղի ունենում, Գրիգորին լսում էր Ֆոմինին՝ տակևանց նայելով նրա սխրակիցներին: Ո՛չ մի ծանոթ դեմք: Նա դեռևս չէր հավատում Ֆոմինին, կարծում էր, թե վերջինս խորամանկում է, և զգուշության համար լուռ էր: Բայց շարունակ լռել նույնպես չէր կարելի:

— Եթե դու, ընկեր Ֆոմին, այդ բանը լուրջ ես ասում, ապա դուք ի՞նչ եք ուզում, նոր պատերա՞զմ սկսել,— հարցրեց նա՝ ջանալով վանել իրեն պաշարող քնկոտությունը:

— Ես դրա մասին արդեն ասի քեզ:

— Փոխե՞լ իշխանությունը:

— Այո:

— Իսկ ի՞նչ իշխանություն հաստատել:

— Մեր կազակական իշխանությունը:

— Ատամաններին:

— Դե, ատամանների մասին խոսելու համար մի քիչ կսպասենք: Ժողովուրդը ինչ իշխանություն ընտրի, այն էլ կհաստատենք: Բայց այդ գործը շուտ չի լինի, ես գլուխ էլ

շունեմ քաղաքականութեան հետ: Ես զինվորական մարդ եմ, իմ գործն է ոչնչացնել կոմիսարներին ու կոմունիստներին, իսկ իշխանութեան մասին քեզ կպատմի Կասպարինը, իմ շտաբի պետը: Նա դրանից լավ է գլուխ հանում: Ես ետք մարդ է, գրագետ է:— Ֆոմինը թեքվեց դեպի Գրիգորին. շնչաց.— ցարախան բանակի նախկին շտաբ-կապիտան է: Բանիմաց մարդ է: Հիմի նա քնած է օթախում, մի քիչ հիվանդացել է, երևի սովոր չլինելուց.— երկար ճամփա ենք անցնում:

Հաշտից լավեց աղմուկ, ոտների դոփշուն, տնքոց, զուսպ իրարանցում և խուլ բղավոց՝ «տո՛ւր դրա մոռթխն»: Սեղանի շուրջը միանգամից դադարեցին խոսակցությունները: Ֆոմինը լարված ուշադրությամբ նայեց դուռն: Մեկը ուժգին բաց արեց դուռը: Սպիտակ քուլա-քուլա գոլորշին ցածից լցվեց սենյակը: Բարձրահասակ մի մարդ, որ առանց գլխարկի էր, մզակած, պաշտպանական գույնի տաք կուրտկայով ու սպիտակ թաղլակներով,— մեջքից ստացած զրխկուն հարվածից դեպի առաջ թեքվելով՝ մի քանի արագ, սայթաքող քայլ արեց և ուսը խփեց վառարանի սուր անկյունին: Նախքան դուռը ծածկելը հաշտից մեկը ուրախ բղավեց.

— Վերցրեք էլի մեկին:

Ֆոմինը վեր կացավ, շտկեց վերնաշապկի վրայից կապած գոտին:

— Ո՞վ ես դու,— ազդու տոնով հարցրեց նա:

Տաք կուրտկայով մարդը, շնչասուպա լինելով, ձեռքը տարավ մագերին, փորձեց շարժել թիակները և ցավից կրնճոտեց դեմքը: Ինչ-որ ծանր առարկայով, ըստ երևույթին հրացանի կոթով խփել էին նրա ողնաշարին:

— Ի՞նչ ես լուռ, լեզուդ լալկվե՞լ է, հը՞: Հարցնում եմ՝ ո՞վ ես:

— Կարմիրբանակային եմ:

— Ո՞ր զորամասից ես:

— Պարենավորման տասներկուերորդ գնդից:

— Հը՞ր՛մ, այդ մեզ համար գլուտ է,— ժպտալով ասաց սեղանի շուրջը նստածներից մեկը:

Ֆոմինը շարունակեց հարցաքննությունը:

— Այստեղ ի՞նչ էիր անում:

— Փակացային ջոկատը... մեզ ուղարկել էին...

— Հասկանալի է: Քանի՞ հոգի էիր այստեղ, խուտորում:

— Տասնչորս հոգի:

— Ո՞րտեղ են մյուսները:

Կարմիրբանակայինը մի փոքր լուց և ճիգ անելով բացեց շրթունքները: Նրա կոկորդում ինչ-որ բան խլթխլթաց, արյան բարակ մի շիթ բերանի ձախ անկյունից հոսեց կզակի վրա: Նա ձեռքով սրբեց շրթունքները, նայեց ձեռքին և դա քսմսեց շալվարին:

— Այդ սրիկաները... ձերոնք...— արյունը կուլ տալով, կլկլող ձայնով ասաց նա,— պատռեցին թոքերս...

— Մի՛ վախենա, կբուժենք,— հեգնանքով ասաց ցածրահասակ մի կազակ ու, վեր կենալով սեղանից, աչքով արեց մյուսներին:

— Ո՞րտեղ են մյուսները,— նորից հարցրեց Ֆոմինը:

— Գումակի հետ գնացին Ելանսկայա:

— Դո՞ւ որտեղացի ես, ո՞ր երկրից:

Կարմիրբանակայինը տեղորոն փայլող, կապույտ աչքերով նայեց Ֆոմինին, բերանից արյան լերդ թափեց ոտների տակ և արդեն մաքուր ու թավ ձայնով պատասխանեց.

— Պսկովի նահանգից եմ:

— Պսկովի, Մոսկովի... լսել ենք այդպիսի մարդկանց մասին...— ծաղրանքով ասաց Ֆոմինը:— Շատ հեռու տեղից ես եկել ուրիշի հացը տանելու, ա՛յ տղա... է՛հ, խոսակցությունը վերջացած է: Ո՞նց վարվենք քեզ հետ, հը՞:

— Պետք է ինձ բաց թողնել:

— Ի՞նչ պարզ տղա ես... Գուցե և իսկապե՞ս բաց թողնենք սրան, հե՞, տղերք: Դուք ի՞նչ եք ասում:— Ֆոմինը շուտ եկավ սեղանի շուրջ նստածների կողմը, քմծիծաղ տվեց բեղերի տակին:

Գրիգորին, որ ուշադրությամբ դիտում էր այդ բոլորը, տեսավ թուխ և հողմահար դեմքերի զուսպ, նշանակալից ժպիտները:

— Թող մեզ մոտ ծառայի մի երկու ամիս, հետո կթողնենք, որ գնա տուն կնկա մոտ,— ասաց ֆոմինականներից մեկը:

— Գուցե իսկապե՞ս ծառայես մեզ մոտ, հը՞,— հարցրեց Ֆոմինը՝ ժպիտը թաքցնելու ապարդյուն ճիգ անելով:—

Քեզ կտանք ձի, թամբ, թաղյակներդ փոխարեն նոր սապոգներ՝ ուռուցիկ ճիտքերով... Ձեր հրամանատարները վատ են մատակարարում ձեզ: Այդ ի՞նչ ոտնամաններ են որ: Եղանակը տաք է, իսկ դու թաղյակներ ես հագել: Մտիր մեզ մոտ ծառայելու, հը՞:

— Նա մուժիկ է, կյանքումը ձի չի նստել,— հիմար, ձեռնալուծ, նողկալիորեն բարակ, շվշվացող ձայնով ասաց կազակներից մեկը:

Կարմիրբանակայինը լռում էր: Նա մեջքը դեմ էր արել վառարանին, պայծառացած, հստակ աչքերով նայում էր բուրդին: Երբեմնակի նա ցավից կնճռոտում էր դեմքը ու մի բիշ բաց անում բերանը, երբ դժվարանում էր շնչել:

— Մնո՞ւմ ես մեզ մոտ, թե ոնց,— նորից հարցրեց Ֆոմինը:

— Իսկ դուք ովքե՞ր եք:

— Մե՞նք:— Ֆոմինը բարձրացրեց հոնքերը, ձեռքի ափով հարթեց բեղերը.— մենք աշխատավոր ժողովրդի համար պայքարողներ ենք: Մենք դեմ ենք կոմիսարների ու կոմունիստների ճնշմանը, այ թե ովքեր ենք:

Ծվ այդ պահին Գրիգորին հանկարծ ժպիտ տեսավ կարմիրբանակայինի դեմքի վրա:

— Հը՞ր՛մ, այ թե ովքեր եք դուք... Ես էլ մտածում եմ՝ այս ի՞նչ մարդիկ են:— Գերին ժպտում էր՝ ցույց տալով արյունաներկ ատամները ու այնպես էր խոսում, որ կարծես թե հաճելիորեն զարմացել էր լսած նորութունից, բայց նրա ձայնը ինչ-որ մի այնպիսի բան էր արտահայտում, որը բուրդին ստիպեց լարել իրենց ուշադրությունը:— Ձեր ասելով, ուրեմն, դուք ժողովրդի համար պայքարողներ եք: Այդպե-հ-ե՞ս: Իսկ մեր ասելով ուղղակի բանդիտներ եք: Ես ձեզ ծառայե՞մ: Ա՛մա թե հանաքչի մարդիկ եք, հա՛-ա:

— Ոնց որ տեսնում եմ, դու էլ ուրախ տղա ես...— Ֆոմինը կկոցեց աչքերը, կարճ հարցրեց.— կոմունի՞ստ ես:

— Չէ, ի՞նչ եք ասում. անպարտիական եմ:

— Չի երևում:

— Ազնիվ խոսք, անպարտիական եմ:

Ֆոմինը հազաց ու դարձավ դեպի սեղանը:

— Չումակով, գնդակահարել սրան:

— Չարժե ինձ սպանել: Պատճառ չկա,— կամացուկ ասաց կարմիրբանակայինը:

Նրան լուսթյամբ պատասխանեցին: Չումակովը, որ վայելչակազմ, գեղեցիկ մի կազակ էր անզլիական կաշվե անթե բաճկոնով, տհաճությամբ վեր կացավ սեղանից, կոկեց առանց այն էլ կոկիկ, դեպի ետ սանրված, շեկ մազերը:

— Չանձրացրել է ինձ այս պաշտոնը,— զվարթ ասաց նա նստարանի վրա կուտակված թրերի միջից հանելով իր թուրը և մեծ մատի վրա փորձելով դրա սայրը:

— Հո անպայման դու չպիտի այդ անես: Ասա տղերանց, որոնք բակումն են,— խորհուրդ տվեց Ֆոմինը:

Չումակովը սառն հայացքով ոտից-գլուխ դիտեց կարմիրբանակայինին, ասաց.

— Անցիր առաջ, սիրելի:

Կարմիրբանակայինը պոկվեց վառարանից, կորացավ ու դանդաղ քայլեց դեպի դուռը՝ հատակի վրա թողնելով թրջված թաղյակների խոնավ հետքերը:

— Գալիս էիր այստեղ, գոնե ոտներդ սրբեիր: Եկար, նշաններ թողիր, կեղտոտեցիր... Ի՞նչ փնթին ես եղել, աղբերացու,— շինծու դժգոհությամբ ասաց Չումակովը՝ քայլելով գերու ետևից:

— Ասա, որ տանեն փողոց կամ կալը: Տան մոտ չիսիք, թե չէ տանեցիք կնեղանան,— նրանց ետևից բղավեց Ֆոմինը:

Նա մոտեցավ Գրիգորին, նստեց կողքին, հարցրեց.

— Կա՞րճ է մեր դատը:

— Կարճ է,— խուսափելով նրա աչքերին նայելուց, պատասխանեց Գրիգորին:

Ֆոմինը հոգոց հանեց:

— Ի՞նչ արած: Հիմի այդպես է հարկավոր:— Նա ուզում էր էլի մի բան ասել, բայց դրսից լսվեց ոտների բարձր թփփոց, մեկը բղավեց, ու հնչող տրաքեց մի կրակոց:

— Գրողի տարածները ի՞նչ են անում այնտեղ, է՛,— սրտնեղումով բացականչեց Ֆոմինը:

Սեղանի մոտ նստածներից մեկը վեր թռավ, ոտքի հարվածով բացեց դուռը:

— Ինչո՞ւմն է բանը,— գոռաց նա դեպի մթությունը:

Ներս մտալ Չումակովը, աշխուժությամբ ասաց.

— Ի՛նչ ճարպիկն էր, հա՛-ա: Ա՛յ քեզ սատանա՛ Սանձ՛ դուզքի վերևի աստիճանից թռալ ու փախալ: Ստիպված եղա՛մ ի փամփուշտ վատնել: Տղերքը այնտեղ վերջ են տալի նրան...

— Հրամայիր, որ բակից քարջ տան փողոց:

— Ես արդեն ասել եմ, Յակով Եֆիմովիչ:

Սենյակում մի ընկեր լուսնային տիրեց: Հետո մեկը, խելո՛ւ ղելով հորանջոցը հարցրեց.

— Եղանակը ո՞նց է, Չումակով, չի՞ պարզում:

— Ամպած է:

— Եթե անձրև գա, կմաքրի վերջին ձյունը:

— Իսկ դա քո ինչի՞ն է պետք:

— Ինձ պետք չի: Ցեխի միջով զնալ չէի ուզենա:

Գրիգորին վերցրեց իր փափախը:

— Ո՛ւր ես գնում,— հարցրեց Ֆոմինը:

— Դուրս:

Գրիգորին դուրս ելավ: Աղոտ փայլում էր ամպի տակից նայող լուսինը: Լայն բակը, մարագների կտուրները, բրգաձև բարդիների վերամբարձ, մերկ կատարները, ձիակապարանի մոտ գտնվող, տապալակներով ծածկված ձիերը,— այդ ամենը լուսավորած էր կեսգիշերվա կապտավուն լույսով: Մուտքի սանդուղքից մի քանի սաժեն հեռու ընկել էր սպանված կարմիրբանակայինը, գլուխը սուզվել էր հալված ձյան ջրի աղոտ փայլող լճակի մեջ: Երեք կազակ թեքվել էին նրա վրա, խոսում էին ցածր ձայնով: Նրանք ինչ-որ բան էին անում մեռելի կողքին:

— Նա դեռ շնչում է, աստված վկա,— վրդովված ասավ մեկը:— Տո, ծուռթևանի սատանա, ո՞նց ես խփել: Քեզ ասում էի՞ թրով խփի զխին, չէ՞: Ի-ի՛հ, փախախ մեկը:

Խուպածայն կազակը, հենց նա, որը ուղեկցում էր Գրիգորին, պատասխանեց.

— Կմեռնի, կցնցվի ու կմեռնի... բարձրացրու գլուխը, է՛: Չեմ կարողանում հանել: Մազերից բռնի ու բարձրացրու, ա՛յ, այդպես: Դեհ, հիմա բռնի:

Ջուրը ճլմփաց: Մեռելի կողքին կանգնածներից մեկը

շտկվեց: Խուպածայն կազակը պազած տնքում էր, հանում սպանվածի տաք կուրտկան: Մի քիչ հետո նա ասաց.

— Ձեռքս թեթև է, դրա համար էլ սա դեռ շունչը չի փչել: Պատահում էր, որ տանը խոզ էի մորթում... Բռնի, է՛, բաց մի թող, թյո՛ւ, սատանա... Հա, պատահում էր, որ խոզ էի մորթում, բռնում էի ամբողջ բկից, մինչև ճնաղը հասնում, իսկ նա, անիծվածը, վեր է կենում ու գնում բակով մեկ: Երկար ման է գալի: Արյունլվիկ է եղել, ամա ման է գալի, բոխտացնում: Շունչ քաշել չի կարող, ամա էլի ապրում է: Ուրեմն դուրս է գալի, որ իմ ձեռքը թեթև է: Դեհ, թող դրան... էլի դեռ սա՞ղ է: Ա՛յ քեզ բա-ա՛ն: Բայց ախր վիզը ճեղքել եմ հենց մինչև ոսկորը...

Երրորդը կարմիրբանակայինից հանած տաք կուրտկան փոեց պարզած ձեռքերի վրա, ասաց.

— Արյունոտեցինք ձախ կողքը... Կպչում է ձեռքերիս, թյո՛ւ, անտեր մնա սա:

— Կմաքրվի: Հո ճրագու չի,— հանդիստ ասաց խուպուր ու էլի պաղեց.— կմաքրվի կամ կլվացվի: Փորձանք չէ:

— Ի՛նչ է, ուզում ես դրա շալվարն է՞լ հանել,— ղժգո՛հ հարցրեց առաջինը:

Խուպուրը խիստ տոնով ասաց.

— Եթե շտապում ես, գնա ձիերի մոտ, առանց քեզ էլ կանենք գործը: Բարիքը հո չի՞ կորչելու:

Գրիգորին կտրուկ շուտ եկավ, մտավ տուն:

Ֆոմինը նրան նայեց զննող հայացքով, վեր կացավ:

— Գնանք օթախը, խոսենք, թե չէ այստեղ շատ են աղմուկ անում:

Ընդարձակ, տաք վառած օթախում մկների և կանեփի սերմի հոտ էր գալիս: Մահճակալի վրա փովել ու քնել էր պաշտանական գույնի ֆրենչ հագած, կարճահասակ մի մարդ, նրա նոսր մազերը զգզված էին, բմբուլով ու մանրիկ փետուրներով ծածկված: Նա թուշը պինդ դրել էր կեղտոտ, միայն մթեղով ծածկված բարձին: Կախովի լամպը լուսավորում էր նրա գունատ, վաղուց շափրված դեմքը:

Ֆոմինը նրան արթնացրեց, ասաց.

— Վեր կաց, Կապարին: Մեզ մոտ հյուր կա: Մա մեր մարդն է, Մելիխով Գրիգորին, նախկին հարյուրապետը,— ի գիտություն քեզ:

Կապարինը ոտները կախեց մահճակալից, ձեռներով շփեց դեմքը, վեր կացավ: Թեթևակի գլուխ տալով, նա սեղմեց Գրիգորիի ձեռքը:

— Շատ հաճելի է: Շտաբս-կապիտան Կապարին:

Ֆոմինը սիրալիբ կերպով աթոռը հրամցրեց Գրիգորիին, ինքը նստեց սնդուկի վրա: Նա հավանորեն Գրիգորիի դեմքից հասկացավ, որ կարմիրբանակալիների սպանությունը ճնշող սպավորություն է թողել նրա վրա, դրա համար էլ ասաց:

— Դու շկարծես, թե մենք բոլորի հետ էլ այդպես խիստ ենք վարվում: Այդ հիմարը պարենավորման ջոկատներից է: Այդպիսիներին և զանազան կոմիտարներին չենք խնայում, իսկ մնացածներին գուժ ենք անում: Երեկ բռնեցինք երեք միլիցիոների, ձիերը, թամբերն ու զենքերը վերցրինք նրանցից, իսկ իրենց թողինք: Նրանց սպանելը մեր ինչի՞ն էր:

Գրիգորին լուռ էր: Ձեռները ծնկներին դրած, նա տարվել էր իր մտքերով և Ֆոմինի ձայնը կարծես երազում էր լսում:

— ...— Այսպես էլ կովում ենք առայժմ,— շարունակեց Ֆոմինը:— Մտածում ենք այնուամենայնիվ ոտքի հանել կազակներին: Սովետական իշխանությունը չի ապրելու: Լուրեր ենք լսում, որ ամեն տեղ պատերազմ է: Ապստամբություններ են ամեն տեղ,— թե Սիբիրում, թե Ուկրաինայում և թե նույնիսկ Պետրոգրադում: Ամբողջ նավատորմիդ ապստամբել է այն բերդում, ո՞նց է դա կոչվում...

— Կրոնշտադտ,— հուշեց Կապարինը:

Գրիգորին բարձրացրեց գլուխը, դատարկ, ասես շտաբս-նոդ աչքերով նայեց Ֆոմինին, հետո Կապարինին:

— Վերցրու, ծխիր:— Ֆոմինը մեկնեց պորտսիգարը:— Հա՛, Պետրոգրադը արդեն վերցրել են ու մտենում են Մոսկվային: Ամեն տեղ այդպիսի խառնափնթորություն է: Մենք էլ չպիտի քնենք: Ոտքի կհանենք կազակներին, մեզնից թափ կտանք սովետական իշխանությունը, հետո էլ եթե կաղետները օգնեն, մեր գործերը բոլորովին լավ կգնան: Թող նրանց ուսումնական մարդիկ իշխանություն սահմանեն, մենք նրանց կօգնենք:— Նա մի փոքր լռեց, հետո հարցրեց,— դու ի՞նչ ես կարծում, Մելեխով, եթե կաղետները վրա տան Սև ծովի կողմից, ու մենք միանանք նրանց հետ, հաշվի կառնվի, որ մենք առաջինն ենք ապստամբել, չէ՞: Կապարինն ասում է, որ ան-

պայման հաշվի կառնվի: Մի՞թե, զորքինակ, ինձ կկոթեն այն պատճառով, որ տասնութ թվին ռազմաճակատից տարել էի 28-րդ գունդը և ինչ-որ մի երկու տարի ծառայել եմ սովետական իշխանության:

«Այ թե աչքդ ուր ես տնկել, հիմար ես, բայց խորամանկ ես...»— մտածեց Գրիգորին ակամա ժպտալով: Ֆոմինը պատասխան էր սպասում: Ակներև էր, որ այդ հարցը լրջորեն էր դբադեցնում նրան, Գրիգորին դժկամ ասաց:

— Դա երկար գործ է:

— Իհարկե, իհարկե,— սիրով համաձայնվեց Ֆոմինը:— Ես այդ ի միջի այլոց ասացի: Հետո բանը կպարզվի, իսկ հիմա մենք պետք է գործենք, թիկունքում ջարդենք կոմունիստներին: Մեկ է, մենք նրանց հանդիստ չենք տա: Նրանք իրենց հետևակը նստեցրել են սայլերին ու մտածում են ընկնել մեր ետևից... Թող փորձեն: Մինչև հեծյալ զորամաս զանրանց օգնելու, ամբողջ օկրուգը գլխիվայր կկանգնեցնենք:

Գրիգորին էլի նայում էր իր ոտների տակ, մտածում էր: Կապարինը ներողություն խնդրեց, պառկեց մահճակալի վրա:

— Շատ եմ հոգնում: Երկար ճանապարհներ ենք անցնում, քիչ ենք քնում,— թույլ ժպտալով ասաց նա:

— Ժամանակն է, որ մենք էլ հանգստանանք:— Ֆոմինը վեր կացավ, ծանր ձեռքը դրեց Գրիգորիի ուսին:— Կեցցես, Մելեխով, որ այն ժամանակ Վեշկիում լսեցիր իմ խորհուրդը: Եթե շթաքնվեիր, այն ժամանակ քեզ ծակը կկոխեն: Հիմա ընկած կլինեիր Վեշենսկու մոտ, առափնյա ավազուտում ու կփտեիր... Ես այդ պարզ տեսնում էի: է՛հ, ի՞նչ մտածեցիր, ասա, ու պառկենք քնելու:

— Ի՞նչ ասեմ:

— Մեղ հետ գնո՞ւմ ես թե ոնց: Հո չես կարող ամբողջ կյանքումդ ուրիշների փարախներում թաքնվել:

Գրիգորին սպասում էր այդ հարցը: Հարկավոր էր ընտրել այս կամ այն ուղին. կամ թափառել խուտորից խուտոր, սովալուկ, անտուն-անօթևան կյանք վարել ու կործանվել խուլ ձանձրույթից, մինչև որ մի որևէ տանտեր իրեն մատներ իշխանություններին, կամ հանցանքի խոստովանությամբ ներկայանալ քաղբյուրո, կամ զնալ Ֆոմինի հետ: Եվ նա ընտրեց: Ամբողջ երեկոյի ընթացքում առաջին անգամ ուղիղ նա՛:



յից Ֆոմինի աչքերին ու, ժպտալուց շրթունքները ծոմոնելով, ասաց.

— Ինձ համար ճամփա ընտրելն այնպես է, ինչպես լիւնում է հսկաներին վերաբերող հեքիաթներում. ձախ գնաս, ձիդ կկորցնես, աչ գնաս կսպանվես... Եվ այսպես, երեք ճանապարհ կա, և ոչ մեկն էլ հարմար չի...

— Դու ընտրիր առանց հեքիաթների: Հեքիաթները հետո կպատմենք:

— Ուրիշ ելք չկա, դրա համար էլ ընտրեցի:

— Ի՞նչ:

— Մտնում եմ քո բանդան:

Ֆոմինը դժգոհությամբ կնճռոտեց ճակատը, կծոտեց բնօղի ծայրը:

— Դու այդ խոսքից ձեռ քաշիր: Ո՞նց թե բանդա: Այդ անունը մեզ կոմունիստներն են տվել, իսկ քեզ վայել չէ այդպես խոսել: Ապստամբած մարդիկ ենք: Պրծավ-գնացե՛նրա դժգոհությունը բոպեական էր: Նա պարզապես ուրախացավ Գրիգորիի վճռից և չէր կարող այդ թաքցնել. աշխուժությամբ ձեռքերը շփելով, ասաց.

— Մեր ուժը շատացավ: Դու լսո՞ւմ ես, շտաբ-կապիտան: Քեզ կտանք մի դասակ, Մելիխով, իսկ եթե չես ուզում դասակի հրամանատար լինել, կաշխատես շտաբում, Կապարինի հետ: Իմ ձին տալիս եմ քեզ: Ես ուրիշ ձի ունեմ:

## XII

Առավոտ ծեփին մի քիչ ցրտեց: Զրափսեսբը ծածկվեցին բարակ սառույցով: Զյունը պնդացավ, հնչեղ ճրթճրթում էր: Զիբրի սմբակները անպարզ, սորուն, կլոր դրոշմներ էին թողնում հատիկավոր ձյան խոպան տարածության վրա, իսկ այնտեղ, ուր նախորդ օրվա հալճուցը կերել էր ձյունը, մերկ գետինը, նախորդ տարվա անկյանք խոտաբույսերով պատած, մի քիչ ճմլվում էր սմբակների տակ ու, փոսանալով, խուլ ճլմփում:

Ֆոմինի ջոկատը խուտորից դուրս երթական շարասյուն էր կազմում: Հեռվում, ճանապարհի վրա շարժվում էին դեպի առաջ ուղարկված գլխային պարեկի վեց ձիավորները:

— Ահա նա, իմ զորքը,— ձին քշելով Գրիգորիի կողմը, ժպտալով, ասաց Ֆոմինը:— Այս տեսակ կտրիճներով կարելի է ստանալի պոզերն էլ ջարդել:

Գրիգորին մի հայացք նետեց շարասյան վրա, տխրությամբ մտածեց. «Ի՞նչ քո զորքով հյա մի հանդիպելի իմ բուդյունիական հեծելավաշտին, մենք կես ժամում ջարդուփշուր կանեինք ոսկորներդ»:

Ֆոմինը տնկեց մտրակը, հարցրեց.

— Ո՞նց են սրանք իրենց տեսքով, հը՞:

— Գերիներին վատ շեն թրատում և սպանվածներին նույնպես վատ շեն տկլորացնում, իսկ թե կովի մեջ ինչպես են, չգիտեմ,— չոր տոնով պատասխանեց Գրիգորին:

Զիու վրա մեջքը դարձնելով քամու դեմ, Ֆոմինը վառեց ձիախոտը, ասաց.

— Կովումն էլ կտեսնես սրանց: Իմ մարդիկ մեծ մասամբ զինծառայողներ են, սրանք ամոթով չեն անի:

Փամփուշտներով ու պարենով բեռնված վեց հատ երկձի սայլերը տեղավորվեցին շարասյան մեջտեղում: Ֆոմինը առաջ սլացավ, ճանապարհավելու հրաման տվեց: Բլուրի վրա նա էլի ձին քշեց-մոտեցավ Գրիգորիին հարցրեց.

— Ո՞նց է իմ ձին: Սրտո՞վդ է:

— Լավ ձի է:

Նրանք երկար ու լուռ գնում էին իրար կողքի, ասպանդակ-ասպանդակի. հետո Գրիգորին հարցրեց.

— Տատարսկում լինելու միտք չունե՞ս:

— Կարոտե՞լ ես ձերոնց:

— Ուզում էի տեսնել:

— Գուցեև մտնենք: Հիմի մտածում եմ շուտ գալ դեպի Չիր, բզել կազակներին, մի քիչ սթափեցնել նրանց:

Բայց կազակները այնքան էլ գլուխ չունեին «սթափվելու» հետ... Գրիգորին դրանում համոզվեց հենց ամենամոտ օրերի ընթացքում: Որևէ խուտոր կամ ստանիցա գրավելով, Ֆոմինը հրամայում էր քաղաքացիների ժողով հրավիրել: Մեծ մասամբ նա ինքն էր ճառում, երբեմն նրան փոխարինում էր Կապարինը: Նրանք կազակներին կոչ էին անում դենք վերցնել, խոսում էին այն «ծանրությունների մասին, որ ասովետական իշխանությունը գրել էր հողագործների վրա», «վերջ-

նական քայքայման» մասին, «որը անխուսափելիորեն կգա, եթե չտապալվի սովետական իշխանությունը»: Ֆոմինը խոսում էր ո՛չ այնպես վարժ և գրագետ, ինչպես Կապարինը, բայց ավելի երկար և կազակներին հասկանալի լեզվով: Նա ճառը վերջացնում էր սովորաբար միևնույն սերտած ֆրազներով. «Մենք այսօրվանից ձեզ ազատում ենք պարենային մասնատրումից: էլ հաց շտանեք ընդունման կայանները: Հերիք է կերակրել ձրիակեր կոմունիստներին: Նրանք շաղանում էին ձեր հացով, բայց այդ բանը վերջացել է: Դուք ազատ մարդիկ եք: Զինվեցեք ու պաշտպանեցեք մեր իշխանությունը: Ուռա՛, կազակներ»:

Կազակները նայում էին գետնին ու մռայլ լռում, դրա փոխարեն կնանիքը ազատություն էին տալիս իրենց լեզուներին: Նրանց սեղմ շարքերից թունավոր հարցեր ու ճշոցներ էին թափում:

— Քո իշխանությունը լավն է, իսկ դու սապոն բերե՞լ ես մեզ համար:

— Ո՞րտեղ է քո այդ իշխանությունը, թամբիդ տոպրակների մե՞ջ, հա՞:

— Իսկ դուք ինքներդ ո՞ւմ հացն եք ուտում:

— Երևի հիմա կերթաք տնետուն, հաց մուրալու, հա՞:

— Դրանք թրեր ունեն: Կսկսեն առանց հարցնելու կըտրել հավերի գլուխները:

— Ո՞նց թե հաց շտանենք: Այսօր դուք այստեղ եք, իսկ էգուց շներով էլ ման գաս, ձեր հետքը չի գտնվի, իսկ մենք պատասխա՞ն տանք:

— Մեր էրիկներին չենք տա ձեզ, Ինքներդ կովեցեք:

Եվ մեծ զայրույթով էլի ուրիշ շատ բաներ էին ասում կնանիքը, որոնք պատերազմի տարիներին կորցրել էին իրենց հավատը ամեն ինչի նկատմամբ, վախենում էին նոր պատերազմից և մոլեգին համառություն կառուցում էին իրենց ամուսիններից:

Ֆոմինը անտարբերությամբ էր լսում նրանց անմիտ ճշոցները: Նա գիտեր դրանց արժեքը: Սպասելով լռության, նա դիմում էր կազակներին: Եվ այդ ժամանակ վերջիններս կարճ ու խոհեմաբար պատասխանում էին.

— Մի՛ նեղեք մեզ, ընկեր Ֆոմին, մենք լիովին կշտացել ենք կովելուց:

— Փորձեցինք, էլի՛ ապստամբեցինք տասնինը թվին:

— Ինչո՞վ և ինչի՞ ապստամբենք: Հլա կարիք չկա:

— Գալիս է գարունը, պետք է ցանք անել և ոչ թե կովել:

Մի անգամ ետին շարքերից մեկը բղավեց.

— Հիմի քաղցր ես խոսում: Բա որտե՞ղ էիր տասնինը թվին, երբ ապստամբում էինք: Դու, Ֆոմին, ուշ ես զարթնել: Գրիգորին տեսավ, թե ինչպես փոխվեց Ֆոմինի դեմքը, բայց վերջինս զսպվեց և ոչինչ չպատասխանեց:

Առաջին շաբաթում Ֆոմինը ժողովներում առհասարակ բավական հանգիստ էր լսում կազակների առարկությունները, նրանց կտրուկ մերժումները իրեն օժանդակելու նկատմամբ, նույնիսկ կանանց ճշոցներն ու նախատինքներն էլ չէին խախտում նրա հոգեկան հավասարակշռությունը: «Ոչի՛նչ, մենք նրանց խելքի կբերենք»,— ինքնավստահությամբ ասում էր նա՝ ժպտալով բեղի տակին: Բայց համոզվելով, որ կազակ բնակչության հիմնական մասսան բացասաբար է վերաբերվում, նա կտրուկ փոխեց իր վերաբերմունքը ժողովներում հանդես եկողների նկատմամբ: Նա խոսում էր արդեն առանց ձիուց իջնելու և ոչ այնքան համոզում էր, որքան սպառնում: Սակայն էլի առաջվա հետևանքն էր ստացվում: Կազակները, որոնց վրա նա հենվել էր ուզում, լուռ լսում էին նրա ճառը ու նույնպես լուռ հեռանում:

Մի խուտորում նրա ճառից հետո իր պատասխանով հանդես եկավ մի կազակուհի: Բարձրահասակ, չաղ և լայնակոնք այդ այրի կինը համարյա տղամարդու թավ ձայնով էր խոսում և տղամարդու պես ուժգին ու կտրուկ թափահարում ձեռները: Նրա լայն, ծաղկատար դեմքը կատաղի վճռականություն էր արտահայտում, հաստ, գուրս ընկած շրթունքները շարունակ ծռվում էին արհամարհական քմծիծաղից: Կարմիր, ուռուցիկ ձեռքը տնկելով ձիու վրա քարի պես անշարժ նստած Ֆոմինի կողմը, նա խայթող խոսքերը կարծես թքելով էր թափում բերանից.

— Դու ի՛նչի ես խառնակչություն գցում այստեղ, հը՞: Դու մեր կազակներին ո՞ւր ես ուզում խոթել, ո՞ր անդունդը: Բա այս անիծված պատերազմը մեզ մոտ քի՛չ կնանիք է այ-

րիացրել, Քի՛շ երեխաներ են որբացել, հը՛: Ուզում ես նոր փորձա՞նք բերել մեր գլխին: Այդ ի՞նչ ազատարար-թագավոր ես դու, որ բուսել ես Ռուբեթնի խուտորից: Դու հլա տունդ կարգի գցեիր, տնաքանդությանդ վերջ տայիր, հետո մեզ սովորեցնեիր, թե ոնց պիտի ապրել և ինչ իշխանութուն ընդունել կամ չընդունել: Թե չէ քո տանը կնիկդ խամուտը շինքից վար շի դնում, մենք դա լավ գիտենք: Իսկ դու բեղերդ ես երկարացրել, ձիով ման ես գալի ու խառնակում ժողովուրդը: Քո տուն ու տեղը վաղուց փուլ կգար, թե որ քամին շպահեր: Ուսուցիչիս մտիկ: Ի՞նչ ես պապանձվել, շիկամաղ հրեշ, թե՞ ես դրուստը չեմ ասում:

Ամբոխի մեջ խշշաց կամացուկ ծիծաղը: Խշշաց քամու պես ու լոնց: Ֆոմինի ձախ ձեռքը, որ դրված էր թամբի դաշին, դանդաղ, տնտղում էր սանձափոկը, դեմքը մթնում էր զսպած ցասումից, բայց նա լուռ կր ու մտրի մեջ պատշաճ ելք փնտրում ստեղծված դրությունից:

— Այդ ի՞նչ բան է քո իշխանութունը, որը մենք պիտի պաշտպանենք քո ասելով,— շարունակում էր վրա տալ մոլեգնության հասած կինը:

Նա ձեռները կանթեց կողքերին ու դանդաղ գնաց դեպի Ֆոմինը՝ ճոճելով լայն կոնքը: Կազակները նրան ճանապարհ էին տալիս՝ թաքցնելով ժպիտները, խոնարհելով ծիծաղկոտ աչքերը: Նրանք ազատում էին ամբոխի մեջտեղի բոլորակը՝ ասես պարերի համար, մի կողմ էին քաշվում, հրում միմյանց...

— Քո իշխանութունը քեզ հետ էլ կշքվի,— ցածր, հաստ ձայնով ասում էր այրի կինը:— Նա քո ետեկից է քարշ գալի և մի տեղ մի ժամից ավելի չի ապրում: «Այսօր ձիով ես, շախով, էգուց ցեխն ընկած Պախում»,— ա՛յ թե ով ես դու և քո իշխանութունն էլ այդպես է:

Ֆոմինը ոտները ուժգին սեղմեց ձիու կողքերին, նրան բռնեց ամբոխի մեջ: Մարդիկ այս ու այն կողմ նետվեցին, լայն բոլորակում մնաց միայն այրի կինը: Նա իր կյանքում շատ բան էր տեսել և դրա համար էլ հանգիստ էր նայում Ֆոմինի ձիու մոտեթին ու բացված ատամներին, ձիավորի դեմքին, որ սփրթնել էր կատաղությունից:

Չին բռնով կնոջ վրա, Ֆոմինը բարձրացրեց մտրակը:

— Ձենդ կտրի չեչոտ անզգամ... Ի՞նչ ես այստեղ ագիտացիա անում:

Չիու մոտեթը, դեպի վեր ցցված, բերանը բացված, կախվել էր աներկյուղ կազակուհու հենց գլխին: Սանձի բերանոցից թռավ փրփուրի դալկականաչավուն մի փաթիլ, ընկավ կնոջ սև լաշակին, այստեղից էլ այտին: Այրի կինը ձեռքով մաքրեց այն, մի քայլ ետ գնաց:

— Դու կարող ես խոսել, իսկ մենք չե՞նք կարող, հը՛,— բղավեց նա՝ զայրույթից առկայծող, կլոր աչքերը հռոտելով Ֆոմինի վրա:

Ֆոմինը չխփեց նրան: Թափահարելով մտրակը նա գոռաց.

— Բոլշեկյան խառնակիշ, ես քեզ կխելոքացնեմ, հա՛-ա: Կհրամայեմ բարձրացնել փեշդ ու շամփուրով ոռզդի տալ, այն ժամանակ միանգամից խելքի կգաս:

Կինը երկու քայլ էլ ետ գնաց ու մեջքը անսպասելիորեն դարձնելով Ֆոմինի կողմը, կռացավ մինչև գետին, բարձրացրեց յուրկայի փեշերը:

— Իսկ սա տեսե՞լ ես դու, քաջ զինվոր,— բացականչեց նա ու զարմանալի ճարպկությամբ շտկվելով, նորից շուռ եկավ դեպի Ֆոմինը:— Ինձ ոռզդի տալ, հա՛-ա: Դու բոլորովին խամախացել ես...

Ֆոմինը շարացած թքեց, քաշեց սանձը, զսպելով ետ-ետ գնացող ձիուն:

— Սածկվիր, է՛, անձոռնի կով: Ուրախ ես, որ շատ միս կա վրեդ, հա՛,— բարձրաձայն ասաց նա ու շուռ տվեց ձին՝ իզուր փորձելով խիստ արտահայտություն տալ դեմքին:

Ամբոխի մեջ հնչեց խուլ, զուսպ քրքիչը: Ֆոմինականներից մեկը իր հրամանատարի արտավորված պատիվը փրկելու համար վազվազ մոտեցավ այրի կնոջը, բարձրացրեց հրացանի կոթը, որ խփեր, բայց աժդահա մի կազակ, որ հասակով երկու գլխով բարձր էր նրանից, իր լայն թիկունքով ծածկեց կնոջը, կամացուկ, սակայն բազմախոստումնալից ասաց.

— Ձեռ շտաս, հա՛-ա:

Ու էլի երեք խուտորցի մոտեցան և այրի կնոջը ետ տարան: Նրանցից մեկը, որ երիտասարդ էր, քլաթուկավոր, ցածր ձայնով ասաց Ֆոմինականին.

— Ո՞ւմ վրա ես քշում, հը՞: Կնկան խփելը դժվար բան չի, դու բո սրտոտությունը հրե՛ն այնտեղ, բլուրի վրա ցույց տուր, իսկ տներում մենք բուրոս էլ քաջ ենք...

Ֆոմինը ձին քշեց-մոտեցավ ցանկապատին, կանգնեց ասպանդակների վրա:

— Կազակներ, լավ մտածեցեք,— գոռաց նա՝ դիմելով գանդաղ ցրվող ամբոխին.— հիմի խնդրում ենք, որ այդ բանը կամովին լինի, իսկ մի շաբաթից հետո կվերադառնանք, ուրիշ կերպ կխոսենք:

Հայտնի չէ ինչու նա ուրախ տրամադրություն մեջ ընկավ ու ծիծաղելով, զսպելով միևնույն տեղում թռչկոտող ձիուն, բղավեց.

— Մենք վախկոտներ չենք, մեզ կնկա այդ... (հետևեցին մի քանի անպարկեշտ արտահայտություններ) չեք վախեցնի: Մենք թե չեղտոտներ ենք տեսել և թե ուրիշ ամեն տեսակ բաներ, Կզանք, և եթե ձեզանից ոչ ոք կամովին չգրվի մեր ջոկատը, զոռով կմոբիլիզացնենք բոլոր ջահել կազակներին: Այդպես էլ գիտցեք: Մենք ձեզ հետ շատ գուրխ ցավացնելու և ձեր ցանկությունը սպասելու ժամանակ չունենք:

Ամբոխի միջից,— որը մի րոպե կանգ էր առել, ծիծաղ և ուրախ խոսակցություններ լսվեցին: Ֆոմինը դեռ էլի ժպտալով հրաման տվեց.

— Ձի՛ նստել...

Սիծաղը զսպելուց կարմրելով, Գրիգորին ձին քշեց դեպի իր դասակը:

Ցեխոտ ճանապարհով ձգված ֆոմինյան ջոկատը արդեն անցավ բլուրը, ետևում չբացավ անհյուրընկալ խոտորը, իսկ Գրիգորին էլի դեռ երբեմնակի ժպտում էր, մտածում՝ ճլավ է որ մենք, կազակներս, ուրախ մարդիկ ենք: Մեզ մոտ շուրտիսը ավելի շատ է, քան դարդը, աստված չանի այս բուրբը լուրջ բնույթ ունենար,— այս տեսակ կյանքում վաղուց կարելի էր կախվել: Նա երկար ժամանակ ուրախ տրամադրության մեջ էր, ու միայն այն պահին, երբ կանգ առան հանգստանալու, նա անհանգստություն և դառնություն մտածում էր, որ հավանորեն չի հաջողվի ոտքի հանել կազակներին և որ Ֆոմինի ամբողջ հնճարքը անխուսափելի կործանման է դատապարտված:

Սկսվում էր գարունը: Արևն ավելի ու ավելի ուժեղ էր տաքացնում երկիրը: Բլուրների հարավային լանջերում հալվել էր ձյունը, ու նախորդ տարվա խոտաբույսերից շիկա-կարմրավուն գույն առած գետինքը կեսօրին արդեն գուր-շինների յասամանագույն շղարշ էր հագնում: Արևկող տեղերում, կուրգանների վրա, կավախառն հողի մեջ ներաճած բնածին քարերի տակից երևացին ասպաստ խոտաբույսի առաջին, վառ կանաչ սուր ծիլերը: Մերկացան աշնան հերկերը: Սերմնաքաղնիքը ձմեռային լքած ճանապարհներից քոչեցին կալերը, ձյան ջրով հեղեղված աշնանացան արտերը: Հովիտներում ու ձորակներում ձյունը կապտավուն էր, մինչև երեսը խոնավությունը հագեցած. այդ տեղերից դեռ էլի խիստ ցուրտ էր փչում, բայց ձորակների հատակներում, ձյան տակ արդեն հստակ ու հնչեղ կարկաչում էին աչքին անտեսանելի գարնանային առվակները, ու փոքրիկ անտառներում միսնգամայն գարնանավարի, հազիվ նշմարելի ու քնքուշ բողբոջում էին կաղամախիների բները:

Մտտենում էր աշխատանքի ժամանակը, և օրը-օրին հալչում էր Ֆոմինի բանդան: Գիշերելուց հետո առավոտները պակասում էր մեկ-երկու մարդ, իսկ մի անգամ համարյա կես դասակի շափ մարդիկ անհայտացան. ութ հոգի իրենց ձիերով և զենքերով գնացին վեշենսկայա, անձնատուր լինելու: Հարկավոր էր վարել ու ցանել: Հողը կանչում էր, բաշում դեպի աշխատանքը, և շատ ֆոմինականներ, համոզվելով պայքարի անօգտակարությունը, գաղտնի հեռանում էին բանդայից, գնում իրենց տները: Մնում էին կտրիճ մարդիկ, որոնք չէին կարող վերադառնալ, որոնց հանցանքը սովետական իշխանության հանդեպ չափազանց մեծ էր, և նրանք չէին կարող հույս դնել ներման վրա:

Ապրիլի սկզբներին Ֆոմինը ուներ ոչ ավել, քան 86 հեծելակ: Գրիգորին նույնպես մնաց բանդայում: Նա քաջություն չունեցավ տուն գնալու: Նա հաստատ համոզված էր, որ Ֆոմինի գործը տանուլ է տրված և վաղ թե ուշ բանդան կջախջախվի: Նա գիտեր, որ Կարմիր բանակի մի որևէ կանոնավոր հեծելազորային մասի հետ առաջին իսկ ընդհար-

ման դեպքում իրենք գլխովին կջախջախվեն: Եվ այնուամենայնիվ մնաց Ֆոմինի տրամադրութեան տակ՝ գաղտնի հույս ունենալով մի կերպ օրերը անցկացնել մինչև ամառ, այն ժամանակ վերցնել բանդայում լավագույն երկու ձի, գիշերով սլանալ Տատարսկի և այնտեղից Ակսինյայի հետ — դեպի հարավ: Դոնի տափաստանը լայնարձակ է, այնտեղ շատ են ազատ տարածութունները և ամառի ճանապարհները. ամառը բոլոր ուղիները բաց են և կարելի է ամենուրեք ասպաստան գտնել... Նա մտածում էր ձիերը թողնել որևէ տեղ, Ակսինյայի հետ ոտով գնալ Կուբան, նախալեռները, հարազատ վայրերից հեռու, և այնտեղ անցկացնել խառնակ ժամանակը: Նրան թվում էր. որ ուրիշ ելք չկար:

Կապարինի խորհրդով Ֆոմինը որոշեց նախքան սառցահոսանքը անցնել Դոնի ձախ կողմը: Նա հույս ուներ անհրաժեշտութեան դեպքում հետապնդումից թաքնվել հոպերի օկրուգի սահմանում որտեղ շատ էին անտառները:

Ռիբնի խուտորից վերև բանդան անցավ Դոնը: Տեղ-տեղ, ուր գետն արագ է հոսում, ջուրն արդեն տարել էր սառույցը: Ապրիլյան պայծառ արևի տակ արծաթե թեփուկի նման շողում էր ջուրը, բայց այնտեղ, ուր ձմեռային պինդ ճանապարհ էր ձգվում, որը մի արշինի չափ բարձր էր սառույցի մակերևույթից, — Դոնը կանգնած էր անխորտակ: Ափերի մոտ բարձրացած ջրաշերտերի վրա ուռից գործած ցանկապատեր դրին, ձիերը մեկ-մեկ անցկացրին սանձերը քաշելով, Դոնի մյուս ափում շարք կանգնեցին և դեպի առաջ հետախուզախումբ ուղարկելով, գնացին Ելենսկայա ստանիցայի կողմը:

Մեկ օրից հետո Գրիգորիին հաջողվեց տեսնել իրենց խուտորից միաչքանի ծերուկ Չումակովին: Վերջինս գնում էր Գրյազնովսկի խուտորը, ազգականների մոտ, և այդ խուտորից քիչ հեռու հանդիպեց բանդային: Գրիգորին ծերունուն ճանապարհից մի կողմ տարավ, հարցրեց.

— Երեխաներս ողջ-առողջ են, պապի:

— Աստված է պահում, Գրիգորի Պանտելևիչ:

— Պապի, շատ եմ խնդրում քեզ, իմ կողմից շատ կարոտով բարև արա նրանց և քրոջս, Եվդոկիա Պանտելևային, բարև արա Պրոխոր Զիկովին, իսկ Ակսինյա Աստախովային

ասա, թող ինձ սպասի մոտ օրերս: Միայն թե նրանցից բացի, ուրիշ ոչ ոքի մի ասա, որ ինձ տեսել ես, լա՞վ:

— Կանեմ, որդի, կանեմ: Մի կասկածի, բոլորը կհայտնեմ ոնց որ պետք է:

— Խուտորում ի՞նչ նոր բան կա:

— Ոչինչ չկա ամեն բան էլի այնպես է:

— Կոշևոյը էլի նախագահ է:

— Հենց նա:

— Ընտանիքիս չե՞ն նեղում:

— Ոչինչ չեմ լսել, ուրեմն ձեռ չեն տալի: Ինչի՞ պիտի նեղեն. ձերոնք հո պատասխանատու չեն քեզ համար...

— Խուտորում իմ մասի? Ի՞նչ են ասում:

Մերունին խնչեց, վզի կարմիր աղլուխով երկար սրբեց բեղ ու մորուքը, հետո խուսափուկ պատասխանեց.

— Աստված գիտե նրանց... Զանազան բաներ են դուրս տալի, ով ինչ ուզենա, այն էլ ասում է: Սովետական իշխանութեան հետ շո՞ւտ կհաշտվեք, հը՞:

Գրիգորին ի՞նչ կարող էր պատասխանել նրան: Զսպելով ձիուն, որը ձգտում էր սլանալ առաջ անցած ջոկատի ետևից, նա ժպտաց, ասավ.

— Զգիտեմ պապի: Առայժմ ոչինչ չի երևում:

— Ոնց թե չի երևում: Զերքեզների հետ կովում էինք, թուրքի հետ կովում էինք, ամա էլի հաշտություն եղավ, իսկ դուք բոլորդ էլ ազգակից մարդիկ եք ու ոչ մի կերպ իրար մեջ համաձայնութեան չեք գալի... Լավ չէ, Գրիգորի Պանտելևիչ, դրուստ եմ ասում, լավ չէ: Աստված ճիշտմած է, նա ամեն բան տեսնում է, նա ձեզ բոլորիդ էլ չի ների, միտդ պահի խոսքս: Բա այդ լինելու՞ բան է. ուս, ուղղափառ մարդիկ կովում են իրար հետ ու ետ չեն կանգնում: Դե, մի քիչ կովիք ու պրծավ-գնաց, թե չէ շորբորդ նարին է, որ սուրուղմբոցից ձեռք չեք քաշում: Ծս ալևորի խելթովս այսպես եմ դատում՝ ժամանակն է վերջ տալ:

Գրիգորին հրաժեշտ տվեց ծերունուն և արագ սլացավ իր դասակին հասնելու: Չումակովը երկար կանգնեց գավազանին հենված, թևքով սրբելով արցունքվող, դատարկ ակնախոռոչը: Միակ, բայց ջահելավարի սրատես աչքով նա նայում

էր Գրիգորիի ետևից, զմայլվում նրա հիանալի նստվածքով և կամացուկ շնչում էր.

— Կա՛մ կազակ է: Ամեն բանով լավ է, ղոչաղ, ամա փուշն է... Շեղվել է իրեն ճամփից: Նրան շատ կսազեր շերքեզների դեմ կռիվ անել, իսկ նա տես թե ինչեր է մոզոնել: Ախր դրա ինչի՞ն է պետք այդ իշխանութունը: Ի՞նչ են մտածում այդ ջահել կազակները: Դե, Գրիշկայից ի՞նչ պահանջես, նրանց ամբողջ ցեղը այդպես ծուռն է... Ողորմածիկ Պանտելեյն էլ այդպես թարս մարդ էր, Պրակոֆի պապին էլ միտս է... Նա էլ թթու պտուղ էր և ոչ թե մարդ... Իսկ թե ինչ են մտածում մյուս կազակները,— աստված պատժի թե բան եմ հասկանում:

Ֆոմինը որևէ խուտոր գրավելով, քաղաքացիների ժողով էլ չէր հրավիրում: Նա համոզվել էր, որ ազիտացիան արդյունք չի տալիս: Հարկավոր էր ձեռքի տակ պահել առկա մարտիկներին և ոչ թե նորերը հավաքել: Նա խիստ մոռյված էր ու քիչ էր խոսում: Սկսել էր սփոփանք փնտրել օդու մեջ: Ամենուրեք, ուր գիշերում էր նա, մոռյվ կերուխում էր տեղի ունենում: Հետևելով իրենց ատամանին, խմում էին նաև ֆոմինականները: Ընկավ կարգապահութունը: Ալան-թալանի դեպքերը հաճախակի դարձան: Բանդայի մոտենալու պահին փախած սովետական ծառայողների տներից վերցնում էին այն ամենը, ինչ որ կարելի էր տանել հեծկան ձիով: Շատ մարտիկները ձեռքերը անհավատալի շափով ուռնացել էին: Մի անգամ Գրիգորին իր դասակի մարտիկներից մեկի մոտ ձեռքի կարի մեքենա տեսավ: Վերջինը սանձը թամբի դաշից կախած, մեքենան պահել էր ձախ թևի տակին: Միայն մտրակի գործադրմամբ Գրիգորին հաջողվեց ստիպել կազակին, որ դեն գցի կարի մեքենան: Այդ երկո Ֆոմինի ու Գրիգորի միջև սուր վեճ եղավ: Սենյակում նրանք երկուսով էին: Ֆոմինը հարբեցողութունից ուռած դեմքով նստել էր սեղանի մոտ, Գրիգորին քայլում էր սենյակում:

— Նստի՛ր, մի՛ պտտվի աչքիս առաջ,— սրտնեղումով ասաց Ֆոմինը:

Ուշադրութուն չդարձնելով նրա խոսքերին, Գրիգորին երկար քայլեց նեղիկ օթախում, հետո ասաց.

— Դա ինձ ձանձրացրել է, Ֆոմին: Վերջ տուր ալան-թալանին ու հարբեցողությանը:

— Այսօր դու վատ երա՞զ ես տեսել:

— Հանաքը թող... Ժողովուրդը սկսում է վատ խոսել մեր մասին:

— Հո տեսնում ես, չեմ կարողանում զսպել տղերքին:

— Դու դրա համար ոչինչ էլ չես անում:

— Դե, խրատդ քեզ պահի: Իսկ քո ժողովուրդը լավ խոսքի արժանի չէ, Հենց նրանց, սրիկանների համար ենք տանջվում, իսկ նրանք... Ես իմ մասին եմ մտածում, ու պրծավ-զնաց:

— Քո մասին էլ լավ չես մտածում: Հարբեցողությունը մտածելու ժամանակ չի տալիս: Չորրորդ օրն է, որ դու չես զարթնում, ու մնացածները բոլորն էլ խմում են: Մինչև իսկ ուղեկալներում էլ են գիշերով խմում: Ի՞նչ ես ուզում: Որ խուտորում մի տեղ հարձակվեն մեզ, հարբածներին վրա ու սրի՞ քաշեն, հա՞:

— Դու կարծում ես մենք կպրծնե՞նք դրանից,— քմծիծաղ տվեց Ֆոմինը:— Մի օր մեռնելու ենք, էլի: Կուժը չրի ճամփին է կոտրվում... Գիտե՞ս,

— Այդ դեպքում եկ վաղը ինքներս գնանք Վեշենսկայա ու ձեռներս վեր բարձրացնենք, ասենք՝ վերցրեք մեզ, անձնատուր ենք լինում:

— Չէ, մենք հլա դեռ ման կգանք:

Գրիգորին կանգնեց սեղանի առաջ, ոտները լայն դրած:

— Եթե դու կարգ ու կանոն չհաստատես, եթե վերջ չտաս թալանին ու հարբեցողությանը, ես կհեռանամ քեզանից և ինձ հետ կտանեմ մարդկանց կեսը,— կամացուկ ասաց նա:

— Մի փորձի՛ր,— սպառնալից պատասխանեց Ֆոմինը:

— Առանց փորձի էլ կհաջողվի:

— Դու... Դու ինձ մի սպառնա.— Ֆոմինը ձեռքը տարավ նագանի պատյանին:

— Ձեռդ քաշի նագանից, թե չէ ես քեզ ավելի շուտ կխփեմ սեղանի վրայից,— արագ ասաց Գրիգորին, գունատ-վեց, կիսով չափ հանեց թուրը:

Ֆոմինը ձեռքը դրեց սեղանին, ժպտաց:

— Ի՞նչ ես կպել ինձ, է՞: Առանց քեզ էլ զուլիսս տրաք-վում է, իսկ դու հիմար-հիմար բաներ ես ասում: Թուրդ դիր տեղը: Քեզ հետ հանաք անել է՞լ չի կարելի, ինչ է: Ասացե՛ք խնդրեմ, ոնց էլ շուտ է խոտվում, ասես տասնվեց ասարեկան աղջիկ լինի...

— Ես արդեն քեզ ասի, թե ինչ եմ ուզում, և դու այդ շմոռանաս: Մեզ մոտ բոլորը այնպես չեն, ինչպես դու:

— Գիտեմ:

— Գիտցիր և հիշիր: Հենց վաղը հրամայի, որ ուղ անեն ձիաբեռները: Մեզ մոտ հեծյալ զորամաս է և ոչ թե բեռնատար գումակ: Արմատից պոկի, դեն գցի այդ բանը: Ժողովրդի համար պայքարողներին մտիկ: Բեռնել են թալանած բարիքը, ծախում են խուտորներում ոնց որ առաջ-վա շրջիկ շարժիները... Ամոթ չէ՞: Ախր ես ինչո՞ւ կապվեցի ձեզ հետ:— Գրիգորին թքեց և զայրույթից ու կատաղությունից սփրթնած, շուտ եկավ դեպի պատուհանը:

Յոմինը ծիծաղեց, ասաց.

— Հեծելազորը ոչ մի անգամ մեզ հուպ չի տվել... Երբ ձիավորները ընկնում են կուշտ գիլի ետևից, սա ինչ որ լափել է, փախչելիս բերանն է բերում ու թափում: Այդպես էլ իմ լրբերը. նրանք ամեն բան դեն կգցեն, եթե մեզ կարգին հուպ տվող լիներ: Ոչինչ, Մելիխով, մի հուզվի, ամեն ինչ կանեմ: Այնպես, էլի, ես մի քիչ հուսահատվել էի ու երասանները ձեռքիցս բաց թողել, բայց էլի դրանք կվերցնեմ: Իսկ ես ու դու չպետք է բաժանվենք, եկ դարդ ու ցավը միասին քաշենք:

Նրանց խոսակցությունն ընդհատվեց. ներս մտավ տանտիրուհին, գոլորշի արձակող շի բերեց, հետո էլ խմբով ներս լցվեցին Չումակովի կազակները:

Բայց այդ խոսակցությունը այնուամենայնիվ ազդեցություն ունեցավ: Յոմինը առավոտյան հրաման տվեց դատարկել ձիաբեռերը, ինքը ստուգեց այդ հրամանի կատարումը: Յոմինը շարքի առաջ նագանով գնդակահարեց մոլի թալանչիներից մեկին, որը դիմադրություն էր ցույց տվել ձիաբեռերը զննելու ժամանակ՝ շցանկանալով բաժանվել թալանած գույքից:

— Դեն գցեք այս լեշը,— հանգիստ ասաց նա՝ ոտը

խփելով մեռածին, ու դիտեց շարքը, բարձրացրեց ձայնը.— հերի՛ք է ձեռներդ խոթեք սնդուկները, շան որդենիք: Դրա համար չէ, որ ես ձեզ ոտքի եմ հանել սովետական իշխանության դեմ: Սպանված հակառակորդից կարող եք հանել ամեն բան, մինչև իսկ կեղտոտված փոխանները, եթե չեք զզվում, իսկ ընտանիքներին ձեռ մի տաք: Մենք կնանոնց դեմ չենք կովում: Իսկ ով որ հակառակվի, հենց այս տեսակ հաշիվ կստանա:

Շարքով մեկ շրջաց ու լուց կամացուկ աղմուկը...

Կարգը կարծես թե վերականգնված էր: Մի երեք օր բանդան թափառում էր Դոնի ձախ ափերով, ընդհարումների ժամանակ ոչնչացնելով տեղական ինքնապաշտպանության փոքրիկ ջոկատները:

Շումիլինսկայա ստանիցայում կապալչինը առաջարկեց անցնել Վորոնեժի նահանգի տերիտորիան: Նա այդ պատճառաբանեց նրանով, որ այնտեղ իրենք հավանորեն լայն օժանդակություն կստանան բնակչությունից, որ վերջին ժամանակներում ապստամբել էր սովետական իշխանության դեմ: Բայց երբ Յոմինը այդ մասին հայտարարեց կազակներին, սրանք միաձայն ասացին.— «Մեր օկրուգից չենք գնա»: Բանդայում միտինգ արեցին: Հարկավոր եղավ փոխել որոշումը: Չորս օրվա ընթացքում բանդան առանց կանգ առնելու գնում էր դեպի արևելք, խուսափելով կովից, որ սկսում էր հեծյալ մի զորախումբ. այս զորախումբը Կազանսկայա ստանիցայից կրնկակոխ հետապնդում էր Յոմինին:

Իրենց հետքերը կորցնելը հեշտ չէր, որովհետև դաշտերում ամենուրեք գարնանային աշխատանք էր կատարվում և տափաստանի նույնիսկ ամենախուլ անկյունում էլ վըրխտում էին մարդիկ: Զոկատը ճանապարհ էր ընկնում գարնանային մութ գիշերներին, բայց առավոտյան, հենց որ մի տեղ կանգ էին առնում ձիերին կեր տալու, մոտիկ տեղում երևում էր հակառակորդի հեծյալ հետախուզախումբը, կարճ հերթերով կրակում էր ձեռնազնդացիրը, ու ֆոմինականները գնդակոծման տակ սկսում էին հապճեպ սանձել ձիերը: Վեշենսկայա ստանիցայի Մելնիկով խուտորի մերձակայքում Յոմինին հաջողվեց ճարտար մանևրով խաբել հակառակորդին և կտրվել նրանից: Յոմինը իր հետախուզախմբի

գեկուցագրից գիտեր, որ ձիավոր զորախմբի հրամանատարը Եգոր Ժուրավլյովն է,— Բուկանովսկայա ստանիցայի ամրակամ և ռազմական գործը հասկացող մի կազակ. նա գիտեր, որ հեծյալ զորախումբը քանակով գրեթե երկու անգամ գերազանցում է իր բանդայից, ունի վեց ձեռնազնդացի և երկար տարածություններ շանցած, չհոգնած ձիեր: Այդ բոլորը Ֆոմինին ստիպում էր խուսափել մարտից, այն հաշվով, որ մարդկանց և ձիերին հանգստանալու հնարավորություն տար, հետո էլ, հնարավորության դեպքում, ոչ թե բացահայտ մարտում, այլ հանկարծակի գրոհով ջարդեր զորախումբը և այդպիսով ազատվել համառ հետապնդումից: Նա մտածում էր նաև հակառակորդի հաշվին զնդացիներ և հրացանի փամփուռներ ձեռք բերել: Բայց նրա հույսերը շարդարացան, Այն, ինչից երկյուղ էր կրում Գրիգորին, պատահեց ապրիլի 18-ին, Սլաշևսկու անտառի ծայրում: Նախորդ օրը Ֆոմինը և շարքային մարտիկների մեծամասնությունը հարբեցին Սևաստյանով խուտորում, լուսաբացին դուրս եկան խուտորից: Գիշերը համարյա ոչ ոք չէր քնել, ու շատերը հիմա քնեցին ձիերի վրա: Առավոտյան ժամը իննին Օժոգին խուտորի մերձակայքում կանգ առան կարճատև հանգստի համար: Ֆոմինը պահպանական հսկողություն կարգեց և հրամայեց վարսակ տալ ձիերին:

Արևելքից ուժգնաթափ, սաստիկ քամի էր փչում: Ավազափոշու թուխ ամպը ծածկել էր հորիզոնը: Տափաստանի վրա խիտ մառախուղ էր իջել: Հագիվ երևում էր արևը, որ վարագուրված էր բարձր փոված մեզով: Քամին փոփոացնում էր շիննների փեշերը, ձիերի պոչերն ու բաշերը: Ձիերը իրենց մեջքերը դարձնում էին քամու կողմը, թաքստոց էին փնտրում անտառի ծայրում աճած մլենու նոսր, ցաք ու ցրիվ թփերի մեջ: Մակող ավազափոշուց արցունքվում էին աչքերը և դժվար էր որևէ բան տեսնել նույնիսկ մոտիկ տարածության վրա:

Գրիգորին հոգատարությունը սրբեց իր ձիու դունչը և ականախոռոչների վերևը, տոպրակը կախեց դնչից և մոտեցավ Կապարինին, որ շինելի փեշով կեր էր տալիս ձիուն:

— Ա՛մա թե հանգիստ տեղ եք ընտրել, հա՛-ա,— ասաց նա՝ մտրակով ցույց տալով անտառը:

Կապարինը թոթվեց ուսերը:

— Ես ասել եմ այդ հիմարին, բայց մի՞թե կարելի է նրան որևէ բան համոզել:

— Պետք էր կանգ առնել տափաստանում կամ խուտորի ծայրում:

— Դուք կարծում եք, որ կարելի է անտառից հարձակում սպասել:

— Այո:

— Հակառակորդը հեռու է:

— Հակառակորդը կարող է մոտիկ լինել, հո հետևակ չէ:

— Անտառը մերկ է, եթե մի բան լինի, թերևս տեսնենք:

— Նայող չկա, համարյա բոլորն էլ քնած են: Վախենում եմ որ պահակներն էլ քնած լինեն:

— Նրանք երեկվա բեֆից հետո հալից ընկել են, հիմա նրանց շեռ արթնացնի:— Կապարինը դեմքը կնճռոտեց ասես ցավից, ցածրաձայն ասաց.— այդպիսի դեկավարով մենք կկորչենք: Նա թեթև է ինչպես խցան և հիմար է, ուղղակի անհուսալի հիմար: Ինչո՞ւ դուք չեք ուզում ձեր վրա վերցնել հրամանատարությունը: Կազակները ձեզ հարգում են: Նրանք սիրով կզնային ձեր ետևից:

— Դա ինձ հարկավոր չէ, ես ձեզ մոտ ժամանակավոր հյուր եմ,— չոր պատասխանեց Գրիգորին ու հեռացավ դեպի իր ձին, ցավելով, որ բերանից անզգույշ խոստովանություն էր թոցրել:

Կապարինը կերի մնացորդը փեշից թափեց գետնին, հետևեց Գրիգորին:

— Գիտե՞ք, Մելեխով,— ասաց նա՝ քայլելիս կոտրելով ու վերցնելով մլենու մի ոստ, պոկելով ուռճացած, պիրկ բողբոջները,— ես կարծում եմ, որ մենք երկար չենք դիմանա, եթե չմիանանք մի որևէ խոշոր հակասովետական զորամասի, օրինակ, Մասլակի բրիգադին, որ թափառում է մարզի ինչ-որ հարավային վայրերում: Հարկավոր է անցնել այնտեղ, այլապես մի գեղեցիկ օր մեզ կոչնչացնեն:

— Հիմի Դոնը վարարել է: Անցնել չի լինի:

— Ոչ թե այժմ, այլ երբ ջուրը իջնի. պետք է հեռանալ: Դուք այլ կե՞րպ եք մտածում:

Մի քիչ մտածելուց հետո Գրիգորին պատասխանեց.



— Ճիշտ է, Պետք է հեռանալ այստեղից: Այստեղ անելիք չկա:

Կապարինը աշխուժացավ: Նա սկսեց երկար խոսել այն մասին, որ կաղակների օժանդակութեան վրա դրված հույսերը շարդարացան և որ հիմա պետք է ամեն կերպ համոզել Ֆոմինին, որպեսզի նա աննպատակ չթափառի օկրուզում, այլ որոշի միանալ ավելի զորեղ մի խմբավորման:

Գրիգորին ծանծարացավ նրա դատարկախոսութունը լսելուց: Նա հետևում էր ձիուն, ու հենց որ ձին դատարկեց սոպրակը, նա հանեց այն, սանձեց ձին և ձգեց փորքաշը:

— Դեռ շուտ չենք ճանապարհվի, դուք իզուր եք շտապում,— ասաց Կապարինը:

— Դուք ավելի լավ է գնացեք պատրաստեք ձեր ձին, թե չէ հետո ժամանակ չի լինի,— պատասխանեց Գրիգորին:

Կապարինը ուշադրութեամբ նայեց նրան, քայեց դեպի իր ձին, որ կանգնած էր գումակի կողքի մոտ:

Ձին սանձից բռնած տանելով, Գրիգորին մոտեցավ Ֆոմինին: Վերջինս ոտները լայն տարածած պառկել էր փռած յափնջու վրա, ծուլորեն կրծոտում էր եփած հավի թևը: Նա մի կողմ շարժվեց, ժեստով հրավիրեց տեղ բռնել իր կողքին:

— Նստիր, նախաճաշիր ինձ հետ:

— Հարկավոր է հեռանալ այստեղից և ոչ թե նախաճաշել,— ասաց Գրիգորին:

— Ձիերին կեր տանք ու շարժվենք:

— Հետո կարելի է կեր տալ:

— Ի՞նչ ես վազում, է՞,— Ֆոմինը դեն շարտեց կրծած սակորը, ձեռները սրբեց յափնջուն քամակով:

— Կհարձակվեն մեր վրա: Նրանց տեղը հարմար է:

— Ի՞նչ սատանա է հարձակվելու: Հիմի հետախուզախումբը վերադարձավ, ասում են, որ բլուրի վրա ոչ ոք չկա: Ուրեմն ժուրավլյովը կորցրել է մեզ, թե չէ հիմա կկախվեր մեր պոչից: Բուկանովսկուց ոչ ոքի չպետք է սպասել: Այնտեղի զինկոմը Միխայ Պավլովն է, կտրիճ տղա է, բայց նրա ուժերը քիչ են, հազիվ թե դուրս գա մեր դեմ: Կարգին հանգրստանանք, սպասենք, որ այս քամին մի քիչ հանդարտվի, հետո էլ ճանապարհվենք դեպի Սլաշևսկայա: Նստիր, հավի միս կեր, ի՞նչ ես զլխիս կանգնել: Դու ոնց որ թե վախկո-

տացել ես Մելիխով, շուտով կըրջագայիս բոլոր թիկերը, ա՛յ թե ինչքան երկար, ծուռումուռ ճամփա կանցնես,— Ֆոմինը ձեռքի լայն շարժում արավ ու քրքջաց:

Բարկութեամբ հայհոյանք թափելով, Գրիգորին հեռացավ, ձին կապեց մի թփի, պառկեց, քամուց պաշտպանվելու համար դեմքը ծածկեց շինելի փեշով: Նա ննջեց քամու սուլոցի տակ, իր վրա թեքվող բարձր, շոր խոտաբույսերի նրբին, գեղգեղուն շրջունի տակ:

Գնդացրային երկար տկտկոցը նրան ստիպեց վեր թըռչել տեղից: Տկտկոցը դեռ չէր վերջացել, երբ Գրիգորին արձակեց ձին: Ֆոմինը բոլոր ձայներից էլ երկու թև երևե գրնդացիրներ ճարճատեցին: Ձի նստելով Գրիգորին վայրկենապես որոշեց դրուժյունը: Աջ կողմից, անտառի ելքից, հազիվ երևալով փոշու մեջ, նոսր շղթա կազմած, կտրելով դեպի բլուրը նահանջելու ճանապարհը, մի հիսուն հոգի կարմիրբանակայինների գրոհ էին տալիս: Նրանց զուխների վերևում պաղ և այնքա՛ն ծանոթ փայլով շողշողում էին մերկ, արևի աղոտ լույսից կապտավուն սրերը: Հենց անտառի միջից, թփակալած բլրակից, տենդային հապճեպութեամբ դատարկելով սկավառակները, խփում էին գնդացիրները: Ձախ կողմից նույնպես կես հեծելավաշտի շափ կարմիրբանակայիններ սլանում էին առանց աղմուկի, թափահարելով թրերը, ընդլայնելով շարքը, շրջապատելով հակառակորդին: Մնում էր միայն մի ելք,— ճեղքել ձախից գրոհողների նոսր շարքերը և անցնել Դոնի կողմը: Գրիգորին բղավեց Ֆոմինին՝ «Նկ լամ ետևից», ու թողեց ձիու զուխը՝ մերկացնելով թուրը:

Անցնելով մի քսան սաժեն, նա ետ նայեց: Ֆոմինը, Կապարինը, Չումակովը ու էլի մի քանի մարդիկ կատաղի քառատրոփով գալիս էին ետևից, ընդամենը մի տասը սաժեն իրենից հեռու: Անտառում լռեցին գնդացիրները, միայն աջ կողմից ծայրի գնդացիրը կարճատև, կատաղի ճարճատյուններով գնդակոծում էր գումակի սայլերի մոտ իրար անցած ֆոմինականներին: Բայց վերջին գնդացիրն էլ միանգամից լռեց, ու Գրիգորին հասկացավ որ կարմիրբանակայինները արդեն դադարեց տեղումն են և որ ետևում սկսվել է թրատումը: Նա այդ կռահում է խուլ, հուսահատական ճիշերից,

պաշտպանվողները. Թույլ, ընդմիջվող հրաձգությունից: Նա ետ նայելու ժամանակ շուներ: Շեշտակի թափով մոտենալով դեմուռդեմ եկող նոսր շղթային, նա նպատակ էր ընտրում: Գեմուռդեմ սլանում էր կարճ, աղաղած կաշվե կիսամուշտակով մի կարմիրբանակային: Նրա տակի ձին մոխրագույն էր և ոչ այնքան կայտառ: Ինչպես կայծքարի բռնկոցի պահին, ինչ-որ անորսալի մի ակնթարթում Գրիգորին տեսավ թե ձին՝ փըրփուրի փաթիլներով ծածկված կրծապանակի սպիտակ աստղով, թե ձիավորին իր կարմիր, բորբոք, երիտասարդական դեմքով և թե նրա ետևում դեպի Դոն շարժվող տափաստանի լայն, գորշ մի շերտ... Հետևյալ ակնթարթում հարկավոր էր խուսափել հարվածից և թրատել: Ձիավորից հինգ սածեն հեռավորությամբ Գրիգորին շեշտակի թեքվեց ձախ կողմը, գլխավերևից լսեց թրի հատու սուլոցը և արագությամբ շտկվելով թամբի վրա, իր թրի միայն ծայրով խփեց արդեն իր կողքից անցած կարմիրաբանակայինի գլխին: Գրիգորիի ձեռքը համարյա չզգաց հարվածի ուժը, բայց ետ նայելով, նա տեսավ գլուխը կախած, ձիուց դանդաղ ընկնող կարմիրբանակայինին և արյան թանձր շերտը նրա դեղին կիսամուշտակի մեջքի վրա: Մոխրագույն ձին դադարեցրեց քառատրոփը և արդեն արագ վարգով էր գնում՝ խլշկոտելուց բարձրացնելով գլուխը, կողքի ծովելով այնպես, որ կարծես վախեցել էր իր իսկ ստվերից...

Գրիգորին ընկավ ձիու վզին, սովոր շարժումով իջեցրեց թուրը: Գլխավերևում բարակ ու հատու սվսվում էին գնդախները: Ձիու պինդ սեղմված ականջները ցնցվում էին, դրանց ծայրերին դուրս էին տալիս քրտնքի ուլունքանման կաթիլները: Գրիգորին լսում էր միայն իր ետևից թռչող գնդակների սուր սվսվոցը և ձիու արագ, հատու շնչառությունը: Նա մի անգամ էլ ետ նայեց, տեսավ Ֆոմինին ու Չումակովին, նրանց ետևից մի հիսուն սածեն հեռավորությամբ սլանում— գալիս էր ետ մնացած Կապարինը և ավելի հեռվից՝ միայն երկրորդ դասակի մի մարտիկ, կաղ Ստերլյադնիկովը փախչելով պաշտպանվում էր իրեն վրա տվող երկու կարմիրբանակայինից: Մնացած բոլոր ութ թե ինը կազակները, որոնք գալիս էին Ֆոմինի ետևից, թրատվել էին: Պոչերը քամուն տալով, անձիավոր ձիերը այս ու այն կողմ էին նետ-

վում, կարմիրբանակայինները որսում, բռնում էին նրանց: Միայն մի շիկակարմրավուն, բարձրամարմին ձի, որ պատկանում էր ֆոմինական Պրիբիտիկովին, սլանում էր Կապարինի ձիու կողքից, փնշում՝ իր ետևից քարշ տալով մեռած տիրոջը, որ ընկնելիս ոտը շէր հանել ասպանդակից:

Ավազոտ մի բլրակի ետևում Գրիգորին կանգնեցրեց ձին, թռավ թամբից, թուրը դրեց պատյանը: Ձին պառկեցնելու համար մի քանի վայրկյան էր հարկավոր: Այդ հասարակ բանը Գրիգորին նրան սովորեցրել էր մի շաքաթվա ընթացքում: Թաքստոցի ետևից նա մի պահունակ փամփուշտ արձակեց, բայց որովհետև նշան բռնելիս նա շտապում էր և հուզվում, ուստի միայն վերջին կրակոցով վար գցեց կարմիրբանակայինի տակի ձին: Դա հինգերորդ ֆոմինականին հնարավորություն տվեց ազատվել հետապնդումից:

— Նստի՛ր, կկորչես,— հասնելով Գրիգորին, բղավեց Ֆոմինը:

Ջախջախումը լիակատար էր: Ամբողջ բանդայից միայն հինգ հոգի ողջ մնաց: Նրանց հետապնդեցին մինչև Անտոնովսկի խուտորը, ու հետապնդումը դադարեց միայն այն ժամանակ, երբ հինգ փախստականները անհայտացան խուտորը շրջապատող անտառում:

Փախուստի ամբողջ ժամանակվա ընթացքում հինգ հոգուց ոչ մեկը ոչ մի խոսք չասաց:

Գետակի մոտ Կապարինի ձին ընկավ ու էլ չկարողացան նրան ոտքի հանել: Մնացածների հոգնատանջ ձիերը ճոճվում էին, հալիվ փոխում ոտները՝ փրփուրի թանձր, սպիտակ փաթիլներ թափելով գետինին:

— Դու ոչ թե ջոկատի հրամանատար պիտի լինես, այլ ոչխարներ արածացնես,— առանց Ֆոմինին նայելու, ասաց Գրիգորին՝ իջնելով ձիուց:

Ֆոմինը լուռումունջ իջավ ձիուց, սկսեց արձակել թամբը, հետո էլ մի կողմ քաշվեց՝ այնպես էլ չհանելով թամբը, ու նստեց ձարխոտով պատած մի գուղձի վրա:

— Ի՞նչ արած, մնում է թողնել ձիերը,— ասաց նա՝ վախեցած նայելով շուրջը:

— Բա հետո՞,— հարցրեց Չումակովը:  
— Պետք է ոտով անցնել Դոնի մյուս կողմը:  
— Ո՞ւր գնալ:  
— Անտառում կմնանք մինչև գիշեր, հետո կանցնենք Դոնը ու առայժմ կթաքնվենք Ռուբեժնիստ, այնտեղ ես շատ ազգականներ ունեմ:

— Հերթական հիմարություն,— զայրացած բացականչեց Կապարինը,— դու կարծում ես այնտեղ քեզ չե՞ն փնտրի: Իսկի խելք կա՞ գլխիդ:

— Լա՛վ, բա ո՞ւր գնանք,— շփոթված հարցրեց Ֆոմինը: Գրիգորին թամբի տոպրակներից փամփուշտներ ու մի կտոր հաց հանեց, ասաց.

— Դուք երկա՞ր պիտի խոսեք: Գնացի՛նք: Չիերը կապեցեք ծառից, հանեցեք թամբերը ու հա՛յդա, թե չէ կկարողանան այստեղ էլ մեզ բռնել:

Չումակովը մտրակը շարտեց գետնին, ոտներով տրոբեց ցեխի մեջ, կերկերող ձայնով ասաց.

— Ահա և հետևակ դարձանք... Իսկ մեր տղերքը բոլորն էլ ընկան... Մա՛յր աստվածածին, ո՛նց գզեցին մեզ: Չէի կարծում, թե այսօր սաղ կմնամ... Մահը աչքիս առաջ էր...

Նրանք լուռումունջ հանեցին թամբերը, բոլոր շորածիբներն էլ կապեցին մի լաստենու և գալլերի պես մեկ-մեկ իրար ետևից, մի հետք թողնելով քալլեցին դեպի Դոն՝ իրենց հետ տանելով թամբերը, աշխատելով գնալ խիտ մացառուտների միջով:

#### XIV

Գարնանը, երբ վարարում է Դոնը և վարարած ջուրը ծածկում է ամբողջ ողողվող մարգագետինը, Ռուբեժնի խուտորի դիմաց ջրից դուրս է մնում ձախափնյա բարձրադիր, փոքրիկ մի տարածություն:

Դոնի մերձակա սարից գարնանը հեռու-հեռվում, վարարած ջրերում երևում է այդ կղզին, որտեղ խիտ աճել են բուսականները, կաղնուտը ու սև ուռի փարթամ թփերը:

Ամռանը այնտեղ վայրի գալլուկը ցանցում է ծառերը մինչև դրանց գագաթները, ներքևում, գետնի վրա փռվում

են մոշի անանցանելի, փշոտ թփերը, դրանց վրա աճում են փրշուտ, դավիակապուշտ պատատուկները, ու բարձր, խիտ խտաբուլսերը պարարտ հողից առատորեն սնվելով սակավաթիվ բացատներում մարդու հասակից էլ բարձր են լինում:

Ամռանը նույնիսկ կեսօրին էլ անտառը անդորր է, միլին, զով: Միայն պիտուկներն են խախտում լուռությունը ու նեկ էլ կկուն է հաշվում ո՛վ գիտի ում շապրած տարիները: Իսկ ձմռանն անտառը լինում է արդեն բոլորովին դատարկ, մերկ, մեռելային լուռությամբ շղթայված: Ձմեռային սպիտակավուն երկնքի ֆոնի վրա մռայլ կերպով սևին են տալիս ծառերի կատարները: Միայն գալլերի ընտանիքներն են տարեցտարի թավոտում հուսալի ապաստարան գտնում՝ ցերեկները պսակելով ձյունապատ քուլերի արանքներում:

Ֆոմինը, Գրիգորի Մելխսովը և մնացածները, որոնք ողջ էին մնացել Ֆոմինի բանդայի շախշախումից, ապաստանեցին այդ կղզում: Ապրում էին մի կերպ. սնվում էին աղքատիկ ուտելիքով, որ գիշերները նավակով նրանց համար բերում էր Ֆոմինի հորեղբոր տղան, կես կուշտ, կես քաղցած էին լինում, դրա փոխարեն քնում էին ուղածների շափ, թամբերի բարձերը գուլխների տակ դրած: Գիշերները հերթով պահակ էին կանգնում: Կրակ չէին վառում, վախենալով, որ մեկն ու մեկը կհայտնաբերի իրենց տեղը:

Ողողելով կղզու ափերը, վարարած ջուրը շեշտակի հոսում էր դեպի հարավ: Ջուրը վշտում էր ահեղորեն՝ անցնելով իր ճանապարհին ծառացած հին կաղամախների շարքերի արանքով, կամ թոթովում էր կամացուկ, մեղմակարկաչ ու հանգիստ, օրորելով ջրասույզ թփերի կատարները:

Գրիգորին շուտով ընտելացավ ջրի մոտիկ և անլուելի աղմուկին: Նա երկար պառկում էր դիք կտրած ափի մոտ, նայում ջրային լայնարձակ տարածության, առափնյա լեռների կավճոտ ձյուղավորություններին, որոնք նիրհում էին յասամանագույն արևային մուժում: Այնտեղ, այդ մուժից դեմը, հայրենի խուտորն էր, Ակսինյան, երեխաները... դեպի այնտեղ էին թռչում նրա անուրախ խոկումները: Երբ նա վերհիշում էր հարազատներին, կարոտ-թախիժը մի ակնթարթ բռնկվում էր նրա մեջ, այրում սիրտը, ետում էր խուլ ատե-

լությունը Միխայիլի նկատմամբ, բայց նա խեղդում էր այդ զգացումները և աշխատում էր շնայել Դոնի շրջակա լեռներին, որպեսզի հուշերը մի ավելորդ անգամ չպաշարեն նրան: Կարիք չկար ազատութուն տալ շար հիշողության: Առանց այդ էլ բավականաչափ ծանր էր իր վիճակը: Առանց այդ էլ այնքան ցավոտ էր կուրծքը, որ երբեմն նրան թվում էր, թե սիրտը քերքրված է և ոչ թե բաբախում է, այլ արյունով է ողողվում: Երևում էր, որ ստացած վերքերը, պատերազմի ձախողությունները և տիֆը իրենց գործն էին արել: Գրիգորին ամեն ընդամենը լսում էր սրտի տաղտուկ զարկերը: Երբեմն կրծքում, ձախ պտուկի տակ այնպիսի ծակող, սուր ցավ էր զգում, որ շրթունքները վայրկենապես շորանում էին, և նա դժվարությամբ էր զսպում տնքոցը: Բայց նա ցավից ազատվելու ճիշտ միջոց էր գտել. նա կրծքի ձախ կողմով պառկում էր թաց գետնին կամ պաղ ջրով թրջում էր շապիկը, ու ցավը դանդաղ, ասես տհաճությամբ շքանում էր:

Եղանակը լավ էր, քամիներ գրեթե չէին լինում: Միայն երբեմն պարզ երկնքում սահում էին բարձունքներում փշող քամու զղզղած, սպիտակ ամպիկները, ու վարարած ջրերի վրայով կարապների երամի նման անցնում էին նրանց արտացոլումները ու շքանում՝ շոշափելով հեռավոր ափը:

Հաճելի էր դիտել ափերի մոտ ցրիվ եկող, կատաղի վշտացող ջրի արագ հոսանքը, լսել նրա անլուելի աղմուկը և շմտածել ոչ մի բանի մասին, աշխատել մտքից վանել այն ամենը, ինչ որ տանջանք է պատճառում: Գրիգորին ժամերով դիտում էր հոսանքի հեղհեղուկ և անսահմանորեն բազմապիսի խոպուպիկները: Դրանք ամեն ընդամենը փոխում էին իրենց ձևը. այնտեղ, ուր մի քիչ առաջ մեղմակի սահում էին կոհակները, տանելով եղեգնի ջարդված ցողուններ, ճիւղված տերևներ և խոտաբույսերի արմատներ,— մի ընդամենը հետո առաջանում էր տարօրինակ ձևի ձագար, որ ազահությամբ ներծծում էր այն ամենը, ինչ որ լողում էր իր կողքին, մի քիչ հետո էլ ձագարի տեղում փրփրում ու պղտոր կոհակներ էր գալարում ջուրը ու գուրս էին գալիս մերթ բոշի սևացած մի արմատ. մերթ կաղնու կտրատված մի տերև, մերթ էլ ով գիտե որտեղից բերված ծղնոտի մի փնջիկ:

Երեկոներին արևմուտքում հրավառվում էին բալի պես

կարմիր վերջալույսները: Բարձրաբերձ բարդենու և տեղից ելնում էր լուսինը: Նրա լույսը սպիտակ, սառը բոցի նման սփռվում էր Դոնի վրա՝ ցուլեր և դունախաղ առաջացնելով այնտեղ, ուր քամին թեթևակի ալեկոծում էր ջուրը: Գիշերները միախառնվելով ջրի աղմուկին, կղզու վրա նույնպես անլուելի հնչում էին դեպի հյուսիս թռչող սագերի անթիվ երամների ձայները: Թռչունները, որոնց ոչ ոք չէր անհանգրստացնում, հաճախ նստում էին կղզու մերձակայքում, դառարակեյան կողմում: Անդորր ջրերում, հեղեղված անտառում դիլ կոնչում էին վայրի բաղաբլուրները, կչկչում էին բաղերը, ձայն ձայնի տալով կամացուկ կոկոթում էին ծովասագերն ու վայրի սագերը: Մի անգամ էլ, հուշիկ մոտենալով ափին, Գրիգորին կղզուց քիչ հեռու տեսավ կարապների մի մեծ երամ: Արևը դեռ չէր ծագել: Հեռավոր անտառաշերտի և տեղում պայծառ շողողում էր արշալույսը: Անդրադարձնելով նրա լույսը, ջուրը վարդագույն էր թվում, և անշարժ ջրի վրա նույնպես վարդագույն էին թվում մեծ, վեհաշուք թռչունները, որոնք իրենց հպարտ գլուխները դեպի արևելք էին դարձնում: Ափից շրջուն լսելով, նրանք հնչեղ, շեփորային կանչով վերև թռան, ու երբ անտառից վեր բարձրացան, նրանց փետուրների դյուլթական, շողողուն ձնափայլը խփեց Գրիգորիի աչքերին:

Յոմինը և նրա զինակիցներից ամեն մեկը իրենց ուզածի պես էին ժամանակ վատնում. տնտեսարար Ստերլյագունիկովը կաղ ոտին հարմար դիրք տալով, առավոտից մինչև երեկո նորոգում էր հագուստը և ոտնամանները, խնամքով մաքրում զենքերը, կապարինը, որի համար անօգտակար էր խոնավ գետնի վրա գիշերելը, ամբողջ օրերով պառկում էր արևի տակ, կիսամուշտակը գլխին քաշած, ու խուլ հագում էր, Յոմինը և Չումակովը անդադար թուղթ էին խաղում թրջթից հենց իրենց պատրաստած խաղաթղթերով, Գրիգորին թափառում էր կղզում, երկար նստում ջրափին: Նրանք միմյանց հետ քիչ էին խոսում,— ամեն ինչի մասին էլ վաղուց խոսել էին,— ու հավաքվում էին միայն ուտելու ժամանակ և երեկոներին, սպասելով Յոմինի հորեղբոր որդու գալուն: Չանձրույթը մաշում էր նրանց, ու կղզում գտնվելու ժամանակվա ընթացքում լուկ մի անգամ Գրիգորին տեսավ, թե

ինչպես Չումակովը և Ստերլյազնիկովը, չգիտես ինչու հանկարծակի ուրախացած, ըմբշամարտի բռնվեցին: Նրանք երկար ըմբշամարտում էին միևնույն տեղում, տնքում և կարճ, գվարճալի ֆրազներ էին փոխանակում: Նրանց ոտները մինչև կոճիկները թաղվում էին սպիտակ, հատիկավոր ավազի մեջ: Կաղ Ստերլյազնիկովը պարզապես ավելի ուժեղ էր, բայց Չումակովը իր ճարպկությամբ գերազանցում էր նրանից: Նրանք ըմբշամարտում էին կալմիկական ձևով, գոտիներից բռնած, ուսերը դեպի առաջ տալով և աշալուրջ հետևելով միմյանց ոտներին: Նրանց դեմքերը խոժոռվում ու գունատվում էին լարվածությունից, նրանք մշմշալով ու բուռն թափով էին շնչում: Գրիգորին հետաքրքրությամբ դիտում էր ըմբշամարտը: Նա տեսավ, թե ինչպես Չումակովը, հարմար պահ ընտրելով, հանկարծ շեշտակի ընկավ մեջքի վրա, քաշելով հակառակորդին, ու ծալված ոտների շարժմամբ նրան պցեց իր վրայից: Մի վայրկյան անց ժանտաքիսի պես ճկուն ու ճարպիկ Չումակովը արդեն պատկած էր Ստերլյազնիկովի վրա՝ վերջինս թիակները սեղմելով ավազին, իսկ շնչասպառ ու ծիծաղող Ստերլյազնիկովը մոռնում էր՝ «Տո, անիրավ, բա մենք խոսե՞լ էինք... թե կարելի չէլիսի վրայով գցել...»

— Կպել եք իրար, ոնց որ ջահել աքլորներ, դե հերիք եղավ, թե չէ մեկ էլ տեսար կովեցիք, — ասաց Ֆոմինը:

Ոչ, նրանք ամենևին էլ միտք չունեին կովելու: Նրանք հաշտ, իրար գրկած նստեցին ավազի վրա, ու Չումակովը խուլ, բայց հաճելի ձայնով, արագ տեմպով սկսեց պարերգը.

Օ՛յ, սառնամանիք, օ՛յ սառնամանիք,  
Դու չբորհենքի ծանոտ սառնամանիք,  
Ցրտատար արիւ մոխրազույն գիլին,  
Ու վերնատան մեջ — սիրուն աղչկան...

Ստերլյազնիկովը ձայնակցեց իր բարալիկ տենորով, ու նրանք ներդաշնակորեն, անսպասելի լավ էին երգում.

Աղչիկը ցրտին դուրս ելավ տանից,  
Դուրս ելավ տանից սե քուրքը ձեռքին,  
Տվեց ձի նստած մի ուրյաղնիկի...

Ստերլյազնիկովը չհամբերեց. վեր թռավ ու սկսեց պարել՝ շրիկացնելով մատները, կաղ ոտը թաղելով ավազի մեջ:

Չումակովը առանց երգը ընդհատելու վերցրեց թուրը, ավազի մեջ մի փոքրիկ փոս փորեց ու ասաց.

— Կա՛ց, է՛, կաղ սատանա: Քո մի ոտը կարճ է, հարթ տեղում չես կարող պարել... Դու պետք է կամ սարալանջի վրա պարես, կամ այնպես, որ երկար ոտդ լինի փոսի մեջ, իսկ մյուս ոտդ փոսից դուրս: Երկար ոտդ դիր այս փոսի մեջ ու կորկողա, կտեսնես, թե պարը ինչքան լավ դուրս կգա... Դեհ, սկսեցինք...

Ստերլյազնիկովը սրբեց ճակատի քրտինքը, առողջ ոտը հնազանդությամբ դրեց Չումակովի փորած փոսի մեջ:

— Դրուստ որ, այսպես ավելի հարմար է, — ասաց նա: Միծաղից շնչասպառ լինելով, Չումակովը ծափ տվեց, շուտասելուկով երգեց.

Այստեղից անցնես, մոտս եկ, ջանիկ,  
Քեզ կհամարեմ, կլնես երջանիկ...

Ու Ստերլյազնիկովը պահպանելով դեմքի լուրջ արտահայտությունը, որ հատուկ է բոլոր պարողներին, սկսեց ճարպկությամբ պարել և փորձեց նույնիսկ պազապարի անցնել...

Օրերն անցնում էին մեկը մյուսի նման: Մուժն ընկնելուց հետո անհամբեր սպասում էին, թե երբ է գալու Ֆոմինի հորեղբոր որդին: Բոլորն էլ, հինգ հոգով հավաքվում էին ափին, խոսում էին ցածր ձայնով, ծխում՝ շինելների փեշերով ծածկելով ծխախոտների կրակը: Որոշվել էր կղզում ապրել էլի մի շաբաթ, հետո էլ գիշերով անցնել Դոնի աջ կողմը, ձիեր ճարել ու ճանապարհվել դեպի հարավ: Լուրերի համաձայն, օկրուգի ինչ-որ հարավային վայրերում շրջում էր Մասլակի բանդան:

Ֆոմինը իր ազգականներին հանձնարարեց իմանալ, թե ամենամոտ խոտորներից ո՞ր մեկում կտե հեծնելու համար պիտանի ձիեր, ինչպես նաև պատվիրեց ամեն օր իրեն հաղորդել այն ամենը, ինչ որ կատարվում էր օկրուգում: Նրանց իմացած նորությունները միտիթարական էին: Ֆոմինին փնտրում էին Դոնի ձախ կողմում, կարմիրբանակայինները թեև եղել էին Ռուբեժնիում, սակայն Ֆոմինի տանը խուզարկություն կատարելուց հետո անմիջապես մեկնել էին:

— Հարկավոր է շուտ հեռանալ այստեղից: Ո՞ր սատանի համար պիտի նստենք այստեղ: Եկեք վաղը գնանք,— մի անգամ նախաճաշի ժամանակ առաջարկեց Չումակովը:

— Նախ՝ պետք է լուր իմանալ ձիերի մասին,— ասաց Ֆոմինը:— Ինչո՞ւ պիտի շտապենք: Թե որ մեզ ավելի լավ կերակրեին, մինչև ձմեռ չէի հրաժարվի այս կյանքից: Նայեցեք, թե ինչպիսի գեղեցկություն կա մեր շուրջը: Կհանգրստանանք ու էլի գործի կդիմենք: Թող նրանք մեզ փնտրեն, մենք նրանց ձեռքը չենք ընկնի: Խոստովանում եմ, նրանք մեզ ջարդեցին իմ հիմարության պատճառով, դե, անշուշտ, ցավալի է, միայն թե դրանով բանը չի վերջացել: Մենք դեռ մարդիկ կհավաքենք: Հենց որ ձի նստենք ու անցնենք մոտակա խուտորները, մի շաբաթից հետո մի հիսուն մարդ կհավաքվի մեր շուրջը, գուցեև հարյուր մարդ: Կհարստանանք մարդկանցով, աստված վկա:

— Դատարկ բան է, հիմար ինքնավստահություն,— ջղայնացած ասավ Կապարինը:— Կազակները դավաճանեցին մեզ, չեկան ու չեն գա մեր ետևից: Հարկավոր է քաջություն ունենալ և խոստովանել ճշմարտությունը և ոչ թե հրապուրվել հիմար հույսերով:

— Ո՞նց թե չեն գա:

— Հենց այնպես, սկզբում չեկան, հիմա էլ չեն գա:

— Այդ դեռ կտեսնենք,— ցասկոտ վրա բերեց Ֆոմինը, ես զենքս վար չեմ դնի:

— Դրանք բոլորը դատարկ խոսքեր են,— հոգնածորեն ասաց Կապարինը:

— Տո, անգլուխ սամի,— բարձր բացականչեց զայրացած Ֆոմինը,— ի՞նչ ես այստեղ խուճապ առաջացնում, հ՞ր: Դու ինձ զզվեցրիր դառն բողկից էլ դառն քո արտասուքներով: Էլ ինչո՞ւ էիր մեջտեղ գալիս, ինչո՞ւ էիր ապստամբում: Ինչո՞ւ էիր կովի ելնում, եթե պլոճիկ չունեիր: Դու առաջինը գլուխս թլոզեցիր ապստամբելու համար, իսկ հիմի ծա՞կն ես մտնում, հա՞-ա: Ի՞նչ ես պապանձվել:

— Ես քեզ հետ խոսելիք չունեմ, կորի գնա, հիմար,— հիստերիկաբար ճղճղաց Կապարինը ու հեռացավ, մրսելուց փաթաթվեց կիսամուշտակով, բարձրացրեց օձիքը:

— Դրանց, այդ բոլոր ազնվական մարդկանց կաշին

բարակ է: Մի բան պատահեց թե չէ, դրանք էլ չեն դիմանում...— հոգոց հանելով ասաց Ֆոմինը:

Որոշ ժամանակ նրանք լուռ նստած ունկնդրում էին ջրի համաշափ ու հզոր աղմուկին: Նրանց զխավերևից, ծանր կոնչալով, թռավ մարի մի բաղ, փախչելով իրեն հետապնդող երկու որձ բաղերից: Աշխույժ դայլայլող սարյակների մի երամ իջավ դեպի բացուտը, բայց տեսնելով մարդկանց, թռավ վերև ու, սև կեմի նման ոլորվելով, հեռացավ:

Մի քիչ հետո Կապարինը նորից մոտեցավ:

— Ես ուզում եմ այսօր գնալ խուտոր,— ասաց նա՝ նայելով Ֆոմինին և արագ թարթելով աչքերը:

— Ինչի՞ համար:

— Տարօրինակ հարց: Մի՞թե դու չես տեսնում, որ ես բոլորովին մրսել եմ և համարյա չեմ կարողանում ոտքի վրա կանգնել:

— Հետո՞ ինչ, խուտորում քո մրսածությունը կանցնի՞, թե ինչ,— անխոռվ հանգստությունը հարցրեց Ֆոմինը:

— Անհրաժեշտ է գոնե մի քանի գիշեր տաք տեղում լինել:

— Դու ոչ մի տեղ չես գնա,— կտրուկ ասաց Ֆոմինը:

— Ուրեմն ի՞նչ, մեռնե՞մ այստեղ:

— Ինչպես կուզես:

— Բայց ինչո՞ւ չեմ կարող գնալ: Չէ՞ որ այս ցրտում գիշերելը կկործանի ինձ:

— Բա որ խուտորում քեզ բռնե՞ն: Դու մտածե՞լ ես դրա մասին: Այն ժամանակ մեզ բոլորիս էլ կկործանեն, թե՞ ես քեզ չեմ ճանաչում, հը՞: Հենց առաջին հարցաքննության ժամանակ դու մեզ կմատնես: Դեռ մինչև հարցաքննությունն էլ կմատնես, երբ քեզ վեշկի տանեն:

Չումակովը ծիծաղեց և զխով հավանության նշան արեց: Նա լիովին համաձայն էր Ֆոմինի խոսքերին: Բայց Կապարինը կամակորությունը ասաց.

— Ես պետք է գնամ: Քո սրամիտ ենթադրությունները չհամոզեցին ինձ:

— Իսկ ես ասի՛ նստիր տեղդ և ձեռ քաշիր դրանից:

— Բայց ախր հասկացիր, Յակով Եֆիմովիչ, որ ես էլ չեմ կարող ապրել այս գազանային կյանքով: Ես հիվանդ եմ պլեթիտով և գուցե նույնիսկ թոքերի բորբոքումով:

— Կառողջանաս: Կարտուկեա արևի տակ և կառողջանաս: Կապարինը կտրուկ հայտարարեց.

— Միևնույն է, ես այսօր կգնամ: Դու իրավունք չունես ինձ պահելու: Կգնամ ինչ պայմաններում էլ որ լինի:

Ֆոմինը նայեց նրան, կասկածանքով կկոցեց աչքերը ու, Չումակովին աչքով աննշով, վեր կացավ գետնից:

— Ոնց որ երևում է, Կապարին, դու իսկապես հիվանդացել ես... Երևի մեծ տաքություն ունես... հապա թող մի տեսնեմ, տա՞ք է գլուխդ:— Նա մի քանի քայլ արեց դեպի Կապարինը՝ մեկնելով ձեռքը:

Ըստ երևույթին Կապարինը ինչ-որ շարագուշակ բան տեսավ Ֆոմինի դեմքին. ետ-ետ գնալով՝ կտրուկ բղավեց.

— Դե՛ն գնա:

— Մի բղավի, ինչո՞ւ ես բղավում: Ծա միայն փորձելու եմ: Ի՞նչ ես դողում:— Ֆոմինը մոտեցավ ու բռնեց Կապարինի կոկորդից:— Անձնատո՞ւր ես լինում, սրիկա,— խուզ մռթմռթաց նա ու ամբողջովին լարվեց՝ աշխատելով Կապարինին շարտել գետին:

Գրիգորին դժվարութեամբ բաժանեց նրանց՝ գործի դնելով իր ամբողջ ուժը:

...Ճաշից հետո, երբ Գրիգորին իր լվացած սպիտակեղենը կախ էր տալիս թփից, Կապարինը ասաց.

— Ուզում եմ ձեզ հետ առանձին խոսել... Եկեք նրասենք:

Նրանք նստեցին փոթորկից տապալված, փտած մի բարդուբնի վրա:

Կապարինը խուզ հազալով հարցրեց.

— Դուք ի՞նչպես եք նայում այդ ապուշի վարմունքին: Ծա անկեղծորեն շնորհակալ եմ ձեզանից, ձեր միջամտութեան համար: Դուք ազնվորեն վարվեցիք, ինչպես և վայել է սպային: Բայց սարսափելի՞ է: Ծա էլ չեմ կարող տանել այս բոլորը: Մենք կարծես գազաններ լինենք... Քանի՞ օր է, որ մենք տաք կերակուր չենք կերել, և հետո, այս թաց գետնի վրա քնե՛լը... Ծա մրսել եմ, կողքս սարսափելի ցավում է: Հավանորեն թոքերի բորբոքում ունեմ: Շատ եմ ուզում նստել կրակի մոտ, քնել տաք սենյակում, փոխել սպիտա-

կեղենս... Ծա երազում եմ մաքուր, թարմ շապկի, սավանի մասին... Ոչ, չեմ կարող տանել այս բոլորը:

Գրիգորին ժպտաց.

— Ուզում էիք հարմարութուններով պատերազմել:

— Լսեցեք, ախր սա ի՞նչ պատերազմ է,— աշխուժութեամբ արձագանքեց Կապարինը:— Սա ոչ թե պատերազմ է, այլ անվերջ թափառում, սովետական առանձին աշխատողների սպանութուններ, ապա և փախուստ: Պատերազմ կլինի այն ժամանակ, երբ մեզ աջակցեր ժողովուրդը, երբ ապրուստամբություն սկսվեր, իսկ սա պատերազմ չէ, ոչ, պատերազմ չէ:

— Մենք ելք չունենք: Հո անձնատուր չե՞նք լինելու:

— Այո, բայց ի՞նչ պետք է անել:

Գրիգորին թոթվեց ուսերը: Նա ասաց այն, ինչ որ հաճախ մտածում էր, երբ պառկում էր այստեղ, կղզում:

— Բայց և այնպես վատ աղատութունը ավելի լավ է, քանց լավ բանտը: Գիտե՞ք ոնց են ասում ժողովրդի մեջ,— բանտը ամուր է,— սատանի աչքը լույս:

Կապարինը ավազի վրա ձողիկներով ինչ-որ ֆիգուրներ էր գծում, երկար լռութունից հետո ասաց.

— Պարտադիր չէ անձնատուր լինել, բայց պետք է բուշակներին դեմ պայքարելու նոր ձևեր փնտրել: Պետք է ձեռք քաշել այդ զզվելի ժողովրդից: Դուք ինտելիգենտ մարդ եք...

— Դե, ես ի՞նչ ինտելիգենտ եմ որ,— քմծիծաղ տվեց Գրիգորին:— Ծա այդ բանն էլ դժվարութեամբ եմ ասում:

— Դուք սպա եք:

— Դա պատահական բան է եղել:

— Ոչ, առանց կատակի: Դուք հո սպա եք, շփվել եք սպայական հասարակության հետ, տեսել եք իսկական մարդկանց, դուք հո սովետակ .ն ներելուկ իշխող չեք, ինչպես Ֆոմինն է, և դուք պետք է հասկանաք, որ այստեղ մնալը մեզ համար անիմաստ է: Սա համազոր է ինքնասպանութեան: Նա մեզ այս անտառում հարվածի տակ է դրել, ու եթե մենք հետազայում էլ մեր բախտը կապենք նրա հետ, նա էլի շատ անգամ մեզ փորձանքի կմատնի, նա ուղղակի գոհհիկ մարդ է և բացի այդ, կատաղի ապուշ է: Նրա հետ մենք կկորչենք:

— Ուրեմն անձնատուր չլինենք, այլ հեռանա՞նք Ֆոմինից, ո՞ւր գնանք, Մասլակի մոտ, — հարցրեց Գրիգորին:

— Ոչ, Դա նույնպես ավանտյուրա է, միայն ավելի խոշոր մասշտաբով: Այժմ ես այլ կերպ եմ նայում դրա վրա: Պետք է հեռանալ, բայց շփնալ Մասլակի մոտ...

— Բա ո՞ւր:

— Վեշենսկայա:

Գրիգորին վրդովված թոթվեց ուսերը:

— Դա նշանակում է էլի խաթայի մեջ ընկնել: Չէի ուզենա:

Կապարինը սուր, փայլող աչքերով նայեց նրան:

— Ինձ չհասկացաք, Մելեխով: Կարո՞ղ եմ վստահել ձեզ:

— Կրովին:

— Սպայի ազնիվ խոսք:

— Կաղակի ազնիվ խոսք:

Կապարինը նայեց օթևանում ինչ-որ բանով զբաղված Ֆոմինի ու Չումակովի կողմը, ու թեև նրանք բավական հեռու էին և ոչ մի կերպ չէին կարող լսել տեղի ունեցող խոսակցությունը, — ձայնը ցածրացնելով ասաց.

— Ես գիտեմ ձեր հարաբերությունները Ֆոմինի և մյուսների հետ: Դուք նրանց նույնքան օտար եք, որքան և ես: Ինձ չեն հետաքրքրում այն պատճառները, որոնք ձեզ ստիպել էին գնալ սովետական իշխանության դեմ: Եթե ես ճիշտ եմ հասկանում, այդ ձեր անցյալն է և ձերբակալությունից վախենալը, այնպես չէ՞:

— Ասացիք, որ պատճառները ձեզ չեն հետաքրքրում:

— Այո, այո, ես այդ ի միջի այլոց ասացի, հիմա մի քանի խոսք իմ մասին: Ես անցյալում եղել եմ սպա և սոցիալիստ-ռևոլյուցիոներների պարտիայի անդամ, հետագայում ես վճռականապես վերանայեցի իմ քաղաքական համոզմունքները... Միայն միապետությունը կարող է փրկել Ռուսաստանը: Միայն միապետությունը: Նախախնամությունն ինքն է այդ ուղին ցույց տալիս մեր հայրենիքին: Սովետական իշխանության էմբլեման մուրճն ու մանգաղն է, չէ՞: — Կապարինը ավազի վրա փայտիկով գծեց «մոլոտ, սերպ» (մուրճ, մանգաղ) բառերը, հետո տենդորեն փայլող աչքերը հռոպեց Գրիգորին: — Տառերը կարդացեք աչից

ձախ (պրեստոլում — գահով): Կարդացի՞ք: Դուք հասկացա՞ք: Միայն գահով կվերջանա ռևոլյուցիան և բոլշևիկների իշխանությունը: Գիտե՞ք արդյոք, որ ես միստիկ սարսափով բռնվեցի, երբ իմացա այդ մասին: Ես դողում էի, որովհետև դա, եթե ուզում եք, աստծու մատն է, որը ցույց է տալիս մեր դեգերումների վերջը...

Կապարինը հուզմունքից շնչասպառ եղավ ու լռեց: Նրա սուր, մի քիչ խելագարություն արտահայտող աչքերը մեխված էին Գրիգորիի վրա: Բայց վերջինս ամենևին չէր դողում և միստիկ սարսափ չէր զգում՝ լսելով այդ հայտնագործությունը: Նա միշտ էլ զգաստ ու սովորական հայացքով էր նայում իրերին, դրա համար էր պատասխանեց.

— Դա ոչ մի մատ էլ չի: Գերմանական պատերազմի ժամանակ դուք եղե՞լ եք ռազմաճակատում:

Հարցից շփոթված Կապարինը մի քիչ ուշացրեց պատասխանը:

— Իսկ դուք ինչո՞ւ եք հարցնում դրա մասին: Ոչ, անմիջականորեն ռազմաճակատում չեմ եղել:

— Բա ո՞րտեղ էիք ապրում պատերազմի ժամանակ: Թիկունքո՞ւմ:

— Այո:

— Շարունակ:

— Այո, այսինքն համարյա թե շարունակ, իսկ դուք ինչո՞ւ եք այդ հարցնում:

— Իսկ ես տասնչորս թվից մինչև այսօր ռազմաճակատում եմ, եղել են միայն կարճ ընդմիջումներ: Հա՛, այդ մատի մասին... էլ մատս ո՞րն է, երբ աստված չկա: Ես վաղուց չեմ հավատում այդ հիմարություններին: Տասնհինգ թվից, երբ լավ տեսա պատերազմը, մտածեցի, որ աստված չկա: Ո՛չ մի աստված: Եթե լիներ, իրավունք չէր ունենա թույլ տալ, որ մարդիկ այդ տեսակ անկարգություն անեին: Մենք, ճակատայիններս, ձեռ քաշեցինք աստծուց, նրան թողինք միայն ծերուկների ու կնանոնց համար: Թող նրանք մխիթարվեն: Ոչ մի մատ էլ չկա, միապետություն էլ չի կարող լինել: Ժողովուրդը նրան ընդմիշտ վերջ է տվել: Իսկ դա, որ դուք ցույց եք տալիս, որ թարս եք կարդում տառերը, դա, ներեցեք ինձ, մանկական զվարճալիք է, ոչ ավելի: Ես



մի քիչ լավ չեմ հասկանում, ինչի՞ համար եք ասում այդ բոլորը: Դուք ինձ ավելի պարզ և կարճ ասացեք: Ես յունկերների ուսումնարանում չեմ սովորել և շատ գրագետ չեմ, թեև սպա եմ եղել: Եթե ես մի քիչ ավելի գրագետ լինեի, դուցեև ձեզ հետ այստեղ շնատեի կղզում, ոնց որ գել, որ դրսից կտրվել է վարարած ջրով,— վերջացրեց նա պարզապես ավստասնք արտահայտող ձայնով:

— Այդ կարևոր չէ,— հապճեպ ասաց Կապարինը:— Հավատում եք աստծուն, թե չեք հավատում, այդ կարևոր չէ: Դա ձեր համոզմունքների, ձեր խղճի գործն է: Ճիշտ նույնպես նշանակություն չունի այն, թե դուք միապետական եք կամ սահմանադիր ժողովի կողմնակից և կամ սոսկ անկախության պլատֆորմին կանգնած կազակ: Կարևորն այն է, որ մեզ միավորում է միատեսակ վերաբերմունքը դեպի սովետական իշխանությունը: Դուք համաձայն եք դրա հետ:— Հետո՞:

— Մենք հույս էինք դնում կազակներին ընդհանուր ապստամբության վրա, այնպես չէ՞: Մեր հույսը չիրականացավ: Հիմի պետք է մի կերպ դուրս գալ այս դրությունից: Բոլշևիկների դեմ հետո էլ կարելի է պայքարել առանց ինչ-որ մի Ֆոմինի ղեկավարություն: Այժմ կարևոր է, որ մենք պահպանենք մեր կյանքը, դրա համար էլ ես ձեզ դաշինք եմ առաջարկում:

— Ի՞նչ դաշինք: Ո՞ւմ դեմ:

— Ֆոմինի դեմ:

— Չեմ հասկանում:

— Ամեն ինչ էլ շատ պարզ է: Ես ձեզ հրավիրում եմ լինել իմ գործակիցը...— Կապարինը զգալիորեն հուզվում էր և արդեն անհանգիստ շնչելով էր խոսում:— Ես ու դու սպանում ենք այդ երեքին և գնում ենք Վեչենսկայա, հասկանալի՞ է: Դա մեզ կփրկի: Սովետական իշխանության առաջ մեր այդ ծառայությունը մեզ փրկում է պատից: Մենք ապրում ենք: Դուք հասկանո՞ւմ եք, ապրում ենք... փրկում ենք մեր կյանքը: Ինքնին հասկանալի է, որ ապագայում հարմար դեպքում մենք դուրս ենք գալիս բոլշևիկների դեմ: Բայց դա այն ժամանակ, երբ կլինի լուրջ գործ և ոչ թե ալկախի ավանտյուրա, ինչպիսին ձեռնարկել է

այդ բոստ Ֆոմինը: Համաձայն եք: Հաշվի առեք, որ սա միակ էլքն է մեր անհուսալի դրությունից, այն էլ փայլուն էլք:

— Բայց այդ ի՞նչպես անել,— հարցրեց Գրիգորին՝ ներքուստ ցնցվելով վրդովմունքից, բայց ամեն կերպ աշխատելով թաքցնել իրեն համակած զգացումը:

— Ես ամեն ինչ մտածել եմ. մենք այդ կանենք գիշերով, սառն գինքով, հետևյալ գիշերը գալիս է այն կազակը, որը մեզ մթերքներ է հայթայթում, մենք անցնում ենք Դոնը, պրծավ-գնաց: Ուղղակի հանձարեղ միտք, և ոչ մի խորամանկություն:

Շինժու բարեսրտությունը ժպտալով, Գրիգորին ասաց.

— Դա հիանալի է: Բայց ասացեք, Կապարին, առավոտյան, երբ դուք պատրաստվում էիք գնալ խուտորում տաքանալու... Դուք Վեչկի գնալու միտք ունե՞իք: Ֆոմինը ճի՞շտ հասկացավ ձեզ:

Կապարինը ուշադրությամբ նայեց բարեսրտությամբ ժպտացող Գրիգորին և ինքն էլ մի քիչ շփոթվելով և անուրախ ժպտաց:

— Անկեղծորեն ասած՝ այո: Գիտե՞ք, երբ հարցը սեփական կաշվին է վերաբերվում, միջոցներ ընտրելիս առանձնապես չես ճնշվում:

— Կմատնե՞իք մեզ:

— Այո,— ազնվաբար խոստովանեց Կապարինը,— բայց ես կաշխատեի անձնապես ձեզ ազատել անախորժություններից, եթե ձեզ բռնեին այստեղ, կղզում:

— Իսկ ինչո՞ւ դուք մենակ չկոտորեցիք մեզ: Այդ բանը գիշերով հեշտ կլիներ անել:

— Ռիսկ կլիներ: Առաջին կրակոցից հետո մյուսները...

— Վար դիր գենքերդ,— դուսպ ասաց Գրիգորին՝ հանկուղով նազանը...— վար դիր, թե չէ տեղնուտեղը կսպանվի: Ես հիմի վեր կկենամ, մեջքով կծածկեմ քեզ, որ Ֆոմինը շտեանի, և դու նագանը կգցես ոտներիս տակ: Դեհ, չհամարձակվես կրակել: Կքնեցնեմ, եթե փորձես:

Կապարինը նստած էր մեռելի պես գունատ:

— Մի՛ սպանեք ինձ,— շնչաց նա՝ հազիվ շարժելով շրթունքները:

— Չեմ սպանի: Իսկ գենքերդ կվերցնեմ:

— Դուք ինձ կմատնեք...

Կապարինի մազակալած այտերի վրայով արցունքներ գլորվեցին: Գրիգորին ճակատը կնճռոտեց նողկանքից ու ցավակցությունից, բարձրացրեց ձայնը.

— Գցի նագանը, շեմ մատնի, թեև պետք է մատնել: Ա՛մա թե սրիկա դուրս եկար, հա՛-ա:

Կապարինը ատրճանակը գցեց Գրիգորիի ոտների տակ:

— Բա բրաո՞ւնինգո: Բրաունինգո էլ տուր: Ֆրենչիդ կրծքի գրպանումն է:

Կապարինը հանեց ու դցեց նիկելով փայլող բրաունինգը, ձեռներով ծածկեց դեմքը: Նա դողում էր հեկեկանքից:

— Հերիք է, սրիկա,— խիստ ասաց Գրիգորին՝ դժվարությամբ զսպելով այդ մարդուն խփելու ցանկությունը:

— Դուք ինձ կմատնեք... Կորա ես:

— Ես քեզ ասացի, որ շեմ մատնի: Բայց հենց որ գնանք կղզուց, ծլկիր ուր որ ուզենաս: Դու մեզ էլ պետք չես: Ինքդ քեզ համար թաքստոց փնտրիր:

Կապարինը ձեռները իջեցրեց դեմքից: Սարսափելի էր նրա թաց, սփրթնած դեմքը, աչքերը ուռած էին, ստորին ծնոտը դողում էր:

— Այդ դեպքում ինչո՞ւ... Ինչո՞ւ դուք ինձ զինաթափեցիք,— կակազելով հարցրեց նա:

Գրիգորին դժկամ ասաց.

— Որ դու թիկունքիս չկրակես: Չեզանից, ուսումնական մարդկանցից, ամեն ինչ կարելի է սպասել... էլի դեռ ինչ-որ մատի, ցարի, աստծու մասին ես դուրս տալի... Ինչքա՛ն կեղտոտ մարդ ես դու...

Առանց Կապարինին նայելու, երբեմնակի թքելով բերանում արագորեն հավաքվող թուրք, Գրիգորին դանդաղ քայլեց դեպի կայանը:

Ստերլյազնիկովը մոմաթելով ձիու փորքաշն էր կարում, կամացուկ սուլում: Ֆոմինը և Չումակովը տապճակի վրա պառկած, ըստ իրենց սովորության թուղթ էին խաղում:

Ֆոմինը կարճ նայեց Գրիգորին, հարցրեց.

— Նա ի՞նչ էր ասում քեզ, ինչի՞ մասին էր խոսքը:

— Կյանքիցն էր գանգատվում... Դուրս էր տալիս, էլի՛...

Գրիգորին կատարեց խոստումը, շմատնեց Կապարինին:

Բայց երեկոյան աննկատելի կերպով հանեց ու թաքցրեց Կապարինի հրացանի փակաղակը: «Սատանան գիտի, թե զիչերը նա ինչ կանի...» — մտածում էր նա՝ պառկելով քնելու: Առավոտյան Ֆոմինը արթնացրեց նրան, Կոնանլով, հուշիկ հարցրեց.

— Դու վերցրե՞լ ես Կապարինի զենքերը:

— Ի՞նչ, ո՞ր զենքերը,— Գրիգորին վեր կայավ նստեց, դժվարությամբ ճմլկոտեց ուսերը:

Նա քուն էր մտել միայն լուսաբացից քիչ առաջ և սաստիկ մրսել էր: Նրա շինելը, փափախը, սապոգները,— ամեն ինչ նամացել էր արևածագի պահին չոքած մշուշից:

— Նրա զենքերը չենք գտնում: Դո՞ւ ես վերցրել: Դե զարթնի՛ր է՛, Մելեխով:

— Հա՛, ես: Ինչո՞ւմն է բանը:

Ֆոմինը լուռ հեռացավ: Գրիգորին վեր կացավ, թափ տվեց շինելը: Չումակովը մոտիկ տեղում նախաճաշ էր պատրաստում. նա ողողեց ճամբարում եղած միակ ապուրամանը, ու ամբողջ բոքոն հացը սեղմելով կրծքին, չորս հավասար պատառ կտրեց, սափորից կաթ լցրեց ապուրամանի մեջ, կորեկաձավարից պատրաստած պինդ կաշալի մի գունդ փշրելիս նայեց Գրիգորին:

— Երկար քնեցիր Մելեխով: Տես, որտեղ է արևը:

— Ում խիղճը մաքուր է, նա միշտ էլ լավ է քնում,— ասաց Ստերլյազնիկովը՝ շինելի փեշով սրբելով մաքուր լվացված փայտե զղալները:— Իսկ Կապարինը ամբողջ զիչերը շէր քնում, շարունակ դես ու դեն էր շուռ գալիս...

Ֆոմինը, լուռ ժպտալով նայում էր Գրիգորին:

— Նստեցեք նախաճաշելու, ավազակներ,— առաջարկեց Չումակովը:

Նա առաջինը զղալով կաթ վերցրեց, հացի պատառի ամբողջ կեսը տարավ բերանը: Գրիգորին վերցրեց իր գղալը և, ուշադրությամբ նայելով բոլորին, հարցրեց.

— Ո՞ւր է Կապարինը:

Ֆոմինը և Ստերլյազնիկովը լուռ ուտում էին, Չումակովը ակնապիշ նայում էր Գրիգորին ու նույնպես լուռ էր:

— Կապարինին ի՞նչ եք արել,— հարցրեց Գրիգորին՝ մի քիչ կռահելով, թե ինչ էր պատահել զիչերը:

— Կապարինը հիմա հեռու է,— հանգիստ ժպտալով պատասխանեց Չումակովը։— Նա լողալով գնաց Ռոստով։ Հիմա երևի Ուստ-Նոպերի մոտերքում կլինի... Հրեն, կախած է նրա կիսամուշտակը, տե՛ս:

— Իսկապե՞ս սպանել եք,— հարցրեց Գրիգորին հարևան-ցի նայելով Կապարինի կիսամուշտակին:

Այդ մասին կարելի էր և չհարցնել: Առանց դրան էլ ամեն ինչ պարզ էր, բայց նա չգիտես ինչու հարցրեց: Նրան միանգամից շփոթախանեցին, և նա կրկնեց հարցը:

— Դե, պարզ բան է, սպանեցինք,— ասաց Չումակովը և թարթիչներով ծածկեց գորշ, կանացիորեն դեղեցիկ աչքերը:— Ես եմ սպանել: Այդպես է պաշտոնս,— սպանել...

Գրիգորին ուշադրութամբ նայեց նրան: Չումակովի թուխ, կարմրաթուշ և մաքուր դեմքը հանգիստ էր և նույնիսկ ուրախ: Շեկ, ոսկեերանգ բեղերը խիստ աչքի էին ընկնում արևավառ դեմքի վրա՝ ստվերադժեղով հոնքերի ու դեպի ետ սանրված մաղերի մուգ գույնը: Իրոք որ գեղեցիկ ու տեսքով համեստ էր նա, Ֆոմինի բանդայի այդ վաստակավոր դահիճը... Նա գոչալը դրեց բրեզենտի վրա, ձեռքի երեսով սրբեց բեղերը, ասաց.

— Շնորհակալ եղիր Յակով Եֆիմիչից, Մելեխով: Նա փրկեց քո կյանքը, թե չէ հիմի դու էլ Կապարինի հետ կլողայիր Դոնում...

— Ինչի՞ համար:

Չումակովը դանդաղորեն, բառերը շեշտելով, ասաց.

— Ոնց որ երևում է, Կապարինը ողում էր անձնատուր լինել, երեկ ինչ որ երկար խոսում էր քեզ հետ... Դե, ես ու Յակով Եֆիմիչն էլ որոշեցինք մեջտեղից վերացնել նրան: Կարելի՞ է սրան ամեն բան պատմել,— Չումակովը հարցական հայացքով նայեց Ֆոմինին:

Վերջինս գլխով դրական նշան արեց, ու Չումակովը դձողոճալի ծամելով կիսաեփ կորեկաձավարը, շարունակեց.

— Իրիկվանից ես կաղնու մի մարդակ պատրաստեցի ու ասում եմ Յակով Եֆիմիչին՝ «Ծս դրանց երկուսին էլ, թե Կապարինին և թե Մելեխովին գիշերը կջնջխեմ»: Նա էլ ասում է՝ «Կապարինին խփի, իսկ Մելեխովին չի հարկավոր»: Այդպես էլ համաձայնվեցինք: Ես սպասեցի, մինչև որ Կա-

պարինը քնեց, լսեցի, որ դու էլ քնած ես, խումփացնում ես: Հա՛, սողեսող մոտեցա ու մարդակով հասցրի գլխին: Մեր շտաբս-կապիտանը իսկի ոտներն էր շարժեց: Քաղցր ձգվեց ու փչեց շունչը... Կամացուկ խուղարկեցինք նրան, հետո վերցրինք ոտներից ու ձեռներից, տարանք գետի ափը, հանեցինք սապոգները, ֆրենչը, կիսամուշտակը, ու նրան զցեցինք շուրը: Իսկ դու քնած էիր, քնած տեղդ ոչինչ չգիտեիր... Այս գիշեր, Մելեխով, քո մահն էլ էր մոտիկ: Կանգնել էր հենց գլխիդ վրա: Թեև Յակով Եֆիմիչն ասել էր, որ հարկավոր չէ քեզ ձեռք տալ, ես մտածում էի. «Դրանք ցերեկը ինչի՞ մասին կարող էին խոսել: Մոռտառ գործ է, երբ հինգ հոգուց երկուսը սկսում են իրենց հեռու-հեռու պահել, գաղտնիքներ ունենալ...» Կամաց-կամաց մոտեցա քեզ և արդեն ուզում էի թափ առնել ու խփել թրով, մտածում էի՝ թե որ մարդակով զարկեմ, սա, գորդի տարածը, ուժով է, վեր կթռչի ու կսկսի կրակել, եթե միանգամից չքնեցնեմ... Հա՛, Ֆոմինը էլի խանգարեց գործը: Մոտեցավ ու փսփսաց՝ «Ձեռ շտաս, նա մեր մարդն է, նրան կարելի է հավատալ»: Չէինք հասկանում, թե որտեղ կարող էին լինել Կապարինի գենքերը: Այնպես էլ ես հեռացա քեզանից: Ա՛մա թե պինդ էիր քնել, հա՛-ա: Չէիր զգում փորձանքը:

Գրիգորին հանգիստ ասաց.

— Չուր տեղը պիտի սպանեիր, հիմար: Ես Կապարինի հետ որե՛է համաձայնություն չէի կնքել:

— Բա ինչո՞ւ նրա գենքերը քեզ մոտ էին:

Գրիգորին ժպտաց.

— Ես նրա ատրճանակները դեռ ցերեկն էի վերցրել, իսկ փակաղակը երեկոյան հանեցի, թաքցրի թամբի թրտնաքաշի տակ:

Նա պատմեց Կապարինի հետ ունեցած երեկվա խոսակցության և նրա առաջարկի մասին:

Ֆոմինը դժգոհութամբ հարցրեց.

— Ինչո՞ւ դու երեկ դրա մասին ոչինչ չասացիր:

— Խղճացի նրան, փախքոտ սատանային,— անկեղծորեն խոստովանեց Գրիգորին:

— Ախ, Մելեխով, Մելեխով,— բացականչեց թունդ զարմացած Չումակովը,— դու քո խղճահարությունդ պահիր:

այնտեղ, որտեղ դրեւ էիր Կապարինի հրացանի փակաղակը՝ քրտնաքաշի տակ, թե չէ գլխիդ փորձանք կբերի:

— Դու ինձ մի սովորեցնի: Քո գիտեցածի շափ ես էլ գիտեմ,— սառն ասաց Գրիգորին:

— Ես քեզ ինչո՞ւ պիտի սովորեցնեմ: Բա որ գիշերը քո այդ խղճահարուսթյան պատճառով քեզ այն աշխարհը ուղարկէի, լա՞վ կլինէր, հա՞:

— Այդպէս էլ պետք էր,— մտածելով՝ հուշիկ պատասխանեց Գրիգորին: Եվ ոչ այնքան մյուսներին, որքան իր համար ավելացրեց.— արթուն ժամանակ մահ ընդունելը սարսափելի է, իսկ քնած ժամանակ նա երևի թեթև կլինի...

## XV

Ապրիլի վերջին նրանք գիշերը նավակով անցան Դոնը: Ռուբեմինում, գետափին նրանց սպասում էր Նիմնի-Կրիվսկոյ խուտորի երիտասարդ կազակ Կոշելյով Ալեքսանդրը:

— Ես ձեզ հետ եմ: Յակով Եֆիմիչ: Չանձրացել եմ տանը ապրելուց,— ասաց նա՝ բարեկեցիկ Ֆոմինին:

Ֆոմինը արմունկով բռթեց Գրիգորին, շշնջաց.

— Տեսնո՞ւմ ես: Ես հո ասում էի... Կղզուց հենց նոր եկանք, իսկ ժողովուրդը արդեն պատրաստ է,— ահա նա, Սա իմ ծանոթն է, սրտոտ կազակ: Լա՛վ նշան է: Մի բան կլինի:

Դատելով Ֆոմինի ձայնից, նա գոհությամբ ժպտում էր: Նա խիստ ուրախացել էր, որ նոր գործակից է հայտնվել: Գետը հաջողությամբ անցնելը և այն հանգամանքը, որ իսկույն եթէ մի մարդ էլ միացավ իրենց,— այս ամենը քաջալերում էր նրան ու թեւավորում նոր հույսերով:

— Ը՛ր՛, բացի հրացանից ու նագանից, դու թուր և բինոկլ է՞լ ունես,— գոհությամբ ասաց նա՝ մթության մեջ զննելով շոշափելով Կոշելյովի զենքերը:— Ա՛յ, սա կազակ է, իսկույն երևում է, որ իսկական, զուտ կազակ է:

Ֆոմինի հորեղբոր որդին մի փոքրիկ ձի լծած սայլով մոտեցավ գետափին:

— Թամբերը դրեք սայլին,— ցածր ձայնով ասաց նա.— շուտ արեք, ի սեր Քրիստոսի, թե չէ ժամանակը ուշ է և ճամփեն էլ երկար է...

Նա հուզվում էր շտապեցնում Ֆոմինին, իսկ վերջինս կղզուց տեղափոխված լինելով և ոտների տակ զգալով հարկների խուտորի պինդ հողը, արդեն ուզում էր թե տուն գնալ մի ժամով և թե այցելել ծանոթ խուտորցիներին...

Լուսաբացից քիչ առաջ Յագոզնի խուտորի մոտ ձիերի ջուկից լավագույն ձիեր ընտրեցին, թամբեցին դրանց: Ջուկը հսկող ծերունուն Չումակովն ասաց.

— Պապի, ձիերի համար շատ դարդ մի անի: Սրանք մի լավ խոսք էլ չարժեն և մենք սրանցով շատ հեռու շենք գնա, հենց որ ավելի լավերը գտնենք, սրանք կվերադարձնենք տերերին: Եթե հարցնեն, թե ով տարավ ձիերը, ասա՝ Կրասնոկոտսկայա ստանիցայի միլիցիան վերցրեց: Թող տերերը գնան այնտեղ... Մենք մի բանդա ենք հետապնդում, այդպէս էլ ասա:

Դուրս գալով ճանապարհը, հրածելտ տվին Ֆոմինի հորեղբոր որդուն, հետո շուտ եկան դեպի ձախ, ու բոլոր հինգ հոգին էլ աշխույժ վարգով սլացան դեպի հարավ-արևմուտք: Լուրերի համաձայն, մոտ օրերում Մեշկովսկայա ստանիցայի մերձակայքում երևացել էր Մասլակի բանդան: Հենց այնտեղ էր գնում Ֆոմինը, որը որոշել էր միանալ բանդային:

Որոնելով Մասլակի բանդան, նրանք երեք օր ու գիշեր շրջում էին աջափնյա տափաստանային ճանապարհներով, խուսափելով մեծ խուտորներից և ստանիցաներից: Տավրիկյան այն գյուղերում, որոնք սահմանակից էին Կարգինսկայա ստանիցայի հողերին, իրենց լավ ձիերը փոխեցին տավրիկյան պարարտ ու թեթև վաղող ձիերով:

Չորրորդ օրվա առավոտյան, Վեմի խուտորի մերձակայքում, հեռավոր մի լեռնանցքի վրա Գրիգորին առաջինը նկատեց հեծելազորի մի երթական շարասյուն: Ծանապարհով առնվազն երկու հեծելավաշտ էր գալիս, իսկ առջևից ու կողքերից շարժվում էին փոքրիկ պարեկները:

— Կամ Մասլակն է, կամ...— Ֆոմինը հեռագիտակը դրեց աչքերին:

— Կամ անձրև է, կամ թե ձյուն է, կամ կլինի կամ չի լինի,— ծաղրանքով ասաց Չումակովը:— Լավ մտիկ արա, Յա-

կով Եֆիմիչ, Լթե դրանք կարմիրներ են, մենք պետք է խսկույն ևտ դառնանք:

— Այստեղից սատանան էլ չի տեսնի նրանց,— սրտնեղութեամբ ասաց Ֆոմինը:

— Նայեցե՛ք, նրանք մեզ տեսան, պարեկը այստեղ է գալիս,— բացականչեց Ստերլյազնիկովը:

Իսկապես, նրանց տեսան: Աջ կողմից շարժվող պարեկը կտրուկ շուռ եկավ, վարզով սլացավ նրանց կողմը: Ֆոմինը հեռագրիտակը արագ խոթեց պատյանի մեջ, բայց Գրիգորին ժպտալով կոացավ ձիուց, բռնեց Ֆոմինի ձիու սանձից:

— Մի վռագի, թող մոտենան: Նրանք ընդամենը տասներկու հոգի են: Մի լավ կտեսնենք նրանց, իսկ հարկավոր դեպքում կարելի է և փախչել: Մեր ձիերը թարմ են, ինչո՞ւ վախեցար, նայիր բինոկլով:

Տասներկու ձիավորները մոտենում էին, բոպե առ բոպե ավելի խոշորանում: Մատղաշ խոտաբույսերով պատած բլուրի կանաչ ֆոնի վրա արդեն պարզ երևում էին նրանց կերպարանքները:

Գրիգորին և մնացածները անհամբերությամբ նայում էին Ֆոմինին: Վերջինիս ձեռքերը, հեռագրիտակը բռնած, մի փոքր դողում էին: Նա այնքան լարված էր դիտում, որ արևի կողմը դարձած այտի վրայով արցունքի մի կաթիլ սողաց:

— Կարմիրներ են, զլխարկների վրա աստղեր կան...— Վերջապես խուլ ձայնով բղավեց Ֆոմինը և շուռ տվեց ձիին:

Սկսվեց փախուստը: Նրանց ետևից հատ ու կենտ կրակոցներ էին ճայում: Գրիգորին շորս վերստ սլանում էր Ֆոմինի կողքից, երբեմնակի ետ նայում:

— Ահա և միացանք...— ծաղրանքով ասաց նա:

Ֆոմինը թթվել, պապանձվել էր: Չումակովը մի փոքր դանդաղեցնելով ձիու վազքը, բղավեց:

— Պետք է խուտորներից հեռու գնալ: Անցնենք վեշենակու արոտավայրերը, այնտեղ խուլ տեղեր կան:

Էլի մի քանի վերստ կատաղի վազք, և ձիերը ուժասպառ կլինեն: Նրանց ձիգ պարանոցների վրա պճպճան քրտինք դուրս տվեց, խոր փոս ընկան երկայնակի կնճիռները:

— Կամա՛ց, քաշե՛լ սանձերը,— հրաման տվեց Գրիգորին:

Ծտևում տասներկու ձիավորներից մնացին միայն ինը, մնացածները ետ ընկան: Գրիգորին աչքերով շափեց նրանց բաժանող տարածությունը, բղավեց:

— Կանդեն՛լ, եկեք կրակենք նրանց վրա...

Բոլոր հինգ հոգին էլ անցան վարդի, ընթանալիս իշան ձիերից ու հանեցին հրացանները:

— Բռնե՛լ սանձերը: Ձախ կողմից ծայրի ձիավորի վրա մշտական նշանոցից... Կրա՛կ:

Նրանք մի-մի պահունակ փամփուշտ կրակեցին, սպանեցին կարմիրբանակայիններից մեկի ձիին ու էլի սկսեցին փախչել հետապնդումից: Նրանց ղեկավորեն էին հետապնդում: Ժամանակ առ ժամանակ գնդակոծում էին հեռավոր տարածություններից, հետո էլ բոլորովին ետ մնացին:

— Ձիերը պետք է ջրել, հրե՛ն լճակը,— ասաց Ստերլյազնիկովը, մտրակով ցույց տվեց հեռվում կապույտին տվող տափաստանային մի լճակ:

Հիմա նրանք արդեն քայլքով էին գնում, ուշադրությամբ դիտում հանդիպական ձորակները և հեղեղատները՝ աշխատելով այնպես ընթանալ, որ ծածկված լինեին տեղանքի խորդուբորդ ծալքերով:

Ձիերը ջրեցին լճակից ու կրկին ճանապարհ ընկան, սկզբում քայլքով էին գնում, հետո էլ վարզով: Կեսօրին կանգ առան ձիերին կերակրելու տափաստանը շեղակի կտրող մի հովտի լանջում: Ֆոմինը Կոշելյովին հրամայեց ոտով բարձրանալ մոտակա կուրգանի վրա, պառկել այնտեղ և դիտողություն կատարել: Տափաստանում որևէ ձիավորներ երևալու դեպքում Կոշելյովը պետք է ազդանշան տար ու անմիջապես վազեր դեպի ձիերը:

Գրիգորին կապեց իր ձիու երեք ոտը, թողեց արածելու, իսկ ինքը լանջում շոր տեղ ընտրեց ու պառկեց:

Այստեղ, հովտի արևակող տեղում մատղաշ խոտաբույսերը ավելի բարձր ու խիտ էին: Արևի տաքացրած սևահողի անալի հոտը չէր կարող խեղդել տափաստանային ծաղկած մանուշակների ամենանրբին բուրմունքը: Դրանք աճել էին լքած հարոսում, իշավույտի շոր ցողունների արանքում, գունագեղ նախշուն տեսքով փռվել էին արտերի հին թմբի եզրերին, և նույնիսկ կայծաքարի պես պինդ խոպանում նրանց

կապույտ, մանկականորեն հստակ աչքերը նախորդ տարվա թառամած խոտաբույսերի միջից նայում էին աշխարհին: Մանուշակները իրենց կյանքի վերջին ժամկետն էին ապրում այդ խուլ ու լայնարձակ տափաստանում, ու նրանց փոխարեն հովտի լանջով մեկ, աղուտներում արդեն բարձրանում էին հեքիաթայնորեն վառվողն կակաչները՝ իրենց ալ-կարմիր, գեղին ու սպիտակ բաժակները դեմ անելով արևին ու քամին, շիախաններով ծաղիկների այլևայլ բույրերը, տափաստանով մեկ դրանք տանում էր հեռու-հեռու:

Հյուսիսային լանջի դիք կրծքին, ստվերոտ տեղում դեռ պառկած էին ձյան պինդ, հետզհետե եզրերից հալչող շերտերը: Դրանցից ցուրտ էր փչում, բայց այդ ցուրտը է՛լ ավելի դժայլական էր դարձնում լիովին փթթած մանուշակների բուրմունքը, որ անպարզ ու տխուր էր որպես մի հուշ վաղուց անցած ու սիրելի մի բանի մասին...

Գրիգորին պառկել էր ոտները լայն տարածած, արմունկներին հենված, և ագահ աչքերով դիտում էր արևային մուժով շղարշված տափաստանը, հեռավոր բլրաշարքերի վրա կապույտին տվող պահպանական կուրգանները, շողուն, հոսանուտ մուժը լանջի գլխին: Նա մի բույս փակում էր աչքերը ու լսում արտույտների մոտիկ ու հեռավոր երգը, արածող ձիերի թեթև քայլվածքն ու փնչոցը, սանձերի բերանոցների շաշյունը և քամու շրջյունը մատաղ խոտաբույսերում... Ամեն ինչից հրաժարվելու և անդորրության տարօրինակ զգացում էր ապրում նա՝ ամբողջ մարմնով սեղմվելով կոշտ գետնին: Այդ նրան վաղուց ծանոթ զգացումն էր՝ Այն միշտ գալիս էր ապրած տաղնապից հետո, և Գրիգորին այնուհետև կարծես նոր ձևով էր տեսնում ամբողջ շրջապատը: Նրա տեսողությունը և լսողությունը ասես սրվում էին, և այն ամենը, ինչ որ առաջ աննկատելի էր անցնում, ապրած հուզմունքից հետո գրավում էր նրա ուշադրությունը: Այժմ նա միևնույն հետաքրքրությամբ էր հետևում, թե մի ինչ-որ փոքրիկ թռչունի հետապնդող բազեի շառաչուն, շեղակի թռիչքին, թե դանդաղ շարժվող, սև բզեզին, որը դժվարությամբ էր անցնում նրա, Գրիգորիի արմունկների միջև եղած տարածությունը, թե քամուց մի քիչ օրորվող, աղջկական վառ գեղեցկությամբ փայլող, մուգ կարմիր ու սև կակաչի մեղմակի ճոճումին: Կակաչը բոլո-

րովին մոտիկ էր, արջամկան փլված բույնի եզրին: Բավական էր, որ Գրիգորին մեկներ ձեռքը, որպեսզի պոկեր այն, բայց նա պառկել էր անշարժ, լռին հիացմունքով դմայլվում էր ծաղկով և նրա ցողունի պինդ տերևներով, որոնք իրենց ծալերում խանդոտությամբ պահպանում էին առավոտյան ցողի ծիածանափայլ կաթիլները: Հետո էլ մի կողմ դարձրեց հայացքը ու երկար, անխոհ հետևեց արծվին, որ ճախրում էր երկնակամարում, արջամկան լքած բույների մեռելային ավերակների վերևում...

Երկու ժամից հետո նրանք կրկին ձի նստեցին, նրանք ձգտում էին մինչև երեկո հասնել Ելանսկայա ստանիցայի ծանոթ խոտորները:

Կարմիրբանակային պարեկը հավանորեն հեռախոսով հաղորդել էր նրանց առաջշարժման մասին: Կամենկա գյուղը մտնելիս գետափի մյուս կողմից կրակեցին նրանց վրա: Գնդակների սուր սվավոցը Ֆոմինին ստիպեց շուռ գալ մի կողմ: Գնդակոծության տակ անցան գյուղի ծայրով և շուտով հասան Վեշենսկայա ստանիցայի արտավայրերը: Տոպկայա Բալկա գյուղի մերձակայքում միլիցիայի մի փոքրիկ շոկատ փորձեց բռնել նրանց:

— Շրջանցեք ձախ կողմից, — առաջարկեց Ֆոմինը:

— Գնանք գրոհենք, — վճռական ասաց Գրիգորին: — Նրանք ինը հոգի են, մենք՝ հինգ: Կովով առաջ կանցնենք:

Չումակովը և Ստերլյազնիկովը պաշտպանեցին նրա առաջարկը: Մերկացնելով թրերը, նրանք ձիերը քշեցին թեթև քառատրոփով: Միլիցիոներները, առանց ձիերից իջնելու, արագ հրաձգություն սկսեցին, հետո էլ առանց կովի բռնվելու մի կողմ սլացան:

— Դա տկարների խումբն է: Նրանք արձանագրություններ կազմելու մեջ ուստա են, իսկ լուրջ կովելու հետ գլուխ չունեն, — հեզանքով բղավեց Կոշելովը:

Երբ նրանց հետապնդող միլիցիոներները սկսում էին վրա տալ, Ֆոմինը և մյուսները կրակելով հեռանում էին դեպի արևելք, հեռանում էին ինչպես շների հետապնդած գայլեր, — երբեմնակի գոմաշով և համարյա առանց կանգ առնելու: Մի անգամ փոխհրաձգության ժամանակ Ստերլյազնիկովը վիթրավորվեց: Գնդակը ծակեց նրա ձախ ոտի սրնքամիսը՝ դիպ-

չելով ոսկորին: Ստերլյադնիկովը հառաչեց ոտի ցավից, գուհառակելով ասաց.

— Խփեցին ոտիս... այն էլ կաղ ոտիս... Ա՛յ քեզ շան որդենիք, հը՞:

Չումակովը իրանը ետ տալով, ամբողջ կոկորդով մեկ քրքրեց: Նա այնպես ծիծաղեց, որ աչքերում արցունքներ երևացին: Իր ձեռքին հենված Ստերլյադնիկովին նստեցնելով ձիուն, նա դեռ ցնցվում էր ծիծաղից, ասում.

— Ոնց է՛լ ընտրել են նպատակը, է՛, Դիտամար են նշան բռնել այդ ոտիդ... Տեսնում են, որ թոփալ մարդ է սլանում, եկեք,— ասել են,— բոլորովին ջարդենք այդ ոտը... Ա՛խ, Ստերլյադնիկով, ախ, գլուխդ չմեռնի, հա՛... Ոտդ էլի՛ պիտի կարճանա... Բա հիմի ո՞նց ես պարելու, հը՞: Հիմի հարկավոր գրինի ոտիդ համար մի արշին խորությամբ փոս փորել...

— Սուս կաց, է՛, մի դուրս տա: Քեզ հետ գլուխ չունեմ: Սուս կաց, ի սեր Քրիստոսի,— ցավից դեմքը կնճռոտելով՝ խնդրում էր Ստերլյադնիկովը:

Կես ժամից հետո, երբ բարձրանում էին անթիվ ու անհամար ձորակներից մեկի լանջով, նա խնդրեց.

— Եկեք կանգ առնենք, մի քիչ սպասենք... Պետք է ծածկել վերքս, թե չէ սապոզս լիքը լցվել է արյունով...

Կանգ առան: Գրիգորին բռնել էր ձեռքը, Ֆոմինը և Կոչելյովը դանդաղ կրակում էին հեռվում երևացող միլիցիոներների վրա: Չումակովը Ստերլյադնիկովին օգնեց հանել սապոզը:

— Դրուստ որ, շատ արյուն է հոսել...— նոթերը կիտելով ասաց Չումակովը ու կարմիր հեղուկը սապոզից թափեց:

Նա ուզում էր թրով կտրել թաց, արյունոտված շավարի փոխքը, բայց Ստերլյադնիկովը շհամաձայնվեց:

— Շավարս լավն է, կարիք չկա պատռել,— ասաց նա ու ձեռներով հենվեց գետնին, բարձրացրեց վիրավորված ոտը:— Հանիր շավարս, միայն կամաց:

— Բինտ ունե՞ս,— հարցրեց Չումակովը, շոշափելով նրա գրպանները:

— Ինչի՞ն է պետք: Առանց դրան էլ գործը կգնա:

Ստերլյադնիկովը ուշադրությամբ զննեց գնդակի դուրս եկած տեղը, հետո փամփուշտի միջից ատամներով հանեց

գնդակը, ձեռքի մեջ վառող լցրեց ու դա երկար խառնեց մի կտոր հողի հետ, մինչ այդ հողը թրջեց թթու: Ցեխը առատությամբ քսեց միջանցիկ վերքի երկու անցքին և գոհ ասաց.

— Սա փորձված բան է: Վերքը կշորանա ու երկու օրից հետո կլավանա ոնց սր շան վերքը:

Մինչ Չիր նրանք կանգ չէին առնում: Միլիցիոներները բավական հեռու էին, և միայն երբեմնակի հատ-հատ կրակոցներ էին լսվում նրանց կողմից: Ֆոմինը հաճախ ետ էր նայում, ասում էր.

— Ուղեկցում են ու աչքից չեն փախցնում մեզ... Թե՞ մի տեղից օգնություն են սպասում: Մի բան կա, որ այդպես հեռու են մնում...

Վիսլոգուզովսկի խուտորում ոտով անցան Չիր գետը, քայլքով բարձրացան մի տափարակ բլուրի վրա: Չիկերը բոլորովին հոգնել էին: Զատիվայր տեղերում ձիավորները նրանց մի կերպ զրում էին վարզով, իսկ դառիվեր տեղերում նրանց տանում էին սանձերից բռնած, իրենց ետևից, ձեռներով սրբում ձեռքի կողքերի ու դավակների քրտնքի երեքուն փաթիլները:

Ֆոմինի ենթադրությունները կատարվեցին. Վիսլոգուզովսկից մի հինգ վերստ հեռավորությամբ յոթ հոգի, թարմ և կայտառ վաղող ձիեր նստած, ընկան նրանց ետևից:

— Եթե դրանք այդպես շարունակեն մեզ ձեռքից ձեռք տալ, մեր բանը բուրդ կլինի,— մտալ ասաց Կոչելյովը:

Նրանք գնում էին տափաստանի ճանապարհադուրկ տեղերով, հերթով կրակում էին պաշտպանվելու համար. մինչդեռ երկուսը, խոտաբույսերի մեջ պառկած, կրակում էին, մնացածները հեռանում էին մի երկու հարյուր սաժեն, իջնում էին ձիերից ու հակառակորդին պահում գնդակոծության սակ՝ առաջին երկուսին հնարավորություն տալով մի շորս հարյուր սաժեն առաջ անցնել, պառկել ու պատրաստվել հրաձգության: Նրանք սպանեցին կամ ծանր վիրավորեցին մի միլիցիոներ, սպանեցին մի ուրիշ միլիցիոներ ձի: Շուտով սպանվեց նաև Չումակովի ձի: Նա վազում էր Կոչելյովի ձիու կողքից, ասպանդակից բռնած:

Երկարում էին սովերները: Արևը իջնում էր դեպի մայրամուտը: Գրիգորին առաջարկեց շանջատվել իրարից, և

Նրանք ընթացան քայլերով, բոլորը միասին: Նրանց կողքից քայլում էր Չումակովը: Հետո նրանք բլրադազաթին տեսան երկձի մի սայլ, դարձան դեպի ճանապարհը: Տարեց, երկարամորուք կազակ սայլովորը ամբողջ թափով վազեցրեց ձիերը, բայց կրակոցները նրան ստիպեցին կանգ առնել:

— Կթրատեմ սրիկային, տեսնենք ոնց կփախչի...— մթթմբխաց Կոշելյովը՝ անցնելով առաջ, ամբողջ ուժով մեկ մտարակելով իր ձին:

— Ձեռ շտաս դրան, Սաշկա, թույլ չեմ տալիս,— նախազգուշացրեց Ֆոմինը և դեռ հեռվից գոռաց.— ձիերդ արձակիր, պապի, լսո՞ւմ ես, արձակիր, քանի սաղ ես:

Չլսելով ծերունու լացակուսած խնդրանքը, իրենք արձակեցին քաշանները, հանեցին ձիերի ուսափոկերն ու անուրները, արագ-արագ թամբեցին ձիերը:

— Ձեր ձիերից դոնե մեկը թողեք ինձ,— լալով խնդրեց ծերունին:

— Ուզում ես որ քիթ ու մուկի ջարդենք, հա՞, քավթառ սատանա,— հարցրեց Կոշելյովը:— Ձիերը հենց մեզ են հարկավոր: Շնորհակալ եղիր աստծուց, որ սաղ մնացիր...

Ֆոմինը և Չումակովը նստեցին նոր ձիերին: Շուտով էլի երեք հոգի միացան այն վեց ձիավորներին, որոնք կրնկակոխ հեռապնդում էին նրանց:

— Պետք է արագ քշել, դե՛հ, ձե՛զ տեսնեմ, տղերք,— ասաց Ֆոմինը.— եթե մինչև իրիկուն հասնենք Կրիվսկոյի ձորակները, փրկված կլինենք...

Նա մտրակեց իր ձին, առաջ անցավ: Նրա ձախ կողքից կարճ սանձով գնում էր երկրորդ ձին: Ձիերի սմբակներով կտրատված կակաչների մուգ-կարմիր գլխիկները, որ կարծես արյան խոշոր կաթիլներ լինեին, դեռ-դեռ էին թռչում: Գրիգորին, որ սլանում էր Ֆոմինի ետևից, նայեց այդ կարմիր կաթիլներին ու փակեց աչքերը: Հայտնի չէ ինչու պտտվեց նրա գլուխը և ծանոթ, սուր ցավը խոցեց սիրտը...

Ձիերը ընթանում էին վերջին ուժերը հավաքած: Անընդհատ ձիարշավից և քաղցից մարդիկ էլ էին հոգնել: Ստերլյադնիկովը արդեն ճոճվում էր թամբի վրա և կտավի

պես գունատված էր: Նա շատ արյուն էր կորցրել: Մարավը և սրտախառնուքը տանջում էին նրան: Մի քիչ շորացած հաց կերավ, բայց իսկույն սիրտը թափեց:

Մթնշաղին Կրիվսկով խուտորի մերձակայքում նրանք խառնվեցին տափաստանից վերադարձող երամակին, վերջին անգամ մի քանի գնդակ արձակեցին հետապնդողների վրա և բերկրանքով տեսան, որ նրանք ետ են մնում: Հեռվում ինը ձիավորը հավաքվեցին մի տեղ, ըստ երևույթին ինչ-որ խորհրդակցեցին հետո էլ ետ դարձան:

Նրանք երկու օր մնացին Կրիվսկոյ խուտորում, Ֆոմինին ծանոթ մի կաղակի մոտ: Տանտիրը ունեոր էր և նրանց լավ ընդունեց: Մթին մարագում տեղավորված ձիերը ուղածների շափ վարսակ էին ուտում ու երկրորդ օրվա վերջում լիովին հանգստացել էին ապշեցուցիչ վաղքից: Ձիավորները հերթով հսկում էին ձիերին, իրար գլխի թափված քնում էին սարդոստայնով լեցուն ղով հարդանոցում և կուշտ ուտում էին՝ վերականգնելով ուժերը, որ կորցրել էին կղզում կիսաքաղց օրեր անցկացնելիս:

Կարելի էր հենց մյուս օրը հեռանալ խուտորից, բայց Ստերլյադնիկովը ուշացնում էր նրանց. նրա վերքը վատացավ, առավոտյան դեմ կարմրեց կողքերից, իսկ իրիկնադեմին ոտը ուռավ, ու հիվանդը ուշագնաց եղավ: Մարավը տանջում էր նրան: Ամբողջ գիշերը, հենց որ վերադառնում էր գիտակցությունը, նա ջուր էր խնդրում, ազահությամբ ու շատ էր խմում: Գիշերվա ընթացքում նա համարյա մի դույլ ջուր խմեց, բայց արդեն նույնիսկ ուրիշի օգնությամբ էլ չէր կարող վեր կենալ, յուրաքանչյուր շարժումը նրան դաժան ցավ էր պատճառում: Նա միզում էր առանց գետնից բարձրանալու և անդադար տնքում էր: Նրան տեղափոխեցին հարդանոցի հեռու անկյունը, որպեսզի տնքոցները դրսից լավ չլսվեն, բայց դա չօգնեց: Նա երբեմն շատ բարձր էր տնքում, իսկ երբ ուշագնաց էր լինում, բարձր ու անկապ ճշում էր զառանցանքի մեջ:

Հարկավոր եղավ նրա մոտ էլ հերթապահություն սահմանել: Նրան ջուր էին տալիս, թրջում էին վառվող ճակատը և ձեռներով կամ փափախով ծածկում բերանը, երբ նա սկսում էր շատ բարձր տնքալ կամ զառանցել:



Նրկորոդ օրվա վերջում նա սւշքի եկավ և ասաց, որ  
իրեն լավ է զգում:

— Ե՞րբ եք գնում այստեղից,— մատով իր մոտ կանչե-  
լով Չումակովին, հարցրեց նա:

— Այս գիշեր:

— Ես էլ կգամ: Ինձ շթողնեք, ի սեր Քրիստոսի:

— Ինչի՞ ես պետք,— ցածր ձայնով ասաց Ֆոմինը,— դու  
իսկի շարժվել էլ չես կարող:

— Ո՞նց թե չեմ կարող, տե՛ս.— Ստերլյազնիկովը ճիգ  
թափելով վեր կացավ ու իսկույն պառկեց նորից:

Նրա դեմքը վառվում էր, ճակատի վրա բրտնքի մանր  
կաթիլներ դուրս տվին:

— Կտանենք,— վճռականապես ասաց Չումակովը.—  
կտանենք, մի վախենա: Սրբիր արտասուքներդ, հո կնիկ չես:

— Սա բրտնք է,— կամացուկ շշնջաց Ստերլյազնիկովը  
և փափախը քաշեց աչքերին...

— Քեզ ուրախությամբ կթողնեինք այստեղ, բայց տան-  
տերը չի համաձայնվում: Մի՛ վախենա, Վասիլի, ոտդ կլա-  
վանա և ես ու դու դեռ կ'ըմբշամարտենք ու կազաչոկ կպա-  
րենք: Ի՞նչ ես հուսահատվել, հը՞: Վերքդ հո ծանր չի, դա-  
տարկ բան է:

Ուրիշների հետ խոսելիս միշտ խոժոռ ու գոնհիկ Չու-  
մակովը դա ասաց այնպիսի փաղաքշանքով և ձայնի այն-  
պիսի գերող, մեղմ ու սրտագին հնչյունով, որ Գրիգորին  
զարմացած նայեց նրան:

Լուսաբացից քիչ առաջ նրանք մեկնեցին խոտորից:  
Ստերլյազնիկովին դժվարությամբ ձի նստեցրին, բայց նա  
առանց ուրիշի օգնության չէր կարող նստել, այս ու այն  
կողմն էր ընկնում: Չումակովը աչ ձեռքով նրան գրկած,  
գնում էր կողքից:

— Ա՛յ քեզ բեռ... Մնում է թողնել,— հասնելով Գրիգոր-  
րին ու տիրությամբ օրորելով գլուխը, շշնջաց Ֆոմինը:

— Սպանե՞նք:

— Բա ի՞նչ, հո երեսին չենք նայելու: Դրա հետ ինչ կա-  
րող ենք անել:

Նրանք երկար գնում էին քայլքով, լուռ էին: Չումակո-  
վին փոխարինեց Գրիգորին, հետո էլ Կոշելյովը:

Փագեց արևը: Ներքևում, Դոնի վրա դեռ քուլա-քուլա  
փովել էր մշուշը, իսկ բլուրների վրայից արդեն պարզ ու  
հստակ երևում էին տափաստանային հեռատանները, ու  
րոպե առ րոպե ավելի կապույտ էր դառնում երկնակամարը՝  
զենիթում անշարժ կանգնած փետրավոր ամպերով: Խոտա-  
բույսերի վրա արծաթե փարշայի պես նստած էր խիտ ցողը  
և այնտեղ, որտեղից անցնում էին ձիերը, մթին, առվակա-  
նման հետք էր մնում: Միայն արտույտներն էին խախտում  
տափաստանի վրա փոված վեճ ու հմայուն լուսթյունը:

Ստերլյազնիկովը, որ ձիերի քայլի տակտով անկամ  
ճոճում էր գլուխը, մեղմակի ասաց.

— Օ՛ֆ, մեռա ես:

— Լո՛ի՛ր,— կոպիտ ընդհատեց նրան Ֆոմինը:— Մեզ  
համար էլ հեշտ չէ քեզ հետ գլուխ ցավացնել:

Հետմանական ճանապարհի մերձակայքում ձիերի ոտ-  
ների տակից շեշտակի վերև թռավ մի արոս: Նրա թևերի  
շառաչուն, սուր շփշփոցը Ստերլյազնիկովին ստիպեց սթափ-  
վել ուշագնացությունից:

— Եղբայրներ, ինձ իջեցրեք ձիուց...— խնդրեց նա:

Կոշելյովը և Չումակովը նրան զգուշությամբ իջեցրին  
թամբից, դրեցին թաց խոտի վրա:

— Հապա տեսնե՞ք ոնց է ոտդ: Դե՛հ, արձակի շավարդ.  
— պզգելով ասաց Չումակովը:

Ստերլյազնիկովի ոտը հրեշավոր շափով ուռել էր, այն-  
պես, որ լայն շավարի թևը քիպ, առանց որևէ ծալի նստել  
էր ուռուցքին: Մաշկը, որ մուգ-մանուշակագույն երանգ էր  
ընդունել, մինչև ազդրը պլպլում էր ու ծածկված էր մուգ,  
թավշի պես փափուկ բծերով: Թուխ, ներս ընկած փորի վրա  
ևս երևում էին նույնպիսի բծեր, միայն թե դրանք ավելի  
բաց գույն ունեին: Վերքից, շավարի վրա շորացած մուգ  
արյունից արդեն նեխածության վատ հոտ էր գալիս, և Չու-  
մակովը իր բարեկամի ոտը դիտում էր քիթը մատներով  
բռնած, դեմքը կնճռոտելով և հազիվ զսպելով կոկորդին  
դեմ առած սրտախառնուքը: Հետո նա ուշադրությամբ նա-  
յեց Ստերլյազնիկովի խոնարհված, կապույտ կոպերին, մի  
հայացք փոխանակեց Ֆոմինի հետ, ասաց.

— Ծրկան է, որ փտում է ոտը... Հը՛մ, քո բանը բուրդ

է, Վասիլի Ստերլյազնիկով... Ուղղակի կորած բան է... է-է՛, Վասյա, Վասյա, ի՛նչ օրի հասար...

Ստերլյազնիկովը շնչում էր կարճ ու արագ և ոչ մի բառ չէր ասում: Ֆոմինը և Գրիգորին միաժամանակ իջան ձիերից, քամու կողմից մոտեցան վերավորին: Վերջինս մի փոքր պառկեց ու հենվելով ձեռքերին, նստեց, պղտոր և ամեն ինչից հրաժարիմք արտահայտող աչքերով նայեց բոլորին:

— Եղբայրնե՛ր, սպանեցեք ինձ... Ես արդեն չեմ ապրելու... էլ ուժ չկա, էլ հալ չկա...

Նա կրկին պառկեց մեջքի վրա և փակեց աչքերը: Ֆոմինը և մյուսները գիտեին, որ Ստերլյազնիկովի կողմից պետք է լիներ այդ խնդրանքը, ու սպասում էին այն: Հարևանցիորեն աչքով անելով Կոշելյովին, Ֆոմինը շուտ եկավ, իսկ Կոշելյովը առանց առարկելու ուսից իջեցրեց հրացանը: «Եփի՛ր», — ավելի շուտ կոահեց քան լսեց նա՝ նայելով մի կողմ քաշված Չումակովի շրթունքներին: Բայց Ստերլյազնիկովը նորից բացեց աչքերը, կտրուկ ասաց.

— Կրակիր այստեղ, — նա բարձրացրեց ձեռքը և մատով ցույց տվեց քթարմատը: — Որ մի անգամից լույսը մարի... Երբ որ լինեք մեր խուտորում, ասեք կնկանս, որ բանը այսպես եղավ... Թող չսպասի:

Կոշելյովը կասկածելիորեն երկար էր տնտղում փակադակը, հապաղում էր, ու Ստերլյազնիկովը խոնարհելով կուպերը, կարողացավ վերջացնել խոսքը.

— Ես միայն կնիկ ունեմ... Երեխաներ չունեմ... Մի երեխա բերեց, այն էլ մեռավ... էլ երեխա չեղավ...

Կոշելյովը երկու անգամ բարձրացրեց հրացանը և իջեցրեց՝ հետզհետե ավելի գունատվելով... Չումակովը ուսով զայրագին բռնեց նրան, հրացանը պոկեց նրա ձեռքից:

— Որ չես կարող, ուրեմն հանձն մի առնի, շան որդեներ... — խուլոտ բղավեց նա ու զլխից վերցրեց փափախը, շփեց մազերը:

— Շուտ արեք, — պահանջեց Ֆոմինը՝ ոտը դնելով ասպանդակին:

Չումակովը պատշաճ բառեր ընտրելով՝ դանդաղ ու կամացուկ ասաց.

— Վասիլի, զնաս բարով և ներիր ինձ ու մեզ բոլորիս,

ի սեր Բրիստոսի: Այն աշխարհում կհանդիպենք և այնտեղ կդատեն մեզ... Կնկանդ կասենք ինչ որ խնդրեցիր: — Նա պատասխանի սպասեց, բայց Ստերլյազնիկովը լուռ էր ու գունատվում՝ սպասելով մահվան: Միայն արևից խանձված արտևանունքներն էին դողում, ասես քամուց, ու կամաց շարժվում էին ձախ ձեռքի մատները, որոնք հայտնի չէ ինչի համար փորձում էին կոճկել վերնաշապկի կտորված կոճակը:

Գրիգորին իր կյանքում շատ անգամ էր մահ տեսել, իսկ այդ մահը տեսնել չուզեց: Նա հապճեպորեն առաջ անցավ՝ պինդ քաշելով սանձը, իր ետևից տանելով ձին: Նա այնպիսի զգացումով էր սպասում կրակոցին, որ կարծես թե զընդակը հենց իր թիակների արանքին էր խփելու... Սպասում էր կրակոցին, ու սիրտը հաշվում էր յուրաքանչյուր վայրկյանը, բայց երբ ետևից լսվեց հատու, որոտընդոստ ճայթյունը նրա ոտները թուլացան, և նա հազիվ զսպեց ծառու եղած ձիուն:

Նրանք մի երկու ժամ լուռ էին գնում: Միայն այն ժամանակ, երբ կանգ առան հանգստանալու, Չումակովն առաջինը խախտեց լուռթյունը: Ձեռները տանելով աչքերին, նա խուլ ձայնով ասաց.

— Ախր ինչո՞ւ ես նրան խփեցի: Թողնեի տափաստանում, էլի՛, հոգուս մի ավելորդ մեղք չանեի: Կանգնած է հենց աչքերիս առաջ...

— Ոչ մի կերպ չե՞ս ընտելանում այդ բանին, ինչ է, — հարցրեց Ֆոմինը: — Այնքան շատ մարդ ես սպանել որ, ու չե՞ս կարողանում ընտելանալ: Դու հո սիրտ չունես, դրա փոխարեն երկաթի մի ժանգոտ կտոր կա քո մեջ...

Չումակովը սփրթնեց, աչքերը կատաղաբար շեց Ֆոմինի վրա:

— Դու հիմի ինձ մի կպչի, Յակով Եֆիմիչ, — ցածր ձայնով ասաց նա: — Հոգիս տակն ու վրա մի առնի, թե չէ ես կարող եմ քեզ էլ խփել... Մինչև իսկ շատ հասարակ բան է դա ինձ համար:

— Ինչի՞ս ես պետք, որ կպչեմ քեզ: Առանց քեզ էլ շատ է իմ հոգս ու ցավը, — հաշտվողաբար ասաց Ֆոմինը ու պառկեց մեջքի վրա, աչքերը կկոցեց արևից, հաճույքով ձգեց մարմինը:

Գրիգորի սպասածին հակառակ՝ մեկ ու կես շաբաթվա ընթացքում նրանց միացան մի քառասուն հոգի կազակ: Դրանք մարտերում շախչախված գանազան մանր բանգաների մնացորդներն էին: Կորցնելով իրենց ատամաններին, նրանք թափառում էին օկրուզում և հաճույքով էին միանում Ֆոմինին: Նրանց համար բոլորովին միևնույն էր, թե ում պիտի ծառայեին և ում սպանեին, միայն թե հնարավոր լիներ ազատ, թափառական կյանք վարել և թալանել բոլորին, ուղբեր ընկնում էին նրանց ձեռքը: Դրանք կորած-մոլորված մարդիկ էին, որ Ֆոմինը նայելով դրանց, արհամարհանքով ասում էր Գրիգորիին. «է-է՛, Մեկխով, մեզ միացածները ոչ թե մարդիկ են, այլ աղբ... Զոկովի սրբիկաներ են»: Ֆոմինը իր հոգու խորքում դեռ իրեն համարում էր «աշխատավոր ժողովրդի համար պայքարող»: «Մենք կազակության ազատարարներ ենք»,— ասում էր նա, թեև ոչ այնպես հուճախ, ինչպես առաջ: Նա համառորեն կառչում էր հիմար հույսերից... Նա կրկին սկսեց մատների արանքով նայել իր սխրակիցների կատարած թալանին, գտնելով, որ այդ բոլորը անխուսափելի շարիք է, որի հետ անհրաժեշտ է հաշտվել, որ կգա ժամանակ, երբ ինքը կազատվի թալանչիներից և որ վաղ թե ուշ ինքը կլինի ապստամբ զորամասերի իսկական գորավար և ոչ թե մի խղճուկ բանդայի ատաման...

Բայց Չումակովը առանց քաշվելու «ավազակներ» էր անվանում բոլոր Ֆոմինականներին ու համառորեն վիճում էր Ֆոմինի հետ, համոզելով, որ նա, Ֆոմինը, ոչ այլ ոք է, բայց եթե մեծ ճանապարհի ավազակ: Երբ կազմնակի մարդիկ բացակայում էին, նրանք հաճախ տաք վեճեր էին ունենում:

— Ես գաղափարական մարտիկ եմ սովետական իշխանության դեմ,— բարկությունից կարմրելով գոռում էր Ֆոմինը,— իսկ դու ի՞նչ անուն ես տալիս ինձ: Հիմար, հասկանում ես, որ ես գաղափարի համար եմ կռվում:

— Աչքիս թուզ մի՛ փչի,— առարկում էր Չումակովը:— Գու գլուխս մի թլուզի: Ես քեզ համար երեխա չեմ: Գաղափարականի՛ս մտիկ: Դու իսկական ավազակ ես և ուրիշ

ուրիշ: Եվ ինչո՞ւ ես վախենում այս խոսքից, իսկի չեմ հասկանում:

— Ինչո՞ւ ես դու ինձ խայտառակում է՞, ինչո՞ւ, այ հիմարի զլուխ: Ես ապստամբել եմ իշխանության դեմ ու ղենքով կռվում եմ նրա հետ, էլ ի՞նչ ավազակ եմ...

— Հենց նրա համար ես ավազակ, որ իշխանության դեմ ես գնում: Ավազակները միշտ էլ իշխանության դեմ են, հնուց այդպես է եղել: Ինչպիսին էլ որ լինի նա, սովետական իշխանությունը, նա իշխանություն է, տասնյոթ թվից սկսած դիմանում է, ու ով դուրս է գալի նրա դեմ, հենց նա է՛լ ավազակ մարդ է:

— Ա՛յ դատարկագլուխ, իսկ գեներալ Կրասնովը կամ Դեյելինը նո՞ւյնպես ավազակներ էին, հա՞:

— Բա ուղբե՞ր էին: Միայն թե էպոլետներով էին... Իսկ էպոլետները ի՞նչ մեծ բան են որ: Ես ու դու էլ կարող ենք կպցնել...

Ֆոմինը թափ էր տալիս բռունցքը, թքում, ու համոզիչ փաստարկներ չգտնելով, դադարեցնում էր անօգուտ վեճը: Անկարելի էր որևէ բան համոզել Չումակովին...

Բանդայում նոր ընդունվածները մեծ մասամբ շատ լավ էին զինված ու հարմարված: Գրեթե բոլորն էլ լավ ձիեր ունեին: Որոնք մասնակցում էին անվերջ երթերին և առանց դժվարության ամեն օր հարյուրավոր վերստ տարածություն էին անցնում: Ոմանք երկու ձի ունեին. մեկը թամբած էր լինում, իսկ երկրորդը, որ պահեստի ձի էր կռվում, գնում էր ձիավորի կողքից: Հարկավոր դեպքում մի ձիուց մյուսին նստելով, նրանց հերթով հանդատանալու հնարավորություն տալով, երկու ձի ունեցող ձիավորը կարող էր օրական երկու հարյուր վերստ տարածություն անցնել:

Ֆոմինը մի անգամ Գրիգորիին ասաց.

— Եթե մենք սկզբից երկուական ձի ունենայինք, մեր ետևից ոչ ոք էլ չէր հասնի: Միլիցիան ու կարմիրբանակային զորամասերը չեն կարող բնակչությունից ձիեր վերցնել, նրանք քաշվում են այդ բանից, իսկ մեզ ամեն բան թույլատրելի է: Պետք է ամեն մեկս մի ավելորդ ձի ունենանք, այդ դեպքում երբեք էլ մեր ետևից չեն հասնի: Ալևոր մարդիկ պատում էին, թե հին ժամանակներում, երբ թաթարները

արշավանքի էին գնում, ամեն մեկը երկու, մինչև իսկ երեք ձի էր վերցնում: Էլ ո՞վ կհասներ նրանց ետևից: Մենք էլ պետք է այդպես անենք: Թաթարական այդ իմաստովյունը ինձ շատ է դուր գալիս:

Շուտով նրանք ձիեր ճարեցին և դա սկսում նրանց իրոք որ անորսալի դարձրեց: Միլիցիայի հեծյալ մի խումբ, որ նոր էր կազմակերպվել վեշենսկում, իզուր էր փորձում բռնել նրանց: Պահեստի ձիերը Ֆոմինի սակավաթիվ բանդային հնարավորություն էին տալիս հեշտությամբ թողնել հակառակորդին ու նրանից հեռանալ մի քանի օրաշվերթի շափ՝ խուսափելով վտանգավոր ընդհարումից:

Սակայն մայիսի կեսին այդ խումբը, որ թվով համարյա շորս անգամ գերազանցում էր բանդայից, Ուստ-Նոպերսկայա ստանիցայի Բոբրովսկի խուտորի մերձակայքում կարողացավ Ֆոմինին սեղմել Դոնին: Բայց կարճատև մարտից հետո բանդան այնուամենայնիվ դուրս եկավ օղակից ու հեռացավ Դոնի ափով, կորցնելով ութ մարդ,— սպանված ու վիրավոր: Դրանից հետո շուտով Ֆոմինը Գրիգորիին առաջարկեց վերցնել շտաբի պետի պաշտոնը:

— Մեզ հարկավոր է գրագետ մի մարդ, որ պլանով, քարտեզով շրջենք, թե չէ երբեկից հուպ կտան մեզ և էլ չարգուփշուր կանեն: Վերցրու, Գրիգորի Պանտելևիչ:

— Միլիցիոներներին որսալու և նրանց գլուխները կրտճրելու համար շտաբ հարկավոր չի,— մոայլ պատասխանեց Գրիգորին:

— Ամեն մի ջոկատ պետք է ունենա իր շտաբը, դատարկ բաներ մի դուրս տա:

— Այդ պաշտոնի համար վերցրու Չումակովին, եթե չես կարող առանց շտաբի ապրել:

— Իսկ դու ինչո՞ւ չես ուզում:

— Այդ գործի մասին հասկացողություն չունեմ:

— Իսկ Չումակովն ունի՞:

— Չումակովն էլ չունի:

— Բա էլ ինչո՞ւ ես նրան մեջտեղ խցկում: Դու սպա ես և պետք է հասկացողություն ունենաս, տակտիկա, և ուրիշ շատ բաներ գիտենաս:

— Ես ձիշտ այնպիսի սպա եմ եղել, ինչպես դու հիմի՛

ջոկատի հրամանատար ես: Իսկ տակտիկան մեզ մոտ այս է՝ թրև եկ տափաստանում և շուտ-շուտ ետ նայիր...— ծաղրանքով ասաց Գրիգորին:

Ֆոմինը աչքով արեց Գրիգորիին և սպառնաց մատով:

— Քեզ տեսնում եմ ամբողջովին: Մութ տեղում ես թաքնվում, հա՛-ա: Ուզում ես ստվերի մե՞ջ մնալ: Դա քեզ չի փրկի, հոգիս: Դասակապետ լինել թե շտաբի պետ,— մեկ է: Կարծում ես եթե քեզ բռնեն, կզիջե՞ն: Սպասիր, ո՞նց չէ:

— Ես իսկի էլ դրա մասին չեմ մտածում, դու զուր ես ենթադրություններ անում,— ուշադրությամբ զննելով թրափունջը, ասաց Գրիգորին:— Իսկ ինչ որ չգիտեմ, չեմ ուզում վերցնել ինձ վրա...

— Է՛հ, որ չես ուզում, պետք չի, առանց քեզ էլ մի կերպ գործը կտանենք,— համաձայնվեց նեղացած Ֆոմինը:

Օկրուգում խիստ փոխվեց իրադրությունը. ունևոր կազակների տներում, ամեն տեղ, ուր առաջ մեծ հյուրասիրություն էին սողնակով, ու երբ բանդան երևում էր խուտորում, տանտերերը միահամուռ կերպով փախչում, թաքնվում էին այգիներում ու պուրակներում: Իևտրիբունալի շրջիկ սեսիան, որ ժամանկ էր վեշենսկայա, խստորեն դատապարտեց մի քանի կազակների, որոնք առաջ սրտաբաց էին ընդունում Ֆոմինին: Այս լուրը լայն շափով տարածվեց ստանիցաներում և համապատասխան ազդեցություն թողեց այն մարդկանց մտքերի վրա, ովքեր բացահայտ կերպով իրենց բարեհաճությունն էին արտահայտում բանդիտների նկատմամբ:

Երկու շաբաթվա ընթացքում Ֆոմինը լայն շափով շրջեց վերին Դոնի բոլոր ստանիցաները: Բանդայում արդեն կար մոտ հարյուր երեսուն հեծելակ և արդեն ոչ հապճեպորեն կազմած հեծյալ մի խումբ, իսկ հարավից փոխադրված 13-րդ հեծելադորային զնդի մի քանի հեծելավաշտեր կրնկակոխ հետապնդում էին նրանց:

Վերջին օրերում Ֆոմինին հարած բանդիտներից շատերը հեռավոր վայրերի բնակիչներ էին: Նրանք բոլորն էլ այլևայլ ճանապարհներով էին հասել Դոնի շրջանը. ոմանք միայնակ փախել էին էտապներից, բանտերից ու ճամբարներից, բայց նրանց հիմնական մասսան բաղկացած էր Մալակի

բանդայից անջատված մի քանի տասնյակ հեծելակներէից, ինչպես նաև Կուրուչիների շախչախված բանդայի մնացորդներից: Մասլակովականները առանց առարկութեան բաժանվեցին իրարէից և գտնվում էին բոլոր դասակներում, բայց կուրուչիականները շուգեցին բաժանվել: Նրանք բոլորն էլ կազմեցին մի առանձին դասակ, որը սերտ կերպով միավորված էր և իրեն մի քիչ հեռու էր պահում մյուսներից: Քե մարտերում և թե հանգստի ժամանակ նրանք գործում էին միահամուռ կերպով, սարի պես կանգնած էին միմյանց թիկունքում, իսկ երբ որևէ տեղ թալանում էին սպառկոտպի խնուրը կամ պահեստը, մթերքները միասին էին սպառում, ավարը հավասար էին բաժանում՝ խստորեն կիրառելով հավասարութեան սկզբունքը:

Քերեքի ու Կուբանի մի քանի կազակ հնամաշ շերքեզիկներով, վելիկոկնյաժեսկայա ստանիցայի երկու կալմիկ, մի լատիշ՝ որսորդական երկար, մինչև ազգրերը հասնող սապոգներով և հինգ հոգի անարխիստ նավաստիներ զուգոր բաճկոններով ու արևից խունացած կուրտկաներով,— սրանք բոլորը էլ ավելի բազմազան էին դարձնում Ֆոմինի բանդայի առանց այն էլ խայտառակ հագնված, տարատեսակ կազմը:

— Հիմա է՞լ պիտի վիճես, որ քո մարդիկ ավազակներ չեն, բա դրանք, ոնց ես ասում... գաղափարական մարտիկներ են, հա՞,— մի անգամ Չումակովը հարցրեց Ֆոմինին՝ աչքերով ցույց տալով ճանապարհին ձգված երթական շարասյունը:— Պակասում է միայն կարգալույծ արված մի տերտեր ու շալվար հագած մի խող, թե չէ աստծու այդ խուժանի կազմը լրիվ կլիներ...

Ֆոմինը ձայն չհանեց: Նրա միակ ցանկությունն էր ուրբան կարելի է շատ մարդ հավաքել իր շուրջը: Ընդունելով կամավորներին, նա ոչ մի բան հաշվի չէր առնում: Յուրաքանչյուրին, ով ցանկություն էր հայտնում ծառայել նրա հրամանատարության տակ, ինքն էր հարցաքննում, կարձասում էր.

— Մտաշուրթյան համար պիտանի ես: Ընդունում եմ: Գնա իմ շտաբի պետ Չումակովի մոտ, նա կասի, թե դու որ դասակում պիտի լինես, քեզ դենք կտա:

Միգուլինսկայա ստանիցայի խուտորներից մեկում լավ հագնված, գանգրահեր ու թխադեմ մի երիտասարդի բերին Ֆոմինի մոտ: Երիտասարդը հայտնեց, որ ցանկանում է մըտնել բանդայի մեջ: Ֆոմինը հարց ու փորձից իմացավ, որ այդ տղան Ռոստովի բնակիչ է, վերջին ժամանակներում դատապարտվել էր զինված կողոպուտի համար, բայց փախել է Ռոստովի բանտից, ու լսելով Ֆոմինի մասին, անցել է վերին Դոն:

— Դու ի՞նչ ազգ ու տակից ես, հա՞յ ես, թե՞ բուլղարացի,— հարցրեց Ֆոմինը:

— Ո՛չ, ես հրեա եմ,— կմկմալով պատասխանեց երիտասարդը:

Ֆոմինը շփոթվեց անակնկալից ու երկար լռեց: Նա չգիտեր, թե ինչպես պետք է վարվեր ընավ շնախատեսված տրվյալ դեպքում: Մի քիչ մտածելով, նա ծանր հոգոց հնեց.

— Է՛հ, ի՞նչ արած, որ հրեա ես: Մենք այդպիսիներից էլ չենք հրաժարվում... Թո՛ղ մի մարդով էլ շատանանք: Ձի նստել գիտե՞ս: Չէ՞: Կսովորե՞ս: Սկզբում քեզ մի խելոք ձիով կտանք, հետո էլ կսովորես: Գնա Չումակովի մոտ, նա կնշանակի քո տեղը:

Մի քանի րոպեից հետո կատաղած Չումակովը ձիով մոտեցավ Ֆոմինին:

— Գժվե՞լ ես, ինչ է, թե՞ հանաք ես անում,— ձիս ետ տալով բղավեց նա:— Ո՞ր սատանի համար ես ջնուղին դրկել ինձ մոտ, հը՞: Չեմ ընդունում, ուր ուզում է թող գնա:

— Վերցրու, վերցրու նրան, մեր թիվը կշատանա,— հանգիստ ասաց Ֆոմինը:

Բայց Չումակովը փրփուրը բերանին գոռաց.

— Չեմ վերցնի, կսպանեմ, բայց չեմ վերցնի: Կազակները տրտնջում են, գնա ինքդ նրանց հետ բազար արա:

Մինչդեռ նրանք վիճում էին ու հակաճառում միմյանց, գումակի մի սայլի մոտ կազակները հանեցին երիտասարդ հրեայի ասեղնագործած վերնաշապիկը և մահուդե լայն շալվարը: Կազակներից մեկը վերնաշապիկը փորձելով, ասաց.

— Հրե՛ն, տեսնում ես այն քոլերը, որ խուտորից դենն են: Վազ տուր այնտեղ ու պառկիր: Այնքան կպառկես, մինչև որ մենք գնանք այստեղից, ու երբ գնանք, վեր կաց ու

ծլկիր ուր կուգես: էլ շմտեմնաս մեզ, կսպանենք, ավելի լավ է գնա Ռոստով, մայրիկիդ մոտ: Կոիվ անելը ձեր, հրեաների գործը չի: Աստված ձեզ սովորեցրել է առևտուր անել և ոչ թե կովել: Առանց ձեզ էլ մենք յուր կգնանք, ինչ որ բերենք, այն կխրթենք:

Հրեային շնորհունեցին, բայց հենց նույն օրը վեշենսկայա ստանիցայի բոլոր խուտորներում հայտնի շաշ Պաշային ծիծաղելով ու կատակելով ընդունեցին երկրորդ դասակը: Նրան բռնեցին տափաստանում, բերին խուտոր և հանդիսավոր կերպով զուգեցին սպանված մի կարմիրբանակայինի հագուստով, ցույց տվին, թե ինչպես պետք է բանեցնել հրացանը, երկար սովորեցրին թրատելու ունակությունը:

Գրիգորին մոտենում էր իր ձիերին, որոնք կանգնած էին ձիակապարանում, բայց տեսնելով քիչ հեռու խմբված հոծ ամբոխը, գնաց այնտեղ: Փառ-փառ քրքիչը նրան ստիպեց արագացնել քայլերը, հետո էլ վրա հասած լուսթյան մեջ նա լսեց մեկի խրատական, զգաստ ձայնը.

— Այդպես չէ, Պա՛շա: Ո՞վ է այդպես թուր բանեցնում: Հո փայտ չե՞ս ջարդելու, մարդ ես թրատելու: Ա՛յ պետք է այսպես անել, հասկացա՞ր: Հենց որ բռնեցիր՝ իսկույն հրամայիր ծունկ չոքել, թե չէ դու չես կարող թրատել կանգնած մարդուն... Նա ծունկ կշոքի, իսկ դու ա՛յ այսպես, ետևից կտրի վիզը: Աշխատիր ոչ թե ուղիղ, այլ շեղակի խփել և թուրը դեպի քեզ քաշել, որ լավ կտրի...

Բանդիտներով շրջապատված խենթը կանգնել էր ձիդ, պինդ սեղմել մերկացրած թրի կոթը: Նա լսում էր կազակներից մեկի խրատները, ժպտում ու երջանկաբար կկոցում չոած, գորշ աչքերը: Նրա բերանի անկյունները փրփրակալի էին ինչպես ձիու բերանը, լորձունքը պղնձակարմիր մորուքի վրայով առատորեն թափվում էր կրծքին... Նա լիզում էր անմաքուր շրթունքները ու շվշվացնելով, թվատ ասում.

— Բոլորը հասկացա, աղբիս, բոլորը... Այդպես էլ կանեմ... Մունկ կշոքեցնեմ աստծու ծառային ու կկտրեմ վիզը... այնպե՛ս կկտրեմ որ: Դուք ինձ շալվար է՛լ տվիք, շապիկ է՛լ, սապոգներ է՛լ... Միայն թե վերարկու չունեմ... վերարկու է՛լ տայիք, էլի՛, ես ձեզ կգոհացնեմ: Ինչքան որ սե՛ռ ունեմ, կաշխատեմ գոհացնել:

— Եսպանես մի սրիկ կոմիսարի,— ահա քեզ և վերարկու: Իսկ հիմա պատմիր, թե անցյալ տարի քեզ ոնց ամուսնացրին,— առաջարկեց կազակներից մեկը:

Խենթի լայնացած և պղտոր փառով քողված աչքերը անասնական երկյուղ արտահայտեցին: Նա երկար հայհոյանք թափեց ու ընդհանուր քրքջի տակ սկսեց ինչ-որ բան ասել: Այդ բոլորն այնքան նողկալի էր, որ Գրիգորին ցնցվեց, իսկույն հեռացավ: «Ա՛յ, թե ինչ տեսակ մարդկանց հետ եմ կապել բախտս...» Մտածեց նա թախիծով ու դառնություն լեցուն, շարանալով իր վրա, ամբողջ գարշ կյանքի վրա...

Նա պառկեց ձիակապարանի մոտ՝ աշխատելով շսել խենթի ճշոցները և կազակների թնդալից քրքիչը: «Հենց վաղը կգնամ, ժամանակն է»,— որոշեց նա՝ նայելով կուշտ, կազդուրված ձիերին: Նա խոհեմաբար, մանրակրկիտորեն պատրաստվում էր հեռանալ բանդայից: Վերցրել էր մի սպանված միլիցիոնների փաստաթղթերը՝ Ուշակովի անունով, կարել շինելի աստառի տակ: Գեռ երկու շաբաթ առաջ սկսել էր ձիերը պատրաստել կարճատև, բայց շեշտակի վազքի համար. ժամանակին շրում էր նրանց, այնպիսի ջանադրություններ էր մաքրում, ինչպես իսկական ծառայության ժամանակ է՛լ չէր մաքրել, գիշերելու վայրերում արդարացի թե անարդար բոլոր միջոցներով կեր էր ճարում, ու նրա ձիերը ավելի լավ տեսք ունեին, քան մյուսների ձիերը,— մանավանդ նրա տավրիկյան մոխրագույն և կարմրախայտ ձին: Սա ամբողջովին պլպլում էր, արևի տակ բուրդը փայլում էր ինչպես կովկասյան սևանախշած արծաթ:

Այդպիսի ձիերով կարելի էր համարձակորեն հեռանալ ու ազատվել ամեն մի հետապնդումից: Գրիգորին վեր կացավ, գնաց մոտակա բակը: Ամբարի շեմքին նստած պառավին քաղաքավարություններ հարցրեց:

— Ձեզ մոտ գերանդի կա՞, տատի:

— Մի տեղ դրած էր: Ամա ո՞վ գիտի սրտեղ է: Ինչի՞դ է պետք:

— Կուզեի ձեր ծառուտում մի քիչ խոտ քաղել ձիերիս համար: Կարելի՞ է:

Պառավը մտածեց, հետո ասաց.

— Ախր դուք ե՞րբ պիտի իջնեք մեր վզից, է՞: Տուր հա

տո՛ւր... Ոմանք գալիս են, հաց են պահանջում, ոմանք էլ գալիս ու քաշում-տանում աչքով տեսածը: Գերանդին չեմ տա քեզ: Ինչ ուզում ես արա, չեմ տա:

— Ափսոսո՞ւմ ես խոտը, ասածու պառավ:

— Բա խոտը հո դատարկ չուում չի՞ բուսնում: Կովս ինչո՞վ պիտի կերակրեմ:

— Տափաստանում քի՞չ խոտ կա:

— Գնա այնտեղ, որդի: Տափաստանում շատ խոտ կա:

Գրիգորին բարկությամբ ասաց.

— Ավելի լավ է տուր գերանդին, ա՛յ տատիկ: Ես մի քիչ կքաղեմ, մնացածը կմնա քեզ, թե չէ եթե ձեռքը թողնենք այնտեղ ամբողջ խոտը կփչացնեն:

Պառավը մտալ նայեց Գրիգորիին և շուտ տվեց դեմքը:

— Գնա ինքդ վերցրու, գերանդին կարծեմ կախված է շարդախի տակ:

Գրիգորին շարդախի տակ գտավ սայրը կոտրատված մի հին գերանդի, ու երբ անցավ պառավի կողքից, պարզ լսեց նրա խոսքերը:— «Անիծվածներ, ձեր վերջը չի գալիս, էլի՛»:

Գրիգորին չէր կարողանում ընտելանալ նման վերաբերմունքին: Նա վաղուց էր տեսնում, թե խոտորների բնակիչներն ինչպիսի տրամադրությամբ են ընդունում բանդիտներին: «Նրանք ճիշտ են դատում,— մտածում էր նա զգուշությամբ բանեցնելով գերանդին և աշխատելով մաքուր հնձել, չհնձած տեղեր շթողնել:— Մենք նրանց ինչի՞ն ենք պետք: Մենք ոչ ոքի էլ հարկավոր չենք, խանգարում ենք բոլորի խաղաղ կյանքն ու աշխատանքը: Պետք է վերջ տալ, հերիք է՞»:

Իր մտքերով զբաղված, նա կանգնել էր ձիերի մոտ, նայում էր, թե դրանք իրենց սև, թավշանման շրթունքներով ինչպես են վերցնում քնքուշ, մատաղ խոտի փնջերը: Պատանեկան թավ մի ձայն նրան դուրս բերեց մտազբաղ վիճակից.

Ինչքա՞ն լավ ձի է, ոնց որ թե կարապ լինի:

Գրիգորին նայեց խոտողի կողմը: Ալեքսեևսկայա ստանիցիայի երիտասարդ մի կազակ, որ նոր էր մտել բանդան, նայում էր մոխրագույն ձիուն՝ հիացած օրորելով գլուխը: Հմայված աչքերը չկտրելով ձիուց, նա մի քանի անգամ պտտվեց դրա շուրջը, ծնտացրեց լեզուն:

— Քո՞նն է, հա՛:

— Քո ի՞նչ գործն է,— մտալ պատասխանեց Գրիգորին:— Եկ փոխենք: Իմը շիկակարմիր է, Գոնի գտարյուն ձի, անցնում է ամեն արգելքից ու արագ վազում, այնքա՞ն արագ: Կայծակ է, հա՛-ա:

— Ռադ եղի գնա,— սառն ասաց Գրիգորին:

Տղան մի փոքր լուեց, վշտացած շունչ առավ ու նստեց: Նա երկար դիտեց մոխրագույն ձիին, հետո ասաց.

— Քո այդ ձիին սրտի ցավ ունի: Շնչառությունն էլ լավ չի:

Գրիգորին ծղնտով լուռ քշվորում էր ատամները: Պարզամիտ տղան սկսել էր նրան դուր գալ:

— Չե՞ս փոխի, մեծ աղբեր,— ցածրաձայն հարցրեց տղան՝ աղերսալի աչքերը հառելով Գրիգորիին:

— Չէ: Ձիու վրա քեզ էլ որ տան, էլի չեմ փոխի:

— Ո՞րտեղից ես ճարել այդ ձիին:

— Ինքս եմ հնարել սրան:

— Չէ, դրուստ:

— Սա էլ նույնպիսի տեղից է դուրս եկել, ոնց որ մյուս ձիերը, զամբիկից է ծնվել:

— Արի ու խոսի այս տեսակ հիմարի հետ,— նեղացած ասավ տղան ու հեռացավ:

Գրիգորիի առջև փովել էր դատարկ, ասես մեռած խոտորը: Բացի ֆոմինականներից, շուրջը ոչ ոք չէր երևում: Նրբանցքում լքած սայլը, բակում գտնվող, փայտ ջարդելու կոճղը, որի մեջ հապճեպորեն խրել ու թողել էին կացինը և որի կողքին կիսատաշ մի տախտակ էր ընկած, պողեքից պարաններ կապած եզները, որոնք ծուլորեն արածում էին փողոցի մեջտեղում ցածր բուսած խոտը, ջրհորի փայտվածքի մոտ բերանի վրա ընկած դուլը,— այս բոլորը ցույց էր տալիս, որ խոտորում անսպասելիորեն խախտվել էր կյանքի խաղաղ ընթացքը և որ տանտերերը անավարտ էին թողել իրենց գործերը ու թաքնվել:

Գրիգորին մարդկանց նույնպիսի բացակայություն և բնակիչների հապճեպ փախուստի նույնպիսի հետքեր էր տեսնում, երբ կազակական գնդերը անցնում էին Արևելյան Պրուսիայով: Այժմ նրան վիճակվել էր այդ նույն բանը տեսնել հայրենի երկրում... Այն ժամանակ գերմանացիները, այժմ էլ վերին Գոնի կազակները միևնույն մտալ և ատելու-

թյամբ լեցուն հայացքներով էին դիմավորում նրան: Գրիշո-  
րին հիշեց պառավի հետ ունեցած խոսակցությունը և թախ-  
ծոտ նայեց իր շուրջը՝ արձակելով վերնաշապկի օձիքը:  
Անիծված ցավը դարձյալ խոցում էր նրա սիրտը...

Արևը խիստ կիզում էր գետինքը: Նրբանցքում տարած-  
վել էին փոշու անալի հոտը, թայլի ու ձիու քրտնքի հոտը:  
Ծառուտներում, բարձրաբերձ ուռենիների վրա, ուր թռչուն-  
ները փրշոտ բներ էին շինել, կռավում էին ազոավները:  
Տափաստանային գետակը, որ սկիզբ էր առնում հովիտի  
հեռավոր, վերին ծայրի աղբյուրներից, դանդաղորեն հոսում  
էր խուտորի միջով, այն բաժանելով երկու մասի: Գետակի  
երկու կողմում էլ կանգնած էին կաղակական տներն իրենց  
ընդարձակ բակերով, խիտ այգիներով, պատուհանները ծած-  
կող բալենիներով, լայնատերև խնձորենիներով, որոնք դեպի  
արևն էին պարզել իրենց դալար սաղարթը և պտուղների  
մատաղ բողբոջները:

Գրիգորին մշուշված աչքերով դիտում էր փրշոտ ջղախո-  
տով բուսակալած բակը, ծղնոտածածկ, պատուհանների դե-  
ղին փեղկերով խրճիթը, ջրհորի բարձր կոունկը... Կալի  
կողքին, հին ցանկապատի ցցերից մեկի վրա կախված էր  
ձիու մի գանգ, որը սպիտակել էր անձրևներից, դրա դա-  
տարկ ակնախոռոչները սևին էին տալիս: Նույն ցցի վրա  
պարուրած և հյուսվել ու դեպի լույսն էր ձգվել դղումի կա-  
նաչ մի ցողուն: Հասել էր ցցի կատարին, փրշոտ բեզիկնե-  
րով կառչել գանգի ցցված մասերից, ձիու շորացած ատամ-  
ներից, և դրա կախ ընկած ծայրը, հենարան փնտրելով, ար-  
դեն հասել էր մոտիկ տեղում աճած փռչչունու թփի մի ճյու-  
ղին:

Արդյոք երազո՞ւմ, թե՞ հեռավոր մանկության օրերում  
էր Գրիգորին տեսել այդ բոլորը: Այրող տիրության հան-  
կարծակի մոլուցքով բռնված, նա ցանկապատի տակ պառ-  
կեց երեսի վրա, դեմքը ծածկեց ձեռներով, ու վեր կացավ  
միայն այն ժամանակ, երբ հեռվից լսվեց ծորուն հրամանը՝  
«Թամբե՛-ել ձիե-երը»:

Գիշերը, երթի ժամանակ նա իր ձիերով դուրս եկավ շար-  
քերից, կանգ առավ որպես թե ձիերը վերաթամբելու, հետո  
էլ ականջ դրեց ձիերի սմբակների հետզհետե հեռացող, հան-

դարովող դոփյունին, ու թռչելով ձիու վրա, շեղվեց ճանա-  
պարհից ու սլացավ քառատրոփով:

Հինգ վերստի շափ նա քշում էր ձիերը առանց կանգ առ-  
նելու, հետո էլ անցավ քայլքի, ականջ դրեց, թե արդյոք ետե-  
վից հետապնդողներ չե՞ն գալիս: Տափաստանը լուռ էր: Մի-  
այն կտցարներն էին ավազաթմբերի վրա տխուր ձայն տալիս  
իրար ու հեռո՞ւ-հեռվից հազիվ լսվում էր շների հաչոցը:

Սև երկնքում — առկայծող աստղերի ոսկե ցրոնք: Տա-  
փաստանում — լուսթյուն ու քամի՝ օշինդրի հարազատ և դա-  
ռըն բույրով հագեցած... Գրիգորին կիսով չափ կանգնեց աս-  
պանդակների վրա, թեթևացած, ամբողջ կրծքով շունչ  
առավ...

## XVII

Լուսաբացից դեռ շատ առաջ նա հասավ Տատարսկու դի-  
մաց գտնվող մարգագետինը: Խուտորից ներքև, ուր Դոնը  
ծանծաղ էր, բուրրովին մերկացավ, հագուստը, սապոգները,  
զենքերը կապեց ձիերի գլուխներին, ու փամփուշտներով լե-  
ցուն փամփշտանոցը ատամներով բռնած, սկսեց ձիերի հետ  
լող տալով անցնել գետը: Զուրը նրան ցնցում էր անտանելի  
սառնությամբ: Աշխատելով տաքանալ, նա աչ ձեռքով արագ  
ճողփում էր ջուրը, ձախով պահում իրար կապված սանձա-  
փոկերը, ցածր ձայնով քաջալերում տնքող ու փնշող ձիերին:

Գետափին հապճեպորեն հագնվեց, ձգեց թամբերի փոր-  
քաշները և ձիերին տաքացնելու համար արագ սլացավ դեպի  
խուտոր: Թրջված շինելը, թամբի թաց կողերը, խոնավ շա-  
պիկը պաղեցնում էին նրա մարմինը: Գրիգորիի ատամները  
չխկչխկում էին, նրա մեջքը սարսոտում էր և նա դողում էր  
ամբողջ մարմնով, բայց արագ վաղքը շուտով տաքացրեց  
նրան և խուտորից քիչ հեռու նա անցավ քայլքի, նայում էր  
շուրջը և ուշադրությամբ ականջ դնում: Որոշեց ձիերը թող-  
նել ձորակում: Քարքարոտ լանջով իջավ ձորակի հատակը:  
Ձիերի սմբակների տակ շոր շրխկում էին քարերը, պայտե-  
րը դրանց զարկվելուց կայծեր էին թռչում:

Գրիգորին ձիերը կապեց մանկութ ծանոթ շոր կնձնի ծա-  
ռին, գնաց խուտոր:



Ահա և Մելեիսովների հին խրճիթը, խնձորենիների մթին խմբերը, ջրհորի կունկը՝ Մեծ Արջի տակին... Հուզմունքից շնչասպառ լինելով, Գրիգորին խոսով գնալի Դոն, զգուշությամբ ամացավ Աստախովների բակի ցանկապատից, մոտեցավ փեղկերի բաց պատուհանին: Նա լսում էր միայն արտի արագ դարձերը և արյան խուլ աղմուկը գլխի մեջ: Կամացուկ ծեծեց շրջանակի ապակեկալը, այնքան կամացուկ, որ համարյա ինքն էլ չլսեց թխկոցը: Ակսինյան լուռ մոտեցավ պատուհանին, նայեց: Գրիգորին տեսավ, թե ինչպես նա ձեռքերը սեղանից կրծքին, ու լսեց Ակսինյայի շուրթերից թուած մեղմ հատուշանքը: Գրիգորին նշան արավ, որ նա բաց անի պատուհանը, հանեց հրացանը: Ակսինյան բացեց փեղկերը:

— Կամաց: Բարև: Դուռը մի՛ բանա, ես պատուհանից կմտնեմ,— շնչալով ասաց Գրիգորին:

Նա կանգնեց պատի տակի հողաթմբի վրա: Ակսինյայի մերկ թևերը խտտեցին նրա պարանոցը: Դրանք, այդ հարազատ թևերը այնպես էին դողում, թպրտում նրա ուսերի վրա, որ դողը անցնում էր և Գրիգորիին:

— Կսյուշա... կա՛ց... վերցրու հրացանը,— կակազելով, հազիվ լսելի շնչաց Գրիգորին:

Թուրը ձեռքով պահած, Գրիգորին ներս մտավ, ծածկեց պատուհանը:

Նա ուզում էր գրկել Ակսինյային, բայց վերջինս ծանր ծունկ չոքեց նրա առաջ, գրկեց նրա ոտները, ու դեմքը սեղմելով թաց շինելին ամբողջ մարմնով ցնցվեց զուսպ հեկեկանքից: Գրիգորին ոտքի հանեց նրան, նստեցրեց նստարանին: Թեքվելով նրա վրա, դեմքը հպելով նրա կրծքին, Ակսինյան լուռ էր, հաճախակի ցնցվում ու ատամնհրով սեղմում շինելի կրծքի ծալը, որպեսզի խեղդեր հեծկլտանքը և չզարթեցնեք երեխաներին:

Երևում էր, որ տանջանքները նրան է՛լ, այնքա՛ն ուժեղ Ակսինյային է՛լ էին ընկձել: Երևում էր, որ դառն էր ապրել նա այդ ամիսներին... Գրիգորին շոյում էր մեջքին թափված նրա մազերը, տաք և քրտնքից թրջված ճակատը: Նա սպասեց, որ Ակսինյան լալով թափի վիշտը, հետո հարցրեց.

— Երեխաները ողջ-առո՞ղջ են:

— Այո:

— Դունյաշկա՞ն:

— Դունյաշկան է՛լ... ողջ... և առողջ է...

— Միխայիլը տա՞նն է: Դե լավ, էլի՛, հերի՞ք եղավ: Շապիկա թրջվեց քո արտասուքներից... Կսյուշա, սիրելիս, հերիք է: Լաց լինելու ժամանակ չկա... Միխայիլը տա՞նն է:

Ակսինյան սրբեց դեմքը, թաց ձեռքերով սեղմեց Գրիգորիի այտերը: Արտասովելով ու ժպտալով, անթարթ նայելով սիրածին, մեղմակի ասաց.

— Էլ չեմ լաց լինի... Արդեն չեմ լալիս... Միխայիլը չկա, երկրորդ ամիսն է, որ Վեշկիումն է, ծառայում է ինչ-որ զորամասում: Գնա նայիր երեխաներին: Օ՛յ, չէինք սպասում քեզ, հույս չունեինք:

Միշատկան ու Պոլյուշկան հերարձակ պառկել, քնել էին մահճակալի վրա: Գրիգորին կոացավ նրանց գլխավերևում, մի փոքր կանգնեց ու հեռացավ անձայն քայլերով, լուռ նըստեց Ակսինյայի կողքին:

— Ո՞նց եղավ,— տաք շշուկով հարցրեց Ակսինյան:— Ո՞նց եկար: Բա ո՞րտեղ էիր: Բա որ քեզ բռնե՞ն:

— Եկա քեզ տանելու: Գուցե թե չբռնեն: Կգա՞ս:

— Ո՞ւր:

— Ինձ հետ: Հեռացել եմ բանջարից: Ֆոմինի մոտ էի, լսե՛լ ես:

— Այո: Բա քեզ հետ ո՞ւր պիտի գնամ:

— Դեպի հարավ: Կուբան կամ ավելի հեռու: Մի կերպ կապրենք, հը՞: Ոչ մի աշխատանքից չեմ հրաժարվի: Զեռքերս պիտք է աշխատեն և ոչ թե կռվեն: Հոգիս ինչքա՛ն է ցավել այս ամիսներին... բայց դրա մասին— հետո:

— Բա երեխանե՞րը:

— Կթողնենք Դունյաշկայի մոտ: Հետո տեսնենք ինչ կլինի: Հետո նրանց էլ կտանենք:

— Գրի՛շա... Գրիշենկա...

— Պետք չէ: Առա՛նց արտասուքների: Հերիք է, էլի՛: Հետո միառին լաց կլինենք, երբ ժամանակ կլինի... Պատրաստվիր, ձիերը թողել եմ ձորակում: Դե, գալի՞ս ես:

— Բա ի՞նչ էիր կարծում,— հանկարծ բարձրաձայն ասաց Ակսինյան ու վախենալով ձեռքը տարավ շուրթերին, նայեց երեխաներին:— Ի՞նչ էիր կարծում,— արդեն շնչալով հարց-

րեց նա:— Մի՞թե մենակ մնալը քաղցր է ինձ համար: Կգամ, Գրիշենկա, հարազատս: Ոտով կգամ, սող կտամ քո ետևից, բայց էլ մենակ չեմ մնա: Առանց քեզ կյանք չկա ինձ համար... Ավելի լավ է սպանես ինձ, քան թե էլի մենակ թողնես...

Նա Գրիգորիին ուժով սեղմեց իրեն: Գրիգորին համբուրում էր նրան ու շեղակի: Նայում պատուհանին: Կա՛ր՞ձ են մտառային գիշերները: Պետք է շտապել:

— Գուցե կպառկե՞ս,— հարցրեց Ակսինյան:

— Ի՛նչ ես ասո՞ւմ,— վախեցած բացականչեց Գրիգորին: — Շուտով կլուսանա, պետք է գնալ: Հագնվիր ու գնա կանչիր Դունյաշկային: Կպայմանավորվենք նրա հետ: Պետք է միջով հասնենք մինչև Չոր ձորը: Ցերեկը կմնանք այնտեղ, անտառում, իսկ գիշերը կշարունակենք մեր ճամփան: Կարո՞ղ ես ձիով գնալ:

— Տե՛ր աստված, մի կերպ հեռանանք, էլի՛, իսկ եթե ձիով ենք գնում,— ավելի լավ: Ես միտք եմ անում, թե սա հո երազ չի՛: Ես քեզ շուտ-շուտ տեսնում եմ երազումս... ու ամեն անգամ մի նոր վիճակում...— Ակսինյան հերակալները ատամներով բռնած, հապճեպորեն սանրում էր մազերը, կցկտոր, կամաց էր խոսում: Նա արագ հագնվեց, քայլեց դեպի դուռը:

— Զարթնեցնե՞մ երեխաներին, գոնե մտիկ կտաս նրանց:

— Ո՛չ, հարկավոր չէ,— վճռականորեն ասաց Գրիգորին:

Նա գդակի միջից հանեց ծխախոտի տոպրակը ու սկսեց պապիրոս փաթաթել, բայց հենց որ Ակսինյան դուրս ելավ, նա արագ մոտեցավ մահճակալին ու երկար համբուրեց երեխաներին, հետո էլ հիշեց նատալյային ու էլի շատ բան հիշեց իր դարդոտ կյանքից և լաց եղավ:

Շևմբից ներս մտնելով, Դունյաշկան ասաց.

— Բարե, աղբերս: Տան կարոտը քաշեց-բերեց քեզ, հա՞: Հերիք չե՞ղավ ման դաս տափաստանում...— ու անցավ խրատներին:— Խեղճ երեխեքը հեր չեն տեսնում, էլի՛... Հերը սաղ է, իսկ նրանք որք են...

Գրիգորին գրկեց նրան, խստորեն ասաց.

— Կամաց, չգարթնեցնես երեխաներին: Թո՞ղ այդ բանը, քո՛ւրս: Լսե՛լ եմ այդ երգը: Իմ դարդ ու արցունքն էլ հերիք է

ինձ... Դրա համար չէ, որ կանչեցի քեզ: Երեխաներին կվերցնե՞ս դաստիարակելու:

— Իսկ դու ի՞նչ պիտի անես:

— Գնում եմ և Ակսինյային տանում եմ ինձ հետ: Երեխաներին կվերցնե՞ս քեզ մոտ: Երբ որ աշխատանքի մտնեմ, կտանեմ նրանց:

— Դե, բա ո՞նց: Որ երկուսդ էլ գնում եք, կվերցնեմ: Հո փողոցում չեն մնալու կամ հո չպիտի՞ օտար մարդկանց ձեռքը ընկնեն...

Գրիգորին լուռ համբուրեց Դունյաշկային, ասաց.

— Մեծ շնորհակալություն քեզ, քուրս: Ես գիտեի, որ չես մերժի:

Դունյաշկան լուռ նստեց սնդուկի վրա, հարցրեց.

— Ե՞րբ եք գնում: Հի՞մա՞:

— Այո:

— Բա տո՞ւնը, տնտեսությունը:

Ակսինյան տատանվելով պատասխանեց:

— Ինքը մտիկ արա: Ապրողներ բեր, կամ վարվիր ոնց որ գիտես: Հագուստից և իրերից ինչ որ մնա, տար քեզ մոտ...

— Բա ի՞նչ ասեմ մարդկանց: Որ հարցնեն, թե ուր ես գնացել, ի՞նչ պիտի ասեմ,— հարցրեց Դունյաշկան:

— Ասա, որ ոչինչ չգիտես, պրծավ-գնաց:— Գրիգորին դարձավ դեպի Ակսինյան.— Կսյուշա, շուտ արա, պատրաստվիր: Շատ բան չվերցնես: Վերցրու տաք կոֆտան, երկուերեք յուրկա, սպիտակեղենդ, ինչ որ կա, մի քիչ ուտելիք, ուրիշ ոչինչ:

Հազիվ էր նշմարվում լուսաբացը, երբ Դունյաշկային հրաժեշտ տալով և համբուրելով այնպես է՛լ շարթնացած երեխաներին, Գրիգորին ու Ակսինյան դուրս ելան տանից: Նրանք իջան Դոն, գետափով գնացին մինչև ձորակը:

— Մի ժամանակ ես ու դու հենց այսպես էինք գնում Ձագուղնոյի,— ասաց Գրիգորին:— Միայն թե այն ժամանակ քո բոխչան ավելի մեծ էր ու մենք էլ ջահել էինք...

Բերկրալի հուզմունքով համակված, Ակսինյան կողքից նայեց Գրիգորիին:

— Ես էլի վախենում եմ, թե սա հո երազ չէ՞: Տուր ձեռ-

քրդ, շոշափեմ, թե չէ համալսալս շի գալիս:— Նա կամացուկ ծիծաղեց, քայլելով սեղմվեց Գրիգորիի ուսին:

Գրիգորին տեսնում էր արցունքներից ուռած, երջանկությունից փայլող նրա աչքերը, վաղորդյան աղջամուղջում գունատ այտերը: Փաղաքուշ ժպտալով, մտածեց.— «Վեր կացավ ու եկավ, կարծես թե հյուր է գնում... Ոչ մի բանից չի վախենում, կեցցես դու, այ կին»:

Կարծես պատասխանելով նրա մտքերին, Ակսինյան ասաց.

— Տեսնո՞ւմ ես, թե ինչպիսի կնիկ եմ ես... Կանչեցիր ոնց որ շնիկին, ու ես ետևիցդ վազ տվի: Սերն ու կարտոն են ինձ այսպես կապել քեզ, Գրիշա... Միայն թե երեսնեքին եմ խղճում, իսկ իմ մասին «ախ» էլ չեմ քաշի: Քեզ հետ կգնամ ամեն տեղ, թեկուզ մեռնելու:

Լսելով նրանց քայլերը, ձիերը կամաց վրնջացին: Շեշտակիորեն մտնելով էր լուսաբացը: Արևելքում հաղիվ նկատելի վարդագունել էր երկնքի ծայրամասը: Դոնի վրա ջրից մշուշ էր բարձրացել:

Գրիգորին արձակեց ձիերը, օգնեց Ակսինյային՝ թամբի վրա բարձրանալու: Ասպանդակները Ակսինյայի ոտների համեմատությամբ երկար էին: Ջղայնանալով, որ այդ բանը չէր նախատեսել, Գրիգորին ձգեց փոկերը, նստեց երկրորդ ձիուն:

— Քշիր իմ ետևից, Կսյուշա: Երբ ձորակից դուրս գանք, յորդա կտանք: Դու շատ չես ցնցվի: Սանձը թույլ չթողնես: Քո տակի ձին այդ չի սիրում: Մնկների դգուշը պահիր: Դա մեկմեկ շարություն է անում, փորձում է կծել ձիավորի ծունկը: Գեհ, հա՛յդա:

Մինչև Չոր ձորը ութ վերստ էր: Կարճ ժամանակամիջոցում նրանք անցան այդ տարածությունը և արևածագին արդեն անտառի մոտ էին: Անտառի եզրում Գրիգորին իշավ ձիուց, նրա օգնությամբ Ակսինյան էլ իջավ:

— Հը՛, ո՞նց է: Սովոր չես, դրա համար էլ ծանր է ձիով գնալ, հա՛,— ժպտալով հարցրեց Գրիգորին:

Ձիով սրարշավելուց կարմրատակած Ակսինյայի սևորակ աչքերը շողացին:

— Լա՛վ է, ոտով գնալուց լավ է: Միայն թե ոտներս...— Ակսինյան շփոթվելով ժպտաց:— Շուտ եկ, Գրիշա, նալիմ ոտներս: Մաշկը կսկծում է... Երևի քերծվել է:

— Դատարկ բան է, կանցնի,— նրան հանգստացուց Գրիգորին:— Մի քիչ ճմլկոտվիր, թե չէ ոտներդ դողում են... — Ու սիրազեղ հեգնանքով կկոցեց աչքերը:— Ա՛յ քեզ կազակուհի՛:

Չորակի տակին ընտրեց մի փոքրիկ բացուտ, ասաց.

— Այստեղ էլ կանգ կառնենք, տեղավորվիր, Կսյուշա:

Գրիգորին հանեց ձիերի թամբերը, կապեց նրանց երեք ոտները, թամբերն ու ղենքերը դրեց մի թփի տակ: Խոտաբույսերը պատած էին առատ, խիտ ցողով և դրանից էլ գորշ-կասպտավուն էին թվում, իսկ լանջի վրա, ուր դեռ շոքել էր առափոտյան աղջամուղջը, դրանք դալկակասպույտ երանգ ունեին: Ծաղիկների կիսաբաց բաժակներում ննջում էին նարնջագույն իշամեղունները: Տափաստանի վերևում գեղգեղում էին արտույտները, արտևրում, տափաստանային բուրավետ, բազմապիսի խոտաբույսերում ձավողում էին լորերը՝ «Գնա՛ քնի, գնա՛ քնի, գնա՛ քնի»: Գրիգորին կաղնու թփի տակ տափտափեց բույսերը, պառկեց՝ գլուխը դնելով թամբի վրա: Թե լորերի հնչուն, անլուելի ճովողունը, թե արտույտների քնաբեր երգը և թե տաք քամին, որ փշում էր Դոնի մյուս կողմից, գիշերվա ընթացքում չպաղած ավազուտներից,— այս ամենը քնելու տրամադրություն էր առաջացնում: Ոչ այլ ոք, քան Գրիգորին, որը բազմաթիվ անքուն գիշերներ էր անցկացրել, այժմ պետք է որ քուն մտներ: Լորերը օրոր երգեցին, և նա քնից հաղթահարված, փակեց աչքերը: Ակսինյան նստել էր նրա կողքին, լուռ էր, շուրթերով մտազբաղ պոկոտում հոտավետ մեղրածծուկի մանուշակագույն թերթիկները:

— Գրիշա, այստեղ մեզ ոչ ոք չի՞ բռնի,— կամացուկ հարցրեց նա՝ ծաղկի ցողունով շոշափելով Գրիգորիի մազոս այտերը:

Գրիգորին դժվարությամբ սթափվեց քնկոտ վիճակից, խոպոտ ասաց.

— Տափաստանում ոչ ոք չկա: Հիմի հանդարտ ժամանակ է: Ես կքնեմ, Կսյուշա, իսկ դու մտիկ արա ձիերին: Հետո էլ դու կքնես: Քունը թուլացրել է ինձ... քնում եմ... Չորրորդ օրն է... Հետո կխոսենք...

— Քնիր, ազիզ, պինդ քնիր:

Ակսիոնյան թեքվեց Գրիգորիի վրա, նրա ճակատից նտ տարավ կախ ընկած մազափունջը, շրթունքները մեղմիվ հպեց նրա այտին:

— Սիրելիս, Գրիգենկա, ինչքա՞ն ճերմակ մազ կա գլխիդ...— շնչալով ասաց նա:— Ուրեմն ծերանո՞ւմ ես, հա՞: Ախր երեկ-մեկել օրը երիտասարդ էիր...— Ու տխուր կիսա-ժպիտով նայեց Գրիգորիի դեմքին:

Գրիգորին քնել էր շրթունքները մի քիչ բաց, համաշափ շնչելով: Նրա սև արտևանունքները, որոնց ծայրերը խանձվել էին արևից, մի փոքր ցնցվում էին, շարժվում էր վերին շրթունքը՝ բանալով քիպ նստած սպիտակ ատամները: Ակսիոնյան ուշադրությամբ գննեց նրան և միայն այժմ նկատեց, թե որչափ փոխվել էր Գրիգորին անշատման այդ մի քանի ամիսներում: Ինչ-որ մոայլ, գրեթե դաժան բան կար նրա սիրելիի հոնքերի արանքում, խոր, լայնակի կնճիռներում, բերանի ծալերում, դուրս ընկած այտոսկրներում... Եվ նա առաջին անգամ մտածեց, որ Գրիգորին երևի շատ սարսափելի է լինում կովի մեջ, ձիու վրա, մերկացրած սրով: Խոնարհելով աչքերը, Ակսիոնյան անցողակի նայեց նրա մեծ, հանգուցաշատ ձեռներին և չգիտես ինչու հոգոց հանեց:

Մի քիչ հետո Ակսիոնյան հուշիկ վեր կացավ, անցավ բացուտը՝ բարձրացնելով յուբկան, աշխատելով, որ այն չթրջվի խոտաբույսերին նստած ցողից: Մոտիկ տեղում կարկաչում էր առվակը՝ զարնվելով քարերին: Ակսիոնյան իջավ ձորի հատակը, որ ծածկված էր կանաչ մամուռով պատած, քարե սալերով, խմեց աղբյուրներից հոսող պաղ ջուրը, լվացվեց ու աղլուխով մի լավ սրբեց կարմրած դեմքը: Նրա շրթունքներից չէր չքանում մեղմափայլ ժպիտը, բերկրալի շողում էին աչքերը: Գրիգորին նորից նրա հե՛տ էր, անհայտությունը նրան վերստին հմայում էր ցնորական երջանկությամբ... Շատ արցունք էր թափել Ակսիոնյան անքուն գիշերներին, շատ դարդ էր քաշել վերջին ամիսներում: Դեռ երեկ, ցերեկով, երբ մոտիկ տեղում կարտոֆիլ քաղհանող կնանիքը կանացի մի տխուր երգ երգեցին, Ակսիոնյայի սիրտը ցավագին ճմլվեց, և նա ակամա ունկնդրեց երգին:

Ջո՛ւ-ջո՛ւ, սագեր, թևերդ խաս,  
Հերի՛ք լող տաք, դեպի տո՛ւն:

Հերի՛ք ես էլ, ջահել մի հարս,  
Արցունք Ռափեմ անխնդամ...—

երգում էր, սև բախտից գանգատվում կանացի բարձր մի ձայն, ու Ակսիոնյան չկարողացավ զսպել իրեն. բուռ-բուռ արցունք թափվեց նրա աչքերից: Նա ուզում էր աշխատանքի միջոցով մոռանալ ամեն ինչ, խեղդել սիրտը հոշոտող կարտո-թախիժը, բայց արցունքները մշուշում էին աչքերը, չթթալով ընկնում կարտոֆիլի կանաչ փրերին, նրա ուժասպառ ձեռներին, և նա արդեն ոչինչ չէր տեսնում ու չէր կարողանում աշխատել: Դնելով քլունգը, պառկեց գետնին, ձեռներով ծածկեց դեմքը, ազատություն տվեց արցունքներին...

Դեռ երեկ նա անիծում էր իր կյանքը, ու նրա համար գորշ ու անուրախ էր ամբողջ շրջապատը որպես սև ու սուգ հագած, թխպոտ օր, իսկ այսօր ամբողջ աշխարհը նրան թվում էր ցնծուն ու պայծառ, ասես հենց նոր էր անցել ամառային հորդառատ, բարեբեր անձրևը: «Մենք էլ կգտնենք մեր բախտը»,— մտածում էր նա՝ մտացրիվ դիտելով կաղնու դալարագեղ տերևները, որոնք փայլում էին ծագող արեգակի թեք ճառագայթների տակ:

Թփերի մոտ ու արևկող տեղերում անուշաբույր, խայտաբղետ ծաղիկներ էին բուսել: Ակսիոնյան մի մեծ խտիտ ծաղիկներ քաղեց, դզուլությամբ նստեց Գրիգորիից քիչ հեռու, և վերհիշելով ջահելությունը, սկսեց պսակ հյուսել: Ստացվեց շքեղ ու գեղեցիկ մի պսակ: Ակսիոնյան երկար զմայլվում էր դրանով, հետո էլ պսակի մեջ մասրենու մի քանի կարմիր ծաղիկ տեղավորեց, պսակը դրեց Գրիգորիի գլխի մոտ:

Ժամը իննին Գրիգորին արթնացավ ձիու խրխնջոցից, վախեցած նստեց՝ շոշափելով կողքերը, փնտրելով դեմքերը: — Ոչ ոք չկա,— ասավ Ակսիոնյան,— ինչի՞ վախեցար: Գրիգորին տրորեց աչքերը, քնաթաթախ ժպտաց:

Սովորել եմ նապաստակի պես ապրել: Քնում ես ու քնիդ մեջ նայում մի աչքով, ցնցվում ամեն մի թխկոցից... Այս սովորությունը շուտ թողնել հնարավոր չէ: Երկա՞ր քնեցի:

— Չէ: Գուցե էլի՞ քնես:

— Ես պետք է մի օր ու գիշեր քնեմ, որ կարգին կշտանամ քնից: Ավելի լավ է եկ նախաճաշենք, Հացն ու դանակը

Թամբի տոպրակներումն են, հանիր, իսկ ես դնամ ջրեմ ձիերը։  
Նա վեր կացավ, հանեց շինելը, թափահարեց ուսերը։ Արևը  
խիստ կիզում էր։ Քամին օրորում էր ծառերի տերևները, և  
դրանց շրջունից չէր լսվում առվակի մեղմ կարկաչունը։

Գրիգորին իջավ առվակի ափը, քարերից ու ոստերից մի  
տեղ բանդ շինեց, թրով հող փորեց, դրանով ծածկեց քարե-  
րի աշանքները։ Երբ ջուրը հուվաքվեց նրա այդ ամբարտուռէի  
կողքին, նա բերեց ու ջրեց ձիերը, հետո էլ հանեց դրանց  
սանձերը ու էլի թողեց արածելու։

Նախաճաշելիս Ակսինյան հարցրեց.

— Այստեղից ո՞ւր պիտի գնանք։

— Մորոզովսկու կողմը։ Կհասնենք Պլատով, այնտեղից  
էլ ոտով կգնանք։

— Բա ձիե՞րը։

— Կբրախենք։

— Ափսոս են, Գրիշա, լավ ձիեր են, մոխրագույնին նա-  
յելուց շեռ կշտանա, ու թողնե՞նք։ Դրան ո՞րտեղ ես ճարել։

— Ծարել եմ, էլի՛... — Գրիգորին անուրախ քմծիծաղ  
տվեց։ — Խլել եմ մի ուկրաինացու ձեռից։

Կարճատև լուսթյունից հետո նա ասաց.

— Ափսոս են թե ոչ, մեկ է, պետք է բրախել... Մենք  
ձի ծախողներ չենք։

— Բա դու ինչո՞ւ ես գենքերով գնում։ Դրանք մեր ինչի՞ն  
են պետք։ Աստված շանի մեկն ու մեկը տեսնի. գլխներին  
փորձանք կգա։

— Գիշերով մեզ ո՞վ պիտի տեսնի։ Ես սրանք պահել  
եմ ապահով լինելու համար։ Առանց գենքի մի քիչ սարսա-  
փելի է... Երբ որ ձիերը թողնենք, գենքերն էլ դեն կզցնի։  
Այն ժամանակ դրանք արդեն ավելորդ կլինեն։

Նախաճաշից հետո նրանք պառկեցին փռած շինելի վրա։  
Գրիգորին ապարդյուն ջանք էր թափում քնի դեմ մաքա-  
ռելու, Ակսինյան արմունկին հենված, պատմում էր, թե  
առանց նրան ինչպես էր ապրել, որքան տանջվել անշատման  
ժամանակամիջոցում։ Գրիգորին անհաղթահարելի թմրու-  
թյան մեջ լսում էր նրա համաշափ ձայնը և անզոր էր բարձ-  
րացնելու ծանրացած կոպերը։ Երբեմն նա բոլորովին չէր  
լսում Ակսինյային։ Վերջինիս ձայնը հեռանում էր, ցածրա-

նում ու բոլորովին լուռ։ Գրիգորին ցնցվում էր ու արթնա-  
նում, իսկ մի քանի րոպեից հետո նորից փակում էր աչքերը։  
Հոգնածությունը ավելի ուժեղ էր, քան նրա կամքը։

— ...Չանձրանում էին, հարցնում՝ ո՞րտեղ է հայրիկը։ Ես  
նրանց ամեն կերպ հանգստացնում էի, գուրգուրում։ Ընտե-  
լացան, կապվեցին ինձ հետ և արդեն ուշ-ուշ էին գնում  
Գունյաշկայի մոտ։ Պոլյուշկան խելոք է, սուսիկ-փուսիկ  
Կտորտանքներից տիկնիկներ էի կարում նրա համար, նստում  
էր սեղանի տակ, զբաղվում դրանցով։ Միշատկան մի ան-  
գամ ներս է վազում փողոցից, դողում է։ «Ի՞նչ է պատա-  
հել», — հարցնում եմ։ Կալիս է, դառն լալիս։ «Երիխեք ինձ  
հետ շեն խաղում, ասում են՝ քո հայրը բանդիտ է։ Մայրիկ,  
ճի՞շտ է, որ նա բանդիտ է։ Բանդիտները ի՞նչ տեսակ են  
լինում»։ Ես ասում եմ՝ «Իսկի էլ բանդիտ չի քո հայրը։ Այն-  
պես, էլի, անբախտ մարդ է»։ Ու էլ պոկ չի գալի, հարցնում  
է՛ ինչո՞ւ է անբախտ, ի՞նչ բան է անբախտը։ Ու շեմ կարե-  
նում նրան հասկացնել... նրանք իրենք սկսեցին ինձ մայր  
անվանել, Գրիշա, չկարծես, թե ես էի սովորեցրել։ Միխայիլն  
էլ լավ էր վարվում նրանց հետ։ Ինձ չէր բարևում, երեսը  
շուտ էր տալի ու անցնում կողքիցս, իսկ նրանց համար ստա-  
նիցայից մի երկու անգամ շաքար բերեց։ Պորխորը միշտ էլ  
քո դարդն էր քաշում։ Կորա՛վ մարդը, — ասում էր։ Անցած  
շաբաթ եկավ քո մասին խոսելու և ուղղակի հոնգուր-հոն-  
գուր լաց եղավ... Ինձ մոտ խուզարկություն արեցին, զենք  
էին փնտրում կտուրի տակին, մառանում, ամեն տեղ...

Գրիգորին քնեց, այնպես էլ մինչև վերջ չլսեց պատմա-  
ծը։ Նրա գլխավերևում քամուց շրշում էին մատաղ ծփի ծա-  
ռի տերևները։ Դեմքի վրայով սահում էին լույսի դեղին ճա-  
ճանչները։ Ակսինյան երկար համբուրեց նրա փակ աչքերը,  
հետո ինքն էլ քնեց՝ թուշը Գրիգորիի թևին սեղմած, շարու-  
նակելով ժպտալ նաև քնի մեջ։

Ուշ գիշերին, երբ լուսինը մայր մտավ, նրանք հեռացան  
Չոր ձորից։ Երկու ժամ գնալուց հետո բուրից իջան Չիրի  
ափը։ Մարգագետնում ճուլողում էին ջրահավերը, քարքարոտ  
գետախորշերում անընդմեջ կոկոում էին գորտերը, ու հեռու-  
հեռվում խուլ հեծեծում էր ջրցուլը։

Գետափով մեկ ձգվել էին անընդմեջ այգիները, մուշ-  
լորեն սևին էին տալիս մառախուղում:

Կամրջակից քիչ հեռու Գրիգորին կանգ առավ: Խուտո-  
րում կես գիշերային անդորրություն էր տիրում: Գրիգորին  
կրունկներով քշեց ձին, շուռ եկավ մի կողմ: Նա շուրջ կա-  
մրջի վրայով գնալ: Նա շէր հավատում այդ անդորրության  
ու վախենում էր դրանից: Խուտորի ծայրում նրանք անցան  
գետի միջով ու հենց որ շուռ եկան դեպի նեղլիկ մի փո-  
ղոց, խանդակի միջից վեր կացավ մի մարդ, հետո էլ երեքը:  
— Կա՛նգ առ: Ո՞վ է գալիս:

Գրիգորին ցնցվեց այդ ձայնից, ասես հարվածից, քաշեց  
ձիու սանձը: Վայրկենապես ինքն իրեն հավաքելով, նա  
բարձրաձայն պատասխանեց՝ «Մերոնցից ենք,— ու կտրուկ  
շուռ տալով ձին, կարողացավ շշուկով ասել Ակսինյային՝ ետ  
դարձ, իմ ետից»:

Գիշերելու համար հենց նոր տեղավորված պարենավոր-  
ման ջոկատի ուղեկալից շորս հոգի լուռ ու անշտապ գնա-  
ցին նրանց կողմը: Մեկը կանգ առավ ծխելու, վառեց լուց-  
կին: Գրիգորին ուժգին մտրակեց Ակսինյայի ձին: Վերջինս  
խլշկոտեց և տեղն ու տեղը քառատրոփի անցավ: Թեքվելով  
ձիու պարանոցին, Գրիգորին սլացավ նրա ետևից: Լուսթյու-  
նը տաղտկալի վայրկյաններ տևեց, իսկ հետո որոտի նման  
ճայթեց անհամաչափ, որոտընդոտ համազարկը, կրակի  
կայծերը ճեղքեցին մթությունը: Գրիգորին լսեց գնդակների  
այրող սվսվոցը և ծոր տվող աղաղակը:

— Ի գե՛ն...

Գետակից հարյուր սաժեն հեռավորությամբ Գրիգորին  
հասավ ուժգնաթափ սլացող մոխրագույն ձիուն, ու հավա-  
սարվելով նրան, բզակեց:

— Կոացիր, Կսյուշա, շատ կոացիր:

Ակսինյան ձգեց սանձը և իրանը ետ տալով, ընկավ կող-  
քի: Գրիգորին կարողացավ բռնել, թե չէ նա կընկներ ձիուց:

— Քեզ խփեցի՞ն, վիրավորեցի՞ն, ո՞ր տեղիդ դիպավ,  
ասա-ա... — խոպոտ հարցրեց Գրիգորին:

Ակսինյան լուռ էր ու հետզհետե իր ամբողջ ծանրու-  
թյամբ ընկնում նրա թևին: Սլանալիս նրան սեղմելով իրեն,  
Գրիգորին շնչասպառ էր լինում, շշնջում:

— Ի սեր աստծո, գոնե մի խոսք, ախր ի՞նչ եղավ քեզ, է՞:  
Բայց նա ոչ որևէ բան, ոչ էլ հառաչանք լսեց Ակսինյայից:  
Խուտորից երկու վերստ հեռավորությամբ Գրիգորին  
կտրուկ շուռ եկավ ճանապարհից, իջավ մի ձորակ: Թուր  
ձիուց ու գրկելով իջեցրեց Ակսինյային, խնամքով պառկեց-  
րեց գետին:

Նա հանեց Ակսինյայի տաք կոֆտան, կրծքի վրա պատ-  
ռեց շթե բլուզը և շապիկը, շոշափելով գտավ վերքը: Գնդակը  
մտել էր Ակսինյայի ձախ թիակի մեջ, ջարդել ոսկորը և  
շեղակի դուրս եկել աջ անրակի տակից: Գրիգորին արյու-  
նոտված, դողդոջուն ձեռքերով խուրջինից հանեց իր մաքուր  
շապիկը և անհատական վիրակապման ծրարը: Նա գետնից  
բարձրացրեց Ակսինյային, ծունկը դրեց նրա մեջքի տակ,  
սկսեց կապել վերքը՝ փորձելով դադարեցնել անրակի տա-  
կից հոսող արյունը: Շապկի ծվենները և բինտը արագու-  
թյամբ սևանում էին, ամբողջովին թրջվում: Արյուն էր հո-  
սում Ակսինյայի նաև կիսաբաց բերանից, խլթխլթում ու կըլ-  
կում էր կոկորդում: Ու Գրիգորին սարսափից քարանալով,  
հասկացավ, որ ամեն ինչ վերջացել է, որ ամենադարձուրե-  
լին, որը կարող էր պատահել՝ արդեն պատահեց...

Չորակի դիք լանջով, խոտաբույսերի մեջ բացված ու  
ոչխարի կտտորով ծածկված կածանով նա զգուշությամբ,  
Ակսինյային գրկած, իջավ ձորակի հատակը: Ակսինյայի  
գլուխը թույլ ընկած էր նրա ուսին: Նա լուռ էր Ակսինյայի  
սվսվոց, խեղդվող շնչառությունը և զգում էր, թե ինչպես  
տաք արյունը լքում է նրա մարմինը և բերանից թափվում  
իր կրծքի վրա: Նրանց ետևից ձիերն էլ մտան ձորակը: Փըն-  
շալով ու զրնգացնելով սանձերի բերանոցները, նրանք սկը-  
սեցին արածել հյուսիսի խոտը:

Լուսաբացից քիչ առաջ Ակսինյան մեռավ Գրիգորիի ձեռ-  
քերի վրա: Նրա գիտակցությունը այնպես էլ չվերադարձավ:  
Գրիգորին լուռ համբուրեց սառը և արյունից աղի նրա  
շուրթերը, խնամքով պառկեցրեց խոտաբույսերի վրա, վեր  
կացավ: Անհայտ մի ուժ հրեց կուրծքը, և նա ետ-ետ գնաց,  
ընկավ մեջքի վրա, բայց իսկույն ևեթ սարսափահար վեր-  
թռավ: Ու մի անգամ էլ ընկավ՝ բաց գլուխը խփելով քարին  
ու ցավ զգալով: Հետո առանց վեր կենալու, ծնկաչոք եղած,

պատյանից հանեց թուրը, սկսեց գերեզման փորել: Հողը խոնավ էր ու հեշտութեամբ էր փորվում: Գրիգորին խիստ շտապում էր, բայց շնչահեղձութիւնը ճնշում էր նրա կոկորդը, ու թեթև շնչելու համար նա պատռեց իր շապիկը: Վաղորդյան զովը պաղեցրեց նրա քրտնակալած կուրծքը և դրանով հեշտացավ աշխատանքը: Հողը նա դուրս էր թափում ձեռքերով ու գդակով, մի րոպե անգամ չէր հանգստանում, բայց մինչև գոտկատեղը հասնող խորութեամբ գերեզման փորելը շատ երկար տևեց:

Նա իր Ակսինյային թաղեց առավոտյան պայծառ լուսի տակ: Գերեզմանի մեջ նա Ակսինյայի թուխ, մահվան գունատութեամբ պատած ձեռները խաչաձև ծալեց կրծքի վրա, լաշակով ծածկեց դեմքը, որպեսզի հողը չլցվեր նրա կիսաբաց, անշարժ դեպի երկինք դարձած և արդեն դալկացող աչքերը: Գրիգորին հրաժեշտ տվեց նրան, հաստատ հավատալով, որ այդ անջատումը երկար չի տևի...

Ձեռներով ջանադրութեամբ տափեց գերեզմանաթմբի խոնավ, դեղին կավահողը ու ծունկ շքած, գլուխը կախած, կամացուկ օրորվելով երկար մնաց գերեզմանի մոտ:

Այլևս հարկավոր չէր շտապել: Ամեն ինչ վերջացել էր:

Չոր, տաք հողմի տարտամ մուժում, ձորակի վերևում բարձրանում էր արևը: Նրա ճառագայթները արծաթի փայլ էին տալիս Գրիգորիի բաց գլխի մազերի հոծ սպիտակութեանը, սահում նրա դալուկ և իր անշարժութեամբ զարհուրելի դեմքի վրա: Ասես ծանր երազից արթնանալով, նա բարձրացրեց գլուխը ու իր վերևում տեսավ սև երկինքը և արեգակի սև, կուրացուցիչ կերպով փայլող սկավառակը:

### XVIII

Վաղ գարնանը, երբ հալչում է ձյունը և շորանում են ձմռանը պառկոտած խոտաբույսերը, տափաստանում գարնանային հրդեհներ են սկսվում: Հեղեղի նման հոսում է հողմավար կրակը, ագահութեամբ կլանում շոր ջրախոտը, վեր է թռչում ուղտափշի բարձր ցողունների վրայով, սահում գնդածաղկի թուխ կատարներով, փովում է ցածրադիր տե-

ղերում... Ու հետո տափաստանում երկար ժամանակ տարածված է լինում խանձված և ճաքճաք գետնքի դառն մշահոտը: Շուրջը ուրախ դալարում են մատաղ խոտաբույսերը, դրանց վերևում, կապուտակ երկնքում գեղզեղում են անթիվ ու անհամար արտույտները, հյութալի կանաչուտներում քջուջ են անում չվող սագերը ու բույն են հյուսում ամռանը տափաստանում նստող արոսները: Իսկ այնտեղ, ուր հրդեհներ են եղել, շարագուշակ կերպով սևին է տալիս մեռած, ածխացած հողը: Թռչունը բույն չի դնում դրա վրա, գազանը ոտ չի դնում այդտեղ, միայն թևավոր ու արագասլաց քամին է թռչում դրա վերևից ու գորշ-կապուտվուն մոխիրը և բարկ, սև փոշին քշում հեռու-հեռու:

Որպես հրդեհների վառած տափաստանը, սևացավ Գրիգորիի կյանքը: Նա գրկվեց այն ամենից, ինչ որ թանկ էր իր սրտի համար: Անագորույն մահը ամեն ինչ հափշտակեց նրանից, ամեն ինչ խորտակեց: Մնացին միայն երեխաները: Բայց նա ինքը դեռ ջղաձգաբար կառչում էր հողից, կարծես թե իր կործանված կյանքը իրոք մի ինչ-որ արժեք էր ներկայացնում իր համար և ուրիշների համար...

Թաղելով Ակսինյային, նա երեք օր աննպատակ թափանեց տափաստանում, բայց մեղայականով ոչ վեշենսկայա գնաց: Ոչ էլ տուն: Չորրորդ օրը ձիերը թողնելով Ուստ-Խոպերսկայա ստանիցայի խուտորներից մեկում, նա անցավ Գոնը, ոտով գնաց Սլաշկասկու անտառը, որի եզրում ապրիլին առաջին անգամ ջախջախվել էր Ֆոմինի բանդան: Գեռ այն ժամանակ, ապրիլին, նա լսել էր, որ անտառում դասալիքներ են ապրում, նստակյաց կյանք վարում: Չցանկանալով վերադառնալ Ֆոմինի բանդան, Գրիգորին հենց նրանց մոտ էր գնում:

Նա մի քանի օր թափառում էր հսկայական անտառում: Քաղցը տանջում էր նրան, բայց նա սիրտ չէր անում գնալ որևէ բնակավայր: Ակսինյայի մահից հետո նա կորցրել էր և՛ բանականությունը, և՛ երբեմնի համարձակությունը: Կոտորտովող ոստի ճքոցը, խիտ անտառում լսվող շրշույնը, գիշերային թռչունի ձայնը,— այս ամենը վախեցնում ու շփոթեցնում էր նրան: Գրիգորին սնվում էր ելակի չհասունացած պտուղներով, ինչ-որ մանրիկ սնկերով, ընկուզենու տերե-

Քերով, — ու սաստիկ նիհարեց: Հինգերորդ օրը դասալիքները նրան հանդիպեցին անտառում, տարան իրենց գետնատունը:

Նրանք յոթ հոգի էին: Բոլորն էլ շրջակա խուտորների բնակիչներ էին, անտառում տեղավորվել էին նախորդ տարվա աշնանից, երբ սկսվել էր մոբիլիզացիան: Ապրում էին ընդարձակ գետնատանը, տնային հարմարություններով, ու համարյա ոչ մի բանի կարիք չէին զգում: Գիշերները հաճախ գնում էին ընտանիքներին այցելելու. վերադառնալով, բերում էին հաց, պաքսիմաթ, կորեկաձավար, ալյուր, կարտոֆիլ, իսկ միս առանց դժվարություն ճարում էին ուրիշ խուտորներում, — երբեմն անասուններ էին գողանում:

Դասալիքներից մեկը, որ մի ժամանակ ծառայել էր 12-րդ կազակական գնդում, ճանաչեց Գրիգորիին, ու առանձնապես հակաճառություններ չեղան:

Գրիգորին կորցրեց տաղտկալիորեն միմյանց հաջորդող օրերի հաշիվը: Մինչև հոկտեմբեր նա մի կերպ ապրեց անտառում, բայց երբ սկսվեցին աշնանային անձրևները և ապա ցրտերը, նրա մեջ մի նոր և անսպասելի ուժով արթնացավ երեխաների, հայրենական խուտորի կարոտը...

Մի կերպ ժամանակ անցկացնելու համար նա ամբողջ օրերով նստում էր թախտի վրա, փայտից գդալներ, քրեղաններ էր շինում, փափուկ ապառներից ճարտարությունը կերտում էր մարդկանց ու կենդանիների խաղալիքային ֆիգուրներ: Նա աշխատում էր ոչ մի բանի մասին չմտածել ու թունավոր վշտին ճանապարհ շտալ դեպի իր սիրտը: Ցերեկները այդ նրան հաջողվում էր, բայց ձմռան երկար գիշերները հուշերի թախտը հաղթահարում էր նրան: Նա թախտի վրա երկար ժամանակ դես-դեն էր շուռ գալիս և չէր կարողանում քնել: Ցերեկները գետնատան բնակիչներից ոչ ոք նրանից զանգատի խոսք չէր լսում, բայց գիշերները նա հաճախ ցնցվելով արթնանում էր, ձեռքը տանում դեմքին. նրա այտերը և կես տարվա ընթացքում երկարած խիտ մուրուքը արցունքներով թրջված էին լինում:

Նա հաճախ երազում տեսնում էր երեխաներին, Ակսինյային, մորը և մյուս բոլոր մոտիկներին, որոնք արդեն մեռած էին: Գրիգորիի ամբողջ կյանքը անցյալումն էր, իսկ

անցյալը մի կարճատև ու ծանր երազ էր թվում: «Մի անգամ էլ ման գայի հարազատ վայրերում, մի լավ տեսնելի երեխաներիս, դրանից հետո կարելի էր և մեռնել», — հաճախ մտածում էր նա:

Վաղ գարնան մի օր որտեղից-որտեղ անսպասելի կերպով հայտնվեց Չումակովը: Նա մինչև գոտկատեղը թրջված էր, բայց առաջվա պես կայտառ ու աշխույժ: Փոքրիկ վառարանի վրա շորացնելով հագուստը, տաքանալով, նստեց Գրիգորիի մոտ, թախտի վրա:

— Երբ դու մեզանից հեռացար, Մելեխով, մենք շատ ու շատ թրև եկանք: Աստրախանի մոտերքումն է՛լ եղանք, կալմիկական տափաստաններում է՛լ... Արար-աշխարհ ման եկանք: Իսկ թե քանի մարդկանց արյուն թափեցինք. հաշիվ չկա: Յակով Եֆիմիչի կնկանը իբրև պատանդ վերցրին, գույշքը գրավեցին, դե, նա էլ կատաղեց, հրամայեց թրատել բոլոր նրանց, ովքեր ծառայում են սովետական իշխանություն: Ու սկսեցին թրատել բոլորին, — թե ուսուցիչներին, թե դանազան բուժակ-մուժակներին, թե գյուղատնտեսներին... էլ ո՞ւմ ասես, որ չկոտորեցինք: Իսկ հիմի մեզ էլ են ջարդել, բոլորովին վերջ տվել, — ասաց նա հոգոց հանելով ու դեռևս մրսելուց կծկվելով: — Առաջին անգամ մեզ ջարդեցին Տիշանսկու մոտերքում, իսկ մի շաբաթ առաջ — Սոլոնիի մոտերքում: Գիշերով շրջապատեցին երեք կողմից, թողին միայն մի ճամփա, — դեպի բլուրը, իսկ այնտեղ ձյունը ձիու փորին էր հասնում... Լուսաբացին կրակ թափեցին գնդացիներից ու սկսվեց... Բոլորին էլ կոտորեցին գնդացիներով: Փրկվեց միայն երկու հոգի, — ես ու Ֆոմինի տղան: Նա՞ Ֆոմինը, դեռ աշնանից իր մոտ էր պահում տղին, — Դավիդկային: Յակով Եֆիմիչն ինքն էլ սպանվեց... Աչքերիս առաջ սպանվեց: Առաջին գնդակը կպավ ոտին, ջարդեց ծնկը՝ ոսկորը, երկրորդը խփեց գլխին, քերեց ու անցավ: Նա երեք անգամ ընկավ ձիուց: Կանգ ենք առնում, բարձրացնում, նստեցնում թամբին, իսկ նա մի քիչ դնում է ու էլի ընկնում: Երրորդ անգամ գնդակը գտավ նրան, խփեց կողքին... Այստեղ արդեն մենք թողեցինք նրան: Ես մի հարյուր սաժեն հեռացա, ետ նայեցի, — նա, ընկել էր գետնին ու երկու ձիավոր թրերով խոցում էին նրան...



— Գե՛, այգպես էլ պետք է լիներ,— անտարբեր անայ Գրիգորին:

Չունակովը գիշերեց դասալիքների մոտ, գետնատանը, առավոտյան նրանց հրածեշտ տվեց:

— Մ՛ւր ես գնում,— հարցրեց Գրիգորին:

Չունակովը ժպտալով պատասխանեց.

— Հեշտ կյանք վարելու: Կարելի է դու է՛լ կգաս ինձ հետ:

— Ոչ, գնա՛ մենակ:

— Այո, ես ձեզ հետ շեմ կարող ապրել... Քո այդ արհեստը, Մելիխով,— գդալ-մղալ շինելը իմ բանը չի,— հեզ-նանքով ասաց Չունակովը և գլուխ տալով՝ հանեց գլխարկը:— Շնորհակալ եմ, խաղաղ ավագակներ, ձեր աղ ու հացի համար, օթևանի համար: Թող աստված ձեզ ուրախ կյանք տա, թե չէ այստեղ, ձեզ մոտ շատ է ձանձրալի: Կպել եք անտառին ոնց որ հավն իր թռտին, բա սա կյա՞նք է:

Նրա գնալուց հետո Գրիգորին էլի մի շաբաթ ապրեց անտառում, հետո պատրաստվեց ճանապարհվելու:

— Տո՛ն ես գնում,— հարցրեց նրան դասալիքներից մեկը:

Ու Գրիգորին անտառում գտնվելու ամբողջ ժամանակվա ընթացքում առաջին անգամ հազիվ նկատելի ժպտաց.

— Տուն:

— Սպասեիր մինչև գարուն: Մայիսի մեկին մեզ ներում կլինի, այն ժամանակ էլ կերթանք:

— Ոչ, չեմ կարող սպասել,— ասաց Գրիգորին ու բոլորին հրածեշտ տվեց:

Հետևյալ օրվա առավոտյան նա Տատարսկի խուտորի գիմաց մոտեցավ Դոնին: Բերկրալի հուզմունքից գունատվելով, երկար դիտեց հայրենական տուն ու տեղը: Հետո հանեց հրացանը և փամփոշտանոցը, դրա միջից էլ հանեց փամփոշտաները, կանեփի խժուժք, հրացանի քսուքի սրվակը, հայտնի չէ ինչի համար հաշվեց փամփոշտաները: Կար տասնեկու պահունակ փամփոշտ և քսանվեց հատ էլ առանց պահունակների:

Դիք յառի տակ սառույցը հեռացել էր ափից: Հստակ-կանաչավուն ջուրը ծփում էր ու կոտրատում առափնյա ասեղանման սառույցները: Գրիգորին հրացանը, նազանը գցեց ջու-

րը, հետո էլ գցեց փամփոշտաները և շինելի փեշով մանրակրկիտորեն սրբեց ձեռքերը:

Խուտորից ներքև նա մարտ ամսի կապույտ, տաքութունից հետզհետե հալչող սառույցի վրայով անցավ Դոնը, լայն քայլերով գնաց դեպի տուն: Դեռ հեռվից նա տեսավ Միշատկային նավամատույցի վայրէջքում և հազիվ գսպեց վաղեվազ նրան մոտենալու ցանկությունը:

Միշատկան կոտրում էր քարից կախված սառցալեզվակները, շարտում դրանք և ուշադրությամբ նայում, թե կապույտ սառցաբեկորները ինչպես են գլորվում ներքև:

Գրիգորին մոտեցավ վայրէջքին, ու շնչասուպա լինելով, խոպոտ ձայն տվեց որդուն:

— Միշե՛նկա... որդյա՛կս...

Միշատկան վախեցած նայեց նրան ու կախեց գլուխը: Հանձին այդ մորուքավոր և սարսափելի տեսք ունեցող մարդու նա ճանաչեց հորը...

Այն բոլոր սիրագին ու քնքուշ խոսքերը, որ Գրիգորին շնչում էր գիշերները, այնտեղ, անտառում հիշելով իր զավակներին,— այժմ նրա հիշողությունից դուրս թռան: Մունկ շոքելով, համբուրելով որդու կարմրատակած, սլաղ ձեռքերը, նա խուլ ձայնով լուկ մի բառ էր արտասանում.

— Որդյա՛կս... որդյա՛կս...

Հետո Գրիգորին գրկեց որդուն: Չոր, մուկդնաբար փայլող աչքերով ազահորեն նայելով նրան, հարցրեց.

— Ո՞նց եք... Հորաքույրդ, Պոլյուշկան ողջ-առո՞ղջ են:

Միշատկան դարձյալ առանց հորը նայելու կամացուկ պատասխանեց.

— Դունյա հորաքույրս առողջ է, իսկ Պոլյուշկան մեռավ աշնանը... բկացավից: Իսկ քեռի Միխայիլը ծառայության մեջ է...

Եվ ի՞նչ, ահա և իրականացավ այն նվազագույնը, որի մասին Գրիգորին երազում էր անքուն գիշերներին: Նա կանգնել էր հայրենական տան դարբասի առաջ, գրկել որդուն...

Դա այն ամենն էր, ինչ որ մնացել էր նրա կյանքում: Ինչ որ նրան դեռ կապում էր հողին ու սառն արևի տակ փայլող այս ամբողջ վիթխարի աշխարհին:

ՉՈՐՐՈՐԳ ԳՐԹԻ ՎԵՐՋԸ

Միխայիլ Շոլոխովի ԽԱՂԱՂ ԴՈՆԸ Գիրք չորրորդ

Шолохов Михаил Александрович ТИХИЙ ДОН Книга четвертая  
(На армянском языке)

Издательство «Советакан грох», Ереван-9, ул. Теряна, 91,  
Ереван — 1978

9,  
ш  
  
Հ  
ն  
կ  
Հ  
ւ  
ւ  
ւ

Խմբագիր՝ է. Բ. Քոռունյան, սուպերշապիկը՝ Ռ. Ս. Զուլեկյանի.  
Նկարիչ՝ Ան. Վ. Կասպադյան, գեղ. խմբագիր՝ Վ. Ա. Հաբուրյունյան, տեխ.  
խմբագիր՝ Կ. Գ. Սարգսյան, վերստուգող սրբագրիչ՝ Ն. Ն. Մինասյան:

ИБ № 131

Հանձնված է շարվածքի 17/XI 1977 թ.:

Ստորագրված է տպագրության 18/V 1978 թ.:

Քուղթ՝ № 1, 84×108<sup>1</sup>/<sub>32</sub>, տպագր. 17,5 մամ.=29,4 պայմ. մամ., հրատ.  
25,9 մամ.:

Պատվեր 2462:

Տպաքանակ 50000:

Գինը՝ 2 ռ. 50 կ.:

«Սովետական գրող» հրատարակչություն, Երևան—9, Տերյան 91:

ՀՍՍՀ Մինիստրների խորհրդի հրատարակչությունների, պոլիգրաֆիա-  
լի և գրքի առևտրի գործերի պետական կոմիտեի Հակոբ Մեղապարտի ան-  
վան պոլիգրաֆկոմբինատ, Երևան—9, Տերյան 91:

Полниграфкомбинат им. Акопа Мегарпата Госкомитета Совета  
Министров Арм. ССР по делам издательств, полиграфии и книж-  
ной торговли Ереван-9, ул. Теряна, 91: